

續修四庫全書

《續修四庫全書》編纂委員會編

續修四庫全書



上海古籍出版社

八〇三・史部・政書類

欽定大清會典事例一千二百二十卷（卷三百九至卷三百七十四）

〔清〕崑岡等修 劉啟端等纂……………一

2673/10

欽定大清會典事例卷三百九

禮部

視學 視學典禮 闕里講學 既集

視學典禮○凡

視學之禮。豫期由部疏請。行取衍聖公五經博士至聖裔五人。元聖周公裔四配十二哲裔各二人。乘傳赴京。暨各氏子孫列官於朝者。各官學師生。直省在京需次之進士舉人貢監生。咸與觀禮。內閣擬經書。國子監祭酒司業撰講章。均進呈。

欽定。至日。工部官張大次於大成門東。設

黃幄

御座於彝倫堂內。鴻臚寺設

御案於幄前少東。均南嚮。設講案二於左右東西嚮。

祭酒司業奉講章及進講副本。左書右經。各陳於案。

皇帝禮服乘輿詣學。儀與丁祭親詣同。

法駕鹵簿前導。前引後扈如常儀。祭酒司業率所屬官暨進士舉人朝服諸生公服跪迎於成賢街道右。

皇帝至廟門外。降輿入。太常寺卿二人恭導聖駕詣

大成殿釋奠於

先師孔子。儀詳中祀禮畢。出大成門。入大次更衣。王公以下咸更綵服。王公序立於大次之南。各官均先詣彝倫堂庭中。按朝班東西序立。衍聖公在東班之首。五經博士各氏後裔在班末。均東西面北上。記注官四人。立西階下東面。糾儀給事中御史各二人。鴻臚寺鳴贊二人。立東西階下。均東西面北上。宣

制官一人。立東檐下西面。祭酒司業率所屬官及進

士舉人肄業諸生序立太學門內。東西面南上。

禮部尚書奏請

行講學禮。太學鳴鐘鼓

皇帝出大次。至門外乘輿。導迎樂作。由太學中門入。

王公等隨入。祭酒以下。跪候

駕過輿。咸隨入。

皇帝至彝倫堂降輿。

御講帳升座。記注官升西階。立堂內右楹之西。糾儀

官升東西階。立東西檐下第三柱。鳴贊升立第

二柱。王公立階上。各官立階下。均東西面。鳴贊贊排班。行聖公率五經博士各氏後裔。祭酒司業率所屬官及進士舉人諸生。成就拜位北面。立贊進。眾進贊跪叩興。眾行三跪九叩禮畢。

賜王公暨行聖公大學士九卿坐。鴻臚寺官引由左右門入堂內。成跪行一叩禮。坐。翰詹四品以下官。國子監官。六堂諸學師儒。五經博士各氏後裔。進士舉人。肄業諸生。皆列東西階下。圍堂下聽講。鳴贊贊進講。滿漢祭酒二人由左門入。司業二人由右門入。均北面立。贊舉案。執事官舉

御案至  
御座前。

賜直講官坐。祭酒就東案西面。司業就西案東面。各行一叩禮。坐。滿漢祭酒以次講。四子書。司業講經亦如之。講畢。贊舉案。執事官舉

御案置原位。王公以下起立。祭酒司業出。率所屬官暨進士舉人諸生。就拜位北面立。禮部尚書奏

傳  
制。鳴贊贊有  
制。祭酒以下皆跪宣

制官乃進至中門左宣

制曰。聖人之道。如日中天。講究服膺。用資治理。爾諸生其勉之。宣訖。贊叩興。祭酒率眾行三跪九叩禮。先退。至成賢街恭候。

賜王公大臣茶。跪受。坐飲。各行一叩禮畢。由左右門出。就階下序立。禮部尚書奏禮成。

駕興。升輿。出太學門。導引樂作。祭酒以下跪送。如儀。皇帝還宮。次日。行聖公率五經博士各氏後裔。祭酒司業率所屬官暨進士舉人諸生。具表謝

恩。所司陳

法駕。由薄樂懸如常儀。王公百官成朝服會闕下。

皇帝禮服。御中和殿。執事各官行禮畢。

御太和殿。鴻臚寺官引王公百官就位。贊行三跪九叩禮。次引行聖公暨祭酒以下東西分班。各就拜位跪。宣表官奉表跪宣訖。贊行三跪九叩禮。

賜坐

賜茶。均如大朝之儀。是日。

賜行聖公內閣翰林院詹事府國子監各官。燕於禮部。五經博士各氏後裔暨執事官咸與。越三日。

頒

敕於太學。

詔諸生而策勵之。

賜行聖公貂冠朝服祭酒司業監丞五經博士各氏

在京官衣皆一襲各氏後裔太學六堂師生宗

學覺羅學。

咸安宮學景山學八旗學義學副管教長助教

習學生暨進士舉人白金有差增廣是科太學

鄉試中額送各氏後裔觀禮者入監讀書。○順

治九年定先期禮部具題差行人傳

旨宣召行聖公五經博士各氏後裔來傳赴京觀禮至

日。

世祖章皇帝幸太學行釋奠禮畢詣彝倫堂

御講帷國子監祭酒講四子書司業講經宣

制以勉太學諸生翼日行聖公及祭酒等上表行禮

賜行聖公內院翰林官祭酒司業五經博士各氏後裔

及禮部太常光祿鴻臚寺各執事官燕於禮部

越二日於

午門前

賜行聖公貂冠朝服滿漢祭酒司業錦緣領袖紵袍

監丞五經博士各氏後裔筆帖式紵絲袍助教

肆業生白金各有差各氏後裔並送監讀書廣

國子監鄉試中額十有五名又頒

敕諭一道勉勵諸生祭酒奉置綵亭率屬前導至太學

開讀祭酒率眾行禮畢刊刻懸設彝倫堂越三

日行聖公祭酒司業率五經博士各氏後裔及

學官諸生於

午門外謝

恩○十七年重修

文廟落成

視學禮儀與九年同○康熙八年

聖祖仁皇帝幸太學行釋奠禮講學於彝倫堂頒

敕諭一道

賜行聖公國子監祭酒以下與順治九年同各氏後裔

送監讀書者十有五人國子監鄉試廣中額八

名○雍正二年

諭帝王視學大典所以尊師重道為教化之本朕覽史

冊所載多稱幸學近日奏章儀注相沿未改此臣下

尊君之辭朕心有所未安今釋奠伊邁朕將親詣行

禮以後奏章儀注稱幸非宜應改為詣學○又

諭禮部。朕於三月內。舉行視學釋奠大典。行聖公例應陪祀。聞孔傳鐸有疾。且值守制之初。可令伊子弟一人來京。代伊行禮。欽此。遵

旨。議奏。行文聖公。將候襲嫡長孫並伊子弟。列名奏請。奉

旨。代行聖公。本應令伊嫡長孫行禮。但年尚幼。令伊等酌量一人。乃以次子候襲五經博士孔繼溥代行禮。續由部奏請。服色仍照本身品級。坐次在一品官之末。奉

旨。既代行聖公行禮。仍令在原班坐。○是年。

世宗憲皇帝詣學典禮。與康熙八年同。

賜行聖公國子監祭酒以下。皆如康熙八年。其在京進士舉人與觀禮者。與貢監生同

賜白金。各氏後裔送監讀書者十有五人。廣國子監鄉試中額十有八名。○乾隆二年

諭

先師孔子。聖集大成。教垂萬世。我

皇祖聖祖仁皇帝

皇考世宗憲皇帝

親詣辟雍。登堂釋奠。儒臣進講經書。諸生圍橋觀聽。雍

雍濟濟。典至盛也。朕祇承丕緒。嚮慕心殷。國學

文廟。特命易蓋黃瓦。以展崇敬。俟工程告竣之日。朕躬詣釋奠。用昭重道隆

師作人。造士至意。○又奏准。閔氏。冉氏。言氏。卜氏。顏

孫氏。端木氏。世襲五經博士。均照五氏之例。行

取陪祀。並取閔冉等氏各二人。赴京觀禮。○三

年。

高宗純皇帝視學典禮。與雍正二年同。重頒

教諭一道。四配十二哲後裔暨元聖周公裔東野氏。來

京觀禮者。三十一人。均送監讀書。廣國子監鄉

試中額十有八名。○是年。

召見行聖公暨五經博士各氏後裔等十有八人。奉

諭。爾等皆聖賢後裔。因朕視學來京。特行召見。爾等既

為聖賢之後。即當心聖賢之心。凡學聖賢者。非徒讀

其書而已。必當躬行實踐。事事求其無愧。方為不負

所學。况身為聖賢子孫。尤與凡人不同。不能實加體

驗。徒務讀書之名。實於祖德家風。不能無忝。爾等務

須勤思勉勵。克紹先傳。以副朕諄切期望之意。○

賜行聖公國子監祭酒以下。與雍正二年同。加

賜行聖公

賜行聖公

御製樂善堂文集。徽墨二匣。貂四。至聖後裔五人各貂

三。五經博士各貂二。文集徽墨同。又議准。觀

禮人員。聖裔母過二十人。四配裔母過八人。十

哲裔母過四人。務擇通曉文藝堪加培植者。由

衍聖公送部。如不得其人。任缺毋濫。

闕里講學。

皇帝特舉

幸魯盛典。展禮

先師。迺講學於

闕里。豫期。

命大臣偕衍聖公。遴選聖裔賢裔二人。充直講官。翰

林院撰擬講章。均奏請

欽定。前期一日。有司張大次於奎文閣前。設

御座於詩禮堂內。設

御案於座前。設

敕案於左楹之東。均南嚮。設講案於堂西檐下。東嚮

至日。翰林院官陳講章於

御案。進講副本於講案。內閣官陳

敕於

敕案。

皇帝龍袍。衣服乘輿。出行宮。詣

闕里

騎駕。鹵簿前導。前引後扈。如常儀。衍聖公。綵服。率

五經博士。暨各氏後裔。跪迎於廟門外道右。

皇帝至奎文閣前降輿。太常寺卿二人恭導。詣

大成殿。致祭於

先師孔子。

儀與丁祭

親詣同。禮畢。出同文門。至奎文閣。入

大次。少憩。隨

駕官暨地方守土官。序立於承聖門左。衍聖公以下

序立於承聖門右。禮部尚書奏請

行講學禮。

皇帝出大次乘輿。禮部堂官二人恭導。入承聖門。東

皆跪。候

駕過。興。地方官司道以下。俟立於門外。各官隨入。

皇帝至詩禮堂降輿。

升座。各官至庭中。仍按左右序立。大學士一人。立東

檐下西面。宣

敕官一人。立大學士後。鴻臚寺卿二人。鳴贊二人。立

兩階上。東西面。鳴贊贊排班。衍聖公。五經博士

各氏後裔。就西階拜位。立北面東上。贊跪叩興。



行三跪九叩禮畢。復位。贊進講。直講一人升自西階。詣講案前。一跪三叩興。東面立。講四子書訖。次直講一人詣案講經亦如之。皆退。復位立。鴻臚寺卿奏宣

教。行聖公以下詣拜位立。鳴贊贊跪。眾皆跪。大學士由堂左門入。奉

教。由堂中門循閣左出。授宣

教。官奉至階前。西面立。宣訖。降自中階。授行聖公。行

聖公祇受。授執事官。鳴贊贊叩興。行聖公率五

經博士各氏後裔行三跪九叩禮畢。鴻臚寺官

引各官出毓粹門。序立祇俟。禮部尚書奏禮成

駕興。乘輿。禮部堂官二人恭導。出毓粹門。詣

孔林行禮畢。備見吉禮還行宮。眾皆退。翼日。

賜行聖公蟒衣狐裘貂裘表裏書籍。五經博士書籍

衣幣。各氏後裔衣幣白金各有差。學政簡各氏

弟子員有文行者。貢入太學。其在仕籍者。均進

一階。增廣是年山東各府州縣入學名額。○康

熙二十三年定。宣講經書。以聖裔賢裔充進講

官。以大學士充宣

教。官。經書講章。由翰林院撰擬。均先期奏請

欽定。前期一日。恭設

教諭於大成門東詩禮堂內東旁案上。設講案於堂

西檐下。陳經書講章於案。屆期。

聖祖仁皇帝致祭

先師孔子禮畢。乃

御詩禮堂進講。講畢。宣

教

教曰。至聖之道。與日月並行。與天地同運。萬世帝王成

所師法。下逮公卿士庶。罔不率由。爾等遠承聖澤。世

守家法。務期型仁講義。履中蹈和。存忠恕以立心。敦

孝弟以修行。斯須勿去。以奉先訓。以稱朕懷。爾等其

祇遵母替。宣訖。謝

恩畢。

駕還行宮。各退。○是年。

賜行聖公蟒衣狐裘貂裘各一襲。表裏各五端。知曲阜

縣事。及五經博士。各氏後裔進士舉人貢監生

生員各銀幣有差。○乾隆十三年。

高宗純皇帝東巡。致祭

先師孔子。

御詩禮堂講學。典禮與康熙二十三年同。○又奏准。設

御案於詩禮堂

御座南陳講章正本於

御案。○又奏准東野氏閔氏冉氏言氏卜氏端木氏

各後裔照孔顏曾孟仲五氏之例同赴講堂聽

講。○是年。

賜行聖公蟒衣狐裘貂裘各一襲表裏各五端。

御製樂善堂文集。

御製日知薈說十三經二十一史明史唐宋文醇各一

部曲阜縣知縣五經博士各綵幣一端衣一襲

御製日知薈說朱子全書各一部各氏後裔在仕籍者

及進士舉人各綵幣一端衣一襲貢監生員衣

一襲。○又

論

先師修道立教天下萬世服習

聖訓咸有以自善其身况為子孫者乎卿以宗裔奉

祠紹封列爵既優崇矣當思淵源何自夙夜敬勉親

師嚮學以植始基慎言謹行以培德器循循詩禮之

教異日卓然有所成就允孚令望表率族黨俾當世

知

聖人之後能守家傳而勿替非徒章服之榮已也豈

知

不休哉其祇遵罔敷。○又

諭朕東巡至曲阜故禮

先師躬詣講堂瞻宗廟百官之盛衍聖公既優加賞

賚其餘聖賢後裔應一體加恩凡孔氏及十二氏子

孫官員著加一級進士舉人各賞銀十兩貢監生員

各五兩俾共沐榮恩鉅典。○又

諭朕躬詣闕里釋奠

廟堂車服禮器用慰仰止之思念魯國諸生素傳禮

教應加恩釐序廣勵人材山東通省入學額數著加

恩增廣一次府學大學增取三名中學二名小學一

名以廣

聖澤以光文治。○又

論

朕此次東巡加恩士類已令增廣入學名數復念十

三氏子孫遠承世緒濟濟膠序其中當有文學可觀

讀書立品之彥宜加甄拔以廣恩施其令該學政考

驗其文行兼優者數人咨送禮部貢入成均示鼓勵

焉。

臨雍。○

皇帝臨雍之禮既訖吉工部官設更衣

御帷於

大成門外之東。樂部和聲署設中和韶樂於

辟雍殿階下。設丹陛大樂於太學門內。設丹陛清

樂於大樂東。武備院設

寶座鋪陳。鴻臚寺設經書案一於

寶座前。又設講案二於

寶座下稍南。東西嚮。祭酒恭奉

御覽講章陳於案上。書左經右。奉進講副本。陳書於

左案。陳經於右案。進講滿大學士漢大學士各

一人。在左案西面。滿祭酒漢祭酒各一人。在右

案東面。左翼。王公四人。衍聖公內閣大學士及

吏部。戶部。禮部。通政使司。詹事府。堂官。滿漢各

一人。在進講大學士之後。西面。右翼。王公四人。

兵部。刑部。工部。都察院。大理寺。堂官。滿漢各一

人。在進講祭酒之後。東面。

起居注官四人。在西南隅亦東面。侍儀給事中御

史各二人。在東西檐柱內。聽講各官。在橋南甬

道東西。六堂師生。各序立堂階下。鴻臚寺。鳴贊

二人。立東西檐柱外。鳴贊官二人。立於階下。又

鴻臚寺官四人。分立

辟雍橋南左右。鴻臚寺官四人。分立太學門外左

右。皆東西面。屆時。太常寺卿奏請

皇帝具禮服乘輿出宮。

午門鳴鐘鼓。不齋戒。王以下文武各官。於

東華門外分翼排立。候

駕過。跪送。

法駕。鹵簿前導。不作樂。

駕出東華門。至成賢街。國子監祭酒司業率所屬官

俱朝服。諸生俱公服。於街左跪迎。陪祀王公大

臣百官俱朝服。先至大成門外祇候。隨

駕入。

皇帝至更衣。帷次降輿。贊引官一員對引官一員恭

導。俟

皇帝釋奠於

先師禮畢。乘輿。御彝倫堂。更衣服。各官咸更蟒袍補

服。王公大學士以下各官。衍聖公率五經博士

各氏後裔。祭酒司業率所屬官及肄業諸生。各

學教習進士舉人貢生監生。官學生。均先至

辟雍南。分東西班序立。

起居注官。侍儀給事中。御史。各按位立。屆時。禮部

堂官奏請

皇帝御辟雍。行講學禮。太學鳴鐘鼓。禮部堂官恭導前引後扈如儀。

皇帝御辟雍殿升座。中和韶樂作。奏盛平之章。對引禮部堂官前引內大臣。趨至前廊下立。侍衛於階下東西翼立。樂止。鳴贊官贊齊班。丹陛大樂作。鴻臚寺官分引行聖公進講大學士。五經博士。各氏後裔。在東班。祭酒以下各官。在西班。肄業諸生各隨東西班末。聽鳴贊官贊行二跪六叩禮畢。退復原位立。樂止。鴻臚寺堂官二員。分引進講官四人。由南橋升階。鴻臚寺官二員。分引王公。行聖公。大學士。九卿詹事由東西橋升階。俱入左右門。各就位立。鴻臚寺堂官退。就東西檐下立。

皇帝賜派出之講官坐。講官就位。一叩坐。王公大臣咸按班立。鳴贊官贊進講。進講之滿大學士。漢大學士。以次講四書。

皇帝闡發書義。宣示臣工。王公行聖公大學士以下及諸生跪聆畢。王公等及圓橋各官師生俱興滿祭酒。漢祭酒。以次講經。

皇帝闡發經義。各官及諸生跪聆亦如之。畢。王公及

各官師生俱興。進講官退。就橋南。偕司業以下各就拜位北面立。丹陛大樂作。鳴贊官贊跪叩。興行二跪六叩禮。以次退。樂止。進講之滿大學士。祭酒。漢大學士。祭酒。仍由左右門入就位立。國子監司業以下。及各官師生。俱先至成賢街序立祇候。

御前進茶。丹陛清樂作。皇帝賜進講各官及王公。行聖公。大學士。九卿詹事茶。俱行一跪一叩禮坐。

賜茶畢。樂止。鴻臚寺堂官引王公大學士以下各官自左右門出。至橋南東西序立。禮部堂官奏禮成。中和韶樂作。奏道平之章。

皇帝起座乘輿。出太學門。樂止。祭酒司業率所屬官暨進士舉人諸生跪送候。駕過興。各官咸退。○乾隆四十九年

諭稽古明倫設教典重學宮。國學為首善之區。興建辟雍。現在已屆落成。朕於明年仲春。釋奠禮成。即臨雍講學。所有應行典禮。著該衙門詳議具奏。○五十年高宗純皇帝親詣釋奠禮成後。臨辟雍。行講學禮。

命大學士講四書。祭酒講經。是日朝鮮使臣隨班觀禮。禮成。

賜行聖公貂冠朝服。

御論二篇。徽墨二匣。貂皮四張。陪祀五經博士各氏後。

齋緞各一卷。

御論各二篇。徽墨各二匣。貂皮各二張。進講大學士暨

祭酒司業緞袍褂各二卷。監丞助教等官緞各

一卷。肄業暨觀禮諸生三千八百八十八人均

賜白金。○又

諭。此次釋奠禮成。恰值春膏霑沛。深為欣慶。第念隨從

執事諸臣及觀禮多士。衣履霑溼。允宜廣錫恩施。所

有執事扈從之王公大臣。行聖公並文武官員。俱著

紀錄一次。其觀禮諸生及聖賢各氏後裔。並著查明

分別加恩賞賚。○又奉

旨。加賞聖賢各氏後裔五絲緞一百二十二卷。朝鮮國

使臣大緞二疋。八絲緞四疋。觀禮諸生絢三千八十

八疋。翼日。行聖公率五經博士各氏後裔。國子監

祭酒率所屬官暨諸生等。具表謝

恩如儀。○又

諭。朕此次釋奠禮成。臨雍講學。諸生觀禮。圍集橋門。允

宜廣錫恩施。以昭盛典。著於乾隆五十一年丙午科。順天鄉試四字號卷內。廣額十五名。用示嘉惠。膠庠

鼓勵人才之至意。○又奏准。此次陪祀貢生。照觀禮

貢生之例。以本身應考職銜掣籤註冊。其陪祀

之武生俊秀奉祀生。俱作監生。○又奏准。至聖

齋向例陪祀五人。皆曲阜籍。由行聖公帶領。此

次衢州孔氏。南宗五經博士。亦帶領二人。嗣後

定為曲阜五人。衢州二人。元聖齋向例陪祀二

人。係山東之東野氏。今陝西姬氏。添設五經博

士。定為東野氏二人。姬氏二人。有子齋陪祀二

人。由山東肥城有氏五經博士帶領。朱子齋向

例陪祀二人。今安徽婺源。福建建安。各有額設

五經博士。嗣後將原定二人。於安徽福建二處

分派。定為婺源一人。建安一人。○嘉慶二年。奉

太上皇帝教旨。明歲仲春。皇帝應舉臨雍視學之典。所

有一切事宜。著該衙門照例豫備。○三年。

仁宗睿皇帝臨辟雍。行講學禮。典禮與乾隆五十年同。

廣國子監鄉試中額十五名。

賜行聖公貂冠朝服。大緞四卷。徽墨四匣。貂四。進講滿

漢大學士八絲緞各四卷。祭酒八絲緞各三卷。

司業八絲緞各二卷。監丞助教筆帖式等官五  
絲緞各一卷。至聖後裔及五經博士並各氏後  
裔八絲緞各二卷。墨各二匣。貂二。觀禮諸生二  
千八百八十五人均。

賜白金一兩。○又覆准。行聖公之本生父係馳封虛銜

毋庸隨班聽講。○道光三年。

宣宗成皇帝親詣釋奠禮成後

御彝倫堂更衣服

親臨辟雍講學。王公行聖公大學士九卿詹事

起居注官入侍。至聖後裔五經博士各氏後裔及

學官進士舉人廩生貢監生等圍橋肅立

賜講官坐大學士進講。

宣宗成皇帝宣御論畢。王以下各官行三跪九叩禮。祭

酒司業率學官諸生謝

恩禮成。

賜行聖公貂帽一頂。朝服一襲。大緞四疋。徽墨四匣。貂

四。至聖後裔七人。五經博士十六人。各氏後裔

三十四人。八絲緞各二疋。徽墨各二匣。貂二。進

講滿漢大學士二人。八絲緞各四疋。管理國子

監事務一人。祭酒二人。八絲緞各三疋。司業三

人。八絲緞各二疋。監丞筆帖式助教等官五十  
一人。五絲緞各一疋。肄業生及在京觀禮進士  
舉人貢監生廩生八旗官學教習官學生三千  
三百二十八人。銀各一兩。各氏後裔送監讀書  
者四十人。觀禮聖裔及各氏後裔送吏部議敘  
頒發刊刻

御論二篇。○又

諭國子監祭酒司業等官。朕惟化民成俗。基於學校。興  
賢育德。責在師儒。矧夫成均首善之地。風勵天下。實  
始於茲。洪惟

列聖稽古。右文二百年來。人材蔚起。粵我

皇祖。肇建辟雍。鼓鐘之風。有邁前代。逮我

皇考。武功既歲。文德誕敷。朕嗣位之三年。聿修茂典。爰

於二月上丁。躬親釋奠。越六日癸丑。臨雍講學。圍橋

觀聽。雲集景從。朕甚嘉焉。夫學有本原。士先器識。漸

摩濡染。厥有由來。咨爾監臣。式茲多士。尚其端乃教

術。正乃典型。毋即於華。毋鄰於固。入孝出弟。擇友親

師。庶幾成風。紹休

聖緒。惟爾監臣。無曠厥職。○又

諭。朕此次釋奠禮成。臨雍講學。諸生觀禮。圍集橋門。允

宣廣錫恩施。以昭盛典。著於道光五年乙酉科。順天鄉試四字號卷內廣額十五名。用示朕嘉惠膠庠。鼓勵人材之至意。咸豐三年。

文宗顯皇帝親詣釋奠禮成後。

臨辟雍行講學禮。與道光三年同。各氏後裔陪祀者三十六人。均送監讀書。觀禮者九十三人。議敘及准作貢監生如例。頒發刊刻。

御論二篇。又奉

旨。是日如遇雨。著照乾隆五十年加賞例加賞。又

諭。朕此次釋奠禮成。臨雍講學。諸生觀禮。圓集橋門。允

賞廣錫恩施。以昭盛典。著於咸豐五年乙卯科。順天鄉試四字號卷內廣額十五名。用示嘉惠膠庠。鼓勵人材之至意。

欽定大清會典事例卷三百十

禮部

巡幸 扈從迎送

南巡

扈從迎送。凡

巡幸之禮。

皇帝省方觀民。

特舉時巡盛典。既諏吉。王公暨內閣部院府寺監各官。均列名具奏請

旨。扈蹕。先期一日。遣官以

巡狩祇告

奉先殿。至日。鑾儀衛陳

騎駕。鹵簿於

鑾輿所出禁門外。

皇帝御征衣乘輿出宮。領侍衛內大臣前鋒護軍統

領率禁旅。翊衛。扈蹕諸臣。皆征衣乘騎。以次隨

發。王公百官。咸綵服跪送。內閣學士。率中書恭

奉

御寶以從。部院有執事者。攜

行在印備用。

鑾輅所經。禁隨

駕官弁軍士擾吏民踐禾稼。內務府供御營器用。守土官動公帑。備糗糧芻茭。有藉端科斂者。論如法。直省將軍督撫提鎮及所屬文武官弁。咸朝服各於所治境外恭迎道右。紳士耆老隨遠近跪迎。既駐蹕。督撫提鎮率屬朝於行營正門之外。至巡省之方。翼日。望秩於方嶽及祭古昔帝王功德隆重者。先師皆親詣行禮。境內山川先賢名臣忠烈祠墓。並遣官致祭。駐蹕行營。日覲封疆大吏監司郡縣。諮詢風土人情。臨視河防。指授方略。召試陳詩獻賦之士。拔其尤者。量授以官。親閱方鎮重兵。以辨將備軍士材武。經過州縣。賜復蠲租。存問高年。賞賚各有差。
--

皇帝回鑾。守土官於所治境外跪送。其在京供職之王公。文職京堂武職副都統以上。暨內廷供奉。記注翰林科道等官。咸綵服出郊外跪迎。駕還宮次日。遣官以回鑾祇告。奉先殿如初禮。○順治八年定。凡遇聖駕巡幸。別造香寶攜行。六部都察院鑿儀衛等衙門官。行幸扈從。各由禮部別鑄一印。加行在二字攜用。持遣侍衛等。均用鑿儀衛印。○又定。鑾駕啟行。鹵簿樂器照常陳設。內大臣侍衛等。均於駕後分隊隨行。每隊馬首排齊。前後相距丈許。各隊伍毋許越次。遇狹隘處。候前隊過畢。後隊方行。不得混爭。若奉旨傳後隊侍衛等官。由兩旁進退。不許衝入儀仗侍衛等官從人。均在後隊隨行。若侍衛等官易馬。至後隊易畢。馳入本隊。○又定。巡幸時。王貝勒等遇
---



乘輿。即令執事迴避候

駕過。乘馬隨行。扈從王貝勒等隨從人員。各照定數於

大清門外祇候。

駕出。王等在旁稍後隨行。王等各隨護衛三人。按該

王等左右翼隨行。其餘護衛各依旗分次序排列於

駕後隨行。王貝勒等若赴

御前。止許親身從旁入。

召問則勒馬稍後。欠身恭對。如易馬。至隨從人員處

易畢隨行。或赴

駐蹕所。於三十餘丈外下馬。○又定。扈從大臣官員

候

駕過。並王貝勒等護衛過畢。按各旗次序隨行。若

召問時。從旁入。勒馬稍後。欠身恭對。赴

駐蹕所。於六十餘丈外下馬。○又定。

聖駕巡幸。隨

駕及不隨

駕。王貝勒等。咸盛服恭詣

太和門候

駕出宮。於金水橋兩旁序立。

駕至。跪候。

駕過隨行。其不隨

駕。貝子以下文武各官及隨

駕。都統。咸盛服於

午門外常朝處兩旁序立。

駕出

午門。皆跪候

駕過。扈從之都統隨行。不隨

駕。王以下都統以上送

駕。候

旨乃退隨

駕。護軍統領副都統參領等。各率本旗官兵於

駕出之門外排列。跪候

駕過。各照旗按隊隨行。

回鑾至

京師日。在京王貝勒等。咸朝服於

午門外兩旁序立。貝子以下文武各官。咸朝服於

午門外常朝處兩旁序立。

駕入

端門。王以下各官皆跪。候

駕過。王貝勒貝子公等隨進

午門。

駕還宮。皆退。○又定。

行幸處外藩王公等來朝。如設燕大臣會集。鳴贊官

贊禮。不設燕。則大臣不集。行禮時不贊。

命坐。行一叩禮。按品序坐。○又定。

乘輿經過地方。文官知縣以上。武官守備以上。在百

里內者。咸朝服於道右百步外跪迎送。百里外

者免其迎送。

駐蹕處。地方官不許進獻。違者治罪。○又定。

行幸時。內外官員迎送。

聖駕。均由禮部具題請

旨。○康熙十年題。在凡遇

聖駕巡幸。官員迎送。由鴻臚寺具題。○十四年題。在

恭迎

聖駕。百里內官員一次不到者。罰俸一年。二次降二

級調用。

南巡。○康熙二十三年。

聖祖仁皇帝南巡。前期頒

詔天下。凡經過地方。各有加

恩。親王以下。宗室覺羅。內大臣侍衛。內務府武備院。上

駙院鑾儀衛各官。及各旗護軍統領。前鋒統領

等官。均由

欽命扈從。其各衙門扈從官。內閣滿漢大學士各一人。

滿學士一人。漢軍侍讀學士一人。滿侍讀一人。

滿中書九人。漢中書二人。翰林院掌院學士二

人。侍讀學士滿漢各一人。詹事府滿詹事一人。

起居注館滿主事一人。吏部滿尚書一人。郎中二

人。戶部滿郎中一人。員外郎二人。禮部滿尚書

一人。滿郎中二人。員外郎二人。兵部滿郎中二

人。員外郎二人。主事一人。刑部滿郎中一人。員

外郎一人。工部滿尚書一人。滿郎中一人。員外

郎四人。主事二人。都察院滿左都御史一人。御

史二人。吏工二科滿給事中二人。太常寺滿卿

一人。漢寺丞一人。滿典簿一人。讀祝官二人。贊

禮郎六人。光祿寺滿少卿一人。滿署丞二人。太

僕寺滿少卿一人。鴻臚寺卿滿漢各一人。滿少

卿一人。鳴贊四人。國子監滿祭酒一人。漢助教

一人。欽天監滿監正一人。靈臺郎一人。漢五官

正一人。博士一人。太醫院御醫二人。吏目三人。各衙門筆帖式及各執事人員。均豫行委出。按次隨行。

駕發京師日。

大駕鹵簿。照常陳設。隨從不隨從王以下文武各官。各跪送隨行如常儀。所過地方。鴻臚寺官先期傳知百里以內地方官。率本地鄉紳士民迎於十里之外。本地鎮守滿漢官軍整隊伍。亦於十里外恭迎候。

駕至跪迎跪送。均如常儀。至山東泰安州。今改府。

親祭

岱嶽。渡黃河。道官祭

河神。至江南江甯府。

親祭

明太祖陵

諭江南督撫。江南風俗奢華。務令潔己愛民。敦本尚實。

勒碑於江甯蘇州安慶三府。○二十八年。

聖祖仁皇帝南巡先期

諭朕歲歲巡幸。曾允淮揚士民所請。疏濬下河。前已興工。尚稽底績。屢經廷議。請朕親行閱視。今特詔吉南

巡躬歷河道。兼欲觀覽民情。周知吏治。所至沿途供億。皆令在京所司儲備。一切不取之民間。即有日用應需。該衙門於所在地方。照市價平買。不許錙銖抑勒小民。猶恐地方官吏。不能悉體朕懷。藉名科派。供應。今特頒諭嚴飭。如有悖旨藉端私徵者。查實即以軍法從事。地方文武大小官員。不許與扈從官員指稱交戚。軌通餽遺。違者並以軍法從事。其扈從大小官員及隨往僚役。如有生事擾民者。一併從重治罪。○又

諭朕閱視河工。巡省地方。恐有司分煩百姓。著行入督

撫嚴飭地方官。所過道途。停止修治。○又

命部院本章。仍日送內閣。內閣彙齊。三日一次。驛送

行在辦理。

駕至山東

親率文武諸臣望祭

岱宗。蠲山東二十九年正賦入江南境。

閱視河工。至揚州府。

諭朕省察黎庶疾苦。兼閱河工。巡幸江南。便道至浙。觀風問俗。簡約儀衛。鹵簿不設。扈從者僅三百餘人。項經淮揚。民間結綵歡迎。盈衢溢巷。雖出恭敬愛戴之

忱恐致稍損物力。甚為惜之。朕視宇內編氓。皆吾赤子。惟使比戶豐饒。即不張結綵幔。朕心亦所嘉悅。前途經歷諸郡邑。宜體朕意。悉為停止。又見百姓老幼男婦奔走雜遝。瞻望恐後。未免誼誼擁塞。念此行原以為民。不嚴警蹕。但人眾無所區別。高崖水次。或有傾跌之虞。一夫不獲其所。足軫朕懷。此後止於夾道跪迎。毋得紊亂。追趨致有諸患。○至杭州府。

諭朕稽古省方。咨求治理。閱視河道。期底平成。凡有利於民生。必令羣需實惠。念政治所先。在崇文教。江南浙江為人文萃集之區。入學額數。應酌量加增。永昭

宏獎。江甯鎮江杭州駐防滿洲漢軍兵丁。鎮守要地。久歷歲時。深用軫念。應加恩賚。以彰優恤。自南巡以來。所經過地方官員。除八法處分及列款糾劾外。凡因公註誤降級留任者。俱准與開復。降級調用者。著帶所降之級留任。其經過地方。現在監禁人犯。除十惡及詔款所不赦等罪。並官員犯賊者不宥外。其餘自康熙二十八年二月十一日以前死罪及軍流徒罪以下。已結未結。俱准寬釋。以示朕赦罪宥過之意。備辦船隻地方各官。效力勤勞。著該督撫會同奉差官員確查具題。各加一級。緯夫供役勞苦。亦著該督

撫查明人數。量給恩賞。朕廩念民依。特蠲租賦。總期實德潤澤蒼生。近見民間有建立碑亭稱頌德意者。雖出羣黎感戴之誠。但恐各郡皆然。未免致損民力。誠使閭閻殷阜。則裨益良多。碑亭何與焉。嗣後亦宜停止。江浙錢糧既經蠲豁。猶慮有不肖有司。藉端詞訟。朕削民生。著該督撫嚴行禁飭。至各處權關原有則例。朕舟行所至。諮訪過關商民。每不難於輸納額稅。而以稽留關次不能速過為苦。權關官員。理宜遵奉屢次諭旨。恤商惠民。豈可反貽之累。自今應力除積弊。凡商民抵關交納正稅。即予放行。毋得稽留苛勒。以致苦累。朕早夜孜孜。惟冀官吏軍民士農商賈無一人不獲其所。故於民生吏治。圖維區畫。務極周詳。爾等可即傳諭。俾一體奉行。稱朕意焉。○

賜扈從王大臣侍衛及部院諸臣銀幣。至會稽山。

親祭

禹陵。至江甯府。

親詣

明太祖陵致祭。

回鑾至淮安府。

閱視高家堰一帶隄岸。

指授河臣方略。○三十八年。

聖祖仁皇帝奉

孝惠章皇后南巡。

諭朕撫馭寰區。四方無事。獨淮黃兩河為患。屢遣大臣督理。竟無成功。今諸臣請朕親臨指示。因命擇吉南行。親加詳勘。至於吳越襟帶江湖。亦為省耕勸俗。凡來往所需諸物。皆由京師備辦。即沿途日用。亦令各該衙門照時價採買。並無纖毫擾民。僕官吏有私行派取者。查出即以軍法從事。其扈從官員。隨行僕從。橫生事端。一併從重治罪。所經地方。百姓不必迴避。

照常貿易耕耘。行令該督撫示諭各府州縣。○

駕發京師。奉

孝惠章皇后由水路行。至清河。

御舟前進。

臨閱高家堰歸仁隄等隄防畢。回至清口。迎

孝惠章皇后舟渡河。復

臨視黃河隄岸。至蘇州府。

諭前京口接駕兵丁。朕恐踐傷麥田。盡行遣還。今往浙

省。塘路狹隘。不必設兵扈從。又百姓欲睹朕顏。踰疇

越陌。塞道聚觀。不必禁止。但令遵令而行。○至江甯

府。遣官祭

明太祖陵

親詣奠酒。

回鑾渡黃河。

閱視新埭。

閱河標兵丁射。○又奉

旨。截留漕糧二十萬石於被水地方平糶。蠲免江南浙

江累歲逋賦。寬免兩省官吏降罰。軍民犯死罪

以下。概予釋宥。

賜杭州駐防八旗年七十以上老婦白金。有差。減免各

關稅及鹽課增額。○四十二年。

聖祖仁皇帝南巡。由

暢春園啟行。至泰安州。今改府

登岱。遣領侍衛內大臣於

嶽廟致祭。蠲山東州縣四十一年未完額賦。其東平

六州縣並蠲本年正賦。入江南境。沿途

閱視河隄。至蘇州府。

命鴻臚寺卿傳諭本地官員。准其來朝。浙江官員到杭

州時來朝。駐江甯。遣大學士祭

明太祖陵。又

命皇子往奠酒。

回鑿以河工告成頌

詔天下。四十四年。

聖祖仁皇帝南巡

諭。朕廩念民生。加意河道。屢行親閱。隨宜指示。以圖經久。乘茲仲春解凍。減從輕裝。循河南下。往返皆用舟楫。不御室廬。經過地方。不得更指稱繕治行宮。妄事科歛。其日用所需。俱自內廷供御。從無纖毫取辦於民。前此屢次南巡。閭閻皆所深悉。儻有不肖官吏。藉名豫備。擅動官帑。並圖日後加派補償。以為巧取侵漁之地者。事覺。嚴行治罪。決不寬宥。所在官吏私飽。扈從人員及隨行人役。生事擾民者。俱如前旨。以軍法從事。姦民挾私控訐者。從重治罪。

駕發京師。至通州張家灣登舟。由山東入江南境。

臨視河工。至蘇州府。恭逢三月十八日

聖誕。百姓爭獻食物奉

旨。朕因閱視河工。巡訪風俗而來。一切用物。皆辦自內府。所過地方。絲毫無擾。爾等毋庸有所進獻。至松江府。

江府。

御書扁額對聯。

頒賜青浦孔宅

諭江南學臣。朕臨幸松江。道經青浦。據該邑貢監生員等奏稱。青浦之北。地名孔宅。自漢時至聖苗裔避地居此。奉至聖衣冠葬焉。朕念孔子萬世之師。既有遺蹟。亟宜表彰。因親書扁額對聯。以示尊崇。著選良工摹刻頒發。至浙江杭州府。

諭。朕頃因親閱河工。濟江而南。見民生殷繁。菜畦麥隴。遠近彌望。可見豐穰。朕心用慰。凡車駕臨幸。必沛恩膏。各省錢糧。屢次遞蠲。浙江本年正賦。又經全免。惟是刑獄民命攸關。今父老子弟夾道歡迎。獨身陷囹圄之人。自新無路。朕甚憫焉。浙閩兩省罪犯。除詔款所不赦外。其餘死罪以下。悉減等發落。至江甯府。

親祭

明太祖陵。自蘇州過江甯。凡

御試士子者三。中選者給白金。令赴京錄用。有差。又奉旨。江南山東地方所屬人犯。照浙閩例減等。

回鑿至清河。

臨閱高家堰河隄。四十六年。

聖祖仁皇帝南巡

諭。朕念淮黃兩河工程。為東南要務。屢次躬臨河上。相

度指示。一切修防疏濬業已次第奏功。昨歲河漕督撫諸臣詳勘地形。請於溜淮套別開河道。直達張福口以分淮勢。朕欲即令動帑興築。而督撫諸臣又以事關創建。合詞請朕親閱。九卿等集議復再三陳請。朕以諸臣之言奏聞。

皇太后祇遵

慈命。擇於本年正月二十二日啟行閱河。舟楫往返。不御室廬。日用所需。取辦內府。經過府州縣。毋得更以豫備行宮。供設御用。冒侵庫帑。科斂閭閻。儻有不遵。事覺定嚴加治罪。其文武大小官員。私相餽贈。像從

人役。生事擾民。及姦惡挾私告訐者。皆如屢次諭旨。重處不宥。即行令各該督撫通飭所屬。俾咸知悉。

御身至臺莊。令耆老近前。問以農事生計。

諭令士民停止進獻食物。

駕至江甯府。遣大學士祭

明太祖陵

幸演武場閱射。又

親謁

明太祖陵

賜扈從大臣侍衛護軍及執事人等金幣有差

賜將軍總督副都統巡撫總兵等貂帽貂裘馬匹等物。

至蘇州府。遣官祭

真武

東嶽

城隍之神。蘇州百姓萬餘人。集

行宮前。進表叩祝

萬壽。

賜江蘇巡撫貂帽貂裘。至松江府。

幸演武場閱射。

賜提督

御書衣帽鞋帶及弓矢韋馬。扈從大臣侍衛護軍執事人等金幣有差。至杭州府。

賜將軍福建將軍閩浙總督浙江提督福建水陸提督

巡撫副都統。衣各一襲。扈從大臣侍衛護軍執

事人等白金有差。又

諭朕因視河駐蹕淮上。涉江而南。巡省風俗。所至郡縣

見雨暘應時。麥苗蕃殖。比閭樂業。可冀盈寧。雖山東

一路尚未悉睹。而江浙田疇鬱蔥在望。深愜朕懷。方

二麥垂熟。正將刈穫之時。一切扈從人員。皆以次舟

行。不致蹂躪。誠恐百姓沿途迎送。老稚扶攜。動盈千

萬越阡度陌。不無踐傷。朕心甚為軫惜。凡所過地方。悉令停止迎送。○乾隆十四年

諭。江省督撫等以該省紳耆士庶望幸心殷。合詞奏請。南巡。朕以鉅典攸關。特命廷臣集議。今經大學士九卿等援據經史。且仰稽

聖祖仁皇帝六巡江浙。謨烈光昭。允宜俯從所請。朕軫切民依。省方問俗。郊圻近省。不憚躬勤。鑿輅。江左地廣人稠。素所廛念。其官方戎政河務海防。與凡閭閻疾苦。無非事者。第程途稍遠。十餘年來。未遑舉行。屢當敬讀

聖祖實錄。備載前後南巡恭侍

皇太后鑾輿。羣黎扶老攜幼。夾道歡迎。交頌

天家孝德。心甚慕焉。朕巡幸所至。悉奉

聖母皇太后游賞。江南名勝甲天下。誠親掖

安輿。眺覽山川之佳秀。民物之豐美。良足以娛暢

慈懷。既詢謀僉同。應允從所請。但朕將以明年秋幸五

臺。經太原。歷嵩洛趙魏。回鑾已涉冬令。南巡之舉。當

在十六年春。正我

聖母六旬萬壽之年也。將見巷舞衢歌。騰歡獻

祝。稱朕以天下養之至愛。上以廣承

歡之慶。下以慰望幸之忱。益深嘉悅。屆期諏吉。以聞。嚮

導人員。朕酌量先期簡命前往。清蹕所至。簡約儀衛。諸凡出自內府。無煩有司供億。至行幸宿頓。不過偶一經臨。即暫停亦不踰旬日。前歲山左過求華嚴。多耗物力。朕甚弗取。曾經降旨申飭。明歲晉豫等省。以及江南。皆不可仿效。至名山古蹟。南省尤多。亦止掃除潔淨。足備臨觀而已。毋事崇飾。儻有頽圯。隨宜補葺。悉令動用官項。且有鹽政存公之項。可以報銷。但當據實。不得任有司浮冒。其民間張燈結綵。

聖祖嘗以為戒。載在方策。宜共恪遵。其慎毋以華侈相

尚。所司通行曉諭。○又

諭。聞浙總督浙江巡撫奏請臨幸浙省。閱視海塘。前因

江南督撫等奏請南巡。特命大學士九卿會議。詢謀

僉同。業經降旨俞允。江浙鄰封接壤。均係

聖祖屢經臨幸之地。且海塘亦重務也。今據該省士民

感恩望幸。羣情踴躍。督撫合詞代奏。宜允所請。於十

六年春南巡。便道前至浙省。臨視塘工。慰黎庶瞻依

之意。所至不煩供億。毋事興修。毋尚華靡。已詳具前

旨。其共喻焉。○十五年

諭。明歲恭逢



聖母皇太后六十萬壽之年。朕於新正恭奉

慶典。巡幸江南浙江。省方觀民。入疆考績。式遵

祖烈。慶典斯行。東南父老。共效嵩呼。洵昇平之盛事。惟

念江浙二省。襟帶江湖。程途稍遠。自

皇祖聖祖仁皇帝南巡以來。

異數隆恩。昭垂史冊。迄今四十餘年。朕俯從望幸之忱。

倍切勤民之隱。前於大學士九卿等議准。兩江總督

等奏內。已降旨諄切曉諭。又特遣嚮導大員等。前往

西傳諭旨。務從儉約。一切供頓。絲毫不累民間。凡地

方大吏。職在旬宣。自能仰體朕心。遵旨辦理。但恐地

方有司奉行不善。或窮鄉僻壤未及周知。是用再行

申諭。各該督撫及所屬官民人等。尚其懍遵前旨。共

期搏節。以敦善俗。以導淳風。如所在行宮。與其遠購

珍奇。雜陳玩好。不如明窗淨几。灑掃潔除。足供信宿

之適也。經過道路。與其張鎗結綵。徒侈美觀。不若葺

屋茅檐。桑麻在望。足規盈寧之象也。聞閭通衢。人煙

稠密。正以見懋遷有無之樂。不得因道路湫隘。俾遷

移廬舍。或致商民失業也。朕翠華所及。念切民依。惟

期宣達羣情。勤求治道。上以奉

慈顏之悅豫。下以答黎庶之瞻依。凡屬虛文浮費。概宜

裁減。

實力屏除。用光鉅典。其扈從滿漢文武大小官員侍

衛等。皆當奉公守法。不得與地方官往來交際。潛通

餽遺。兵丁以及隨從人等。著該管大員各嚴加約束。

經行所至。不得稍有滋擾。春苗徧野。毋得踐踏。違者

從重治罪。務令白叟黃童。並霑膏澤。共樂恬熙。副朕

問俗觀風行慶施惠之至意。○又

諭朕明歲南巡江浙。省方問俗。務使民商樂業。肆不改

廬。如京口諸處。為南北咽喉。百貨叢集。舳舻銜尾。皆

民間日用所資。不可稍有闕缺。恐地方有司因御舟

將至。惟使河道肅清。先期於各處早為攔阻。以致商

賈裹足不前。市價昂貴。於民生殊多未便。著速行傳

諭各該省督撫酌量辦理。止可於三五日期稍令避

入支港。俟過即放過行。以副朕便民恤商至意。○十

六年正月。

高宗純皇帝奉

孝聖憲皇后南巡

駕發京師。

諭。向例慶典巡幸。經過地方官員應行接駕。由鴻臚寺

具奏里數請旨。臨時該寺帶領接駕。至駐蹕後復奏

聞帶領行禮。朕入疆考績。地方大吏隨營行走。不時

具奏。

召見。即州縣各官凡有承辦差務者。業已於路旁隨便跪接。此皆不在帶接行禮之列。其帶接行禮者。非散員即武弁教職充數之人。此何為者。而鴻臚寺官員先期傳示。不免滋擾。嗣後凡應接駕人員。止令鴻臚寺在京奏請里數。得旨行知。其一切繁文及接駕後赴鴻臚寺投遞職名。概著停止。以示朕行簡務實之意。

乘輿經過山左。遣官致祭

岱宗

先師孔子

元聖周公。至江南境。遣官致祭

河濱

淮濱

江濱。至淮安府。

諭。朕經過淮安。內外皆水。雖有土隄為之防。而人煙湊集之區。設經異漲。其何以堪。甚覺怵然。亟應改建石工。以資保障。著河臣會同總督及時建築毋忽。又諭。此次隨從人等。至順河集登陸後。所用舟楫。令其各回生理。恐插口壅滯。多被攔阻。窮苦船戶。回空並無雇值。停泊之後。何以資生。著遣侍郎一人會同將軍

總漕等。來往順河集清江浦一帶。將此項回空船。於二三日內令其盡行過插。以示體恤。○至蘇州府。

諭。朕命駕時巡。周覽風俗。觀民察吏。惟日兢兢。三吳尤素所廩念也。粵自我

聖祖仁皇帝巡幸東南。先後六舉。歷今四十餘年。盛典昭垂。衢謠在耳。頃者入境以來。白叟黃童。扶攜恐後。就瞻愛戴。誠意可嘉。朕已疊沛恩膏。廣敷渥澤。惟念大江南北。土沃人稠。重以百年休養。戶口益增。習尚所趨。蓋藏未裕。紛華靡麗之意多。而樸茂之風轉有未逮。夫去奢崇實。固閭閻生計之常經。而因時訓俗。以宣風而布化。則官茲土者之責也。其當勵乃實心。以行實政。無忝教養斯民之任。凡茲士庶。更宜各敦本業。力屏浮華。以節儉留其有餘。以勤勞補其不足。時時思物力之艱難。事事惟侈靡之是戒。將見康阜之盛益臻。父老子弟。共享昇平之福。朕清蹕所至。有厚望焉。○又

諭。朕向來巡幸地方。惟修治道途。此外一無華飾。自乾隆十三年東巡。該撫等於省會城市。稍從觀美。後乃踵事增華。雖謂巷舞衢歌。輿情共樂。而以旬月經營。僅供途次一覽。實覺過於勞費。且耳目之娛。徒增喧

朕心深所不取。第見先期業經豫備。今歲恭遇皇太后萬壽。兆庶亦藉以申祝嘏之忱。是以俯順民情。

至朕待督撫有司。惟因其能實心辦事。令地方日有起色。方加恩獎。予而不知朕心者。未必不以辦差華

美。求工取悅為得計。將玩視民瘼。專務浮華。此風一開。於吏治民風所關甚大。嗣後概不准行。違者以違

制論。○至浙江。

親詣

禹陵致祭。

命擇奴氏子。姓有品行者一人。授八品官。世襲奉祀。遺

官祭

南鎮

海神廟。

御試浙江進獻詩賦士子。中選者三人。至江甯府。

親詣

明太祖陵致祭。

御試江蘇安徽進獻詩賦士子。中選者六人。進士舉人

授內閣中書。遇缺即補。生監考中者。特賜舉人。授內閣中書。與考取候補

人員一體補用。二十二年以後。南巡同。

回鑾。

閱視黃河南北岸隄埽各工。○是年先期奉

諭。截留江浙漕糧十五萬石減價平糶。蠲免乾隆元年

至十三年江蘇積欠地丁銀二百二十八萬兩

有奇。安徽積欠地丁銀三十萬五千兩有奇。乾

隆十六年浙江地丁錢糧三十萬兩。經過直隸

山東地方。蠲免正賦十分之三。山東災民借穀

分為五年帶徵。鄒平等縣從前帶徵未完穀九

十七萬五千餘石。概行蠲免。經過江蘇所屬之

宿遷清河桃源三縣被災貧民所借籽種。免其

徵還。浙江温台等屬上年被災之處。已賑者更

予加賑。直隸山東江浙辦差營汛兵丁。各賞兩

月餉。江南牽纜河兵。加賞一月餉。

鑾輿所至。存問高年。駐防官兵年七十八十民間男婦

年七十以上者。均分別賞資。在籍官紳遠迎

聖駕。隨時賞資。或量給職銜。或以原官起用。江甯蘇州

浙江會城書院。

特頒武英殿所刊之十三經二十二史各一部。資髦士

稽古之學。增取江蘇安徽浙江本年歲試文章

府學及州縣大學五名。中學四名。小學三名。○

二十年

諭朕自乾隆十六年巡幸吳越。迄今已閱五載。前降旨於明歲春月展謁

孔林。禮成之後。故奉

聖母皇太后鑾輿。順道前往江浙。以抒勤民之隱。而慰望幸之忱。朕省方觀民。入疆考績。惟期勤求實政。宣達羣情。一切供頓。俱出內府。絲毫不以擾民。地方官毋得指名儲備。令衆商捐輸。及扣各屬養廉。查出定行嚴加究處。前者巡幸南省時。屢飭各督撫務從簡樸。而所至尚覺過於華飾。喧混耳目。此次行宮及名勝憩息之地。悉仍舊觀。但取灑掃潔除。毋得增一椽

一瓦。毋陳設玩器。城市經途。毋張燈演劇。踵事增華。巡覽所及。各督撫等果能綏輯井疆。康乂蒸庶。俾人敦禮讓。俗慶豐寧。朕自深為嘉悅。若其徒事華靡。致飾觀美。耗有用之財。侈無益之費。適以自滋咎戾。甚無取焉。各督撫及所屬官民人等。尚其善體朕心。以副朕觀風問俗行慶施惠之至意。○又

諭朕時巡江浙。已屢降旨。令該督撫等毋事浮靡。務從簡樸。並飭禁一切商捐陋習。乃聞前次南巡時。浙省辦差。至有當商捐費者。此斷不可。著再行曉諭。嚴加禁止。朕清蹕所經。觀民間俗。關政治之大端。即動用

數十萬正帑。亦何不可。而必取給於捐項乎。該督撫等宜仰承德意。撫恤黔黎。苟徒以鋪張華麗。炫溷耳目。至派累各商鋪戶。使不肖胥役。乘機滋擾。侵肥。是以惠民之典。而轉以累民。豈朕巡幸本意。亦豈所以慰兆庶望幸之忱耶。若仍出此。朕惟引以為戒。不當俯從所請矣。如西湖中船隻。自

皇太后及朕御用一二舟外。其隨侍人等。原可各載小艇。毋庸多備船座。以滋糜費。再所過城市民居。因迎候鑾輿。各出誠敬之意。於其門前香燈懸綵者。自可不禁。其行宮陳列玩器。蘇揚城郭街衢。聞張設棚幔。已有旨禁飭。至沿途水次。從前俱設燈船戲船臺閣。俚俗游玩之具。此不過地方吏役及民間游手好事之徒。藉名科斂。尤當通行嚴禁。○又

諭前經降旨於明春躬詣

孔林。虔申祭告。爰允江浙臣工暨該督撫等奏請便道南巡。近聞八九月以來。江蘇所屬各州縣衛卑下之地。秋霖致潦。兼有蟲傷。亟宜賑恤。現命截漕撥粟多方儲備。毋令小民稍有失所。但稽查散賑。必須地方官親身經理。春閒青黃不接之時。尤為緊要。若因除道迎鑾。而賑給稍有遺濫。使澤不下逮。究非朕意

也。夫巡省本以勤民辨差與賑務孰重。南巡俟明歲西成有秋。該督撫等再行請旨。二十一年

諭。昨歲江浙督撫等據士民呈詞。籲請南巡。朕已降旨

俞允。後因江蘇所屬偶被災。地方各官皆有應辦

賑務。朕恐伊等因除道清塵之役。轉於民事稍有妨

誤。則殊非朕眷顧羣黎之本意。復經特諭停止。今據

兩江浙省督撫諸臣等合詞奏稱。西成有慶。臣民望

幸實深。懇請於明歲再舉巡幸之典。南省民風吏治。

時塵朕懷。茲當歲美人和之後。省方觀民。入疆考績。

正可抒朕勤民之隱。而高堰隄工告竣後。亦當親加

察看。著允該督等所請。於明春時巡。至於一切供帳

頓次。絲毫不以累民。地方官承辦差務。寧樸勿華。從

前所降諭旨甚明。該督撫等其善體朕心。以副朕觀

風問俗加惠斯民之至意。二十二年春。

高宗純皇帝奉

孝聖憲皇后南巡。

駕發京師。至山東。遣官祭

東嶽

先師孔子闕里

元聖周公廟。至江南境。遣官祭

元聖周公廟。至江南境。遣官祭

河濱

淮濱

江濱

駕渡河。

閱視河防。至杭州府。遣官祭

禹陵

南鎮

海神廟。

閱兵。

御試浙江進獻詩賦士子。中選者四人。至江甯府。

親詣

明太祖陵奠酒。仍遣官致祭。

閱兵。

御試江蘇安徽進獻詩賦士子。中選者七人。

回鑾復閱洪澤湖隄工。至徐州府。

閱黃河形勢。指授方略。是年先期

賞撥兩淮應解內務府閒款銀十萬兩。為辦賑之用。截

留江浙漕糧二十七萬石有奇。減價平糶。經過

直隸山東江南浙江地方。應徵本年地丁錢糧

分別蠲減。山東濟甯魚臺等州縣被水災民額

分別蠲減。山東濟甯魚臺等州縣被水災民額

賦舊欠常平倉穀。籽種麥本。錢糧耗羨畸零。悉予蠲除。江南之江甯蘇州。浙江之杭州。附郭州縣。本年正賦。概予豁免。賑濟山東之濟甯魚臺等五州縣。江蘇之清河桃源銅山等十二州縣。安徽之宿州靈璧等四縣。衛被災貧民。徐州府屬加展賑期。借給宿州靈璧虹縣。及長淮災民口糧。賞賚高年男婦。軍流以下人犯。減等發落。辦差官員住俸降級之案。准其開復。兵丁加賞兩月錢糧。增取江蘇安徽浙江學額。大學五名。中學四名。小學三名。在籍官員迎

駕。查有夙著勤勞者。加賞職銜。

恩賜在家食俸。○二十三年

諭。兩江總督等以河工告竣。年歲豐收。臣黎望幸情殷。請以庚辰之歲。載舉南巡。令典合詞具奏。朕惟東南河道民生。時繁宵旰。前者翠華再莅。每切咨詢。不敢自逸。茲當大工既蒞。澤國安瀾。於焉攬轡觀風。上以慰曩時往來指畫之勤。下以考在事大臣宣化承流之績。理亦宜之。顧大江南北。積潦初除。汙萊日闢。正宜乘時勸諭。俾瘠土並化膏腴。以培元氣。且明歲車駕臨幸。索約爾濟。又再定伊犁後。若左右哈薩克東

西布魯特。及回部各城。以次平定歸降。不無觀謁燕賚之典。車馬之煩。所當稍恤。且歲屆辛巳。即恭逢聖母皇太后七旬大壽。普天同慶。如於此年敬奉安輿。重臨江浙。庶幾省方問俗。嘉地利之畢登。喜民生之益懋。於以仰悅

慈懷。壽祺康豫。當

推恩錫福。俯慰元元望幸之忱。俟臨期另行降旨。所有庚辰年南巡之奏。暫停舉行。○二十五年

諭。獻歲恭逢

皇太后七旬萬壽。於新春敬奉

安輿。時巡南服。並順道閱視徐州石隄及海寧塘工。因降旨令該省地方官修整道路橋梁。照例豫備。今歲大江以南。在在豐收。惟夏間雨水稍多。河湖盛漲。高寶興泰一帶低窪處所。頗有漫溢。前因河臣等先後摺奏。特傳諭查明下游被水之區。豫籌撫綏。復恐地方有司承辦南巡差務。轉於賑恤事宜。不能盡心經理。是以諭令該督將實在情形確查具奏。候朕降旨酌緩巡幸。今據奏到高寶等處被水較重。該處既現已成災。亟宜以賑務為切要。南巡一事。原不妨酌量改期。該督身任封疆。自當權其緩急。早為奏請。何必

待朕詢及始行入告耶。所有南巡應辦差務暫行停撤。改於壬午春恭奉。

慈輦。以慰輿情。仍可覽民風而昭盛典。大差既經停止。自可專心辦理賑務。該督等務宜仰體朕懷。董率僚屬。確按災地情形。實力妥辦。毋使窮黎稍有失所。以副朕恫瘝在抱之意。○二十七年春。

高宗純皇帝奉

孝聖憲皇后南巡。

駕發京師。至山東。遣祭

東嶽

先師孔子闕里

元聖周公廟。至江南境。遣官祭

河瀆

淮瀆

江瀆

駕渡河。

閱清口東壩。

登舟。巡歷河隄。過揚州府。渡江

閱水操。○又

諭。向來巡幸所至。地方大吏。豫備銓船煙火。頗覺繁俗。

頃在揚州。適以哈薩克陪臣入覲。聊示民情和樂之意。是以聽其豫備。儻蘇杭等處悉仿而行之。原屬不必。朕省方觀民。勤求治理。即以幾暇適情。則山水名勝。儘足以供吟眺之資。又何事徒滋繁費為耶。○自

蘇州至海甯。

閱海塘。至杭州府。遣官祭

禹陵。

閱兵。

御試進獻詩賦士子。中選者四人。至江甯府。

親祭

明太祖陵

閱兵。

御試江蘇安徽二省進獻詩賦士子。中選者八人。○又

諭朕奉

皇太后安輿。茲茲南服。所以省方觀民。勤求治理。其各處舊有行宮。清蹕所駐。為期不過數日。但須掃除潔淨。以供憩宿足矣。固無取乎靡麗適觀也。而名山勝蹟。尤以存其舊規。為得自然之趣。從前屢降諭旨。至為明晰。迺今自渡淮而南。凡所經過。悉多重加修建。意存競勝。即如浙江之龍井。山水自佳。又何必更興

土木雖成事不說。而似此踵事增華。伊於何底。轉非朕稽古時巡本意。嗣後每屆巡幸之年。江浙各處行宮。及名勝處所。均毋庸再事增葺。徒滋糜費。即巧墁裱飾。不至年久剝落。亦可悉仍其舊。此實不僅為愛惜物力起見也。該督撫等其各善體朕諭。敬相遵守。

駕至淮安府。

閱高家堰。

命增築隄工五百餘丈。至徐州府。

閱黃河岸新隄。遣官祭

河神廟。

親詣

亞聖廟拈香。至曲阜縣。

親詣

先師廟行禮。

孔林奠酒。至泰安州。今改府。

親詣

岱宗行禮。○是年。先期

賞撥鹽庫公項銀五十萬兩。淮南公捐項內銀五十萬

兩。為辦差之用。截留江浙漕糧各十萬石。減價

平糶。直隸山東江南浙江等省水陸經行地方。

本年應徵額賦。豁免十分之三。被水歉收者。豁免十分之五。山東惠民商河等十五州縣。衛民

欠倉穀。金鄉魚臺等三州縣。民欠籽種麥本牛

具。江蘇安徽浙江節年災田積欠。均免徵收。江

蘇之江甯蘇州浙江之杭州。附郭州縣。本年額

賦。全行蠲免。賑濟山東之曹縣城武等二十州

縣。江蘇之高郵寶應等十一州縣。安徽之太和

亳州等五州縣。被災貧民。宿遷一帶災民。酌給

籽種。賞賚高年男婦。軍流以下人犯。減等發落。

辦差官員住俸降級者。准其開復。兵丁加賞兩

月錢糧。增取江蘇安徽浙江學額。大學五名。中

學四名。小學三名。

命扈蹕大臣籍隸江浙者。於回鑾時便道歸省。○二十

八年。

諭。兩江總督等請於乾隆乙酉年再舉南巡之典。朕惟

江浙地廣民殷。一切吏治農功。均關要計。且襟江帶

河濱湖近海之區。籌畫澤國田廬。無一不重。崇宵旰

前以壬午歲恭奉

安輿。時巡周覽。曾與封疆大吏。目擊手畫。以期利濟羣



生。年來東南歲事頻告豐登。洪惟

聖母皇太后福履康寧。彌臻純嘏。於是承

歡行慶。答士民望幸之忱。稽典實為允協。著照所請。准

於乙酉之春。詔吉南巡。其河工海塘應親臨省視者。

即行先期豫備。至前此銜綵繁文。暨扈從人員雇覓

巨舟。及簽占公館諸禁。已屢頒諭旨。即朕所過行宮

道路。距上屆為日匪遙。止須灑掃潔蠲。足供頓憩。不

得稍事增華勞費。副朕仰承

慈豫俯順輿情之至意。○三十年春。

高宗純皇帝奉

孝聖憲皇后南巡

駕發京師。至景州。

諭朕恭奉

皇太后安輿。省方問俗。凡清蹕所經。止令灑掃潔淨。毋

事華飾。及添建行宮。屢經降旨申諭。而地方大吏以

慈駕臨駐。旃廬究不若屋宇之安善。尚有葺治行館以

供憩息者。因其義適溫清。且成事不說。是以不復禁

止。茲停蹕景州。見一切位置。頗為妥適。從前所賞公

帑。尚恐不敷應用。在封疆大臣善體朕意。雖不敢派

累閭閻。而各官或有捐廉經理。亦非所以示體恤。著

加恩於直隸存公項內賞銀二萬兩。以裕工作之費。

再山東亦有新建座落三處。經畫諒與直隸相同。亦

著於該省存公項內賞銀二萬兩充用。○至山東遣

官祭

東嶽

先師孔子闕里

元聖周公廟。入江南境。遣官祭

河濱

淮濱

江濱

駕至清河縣。渡河。

閱清口東壩。至蘇州府。

親詣

先師廟行禮。至海甯州。

閱海塘。

諭增築塘下石坦水三層。以衛石塘。至杭州府。遣官祭

禹陵

南鎮

海神廟。

閱兵。

御試進獻詩賦士子。中選者四人。至江甯府。親祭

明太祖陵

閱兵。

御試江蘇安徽進獻詩賦士子。中選者十一人。至淮安府。

閱高家堰隄工。至徐州府。

閱河工。遣官祭

河神廟。是年。先期

賞撥兩淮運庫公項銀三十萬兩。為辦差之用。截留江

浙漕糧各十萬石。減價平糶。經過直隸山東地  
本。本年應徵額賦。蠲免十分之三。江蘇浙江地  
本。蠲免十分之五。江蘇安徽屢年因災未完雜  
款。並出借籽種口糧。備築隄堰等銀一百四十  
餘萬兩。浙江二十六年以後未完地丁屯餉沙  
地公租漕項等銀十三萬兩有奇。均免徵收。豁  
免江蘇浙江省會附郭州縣本年正賦。加賞高  
年男婦。軍流以下人犯。減等發落。辦差官員住  
俸降級者。准其開復。兵丁加賞兩月錢糧。增取  
江蘇安徽浙江學額。大學五名。中學四名。小學

三名。在籍官員迎

駕者。加銜賜幣有差。○四十三年

諭。前允江浙所請。於乾隆四十五年正月。啟鑿南巡。並  
令沿途毋得踵事增華。致滋糜費。第念蹕路所經。江  
蘇地面較多。水營行宮等事。皆不能不需用度。此次  
著照乙酉之例。於運庫恩賞銀三十萬兩。為辦理南  
巡差務之用。該督撫務須董率所屬妥協辦理。毋得  
絲毫科派閭閻。致滋擾累。○四十五年春。

高宗純皇帝南巡

駕發京師。

諭。朕因東南黎庶望幸情殷。爰舉舊章。五巡江浙。所以  
省方觀民。勤求治理。清蹕所經。各處舊有行宮。止令  
掃除潔淨。以供憩宿。毋得踵事增華。致滋糜費。屢經  
降旨諄切曉諭。封疆大臣。自能仰體朕心。遵旨辦理。  
第恐不肖有司。或有藉辦差為名。暗中科斂。而窮鄉  
僻壤未及周知。亦有幫貼差費者。一經查出。必將該  
督撫等重治其罪。以昭儆戒。○至山東

親詣

岱廟拈香。遣官致祭

先師孔子闕里

少皞陵

元聖周公廟。至江南境。遣官祭

河濱

淮濱

江濱

駕渡河。

閱清口東壩。至海甯州。

親詣

海神廟拈香。

閱海塘。至杭州府。遣官祭

禹陵

閱兵

諭。朕清蹕時巡。臨蒞江浙。原因廛念河工海塘。親臨閱視。兼以省方問俗。順時行慶。非為游觀計也。前屢經降旨。所有經過地方。止須掃除蹕路。一切供頓。毋庸踵事增華。今浙省仍有添建屋宇。點綴銜絲之事。兼多華縟。未免徒滋繁費。朕心實所不取。嗣後如再有似此過費者。朕必加以嚴譴。不能寬貸。

御試浙江進獻詩冊士子。中選者四人。○又

諭。朕自三十年南巡以後。迄今十有五年。東南土俗民

風易趨華靡。每勸督撫大吏諄諄化導。務期返樸還淳。以臻郵治。乃自啟蹕以來。所過直隸江南一切行營供頓。不過就舊有規模。略加修葺。辦理尚為妥協。而從事浮華。山東已開其端。至浙江為尤甚。朕心深所不取。是誠督撫大吏之不能善體朕心矣。著再通飭各督撫以後。務宜黜奢崇儉。於地方諸大政實心經理。毋得徒事繁華。致滋浮費。以稱朕惠愛東南黎庶之至意。○至江甯府。

親祭

明太祖陵

閱兵

御試江蘇安徽進獻詩冊士子。中選者十一人。江西士

子中選者二人。江西士子考中者舉人。四十九年

特賜南巡同。

至淮安府。

閱高家堰隄工。

御舟渡河

親詣

禹廟拈香。○是年。先期奉

諭。截留江浙漕糧各十萬石。減價平糶。經過直隸山東江南浙江地方。蠲免本年額賦十分之三。直隸

順德廣平等府屬。出借常平倉穀。山東歷城等二十一州縣。緩徵未完地丁銀兩。臨清等七州縣。民借常平倉穀麥。悉免徵還。豁免乾隆四十四年以前江南通省積欠銀九十餘萬兩。兵糧米穀三十餘萬石。兩淮鹽商應繳川餉項內未完銀一百二十萬兩。浙江歸安等縣緩徵未完漕白地丁。仁和等縣未完民借倉穀。江南之江甯蘇州。浙江之杭州。附郭州縣本年應徵額賦。悉予蠲免。賞賚高年男婦。山東德州青州江甯京口杭州乍浦等處駐防老民老婦均加賞賜。軍流以下人犯減等發落。辦差文武官員。各予加級。其住俸降級者。准其開復。營汛兵丁加賞兩月錢糧。福建兵丁調至浙江者。一體加賞。增取江蘇安徽浙江本年學額。大學五名。中學四名。小學三名。迎

駕紳士賜幣有差。○四十八年

諭。兩江總督閩浙總督等合詞陳奏。以江浙兩省臣民望幸情殷。且河工海塘以次告竣。一切善後事宜。尤冀親臨指示。懇請於乾隆四十九年春。六舉南巡盛典。以愜輿情一摺。朕自庚子南巡時。閱視高堰石塘。

及徐州城外石隄鉅工。俱逐一親臨指示。茲據奏以次告成。所有一切善後事宜。自應臨蒞閱視。指授機宜。俾河流永慶安瀾。至浙省海塘。前經降旨將柴塘一體改建石塘。為濱海羣黎永資捍衛。今要工將竣。亦不可不親為相度。著照所請。於乾隆四十九年正月。諏吉啟鑿。所有各處行宮座落。俱將舊有規模。略加葺治。毋得踵事增華。致滋繁費。該督撫等其善體朕意。妥協辦理。副朕省方問俗觀民孚惠至意。○又諭。朕明春巡幸江浙。扈從人等需用船隻。俱照每船水手按名給予雇值。第念該船戶等在途駕駛往返。未免守候需時。若照常價。每水手一名日給口食銀五分。未能寬裕。著加恩將扈從船隻。按照水手每名日增給銀一分。該督撫等即於恩賞銀兩動支。並責成司船之員。稽查妥辦。毋任胥役人等從中侵蝕。俾得均霑實惠。○四十九年春。

高宗純皇帝南巡。

駕發京師。至江南。遣官祭

河瀆

淮瀆

江瀆

駕渡河。

親詣陶莊

河神廟

湖神廟拈香。

駕渡江。至海甯州。

親詣

海神廟拈香。

閱海塘。至杭州府。遣官祭

禹陵。

閱兵。

御試浙江進獻詩賦士子。中選者四人。至江甯府。

親詣

明太祖陵奠酒。

閱兵。

御試江蘇安徽進獻詩賦士子。中選者十五人。江西士

子中選者二人。

回鑿。至徐州府。

閱黃河形勢。指授方略。○是年。先期奉

諭。截留江浙漕糧各十萬石。減價平糶。經過直隸山東

江南浙江地方。本年應徵額賦。蠲免十分之三。

順天保定等十二府州屬。節年因災出借倉穀。山東利津霑化等二十一州縣。因災出借倉穀。穀籽種牛具銀兩。悉免徵還。豁免江南通省地丁漕項等款未完銀一百八萬九千餘兩。米麥二十九萬四千餘石。淮南未完提引餘利銀一百六十三萬二千餘兩。浙江杭州嘉興湖州三府屬。應徵地丁銀七十二萬餘兩。江南之江甯蘇州浙江之杭州。附郭州縣本年應徵額賦。概行蠲免。賞賚高年男婦。直隸山東二省。並江甯京口杭州乍浦等駐防之老民老婦。均加賞賚。軍流以下人犯。減等發落。辦差文武官員。各予加級。住俸降級者。准其開復。營汛兵丁。加賞兩月錢糧。其由福建調至浙江辦差兵丁。一體加賞。增取江蘇安徽浙江學額。大學五名。中學四名。小學三名。迎

駕紳士。高年者加賞職銜。耆舊子孫。賞給舉人。一體會試。查察廢員案情。量子甄錄。

欽定大清會典事例卷三百十一

禮部

巡幸 東巡 西巡

東巡○康熙二十三年。

聖祖仁皇帝巡幸江浙。

回鑾至山東。

躬詣闕里。

親製祝文致祭

先師孔子。講書於詩禮堂。遣親王致祭

元聖周公。

駕還京師。○乾隆十二年

諭。朕以來年孟春月東巡狩。因溯洙泗。陟杏壇。瞻仰

宮牆。中景行之風志。復遵

慈訓。親奉

饗與。秩於岱宗。旋蹕青齊。觀風布澤。以昭省方鉅典。其

應豫備之各衙門。檢查事宜。先期請旨。至行在所。需

悉出公帑。毋得指稱供應儲備。絲毫貽累閭閻。羽林

衛士內府人役等。各該王大臣嚴行稽察約束。並令

扈蹕文武臣僚。嚴飭儉從。毋使侵踐田疇。致妨宿麥。

如有騷擾地方指名需索者。立即參奏。從重治罪。○

十三年春

高宗純皇帝奉

孝聖憲皇后東巡。

駕發京師。

諭。上年山東歉收。朕念民食艱難。多方賑恤。倉儲帑項。

不惜數百萬以濟災黎。而閭閻之休戚。猶且時繫宵

旰。今歲二月東巡。遵循舊典。兼以親臨部屋。下悉民

艱。雖清塵除道。所費皆給於公項。絲毫不以累民。而

地方官於朕巡幸之所。自必力為經營。其於百姓撫

恤亦必周備。但恐力專於此。非輦路所經。即不免有

顧此失彼之虞。如鄒滕以北。民情尚不致拮据。至鄒

滕以南。實屬收成歉薄。儻不思博濟。豈能盡免困乏。

此等處尤宜加意撫綏。蓋朕與蹕所歷。即缺於整齊。

亦無妨礙。惟小民地處一偏。瞻就不及。獨使向隅。真

堪軫念。著該撫董率屬員留心察覈。務令遠近一體

膏澤均霑。以副朕父母斯民之望。○又

諭。朕此次巡幸經過地方。目睹麥苗長發。出土青蔥。春

晴有望。其隨從人等。雖經特命大臣管束。不許踐踏。

誠恐人衆稽察稍有未周。仍不免於蹂躪。著隨來之

滿漢科道。沿途一併察看。毋得有妨農務。○

駕至曲阜。

親詣

先師孔子廟

元聖周公廟上香。翼日。

親詣

先師廟行釋奠禮。

御詩禮堂講書。

親詣

孔林奠酒。

少昊金天氏陵致祭。遣官祭

元聖周公及魯公。

御製顏曾思孟四氏贊。遣官致祭。

賜孔氏引

駕官內閣中書孔氏及十二氏子孫各官均加一級。其

進士舉人貢監生員賞白金有差。十二氏子孫

由學政擇其文行兼優者數人。貢入成均。以示

鼓勵。又

諭朕覽山東通志內恭載

皇祖諭旨。東省小民皆依有身家者為之耕種。豐年所

得者。凶年則已。並無田產。有力者流於四方。無

力者即轉於溝壑。此等情狀。東省大臣庶僚及有身家者。若能輕減田租。以各贍養其佃戶。不但深有益於窮民。即汝等田地。日後亦不致荒蕪。

訓諭諄諄。誠切中東省民生利弊也。今朕省方問俗。親

見民情風土。歲偶不登。閭閻即無所恃。南走江淮。北

出口外。揆厥所由。實緣有身家者。不能贍養佃戶。以

致資生無策。動輒流移。夫睦姻任恤。自古為重。利豈

專在窮乏。富戶均受益焉。轉徙既多。則佃種之人少。

鞠為茂草。富者不能獨耕也。何如有無相資。使農民

不肯輕去其鄉。即水旱無虞大困。繼自今。該督撫董

率有司實力勸諭。務使曉然於貧富相維之道。俾閭

閻通周急之情。斯黎民享安土之樂。朕於東省有厚

望焉。○是年。屢頒

恩旨。經過被災州縣。無論極貧次貧。均於現賑外。普加

一月。不經過州縣。被災七分以上者。亦加賑一

月。以示優恤。經過直隸山東州縣。本年正賦。蠲

免十分之三。曲阜泰安歷城三縣。乾隆十四年

應徵額賦。全行蠲免。山東通省直隸免錢糧之

年。所有本年正賦。例於來歲免徵。先於藩庫地

丁銀內。照蠲數動項賞給。次年徵輸歸款。王公

大臣

大臣官員於長蘆鹽庫存公銀內動項賞賚。直隸山東各營汛辦差兵丁賞給兩月餉。山東德州青州直隸滄州駐防官兵年七十八十以上者分別賞賚。山東直隸二省監候斬絞人犯緩決五次以上者著該督撫分別情罪奏請減等。其軍流以下人犯亦著減等發落。增取山東通省入學名數。大學三名。中學二名。小學一名。○二十年

論平定準噶爾捷聞。以數十年逋寇。迅就廓清。荒服教寧。中外蒙福。乃我國家無疆之休。緬惟

皇祖聖祖仁皇帝削平三孽。於康熙二十三年諏吉

東巡。

親祭闕里。

武功文德彪炳簡冊。朕仰承

先烈。集此大勳。保泰持盈。彌深兢業。

先師孔子闕里。理應恪循

成憲。躬指行禮。用申誠敬。且自瞻謁

林泉。已逾六載。仰止之念。時切於懷。擬於明歲春月

自京啟鑿。恭詣曲阜。翠華所經。亦以體察吏治。清問

閭閻。行慶施惠。以稱朕法

祖尊

師之至意。○二十一年春。

高宗純皇帝東巡。

駕發京師。至曲阜。

親詣

先師孔子廟行釋奠禮。

元聖周公廟上香。

少昊金天氏陵致祭。復

親詣

孔林奠酒。遣官祭

顏曾思孟四氏專祠。

鑾輿所經。蠲免錢糧十分之三。曲阜一邑錢糧。全行蠲

免。德州青州駐防兵丁辦差者。賞兩月餉。兵丁

內七十八十以上。及民男婦七十以上。分別賞

賚。軍流以下罪犯。減等發落。○二十二年。

駕幸江浙。

回鑾至山東曲阜縣。

親詣

先師孔子廟行禮。

孔林奠酒。至泰安州。今改府。



親詣

岱廟行禮。○二十七年。

駕幸江浙。

回鑾至山東鄒縣。

親詣

亞聖廟拈香。至曲阜縣。

親詣

先師孔子廟行禮。

孔林奠酒。至泰安州。今改府。

親詣

岱宗行禮。○三十五年

諭。今歲山東撫臣以明歲恭逢

皇太后八旬萬壽。普天同慶。奏請登嶽祝

釐。且言該省臣民五年來望幸之情。實為誠切。願懇至

於再三。朕因奏

聞

聖母以泰山廟宇鼎新。欲

親詣拈香。朕亦以

闕里久未臨謁。便道往莅。於禮為宜。而往返俱由水

程。兼可適

高年頤養。而諭該撫俟秋成後再行降旨。茲該撫奏山

左二麥既穫。大田豐稔。比戶盈寧。爰允所請。於獻歲

春和恭奉

安輿。撰吉啟蹕。以臚歡忭而迓

慈禧。來歲巡蹕所至。不得綴景增華。致滋糜費。朕省方

問俗。念切觀民。惟以閭里恬熙。羣情愛戴為樂。若備

陳彩飾。紛耀川途。不足美觀。而徒耗物力。實所不取。

該督撫其善體恪遵。毋違朕命。○三十六年春。

高宗純皇帝奉

孝聖憲皇后東巡。

駕發京師。

諭。今日至寶稼營登舟。見所設水圍。外圍席牆。概行畢

以黃布。甚屬非是。向來巡幸所經。水程營盤外牆。率

以葦席為之。儘足以蔽外內。惟江浙兩省葦席稀少。

代之以布。即與內布城相屬。高下亦略相等。今乃於

葦席之外。復加布襲。且高逾數仞。儼如大牆。其意何

取。布疋為小民被服所需。豈宜妄為耗費。即如武清

等縣。去夏曾經被淹。因加恩從優賑恤。幸而民無菜

色。稍為慰懷。若留此布為貧民襦袴之用。資衣被者

不知凡幾。願置有用為無用。使不知者幾擬於土木

衣文纈。豈朕省方觀民之意。司牧之謂何。曾不知體下情承上德乎。前途有如此者。即撤去。所有布疋聽民間買用。庶不致成棄物。山東吐連道縣。恐亦聞風。致尤。並着速行除撤。至水營內所備座落數椽。該督之意。為朕披覽奏牘。召對臣僚而設。亦甚無謂。且又未據為奏明。尤屬冒昧。朕自辛未南巡以來。川途所莅。每日辦理庶務。延見臣工。俱在御舟。諸凡甚為便適。且並未以舟居廢事。眾所共知。此次巡幸山東。所重在問民疾苦。嘉惠羣黎。實不欲絲毫耗及閭閻物力。猶恐地方大吏踵事增華。屢經諄諭。一切務從儉約。毋飾浮靡。不啻三令五申。何竟不知仰體朕意。若此。着傳旨申飭。

駕至山東。

親詣

岱廟拈香。

御試山東省進獻詩賦士子。中選者二人。

特賜舉人。至兗州。

臨閱

復聖廟。

親詣

孔林奠酒。

命頤內府所藏周范銅器十事。備列

闕里廟庭。

親詣

少昊陵

元聖廟行禮。

賜衍聖公合族等食。○是年。

鑿與所經。直隸山東地方。蠲免本年額賦十分之三。上

年秋收稍歉者。蠲免十分之五。直隸沿河滄州

青縣等十五州縣三十四年以前未完倉穀。山

東齊河禹城等四縣民借籽種牛具。濟南武定

等府屬民借常平倉穀麥本牛具。悉免徵還。蠲

免泰安曲阜一縣本年正賦。高年男婦。分別賞

賚。辦差文武官員。各加一級。住俸降級者。准其

開復。營汛兵丁。加賞兩月錢糧。德州青州駐防

八旗兵丁有差務者。一體賞賚。軍流以下人犯。

減等發落。增取山東省本年入學名數。大學五

名。中學四名。小學三名。○四十一年。

高宗純皇帝奉

孝聖憲皇后東巡。

諭朕因平定兩金川巡幸山東告成

闕里。各省督撫呈遞貢摺者甚多。殊屬無謂。朕鑒輅所經。如本省大吏呈進方物。尚非過分。即各鹽政關差織造開進綉緞等項。以備賞賚。亦尚有因。乃各省督撫。竟相率遠致皮張緞疋等物。為誇多闕靡之舉。朕非但不喜。且覺煩瀆可憎。封疆大臣。朕委任以地方政務。惟視奉職程其殿最。豈因進貢衡其短長。伊等何不知善體朕意。冒昧若此乎。所有此次各督撫呈進之物。已諭令奏事處概行擲還。仍著傳旨申飭。嗣後遇朕巡幸。務恪遵此諭。毋得復有進獻。

駕至山東。

親詣

岱廟拈香。

賜山東巡撫以下及鹽政等官食。

御試山東及各省進獻詩賦士子。

特賜內閣中書者二人。

特賜舉人者三人。

親詣

先師廟行釋奠禮。

賜衍聖公及孔氏族人士食。復

親詣

孔林奠酒。

少昊陵

元聖廟行禮。至濟甯

登舟。

親詣

禹廟拈香。○又

諭。此次巡蹕所經。直隸山東兩省。每日俱有戲臺承應。甚或開以排當。殊屬無謂。朕啟鑒前再三申諭。毋務繁文。而地方官總不能實心仰體。朕於道旁老幼扶攜瞻觀。嘉其情殷愛戴。每顧而樂之。至於沿途點綴飾為巷舞衢歌之象。從未嘗攬轡停輿。一為聽覽。亦何必為此無益之煩費乎。朕簡畀封疆大臣。惟視其留心民事者。加之恩眷。從未嘗因其能辨差。善承奉。稍為嘉獎。此尤中外臣民所共見共聞者。督撫等可不知所趨嚮乎。朕行事期為天下後世法。方今綱紀肅清。朕巡省周咨。並不以游觀為事。詰諭諄諄。督撫等尚且不能深喻朕意。我子孫若能恪守朕訓。庶不致為奢靡所移。設或稍不自持。略涉流連游覽。督撫因而曲意逢迎。其流弊伊於何底。此於國運人心所

繫甚鉅。可不共知。做懼乎。今日召見軍機大臣。詳悉誠諭。並將此通諭知之。

御試直隸及各省進獻詩賦士子。

特賜內閣中書者五人。

特賜舉人者三人。○是年。

鑾輿所經。直隸山東地方。蠲免額賦十分之三。通州三

河保定文安等州縣。緩徵帶徵地糧。大興宛平

等州縣。因災出借常平倉穀。山東德州禹城等

州縣。出借米穀。鄒平新城等州縣。衛民借籽種

麥本。樂安壽光濰縣。潮災沙壓地畝未完地丁

銀兩。水路經行之德州禹城等州縣。衛積欠地

丁。概予蠲除。特免壽張陽穀等州縣。漕糧。泰安

曲阜二縣。本年應徵額賦。賞賚高年男婦。辨差

文武官員。各加一級。住俸降級者。悉予開復。兵

丁加賞兩月錢糧。軍流以下人犯。減等發落。增

取直隸山東學額。大學五名。中學四名。小學三

名。致仕官紳迎

駕者。賞加職銜。○四十九年。

高宗純皇帝巡幸江浙。

駕至山東。

親詣

岱廟拈香。

先師廟行釋奠禮。致祭

少昊陵

元聖周公廟。○五十五年。

高宗純皇帝東巡。

諭。朕此次巡幸山東。經臨畿甸。曾諭令該督撫等沿途

毋事點綴繁文。致滋糜費。止須就向有行在座落略

事埽除。其自濟甯登舟以後。水宮額制。亦悉仍其舊。

但途中程站較多。雖無興建工程。而修葺黏補。究屬

不無所費。著加恩於長蘆山東運庫內。每省各賞給

銀二萬兩。以示體恤。

○

駕發京師。至山東。

親詣

岱廟拈香。

少昊陵

元聖廟行禮。

親詣

先師廟行釋奠禮。復

親詣

孔林奠酒。

御試各省進獻詩賦士子。中選者二人。

特賜舉人。至濟甯

登舟。

親詣

禹廟拈香。○又

諭。此次巡幸山東。回鑾時自濟甯登舟。由水程回京。前

以三四月間正漕船銜尾北來之時。若因迴避御船。

停泊不前。未免守候稽遲。致誤漕運。曾降旨令各幫

漕船於御船經過時。暫在岸旁排列。因思上年直隸

被水災區。秋收歉薄。全賴東豫二省販運糧食。及南

來貨物。以資接濟。所有商民船隻。亦未便因有礙河

道。駛入港汊。令其久候。著即照漕船之例。准其於兩

岸暫泊。俟御船一過。即可適行。庶使商販流通。物價

平減。以副朕恤商便民之至意。○又

諭。朕此次巡幸山東。所有扈從官員人等。俱令由陸路

行走。毋庸乘坐船隻。以省船戶等守候之勞。現在隨

用大小各船。為數雖屬無多。而水手人等。當差出力。

亦宜體恤。著仍照上屆巡幸山東之例。於常價外。每

水手一名。日增銀二分。俾得均霑實惠。○是年。

鑾輿所經。直隸山東地方本年應徵額賦。蠲免十分之

三。豁免直隸各屬乾隆四十五年至五十三年

未完地糧。並改折銀一百四十四萬兩有奇。山

東省乾隆四十九年至五十一年因災緩徵積

欠銀一百八十一萬兩有奇。山東應完乾隆五

十四五兩年鹽課銀三十六萬兩有奇。長蘆應

完乾隆五十四年鹽課銀五十七萬兩有奇。均

分八年帶徵。以裕商力。辦差文武官員各予加

級。罰俸降級者。准其開復。營汛兵丁。加賞兩月

錢糧。增取直隸山東學額。大學五名。中學四名。

小學三名。迎

駕廢員。查明原案。分別甄錄。

西巡。○康熙二十二年。

聖祖仁皇帝奉

孝惠章皇后巡幸五臺山。

諭。五臺繁峙靜樂崞縣等處地方。地瘠民貧。爾等既膺

簡用。必持己廉潔。恪共職業。務期利興害除。使民生

各得其所。不然。罪有所歸矣。○又

諭。扈從各官。凡經過地方。不許隨從人等。借名市物。擾

害小民。犯者並其主罪之。○又

發內府金。命有司分給所過地方貧民。○三十七年。

聖祖仁皇帝巡幸五臺山。路經房山。

命皇子及大學士至

金太祖

金世宗陵奠酒。○四十一年。

聖祖仁皇帝巡幸五臺山。

回鑾至大城縣。

巡視子牙河諸隄。○四十二年。

聖祖仁皇帝西巡。

命給事中御史各一人。於扈從後察有不法者。即時鎖

繫。並其主叅究。至地方官私行禁阻民間貿易。

亦指名題叅。至山西。

諭大學士。今近歲暮。部院各衙門。毋以朕行程日遠。有

誤奏事。著照常來奏。○又

諭陝西接駕官員軍民人等。不必渡河。俱令在潼關等

候。○至潼關城。遣禮部侍郎祭

華嶽。至渭南。

閱提督標兵騎射。自提督以下官。皆加一級。至西安府。

命凡

帝王陵寢及已故勳臣墳墓在百里內者。咸祭之。分

遣內大臣禮部侍郎學士副都統等祭

周文王

武王

成王

康王

漢高祖

宣帝

唐高祖

太宗

宣宗陵。又奉

旨。周文王武王祭文內書

御名。

賜滿洲駐防官兵及民年八十以上者。白金有差。蜀陝

西累歲逋賦。

駕由河南還京師。過磁州。

賜先賢端木子後裔為五經博士。○四十九年。

聖祖仁皇帝巡幸五臺山。○乾隆十一年。

高宗純皇帝奉

孝聖憲皇后巡幸五臺山。

諭。朕臨幸五臺。觀風問俗。蓋欲周知閭閻利病。舉登之

衽席之安也。山西地方風俗尚為淳樸。朕此次巡行親見民情頗屬寧輯。但敦龐之質在民。而教養之責在上。尤當加意拊循化導。俾登上理。撫臣乃通省之表率。藩臬乃師帥之大員。府州縣等皆有父母斯民之責。其各仰體朕心。力行實政。教養兼施。惟日孜孜。罔或怠佚。而在小民亦應敦行孝弟。崇習禮讓。共為良民。毋蹈澆漓獷悍之風。以成熙皞盈寧之治。朕有厚望焉。○是年。

鑿與所經直隸山西州縣男婦七十以上者分別賞賚。辦差文武官員罰俸住俸降級之案俱准開復。

其無處分者准其紀錄一次。本年正月奉

恩旨後所有軍流以下人犯分別情罪減等發落。五臺

縣乾隆十四年應徵額賦蠲免十分之三。○又

諭朕自正定回鑾固城祁水之間有縣焉與堯母同名。雖述古之意也。觸目踟躕於意弗安。其易之仍為望都。○十四年

諭朕前降旨於來年秋間巡幸五臺。由晉入豫省覽中州。迴蹕畿輔。近日嚮導人員閱看營盤道路回奏稱自太原一路至河南境經由太行山麓甚為崎嶇狹隘。朕省方巡幸。惟取便民。若因修治道途重煩民力。

非朕觀風問俗本意。應於春間霸州水圍之使。即詣五臺。至秋間百穀登場後再往中州。○十五年春

高宗純皇帝奉

孝聖憲皇后巡幸五臺山。

駕發京師。

諭時屆春融。正秋麥紐芽之後。幸自去冬至今。瑞雪頻霽。土膏滋潤。漸已青蔥入望。所有經過地方。車馬僕從俱著嚴加誠飭。毋得踐踏。○是年。

鑿與所經直隸山西州縣本年應徵額賦蠲免十分之

三。山西太原蒲州等府屬偏災州縣直隸薊州

等偏災州縣蠲免本年額賦十分之三。其勘不

成災之陽曲榆次等三十四州縣緩徵十四年

民欠倉穀。○是年八月。

高宗純皇帝奉

孝聖憲皇后巡幸中州。

親祭

嵩嶽遣官致祭

河濱衡水

周文王廟

漢光武帝

周世宗陵。

諭朕舉行秋狩。觀岳省方。蓋欲周覽民情。懋登治理。凡地方之利弊。官吏之賢否。與夫政令之得失。清蹕所至。日切疇咨。河南地宅土中。素稱淳樸。今值雨暘協應。禾稼告登。巡行之次。親見閭閻望幸。童叟歡欣。而俗尚敦龐。室廬寧輯。朕懷深為欣慰。顧惟因時保治之方。其權實操之自上。撫臣表率通省。藩臬任寄旬宣。以至郡守牧令。與民愈親。則導民尤切。應仰體朕心。力行善政。敦本訓俗。除慝安良。教養兼施。屏虛文以求實政。其在小民。亦當敦禮讓。務農桑。從儉去奢。力田孝弟。以期共享昇平之福。朕於該省臣民有厚幸焉。○是年。

鑾輿所經直隸河南地方。蠲免錢糧十分之三。歉收者蠲免十分之五。祥符登封二縣。乾隆十六年應徵額賦。全行蠲免。駐防官兵及百姓男婦年七十以上者。均分別賞賚。軍流以下罪犯。減等發落。直隸河南營汛兵丁辨差者。均賞給兩月餉。豫省在籍官員迎

駕者。賞給職銜。○二十六年。

高宗純皇帝奉

孝聖憲皇后巡幸五臺山。

諭從前兩次巡幸五臺。帳殿周廬。隨常頓宿。今春恭奉皇太后前詣五臺山巡幸。巡撫建蓋行宮。並臺麓寺旁。添設坐起數楹。以備安憩。雖臣子之誼。各盡其誠。而詢其工料所費。乃出自伊等養廉。夫朕既不許派累百姓。而各官養廉。原為辦理公務及薪水之資。今以之捐建行宮。則甚不可。著於存公項內撥賞銀二萬兩。以供鳩工飭材之用。○是年。

鑾輿所經直隸山西州縣。本年應徵額賦。蠲免十分之三。豁免五臺縣積年民欠倉穀。緩徵二十四年。夏秋偏災之石樓陽曲等州縣。積年舊欠錢糧。其夏秋偏災案內。應行帶徵銀兩。亦蠲免十分之三。○四十五年。

諭朕於明春二月啟鑾巡幸五臺。所有應行豫備事宜。各該衙門照例豫備。至蹕路所經。已降旨止就舊有行宮。量加修葺。毋許再行添建。該督撫等務宜妥協辦理。不得踵事增華。致滋糜費。以副朕省方觀民之至意。○四十六年春。

高宗純皇帝巡幸五臺山。

駕發京師。



鑾輿所經。蠲免順天保定等府屬乾隆四十五年以前因災出借米麥四十二年以前因災緩徵地糧。山西州縣應徵本年額賦。蠲免十分之三。五臺縣未完常平倉穀。全行豁免。五十七年。

高宗純皇帝巡幸五臺山。

諭。此次巡幸五臺山。所有直隸山西駐蹕行宮。雖係從前發帑修建。但自上屆巡幸以來。已屆數年。不無黏補糊飾之費。山西地方。座落較多。著賞給銀一萬兩。直隸地方。賞給銀七千兩。俱著於長蘆運庫應解廣儲司項下撥給。○又

諭。朕此次巡幸五臺。昨經過滿城完縣一帶地方道路。凡遇低窪舊路。並無積水處所。概行建搭橋座。甚屬無謂。橋梁原為行旅而設。其本非河渠水道。不過因地勢窪下。即搭蓋橋座。以為平坦飾觀。則蹕路所臨。地形高下不一。於經行本屬利便。又何必為此無益之費。况現在並非大雨時行之候。明係地方官借此為開銷地步。殊為非是。著總理行營嚮導處。及行在工部。於所過地方。將無水有橋處所。逐一查明登記。將來報部時。本應全不准銷。姑念向未明降諭旨。此次橋座既已搭就。著將似此無水橋座。止准其開銷。

一半。嗣後僅仍妄行建搭橋座。即概不准銷。以杜浮冒。至每日駐蹕營盤。亦止須計算網城布城環衛地步。已數周列足矣。無取過寬。此次所築營盤地面過於寬敞。雖係動項辦理。已覺徒滋糜費。若地方官或因此有所賠墊。則更無謂。况此等地面。即係民田。過事寬廣。既於耕作有妨。且輕用民力。亦非所以示體恤。朕於一切經費。從不使稍有浮冒。亦不肯令人賠墊。惟期公私各得其當。嗣後該督等務須妥協經理。稱朕意焉。○是年。

鑾輿所經。直隸山西州縣。蠲免本年正賦十分之三。直隸順德廣平大名三府屬因災出借米穀。山西忻代等六州縣緩徵銀米。概行豁免。辦差兵丁。賞給一月錢糧。五十七年。

高宗純皇帝巡幸五臺山。

諭。向來蹕路經過地方。搭蓋橋梁。原為河渠水道而設。此次經過直隸地方道路。凡遇地勢低窪並無積水之區。亦概建橋座。殊屬無謂。今若不准開銷。在官員養廉無幾。勢必派及閭閻。致滋擾累。轉非朕省方行慶惠愛小民之意。嗣後遇有無水處所。不准支搭橋座外。所有此次經過地方無水有橋之處。仍著據實

報部。並令嚮導處及行在工部。逐一查明登記。於將來報部時。准其開銷一半。以昭覈實而示體恤。○是年。

鑿與所經。直隸山西州縣。蠲免本年額賦十分之三。豁免大興。安肅。新城等八縣積年未完。因災出借。救麥。山西大同。朔平。二府屬和林格爾廳未完。米穀。五臺一縣本年正賦。全行蠲免。直隸山西。辦差兵丁。賞給一月錢糧。○嘉慶十四年。

諭。初彭齡等奏晉省士民望幸情殷。籲請允舉巡幸一摺。五臺為晉省勝蹟。其山近臨塞垣。蒙古藩部。歲時瞻禮。絡繹偕來。從前

聖祖仁皇帝

高宗純皇帝屢次親臨。即藉以為民祈福。朕昔在藩邸。隨侍

高宗純皇帝巡幸各處。惟五臺未曾登陟。言念茲山。靈

輿與區。久留

聖蹟。今既該省士民同殷望幸。自應俯如所請。著於嘉

慶十六年春三月朕恭謁  
西陵後。即便道巡幸五臺。所有應行一切事宜。各該衙門照例敬謹豫備。○十五年

諭。朕前此俯允晉省士民之請。於明年三月內親詣五臺。為民祈福。因恐該省地方官員。踵事增華。多為豫備。徒滋糜費。特將該處各廟宇內。指出十處。係當日曾經

皇考高宗純皇帝屢次親臨者。降旨交護理山西巡撫。素納。令其照舊修葺。此外毋得違旨豫備。該護撫接奉諭旨。自應恪遵妥辦。將應行修葺者。敬謹豫備。不得草率貽誤。其未經指出者。豈得任意增添。乃本日據素納奏稱。五臺工程。除殊像等寺十處業經修葺外。其大道兩旁蹕路經由各地方。及向來欽派官員行禮各廟。均應量加油飾。以壯觀瞻。並開單進呈。朕詳加披閱。內湧泉寺等三處。據稱附近行宮尖營俱已修葺外。又萬佛閣二十五處。俱係蹕路經由附近之處。亦擬量加修飾。又五臺頂各廟宇五處。因係道官行禮。亦擬酌為修葺。是又於前次指出十處之外。任意加增三十處之多。大興工作。不遵前旨。明係承辦之員。欲為開銷浮冒地步。試思此等廟工。多修一處。即當添費若干。今素納增至數十處之多。費將何出。無非科派百姓。俾屬吏飽其私囊。殊屬違制妄為。上不能體朕之心。下不知恤民之苦。太不曉事。素納

著傳旨嚴行申飭。並交部議處。所有該處各廟工。除降旨應修十處。敬謹修理。不得遲誤外。此外未修各工。俱著停止。若朕臨幸時。查出有增修之處。必將素納再行嚴議。○十六年春。

仁宗睿皇帝巡幸五臺山。

駕發京師。路經望都。

親詣

堯母陵。閱視。並於望都城北之

堯帝廟拈香。

諭。本日吉綸奏請於巡幸五臺時。前來接駕一摺。已批

諭。不准矣。因思河南陝西。亦係山西鄰省。或該撫亦

欲奏請。殊可不必。茲特明降諭旨。恩長董教增俱毋

庸奏請接駕。仍俟應行陞見時。奏請陞見。○又

諭。周系英奏辦理召試章程請旨遵行一摺。向來迎鑿

士子。加恩召試。雖經辦有成案。但未明定章程。辦理

未能畫一。自應以父兄官職大小為子弟應試之限

制。此次朕巡幸五臺。所有應行召試士子。京官除現

在京堂及翰詹科道軍機章京。外官除督撫藩臬及

道府以上之親子姪兄弟。俱著迴避。毋庸與試。仍准

其進冊。其業經病故離任緣事在籍及其餘京外各

官之親子姪兄弟。俱准其與考。嗣後巡幸各省。設有召試之典。即照此例示。○又

我

聖祖仁皇帝親臨瞻禮。

高宗純皇帝屢次巡幸。

鑾輅所臨。布聞推恩。

天章魏煥典禮常昭。康熙乾隆年間。節經

敕命詞臣纂修清涼山志。刊刻頒發。惟歷次

巡典。尚未陸續全載。本年朕初次臨莅五臺。凡行慶施

恩各事宜。悉遵

成憲。推廣舉行。亦宜載諸憲冊。用示來茲。著交文穎館

將清涼山志一書續行纂輯。所有廟宇行宮及經由

道途。前書有未載者。著該撫速飭地方官繪具圖說。

咨送該館辦理。○是年。

鑾輿所經。屢頒

恩旨。直隸地方。蠲免錢糧十分之三。豁免直隸各屬嘉

慶十二年至十五年。因災緩帶徵地糧正耗銀

兩米穀豆石。暨十年至十五年各州縣旗租。及

本年出借糧石。並折色銀兩。山西通省錢糧。蠲

免十分之二。黏補糊飾廟宇行宮。賞直隸銀三十二萬兩。山西銀二萬兩。辨差官員暨高年男婦。分別賞賚。住俸降級者悉予開復。兵丁加賞一月餉。

御試山西及各省進獻詩賦士子。

特賜內閣中書者三人。

特賜舉人者六人。隨圍官員暨各省士子呈獻詩冊者。

特賜綉緞有差。軍流以下人犯。減等發落。增取山西學

額。大學五名。中學四名。小學三名。迎

駕發員。查明原案。分別甄錄。

欽定大清會典事例卷三百十二

禮部

御新宮 皇帝御新宮

皇太后御新宮

皇帝御新宮。恭遇

皇帝御新宮。前期一日。遣官各一人。祇告

天

地

太廟

社稷。

皇帝臨新宮。鑾儀衛設

法駕鹵簿。樂部設樂懸於

太和殿前。禮部官設王等所進慶賀表文於

太和殿內左楹黃案上。王以下文武各官咸朝服

祇俟於

太和殿前。禮部堂官奏請

升殿。

皇帝御中和殿升座。內大臣侍衛。內閣大學士。禮部

都察院堂官。鴻臚寺鳴贊官。行三跪九叩禮畢。

皇帝御太和殿。鳴鐘鼓。樂作。

升座。樂止。鳴鞭。內外王以下公以上。於丹陛上兩旁

立。鳴贊官贊進。贊跪。眾皆跪。贊進表。宣表官奉表文至檐下正中跪。宣畢。鳴贊官贊行三跪九叩禮畢。各就原位立。乃

賜燕。王公等入

殿內。內大臣侍衛在丹陛上。各官在丹墀青幕內。

各就坐。行一叩禮。燕畢。謝

恩。行一跪三叩禮。禮成。鳴鞭作樂。

皇帝還宮。眾皆退。○順治三年。

位育宮成。

世祖章皇帝御新宮。是日早。內大臣侍衛咸集。候隨

世祖章皇帝臨新宮。舉儀衛設

大駕。自簿於丹陛上東旁。捧王等所進慶賀表文。

奉安綵亭內。作樂迎至

午門外。亭止。禮部堂官自亭內奉表進

午門左門。至

太和殿。奉安東旁黃案上。王以下文武各官咸朝

服。祇俟於

太和殿前。內院大臣奏請

升殿。

世祖章皇帝御中和殿升座。內大臣侍衛行三跪九叩

禮。次內院大臣。禮部都察院堂官。鴻臚寺鳴贊官。行三跪九叩禮。

世祖章皇帝御太和殿。鳴鐘鼓。樂作。

升座。樂止。鳴鞭。內外王以下。公以上。及外藩王額駙等。

在丹陛上兩旁序立。鳴贊官贊進。贊跪。眾皆跪。

贊進表。大學士於東旁黃案上奉表文跪宣畢。

鳴贊官贊行三跪九叩禮畢。各就原位立。乃

賜燕。王等入

殿內。貝勒以下在丹陛上。各官在丹墀青幕內各

就坐。行一叩禮。燕畢。謝

恩。行一跪三叩禮。禮成。鳴鞭作樂。

世祖章皇帝還宮。眾皆退。○十三年。

乾清宮

坤寧宮

景仁宮成。擇吉。

世祖章皇帝御新宮。前期一日。遣官各一人。祇告

天

地

太廟

社稷。屆期。一應禮儀。均與三年同。次日

御太和殿。

頒詔天下。○乾隆四十四年

諭前經降旨葺治寧壽宮。為朕將來歸政後頤養之所。

現今工屆落成。實為吉祥慶事。宜敷惠澤。以昭錫福。

所有管理工程大臣及在工人員。俱著加恩交部議

敘。○嘉慶元年。

太上皇帝御新宮。

臨皇極殿。舉行千叟燕。儀詳千奉

諭朕於丙申年。豫營寧壽宮。為歸政後頤居之所。皇極

殿即寧壽宮前殿也。落成以來。已閱二十年。尚未臨

御。茲既紀元周甲。幸符初願。元正授釐于皇帝。大典

禮成。敷天慶洽。因詎吉初四日。御此殿。復照五十年

新正乾清宮千叟燕之例。再舉耆筵。一時始壽盈階。

嵩呼拜舞。洵為曠古未有之吉祥盛事。

皇太后御新宮。○前期一日。遣官祇告

太廟後殿

奉先殿。屆期。豫設

皇太后儀駕樂懸於宮門內外。

皇太后禮服乘輿出宮。樂作。儀駕前導。引禮大臣命婦

前引。至

慈寧宮。候

皇太后升後宮暫憩。執事官豫設

皇帝拜位於

慈寧門正中。禮部堂官奏請

皇帝禮服乘輿出宮。禮部堂官恭導。出

隆宗門至

永康左門降輿。至

慈寧門下東旁立。禮部堂官轉傳內監奏請

皇太后升座。樂作。

皇太后御慈寧宮。

升座。樂止。禮部堂官恭導

皇帝詣正中拜位上立。鴻臚寺官引內大臣侍衛於

儀駕末排立。鳴贊官奏跪拜興。丹陛樂作。

皇帝行三跪九拜禮。內大臣等皆隨行禮畢。禮部堂

官恭導

皇帝復原位立。轉傳內監奏請

皇太后還宮。樂作。

還宮。樂止。禮部堂官導

皇帝出。乘輿還宮。執事女官豫設

皇太后拜位於

慈寧宮檐前正中設

貴妃

妃

嬪拜位於左右稍後。禮部堂官轉傳內監奏請

皇后禮服率

貴妃

妃

嬪詣

皇太后宮行禮。依次乘輿。自

啟祥門出。前引命婦八人恭導。至

徽音左門外降輿。至

慈寧門下東旁立。

貴妃

妃

嬪等序立。引禮女官轉傳內監奏請

皇太后升座。

皇太后御慈寧宮。樂作。

升座。樂止。引禮女官恭導

皇后詣正中拜位立。

貴妃

妃

嬪於左右稍後。均北嚮立。丹陛樂作。二大臣命婦

奏請

皇后率

貴妃

妃

嬪行六肅三跪三拜禮。禮成。咸入

慈寧宮內

賜燕。燕畢。謝

恩。行二肅一拜禮。二大臣命婦導

皇后率

貴妃

妃

嬪復原位立。轉傳內監奏請

皇太后還宮。樂作。

還宮。樂止。引禮女官恭導

皇后率

貴妃

妃

嬪自

徽音左門出。乘輿還宮。衆皆退。○順治十年。

慈寧宮成。擇吉。

昭聖慈壽皇太后御新宮。前期一日。

世祖章皇帝遣官祇告

太廟如儀。是日早。

皇太后儀駕全設於宮門外。公主福晉以下。郡君輔國

公夫人。都統尚書子命婦以上。咸朝服祇俟宮門東。

皇太后出宮乘輿。樂作。儀駕前導。公主福晉等排班隨

後。至

慈寧宮門。公主福晉等止立。候

皇太后升宮。

世祖章皇帝乘輿。自右翼門出。內大臣侍衛咸朝服隨

後。至

永康左門。

世祖章皇帝降輿。入

慈寧門內。至丹陛上東旁立。內監奏請

皇太后升座。

皇太后御內殿。樂作。

升座。樂止。

世祖章皇帝詣正中立。內大臣等在丹陛上立。侍衛等

在丹墀內立。鴻臚寺官奏跪拜興。

世祖章皇帝行三跪九拜禮。內大臣等皆隨行禮畢。

世祖章皇帝轉立東旁。內監奏請

皇太后還宮。樂作。

還宮。樂止。

世祖章皇帝出。乘輿還宮。次公主福晉大臣命婦等排

班祇俟。內監奏請

皇太后升座。

皇太后御內殿。樂作。

升座。樂止。公主福晉等行禮畢。公主福晉大臣命婦等

入

慈寧宮內

賜燕。燕畢。謝

恩。行二肅一叩禮。樂作。

皇太后還宮。樂止。衆皆退。○康熙二十八年。

寧壽宮成。擇吉。

仁憲皇太后御新宮。一應禮儀。均與順治十年同。○乾

隆元年。

崇慶皇太后御慈寧宮。前期一日。遣官各一人。祭告



太廟後殿

奉先殿如儀。是日。

皇太后儀駕全設於

啟祥門外至

慈寧門外。宮殿監侍等豫設

皇太后鳳輿於

景仁宮中。奏請

皇太后具禮服乘輿。宮殿監侍等八人咸吉服前引。內

務府總管內管領等命婦咸吉服隨行。由

啟祥門出。前列儀駕。至

隆宗門外。

皇太后鳳輿進

慈寧宮中門。先暫

御後宮。執事官豫設

高宗純皇帝拜褥於

慈寧門檻外正中。設

皇太后儀駕於

慈寧門外至

長信門外。設丹陛樂於

慈寧門內。設中和韶樂於

慈寧宮丹陛上。均北嚮。設而不作。禮部堂官奏請

高宗純皇帝御禮服。乘輿出宮。禮部堂官前導。由

隆宗門至

永康左門。

高宗純皇帝降輿。禮部堂官恭導

高宗純皇帝由左階升。至

慈寧門外東旁立。禮部堂官轉傳內監奏請

皇太后升座。

皇太后具禮服。升

慈寧宮座。禮部堂官恭導

高宗純皇帝詣正中拜褥上立。鴻臚寺官引內大臣侍

衛於儀駕末排立。鳴贊官奏跪叩興。

高宗純皇帝行三跪九拜禮。內大臣侍衛等皆隨行禮。

屆行禮時。設鳴贊官四員。御史二員於

慈寧門檐下。設御史二員。禮部官二員於儀駕末侍

儀。鳴贊官奏禮成。禮部堂官恭導

高宗純皇帝復原位立。轉傳內監奏請

皇太后還宮。

還宮後。禮部堂官恭導

高宗純皇帝出。升輿還宮。禮部堂官轉傳內監奏請

孝賢純皇后率

貴妃

妃

嬪等詣

皇太后宮行禮。侍衛命婦豫設

孝賢純皇后拜褥於月臺上正中。設

貴妃

妃

嬪拜褥於左右稍後。

孝賢純皇后率

貴妃

妃

嬪等具禮服。乘輿依次由

啟祥門出。至

徽音左門降輿入。大臣命婦前導。

孝賢純皇后前行。

貴妃

妃

嬪等隨行。至

慈寧宮月臺上西旁東嚮立。

貴妃

妃

嬪等於

孝賢純皇后稍後分班東西嚮立。引禮二大臣命婦轉

傳內監奏請

皇太后升座。

皇太后禮服升

慈寧宮座。引禮二大臣命婦引

孝賢純皇后於正中拜褥上立。

貴妃在左。

妃在右。

嬪亦在右。咸就拜位嚮上立。行六肅三跪三拜禮。

引禮二大臣命婦奏禮成。引

孝賢純皇后

貴妃

妃

嬪等復原位立。轉傳內監奏請

皇太后還宮。

孝賢純皇后率

貴妃

妃

嬪等俟奉

皇太后御壽康宮。是日停止公主福晉命婦祇俟。停止

筵燕。免

賜茶。○嘉慶二十五年。

孝和睿皇后御壽康宮。乘禮輿至

啟祥門內。

宣宗成皇帝跪迎。步隨至

壽康宮。更朝服。至

慈寧門外。率王大臣官員行禮。

欽定大清會典事例卷三百十三

禮部

耕藉耕藉事宜儀節 耕藉典禮 直省

耕藉事宜儀節。○凡

耕藉之禮。置藉田於

先農壇之東南。中為

帝藉。築臺於藉田北。為

皇帝觀耕之位。歲仲春或季春吉亥。

皇帝躬耕於

帝藉。豫期由部奏請。

命王三人卿九人從耕。鴻臚寺豫於

帝藉兩旁東西從耕位。立表以識。擇吉。內務府奏請

皇帝於豐澤園先行演耕。耕藉前一日。遣官祇告

奉先殿如常儀。是日。順天府尹設二案於

太和殿東檐下。以龍亭三。綵亭四。陳設耕具。

皇帝躬耕耒耜及鞭。皆飾以黃。布嘉種以稻。從耕三

王。九卿布種以麥。穀。菽。黍。各盛青箱。由

長安左門入。至

午門外。亭止。府屬官恭奉入左門。至

太和殿東檐。次第陳於案。戶部官舉案入

中和殿。陳於

殿正中。鞭耒案在前。種箱案在後。戶部禮部尚書

侍郎率屬立

中和殿丹陛之南。重行北上。均西面。

皇帝御中和殿。閱視

先農祝版。儀見祠次

閱耕具畢。奏禮成。

乘輿還宮。戶部官舁案至

太和殿東檐。順天府官徹案。奉耒具出

午門。仍陳各亭內。鑿儀杖舁行。前列旗仗。和聲署

作樂前導。送耒田耕所。陳龍亭於

帝耒左右。陳綵亭於東西。從耕位。至日。

皇帝禮服詣

先農壇致祭畢。儀見祠

御具服殿。更龍袍。從耕暨侍班各官咸退。更蟒袍補

服以俟。

帝耒正中。陳

躬耕黃耒。駕以黃犢。戶部尚書一人立於右。東面。順

天府尹奉鞭立於左。西面。耒田東西。陳從耕耒

耒各六。駕以黝牛。府屬丞倅奉青箱者。咸俟於

次。樂部典樂一人。和聲署正二人。丞二人。立耒

田左右。署史歌禾辭者十人。司金鼓版笛笙蕭

者各四人。執叉帚等八人。以次立耒田左右。麾

五色綵旗者二十人。披蓑戴笠執錢鐔者三十

人。牽牛耆老十九人。上農夫十人。中農夫十人。

下農夫十人。立歌禾辭者之外。相間為班。均東

西面。魚貫序立。鴻臚寺鳴贊二人。侍儀御史二

人。夾耒田序立。不從耕王公暨三品以上文武

官序立於

觀耕臺側。屆時。禮部司官舉紅旗三麾。各執事齊

赴耒所。禮部尚書奏請

行耕耒禮。

皇帝出具服殿。恭導至

耕位。南嚮立。從耕三王九卿以次就耕位。東西面立。

鴻臚寺官引王公各官至

觀耕臺南左右隅。均南嚮立。鳴贊贊進耒。戶部尚

書北面跪進耒。贊進耒。順天府尹北面跪進耒。

皆興退。

皇帝右秉耒。左執鞭。耆老二人牽犢。上農夫二人扶

耒。禮部太常寺鑿儀衛堂官各二人恭導。

皇帝行耕耨禮。和聲署署史揚綵旗。司樂官引署史  
鳴金鼓。歌禾辭。左右隨行。順天府丞奉青箱以  
從。戶部侍郎播種。

皇帝三推三返。每歲奉一返者為念畢。歌止。鳴贊贊受耒。戶部尚書北面跪受耒。贊受鞭。順天府尹北面跪受鞭。皆興。暨順天府丞奉青箱。仍設龍亭。和聲署正率所屬退。禮部尚書奏請

御觀耕臺。

皇帝由午階升座。記注官四人由西階升。立臺上。西南隅東面。鴻臚寺官引王公百官。退立臺下。左

右均東西面北上。復引順天府尹及丞率屬官者老農夫。至臺前甬道西。北面東上。鳴贊贊跪叩興。行三跪九叩禮畢。從耕三王九卿以次受鞭耒。皆耨耨者老一人牽牛。農夫二人扶犁。順天府屬丞倅一人奉青箱。一人播種。三王五推五返。九卿九推九返。九卿於三王一推一返後。即行從耕畢。釋鞭耒。入侍班位。立。執事官各設青箱於綵亭。順天府兩縣官率耨耨者老農夫。仍至耨田終畝。禮部尚書奏禮成。

駕興由東階降。

乘輿還宮。導迎樂作。奏祐平之章。王公從。各官以次退。

耨耨者老農夫布各四疋。及秋。玉粒告成。擇吉收存神倉。以供

天

宗廟。如恭逢

皇帝初次詣

先農壇。行耕耨禮。禮成後。應請

皇帝御慶成宮。行慶賀禮。

賜諸王大臣茶。由禮部樂部會奏禮節。是日。九卿九

推九返。退就本班立時。禮部堂官奏耕耨禮成。

恭請

皇帝詣

慶成宮。

皇帝由東階下乘禮輿。出先農門。導引樂作。奏祐平之章。

皇帝至慶成宮門外。樂止。

皇帝入慶成宮門。中和韶樂作。奏顯平之章。

皇帝至檐前降輿。暫

御後殿樂止。順天府兩縣官至。

慶成宮東門報終。畝畢。鴻臚寺官引王公等在丹

陛上。文武各官在丹陛下。按翼排班畢。禮部堂

官奏請

皇帝御慶成宮。中和韶樂作。奏隆平之章。

皇帝升座。樂止。鴻臚寺官於隔扇外東旁西嚮跪奏

親耕禮成。行慶賀禮。贊排班。丹陛大樂作。奏慶平之

章。王以下各官俱嚮上排立。鳴贊官贊跪叩興。

王以下各官行三跪九叩頭禮。禮畢。樂止。贊退。

王以下各官於原位行一叩頭禮。序坐。茶卓進。

丹陛清樂作。奏喜春光之章。

皇帝進茶。王以下各官俱於序坐處跪行一叩頭禮。

次

賜詩王大臣茶。茶畢。樂止。鴻臚寺官引王以下各官

出大門外排立。祇候。禮部堂官奏禮成。

皇帝起座。中和韶樂作。奏顯平之章。

皇帝至升輿處。乘禮輿出

壇。法駕鹵簿前導。導引樂作。奏祐平之章。王貝勒貝

子公等隨行。各官俱退。不齋戒。王以下文武各

官於

午門外排班跪迎。

皇帝進午門。樂止。

午門鳴鐘。諸王以下。公以上。隨至

午門內。恭候

皇帝還宮。各退。○如

耕藉之期。恭遇

時巡省方。遣官祭

先農禮畢。順天府尹率屬耕藉。與直省督撫耕藉同。

耕藉典禮。○順治十一年。

世祖章皇帝躬祭

先農壇。行耕藉禮畢。

御齋宮。今為慶成宮。

賜羣臣燕。曰勞酒。○又題准。

耕藉前一日。順天府以龍亭三。載

躬耕耒耜。耜種青箱。以綵亭四。載諸王從耕。麥種

穀種青箱。九卿從耕。豆種黍種青箱。至

午門外。亭止。順天府官奉耒耜種箱。由左門入。陳

設於

太和殿階下。俟

上御中和殿。閱祭

先農祝版畢。戶部官奉入

中和殿。依次陳設。

上御殿。閱視畢。還宮。戶部官奉出

太和殿下。授順天府官奉出

午門。置各亭內。送耕藉所。至日。

上禮服。詣

先農壇致祭畢。

御具服殿。更龍袍。王以下文武各官。更蟒袍補服。順

天府官。陳龍亭於綵棚內左右。陳綵亭於綵棚

外東西從耕位。禮部堂官奏請行

耕藉禮。導駕官同太常卿導

上至耕位。南嚮立。從耕三王九卿各就耕位立。不從

耕王以下各官。在席棚外序立。鴻臚寺官贊進

耒耜。戶部尚書北面跪進耒耜。贊進耒耜。順天府

尹北面跪進耒耜。禮部鑾儀衛太常寺堂官導

上耒耜三推。黃耒。駕。以黃耒。教坊司。今為樂部。和耕耒。樂工。歌三十

六禾辭。順天府丞奉青箱。戶部侍郎播種耆老

隨後覆土畢。鴻臚寺官贊受耒耜。戶部尚書跪

受耒耜。贊受耒耜。順天府尹跪受耒耜。各置亭內。禮

部太常寺堂官導

上御觀耕臺南嚮坐。王以下文武各官。按翼序立。次

三王各五推。次九卿各九推。皆耒耜。駕。順天府

屬官執青箱播種耆老隨後覆土畢。各就侍班

位立。禮部尚書奏耕藉禮成。導

上由東階降。出

先農壇門乘輦。教坊司作導迎樂。至

齋宮門。樂止。

齋宮內大樂作。

駕至齋宮檐前降輦。

升座。樂止。王公由左右門入。文武各官由東西旁門

入。按翼序立。丹陛樂作。順天府尹率所屬官及

耆老農夫行三跪九叩禮畢。樂止。由西門出。率

農夫終畝。

賜王公坐。候耕畢。順天府尹暨丞率大興宛平縣官

由東門入。報終畝。鴻臚寺卿進至

殿門外。跪奏

親耕既成。禮當慶賀。鳴贊贊排班。王公於丹陛上文

武各官於丹墀內各序立。丹陛樂作。贊跪叩興

各行三跪九叩禮。樂止。諸王由

殿左右門入。貝勒以下各於原立位行一叩禮。序

坐。

賜茶畢。大樂作。

上御後殿。樂止。光祿寺設燕畢。禮部尚書奏請

御前殿。大樂作。

上升座。樂止。王以下文武各官。皆就原位行一叩禮。

序坐。進燕。教坊司作樂。進酒。王以下文武各官。

咸於坐位跪。一叩。復坐。教坊司承應。用大樂隊

舞雜劇。燕畢。諸王出。

殿門就原立位。貝勒以下咸起立。鳴贊贊排班。行

一跪三叩禮。各出。

齋宮門外祇候。

駕興。鹵簿前導。導迎樂作。

上還宮。王公從。來皆退。○又奏准。耆老每人賞布一

疋。○康熙十一年。

聖祖仁皇帝親行耕藉禮。前期一日。遣官祇告

奉先殿。是年耕藉日。因值

日壇齋戒。停止行慶賀禮。筵燕作樂。○雍正二年。

世宗憲皇帝祭

先農壇。行耕藉禮。前期一日。祇告

奉先殿。○又題准。

躬耕帝藉。教坊司領樂官四人。頂戴老人四人。工歌

三十六禾辭者十有二人。司金司鼓司版者各

六人。麾五色綵旗者五十人。執叉扒鋤帚披蓑

戴笠者二十人。順天府耆老三十四人。上農夫

十人。中農夫十人。下農夫十人。

皇帝右秉耒。左執鞭。耆老二人牽牛。上農夫二人扶

犁。工鳴金鼓。歌三十六禾辭。招颺綵旗。唱和隨

行。三推三返畢。次從耕三王。各耆老一人牽牛。

農夫二人扶犁。五推五返畢。次從耕九卿。各耆

老一人牽牛。農夫二人扶犁。九推九返。

齋宮進燕。丹陛樂作。奏雨暘時若之章。進酒。管絃

樂作。笙蕭合奏。奏五穀豐登之章。進饌。清樂作。

奏家給人足之章。餘儀與順治十一年同。○又

奉

旨。今年耕藉。朕四推四返。御齋宮。賜王公大臣茶。停止

筵燕。賞耆老農夫布各四疋。○四年

諭。國以民為本。民以食為天。朕即位以來。念切民依。舉

行耕藉之禮。殫極精誠。為民祈穀於

上帝。乃雍正二年三年。藉田疊產嘉禾。有至一莖九穗

者。朕心亦以為偶然之事。今據順天府尹進呈。今歲



藉田所產。自一莖雙穗三穗以至八穗九穗。皆碩大堅好。異於常穀。朕見之心甚慰悅。特令宣示廷臣。並非以此為祥瑞。誇耀於衆也。蓋實有見於天人感召之理。捷於影響。無纖毫之或爽。朕以至誠肫懇之心。每歲躬耕藉田。以重農事。即蒙

上帝降鑒。疊產嘉穀。以昭休應。似此八穗九穗之數。豈人力之所為。亦豈人君強之使有乎。天人感應之理。朕見之最真最切。但恐此心不誠耳。誠則未有不動者。即如從前青海蠢動。朕為邊陲憂慮。虔禱於宮中。不數旬而捷音即至。疆圉寧謐。又如前歲夏間。近畿雨澤稍愆。朕在宮中默禱。減膳修省。虔誠叩懇。不數日而甘霖大沛。禾稼有秋。此皆近年以來。朕親行親驗之事。至於去年夏秋之間。時常陰雨。朕在宮中但覺雨水稍多。不知其大為民患。督撫並不將畿輔被潦實情具奏。是以朕竟不聞知。未曾早為虔禱。彈極誠心。以挽

天意而舒民困。及該署督詳細奏聞。朕宵旰憂勤。幾廢寢食。於是截漕發倉。多方賑濟。京城設廠。各邑興工。俾窮民皆得餬口。是以地方雖被水災。而小民不致流離失所。朕撫綏憫恤之念。實為迫切。今歲二麥豐

收。禾黍暢茂。此皆

上天俯鑒朕衷。故嘉惠黎元。而錫以盈寧之慶也。蓋天生民而立之君。鑒觀在上。人君一念敬謹。政事無闕。天必嘉之佑之。一念放逸。政事有乖。天必做之戒之。此一定之理也。况人君撫馭臣庶。位處極尊。所以賞罰之者。獨有

上天耳。是以朕每於水旱等事。皆實心內省。必係朕有過失。

上天做戒示譴也。至於各省旱潦之事。朕皆視同一體。原無彼此之別。惟是地方相隔路遠。彼地偶有水旱。有司未必即行具報。及至奏達朕前。而緊急之時已過。是以朕無從盡其誠心。為之祈禱。此其責則全在本省督撫。以督撫受朕委任之重。為朕養育萬民。必視百姓之疾苦。如痛癢之在己身。一遇水旱饑饉。必思所以致此之由。或因本省之政事吏治有闕。即思速為改易之。或因本地之人心風俗不端。即思速為化導之。兢兢業業。修省祈禱。竭盡誠心。一如朕之朝乾夕惕。斷無不可以挽回

天意者。假若聞朕之政治稍有闕失。即直言陳奏。不必隱諱。如此則官與民聯為一體。臣與君又聯為一體。

太和翔洽。實意交孚。天聽雖高。誠呼吸可通矣。朕每歲躬耕藉田。並非崇尚虛文。以為觀美。實是敬

大勤民之至意。禮曰。天子為藉千畝。諸侯百畝。據此則耕藉之禮。亦可以通於天下矣。朕意欲令地方守土之官。行耕藉之禮。使之知稼穡之艱難。悉農民之作苦。量天時之晴雨。察地力之肥磽。如此則凡為官者。皆時存重農課稼之心。凡為農者。亦斷無苟安怠惰之習。似與養民務本之道。大有裨益。著九卿詳議具奏。欽此。遵

旨議定。通行奉天直隸各省。於該地方擇地為藉田。建

立

先農壇。以雍正五年為始。每歲仲春。府尹督撫及府州縣衛所等官。率所屬官員耆老農夫。恭祭

先農之神。照九卿耕藉例。行九推之禮。務須實心奉行。其各處動支錢糧數目。設立藉田畝數。令該撫報明戶部禮部存案。○五年題准。詳訂耕藉儀節。頒行直省。各擇東郊官地。潔淨豐腴者。立為藉田。如無官地。動支正項錢糧。置買民田。以四畝九分為藉田。即於藉田後。建立先農壇。供奉

神牌。收存祭品。選擇勤謹農夫二名。免其差役。酌給口糧。令居

壇西配房看守。朝夕灑掃。每歲耕藉之日。祭

先農壇禮畢。各官俱更蟒袍補服。省城督撫秉耒。知縣執青箱。知府播種。府城知府秉耒。佐貳執青箱。知縣播種。州縣正印官秉耒。佐貳執青箱播種。專城衛所用正印官秉耒。如無屬員。即選擇耆老執青箱播種。耕時。用耆老一人牽牛。農夫二人扶犁。俱照九卿之例。九推九返。農夫終畝。耕畢。各率耆老農夫。行望

闕三跪九叩禮。其農具俱用赤色。牛用黑色。箱用青色。所盛籽種。悉從各處土宜。即著守

壇宇農夫灌溉藉田。地方官不時勸課。將每年所收米穀。及用過菜盛數目。造冊報布政司。送戶部查覈。至各省耕藉日期。每年十月初一日。頒時憲書後。文欽天監選擇吉期。禮部奏請

欽定。通行奉天府府尹直隸各省督撫。轉飭所屬。同日舉行。永著為令。○又

頌嘉禾圖於直省。

諭。朕念切民依。今歲令各省通行耕藉之禮。為百姓祈

求年穀幸邀

上天垂鑒。雨暘時若。中外遠近。俱獲豐登。且各處皆產嘉禾。以昭瑞應。而其尤為罕見者。則京師藉田之穀。自雙穗至於十三穗。御苑之稻。自雙穗至於四穗。河南之穀。則多至十有五穗。山西之穀。則長至一尺六七寸有餘。又畿輔二十七州縣。新開稻田。共計四千餘頃。約收禾稻二百餘萬石。暢茂穎粟。且有雙穗三穗之奇。廷臣僉云。嘉禾為自昔所未有。而水田為北地所創見。屢次陳請。宣付史館。朕惟古者圖畫幽風於殿壁。所以誌重農務本之心。今蒙

上天特賜嘉穀。養育萬姓。實堅實好。確有明徵。朕祇承之下。感激歡慶。著繪圖頒示各省督撫等。朕非誇張以為祥瑞也。朕以誠恪之心。仰蒙

帝鑒。諸臣以敬謹之意。感召

天和。所願自茲以往。觀覽此圖。益加做惕。以修德為事神之本。以勤民為立政之基。將見歲慶豐稔。人歌樂利。則斯圖之設。未必無裨益云。○又

諭。今歲各省俱產嘉禾。頃鄂爾坤圖喇地方俱產瑞麥。有一莖至十五穗之多。恭進前來。廷臣見之。皆以為極邊初墾之地。有此上瑞。尤為罕觀。自古聖帝賢王。

皆專務實心實政。不以祥瑞為尚。朕深明此理。擯斥虛文。而今年各處所產之嘉禾。朕之所以宣示中外者。蓋因今年為舉行耕藉典禮之初。即獲感召

天和。庶嘉普應如是。是以特為表著。以明天人感應之理。捷於影響。庶期中外諸臣。益加誠敬。共為做勉。於將來也。從前屢頒諭旨。甚明。但恐嗣後地方有司。未必人人深悉朕心。競尚嘉禾之美名。或藉端粉飾。致有隱匿早潦之事。不以上聞者。亦未可定。著將雍正五年以後。各省田畝產嘉禾之處。俱停其進獻奏聞。○~~庚~~年奏准。二月十二日。行耕藉禮。前一日遇

素服日期。停止

閱農器穀種。至期。行

親耕禮如儀。停止筵燕。○乾隆三年。

高宗純皇帝舉行

親耕禮。停止筵燕。與雍正二年同。○五年奏准。三月初

十日。屆耕種之期。適逢閏歲。節氣尚寒。此次令

順天府尹。照直省督撫例行。至來歲春和。再請

舉行

親耕之禮。○又

諭。嗣後耕藉日。禮部豫先擇定日期。奏明。行文各省督

撫同日一體遵行。仍將遵行耕藉日期奏聞。○又覆

准吉林黑龍江二處將軍照各省督撫府州縣

衛所之例。該將軍每歲舉行耕藉之禮。○八年。

耕藉設樂。用和聲署正二人。丞二人。率署史歌禾辭

者十有四人。司金司鼓司版司笛司笙司簫者

各六人。麾綵旗者五十人。董以樂部典樂一人。

○九年

親耕奉

旨。朕四推四返。不御齋宮。不賜茶。三王一推一返後。九

卿即行從耕。○十三年。

聖駕東巡。遣官致祭

先農壇。其耕藉禮。令順天府尹照直省督撫例行。○

二十年。改

齋宮為

慶成宮。○二十三年

諭。吉亥藉畝。所重劬農。黛耜青箱。畚鍤蓑笠。咸寓知民

疾苦之意。而設棚懸綵。以茫風雨。義無取焉。吾民涼

雨犁而赤日耘。雖襍穢之尚艱。豈夫溼之能避。且片

時用而過期微。所費不啻數百金。是中人數十家之

產也。其飭除之。○三十九年奉

旨。嗣後耕藉時。觀耕臺著添搭帷次。○五十年  
諭。每歲春三月。應祭

先農壇行耕藉禮。禮部俱先期將祭祀日期及藉田

一應事宜豫行具題。雖屬照例辦理。但國家典禮以

實不以文。朕臨御以來。兢兢以敬

天勤民為念。

郊壇大祀。無不躬親。即藉田親耕。亦從未嘗稍憚煩勞。

雖本年壽已七十有五。猶親舉三推之典。惟是春秋

已高。或恐步履稍遜。若二三年後。自揣精力如常。偶

一舉行。豈非熙朝盛事。至本年甫經親行耕藉。明歲

應否躬蒞。自應候朕酌行。乃禮部仍照例具題。竟視

每歲俱親詣行禮者然。豈不轉為具文耶。我國家受

命延洪。純嘏數錫。世世子孫。若能皆似朕之敬勤不倦。

自必景祚綿長。享國久遠。朕所用古稀天子之寶。持

於乾清宮存貯一分。若我子孫內有享永祚而登上

壽者。亦得鈐用此寶。洵為社稷靈長之福。嗣後我子

孫繼承奕禩。惟當不懈益勤。凡遇親耕典禮。若年在

六十以內。禮部自應照例具題。年年躬行耕藉之禮。

若年踰六十。令禮部先期以親蒞或遣官之處。具本

題請。庶鉅典不尚虛文。而展禮益昭誠恪。著為令。所

有此次禮部具題一本。即著照此旨改繕進呈。○又奉

旨。閱祝版畢。毋庸御保和殿。即親行徧閱耕藉器具穀種。○五十四年

諭。明歲已屆八旬。嗣後凡遇中祀耕藉。著禮部即於本內奏請遣官行禮。其應否親詣之處。不必聲明請旨。○嘉慶四年五年六年耕藉。因在二十七月以內。奉

旨。俱遣官行禮。七年以後。俱

親詣行禮。○十四年

諭。朕於三月初三日祀

先農壇。禮畢舉行耕藉。禮成啟鑿。恭謁

西陵。是日從耕之三王九卿及侍班觀耕之大員。均應送駕。並有派出扈蹕者。若俟侍班行禮完竣。趕赴前途。未免稍形迫促。因思禮以親耕為重。朕恪恭祀事。躬舉四推。率申誠敬。其隨從襄禮者。正不妨略從權宜。此次從耕之三王九卿。著不必開單請派。其應行進犁進鞭播種及執事各員。著於在京未派隨扈人員內。照例請派。派出之員。即毋庸趕往送駕。此外陪祀之王公大臣等。於朕親祭後。先往送駕。扈蹕者即

應扈行。除御前乾清門侍從諸臣外。俱不必在壇所伺候。○十六年

諭。向來耕藉典禮。於親耕後升觀耕臺。閱視從耕之三王九卿以次俱畢。然後順天府府尹等率父老耆民謝恩。維時父老等散布藉田。招集需時。行禮匆遽。未足以肅觀瞻。嗣後著該府尹等豫飭父老耆民整齊排列。於親耕後升觀耕臺時。即率領至臺下先行謝恩。朕俟謝恩禮畢。再閱從耕。用昭整肅。○十九年奏准。查舊例用有頂戴耆老三十五名。今據裁去十六名。仍留十九名。以資熟手。至農夫一項。係

民人充當。向用四十八名。今酌增十二名。共六十名。盡用內務府蘇拉。將民夫概行裁撤。○又議准。嗣後

耕藉日。從耕各官。於

先農壇東門外。更換蟒袍補服。○二十一年祭先農壇。奉

旨。由

太歲門進北天門。其

先農門並不開放。所有隨駕從耕之王公文武大臣俱在

太歲門外下馬步。俟祭祀畢。詣具服殿更衣時。所有隨駕從耕王公文武大臣俱在。

內壇祭器庫東北角門外更換蟒袍。所帶筆帖式並跟隨人等。即在門外伺候。不得擅入。以昭慎重。○二十三年十二月

諭。明年三月初七日。耕藉禮成後。朕詣具服殿更衣。即

啟鑿恭謁

東陵出

壇時。其法駕由簿導迎樂章。俱著撤去。毋庸豫備。○二十四年。

仁宗睿皇帝親耕禮成

御具服殿更衣。乘輿出

壇。鴻臚寺官引順天府府尹率闔屬官並耆老農夫。服本等服色。各持農器。至

觀耕臺前西旁北嚮排立。鴻臚寺官贊行三跪九

叩頭禮畢。從耕之三王九卿仍照例耕藉。順天府官率耆老農夫終畝。○二十五年祭

先農壇。遣官行耕藉禮。○道光三年。

宣宗成皇帝初次行耕藉禮。照嘉慶元年成案。御慶成宮行慶賀禮。並

賜諸王大臣茶。○五年

諭。本年春雨較少。農田盼澤甚殷。朕齋心默禱。本日溼霈甘霖。自丑至午。勢尚未已。極為深透。仰荷

昊慈。益深欽感。耕藉為勸農重典。朕特命御前大臣禧恩。前往藉田看視。茲據奏稱。藉田扶犁處所。積水甚

深。四推典禮。難以舉行。朕思耕藉大禮。致祭先農。必應躬親祀事。以答

神庥。業經先期進宮齋戒。本日閱視祝版。十二日仍恭詣

先農壇致祭。並詣

太歲壇行禮。禮成後還宮。其藉田事宜。著順天府尹照例率屬行耕藉禮。並率農夫終畝。以肅明禋而重

鉅典。○十一年。致祭

先農壇。恭直

孝賢純皇后忌辰。

宣宗成皇帝祭畢。更龍袍。行耕藉禮。從耕之三王

九卿。及不從耕之王以下各官。俱更蟒袍補服。作樂歌禾辭。耕藉禮成。導迎樂設而不作。

還宮後。仍更素服。○二十二年。宣宗成皇帝壽逾六旬。照乾隆五十年成案。遣官行耕

耜禮。咸豐三年。

文宗顯皇帝親行耕耜禮。嗣後均遣官。同治十二年奉

旨遣官行耕耜禮。光緒十三年。

皇帝初次詣

先農壇行耕耜禮禮成後。

御慶成宮行慶賀禮。

賜諸王大臣茶。

直省耕耜。直省耕耜之禮。奉天府及直省府州縣。於東郊

先農壇側擇地為耜田。歲仲春或季春吉亥。既有事

於

先農。迺行耕耜禮。省會督撫秉耒。府佐貳一人奉青

箱。一人播種。司道秉耒。縣佐貳奉青箱播種。府

縣秉耒。首領雜職官奉青箱播種。各府州縣如

之。專城衛所。正印官秉耒。掾史奉青箱播種。咸

綵服。每歲收穫。以供祭祀之菜。盛督撫以奉行

耕耜日期。具疏以

聞。雍正四年議准。奉天直隸各省。於該地方擇地

為耜田。以雍正五年為始。每歲仲春。府尹督撫

及府州縣衛所等官。率所屬耆老農夫。行耕耜

禮。該督撫將設立耜田畝數。報明戶部禮部存

案。五年議准。直省各擇東郊官地潔淨豐腴

者。立為耜田。如無官地。動支帑銀置買民田。以

四畝九分為耜田。每歲耕耜之日。祭

先農禮畢。各官咸易蟒袍補服。省城督撫秉耒。知縣

執青箱。知府播種。府城知府秉耒。佐貳執青箱

知縣播種。州縣正印官秉耒。佐貳執青箱播種

專城衛所。正印官秉耒。如無屬員。即選擇耆老

執青箱播種。耕時。用耆老一人牽牛。農夫二人

扶犁。悉照九卿之例。九推九返。農夫終畝。耕畢。

各率耆老農夫望

闕行三跪九叩禮。其農具用赤色。牛用黑色。箱用

青色。所盛籽種。各從其土之宜。即耜守

壇宇。農夫灌溉耜田。地方官不時勸課。將每年所收

米穀及用過菜盛數目。造冊報布政使司送戶

部覈實。至各省耕耜日期。每歲十一月頒時憲

書後。交欽天監擇日。由部奏請

欽定。通行奉天府府尹直隸各省督撫。轉飭所屬同

日舉行。永著為令。又

日舉行。永著為令。又

諭。嗣後耕藉日。爾部豫先擇定日期奏明。行文各省督撫。同日一體遵行。仍將遵行耕藉日期奏聞。○又覆准。吉林黑龍江二處將軍。照各省督撫府州縣衛所之例。該將軍每歲舉行耕藉之禮。○又奏准。直省耕藉。總督或巡撫率在城文官舉行。是日首縣知縣視土宜。備穀種青箱耒耜耨耜耨牛及他農器耕器。豫陳耕所。耆老率農夫披蓑戴笠。俟於田間。通贊學弟子員分立田首。又闕張畫屏。設香案一。南嚮。通贊立香案之南。引班教諭訓導立通贊之南。皆東西面。督撫以下與祭官皆朝服。致祭。

先農禮畢。各官易蟒袍補服。詣藉田。通贊贊行耕藉禮。督撫以下就耕所。執事者授耒耜與耨。皆右秉耒左執耨進耕。督撫以府佐貳官一員執種箱。一員播種。布政使按察使以首領官執箱播種。各道以州縣佐貳官執箱播種。知府知縣以丞史執箱播種。皆耆老一人牽牛。農夫二人扶犁。各九推九返畢。釋耨耒。以次序立田首。西面北上。農夫遂終畝。告畢事。各官望

闕立。通贊贊齊班。引班分引督撫以下至香案前。按班序立。重行北面。耆老農夫少遠。列行北面。隨立。贊跪叩興。行三跪九叩頭禮。興。各退。若府不附省。州縣衛不附府者。正印官率佐貳丞史耕藉。各以耆老二人執箱播種。餘與省會同。



欽定大清會典事例卷三百十四

禮部

親蠶

親蠶事宜儀節

親蠶典禮

親蠶事宜儀節。凡

親蠶之禮。置桑田於西苑

先蠶壇之東南。中為

躬桑位。築臺於桑田北。為

皇后觀採桑之位。設蠶母二人。蠶婦二十七人。掌蠶

事。置內監蠶宮令丞各一人。以董之。詳見內務府事例

歲季春吉巳。

皇后躬祀

先蠶。詳見中禮成如蠶已生。則於次日。如蠶未生。則

內務府奏請另擇日行

躬桑禮。豫期。宮殿監督領侍奏請

妃

嬪二位。內務府奏以公主福晉夫人三人。命婦四

人。從採桑。所司於桑田。設從採桑位於臺南。東

西立表以識。前期一日。宮殿監督於

交泰殿中。內務府奉宸苑堂官率所屬以龍亭。

綵亭二。陳採桑具。

皇后金鈎黃篋。從採桑

妃

嬪銀鈎柘黃篋。福晉夫人命婦鐵鈎朱篋。各儲亭

內。由內務府入

隆宗門至

內右門外。亭止。宮殿監督領侍率蠶宮令丞暨內

監恭奉入。至

交泰殿。次第陳於案。宮殿監督領侍等奏請

皇后吉服。

御交泰殿。閱採桑具畢。奏禮成。

皇后還宮。內監奉出

內右門。仍陳各亭內。鑿儀校昇行。前列旗仗。和聲

署作樂前導。送採桑所。陳龍亭於臺右。陳綵亭

於東西。從採桑位。至日。豫引從採桑暨侍班公

主福晉命婦咸綵服。至觀採桑臺左右恭俟。禮

部內務府堂官詣

乾清門奏請。宮殿監督領侍等接奏。

皇后率從採桑

妃

嬪咸吉服。乘輿出宮。導從如常儀。至內壇東門外

降輿。

御前館相儀女官二人奉鈎筐立於臺前左右東西面。掌儀司內監率歌採桑辭內監十人。司金鼓版笛笙簫內監二十四人。立臺前。麾五色綵旗。內監四十人。於桑田內東西面。魚貫序立。傳贊女官二人。立臺前左右。不從採桑公主福晉命婦序立於臺側。典儀女官奏請

行採桑禮。  
皇后出前館。引禮女官恭導。至採桑位。南嚮立。從採桑

妃

嬪公主福晉夫人命婦以次就採桑位。東西面立。傳贊引不從採桑公主福晉夫人命婦至臺南左右隅。南嚮立。相儀二人北面跪進鈎筐興退。

皇后右執鈎。左執筐。贊母二人恭助

皇后行採桑禮。內監揚綵旗。鳴金鼓。歌採桑辭。

皇后於第一行東西三採畢。歌止。相儀二人北面跪受鈎筐皆興。奉鈎仍設龍亭內。典儀奏請

御觀採桑臺。

皇后由下階

升座。

妃

嬪侍立於臺上左右。傳贊引公主福晉夫人命婦於臺下東西面序立。均北上。從採桑

妃

嬪公主福晉夫人命婦以次受鈎筐。贊母二人助採。

妃

嬪於第二行各五採。福晉夫人於第三行命婦於第四行各九採畢。釋鈎筐。入侍班位立。執事女

官各設鈎於綵亭。傳贊引贊母升階。至

皇后前北面跪。相儀舉筐授贊母。贊母祇受興。引退。至贊室切之。授贊母灑於箔。贊母還告。典儀奏

請

御前館。

皇后降階。前引暨贊引女官恭導。贊引相儀從。

妃

嬪以下咸從。典儀奏請

皇后升座。傳贊贊行禮。贊引引從採桑暨侍班

妃

嬪公主福晉命婦在丹陛上。蠶母蠶婦在丹墀。各就拜位。北面行六肅三跪三叩禮畢。典儀跪奏禮成。

皇后降座。引從如初。至內壇東門外。乘輿還宮。公主福晉命婦以次退。至獻繭日。蠶母率蠶婦擇佳繭。儲以筐。恭獻。

皇后。

皇后獻

皇帝

皇太后以吉蠶事之登。遂率

妃

嬪乘輿出宮。導從如儀。

親臨織室。蠶母率蠶婦。全獻繭之所登者。

皇后行繅三盆手禮。

妃

嬪從繅。以五為節。蠶婦助之。畢。遂布於蠶婦之吉

者。使繅。既成。絲。迺命染人。朱綠元黃之。以供

郊

廟黼黻之用。禮成。

賜執事女官暨蠶婦銀幣有差。如蠶未生。另期行

躬桑禮。前期

皇后散齋一日。不進銅人。從採桑

妃

嬪公主福晉命婦九人。一體齋戒一日。

皇后不親蠶之年。

遣妃祭

先蠶壇。翼日。蠶宮令監視蠶婦行採桑禮。

親蠶典禮。雍正十三年議准。

京師於北郊擇地建

先蠶壇。每歲以季春巳日。遣禮部堂官一人承祭。直

省各府州縣。均於北郊設立

先蠶壇。以季春巳日致祭。一切禮儀。均依祭

先農典禮。乾隆元年議准。停止建立

先蠶壇。改立

先蠶祠宇。至期。遣禮部堂官一人承祭。其各省蠶壇

皆罷設。○七年議准。

皇后親饗

先蠶暨

躬桑禮。分兩日舉行。每歲以季春之巳吉日祭

先蠶。

躬桑。以蠶生未眠之前。風日晴和為良日。若致祭之明日。蠶尚未生。俟蠶生時。內務府具奏。若蠶已生。即於是日進筐鉤。

皇后御交泰殿閱視。又明日行躬桑禮。○又議准。

皇后躬桑。從採桑者九人。

妃

嬪二位。公主福晉以下。輔國公夫人以上三人。文

官左副都御史等官以上。武官副都統暨二品

官以上。命婦共四人。公主福晉夫人等。由宗人

府開送。大臣命婦。由內務府開送。均於前期一

月。移取無事故者。奏請

欽點。○又定。設蠶宮令一人。丞一人。經理蠶務。以首

領內監充補。由宮殿監督領侍遴選。列名奏請

欽點。○又定。設蠶母二人。於內外命婦中。擇年高迪

吉。嫻於禮儀者為之。總理禮儀之事。不必移居

蠶室。

皇后躬桑。率蠶婦以從。獻繭奉繭以進。

皇后繅三盆手。相其儀。蠶婦二十七人。以舊經內苑

育蠶熟。悉蠶事者為之。居蠶室。朝夕飼養。○又

議准。執事女官典儀二人。掌奏請

皇后行禮之儀。贊引二人。掌恭導

皇后行禮之儀。傳贊六人。掌分導從採暨蠶母受筐

唱贊行禮之儀。對引二人。掌引導。前引十人在

對引前導引。相儀二人在

皇后後隨宜襄贊。補缺八人。凡執事有遺缺者。補之。

前期三月。內務府列應執事人名。奏請

欽點

命下之日。令內監監視習儀。禮成之後。分別賞賚。臨

期內務府請

旨行。○又議准。

皇后採桑時。照耕藉三十六禾辭之例。唱採桑歌。執

綵旗者四十人。司金鼓版六人。司笙簫笛十有

八人。歌者十人。在桑林外東西序列。咸以內監

充之。先期令內監監視演習。○又議准。繭成之

日。蠶婦報蠶宮令。蠶宮令報內務府。擇獻繭及

繅絲吉期以

聞。及期蠶母率蠶婦。擇繭之圓潔者。儲筐。獻

皇后。

皇后受繭以獻

皇帝仍分

賜

妃

嬪

皇后率

妃

嬪

親臨織室。蠶母蠶婦全獻繭之所登者。相儀命婦奉

盆水。蠶母納繭於盆。以手出緒。握其總。跪進

皇后。

皇后受總。親繅三。少退立。

妃

嬪進繅。以五為節。畢。遂布於蠶婦之吉者使繅。

九年奏准。賞執事女官皆表裏各二疋。蠶母各

銀二十兩。蠶婦各銀十兩。○嘉慶十六年

諭。內務府奏開列恭從採桑福晉命婦清單。奏請欽點

一摺。每年皇后親蠶。以福晉命婦七人。隨從採桑。係

屬大典。乃近年來開列單內。除近支福晉外。大率係

皇后姻親。意欲藉此請安。所以年年開送。其餘多託

故不與。此次開列單內。僅止九人。其中大臣命婦則

止有二人。自係各該大臣等不令其妻恭豫典禮。是  
以託故不行開送。似此積漸因循。必致開列人數。不  
敷點派。成何事體。此次姑就單內圈出七人。以備典  
禮。嗣後各該大臣命婦。除實係有故照例聲明免其  
開送外。其餘俱著一併開列。如仍前託故規避。致人  
數短少。著內務府查明無故不到者。將該命婦之夫  
參處。

欽定大清會典事例卷三百十五

禮部

授時

頒朔 迎春

頒朔。凡

頒朔之禮。歲以孟冬一日。頒來歲十有二月之朔。屆

期。鴻臚寺欽天監官設黃案一於

午門外正中。設紅案二於

午門外兩旁。欽天監堂中設香亭一。龍亭一。左右

絲亭八。樂部和聲署陳樂於香亭前。黎明。監正

率所屬官朝服奉恭進

皇帝

皇太后

皇后

皇貴妃

貴妃

妃

嬪時憲書於龍亭。奉頒給王以下各官時憲書於

絲亭。各行一跪三叩禮畢。鑾儀校以次昇行。香

亭在前。龍亭在中。絲亭在後。儀仗及鼓吹前導。

和聲署導迎樂作。奏禧平之章。由

長安左門入。至

午門外亭止。欽天監官奉恭進

皇帝

皇太后

皇后

皇貴妃

貴妃

妃

嬪時憲書於所設正中黃案上。奉頒給王以下各

官時憲書於所設兩旁紅案上。陳設畢。欽天監

官二員舉黃案。由

午門中門入。二人前引。監正監副從。至

太和殿陳於左右階上。監正等於丹墀左行三跪

九叩禮畢。內務府掌儀司官奉時憲書至

乾清門

慈寧門授內監恭進

皇帝

皇太后

皇后。其

皇貴妃

貴妃

妃

嬪時憲書。交各宮內監禮成。欽天監官撤黃案出。是日黎明。諸王貝勒貝子公。以暨文武百官。咸朝服集。

午門外東西闕下。禮部司官帶領朝鮮國陪臣。祇候。鴻臚寺鳴贊官二員。進立於甬道左右。糾儀御史二員。禮部司官二員。進立於鳴贊之北。皆東西面宣。

制。鴻臚寺官一員。立糾儀官之北。西面。鳴贊贊齊班。

鴻臚寺官引親王郡王貝勒貝子公。按翼立於甬道內。引文武百官序立於甬道左右。皆北面。東班西上。西班東上。贊進皆進。贊跪皆跪。贊宣。

制。宣

制。官宣

制曰。某年時憲書頒給眾官。曉諭天下。宣畢。贊叩興。眾行三跪九叩禮興。退。禮畢。乃將所設紅案上。時憲書頒給王公及文武各官。親王郡王貝勒貝子公各依次跪領。八旗及部院府寺監衛各官。皆以次跪領。各退。鴻臚寺官引朝鮮國陪臣。

至班末。贊進。陪臣詣甬道旁立。贊跪叩興。三跪九叩禮畢。奉時憲書授陪臣。陪臣祇受如禮。其直省布政使司。各給欽天監時憲書印儲於庫。歲四月。欽天監以奏准來歲時憲書式。頒各布政使司。刊刻成書。鈐以所儲監印。孟冬月彙送督撫署。督撫設香案。陳時憲書。禮生引贊。率所屬文武官朝服。望。

闕行三跪九叩禮。祇領訖。布政使司迺分發專城之道府。轉行所屬州縣。分駐之提鎮。轉行所屬標營。到日行禮。祇領。均與會城同。迺頒布民間。山陬海澨。無有不徧。偽造者論如律。外藩蒙古部落內外札薩克。諸邊番夷。由驛給發。順治二年。時憲書成。欽天監進呈。

御覽。

世祖章皇帝御武英殿。頒朔於。

午門外。文武各官朝服。祇俟行禮。又題定。每年十月初一日黎明。欽天監官設黃案於午門外正中。設紅案於午門外兩旁。欽天監自署內設龍亭一。綵亭八。奉恭進。

皇帝

皇太后

皇后時憲書於龍亭。奉頒給王以下各官時憲書於  
綵亭。陳設畢。行一跪三叩禮。校尉昇亭。前設香  
亭。和聲署作導迎樂。出欽天監署。自

長安左門進至

午門外。欽天監官奉恭進

皇帝

皇太后

皇后時憲書。陳正中黃案上。奉頒給王公百官時憲

書。陳兩旁紅案上。陳設畢。舉黃案由中門入。欽

天監監正監副從。隨至

太和門。陳於左右階上。監正等於丹墀左行三跪

九叩禮。授內府官。奉時憲書入。恭進

皇帝

皇太后

皇后。欽天監官撤案各退。是日黎明。貝子公暨文武

百官。咸朝服集

午門外。鳴贊官贊排班。貝子公立甬道上。百官立

甬道兩旁。均北面。東班西上。西班東上。贊有

制。來皆跪。鴻臚寺官宣

制曰。欽天監進某年時憲書。其賜王公百官。頒行天

下。宣畢。羣臣行三跪九叩禮畢。親王郡王俱各

令所屬依次跪領。貝勒貝子公親跪領。文武官

各以其長一人跪領。回署頒給所屬官。各退。

十八年定。朝鮮國每年十月朔。遣使齋咨赴部

恭領時憲書。豫劄欽天監封送儀制司。本司郎

中朝服。於司署頒發。來使跪領。齋回本國。康

熙三十二年定。

頒時憲書於內札薩克科爾沁等二十四部落。均以

各來使請

安之便。按名給發。五十二年定。

頒時憲書於外札薩克喀爾喀等十有五部落。與科

爾沁等部落同。雍正三年定。

頒時憲書於青海札薩克王台吉。於每年給俸幣時

同發。七年議。欽天監每年給發各該衙門

時憲書外。聽匠役備紙刷印售賣。以便民用。今

各省布政使司。亦照例自八年為始。每歲四月

由欽天監頒發。考定時憲書式。令各布政使司

敬謹刊刷。鈐蓋庫儲。欽天監時憲書印信。凡現



任文武大小官。及在籍有職官舉人貢生等。各給一本。以彰敬授人時之意。其刊刻紙墨工價。各動用正項錢糧。至於各省民戶繁多。勢難徧給。應將所刻書版。發存公所。聽匠役或書坊備紙刷印。赴布政使司鈐蓋欽天監時憲書印發賣。每本定價一分二釐。俾深山僻壤。咸知時序。月令。仍飭該地方官嚴禁偽造。務使官書廣布。以便民用。如有偽刻私書。及捏稱繳官。於定價外需索等弊。將該有司從重治罪。督撫如不察究。嚴加議處。○十二年覆准。每逢

頒朔之日。八旗都統各部院堂官各率所屬。並諸王府祇領屬官。咸朝服祇俟

午門外。行三跪九叩禮。御史二人監禮。部委滿漢司官二人收職名。如有公事不克親赴。豫行知會。其無故不到及不朝服行禮者。指名參處。務恪遵定制。整齊敬謹。以光大典。至頒給百官時憲書。三品以上官。仍於

午門外祇領。其餘滿漢文武有頂戴官員萬三千餘人。一時難以徧給。照例於

午門外行禮後。各赴欽天監祇領。○乾隆二年覆

准。散給青海札薩克王台吉等時憲書。先期於每年十月。將次年時憲書。由兵部交驛站發往青海散給。○十六年奏准。孟冬

頒朔。由欽天監豫日行文。至期。貝子公以下。至文武正貳各官。咸朝服祇俟。依次跪領。恭俟宣制。行三跪九叩禮。如有無故不到者。糾儀御史於次日參奏。照無故不朝參律議處。至直省時憲書

頒到之日。督撫亦應有接受之儀。俟酌定後。纂入會典通禮。頒發遵行。○十九年定。孟冬

頒朔午門。親王郡王貝勒令親領行禮。○是年。

頒時憲書於杜爾伯特部落。與喀爾喀部落同。○二十年奉

旨。準噶爾諸部盡入版圖。其太陽出入節氣時刻。宜載

入時憲書。頒賜正朔。以昭中外一統之盛。○二十二年覆准。增黑龍江吉林伯都訥三姓。尼布楚太陽出入節氣時刻。載入時憲書。○又覆准。伊犁

等蒙古部落。並巴里坤吐魯番二十處。太陽出入節氣時刻。增入時憲書。一例頒發。○二十五年奏准。改正三元甲子萬年書。遵照

御製歷象考成後編。自乾隆元年丙辰起。推算百年。照

時憲書推算編造。遵

旨以干支書寫增入。其節氣亦照時憲書內式樣書寫。  
○是年由欽天監將新增回部二十六處時憲書式樣。遵

旨改正頒發。○三十二年

諭。時憲書內月令。冬至。至。麋角解。著改。麋角解。○三十五年

年正月

諭。著交欽天監。自乾隆三十六年辛卯為始。於一歲下

添書六十一歲。仍依干支以次載至一百二十歲。○

三十七年奏准。添入土爾扈特和碩特等二十

四處。北極高度及偏西度。○三十八年。遵

欽定清漢對音字式。改正時憲書內所載地名。○四十

年奏准。時憲書內。增刻安徽湖南甘肅三省。北

極高度及偏東西度。○四十二年奏准。新增兩

金川及各土司地名。北極高度及偏西度。俱載

入時憲書內。○五十一年。欽天監。遵

旨續辦三元甲子萬年書。自乾隆一百一年至二百年。

於五十二年十一月內。告竣進呈。○五十四年

奏准。安南照朝鮮之例。以北極高度及偏西度。

載入時憲書。○五十八年奉

旨。朕於六十一年歸政。嗣皇帝是年改元。所有時憲書

後紀年篇頁。進呈宮中。及頒賜阿哥王子一品大臣

者。均刻三頁。第一頁首行書嗣皇帝元年。次行書乾

隆六十年。以次至六十一歲。乾隆元年止。頒發各直

省憲書。仍作二頁。首行書嗣皇帝元年。次行書乾隆

諭。本日皇太子率同王大臣等具奏恭進乾隆六十一

年時憲書。豫備內廷頒賞之用。一摺。覽奏具見悃忱。

朕登極初元。仰懇

昊慈。臨御至六十年。不敢上同。

皇祖以次增載之數。因定例孟冬頒發來年時憲書。特

明頒諭旨。建立皇太子。以明歲丙辰為嘉慶元年。舉

行歸政典禮。此實朕祇遵

天庥敬繩

祖武之念。數十年如一日。屢經降旨。明白宣示。茲皇太

子及王大臣等。以朕歸政改元。為曠古未有之盛典。

雖現在頒朔。以嘉慶紀年。而宮庭之內。若亦一體循

用新朔。於心實有所未安。特進獻乾隆六十一年時

憲書。臚詞籲懇。出於至誠。朕已俯從所請。用備頒賞

內庭皇子皇孫及曾元輩。並親近王大臣等。俾得遂

其愛戴之忱。其分頒各直省外藩。仍用嘉慶元年時憲書。以符定制。○嘉慶四年。遵

旨。續辦三元甲子萬年書。自嘉慶一百四十一年至二

百年。於四年十一月內告竣。進呈。○八年

諭。著欽天監衙門於頒行時憲書內。將安南二字。改為越南。永遵正朔。○十四年奉

旨。禮部奏請將新定時憲書。如何發交琉球國祇領之處。敕下福建巡撫詳議章程一摺。琉球久列藩封。極為恭順。惟因地懸海外。不能剋期往來。是以歷年時憲書。均未經頒發。今必責令每年專遣使臣。遠涉重

洋。前來祇領。非所以示體恤。若將時憲書存貯福建巡撫處。遇便發交。則節候已過。頒發徒為具文。轉非覈實之道。所有琉球應領之時憲書。竟可毋庸頒給。即將該國星度節候。詳細推準。增入時憲書內。以垂久遠。該部即遵諭行。○十六年

諭。前據管理欽天監事務定親王綿恩等奏。查得嘉慶十八年癸酉時憲書。係閏八月。是年冬至在十月內。為向來所未有。因復查得十九年三月亦無中氣。可為置閏。應否改為十九年閏二月等語。朕思置閏自有一定。非可輕言更易。恐該監推步之處。或有舛錯。

因降旨交綿恩等。再行詳細通查。茲據奏稱。溯查康熙十九年五十七年俱閏八月。是年冬至仍在十一月。與

郊祀節氣。均相符合。今嘉慶十八年閏八月。冬至在十月內。則

南郊大祀。不在仲冬之月。而次年上丁上戊。又皆在正月。不在仲春之月。且驚蟄春分。皆在正月。亦覺較早。若改為十九年閏二月。則與一切祭祀節氣。均屬相符。復將以後推算至二百年。其每年節氣以及置閏之月。俱於時憲無訛等語。定時成歲。所以順天行而

釐庶績。

南郊大祀。應在仲冬之月。上丁上戊。應在仲春之月。此外一切時令節氣。皆有常則。今據該監上攷下推。直至二百年之遠。必須改於嘉慶十九年二月置閏。始能前後昭合。實為詳慎無訛。自應照此更正。○道光

二十四年定。嗣後每歲恭進

皇帝前清漢時憲書各一本。繕寫清漢字者各一本。蒙古字者一本。清漢字七政書各一本。

皇太后

皇后前清漢字者各一本。蒙古字者一本。清漢字七



政書各一本。

皇貴妃

貴妃

妃

嬪前清漢字者各一本。○又定親王郡王貝勒貝

子公各給清漢字者二本。公主清漢字者二本。

均於本日頒給。各衙門滿洲官員各給清字者

一本。蒙古官各給蒙古字者一本。漢軍官及漢

官各給漢字者一本。滿洲蒙古漢軍俱給該佐

領轉給。漢官頒與該衙門轉給。○又定朝鮮國

王給紅綾面漢字者一本。民書一百本。每歲九

月使臣到京恭領。派監督或司官一員。於

頒朔日帶領於

午門祇候。俟王公百官領書行禮畢。引使臣至班

末祇領。仍移咨該國王。○又定越南國王時憲

書。照朝鮮國請領數目。咨送兵部。由馬遞交廣

西巡撫。委員齎至鎮南關。轉交祇領。○又定。

陵寢官員。欽天監移取總數。禮部轉咨。

東陵

西陵各承辦事務衙門。造具清冊送部。劄行欽天監給

發。○又定圍場處官員。各派員齎咨赴部。行文

欽天監給發。至蒙古等處。並各回部。由理藩院

辦理。○又定。

頒朔前期。禮部行宗人府轉傳王公。吏部傳文職。兵

部傳武職。屆日黎明。朝服咸集

午門行禮。

進春。○立春前一日。順天府官。豫設春山寶座

芒神土牛各案於禮部。屆日各官俱朝服。生員

俱頂戴公服。自部昇案。天文生導引。由

長安左門

天安門

端門各中門入。至

午門前。大興宛平二縣令設案於

午門外正中。奉恭進

皇帝

皇后春山寶座芒神土牛各陳於案。禮部堂官及順

天府府尹府丞率屬畢會。欽天監候時官報屆

時。生員昇案。禮部官前引。禮部堂官順天府府

尹暨府丞後隨。由

午門中門入



昭德門至

後左門外止。陳設畢。內監接昇。禮部官前引。禮部

堂官及順天府尹府丞從。至

乾清門。各官止立。內監昇入

乾清宮。內務府官恭候。將上次春山等奉出。乾隆

四十二年以前。皇太后宮恭進呈春山

等物。由熙和門。永康左門各中門進。至

慈寧門。上陳設畢。內監昇入。慈寧宮

各退。內務府官將上次春山等奉出。咸豐十年。

恭進。文宗顯皇帝巡幸木蘭。進呈春山

寶座。奉旨。仍詣乾清門恭進。其春圖隨

由內閣。木箱。齎赴行在。直省迎春。設芒神土

牛於東郊。屆日。設案於芒神土牛前。案前布拜

席。府州縣正官率僚屬咸朝服詣東郊。時至。通

贊贊行禮。贊跪叩興。眾行一跪三叩禮。執事者

舉壺爵跪於正官之左。正官受爵酌酒。酌酒三

復行三叩禮。眾隨行禮興。乃昇芒神土牛。鼓樂

前導。各官後從。迎入城。置於公所。各退。○順治

初年定。每年立春。芒神春牛。由順天府豫備。屆

期。由部會同恭進。前二十日。劄欵天監。選取導

引之天文生八名。造冊送部。取候時官二人。於

午門前祇候。屆期告時。劄順天學政。選取生員七

十五人。各具頂戴公服。恭昇芒神春牛案。送至

午門外。同本部官恭進。又行文內務府。於立春日

豫派內監恭進芒神春牛。俟於

乾清門

慈寧門。又行知步軍統領護軍統領內務府。於立春

日屆時。啟

長安左門

天安門

端門

午門

協和門

永康左門之中門。○又定。凡遇立春時刻。或在暮

夜。或在子丑等時。均由部奏明。擇寅卯辰等時

恭進。○又定。每歲各省府州縣官。豫造芒神土

牛於東郊外。立春日。各官朝服迎春於東郊。陳

芒神土牛。設香燭酒果。贊禮生贊排班。贊跪叩

興。各官行一跪三叩禮。興。贊跪奠爵。領班官奠

酒三爵。贊叩興。各官跪叩如前。興。隸昇芒神土

牛。香亭鼓樂前導。各官朝服後隨。回至署。陳於

堂前。各官執絲仗環立土牛兩旁。贊擊鼓。樂工

播鼓。贊鞭春。各官環擊土牛三。以示勸耕之義。

○康熙十三年覆准。直省府州縣迎春於東郊。各官拜芒神土牛。止用鼓吹絲亭。其勒令鹽商當鋪行戶裝演故事臺閣。排列金珠張鼓樂樹旗幟並科派里長。提取車馬優伶等項。嚴行禁止。如有前項糜費。並各官藉端派累。由督撫科道糾參。交該部議處。○光緒十六年。皇帝駐蹕南海。進呈春山等物。奉旨。改由西苑門恭進。

欽定大清會典事例卷三百十六

禮部

頒詔

頒詔禮節

頒詔事宜

頒詔禮節。○是日。禮部鴻臚寺官。豫設

詔書黃案一於

太和殿內東旁。設黃案一於丹陛上正中。鑾儀衛

設黃蓋雲盤於丹墀內。禮部官設龍亭香亭於

午門外。工部豫設金鳳於

天安門上。

安於天安門樓堆口正中。

設宣

詔臺於門上東第一間。內閣學士具朝服。恭奉

詔書。安設於

太和殿內東旁黃案上。俟

皇帝御太和殿。王公百官行禮後。大學士奉

詔書至

太和殿檐下。授禮部堂官。禮部堂官跪受。由中階

左旁至丹陛正中。安設於黃案上。行一跪三叩

禮。跪奉

詔書起。由中階降。禮部司官奉雲盤跪接。俟

詔書安置雲盤內舉起。鑾儀衛張黃蓋。由中路出

太和門。百官隨出。

詔書至

午門外安設龍亭內。行一跪三叩禮。鑾儀衛校尉昇亭。香亭在前。龍亭在後。樂部和聲署作導迎樂。

御仗前引。禮部堂司官隨至

天安門城樓設香亭

詔書龍亭於正中奉

詔官行一跪三叩禮。奉至高臺黃案上。龍亭香亭移

設於

天安門前正中。文武百官於金水橋南按翼祇俟。

聽鴻臚寺官贊排班贊進。文武百官皆排班。耆

老領催另為一班。俱北嚮立。宣

詔官登臺西嚮立。鴻臚寺官贊有

詔。眾皆跪。宣讀官宣滿漢

詔書訖。復於案退。先宣滿文。後宣漢文。贊叩興。眾行三跪九叩

禮。奉

詔官奉

詔書置朵雲內。綵繩懸繫由金鳳口中銜下。禮部司

官接受。仍安設於龍亭內。由

大清門出。樂部和聲署作樂。

御仗前引。至禮部。望

闕列香案。禮部堂司官率司員行三跪九叩禮。恭鐫詔書。頒行天下。百官或朝服祇俟於天安門外。金

水橋前。餘俱同。

詔下直省。所經過府州縣五里之內。文武官朝服跪

迎。軍民伏道右候過。省會有司豫於公廡設

詔案香案。案東設臺。

詔及郊。備龍亭旗仗出迎。使者承

詔書以架。恭奉安置龍亭內。乘馬後隨。鼓樂前導。文

武大僚率所屬官朝服出迎道右。跪候過興。先

至公廡門外序立。紳士耆老軍民咸集。

詔至門。跪迎如初禮。使者下馬隨龍亭入。眾隨入。使

者奉

詔書陳於案。退立案東西面。引禮生引各官就位。通

贊贊跪叩興。眾行三跪九叩禮。贊宣

詔。使者奉

詔授宣

詔官。復位立。宣

詔官跪接。登臺宣讀訖。復於案退。眾聽贊復行三跪

九叩禮。使者以

詔授督撫。勝黃恭錫。頒學政監政織造管間。兩司道

府轉。頒所屬州縣衛。將軍提鎮協參。轉頒所屬

營汛。至日宣布軍民。均與省會儀同。

頒詔事宜。○順治元年定。

頒詔之日。設

大駕鹵簿於

午門外。設

御座於

皇極門和今門。正中。設

詔案於丹陛上東旁。王以下文武各官咸集。大學士

奏請

御門升座。鳴鞭。執事各官行禮畢。鳴贊官贊排班。贊

進贊跪。王以下文武各官皆跪。贊

頒詔。大學士自案上奉

詔書於丹陛上東旁立。宣畢。鳴贊官贊行三跪九叩

禮興。退復原班立。

賜燕謝

恩。禮成。鳴鞭。

駕還宮。眾皆退。

詔書勝黃。刊頒天下。○八年定。

頒詔之日。設

大駕鹵簿於

太和殿前。設黃蓋雲盤於丹墀內。設龍亭香亭於

午門外。設宣

詔高臺於

天安門外。鴻臚寺官設

詔案於

太和殿內之東。又設黃案於丹陛上正中。王以下

公以上。咸朝服祇俟於

午門內。滿漢文武各官咸朝服祇俟於

午門外。領催外郎耆老等祇俟於

天安門外。內院官奉

詔書至

乾清門。用

御寶畢。奉至

太和殿內。陳案上。禮部官引王公等進至丹陛上。

引文武百官入

午門左右掖門至丹墀內。各序立。禮部堂官奏請

皇帝御禮服

升太和殿。鳴鐘鼓作樂。鳴鞭。王以下各官上表行禮



畢。大學士進殿內案前。奉  
詔書至

太和殿檐下授禮部尚書。禮部尚書跪受。至丹陛  
正中。陳於案。行一跪三叩禮。奉起。由中階降。設  
雲盤內。禮部官奉雲盤。上覆黃蓋。由中道出。文  
武各官後隨。王公等進殿內序坐。

賜茶畢。鳴鞭。

駕還宮。王公等各退。禮部官至

午門外。奉雲盤設龍亭內。行一跪三叩禮。校尉昇  
亭。香亭在前。龍亭在後。前列

御仗。導迎樂作。至

天安門外橋南。禮部官於龍亭前行一跪三叩禮。  
奉

詔書設高臺黃案上。覆以黃蓋。鴻臚寺官贊排班。贊  
進。眾官各按班次立。贊有

制。眾跪。宣讀官於臺上西面立。先宣滿文。後宣漢文。  
畢。鳴贊官贊各官行三跪九叩禮。禮部官奉

詔書仍設龍亭內。校尉昇亭。作樂。由

大清門出。禮部堂官豫由

長安左門詣部恭候。俟

詔至。率所屬跪迎於儀門甬道之右。司官奉

詔至大堂。陳於黃案。禮部堂官率所屬行三跪九叩

禮興。恭閱

詔書。膳黃鵠刻。頒行天下。○又定。如

駕不御殿。文武百官咸朝服。祇俟於

天安門外金水橋前。餘奉

詔宣

詔等儀。與

御殿同。○十一年議准。頒發外國及直省

詔書。均由內院用

寶畢。交與禮部。外藩蒙古遣內院理藩院官各一人。

朝鮮國遣正副使二人。具題請

旨命往。直省先委行人司。如行人員少。取中書科中

書。如中書科人數不敷。於內院中書鑿儀衛首

領官。國子監欽天監。上林苑監。四譯館。酌量取

用屬官。具題遣往。○又題准。

詔書所至。地方官具龍亭綵輿儀仗鼓樂。出郭迎接。

朝使下馬。奉

詔書設龍亭中。南嚮。朝使立於亭東。地方官朝服北

嚮。行三跪九叩禮。鼓樂前導。朝使上馬。於亭後

隨行。至公廡門外。眾官先入。文武分東西序立。候龍亭至公庭中。朝使立龍亭之東。西嚮。禮生贊排班。樂作。眾行三跪九叩禮。朝使奉詔授展讀官。以教官為之。展讀官跪受。詣開讀案前宣讀。眾官皆跪。宣讀畢。展讀官奉詔書授朝使。朝使奉設龍亭中。眾官行三跪九叩禮。畢。皆退。督撫即騰黃分頒司道府州縣衛所。○又題准。凡詔書經過地方。官員軍民人等。咸跪路旁。候詔過方起。如出使在外官員。遇詔即出迎郊外。至公庭中。禮生先引出使官行三跪九叩禮。後本處官行禮。至開讀時。出使官仍隨班跪聽。一同行禮。○康熙二年題准。凡詔書經過地方。五里以內府州縣衛文武官。咸出城迎送。違者或頒詔官指名報部。或督撫題奏。皆降二級留任。五里以外者。不必迎送。○八年題准。凡頒詔。漢督撫省分遣漢官。滿督撫省分遣內院禮部筆帖式。○十二年題准。凡頒詔赦。及

恩賜往朝鮮。內大臣散秩大臣侍衛。均候旨命往。仍將內閣侍讀學士。侍讀翰林院侍讀學士。侍講學士。侍讀。侍講。禮部郎中。員外郎。主事。照依職銜為正副使。具題遣往。○二十一年題准。頒直省滿漢督撫詔書。於內閣中書翰林院筆帖式。行人司官內酌委齋送。其頒行將軍提督等騰黃。詔書。並付齋送督撫官員帶往。詔書用御寶。騰黃不用。齋詔官由各衙門揀選。均赴禮部大堂掣籤分遣齋送。○二十七年題准。頒行直省滿漢督撫詔書。減去內閣中書一人。翰林院筆帖式一人。委禮部筆帖式二人。奉旨。每處著一人去。雜派已通行禁止。恐地方官假借頒詔。妄行科派。著嚴行禁止。○四十二年題准。各省頒詔官。應於起程日起算往返。直隸限十五日。河道總督。河南。山西。二十日。山東。二十五日。漕運總督。四十五日。江南。六十日。江西。浙江。湖廣。陝西。七十五日。貴州。九十日。福建。四川。廣東。廣西。百

有五日。雲南百二十日。該省督撫即將

詔到日期報部察覈。其

頒詔官。如果江湖風阻。疾病耽延。取具經過地方官

印結到部。儻有故意遲延違限者。交該部從重

議處。○四十八年奉

旨。頒詔官如有紆道行走。及沿途生事擾累驛遞者。著

該督撫即行指參。○雍正元年

諭。頒發詔書。禮部筆帖式人少。不足以供各處之用。且

必得少知自愛材尚可用者。方可差往。著將各部院

筆帖式。令各該堂官與總理事務王大臣。會同揀選

差往。○十二年。增河南山東河道總督江南河道總

督。

詔書各一道。以後仿此。○乾隆十四年奏准。

頒詔儀節。應增金鳳朵雲。工部前期。設金鳳於

天安門上正中。設宣

詔臺於門上東第一楹。

詔由

午門奉出。至

天安門上。聽

詔百官耆老等。分翼排班於金水橋南跪聽。宣

詔官宣讀畢。鴻臚寺官贊行三跪九叩禮。奉

詔官將

詔書銜以金鳳。承以朵雲。由

天安門上繫下。禮部官接受設綵亭內。迎出

長安左門。餘如前儀。○十七年定。直隸總督。齋

詔官一人。附騰黃七道。分頒天津都統。直隸提督。馬

蘭秦甯天津宣化。正定等處總兵官。山東巡撫

兼提督。齋

詔官一人。附騰黃三道。分頒青州將軍。登州兗州總

兵官。山西巡撫兼提督。齋

詔官一人。附騰黃三道。分頒綏遠城將軍。太原大同

總兵官。河南巡撫兼提督。齋

詔官一人。附騰黃二道。分頒南陽。河北總兵官。兩江

總督。齋

詔官一人。附騰黃八道。分頒江蘇。安徽巡撫。江甯京

口將軍。江南提督。狼山。蘇松。壽春等處總兵官。

漕運總督。江南河道總督。河南山東河道總督。

齋

詔官一人。江西巡撫兼提督。齋

詔官一人。附騰黃二道。分頒南贛。南昌總兵官。閩浙

總督。齋

詔官一人。附勝黃十二道。分頒福建巡撫。福州將軍。水師。陸路提督。金門。汀州。海壇。臺灣。福甯。漳州。南澳。建甯等處總兵官。浙江巡撫。齋

詔官一人。附勝黃八道。分頒杭州將軍。乍浦副都統。浙江提督。定海。黃巖。溫州。處州。衢州等處總兵官。湖廣總督。齋

詔官一人。附勝黃八道。分頒湖南。湖北巡撫。荊州將軍。湖廣提督。鎮。軍。宜昌。永。昌。襄陽等處總兵官。陝甘總督。齋

詔官一人。附勝黃十五道。分頒陝西。甘肅巡撫。西安甯夏涼州將軍。甘肅安西固原提督。西甯。延綏甯夏肅州涼州興漢。河州等處總兵官。四川總督。齋

詔官一人。附勝黃六道。分頒成都副都統。四川提督。川北重慶建昌。松潘等處總兵官。兩廣總督。齋。東提督。左翼。右翼。瓊州。潮州。碣石。高雷等處總兵官。廣西巡撫。齋。詔官一人。附勝黃三道。分頒廣西提督。左江。右江總

兵官。雲貴總督。齋

詔官一人。附勝黃十一道。分頒雲南巡撫。提督。開化。鶴麗。臨元。永北。楚姚。永順。曲尋。昭通。普洱等處總兵官。貴州巡撫。齋

詔官一人。附勝黃五道。分頒貴州提督。安籠。古州。鎮遠。威甯等處總兵官。○二十四年。平定回部。二十六年

頒詔。由兵部派委筆帖式一員。齋勝黃三十七道。分頒伊犁將軍。塔爾巴哈台大臣。阿克蘇大臣。葉爾羌大臣。和闐大臣。喀什噶爾大臣。英吉沙爾

大臣。庫車大臣。喀喇沙爾大臣。吐魯番大臣。烏魯木齊都統。古城大臣。巴里坤大臣。哈密大臣。庫爾喀喇烏蘇大臣。定邊將軍。烏里雅蘇台大。臣。庫倫大臣。科布多大臣。烏里洋海總管。以後仿此。○是年。增設伊犁總兵。烏魯木齊總兵。二十六年以後。增勝黃各一道。○二十八年。裁汰甘肅巡撫。減勝黃一道。○三十一年。雲南增設騰越總兵。以後增勝黃一道。裁汰永北。楚姚。永順總兵。以後減勝黃各一道。○是年。直隸裁汰天津都統。以後減勝黃一道。○四十一年。增設

成都將軍。以後增騰黃一道。○五十五年奉

旨。安南琉球暹羅三國。亦著照朝鮮之例。一體頒發恩

詔。即交該貢使齎回。○嘉慶二十五年九月

諭。前派散秩大臣瑞齡為正使。內閣學士松福為副使。

恭齋

大行皇帝遺詔。頒給朝鮮國。此時尚未起程。著將登極

恩詔。即交該正副使一併恭齋前往頒發。俾該國可

省兩次供應之煩。○又奏准。

頒詔朝鮮。正副使至朝鮮國境。守土吏治館傳。所經

地方。文武官跪接。將及國。該王遣其重臣郊迎。

詔敕至館。恭設龍亭內。王率其國陪臣郊迎。香亭儀

仗鼓樂前導。使者乘馬從。國王以下咸跪候過

隨行入國門。使者下馬。從入殿內。龍亭設於殿

中。使者立龍亭東。西面。儀仗陳階下。樂陳門內。

國王北面。率陪臣行三跪九叩禮。使者奉

詔敕。授宣讀官。西面宣讀訖。授使者復於龍亭。使者

叩興。國王率陪臣行三跪九叩禮。使者奉

詔敕並

頒賜物件。以次授國王。國王跪受付所司。使者與國

王揖讓行禮。國王拜送於大門外。適館。及歸。國

王拜送於國門外。○又奏准。朝鮮國應頒

詔書。例派正副使齎送。如遇有該國使臣在京。即奏

明交該使臣齎回本國。至琉球。越南暹羅緬甸

等國。例不遣官。如現無使臣在京。即交各督撫

轉發。○道光八年定。

頒詔直隸總督。增天津水師總兵官騰黃一道。山東

巡撫。減青州將軍增青州副都統曹州總兵官

騰黃各一道。山西巡撫。增綏遠城副都統騰黃

一道。兩江總督。減京口將軍。增京口副都統江

甯副都統徐州總兵官騰黃各一道。江西巡撫。

減南昌總兵官。增九江總兵官騰黃各一道。閩

浙總督。增福州副都統騰黃一道。浙江巡撫。增

杭州副都統騰黃一道。湖廣總督。減永昌襄陽

總兵官增荊州副都統湖北湖南提督永州綏

靖鄖陽總兵官騰黃各一道。陝甘總督。減涼州

將軍安西提督興漢總兵官。增甯夏副都統騰

黃一道。西安副都統騰黃二道。涼州副都統西

安陝安漢中。巴里坤等處總兵官騰黃各一道。

兩廣總督。減左翼右翼高雷各總兵官。增廣州

副都統騰黃二道。水師提督陽江南韶連高州

等處總兵官騰黃各一道。雲貴總督。減曲尋總

兵官騰黃一道。貴州巡撫。減安龍總兵官增安

義總兵官騰黃一道。又增江南河道總督齋

詔官一人。增漕運總督齋

詔官一人。道。獲案江南河道總督漕運總督與山東河

餘俱如前。○十五年

諭。向來頒詔。俱派中書筆帖式等員。齋赴各省。嗣後著

由驛頒發。毋庸派員前往。○咸豐十年。裁汰江南河

道總督。以後減騰黃一道。○同治十二年定。

頒詔直隸總督。減直隸提督天津水師總兵官增大

名通永總兵官古北口提督騰黃各一道。兩江

總督。增福山。皖南總兵官江南長江水師各提

督淮揚長江水師瓜州總兵官騰黃各一道。閩

浙總督。減金門總兵官騰黃一道。陝甘總督。減

甘肅提督西安總兵官。增烏魯木齊提督伊犁

總兵官喀什噶爾換防總兵官騰黃各一道。湖

廣總督。增左翼右翼長江水師岳州漢陽各總

兵官騰黃各一道。河南巡撫。增歸德總兵官騰

黃一道。江西巡撫。增長江水師湖口總兵官騰

黃一道。又兩廣總督。轉發暹羅國。廣西巡撫。轉

發越南國。雲貴總督。轉發緬甸國。閩浙總督。轉

發琉球國。

詔書各一道。餘俱同前。○光緒元年

頒詔。與同治十二年同。○十年。裁汰阿克蘇大臣。葉

爾羌大臣。和闐大臣。喀什噶爾大臣。英吉沙爾

大臣。庫車大臣。喀喇沙爾大臣。吐魯番大臣。烏

魯木齊都統。古城大臣。巴里坤大臣。哈密大臣。

庫爾喀喇烏蘇大臣。以後減騰黃各一道。○十

三年定。

頒詔陝甘總督。減烏魯木齊提督喀什噶爾換防總

兵官。增甘肅提督喀什噶爾提督阿克蘇總兵

官。騰黃各一道。湖廣總督。減左翼右翼總兵官

騰黃各一道。兩廣總督。減陽江總兵官。增北海

總兵官。騰黃一道。閩浙總督。減福建巡撫騰黃

一道。浙江巡撫。減黃巖總兵官。增海門總兵官。

騰黃一道。廣西巡撫。增柳慶總兵官。騰黃一道。

又增甘肅新疆巡撫。福建臺灣巡撫。

詔書各一道。餘與光緒元年同。○十五年定。兩次

頒詔直隸總督。增北洋海軍提督北洋海軍左翼右

翼總兵官騰黃各一道。兩廣總督。減南韶連總

兵官增南澳總兵官勝黃各一道。閩浙總督。減  
海壇總兵官增臺灣澎湖總兵官勝黃各一道。  
餘與光緒十三年同。○十六年  
頒詔與光緒十五年同。

欽定大清會典事例卷三百十七

禮部

頒賞

實錄 頒賜首飾提鎮服物 玉牒告成 車具官 頒賞 頒賞

實錄

玉牒告成

頒賞○凡

頒賞恭遇

慶典

恩詔。王公百官公主福晉命婦各

賜金幣有差。○恭修

實錄告成。

賜監修總裁副總裁各金幣有差。鞏馬一。提調纂修

收掌騰錄官各金幣有差。供事各金幣有差。匠

役各金布有差。

玉牒告成。

賜總裁副總裁各金幣有差。提調纂修官各金幣有

差。收掌騰錄官供事匠役各白金有差。賞項均

由部移取

頒給。監修總裁以下。各祇領如儀。○崇德二年。

太祖高皇帝實錄成。

賜大學士各鞵馬一。銀五十兩。滿學士各馬一。銀四十兩。漢學士各銀四十兩。筆帖式各銀二十兩。○  
順治十八年。

玉牒成。於康熙元年。

賜總裁王各銀二百兩。表裏各十疋。副總裁大學士各銀百兩。表裏各五疋。侍郎學士。啟心郎各銀八十兩。表裏各四疋。纂修官侍讀學士。郎中各銀四十兩。表裏各二疋。編修。主事各銀三十兩。表裏各一疋。騰錄。收掌官各銀二十兩。供事各銀十兩。紙匠各銀五兩。均於戶工二部移取。由部給發。○九年。

玉牒成。

賜總裁王。副總裁大學士等。照元年例。副總裁貝勒銀百五十兩。表裏各七疋。纂修員外郎銀三十五兩。表裏各二疋。裏緞一疋。其餘纂修。騰錄。收掌官。供事。匠役等。均照元年例。十八年。二十七年。三十一年。賞給銀幣皆同。○十一年。

世祖章皇帝實錄成。

賜監修總裁。各鞵馬一匹。銀百兩。大蟒紗一疋。大綵緞表六疋。裏七疋。副總裁。各鞵馬一匹。銀八十兩。

大蟒紗一疋。大綵緞表五疋。裏六疋。纂修官各銀五十兩。紗一疋。大綵緞表四疋。裏五疋。收掌。繙譯。滿騰錄官。蒙古騰錄官。各銀三十兩。紗一疋。大緞表二疋。裏三疋。漢騰錄。監生。監生。員各銀十兩。緞表裏各一疋。執事人役。供事官各銀八兩。緞表裏各一疋。紡絲一疋。紙匠各銀五兩。布五疋。於戶工二部太僕寺移取。由部給發。○二十一年。

太宗文皇帝實錄成。

賜監修總裁。纂修大小各官及執事人役。均與十一年同。○雍正四年。

玉牒成。

賜副總裁大學士等。與康熙九年同。接修總裁貝勒銀百兩。表緞五疋。裏五疋。接修副總裁鎮國公銀六十兩。表緞三疋。裏三疋。其餘纂修。收掌。騰錄。各官及供事人役。均照九年例賞給。○九年。

聖祖仁皇帝實錄成。

賜監修總裁。副總裁。提調。纂修。收掌。繙譯。各官及供事人等。均照康熙十一年之例。其漢騰錄官。舊例與賞滿騰錄官。蒙古騰錄官有別。今則滿漢效



力維均。亦照滿騰錄官例賞給。早役照紙匠例。各賞給銀五兩。布五疋。○乾隆元年。

玉牒成。

賜總裁王副總裁大學士等。仍照康熙九年之例。其接修總裁大學士。應給半賞銀七十五兩。表緞四疋。裏三疋。提調官宗人府理事官奉國將軍。照纂修侍讀學士。郎中例。銀四十兩。表緞二疋。裏二疋。餘均與康熙九年同。○六年。

世宗憲皇帝實錄成。

賜監修總裁提調纂修收掌繕譯騰錄各官及供事匠役人等。均與雍正九年同。○九年。

玉牒成。

賜總裁王副總裁大學士等。仍照康熙九年例。總裁大學士。銀百五十兩。表緞七疋。裏七疋。又纂修官內閣侍讀。照員外郎例。銀三十五兩。表緞二疋。裏一疋。內閣中書。照主事例。銀三十兩。表裏各一疋。接修之纂修官翰林院典簿。亦照主事例。給予半賞。餘執事人員。供事匠役等。均與康熙九年同。○十五年。

玉牒成。

賜總裁王等各銀二百兩。表緞十疋。裏十疋。總裁大學士。銀百五十兩。表緞七疋。裏七疋。副總裁大學士。銀百兩。表緞五疋。裏五疋。提調官監察御史。照郎中例。銀四十兩。表緞二疋。裏二疋。全修纂修官內閣侍讀。照員外郎例。銀三十五兩。表裏各二疋。宗人府理事官。照郎中例。銀四十兩。表裏各二疋。接修纂修官詹事府贊善。照主事例。銀十五兩。表緞一疋。其餘全修接修收掌騰錄等官及供事匠役人等。均照康熙九年例賞給。○二十五年。

○二十五年。

玉牒成。

賜全修應給全賞之總裁王等銀二百兩。表緞十疋。裏十疋。大學士。銀一百五十兩。表緞七疋。裏七疋。副總裁王。銀一百五十兩。表緞七疋。裏七疋。公。及大學士。各銀一百兩。表緞各五疋。裏各五疋。禮部侍郎。銀八十兩。表緞四疋。裏四疋。提調官。副提調官。銀各四十兩。表緞各二疋。裏各二疋。纂修官宗人府理事官。銀四十兩。表緞二疋。裏二疋。副理事官。照員外郎例。銀三十五兩。表緞二疋。裏一疋。宗人府主事。銀三十兩。表緞一疋。

裏一疋。翰林院侍讀學士銀四十兩。表緞二疋。裏二疋。詹事府左中允。照主事例。銀三十兩。表緞一疋。裏一疋。收掌官宗人府主事筆帖式。銀各二十兩。膳錄官銀二十兩。接修給半賞之纂修官宗人府副理事官銀十七兩五錢。表緞一疋。裏一疋。宗人府主事銀十五兩。表緞一疋。內閣侍讀。照員外郎例。銀十七兩五錢。表緞一疋。裏一疋。禮部郎中銀二十兩。表緞一疋。裏一疋。禮部主事品級。翰林院編修。照主事例。銀各十五兩。表緞各一疋。收掌膳錄銀各十兩。全修供事銀各十兩。接修供事銀各五兩。全修紙匠銀各五兩。接修紙匠銀二兩五錢。全修皂役銀各五兩。其銀兩緞疋。於戶部移取。禮部給發。○三十三年。

王牒成。

賜全修總裁王銀二百兩。表緞十疋。裏十疋。大學士銀一百五十兩。表緞七疋。裏七疋。副總裁王銀一百五十兩。表緞七疋。裏七疋。公及大學士銀各一百兩。表緞各五疋。裏各五疋。禮部侍郎銀八十兩。表緞四疋。裏四疋。提調官宗人府理事官。

纂修官詹事府右庶子翰林院侍講銀各四十兩。表緞各二疋。裏各二疋。纂修官宗人府副理事官內閣侍讀禮部員外郎銀各三十五兩。表緞各二疋。裏各一疋。宗人府主事銀各三十兩。表緞各一疋。裏各一疋。收掌官膳錄官銀各二十兩。供事銀各十兩。紙匠皂隸銀各五兩。其接修之纂修官宗人府主事翰林院檢討內閣貼寫中書銀各十五兩。緞各一疋。收掌官宗人府筆帖式內閣中書銀各十兩。供事銀各五兩。紙匠皂隸銀各二兩五錢。其銀兩緞疋。照例於戶部移取。禮部給發。○四十三年。

王牒成。

賜全修總裁王銀二百兩。表緞十疋。裏十疋。大學士銀一百五十兩。表緞七疋。裏七疋。副總裁王銀各一百五十兩。表緞各七疋。裏各七疋。協辦大學士尚書銀一百兩。表緞五疋。裏五疋。纂修官宗人府理事官翰林院侍講學士詹事府少詹事銀各四十兩。表緞各二疋。裏各二疋。內閣侍讀候補禮部員外郎銀各三十五兩。表緞各二疋。裏各一疋。宗人府經歷主事銀各三十兩。表緞。

各一疋。裏各一疋。收掌官滿漢騰錄官各賞銀二十兩。供事銀各十兩。紙匠卓役銀各五兩。其接修應減半給賞之總裁大學士銀七十五兩。表緞三疋。裏四疋。出差之纂修官宗人府理事官翰林院侍讀學士。接修之纂修官左春坊左庶子銀各二十兩。表緞各一疋。裏各一疋。接修之纂修官禮部員外郎銀十七兩五錢。表緞一疋。裏半疋。接修之纂修官宗人府主事。收掌官宗人府經歷銀各十五兩。表緞各一疋。收掌官宗人府筆帖式。騰錄官內閣中書候補筆帖式。

候補內閣中書銀各十兩。供事銀五兩。其銀兩緞疋照例於戶部移取。禮部給發。○五十三年。

玉牒成。

賜全修之總裁王銀二百兩。表緞十疋。裏十疋。大學士銀一百五十兩。表緞七疋。裏七疋。副總裁王銀一百五十兩。表緞七疋。裏七疋。公及協辦大學士禮部尚書銀各一百兩。表緞各五疋。裏各五疋。提調官監察御史銀四十兩。表緞二疋。裏二疋。纂修官內閣侍讀學士詹事府左庶子右庶子銀各四十兩。表緞各二疋。裏各二疋。宗人府

理事官禮部員外郎銀各三十五兩。表緞各二疋。裏各一疋。宗人府經歷主事銀各三十兩。表緞各一疋。裏各一疋。收掌官宗人府主事筆帖式。騰錄官銀各二十兩。供事銀各十兩。紙匠卓役銀各五兩。其接修應照例減半給賞之纂修官翰林院侍讀銀二十兩。表緞一疋。裏一疋。內閣侍讀銀十七兩五錢。表緞一疋。裏半疋。禮部主事銀十五兩。表緞半疋。裏半疋。收掌官宗人府及兵部筆帖式。漢騰錄官銀各十兩。其銀兩緞疋照例於戶部移取。禮部給發。○嘉慶三年。

玉牒成。

賜全修之總裁王銀二百兩。表緞十疋。裏十疋。大學士公銀一百五十兩。表緞七疋。裏七疋。副總裁王銀各一百五十兩。表緞各七疋。裏各七疋。禮部尚書兵部尚書銀各一百兩。表緞各五疋。裏五疋。提調官宗人府理事官銀四十兩。表緞二疋。裏二疋。纂修官內閣侍讀學士翰林院侍讀銀各四十兩。表緞各二疋。裏各二疋。宗人府副理事官內閣侍讀禮部員外郎銀各三十五兩。表緞各二疋。裏各一疋。宗人府主事銀三十兩。表

緞一疋。裏一疋。翰林院編修檢討銀各三十兩。表緞各一疋。裏各一疋。收掌官宗人府筆帖式。膳錄官銀各二十兩。供事銀各十兩。紙匠阜役。銀各五兩。其未經全修之纂修官宗人府理事官銀二十兩。表緞一疋。裏一疋。禮部主事宗人府主事銀各十五兩。表緞各半疋。裏各半疋。其銀兩緞疋。照例於戶部移取。禮部給發。○十二年。

玉牒成。

賜全修之總裁王銀二百兩。表緞十疋。裏十疋。大學士

銀一百五十兩。表緞七疋。裏七疋。總裁禮部尚書銀一百五十兩。表緞七疋。裏七疋。副總裁尚書銀一百兩。表緞五疋。裏五疋。內閣學士銀八十兩。表緞四疋。裏四疋。提調官宗人府副理事官銀四十兩。表緞二疋。裏二疋。纂修官內閣侍讀翰林院侍讀。升任詹事府右庶子銀各三十五兩。表緞各二疋。裏各一疋。主事翰林院庶吉士銀各三十兩。表緞各一疋。裏各一疋。收掌膳錄官內閣中書筆帖式銀各二十兩。供事銀各十兩。紙匠阜役銀各五兩。其未經全修遇升遷

頂補者。及離館之漢膳錄官。均給半賞。其銀兩緞疋。照例於戶部移取。禮部給發。○是年。

高宗純皇帝實錄成。

賜全修之監修總裁官。一等玲瓏鞏馬一匹。銀一百兩。

大蟒紗一疋。大綵緞表六疋。裏七疋。總裁官。二等漆鞏馬一匹。銀一百兩。大蟒紗一疋。大綵緞表六疋。裏七疋。副總裁官。三等擦臉鞏馬一匹。銀八十兩。大蟒紗一疋。大綵緞表五疋。裏六疋。提調纂修官銀五十兩。紗一疋。大綵緞表四疋。裏五疋。校對收掌繕譯膳錄官銀三十兩。紗一疋。大綵緞表二疋。裏三疋。供事銀八兩。綵緞表一疋。紡絲一疋。裏一疋。匠役銀五兩。毛青布五疋。其未經全修之總裁官銀五十兩。大蟒紗一疋。大綵緞表三疋。裏三疋。副總裁官銀四十兩。大蟒紗一疋。大綵緞表二疋。裏三疋。總纂總校官銀各四十兩。大蟒紗半疋。大綵緞表二疋。裏三疋。提調纂修官銀各二十五兩。紗半疋。大綵緞表二疋。裏二疋。半。校對膳錄官銀各十五兩。紗半疋。大綵緞表一疋。裏一疋。半。供事銀四兩。綵緞表半疋。紡絲半疋。裏半疋。○二十

三年

諭向例

玉牒考成。分別賞給。緞疋銀兩。惟是總裁督催王及大學士。書侍郎等。俱職分較大。毋庸賞給銀兩。著於例賞。緞疋表裏外。應賞銀二百兩者。改為加二級。係王爵。改照一品職任例。賞給紀錄八次。應賞銀一百五十兩及一百兩者。改為加一級。應賞銀八十兩者。改為紀錄二次。其提調官以下。仍照例分賞。緞疋銀兩。○道光四年。

仁宗睿皇帝實錄成

賜監修總裁以下各官及供事人役。均如嘉慶十二年例。○又奏。查離館人員內。校對以上等官。有升任京職離館者。除照例減半給賞外。其因有事故離館之員。可否減半給賞。奉

旨。

實錄館人員有因事故離館者。著按在館月日。扣滿二年。以減半給賞。不足二年。毋庸賞給。○八年。

玉牒成

賜全修之總裁王表緞十疋。裏十疋。督催大學士表緞七疋。裏七疋。副總裁禮部侍郎表緞四疋。裏四

疋。提調官宗人府理事官纂修官宗人府理事官譯漢纂修官翰林院侍講各銀四十兩。表緞二疋。裏一疋。纂修官宗人府副理事官內閣侍讀各銀三十五兩。表緞二疋。裏一疋。禮部主事宗人府主事調任工部主事內閣中書升任宗人府主事各銀三十兩。表緞一疋。裏一疋。收掌膳錄官內閣中書筆帖式各銀二十兩。供事各銀十兩。匠役各銀五兩。其接修之總裁王副總裁王副總裁禮部尚書譯漢纂修官翰林院庶吉士。照編檢例。膳錄官內閣中書筆帖式。均給

半賞。其銀緞。戶部移送禮部給發。王大臣應得銀兩。均遵改錄。為加級。後同。○十八年。

玉牒成

賜總裁王表緞十疋。裏十疋。副總裁禮部尚書調任戶部尚書表緞五疋。裏五疋。副總裁禮部侍郎表緞四疋。裏四疋。提調官宗人府理事官調任戶部銀庫郎中譯漢纂修官翰林院侍讀侍講各銀四十兩。表緞二疋。裏一疋。纂修官內閣侍讀銀三十五兩。表緞二疋。裏一疋。纂修官詹事府右中允宗人府主事禮部堂主事宗人府漢主

事各銀三十兩。表緞一疋。裏一疋。纂修官禮部  
委署主事司務均照纂修官主事內閣中書例  
各銀三十兩。表緞一疋。裏一疋。收掌膳錄官供  
事匠役均與上屆同。其接修之總裁王督催大  
學士副總裁內閣學士纂修官宗人府漢主事  
收掌膳錄官內閣中書筆帖式均給半賞。其銀  
緞戶部移送禮部給發。○二十八年。

玉牒成。

賜總裁王表緞十疋。裏十疋。督催大學士表緞七疋。裏  
七疋。副總裁大學士協辦大學士各表緞五疋。

裏五疋。副總裁內閣學士表緞四疋。裏四疋。提  
調官宗人府理事官纂修官宗人府理事官譯  
漢纂修官翰林院侍講學士侍講各銀四十兩。  
表緞二疋。裏一疋。纂修官內閣侍讀銀三十五  
兩。表緞二疋。裏一疋。纂修官宗人府主事禮部  
主事各銀三十兩。表緞一疋。裏一疋。收掌膳錄  
官供事匠役均與上屆同。接辦纂修收掌膳錄  
官均給半賞。其銀緞戶部移送禮部給發。○咸  
豐六年。

宣宗成皇帝實錄成。

賜監修總裁以下各官及供事人役與道光四年同。惟  
特派之總纂官銀四十兩。大蟒紗一疋。大綵緞表二疋。  
裏三疋。○八年。

玉牒成。

賜總裁王表緞十疋。裏十疋。督催大學士公表緞七疋。  
裏七疋。副總裁大學士禮部尚書各表緞五疋。  
裏五疋。提調官宗人府理事官纂修官禮部郎  
中譯漢纂修官翰林院侍讀侍講各銀四十兩。  
表緞二疋。裏一疋。纂修官宗人府副理事官禮  
部員外郎各銀三十五兩。表緞二疋。裏一疋。纂

修官宗人府主事額外纂修官委署主事纂修  
官漢主事譯漢纂修官翰林院檢討各銀三十  
兩。表緞一疋。裏一疋。收掌膳錄官供事匠役與  
上屆同。其離館副總裁及升遷事故之纂修膳  
錄官均給半賞。其銀緞戶部移送禮部給發。○  
同治六年。

文宗顯皇帝實錄成。

賜監修總裁以下各官及供事人役均與咸豐六年同。  
○是年。

玉牒成。

賜總裁王表緞十疋。裏十疋。副總裁大學士協辦大學士禮部尚書各表緞五疋。裏五疋。提調官宗人府副理事官纂修官光祿寺少卿翰林院侍講各銀四十兩。表緞二疋。裏一疋。纂修官宗人府副理事官內閣侍讀禮部員外郎各銀三十五兩。表緞二疋。裏一疋。纂修官宗人府經歷主事各銀三十兩。表緞一疋。裏一疋。收掌騰錄官供事匠役與上屆同。其未能全修督催大學士及纂修並升遷事故離館各員均給半賞。其銀緞戶部移送禮部給發。○光緒四年。

玉牒成。

賜總裁王表緞十疋。裏十疋。督催大學士表緞七疋。裏七疋。副總裁協辦大學士禮部尚書各表緞五疋。裏五疋。副總裁禮部右侍郎內閣學士各表緞四疋。裏四疋。提調官宗人府理事官副理事官譯漢纂修官翰林院侍讀各銀四十兩。表緞二疋。裏一疋。纂修官內閣侍讀禮部員外郎各銀三十五兩。表緞二疋。裏一疋。纂修官主事翰林院編修委署主事各銀三十兩。表緞一疋。裏一疋。漢騰錄官內閣侍讀銀三十兩。收掌騰

錄官供事匠役與上屆同。其未能全修之提調纂修騰錄及離館頂補各員均給半賞。其銀緞戶部移送禮部給發。○六年。

穆宗毅皇帝實錄成。

賜監修總裁以下各官及供事匠役人等均與同治六年同。○十四年。

玉牒成。

賜總裁王督催大學士副總裁協辦大學士禮部侍郎內閣學士提調官內閣侍讀學士纂修官宗人府理事官譯漢纂修官翰林院侍讀纂修官禮部員外郎宗人府副理事官宗人府主事翰林院編修宗人府經歷委署主事收掌騰錄官內閣中書典籍筆帖式及供事匠役人等並未能全修之副總裁纂修與離館頂補各員均與光緒四年同。

頒賜督撫提鎮服物。將軍總督都統巡撫副都統提督總兵官奉

命除授述職入

覲均由吏兵二部覈明咨部具奏請旨。

賜巡撫副都統總兵官軍馬一。將軍都統提督加賜素鞬一。弓一。矢十。總督加

賜朝服一。由部於

午門外

頒賞。本官朝服行三跪九叩禮。註業此項頒賜久經停止。

卓異官

頒賞。直省卓薦官。得旨准其註冊者。文官

賜朝服。武職

賜綵服。各按品級。均由部發。郵遞各省督撫。轉給後

報部。康熙六年定。直省卓異官員引見。准其卓異註冊。回任候升者。文職賞朝服。武職賞

蟒袍。乾隆五年覆准。卓異官員。文職知府以

上。賞蟒緞朝衣一襲。同知以下。教諭以上。賞雜

緞領袖雲緞朝衣一襲。武職二品以上。賞大蟒

緞袍一襲。三品以下。賞小蟒緞袍一襲。均不必

在京候領。俟造成之日。由部交各該省提塘。齎

送各該督撫。查明轉給。仍將領到日期。報部存

案。○二十六年

諭工部奏各省卓異官引見後。向例文職賞給朝衣。武

職賞給蟒袍。由工部領銀製造轉發。該員等不能久候親領。易致書役等冒領。隱匿諸弊。嗣後請停止賞給一摺。卓異人員。旌以章服。雖沿仿車服以庸之義。第行之日久。漸成具文。司事官吏等。領值既有虛浮。工料又非精好。及由提塘分發。輟轉弊生。不惟本員實用無裨。且恐轉致勒索。停其製給。實屬允當。但遽請議裁。伊等循績既昭。雖回任候升。自應即示獎勸。嗣後著加恩。循照內官京察一等者。令於引見。准其卓異時。各准加一級。仍註冊回任候升。著為例。



欽定大清會典事例卷三百十八

禮部

表箋 進表箋儀節 進表箋事宜

進表箋儀節。凡每歲元日長至。在京王公百官。在外將軍都統總督巡撫提督副都統總兵官。恭行慶賀。進表

皇帝

皇太后進箋

皇后。均由內閣撰擬定式頒發。王公百官恭進表箋。先期儀制司官豫由內閣祇領。在外督撫表箋。

具疏送通政使司轉送內閣具題。將軍都統提督副都統總兵官表箋。由督撫彙齊驛遞送部。至日五鼓。禮部鴻臚寺官設表案於

太和殿內左楹之南。儀制司官恭奉表文陳於綵亭。鑿儀校舁行。和聲署作樂前導。入

長安左門中門。由

天安門

端門左門至

午門外。綵亭止。禮部官奉王公百官所進

皇帝表文入

太和殿內。陳於案。恭俟

皇帝御殿。宣表行禮畢。由殿內奉出。並將軍都統總

督巡撫提督副都統總兵官所進表箋。均送內

閣收儲。

萬壽聖節。與元日長至同。

皇太后聖壽。

皇后千秋。王公暨中外文武百官恭進表箋。均陳於

午門外。俟行禮後。送內閣收儲。恭遇

國家有大慶典。內閣臨時撰擬表箋定式。頒發中

外。屆期恭進。均如前儀。朝鮮國王慶賀

皇帝三大節表文。遣使於歲杪赴部恭進。元日。隨直

省表箋送內閣。

殿試傳臚後五日。狀元率諸進士上表謝

恩。是日。鴻臚寺設案於

午門外正中。鳴贊二人。監禮御史二人。夾

御道立。序班引狀元暨諸進士。由

長安左門北門入。至

闕下序立

御道左右。均東西面。狀元奉表。詣案前。北面跪陳

於案。三叩興。退復位立。鳴贊贊排班。引狀元暨

諸進士。均東西面。狀元率諸進士。北面跪陳

諸進士。就東西拜位北面立。贊跪叩興。行三跪九叩禮畢。儀制司官奉表送內閣。鴻臚寺徹案。皆退。

進表筴事宜。○順治元年定。

萬壽元旦冬至三大節。在京王公暨文武百官各進賀。

皇帝表文一通。表文由內閣撰擬。表祿表匣由工部備造。如遇

特典。應進慶賀表筴。則由內閣臨期撰擬。在外直省文武各官進賀表筴均

教內閣撰擬定式。頒發各布政使司按察使司都司

直隸各府州各差官齋進。○又題准。慶賀

皇帝萬壽元旦冬至表式。在京稱某親王。臣某等。諸

王貝勒文武官等。在外稱某官。臣某等。誠懼誠

忭稽首頓首上言。伏以

德統乾元。首正六龍之位。

建用皇極。宏開五福之先。恭惟

皇帝陛下

率育蒼生。

誕膺

景命。寰區和協。聲教覃敷。四海一而萬國來王。川嶽靈

而俊乂斯出。太平有象。

歷服無疆。臣等恭遇

熙朝欣逢

聖誕。元旦長至。伏願

玉燭長調。慶雍熙於九牧。

金甌永固。登仁壽於萬年。臣等無任瞻

天仰

聖懽忭之至。謹奉表稱

賀以

聞。外官於欣逢句下。增身稱職。業。心德。開延二句。○又題准。慶賀

皇后千秋元旦長至筴式。具官至上言。式同前。伏以

祥凝璇室。仰

內治之宏昭。

瑞霽椒宮。慶

母儀之光大。敬惟

皇后殿下

安貞表範。

恭儉垂型。

博厚協載物之仁。

恩隆逮下。

肅雍贊齊家之化。

德茂承天。臣等以下式同前。欣逢

令節。元旦長至。伏願

德音益著。彌增彤管之輝。

景福駢臻。永紀瑤編之盛。以下式同前。○又定。凡表並

用小字楷書。表文前。上面黏黃帖一方如印大。帖下用印。黃帖所書。如

萬壽書進賀

萬壽表文。元旦書進賀元旦表文。冬至書進賀冬至

表文。末後年月日上亦用印。束封上用黃帖。上

所書如前。黃帖下用印。印下書某官臣某上進

謹封。於上進謹封字上用印。副本用手本。小字

楷書。後年月日上用印。黃綾裱褶袱匣。箋文繕

書印封。皆與表同。○八年定。元旦冬至直省文

武五品以上官。各進賀

皇太后表文。

皇帝表文。

皇后箋文。布政使及參政參議道等官。每節共進表

二。箋一。按察使及副使。僉事道等官。每節共進

表二。箋一。鹽運使各府直隸州。行聖公。每節各

進表二。箋一。總兵官。副總兵。參將。遊擊等官。每

節各進表二。箋一。都司。行都司。各衛。每節各進

表二。箋一。

萬壽節。祇進

皇帝表一。總督巡撫不進表箋。凡遇慶賀大典。具本

慶賀。○九年

諭。賀表賀本。體式不同。近來賀本。均用表體。著撰擬本

式頒發通行。○十三年定。

皇太后聖壽。照元旦冬至例。直省文武各官均進賀表。

○康熙元年。

聖祖仁皇帝尊上

太皇太后

兩宮皇太后尊號。禮成。是日早。禮部官設香亭。表亭。奉

在京王以下文武各官所進清漢字表。設表亭

內。校尉昇行。鼓樂前導。由

長安左門中門進

天安門左門。至

午門前陳設。禮部官自亭奉表入

午門左門。設

太和殿前黃案上候

升殿。王以下各官皆跪。大學士奉表恭詣

御前跪讀。王以下文武各官均行三跪九叩禮畢。

頒詔天下。各直省文武官五品以上諸司應進表文。差

官齋進慶賀。○又定嗣後遇

太皇太后

皇太后聖壽。及元旦冬至各節。均照例齋表入賀。其賀

表文式。內院撰擬。交於禮部頒發。依式齋進。○

又題准慶賀

皇帝萬壽元旦冬至表式。與順治元年同。○又題准

慶賀

太皇太后聖壽表式。具官至上言。式同前。伏以

坤德無疆。首立

母儀之極。

天庥滋至。聿彰

聖壽之隆。慶積

重闈。歡騰函夏。恭惟

昭聖慈壽恭簡安懿章慶敦惠太皇太后陛下

齋莊中正。

光大含宏。

開歷服億萬年。燕

天昌後。

邁春秋八千歲。錫類施仁。茲當

壽豈之辰。咸切尊親之戴。臣等王等屬在鈞親。文官職守封圻。武官職典戎行。

土官職任建方。欣逢

盛節。伏願

瑞霽宮庭。常集介眉之祐。

化行寰海。永昭恆月之輝。臣等無任瞻

天仰

聖懼忭之至。謹奉表稱

賀以

聞。○又題准慶賀

太皇太后元旦表式。具官至上言。式同前。伏以

乾元啟瑞。

坤厚凝禧。欣瞻四序回春。永賴

重闈有慶。恭惟

昭聖慈壽恭簡安懿章慶敦惠太皇太后陛下

敬孚壺範。

德著徽音。

慈恩篤祐昇平。

聖善宏開景運。化日舒長於萬國。太和光被於

昌辰。臣等以下式同前。恭逢

元旦。轉璇樞而獻頌。望切瞻雲。祝嵩壽以陳辭。誠

抒拱極。以下式同前。○又題准。慶賀

太皇太后冬至表式。具官至上式同前。伏以

初陽來復。

六宇昇平。

龍樓瑞霽昌時。

鳳歷和舒化日。恭惟

昭聖慈壽恭簡安懿章慶敦惠太皇太后陛下

肅雍叶慶。

純敬昭徽。

配德端位於

重闈。

啟後著功於

皇極。安貞體順。

尊養凝庥。臣等以下式同前。欣逢

長至。誦孝慈之則。四海回暄。見

天地之心。萬靈受泰。以下式同前。○又題准。慶賀

皇太后聖壽表式。具官至上式同前。伏以

坤德宏昭。啟

一人之有慶。

天庥茂集。綿

萬壽以無疆。喜溢宮闈。歡騰海宇。恭惟

仁憲皇太后陛下

恩隆錫類。

化著慈徽。開奕葉之靈長。

仁膏普被。介千秋之純祐。

福履駢臻。茲當

壽豈之辰。咸切尊親之戴。臣等以下式同前。恭逢

盛節。伏願

瑞霽彤闈。

遐算益增昌熾。

祥呈瑤牒。

洪禧永並升恆。以下式同前。○又題准。慶賀

皇太后元旦表式。具官至上式同前。伏以

乾元肇瑞。

坤厚凝禧。天工合陰教以咸亨。歲序慶陽和而成泰。

恭惟

仁憲皇太后陛下

仁宏育物。

德懋嗣音。澤流時夏。知化日之方長。世濟如春。適

昌辰之初啟。臣等以下式同前。恭逢

元旦。望

椒殿而稱觥。願膺純嘏。喜

璠階之增蕙。茂對清時。以下式同前。○又題准。慶賀

皇太后長至表式。具官至上式同前。伏以

一陽初復。

萬彙昭蘇。

泰階共際昇平。

福履彌增。昌熾恭惟

仁憲皇太后陛下

恩隆祚嗣。

化洽宮庭。象

坤道以安貞。惟德用懋。集

天庥而永固。與時偕亨。臣等以下式同前。欣逢

長至。祥呈雲物。瞻

化日之舒長。頌獻升恆。祝

純禧之茂集。以下式同前。○又題准。慶賀

皇后千秋元旦長至筵式。與順治元年同。○八年定。

文官表箋。布政使司彙進。衛所表箋。都司彙進。

武官表箋。提督彙進。無提督之省。總兵官彙進。

○十四年題准。

皇太子千秋節元旦長至筵式。具官至上式同前。伏以

天心眷佑。綿萬世之洪圖。

國本茂隆。介

千秋之景福。敬惟

皇太子殿下

元良德裕。

英敏性成。膺

有道之昌期。臣民懽戴。奉無疆之

寶錄。

宗社奠安。臣等以下式同前。欣逢

令旦。元旦長至。伏願永承

泰運。合宇宙以誠和。大集

祥符。躋升恆於悠久。臣等無任懼忤踴躍之至。謹

奉箋稱

賀以

聞。以上書寫封印。皆與表同。但易箋文並紅綾袱

匣。○十六年題准。

皇后千秋箋文。照例齋進。○二十七年覆准。直隸正定總兵官既裁。嗣後紫荆等協營路慶賀表箋。令該撫彙進。○二十九年議准。慶賀表箋。訛書遺漏。並顛倒違式。交部議處。其表箋發還。令照式再繕補進。○三十一年定。直隸各省文武官。凡遇慶賀表箋。停其專官齋送。按節統於總督衙門彙齊。與總督慶賀表章。同由驛遞送進。無總督之省。由巡撫彙送。○三十二年題准。各省文武官慶賀表箋。通省統用火牌。專遣承差齋送。○又覆准。行聖公慶賀表箋。按節仍令專差齋送。○四十四年議准。朝鮮國王慶賀表箋。每歲更換辭句。不盡合式。應頒發定式。令照式繕進。以省繁文。○五十五年議准。表箋事關大典。自五十六年

萬壽聖節為始。文官按察使以上。武官副將以上。准其進表。仍照例該督撫彙齊。由驛遞投禮部。轉送內閣。如有藉進表名色。派敎需索。該督撫科道。覈明治罪。○六十一年十二月題准。慶賀皇帝萬壽元旦長至表式。具官至上。言式同前。伏以德統乾元。首正六龍之位。

景命。建用皇極。宏開五福之先。恭惟皇帝陛下。率育蒼生。誕膺撫時出政。八風順而嘉穀蕃昌。受錄敷猷。萬國安而俊民樂育。太平有象。歷服無疆。臣等恭遇熙朝欣逢聖誕。元旦長至。伏願玉燭長調。慶雍熙於九牧。金甌永固。登仁壽於萬年。以下式同前。○又題准。慶賀皇太后聖壽表式。具官至上。言式同前。伏以坤德宏昭。啟一人之有慶。天庥茂集。綿聖壽以無疆。喜溢宮闈。歡騰海宇。恭惟仁壽皇太后陛下。恩隆錫類。化著慈徽。

長樂春輝。備古今之遐福。

萬安日永。迎

天地之瑞符。茲當

壽豈之辰。咸切尊親之戴。以下式同前。○又題准。慶賀

皇太后元旦表式。具官至上。言式同前。伏以

乾元肇瑞。

厚德凝禧。天工合陰。教以咸亨。歲序應陽和而成泰。

恭惟

仁壽皇太后陛下

仁宏育物。

德懋嗣音。化日舒和。三百六旬之始。春臺降祉。七十

二候之期。以下式同前。○又題准。慶賀

皇太后冬至表式。具官至上。言式同前。伏以

一陽初起。

萬彙昭蘇。

泰階共際昇平。

福履彌增昌熾。恭惟

仁壽皇太后陛下

恩隆祚嗣。

化洽宮庭。值斗柄之方旋。光輝南極。見葭灰之初動。

瑞應融風。以下式同前。○又奉

旨。元旦冬至賀表。皆俟雍正二年舉行。萬壽表文。俟過

二十七月頒發。○雍正元年題准。慶賀

皇后千秋筭式。具官至上。言式同前。伏以

祥開盛序。啟福履之咸綏。

節介壽祺。合宮闈而稱慶。敬惟

皇后殿下

溫恭成性。

雍肅垂型。

懋柔順之徽音。承天德盛。

邁幽閒之美化。逮下恩隆。以下式同前。欣逢

令節。伏願

含宏益著。協地道之無疆。

光大彌昭。贊乾行於不息。以下式同前。○又題准。慶賀

皇后元旦筭式。具官至上。言式同前。伏以

璇宮瑞霽。應歲序以咸亨。

椒室祥凝。迓

天庥而同永。敬惟

皇后殿下

闡睢孝敬。



茅管和平。

德合兩儀。慶昌辰之初啟。

光同二曜。逢春日之方長。臣等以下式同前。欣逢

元旦。伏願

鴻禧丕懋。益增彤管之輝。

景福長新。永紀瑤編之盛。以下式同前。○又題准。慶賀

皇后長至筵式。具官至上言。式同前。伏以

乾元肇瑞。初飛玉管之灰。

坤厚凝禧。彌衍椒塗之慶。敬惟

皇后殿下

靜專體順。

孝敬昭徽。

配德端位於宮闈。

基化著功於中外。昌辰霽瑞。化日舒長。臣等以下式同前。欣逢

長至。伏願

月星恆照。開萬禩之宏庥。

福祿益增。介千秋之純嘏。以下式同前。○十三年十月

題准。慶賀

皇帝三大節表式。具官至上言。式同前。伏以

皇帝三大節表式。具官至上言。式同前。伏以

德統乾元。首正六龍之位。

建用皇極。肇開五福之先。恭惟

皇帝陛下

率育蒼生。

誕膺

景命。

順時熙績。百昌遂而萬國和綏。

御宇綏猷。四序調而兆民樂利。太平有象。

福祚無疆。臣等恭遇

熙朝。欣逢

聖誕。元旦長至。伏願

玉燭長調。慶時雍於九牧。

金甌永固。綿泰運於萬年。以下式同前。○又題准。慶賀

皇太后三大節表式。具官至上言。式同前。伏以

慈範宏昭。洽嘉祥於萬國。

天庥滋至。介壽豈於千春。欽惟

崇慶皇太后陛下

道軼湯莘。

德超周姒。

璇宮毓瑞。永貽燕翼之祥。

華渚呈符。肇啟鴻圖之慶。覃仁慈之廣被。備尊養之

兼隆。臣等幸際

昌期欣逢

聖壽。元旦長至。伏願

徽音遠嗣。啟昌熾以彌增。

福履長綏。偕升恆而並久。以下式同前。○乾隆二年題准。

慶賀

皇后三大節筵式。具官至上。言式同前。伏以

龍符叶瑞。正中壺以延禧。

鳳葆增華。統六宮以行慶。敬惟

皇后殿下

仁宣雅化。

孝嗣徽音。

厚德承天。四序協順成之運。

光明儼日。萬方同久照之功。臣等幸際

昌期欣逢

令節。元旦長至。伏願

純麻茂集。綿福祚於千春。

內治丕昭。播芳猷於奕禩。以下式同前。○十五年題准。

慶賀

皇后三大節筵式。具官至上。言式同前。伏以

祥開玉宇。椒宮集多祜之麻。

瑞啟璇霄。蘭掖迓無疆之福。敬惟

皇后殿下

仁符厚載。

德協安貞。

茂育垂型。永健行而不息。

溫恭表範。並麗照以常明。臣等幸際

昌期恭逢

令節。元旦長至。伏願

坤儀丕著。綿景福而慶衍鴻圖。

內治彌隆。播芳猷而輝生彤管。以下式同前。○十八年

諭。元旦長至萬壽三大節。外省文官臬司以上。武官副

將以上。例得隨進表箋稱賀。朕思督撫提鎮封疆大

吏。事皆專達。表賀為宜。藩司副將。既不得專達章疏。

其由督撫附進表箋。亦可不必。且不過由部送閣存

貯。並不呈覽。此亦向來虛文陋習。甚無取焉。其概行

停止。○四十二年

諭。前經降旨。因乾隆四十三年四十四年元旦。尚在二

十七月內。非元年可比。所有升殿受賀之處。不必行。

至今年明年萬壽冬至亦應停止行禮其各省應進三大節慶賀表文俟過二十七月之後再行奏進。

四十五年議准據黑龍江將軍奏稱黑龍江駐防官兵皆係滿洲凡遇一應公事俱用滿文通曉漢文者甚少請嗣後所進漢字表文改用清文之處自屬因地制宜應如該將軍所奏辦理至各省凡有滿洲駐防處所各進慶賀表文俱改用清文以昭畫一並行文內閣將

萬壽元旦冬至三大節表文撰擬清字式樣頒發各該處永遠依式齋進。六十年奏准向例

皇太子喜慶典禮王公以下俱有箋賀似屬虛文應請嗣後屆期王公大臣咸衣蟒袍補服會集致賀毋庸具箋其外省督撫提鎮各員俱不必箋賀。又題准慶賀

太上皇帝傳位表式

子臣御名率王公大臣等謹奏丙辰元旦

皇父太上皇帝親授大寶子臣敬承

慈命謹率同王公文武大臣等奉表恭

賀者伏以

乾符廣運貞元協悠久之徵

泰宇洪延授受際純熙之會欽惟

皇父太上皇帝陛下

仁同轉載

壽益義軒

膺寶錄而升馨繩

武願符周甲

御大廷而昇爾執中敬守

傳心稱鉅典於元正祥開首祚集蕃釐於

太上吉兆重光卻

崇號以示沖綜文武聖神莫名巍蕩勒

鴻章而誌喜赫

位祿名壽共戴

尊親子臣祇受

洪圖欽承

渙詔輯共球於萬國賡颺臚率土之歡行章節於億

齡亭育荷如

天之福伏願

皇春日永祥和播南朔東西

聖壽川增曼羨積京垓兆祜子臣及諸臣等曷勝欽悅

慶忭之至。謹奉表稱

賀以

聞。又題准。外省文武官慶賀

太上皇帝傳位大典表式。臣等奉職在外。不獲同在

廷諸臣躬親拜舞。謹望

闕叩頭慶

賀。伏以

景祚登咸。履健懋法

天之運。

大廷授受。執中昭啟

聖之猷。欽惟

太上皇帝陛下

軒錄凝釐。

箕疇錫福。

昊慈篤眷。齋心已默。籲初元。

祖武敬繩。紀載惟願。符周甲。

毓重光而表瑞。

神器親傳。卻

尊號以示沖。

聖謨不顯。

制詔初騰於寰宇。祥符負越乎曩編。臣等幸際

昌期。恭逢

茂典。伏願

期頤疊行。合衢尊華。祝以臚歡。

熙皞長游。暨海滋山。陬而獻壽。以下式

賀

皇帝登極表式。在京稱某親王。臣某等。諸王貝勒文

武官等。在外稱某官。臣某等。誠懼誠忭。稽首頓

首。恭逢

皇上受寶禮成。

登極紀元。謹奉表慶

賀者。伏以

貞符肇啟。上儀崇芝。璽之文。

大寶凝承。景命顯蘿。圖之瑞。恭惟

皇帝陛下

泰元建極。

精一傳心。

彤廷秉

親授之謨。祥開億禩。

黼宸表知臨之德。盛際重光。雲縵星輝。溥六合而

嘉徵有象。川珍獻貢。輯九如而

慶洽無疆。

駿業方亨。

鴻圖式煥。臣等忝隨鵷列。欣遇

龍飛。伏願

鼎祚延洪。裕太平於調燭。

樞辰瑞拱。基邈治於垂裳。以下式同前。○又題准。慶賀

太上皇帝萬壽表式。具官至上伏以

寶命延禧。推策啟重光之祚。

祥源錫羨。環瀛開曼壽之期。欽惟

太上皇帝陛下

泰宇純熙。

乾符廣運。

箕疇闡繹。統四得而

德為聖人。

軒籙崇增。邁十全而養以天下。

懋膺多祐。申錫無疆。臣等恭遇

昌辰。欣逢

慶節。伏願

康彊逢吉。詒燕翼於皇圖。

福祿來成。迓鴻庥於景算。以下式同前。○又題准。慶賀

太上皇帝元旦表。具官至上伏以

仁壽同符。獻歲協履端之吉。

泰元衍策。授時徵合朔之祥。欽惟

太上皇帝陛下

治啟重熙。

德隆廣運。

太和氣益。涵六合以如春。

繼照暉長。麗三陽而兆瑞。

懋膺多祐。慶洽初韶。臣等恭遇

昌期。欣逢

元旦。伏願

九如叶頌。添英瑞於堯階。

萬福凝釐。茂椿齡於軒紀。以下式同前。○又題准。慶賀

太上皇帝長至表式。具官至上伏以

祥開北陸。黃鍾叶吹琯之期。

慶集東朝。蒼壁應指杓之序。欽惟

太上皇帝陛下

德符轉載。

福被瑛埏。

躬上壽以延和。笑推迎日。介

純熙而協吉。臺驗書雲。玉燭時雍。

彤廷頌洽。臣等幸際重光

盛治。欣逢亞歲

昌辰。伏願

寶錄彌崇。兆寰宇醇龐之瑞。

洪釐增壽。溥億年茂育之休。以下式。同前。○又

諭。皇后正位端闈。恪修內職。非如皇太后之為母后。分

應尊崇者可比。我朝家法。宮壺肅清。從不干預外事。

來歲舉行冊立皇后典禮。王公大臣。以及外省督撫

等。毋庸因立皇后。於朕前及嗣皇帝皇后前呈進慶

賀表箋。且皇后壽節暨元旦冬至。與外廷無涉。嗣後

俱當永行停止箋賀。○嘉慶元年題准。慶賀

皇帝三大節表式。具官至上。賀式同前。伏以

德統乾元。首正六龍之位。

建用皇極。肇開五福之先。恭惟

皇帝陛下

率育蒼生。

誕膺

景命。

蘿圖席瑞。共球集而萬國來同。

黼扆凝釐。陬澁恬而八方和會。太平有象。

慶祚無疆。臣等恭遇

熙朝欣逢

聖誕。元旦。長至。伏願

玉燭長調。溥時雍於九牧。

金甌永固。綿泰運於萬年。以下式。同前。○十年

諭。本年正月朔日。因蘊端多爾濟等奏到慶賀元旦之

摺。當經降旨通諭外省及新疆各等處。呈遞慶賀元

旦之摺。總於十二月初十日以後二十五日以前遞

到。原以各該地方距京道里遠近不一。或尚有由驛

馳奏者。恐到京先後紛歧。是以定限半月。為期甚屬

從容。各該大員發摺時。自當計算程途。屆期陸續奏

到。乃本日早間。即據汪日章差人遞到恭賀元旦之

摺。實屬過早。試思此時距除夕尚有兩旬。該撫豈竟

無一應奏事件。何必亟亟以慶賀摺函。早行齎遞。汪

日章曾在軍機章京上行走有年。何拘泥不曉事。若

此。汪日章著傳旨申飭。仍著交部察議。嗣後各省及

新疆等處。陳奏慶賀元旦之摺。著展期以十二月十

五日為始。至二十五日為止。一律遞到。毋得過於遲

早致涉參差。○十二年奉

旨。外省將軍督撫提鎮鹽政織造關差等恭進萬壽賀摺。應俟萬壽期近。方行呈遞。乃本日即有五處呈遞賀摺者。此時屆萬壽節尚有旬餘。似此率行呈遞。殊非誠敬之道。嗣後呈遞萬壽賀摺者。著以十月初一日為始。若十月初一日以前。外省摺差。有專為呈遞賀摺來者。奏事官員不准接受。如係奏事之摺。仍照常接遞。○二十五年

諭。每年恭直

皇太后萬壽及元旦冬至三大節。各省將軍督撫提鎮等。均於

皇太后前具表稱賀。用備禮儀。著毋庸再遞黃摺祝賀。以省繁文而歸畫一。○道光元年題准。慶賀

皇太后三大節表式。具官至上。伏以

慈範宏昭。洽嘉祥於萬國。

天庥滋至。介景福於千春。欽惟

恭慈康豫。安成莊惠。壽禧皇太后陛下

道軼湯羊。

德超周妣。

椒闈錫慶。長調玉燭之辰。

蘭掖凝祥。肇啟珠囊之化。覃仁慈之廣被。備尊養之兼隆。臣等幸際

昌期。欣逢

聖壽。元旦伏願

徽音遠嗣。啟昌熾以彌增。

福履長綏。偕升恆而並久。以下式

左副將軍。恭遇

皇太后三大節。應否與各省一律改用表文。抑或仍照

向例呈遞黃摺。奉

旨。照常呈遞黃摺。○又題准。慶賀

皇帝三大節表式。具官至上。伏以

德統乾元。首正六龍之位。

建用皇極。肇開五福之先。恭惟

皇帝陛下

率育蒼生。

誕膺

景命。

黃圖錫羨。車書集而萬姓誠和。

紫宙延洪。府事修而百昌樂育。太平有象。

慶祚無疆。臣等恭遇

熙朝欣逢

聖誕。元旦長至。伏願

玉燭常調。溥時雍於九牧。

金甌永固。繇泰運於萬年。以下式同前。○咸豐元年題

准。慶賀

皇帝三大節表式。具官至上。賀式同前。伏以

德統乾元。首正六龍之位。

建用皇極。肇開五福之先。恭惟

皇帝陛下

茂育蒼生。

誕膺

景命。

義圖席瑞。百昌遂而萬國來同。

軒鏡撫辰。四序調而兆民樂利。太平有象。

蕃祉無疆。臣等恭遇

熙朝欣逢

聖誕。元旦長至。伏願

玉燭常調。慶時雍於九牧。

金甌永固。昭泰運於萬年。以下式同前。○二年奏准。福

建巡撫送到慶賀

萬壽聖節表文。內有水汙痕迹。直隸總督送到慶賀

表文。面封脫落印花。均照例交部議處。○同治

元年題准。慶賀

兩宮皇太后三大節表式。具官至上。賀式同前。伏以

懿範洪宣。播徽音於八極。

湛恩廣被。延昌運於萬年。欽惟

慈安皇太后陛下

德媿姜任。

譽隆堯舜。

椒闈布化。徵玉燭之長調。

蘭殿敷仁。慶金甌之不固。薄海切瞻依之慕。普天愜

尊養之忱。臣等幸際

昌期欣逢

聖壽。元旦長至。伏願

慈暉永庇。合歲豐時泰以書祥。

景福無疆。並日升月恆而獻頌。以下式同前。○又題准。慶

賀

皇帝登極表式。具官至上。賀式同前。伏以

黃圖啟運。昌期覘玉燭之調。

紫極凝釐。協氣兆金甌之固。欽惟



皇帝陛下

乾元體撰。

鼎祚垂基。徇齊雖著於冲齡。兢業彌勤於庶政。

威振而頻來捷奏。頌戢戈橐矢之章。

化敷而用叶休徵。紀合璧聯珠之瑞。惟

聰明之作則由

仁孝之夙成。敬紹

文謨。濟治則風雲際會。嗣承

顯德。合明則日月光華。

命式九圍。

杜膺萬福。臣等忝依鷺序。慶際

龍飛。伏願

盛治宣昭。綏四宇而聲歌通駭。

慈暉

祇奉侍

兩宮而喜介延鴻。續

舊服之攸行。幸隆繼述。瞻

新綸之丕布。永賴平成。以下式。又題准。慶賀

皇帝三大節表式。具官至上。伏以

丙馭時乘。應龍飛而翊運。

辰居端拱。協鳳紀以調元。欽惟

皇帝陛下

鼎祚丕昌。

乾符在握。

化光玉鏡。四表被而雲日就瞻。

治闡珠囊。七政齊而雨風調順。庶徵備至。

蕃祉無疆。臣等恭遇

熙朝欣逢

聖壽。元旦伏願

黃圖錫羨。綏豐臚九有之歡。

紫宙延洪。保泰篤萬年之祐。以下式。光緒元年

題准。慶賀

兩宮皇太后三大節表式。具官至上。伏以

淑則昭垂。尊養愜萬方之願。

繁釐茂介。熾昌開百世之基。欽惟

慈安皇太后陛下

德協坤元。

道隆豫順。

椒闈式禮。宏燕翼之詒謀。

蘭殿敷仁。衍鴻龐而啟運。普天錫慶。薄海膺歡。臣等

幸際

熙朝欣逢

聖壽元旦伏願

慈暉普蔭四時和而玉燭長調

壽宇延洪五福備而金甌永固以下式 ○ 又題准慶

賀

皇帝三大節表式具官至上伏以

聖謨集條理之成鴻基紹統

至德布中和之化鳳律調元欽惟

皇帝陛下

泰運凝釐

乾符合撰

一人有慶祥輝開日月之華

萬福來同膏澤慰雲霓之望率土咸安於夏屋普

天齊樂夫春臺臣等幸際

熙朝欣逢

聖壽元旦伏願

醞恩廣被統京垓億兆以臚歡

蕃祉延洪合位祿壽名而獻頌以下式

欽定大清會典事例卷三百十九

禮部

進書恭進

實錄

聖訓

恭進

實錄

聖訓 ○ 是日早鑾儀衛陳

法駕鹵簿樂部陳樂懸於

太和殿外如常儀鴻臚寺官設書案於

保和殿正中設表案於

殿門外稍東皆南嚮工部官豫陳香亭龍亭表亭

於

實錄館監修總裁率提調纂修各官咸朝服祇候館內

王公於

太和門外金水橋北文武百官於橋南咸朝服按

翼恭俟舉案侍衛於

保和殿外內監於

乾清門外咸蟒袍補服祇候屆時監修官奉表於

亭纂修各官恭奉

實錄

聖訓安設龍亭內行三跪九叩禮畢校尉舁行張黃蓋

前列

御仗龍旗。作導迎樂。進

熙和門。香亭龍亭循中道入

太和門。王公百官跪候過興。表亭循道左入

太和左門。監修總裁以下官隨入。以次陳亭於

殿階下。纂修官詣亭跪。三叩興。恭奉

實錄

聖訓。監修官恭奉表文。各亭皆徹。鴻臚寺堂官二員前

引。纂修官升中階。由

太和殿中門入。詣

保和殿。陳書於中案。監修官升左階。由

太和殿左門入。詣

保和殿。陳表於門外東案。監修總裁以下各官。於

丹陛東行三跪九叩禮畢。咸西嚮序立。鴻臚寺

官。引王公入

太和左右門於丹陛上。引文武百官入

昭德門

貞度門於丹墀內。咸按翼序立。禮部堂官奏請

皇帝御殿。

皇帝具禮服。乘輿出宮。禮部堂官前引。至

保和殿後降輿入

保和殿。執事官豫設拜褥於書案前。禮部堂官恭

導

皇帝就拜位北嚮。敬受

實錄

聖訓。行三跪九叩禮。興。退立案東西嚮。侍衛進舉書案

及表案由

殿北門詣

乾清門內。監恭接送入

乾清宮。監修總裁以下各官出。詣

太和殿丹墀。入百官班內序立。禮部堂官奉受書

禮成。恭導

皇帝御中和殿。侍班執事官行禮畢。

午門鳴鐘鼓。

皇帝御太和殿。鳴鞭作樂。均如常朝儀。鳴贊贊齊班。

贊進贊跪。王以下各官皆跪。鴻臚寺官一員進

至

殿中楹外北嚮跪。代奏臣工慶賀致辭畢。興。又一

員出自丹陛前西嚮。宣

制答致辭畢。皆退復位。贊叩興。王以下各官行三跪

九叩禮畢。鳴鞭。

皇帝還宮。王公百官皆退。康熙十一年。

世祖章皇帝實錄成。擇吉恭進。前期一日。禮部鴻臚寺

官設表案於

太和殿丹陛之東。設

實錄案於階下正中。設表亭。香亭。綵亭於

實錄館內。是日早。

大駕鹵簿鼓樂設於

太和殿前。王以下公以上朝服恭俟於

太和門外。文武各官朝服恭俟於

午門前。監修總裁纂修等官。咸朝服恭俟於

實錄館前。監修官奉表陳於表亭。纂修官奉

實錄陳於綵亭。各官於綵亭前行一跪三叩禮。校尉以

次昇行。前張黃蓋列

御仗二。禮部官前引。和聲署作樂。香亭

實錄亭由金水橋道中行。表亭由道左行。監修等官後

隨入。

太和門。香亭

實錄亭由中門入。表亭由左門入。王公以下文武百官

分翼跪迎。候過。至

太和門內按翼排立。各亭至

太和殿丹墀內。監修等官自表亭內奉表。內閣官

前引。由左階升。陳於表案。纂修官自綵亭內奉

實錄。陳

太和殿階下正中案上。各亭撤退。鴻臚寺卿奏請

聖祖仁皇帝禮服出宮。

御中和殿內。大臣侍衛內閣禮部都察院鴻臚寺執事

各官。行三跪九叩禮。畢。鴻臚寺官導

駕前行。

聖祖仁皇帝御太和殿。鳴鐘鼓作樂。

升座。鳴鞭。如常儀。鴻臚寺官奏請

實錄。丹陛樂作。禮部官舉

實錄案。鴻臚寺堂官二人前引。由中道升。至

殿門外。

聖祖仁皇帝興案。由中門入。至

寶座。樂止。侍衛舉以入。

聖祖仁皇帝乃坐。侍衛舉

實錄案。鴻臚寺堂官引至

保和殿內。設於正中。監修總裁纂修等官由東階

下。至照常行禮處立。鳴贊官贊排班。贊跪。各官

皆跪贊進表禮部宣表官在

殿門外正中跪宣表文畢樂作鳴贊官贊叩興各

官行三跪九叩禮退立東旁樂止鳴贊官贊跪

王公百官皆跪宣表官於中門外正中跪代奏

致辭云和碩親王臣某等文武羣臣奏言恭惟

世祖章皇帝神功聖德纂述

實錄成書光華萬世羣臣歡忭禮當慶賀奏畢鴻臚寺

卿宣

制答致辭云

世祖章皇帝功德配

天纂修

實錄已成朕心歡慶與卿等同之宣畢樂作鳴贊官贊

叩興王公百官行三跪九叩禮畢樂止鴻臚寺

堂官引王以下公以上進

殿內坐各官在丹墀內分翼坐行一叩禮

賜茶畢鳴鞭樂作

駕還宮王以下各官皆退內監舉

保和殿

實錄監修總裁等官隨後至

乾清門交與內監送入

大內各官皆退○二十一年恭進

太宗文皇帝實錄於

太和門行禮儀與十一年同○二十五年恭進

太祖高皇帝實錄於

太和門行禮儀與二十一年同○雍正九年恭進

聖祖仁皇帝實錄

聖訓前期一日禮部鴻臚寺官設

實錄

聖訓案於

保和殿中設表案於

保和殿門外稍東均南嚮設表亭香亭龍亭於

實錄館內是日早

大駕鹵簿樂懸設於

太和殿前王公以下文武各官咸朝服恭俟於

實錄館前監修官奉表設於表亭纂修官奉

實錄

聖訓設於龍亭各官行三跪九叩禮校尉以次昇行前

張黃蓋列

御仗二鴻臚寺官前引和聲署作樂香亭

實錄亭

聖訓亭由內金水橋道中行。表亭由道左行。監修等官

皆隨行。至

太和門香亭

實錄亭

聖訓亭由中門入。表亭由左門入。王公文武各官。分翼

跪迎。候過。至

太和殿丹墀內分翼排立。

實錄亭

聖訓亭表亭至

太和殿階下。監修總裁等官。於表亭前行一跪三

叩禮。監修官奉表文。纂修官恭奉

實錄

聖訓。各亭皆徹。鴻臚寺卿二人前引。恭奉

實錄

聖訓官。恭奉表文官。由中階升。至

太和殿。由中門入。至

保和殿。以次敬設於各案。監修纂修等官。行三跪

九叩禮。禮部堂官奏請恭受

實錄

聖訓。

世宗憲皇帝禮服出宮。至

保和殿後降輿進殿。於

實錄

聖訓案前。行三跪九叩禮畢。興立於案東。侍衛進

殿內。恭奉

實錄

聖訓案及表案由

保和殿後正中階送至

乾清門。交送內務府總管。內務府總管及舉案侍

衛內監咸蟒袍補服。奉接黃案。送入

大內謹藏。禮部堂官奏受

實錄禮成。恭導

世宗憲皇帝御中和殿。執事各官行禮。

御太和殿。監修等官暨王公文武各官行禮。均與康熙

十一年儀同。其監修總裁所進表文。諸王各官

慶賀致辭。及宣答

制辭。均由內閣撰擬。奉

實錄

聖訓案之侍衛。由領侍衛內大臣委出。內監由內務府

委出。乾隆六年奏准。本年十二月恭進

世宗憲皇帝實錄

聖訓王公恭俟於

太和門外金水橋北文武百官恭俟於橋南咸朝

服舉案侍衛蟒袍補服恭俟

保和殿門外宮殿監督領侍及舉案內監恭俟於

乾清門外其餘禮儀均與雍正九年同。嘉慶十

一年

諭慶桂等將查明禮部開到會典則例所載雍正乾隆

年間恭進

實錄儀注進呈內奉案舉案均係侍衛承直尚未允協

現在恭纂

高宗純皇帝實錄卷帙浩繁典禮至重未便僅令侍衛

將事自應奏派貝子公以下宗室官員屆期分司齋

奉並派親王郡王貝勒等左右護視方足以昭虔恪

明年恭進

高宗純皇帝實錄時應如何酌定儀注務臻盡善並交

送大內後如何接受歸架之處著皇次子儀親王成

親王慶郡王會同軍機大臣敬謹妥議具奏欽此遵

旨議奏此次恭纂

高宗純皇帝實錄計清漢蒙古字三體全分共七百三

十二函又恭輯

聖訓清字漢字共一百函通共八百三十二函現在自

保和殿奉書齋送

乾清宮遵

旨改用貝子公以下宗室官員計宗人府衙門除閒散

宗室外其自貝子公至筆帖式及參領侍衛等

約有三百餘員分起齋奉儘可通融敷用應由

宗人府衙門酌量遴派於明年二月間豫行演

習再奉書前期一日先由館送書至

保和殿陳設次日再行

受書典禮其

受書後俟監修官奉表交總管內務府大臣送進

乾清宮恭奏禮成請

皇上御殿禮畢還宮後宗人府堂官再行帶領奉書官

員進

殿以次齋送至由館送書至

保和殿分兩起行走由

殿送至

乾清宮分六起行走於

乾清宮添設黃案十張陳設其歸架時請派南書

房翰林會同總管內務府大臣照料。仍由總管內務府大臣派內監若干名齎奉歸架。至架格如何豫備。俟該館將全分書籍陳設丈尺覈定。知照總管內務府大臣備辦。所有表文及慶賀致辭。並宣答。

制辭均由內閣撰擬。應用亭案及一切物件。均由該館豫咨各衙門備辦。再

實錄黃綾本一分。舊例本館於次日恭進。俟發下後送內閣收存。此次恭纂

高宗純皇帝實錄。每日進呈

皇帝恭閱。應否於告成後。再將全分另行具儀呈進之處。伏候

訓示遵行等因。奉

旨。皇次子及儀親王等會奏。明年三月間

皇考高宗純皇帝實錄

聖訓告成。恭擬受書儀注進呈。朕詳加披閱。前期一日。總裁等官恭奉全書送至保和殿陳設後。直日護軍統領會同總管內務府大臣謹闔殿門。多派官員於殿門外周歷觀看。尚不足以昭慎重。是日著於御前侍衛乾清門侍衛大門侍衛不直班各員內派出二

十員。於殿外前後輪流坐更。小心照看。不准在彼點燈喫煙。以專責成。次日受書行禮後。即著禮部堂官恭奏禮成。以便御殿受賀。其表文著於送書進乾清宮時。監修官一併送進。所有照看歸架事宜。南書房翰林著派戴衢亨趙秉冲黃鉞。總管內務府大臣著派蘇楞額英和。至

實錄黃綾本。館臣編次。按日呈覽。均經朕詳慎閱定。屆時毋庸於次日再行具儀進呈。餘均照所議行。○十二年恭進

受書禮節。前期一日辰刻。鑾儀衛陳

法駕鹵簿於

太和殿前。陳步輦於

太和門外。陳五輅於

午門外。陳馴象於五輅之南。陳仗馬於丹墀中道

之左右。俱東西相嚮。樂部和聲署設中和韶樂

於

太和殿檐下兩旁。設丹陛大樂於

太和門內兩旁。俱北嚮。禮部鴻臚寺官設

實錄案三十一張。

聖訓案五張。香案一張。於



保和殿中。設表案一張。於

保和殿內稍東偏西嚮。俱用黃緞罩鋪紅氈。工部

官設香亭一於

實錄館內。設龍亭六十一座。於

實錄館外北首大院。每座用綵紬二匹。穩書。監修總裁

官咸朝服。提調纂修校對收掌各官咸蟒袍補

服。祇候館內。王貝勒等及宗人府派出奉書之

貝子公以下官員咸朝服。恭俟

太和門外金水橋北。文武百官咸朝服。恭俟金水

橋南。按翼排立祇候。屆時。纂修官恭請

實錄

聖訓全分書八百三十二函。每書二函。用黃紬穩書。陳

設於館堂中。監修總裁以下各官。行三跪九叩

禮興。傳知工部官將第一座龍亭。用校尉四人

昇至館前。纂修官恭奉第一分書八函。陳設亭

中。收掌等官幫同安奉畢。昇至前院祇候。自六

十座龍亭以次安奉

實錄清字漢字書四百八十八函完竣。均排立於

武英殿門外前院南嚮。纂修各官嚮亭前行一跪

三叩禮興。鴻臚寺官二人。引香亭由館昇出前

行。龍亭以次序行。總裁提調纂修收掌等官。各

於亭旁隨護行走。前張黃蓋列

御仗二。龍旗二。鴻臚寺卿前引。和聲署作樂導迎

由

熙和中門至金水橋道中行。入

太和門。王貝勒貝子公宗室官員分翼。文武官

員嚮西。均跪迎。候過興。至

實錄亭排陳於

太和殿階下北嚮。樂止。纂修官各詣亭前跪行三

叩禮興。纂修等官按次恭奉書函分翼行走。總

裁官前引。每奉書五排。本館官二員排立照看。

進

太和殿中門。至

保和殿。以次敬設於各案。香亭

實錄亭並黃蓋

御仗龍旗。工部鑾儀衛官樂部官等帶同徹至

實錄館後院仍前祇候。纂修等官恭請

實錄蒙古字書二百四十四函。並清字漢字

聖訓一百函。以次設於龍亭。各官行一跪三叩禮。昇至

太和殿階前。纂修官行三叩禮。纂修等官以次奉書至。

保和殿內陳設。均如前儀。陳設畢。監修總裁以下各官行三跪九叩禮退。王公以下各官皆退。直日護軍統領。會同總管內務府大臣。謹闈殿門。派員周歷照看。添派之。

御前侍衛

乾清門侍衛大門侍衛二十員。於

殿外前後輪流坐更。次日。鑿儀衛陳

法駕鹵簿。樂部設樂懸。如前儀。具導迎樂一分。設

於

乾清門外階下祇候。

南書房翰林。總管內務府大臣。咸朝服恭俟於

乾清門內。派出照料歸架之宮殿太監。咸蟒袍補

服恭俟。總管內務府大臣。豫飭所司。設書案三

十六張於

乾清宮中。前設香案一。均南嚮。設表案一於稍東。

均用黃緞罩鋪紅氈。禮部豫設慶賀表案於

太和殿內稍東西嚮。用黃緞罩。總裁官一員。恭齋

慶賀表文。親王一員。恭齋慶賀致辭。安設表案。

大學士一員。恭齋

制辭。安設於

御案中。皆退。工部官豫設表亭於

寶錄館。王公以下文武百官咸朝服。分翼恭俟金水橋

南北。如前儀。派出奉書之貝子公以下各宗室

官員。均蟒袍補服。於王公貝勒後另班恭俟。監

修總裁以下各官。咸朝服恭俟館內。屆時。監修

官奉表文設於亭中。率同各官行三跪九叩禮

興。鴻臚寺官前引。監修總裁以下各官皆隨行。

進

熙和左門。由道左進

太和左門至

太和殿階下。監修總裁以下各官。於表亭行一跪

三叩禮興。監修官奉表文。亭隨徹。鴻臚寺卿二

人前引。總裁等官隨入。由

太和殿左門入。循中道左行。至

保和殿內表案上。敬設。監修總裁等官。行三跪九

叩禮興。惟時鴻臚寺官。引王以下文武百官入

昭德門

貞度門。各按常朝班次序立。其派出奉書之貝子

公以下宗室各官仍在

太和門外兩旁祇候俟

受書禮成後再由宗人府堂官傳知至

保和殿奉書禮部堂官奏請

仁宗睿皇帝恭受

實錄

聖訓

仁宗睿皇帝御禮服乘輿出宮禮部堂官恭導至

保和殿後隔扇降輿步行進

殿執事官豫設拜褥於

實錄

聖訓案前禮部堂官恭導

仁宗睿皇帝拈香就拜位行三跪九拜禮興禮部堂官

奏受書禮成恭導

仁宗睿皇帝步行至

中和殿升座侍班執事各官由鴻臚寺官引進排

班不贊行三跪九叩禮禮畢禮部堂官恭導

仁宗睿皇帝步行至

太和殿

午門鳴鐘鼓中和韶樂作奏隆平之章

仁宗睿皇帝升座樂止鑾儀衛官贊鳴鞭階下三鳴鞭

鳴贊官贊監修總裁官等排班丹陛大樂作奏

慶平之章鴻臚寺官引監修總裁以下各官進

贊跪皆跪樂止贊進表宣表官奉慶賀表文至

殿門外正中北面跪滿漢大學士各一員出班跪

展表文宣表官宣畢將表文仍設表案退立東

旁樂作贊叩興監修總裁以下各官行三跪九

叩禮興退各復原位樂止鳴贊官又贊排班鴻

臚寺官引王以下百官進贊跪皆跪宣致辭官

一員奉慶賀致辭至

殿外北面跪滿漢大學士出班跪展宣致辭官奏

畢將慶賀致辭仍設表案退立東旁大學士一

員至

御案前恭奉宣答

制辭至丹陛西嚮授宣讀官立展宣畢大學士仍恭奉

至

御案安設退復原位立樂作鳴贊官贊叩興王以下

文武各官行三跪九叩禮畢鳴贊官贊退王以

下各官俱復原位立樂止鑾儀衛官贊鳴鞭階

下三鳴鞭中和韶樂作奏顯平之章

仁宗睿皇帝起座。樂止。百官皆退。

仁宗睿皇帝由

太和殿後隔扇升輿。從

中和殿西陞行走。進

後右門

內右門至

養心殿。更換龍袍龍褂。維時宗人府堂官傳知奉

書之貝子公以下各官員。分進

昭德門

貞度門至

保和殿丹陛下排立。行三跪九叩禮。候

聖駕進宮。宗人府堂官率領奉書進

殿就案舉書。每員奉書二函。每案十二員。以五案

為一起。

實錄計分六起。末起六案。又

聖訓五案為第七起。各員以次奉書分翼序立。親王郡

王貝勒。每班二人前引。每書五排。後用照料宗

室官二員。分翼序行。出

保和殿後中門。循中階行。樂部作樂導迎。至

乾清門啟中門。總管內務府大臣二員。引書至

乾清宮書案前。按次敬設。每案陳書二十四函畢。

前引王等及奉書各官隨退出。其第二起書之

前引王等。再引各官奉書進

乾清門至

乾清宮安設如初。以後五起均如前儀。監修官奉

進書表文。即於第七起書後隨行。由

保和殿後左門至

乾清門階下。總管內務府大臣接奉表文。進

乾清門左門至

乾清宮。於表案上敬設畢。樂止。前引王等及奉書

奉表各官皆出。

南書房翰林總管內務府大臣。奏請

仁宗睿皇帝詣乾清宮香案前拈香行禮。俟

聖駕回宮後。

南書房翰林總管內務府大臣。敬謹閱視。分別歸

架尊藏。完竣後。再行具奏。各官皆退。○又奏准。

四月初五日卯刻。總管內務府大臣先於

乾清宮東暖閣。恭設書案三張。均用黃緞罩鋪紅

氈。前設香案一張。工部設書案三張。於

保和殿內正中。均用黃緞罩。設綵亭三座。於

實錄館門外。每亭用校尉四人。監修總裁等率同在館

官員。均服補服。在館祇候。纂修官恭請

盛京尊藏之清字漢字

實錄首函各一函。清字漢字

聖訓首函各一函。並

皇史宬及內閣尊藏之清字漢字蒙古字

實錄首函各一函。清字漢字

聖訓首函各一函。每清字漢字書二函。用穩書軸一方。

其蒙古字書一函。另用穩書軸一方。均陳設於

館堂中。監修總裁以下各官。行三跪九叩禮興。

纂修官恭奉

盛京尊藏之

實錄

聖訓首函一分。安設線亭一座。次恭奉

皇史宬尊藏本一分。安設一座。次恭奉內閣尊藏本一

分。安設一座。每亭用穩書軸一疋。以次陳設畢。

纂修官各嚮亭前行一跪三叩禮興。工部官飭

知校尉等昇線亭。亭前用提鑪一對。焚香導引。

總裁官二人前引。中道行走。由

熙和門金水橋

太和門至

太和殿階下。亭止。北嚮。纂修官各嚮亭前行一跪

三叩禮興。每人奉清字漢字二函。另一人奉蒙

古字書一函。依次恭奉至

保和殿內書案前。每案陳設一分。先

盛京尊藏本。次

皇史宬尊藏本。次內閣尊藏本。陳設畢。總裁以下各官。

行三跪九叩禮興。纂修等官仍在

保和殿祇候。

欽派前引親王二員。並派出之奉書宗室侍衛等官。先

服補服。在

保和殿祇候。俟陳設畢。王等率領宗室侍衛等按

次奉書。親王前引照料。總裁等官隨行照料。出

保和殿後隔扇。由中路行走。開

乾清門中門。至

乾清宮東暖閣書案前。依次分函排列。陳設畢。退

已刻。

仁宗睿皇帝御龍褂出

齋宮。至

乾清宮東暖閣。詣香案前拈香。行三跪九拜禮。以

次恭閱

實錄

聖訓畢出

乾清宮。升輿。還齋宮。王等率領宗室侍衛等。並總裁官等。至

乾清宮東暖閣。按次將書穩好。奉書出。仍至

保和殿案前陳設。纂修官等接奉。仍由中路至

太和殿階下。各就綵亭安奉。畢。仍昇至

實錄館安設。執事官皆退。○道光四年

諭恭纂

皇考仁宗睿皇帝實錄。將次告成。恭進時。應派貝子公

以下宗室官員分司齋奉。親王郡王貝勒左右護視。

以昭虔恪。著宗人府會同禮部。查照嘉慶年間奏定

儀注。敬謹具奏。○又

諭。本年四月間

皇考仁宗睿皇帝實錄

聖訓告成。前一日。總裁等官恭奉全書。送至保和殿。陳

設後。直日護軍統領。會同總管內務府大臣。謹闔殿

門。多派官員於殿門外周歷照看。尚不足以昭慎重。

是日著於御前侍衛乾清門侍衛大門侍衛不直班

各員內。派出二十員。於殿外前後。輪流坐更。小心照

看。不准在彼然點煙火。以專責成。其表文著於送書

至乾清宮時。監修官一併送進。所有照看歸架事宜。

南書房翰林。著派英和黃鉞許乃普田嵩年。總管內

務府大臣。著派穆彰阿恩銘。至

實錄黃綾本。館臣編次。按日呈覽。均經朕詳慎閱定。屆

時毋庸再行進呈。○是年。

仁宗睿皇帝實錄

聖訓告成。監修總裁等奉表恭進。

宣宗成皇帝詣保和殿案前拈香行禮。受書禮成。

御太和殿。作樂宣表。監修總裁。王以下文武各官。行慶

賀禮。

派出奉書之貝子公及宗人府官。由

保和殿恭奉

實錄

聖訓。至

乾清宮安設。

宣宗成皇帝復詣案前拈香行禮。○咸豐六年

諭。現在恭纂

皇考宣宗成皇帝實錄。業已告成。恭進時。應派貝子

公以下宗室官員分司齋奉。親王郡王貝勒等左右護視。以昭虔恪。著宗人府會同禮部。查照道光年間禮節。敬謹具奏。○又恭進

宣宗成皇帝實錄

聖訓。陳設

保和殿。派員周歷照看。暨行禮儀節。均與道光四  
年同。○同治五年

諭。現在恭纂

皇考文宗顯皇帝實錄。業已告成。恭進時。應派貝子公  
以下宗室官員分司齋奉。親王郡王貝勒等左右護

視。以昭虔恪。著宗人府會同禮部。查照咸豐年間禮  
節。敬謹具奏。○又恭進

文宗顯皇帝實錄

聖訓。陳設

保和殿。派員周歷照看。暨行禮儀節。均與咸豐六  
年同。○光緒五年

諭。現在恭纂

穆宗毅皇帝實錄。業已告成。恭進時。應派貝子公以下  
宗室官員分司齋奉。親王郡王貝勒等左右護視。  
以昭虔恪。著宗人府會同禮部。查照同治年間禮

節。敬謹具奏。○又恭進

穆宗毅皇帝實錄

聖訓。陳設

保和殿。派員周歷照看。暨行禮儀節。均與同治五  
年同。

欽定大清會典事例卷三百二十

禮部

進書

尊藏 皇史宬 盛京 實錄  
聖訓 尊藏 先朝 實錄  
玉牒 恭進 本紀 恭進

尊藏

皇史宬

實錄

聖訓○擇吉尊藏

皇史宬。工部豫設香亭龍亭於館內正中。監修總裁率

提調纂修各官咸朝服。恭奉

實錄

聖訓安設龍亭內。行三跪九叩禮畢。校尉舁行。黃蓋旗

仗前導。作導迎樂。出

東華門。各官隨行詣

皇史宬。亭止。恭奉

實錄

聖訓藏於金匱。各官行禮如儀。是日纂修官以副本送

內閣收存。○乾隆九年。

世宗憲皇帝實錄

聖訓尊藏

皇史宬前期一日。禮部鴻臚寺官恭設

實錄亭

聖訓亭香亭於

實錄館內。至尊藏吉日。監修總裁纂修等官咸朝服。恭

俟纂修官奉

實錄

聖訓設亭中。監修總裁纂修等官於亭前行三跪九叩

禮。鑾儀衛校尉舁行。前張黃蓋。設

御仗。和聲署作樂導引。監修等官後隨。恭送

皇史宬敬謹尊藏。其副本亦令纂修等官。即於是日送

交內閣收存。○嘉慶十二年。

高宗純皇帝實錄

聖訓尊藏

皇史宬。並恭送內閣禮節。屆吉期。工部豫設香亭龍亭

於

實錄館門外。

實錄館設書案於館堂中。監修總裁提調纂修等官均

朝服。提調纂修等官。恭奉

實錄

聖訓陳於案。監修總裁以下各官。行三跪九叩禮畢。提



調纂修等官恭奉

實錄

聖訓按次敬設龍亭。各嚮亭前行一跪三叩禮興。校尉昇行。監修總裁以下各官隨行。王公文武大臣官員咸朝服。恭俟館前跪送。前張黃蓋一。列御仗二。龍旗二。作樂導迎。散秩大臣侍衛咸蟒袍補服前引後護。由熙和中門。協和中門出。東華門中門至。

皇史宬亭止。提調纂修等官。各於亭前行一跪三叩禮。恭奉

實錄

聖訓敬謹藏於金匱。監修總裁以下各官。行三跪九叩禮。禮畢各退。是日纂修官以副本恭送內閣敬謹收存。道光四年

諭九月初一日朕親詣皇史宬行禮。毋庸奏擬儀注。著先於皇史宬殿門內。設香案一。香鑪一。香盒一。親自拈香行禮。毋庸派人遞香。御前大臣御前侍衛隨入殿門內。乾清門侍衛俱在殿門外。至

實錄館總裁及禮部各員均毋庸隨往。咸豐七年

諭

朕親詣皇史宬行禮。著先於皇史宬殿內。設香案一。香鑪一。香盒一。親自拈香行禮。毋庸派人遞香。御前大臣御前侍衛隨入殿門內。乾清門侍衛俱在殿門外。至

實錄

實錄館總裁及禮部各員均毋庸隨往。同治五年  
諭朕親詣皇史宬行禮。著先於皇史宬殿內。設香案一。香鑪一。香盒一。親自拈香行禮。毋庸派人遞香。御前大臣御前侍衛隨入殿門內。乾清門侍衛俱在殿門外。至

實錄

實錄館總裁及禮部各員均毋庸隨往。光緒六年  
諭朕親詣皇史宬行禮。著先於皇史宬殿內。設香案一。香鑪一。香盒一。親自拈香行禮。毋庸派人遞香。御前大臣御前侍衛隨入殿門內。乾清門侍衛俱在殿門外。至

實錄

實錄館總裁及禮部各員均毋庸隨往。  
尊藏  
盛京  
實錄  
聖訓。屆吉尊藏

盛京總裁官率纂修等先恭奉

實錄

聖訓於行箱。陳於龍亭。護送官朝服詣館。俱行三跪九

叩禮。張黃蓋前列。

御仗龍旗。作導迎樂。出朝陽門外。樂止。載以行。駕

綵亭進發。黃蓋旗仗前導。所過守土官。皆朝服

跪道右迎送。至奉天城外。

盛京將軍豫備黃案於

崇政殿。又備綵亭鼓樂。派官前引。屆時。將軍五部

侍郎府尹等。率領文武官員朝服出郭跪迎。引

至

崇政殿陳設。各官行三跪九叩禮畢。提調等官。即

同

盛京五部司官於

實錄

聖訓前。行一跪三叩禮。按照次序包裹畢。再行一跪三

叩禮。退擇吉期。仍設綵亭於丹陛。送往之王大

臣官員及該將軍以下各官。詣黃案前行一跪

三叩禮。執事官恭奉至綵亭內安設。行一跪三

叩禮。送至

崇謨閣前。送往之王大臣官員及該將軍以下等

俱行一跪三叩禮。提調等官協同

盛京五部司官恭奉

實錄

聖訓尊藏畢。王大臣將軍官員等行三跪九叩禮。禮畢

退。乾隆八年

諭奉天乃我朝發祥之地

累朝實錄。皆應繕清漢文各一部。送往尊藏。俟現在皇

史成內閣藏本繕成後。即著在館人員敬謹謄錄。其

送往儀注。大學士會同禮部詳議具奏。欽此。遵

旨議准。行文

實錄館。敬繕清漢文各一部。俟完日送往尊藏。其送往

禮儀。屆期詳議具奏。再奉天尊藏之處。惟

崇政殿後有

翔鳳樓高敞壯麗。堪以尊藏。請

敕下奉天將軍會同

盛京禮工二部。奉天府尹。敬謹辦理。尊藏金匱。照

在京

皇史宬內式樣製備。應需官員。專司守護。均令該將軍

等妥議具奏。以昭永遠敬奉之意。○十五年議

准

累朝實錄

聖訓

玉牒先後奉

旨送往奉天尊藏卷帙繁重。程途遙遠。夏雨時行。恐有

未便。應於秋成後。劄行欽天監擇吉送往。按

實錄

聖訓

玉牒函數製造行箱。用綵亭恭昇。出城至朝陽門外。易

以車載。前列黃蓋龍旗。

御仗均交工部敬謹酌量辦理。經過道路橋梁歇

站。令工部行文各該地方酌量修整豫備。其駐

宿之處。令各州縣相度平坦潔淨處。敬設綵棚

安奉。沿途應用官弁兵丁護行。並駐宿處周視

巡防。俱交兵部酌撥恭送人員。宗人府奏遣王

公一人。禮部工部奏遣堂官一人。

實錄

玉牒兩館。各委提調官一人。纂修官二人。禮部工部各

委司官一人。欽天監委候時官一人。其恭送尊

藏之儀。前期禮部鴻臚寺分設綵亭於

皇史宬及禮部堂上正中。屆期送往之王公大臣官員  
等。恭奉

實錄

聖訓

玉牒安設各行箱內。行三跪九叩禮。校尉昇亭。張黃蓋

列

御仗和聲署作樂。恭送至朝陽門外。樂止。徹亭。恭

奉行箱於車內。

實錄在前。

玉牒在後。各用黃蓋龍旗。

御仗導引。所過地方文武各官。咸朝服出郭跪道

右迎送。至奉天城外。奉天府豫備綵亭人夫鼓

樂。

盛京將軍五部侍郎府尹等。率有頂戴官員以上。

咸朝服出郭跪迎。委官前引。迎至

崇政殿內安設。行三跪九叩禮。屆尊藏吉期。恭請

實錄

聖訓亭至

翔鳳樓前

玉牒亭至

敬典閣

崇謨閣前。送往之王公大臣官員。暨該將軍以下等官。各於亭前行一跪三叩禮。提調纂修等官暨

盛京五部司官。恭奉

實錄

聖訓至

翔鳳樓

玉牒至

敬典閣

崇謨閣。敬謹尊藏。各行三跪九叩禮畢。各退。○是年。恭送

列祖聖容

累朝實錄。尊藏

盛京。啟行日。

高宗純皇帝親詣拈香。於

東華門外絲棚前。行三跪九拜禮。○嘉慶十二年。

高宗純皇帝實錄

聖訓。並此次續修

玉牒。恭送

盛京尊藏禮節。啟程前期。工部搭蓋安奉

實錄

聖訓

玉牒亭絲棚於

東華門外。又搭絲棚於朝陽門外。

實錄館

玉牒館各設書案於館堂中。監修總裁提調纂修等官

咸朝服。提調纂修等官。各恭奉

實錄

聖訓

玉牒陳於案。監修總裁以下各官。行三跪九叩禮畢。提

調纂修等官。率在館執事人等。各依次敬謹裝

設行箱。仍於館堂中敬設。在館執事人等坐更

守護。工部派員於前一日。按數分設絲亭於

實錄館

玉牒館門外。啟程日。豫設行駕絲亭及黃蓋

御仗龍旗二分於朝陽門外。欽天監候時。官報屆

吉時。在館執事人等。以次安設行箱於絲亭。均

用絲紬穩箱。提調纂修等官於亭前行一跪三

叩禮畢。校尉昇亭。監修總裁以下各官隨行。亭

前鑿儀衛各備黃蓋一。

御仗二龍旗二前導。樂部作樂導迎。散秩大臣侍衛咸蟒袍補服前引後護至

東華門外。

實錄館

玉牒館提調纂修等官按次排設

實錄

聖訓

玉牒亭於絲棚內。鑿儀衛豫設儀仗於

東華門外。鴻臚寺官設香案於絲亭前。太常寺官

設香鑪香盒於案上。設

仁宗睿皇帝拜褥於香案前。親王以下。侍郎副都統以上。咸朝服於絲棚外。祇候。屆時。禮部堂官赴

乾清門。奏請

仁宗睿皇帝詣

實錄

聖訓

玉牒前行禮

仁宗睿皇帝乘輿出宮。禮部堂官前引。至

東華門降輿。禮部堂官恭導

仁宗睿皇帝進絲棚。太常寺堂官敬謹奉香。

仁宗睿皇帝拈香。就拜位。行三跪九拜禮。親王以下。侍

郎副都統以上。於絲棚外恭隨行禮畢。禮部堂

官奏禮成。

仁宗睿皇帝升輿還宮。其送往之王大臣於絲亭前行

一跪三叩禮畢。校尉昇亭啟行。亭前張黃蓋。列

御仗龍旗。作樂導迎。散秩大臣侍衛前引後護。至

朝陽門外絲棚內安奉畢。樂止。黃蓋旗仗隨徹。

派送出城之前引後護各官俱退。在京王公文

武大臣官員分左右兩翼排立。屆時。更換行駕

絲亭。隨同送往之王大臣暨護軍統領侍衛官

員等。先詣絲亭前行一跪三叩禮。裝設後復於

行駕絲亭前行一跪三叩禮畢。

實錄

聖訓亭在前。

玉牒亭在後。以次啟行。王公大臣官員於道旁跪送。工

部各備黃蓋一。

御仗二龍旗二前導。派出之侍衛十四員。輪流前

引。

乾清門侍衛四員。分二員在亭旁敬謹照料。二員

先赴前站綠棚豫備安設。次日換班行走。在途每站安奉。

實錄

聖訓

玉牒於綠棚時。隨同送往之王大臣官員等。均於亭前行一跪三叩禮。次日啟行。復行一跪三叩禮。所過各處文武地方官。咸朝服出郭。跪道右迎送。派撥綠營官兵沿途護送巡防。護軍統領參領護軍校率護軍二十名。恭送至山海關。跪送行駕綠亭出關後撤回。

盛京副都統奉天府尹率領該處滿洲官兵及地方官。先期至山海關外祇候。俟行駕綠亭到時。該副都統府尹等跪接。一路隨行。敬謹防護。至奉天城外。奉天府先期搭蓋綠棚。

盛京將軍先期豫備黃案於崇政殿。又備綠亭鼓樂。派官前引。屆時將軍五部侍郎等率領官員朝服出郭。跪迎。

實錄

聖訓

玉牒行駕綠亭。安奉綠棚內。隨同送往之王大臣官員。

先詣行駕綠亭前。行一跪三叩禮。恭請行箱安設綠亭畢。復行一跪三叩禮。前引官導引入城至。

崇政殿前。亭止。送往之各提調纂修官。協同盛京五部司官。於綠亭前行一跪三叩禮。就行箱內恭奉。

實錄

聖訓

玉牒依次安設

殿內黃案。送往之王大臣官員。及該將軍以下各官。均行三跪九叩禮。各提調纂修官。復同盛京五部司官。於

實錄

聖訓

玉牒前行一跪三叩禮。仍各按次序用龍袱包畢。再行一跪三叩禮退。

盛京將軍會同五部侍郎府尹等。派官於殿外晝夜守護。擇吉期。仍設綠亭於崇政殿前。送往之王大臣官員。咸蟒袍補服。該將軍以下各官。咸朝服詣黃案前。行一跪三叩禮。

畢。各提調纂修等官。協同  
盛京五部司官。恭奉

實錄

聖訓

玉牒分設於絲亭。各行一跪三叩禮畢。昇請

實錄

聖訓亭至

崇謨閣前。

玉牒亭至

敬典閣前。

盛京將軍以下等官。先同恭送之王大臣官員於  
崇謨閣絲亭前。行一跪三叩禮。復同恭送王大臣  
官員於

協同

盛京五部司官。恭奉

實錄

聖訓於

崇謨閣金匱內敬謹尊藏。恭奉

玉牒於

敬典閣金匱內敬謹尊藏畢。該將軍以下等官先  
同送往之王大臣官員於

實錄

聖訓金匱前。行三跪九叩禮。同送往之王大臣官員於

玉牒金匱前。行三跪九叩禮。禮畢各退。○道光四年。

仁宗睿皇帝實錄

聖訓恭送

盛京尊藏

崇謨閣。○咸豐七年

諭

宣宗成皇帝實錄

聖訓告成。應行尊藏。盛京本。著照嘉慶年間成案。俟

玉牒告成時。一併恭送。○八年。

仁宗睿皇帝聖容。

宣宗成皇帝實錄

聖訓並續修

玉牒。同日恭送

盛京。

文宗顯皇帝親詣

東華門外各絲棚前行禮儀與前同。○同治六年

諭

文宗顯皇帝實錄

聖訓告成恭送尊藏盛京本現值續修

玉牒之年著照咸豐年間成案俟

玉牒告成時一併恭送○又

諭都興阿等奏請添設金龍頂匱尊藏

實錄

聖訓一摺據稱盛京

崇謨閣上層金龍匱尊藏

實錄

聖訓現在安設已滿請在金龍匱上添設金龍頂匱二

十二座移請

列祖

列宗

實錄

聖訓尊藏移出金龍匱十一座敬備

文宗顯皇帝實錄

聖訓恭送到時敬謹尊藏等語所籌甚妥即著盛京工

部仿照原設金龍匱式樣遴派妥員敬謹成造金龍

頂匱二十二座以備尊藏而昭慎重○七年

文宗顯皇帝實錄

聖訓並續修

玉牒同日恭送

盛京

穆宗毅皇帝親詣

東華門外各絲棚前行禮儀與前同○光緒六年

諭

穆宗毅皇帝實錄

聖訓尊藏盛京本與

玉牒一併恭送一切應行豫備之處著該衙門查照上

屆成案敬謹豫備○是年

穆宗毅皇帝實錄

聖訓並續修

玉牒同日恭送

盛京

皇帝親詣

東華門外各絲棚前行禮儀與前同

尊藏

先朝硃筆○嘉慶十二年

諭慶桂等奏現在



實錄館全書告成將數年來請出

高宗純皇帝硃筆恭繳其應尊藏何處請旨遵行等語

列朝硃筆向俱在紅本處存貯屆當纂辦

實錄時敬謹請出俟纂辦完畢仍歸原處尊藏惟是

列朝硃筆日久增積存貯倍多恭查

皇祖世宗憲皇帝硃筆即存貯十五箱現在

皇考高宗純皇帝硃筆又共有一百八十四箱若統歸

紅本處存貯則日積日多幾成充棟且箱隻亦大小

不齊殊非敬謹尊藏之道除現在每年各處呈繳硃

筆仍交紅本處隨時存貯以備查覈外所有

先朝硃筆應恭請至太和殿東夾室永遠尊藏著派總

管內務府大臣恭查

皇祖世宗憲皇帝

皇考高宗純皇帝

兩朝硃筆應分貯明黃油寬大板箱共若干隻即行如

數董造敬謹裝貯屆時奏聞擇吉恭備綵亭敬將

皇祖世宗憲皇帝硃筆由紅本處請出至乾清門外昇

往安奉

皇考高宗純皇帝硃筆此時應暫貯

實錄館毋庸繳進屆時一體恭備綵亭即由

實錄館請出昇往安奉億萬年永遠遵行

恭進

玉牒○是日早鴻臚寺官按

玉牒卷數豫設案於

中和殿正中又設案於左右兩旁東西嚮工部官

豫設龍亭綵亭於宗人府堂上和碩親王以下

入八分公以上俱朝服於

太和門外金水橋不入八分公以下文武各官俱

朝服於

午門外按翼恭候總裁王大臣率提調纂修官俱

朝服於

玉牒館恭奉

玉牒分設於龍亭綵亭內行三跪九叩禮畢校尉昇行

龍亭在前綵亭在後張黃蓋前列

御仗龍旗作導迎樂總裁以下各官乘馬在後由

大清門中門入至

天安門外各官下馬至

午門外諸王下馬會集之百官跪迎導迎樂止至

太和門外會集之王公跪迎皆候過輿至

太和殿階下亭止提調纂修官自亭內恭奉

玉牒由中階升入

太和殿中門。總裁以下各官由東階升入殿左門。至

中和殿分陳

玉牒於各案。總裁王大臣率提調纂修各官於丹陛東行三跪九叩禮畢。總裁王大臣進詣中案前。恭展

玉牒。退禮部堂官奏請

皇帝御殿

皇帝具禮服乘輿出宮。禮部堂官前引。至

保和殿後降輿

御中和殿詣案左西嚮立。禮部堂官奏請閱

玉牒。

皇帝詣正中案。北嚮閱畢。禮部堂官奏禮成

皇帝還宮。總裁提調纂修各官恭奉

玉牒。交內監奉進。工部官移設龍亭綠亭於

乾清門外。樂部移設導迎樂於

東華門外。俟

皇帝覽

玉牒畢。內監奉出。總裁王大臣率提調纂修各官敬謹

分設於亭內。內大臣派侍衛二十員前引。散秩大臣一員率豹尾槍侍衛十員後護。校尉昇亭。

由

保和殿中階。以次出

中和殿

太和殿黃蓋旗仗前導。由

太和門

協和門

東華門各中門出。導迎樂作。總裁以下各官隨行。

其會集之王公於

太和門外跪送。文武各官於

協和門外跪送。至

皇史宬。總裁王大臣以下各官於龍亭前各行一跪三

叩禮。恭奉

玉牒入

皇史宬。敬謹尊藏畢。行三跪九叩禮。各退。其送往

盛京尊藏

玉牒於

敬典閣。與

實錄

聖訓儀同。禮案乾隆二十五年奏准。玉牒尊藏。咸京既至。工部豫備絲亭更換行駕。奉天府尹豫備鼓樂。並派官二員導引。至崇政殿內陳設。屆吉尊藏。敬典間。餘儀均與前卷同。

○順治十八年纂修

玉牒康熙元年告成。擇吉恭進。前期一日。禮部鴻臚寺

官。設黃案於

中和殿丹陛正中。設絲亭於宗人府。至日早。宗人府官奉

玉牒設絲亭內。鑿儀衛校尉昇行。由

大清門中門進。總裁王以下。及纂修各官。咸朝服

隨至

太和門階下。奉

玉牒設於

中和殿黃案上。奏請

聖祖仁皇帝御殿

閱畢還宮。內院今內官奉

玉牒進呈

御覽畢。送至

皇史宬尊藏。○康熙十年纂修

玉牒告成。擇吉恭進。是日早。禮部鴻臚寺官。設黃案於

中和殿丹陛上正中檐下。陳

大駕鹵簿於

太和殿前。王以下。公以上。咸朝服恭俟

太和門外。文武各官朝服恭俟

午門外。宗人府官奉

玉牒十匣。各設絲亭內。總裁率纂修各官咸朝服於亭

前行三跪九叩禮。校尉昇行。張黃蓋前列

御仗二。教坊司今和作樂。由

大清門進。總裁王暨各官。乘馬後隨至

天安門外。各官下馬。王至

午門前下馬。王公文武各官。分翼跪迎。候過隨入

至

太和殿丹墀內。纂修官奉

玉牒進

中和殿。陳黃案上。總裁以下。均行三跪九叩禮。興

啟

玉牒匣。將正中四匣

玉牒展開。禮部堂官奏請

聖祖仁皇帝禮服出宮。

御中和殿。至東旁北嚮立。閱

玉牒畢。復至原位立。禮部官引總裁暨纂修各官出。王

等至

太和殿丹墀上排立。各官在丹墀內排立。禮部堂

官奏請

聖祖仁皇帝御太和殿樂作

升座。樂止。鳴鞭。如常儀。鳴贊。官贊跪叩興。總裁率纂修

各官行三跪九叩禮畢。

賜坐

賜茶畢。鳴鞭

駕還宮。諸王各官皆退。總裁率纂修各官奉

玉牒送進。俟

御覽畢。禮部官設綵亭十於

乾清門前。設黃蓋

御仗於

太和殿前。設樂於

東華門外。

玉牒由內奉出。總裁率纂修各官奉設綵亭內。校尉昇

行。由

保和殿

中和殿

太和殿出。張黃蓋列

御仗由

太和門中門金水橋正中行。至

協和門出

東華門。教坊司今和作樂恭送

皇史宬尊藏。○十八年。二十七年。三十七年。纂修

玉牒告成。一應禮儀均與十年同。○五十四年。

玉牒告成

聖祖仁皇帝在宮中恭覽不升殿。○雍正三年。纂修

玉牒告成。進呈

御覽恭送

皇史宬尊藏。典禮均與康熙十年同。○乾隆三年。纂修

玉牒告成

高宗純皇帝御中和殿恭閱。送至

皇史宬尊藏。均照康熙十年之例。○五年。奏准。恭進

玉牒。止用黃袱包裹。設綵亭內。昇入

中和殿。各官照例恭奉陳設。其

玉牒匣。豫送

皇史宬。俟

玉牒進呈後。昇送尊藏匣內。○九年。恭進

玉牒儀與三年同。又奏准

玉牒每十年纂修一次。今遵奉

諭旨。將禮部尊藏

玉牒恭送

盛京尊藏。自順治十八年至今。共纂修八分。並此

次纂修

玉牒。現在繕寫裝潢。俟告成時。一併恭送

盛京尊藏。以垂久遠。其恭送之儀。應聽禮部定議

嗣後每次纂成

玉牒。將禮部尊藏一分。恭送

盛京。永為定例。又奏准據

實錄館奏稱。

累朝實錄

聖訓清漢文各一部。業已繕竣。校對裝潢。禮部現在會

同大學士。酌議送往禮節。至禮部尊藏之

玉牒。遵

旨。敬謹修整。將次告竣。所有

盛京尊藏之

崇政殿左翊門東旁嚮南正樓。業經行文奉天將

軍等作速監修。俟工竣報部日。劄欽天監擇吉

送往恭案

累朝實錄及屢次纂修

玉牒。均係奉

旨送往

盛京尊藏。應一同敬謹恭送。以昭畫一。事宜禮儀詳見前。

○十五年。二十五年。三十三年。四十二年。五十

三年。纂修

玉牒告成

高宗純皇帝照康熙五十四年之例。在宮中恭覽

閱畢。尊藏

皇史宬。仍繕備一分。送往

盛京尊藏。事宜禮儀均與恭送盛京同。 ○嘉慶三年。

玉牒告成。奉

旨。朕照康熙五十四年之例。在宮中恭覽

玉牒。不必升殿。○是年。尊藏禮儀。均與乾隆五十三年

同。○十二年。

玉牒告成。奉

旨。朕照康熙五十四年之例。在宮中恭覽

玉牒。不必升殿。○又奉

旨。本年九月。恭奉

皇考高宗純皇帝實錄

聖訓並續修

玉牒送往盛京尊藏該部所奏事宜摺內請派前引侍衛十員尚不敷用著添派大門侍衛四員以備更替再派乾清門侍衛四員每日令二員在行駕絲亭前敬謹照料其二員先赴前站絲棚內豫備安設次日換班行走○又

諭皇史宬舊貯

玉牒及本年續修

玉牒均移貯於景山

壽皇殿之東西室○二十年奉

旨乾清宮尊藏

實錄

玉牒著開歲抖晾一次每歲著軍機大臣奏派滿漢文職大臣各二員於四月內率同批本處各員暨乾清宮總管首領太監等敬謹抖晾即自今歲為始○二十三年

玉牒告成奉

旨照康熙五十四年之例在宮中恭覽不必升殿○道光八年

玉牒告成

宣宗成皇帝詣

乾清宮東暖閣行禮恭閱送

壽皇殿東西室尊藏○十八年二十八年俱同○咸豐

八年

玉牒告成奉

旨此次仍在宮中恭覽○同治六年

玉牒告成奉

旨仍在宮中恭覽○光緒三年

玉牒告成

皇帝在宮中恭覽尊藏

壽皇殿東西室○十三年同

恭進

本紀○凡恭進

本紀總裁官吉服進表後至

國史館率提調總纂修各官均蟒袍補服陳書

於案行三跪九叩禮提調總纂官奉設龍亭內

亭座以次排列

文華殿門外南嚮提調總纂各官嚮亭行一跪三

叩禮蓋旗仗樂如儀由

景運門至

乾清門外階下。提調總纂各官。詣亭前行一跪三

叩禮。內務府豫設書案於

乾清宮中。又設香案一。均南嚮。提調總纂各官。按

次分翼。總裁官前引進

乾清宮中門。以次敬設於各案畢。總裁提調總纂

各官。於階下行三跪九叩禮。退。總管內務府大

臣。蟒袍補服。敬謹閱視。分別歸架。擇吉尊藏

皇史宬總裁以下各官。奉設亭內行禮。蓋旗仗樂如儀

至

皇史宬行禮。恭奉尊藏行禮均如儀

欽定大清會典事例卷三百二十一

禮部

鑄印鑄造一

鑄造。鑄造

皇太后金寶盤龍紐

皇后金寶交龍紐

皇貴妃

貴妃金寶蹲龍紐

妃金印龜紐。均清篆左。漢篆右。篆用玉筋文。親王

世子金寶龜紐。郡王金飾銀印麒麟紐。均芝英

篆。朝鮮國王金印龜紐。芝英篆。越南琉球暹羅

國王均金飾銀印駝紐。尚方大篆。凡鑄造銀印

關防。內外文職一二品。尚方大篆。內三品。順天

奉天二府以上。外承宣布政使司。尚方小篆。均

直紐。內外武職一二品。均柳葉篆。虎紐。衍聖公

尚方大篆。直紐。蒙古部落札薩克盟長。右錫清

文。左錫蒙古文。虎紐。凡鑄造銅印關防。鈐記。內

文職三品。詹事府以下。外提督學政。提刑按察

使司。尚方小篆。內四五品。外三四品。鐘鼎篆。內

六品。外五品以下。垂露篆。內外武職三四品。及

篆四五品以下。懸鐵篆均直紐。凡增鑄之印。內  
外文武官新設者。改調職守者。由吏兵二部會  
部擬定印文字數。題准咨部。付局鑄給。凡改鑄  
之印。內外官印。歲久模糊。應改鑄者。題咨到部  
鑄給。○順治初年定。凡鑄造

寶印。禮部鑄印局職掌印文。清文左。漢文右。字樣由  
內院撰發。金銀礪硃於戶部。移取物料於工部  
移取祭物於光祿寺。移取。○又定鑄造

皇太后金寶盤龍紐平臺。方四寸四分。厚一寸二分。玉  
筋文。

皇后金寶交龍紐平臺。方四寸。厚一寸二分。玉筋文。  
皇貴妃金寶蹲龍紐平臺。方四寸。厚一寸二分。玉

筋文。

妃金印龜紐平臺。方三寸六分。厚一寸。玉筋文。和  
碩親王金寶龜紐平臺。方三寸六分。厚一寸。親  
王世子金寶龜紐平臺。方三寸五分。厚一寸。朝  
鮮國王金印龜紐平臺。方三寸五分。厚一寸。多  
羅郡王金飾銀印麒麟紐平臺。方三寸四分。厚  
一寸。以上均玉筋文。外國王金飾銀印駝紐平  
臺。方三寸五分。厚一寸。九疊篆文。公銀印虎紐

三臺。方三寸三分。厚九分。大將軍將軍侯伯都  
統銀印虎紐二臺。方三寸三分。厚九分。均柳葉  
篆文。宗人府銀印直紐三臺。方三寸三分。厚一  
寸。衍聖公銀印直紐三臺。方三寸三分。厚一寸。  
六部內三院。

盛京五部理藩院。都察院。鑾儀衛。各省都司銀印  
直紐二臺。方三寸二分。厚八分。各省承宣布政  
使司銀印直紐二臺。方三寸一分。厚八分。順天  
府銀印直紐方二十九分。厚六分五釐。以上均  
九疊篆文。提督總兵官銀印虎紐三臺。方三寸  
三分。厚九分。鎮守掛印總兵官銀印虎紐二臺。  
方三寸三分。厚九分。提督九門步軍統領銀印  
虎紐二臺。方三寸三分。厚九分。以上均柳葉篆  
文。詹事府通政使司。大理寺銀印直紐方二寸  
九分。厚六分五釐。太常寺。內務府。各省提刑按  
察使司。京衛宣慰司銅印。方二寸七分。厚九分。  
武備院。上駟院。奉宸苑。光祿寺。太僕寺。鹽運使  
司。外衛守備。各城守尉銅印。方二寸六分。厚六  
分五釐。鴻臚寺。國子監。外府。宣撫司。銅印。方二  
寸五分。厚六分。內院。左春坊。右春坊。司經局。欽



天監太醫院六部各司理藩院四司宗人府左右司經歷司鹽課提舉司安撫司招討司銅印方二寸四分厚五分直省知州銅印方二寸三分厚五分廣儲司會計司掌儀司慎刑司都虞司營造司慶豐司都察院經歷司大理寺左右寺丞光祿寺四署五城兵馬司鑾儀衛左右中前後所旗手左右衛馴象所大興宛平承德三京縣布政使司經歷司理問所長官司僧錄司道錄司銅印方二寸二分厚四分五釐六科銅印方二寸四分厚五分中書科行人司通政使司經歷司鑾儀衛經歷司工部營繕所太常寺典簿光祿寺典簿詹事府主簿京府經歷司京衛外衛經歷司按察使司經歷司外縣鹽運使司經歷司宣慰司經歷司銅印方二寸一分厚四分四釐國子監繩愆廳博士典簿鴻臚寺主簿欽天監主簿各

壇  
廟祠祭署布政使司照磨所府經歷司銅印方二寸厚四分二釐刑部司獄司光祿寺銀庫太醫院藥庫京府照磨所司獄司國子監典籍寶泉局寶

源局神樂觀司牲司會同館都稅司按察使司照磨所司獄司都司司獄司府照磨所司獄司府儒學衛儒學稅課司茶馬司陰陽學醫學僧綱司道紀司巡檢司銅印方一寸九分厚四分教坊司銅印方一寸四分厚二分均直紐九疊篆文時憲書銅印方二寸一分厚四分四釐七疊篆文監察御史銅印直紐有孔方一寸五分厚三分八疊篆文河南等六道巡鹽各差並同直省總督巡撫關防長三寸二分闊二寸各鎮守總兵官關防長三寸二分闊二寸各部分司守巡道副將參將遊擊都司關防長三寸闊一寸九分提督學政關防長二寸九分闊一寸九分織染局管理江南蘇州杭州各織造關防長二寸九分闊一寸九分巡視五城御史府同知通判衛所千總營都司關防長二寸八分闊一寸九分管理銀緞顏料三庫各關防長三寸闊一寸九分以上均銅質直紐九疊篆文府州縣儒學各守備銅印記長二寸六分闊一寸六分五釐庫大使批驗所驛丞鹽課司遞運所各局各倉場各牘銅條記長二寸四分闊一寸

三分五釐以上均直紐九疊文。○又定

皇太后

皇后金寶均用三等赤金

皇貴妃金寶用六成金

妃金印用五成金親王金寶用五成金世子金寶

用四成金。○又定鑄造內外諸司印信關防條

記吏兵二部具題咨送到禮部由禮部復行奏

請方行鑄造。○又定文武衙門請給印信關防

條記在京者該衙門自題在外者該督撫代奏

旨下吏兵二部覈議咨送禮部鑄造。○又定在外交

武大小衙門印信關防條記年久篆文模糊者

許申督撫驗實具奏換鑄新印其舊印繳部銷

毀。○又定應給印信鑄印局照式篆文呈送內

院照撰清字送部發局鑄給。○二年定凡巡鹽

巡按御史各差每差鑄印二顆循環給發。○四

年定凡應給印信均照吏兵二部咨文鑄給不

必復行具奏。○八年定六部都察院鑿儀衛等

衙門官遇

行幸扈從每衙門別鑄印一顆加

行在二字其

特差侍衛等均用鑿儀衛印信。○十年覆准朝鮮國

王原領印文有清字無漢字禮部改鑄清漢文

金印頒給該王仍將舊印繳進。○十一年鑄造

琉球國王金飾銀印。○十四年改遼陽府為奉

天府更鑄銀印。○十五年改內三院為內閣以

銀印三顆繳送到部改鑄內閣典籍廳銅關防

一顆。○十六年鑄造通政使司大理寺翰林院

太常寺太僕寺光祿寺鴻臚寺欽天監太醫院

行在印信。○康熙四年鑄造

太皇太后金寶平臺方四寸四分厚一寸二分盤龍紐

玉筋文。○五年鑄造安南國王金飾銀印。○十

五年定

皇太子金寶蹲龍紐平臺方四寸厚一寸二分玉

筋文。○二十九年

諭凡差遣審事官不必鑄給印信事完印其本章即繕

明啟奏日期用地方督撫印信如事關督撫即用藩

臬印信事關督撫藩臬則用提鎮印信。○五十三年

覆准鑄給三旗領侍衛內大臣銀印制同都統

。○六十年定凡鑄造銀印由部於戶部領出紋

銀配銅三分鑄給餘銀照依分兩仍傾銷紋銀

交還戶部銅印銅關防皆用黃銅之精鍊者○  
雍正元年

諭印信乃一應事件憑據不惟藩臬印信即州縣印信亦屬緊要著禮部俟有數印一同交與欽天監選擇吉日鑄給欽此遵

旨議准鑄給印信關防令欽天監擇吉日專委禮部官監造務期錫刻精工字畫端楷鑄造完印禮部堂官驗明將監造官姓名登記冊籍僅有銀色不足銅質不精及字畫不清怠忽從事者將監造官指叅交該部從重議處並令賠補所領戶

部鑄造銀印銀仍照舊例將餘賸銀傾銷紋銀交還戶部○是年增鑄總理戶部三庫事務銀印二臺方三寸二分厚八分九疊篆文改鑄內務府太常寺銀印總督巡撫銀關防○四年定各省衛所改設府州縣者其知府州縣官及教授學正教諭訓導等官鑄給印信條記凡有新設衙門及增改職守者其印信關防皆准換給○六年

諭向來鑄造金銀寶印所用之金銀皆有一定成色應遵照該部定例辦理不可草率令金銀成色不足嗣

後著該部稽查驗看凡有鑄印之事即微員印信皆先期令欽天監選擇吉日然後鑄造鑄就之後送內閣著內閣學士閱看再行頒發並將鑄印及頒發日期存案備查○又議准鑄造

欽差大臣關防六如督撫式三品以上用

欽差官員關防四如道員式四品以下用均豫鑄存

部遇有

欽差由部給發帶往事竣繳回○七年議准佐貳官

內有分駐彈壓管理水利糧務等項及直隸州州同州判應給鈐記者均由各該督撫查明具

題鑄給○又奏准增鑄

欽差大臣關防四官員關防六備用○八年覆准凡

銀印關防皆於戶部領取十成紋銀鑄造如所

鑄之印有成色不足者照原議指叅仍令鑄印

大使及監造之官賠補其金印冊頁有繳回者

照例鎔化如成色與原稿不符著落原造官分

賠還項○九年奏准增鑄

欽差大臣關防十官員關防十備用○十一年議准

鑄造金寶銀印每兩以三分折耗其監督鑄造

者由部於滿漢司官內遴選二人引

見恭候

欽定一人專司局事一年期滿再行更代。○十三年議准據閩省奏換關防印記二十八顆到部印信關防凡長闊分寸皆照會典定式其方印厚薄分寸照會典所載不免太薄向例均加厚二分三等應仍照向來頒給之式關防條記分寸本無一定應將舊頒大小各衙門印模分寸比照定式每銅十兩經火鍊三次加折耗銅六兩鑄造已成即將二十八顆註銷數目折耗分兩及現在每顆重若干兩之處逐一存案並將厚薄分寸亦詳細註冊作為成式嗣後印記關防有大小厚薄不合定式或篆文有訛者令各督撫驗實奏聞咨部換給再鑄印工匠養贍不敷必多侵蝕嗣後照工部製造庫匠役工食之外每月給銀一兩米二斛二斗五升鑄印所需煤炭亦酌增一倍。○乾隆元年奏准直省督撫藩臬印信關防及文武各官新設衙門由吏部兵部會同禮部校正印模擬定字樣鑄給以昭畫一。○二年奏准鑄造金寶銀印每兩止許折耗二分。○又奏准

內務府改鑄二品衙門印信方三寸二分厚八分六部理藩院都察院均改鑄一品衙門三臺印信方三寸三分厚九分。○七年覆准凡舊印繳部令該衙門於印面清漢印文正中鑄一繳字呈送上司驗看封固送部由部驗明封儲存司彙齊銷毀。○十三年

諭國家寶璽朕依次排定其數二十有五向兼清漢文漢文皆用篆體清文則有專用篆體者亦有即用木字者今國書經朕指授篆法宜用之於國寶內有青玉皇帝之寶本係清字篆文乃

太宗時所貽自是以上四寶均

先代相承傳為世守者不宜輕易其檀香皇帝之寶以下二十一寶則朝儀綸綍所常用者宜從新定清文篆體一律改鑄欽此遵

旨奏准敬將

制詰之寶遵照

指授篆法用玉筋體擬篆清文恭呈

御覽候

欽定後即交該衙門選擇吉期於

大內恭領應鑄

御寶敬謹改鑄

皇太后

皇后金寶

妃金寶金印均玉筋篆體統俟

冊封

皇后舉行慶典加上

徽號時

交該衙門照例敬謹成鑄恭鑄。又奏准親王

金寶郡王金飾印向無鈐用之處應令諸王各

將寶印送部照式改鑄朝鮮國王金印俟襲封

時別鑄換給内外文武衙門印信關防條記令

各衙門齋送印模到部酌量衙門大小職事繁

簡先改鑄内部院領侍衛內大臣八旗都統外

督撫藩臬將軍都統提鎮其餘依次改鑄換給

○又奏准嗣後親王金寶郡王金飾銀印朝鮮

國王金印均用芝英篆宗人府行聖公辦理軍

機處內務府翰林院六部理藩院都察院總理

三庫事務鑿儀衛

盛京五部銀印均用尚方大篆三旗領侍衛內大

臣都統護軍統領前鋒統領火器營嚮導統領

經略大將軍將軍鎮守將軍副都統提督銀印

均用柳葉篆通政使司大理寺太常寺順天府

奉天府各省布政使司銀印均用小篆詹事府

各省按察使司鹽運使司武備院上駟院奉宸

苑光祿寺太僕寺銅印均用小篆鴻臚寺國子

監一二品衙門各司欽天監太醫院左右春坊

司經局鑾儀衛各司各所六科各道時憲書銅

印均用鐘鼎篆中書科五城兵馬司三四品衙

門各司欽天監各科經歷司司獄司直省知府

知州知縣以下等官銅印均用垂露篆直省總

督總河總漕總督倉場巡撫銀關防

欽差大臣銅關防均尚方大篆內繕書房各省學政

銅關防均小篆五城御史順天府承奉天府承

戶部銀庫緞庫顏料庫坐糧廳各處監督道員

織造銅關防均鐘鼎篆各部院衙門廳署庫所

局各處大使同知通判州同州判銅關防均垂

露篆總兵官銅關防柳葉篆參領各處總管城

守尉協領防守尉副將參將遊擊銅關防均及

篆都司銅關防佐領內務府管領守備以下等

官銅條記圖記均懸鉞篆京城僧錄道錄銅印

直省僧綱道紀等銅關防均用垂露篆○又奏

准凡鑄

大內寶印。禮部會同內務府造辦處敬謹鑄造。

十四年奏准翰林院堂印。換給二品銀印。又

奏准改鑄理藩院堂印。清漢字樣均照

欽定篆文。蒙古字樣。應否仍照本文鐫刻。奉

旨。理藩院印文之蒙古字樣。不必篆書。外藩札薩克盟

長喇嘛。並蒙古西藏一應清文。蒙古唐古特文。亦不

必篆書。其在京札薩克大喇嘛印。清文著篆書。蒙古

文不必篆書。又奉

旨。現因辦理清文篆書。將一應印信。悉照篆文鑄造。據

禮部奏稱。有大光明殿住持。及龍虎山上清宮提點

司兩銅印。應行撤回。毋庸改鑄。再妙正真人。文覺禪

師。無闕永覺禪師之銀印。均無鈐用之處。毋庸改鑄

其應否撤回。候命下。遵行等語。大光明殿住持。及上

清宮提點兩印。應照部議撤回。其妙正真人。文覺禪

師。無闕永覺禪師三銀印。係雍正年間。並

敕諭。一同頒發。乃賜給本人。不過圖章之類。非外藩喇

嘛。傳授承用印信可比。毋庸改鑄。亦毋庸撤回。應俟

本人身後。繳部銷毀。再似此者。尚有幾何。著禮部詳

考奏明。遵照辦理。該部存案。嗣後如有特賜方外人

等印信。均照此例行。又

諭。近用新定清文篆書。鑄造各衙門印信。所司檢閱庫

中所藏經略大將軍將軍諸印。凡百餘顆。皆前此因

事頒給。經用繳回。未經銷毀者。會典復有命將出師

請旨。將庫中印信。頒給之文。遂致濫觴。朕思虎符鶴

紐。用之軍旅。所以昭信。無取繁多。庫中所藏。其中振

揚威武。建立庸功者。具載

歷朝實錄。班班可考。今擇其克捷奏凱。底定迅速者。經

略印一。大將軍將軍印各七分。匣收貯。稽其事迹。始

末。刻諸文筭。足以傳示奕禩。即仍其清漢舊文。而配

以今製清文篆書。如數重造。遇有應用。具奏請旨。頒

給一併藏之。皇史宬。其餘悉交該部銷毀。此後若遇

請自皇史宬而用者。歲事仍歸之皇史宬。若遇因一

事特行頒給印信者。事竣交部銷毀。又奏准印信

關防。所關甚重。篆文既經

欽定。理宜普給頒發。以昭畫一。據內繕書房。並辦理漢

篆之大臣。每日可得印模八九張。隨篆隨鑄。每

年可得三千餘顆。約計三年可以完竣。所有加

雇匠役工價。並鑄印銀銅及煤炭等項。仍於戶

工二部支取。俟工竣之日。仍照舊例辦理。又

覆准嗣後各土司印信均於承襲時換給。○十六年奏准

東陵

秦陵承辦事務關防照內務府總管印用尚方大篆尚

虞照三品文職印用小篆總管尚膳尚茶圖記

照三品武職關防用爻篆廣恩庫鈐記照戶部

三庫印信用鐘鼎篆通州倉關防照武職三品

關防用懸鉞篆灌頂普善廣慈大國師印慧悟

禪師印總管

京師喇嘛班第札薩克大喇嘛印

盛京總管喇嘛班第印均用轉宿篆。○十七年奏

准新鑄銅印均用紅銅白鉛三七配搭鑄造嗣

後遇有各衙門印信模糊請換者均按照成色

配鑄以昭畫一。○又奏准印信關防圖記自十

四年起三年期滿已照數鑄完次第恭呈

御覽嗣後如有新增及應行補給者仍送繕書房篆文

由部照式鑄造所有原設匠役八名仍照舊例

辦理毋庸別給工價。○十八年奏准各省舊印

照督撫咨覆各部院公文之例以新印開用日

期限四月之內將舊印鑄字封固繳部如逾限

不繳照例參處。○二十五年奏准各處繳到篆  
文模糊銀印毋庸鎔化成錠但須查明現重分  
兩與從前原鑄之印消磨若干驗明存庫遇鑄  
造新印即將交到舊印鎔化改鑄僅有不敷仍  
由戶部咨取至雍正九年以前鑄造銀印例係  
成色銀兩如有此等舊印另行驗明成色添支  
鑄造其每年繳到舊印若干改鑄新印若干於  
年終彙送戶部查覈奏銷。○又奉

旨定邊將軍印定邊右副將軍印補鑄清篆印信。○二  
十六年奏准綏遠城將軍既設有將軍之印足

資調遣其所領

欽差大臣關防令該將軍繳回。○二十八年

諭明瑞等奏稱現在伊犁駐紮之續到索倫察哈爾額

魯特兵丁現作為四隊所有四隊總管佐領等應給

關防圖記應鑄字樣酌定開單具奏前來著交禮部

照明瑞所定字樣鑄給關防圖記用滿洲托忒回子

字樣兼刻。○二十九年奉

旨駐紮雅爾城辦事參贊大臣之印著用伊犁分駐總

理雅爾參贊大臣之印字樣交該部照伊犁之印鑄

鑄滿洲托忒回子三樣字給予。○三十六年奉

旨。新土爾扈特郡王色楞等情願在科布多阿爾臺一

帶地方居住。永遠受朕恩惠。懇吉之意。甚屬至誠。朕

准伊等所請。施恩即將色楞補放盟長。亦照辦理。策

楞烏巴什一體在科布多輪班駐紮學習行走。所有

應給伊等印信。編置旗分佐領一切典制。著交該部

照辦理。策楞烏巴什之例辦理。○四十年奏准喀喇

沙爾仍行給予銅圖記。添寫托忒字樣。○又

諭。據索諾木策凌奏稱。管轄烏魯木齊額魯特部落領

隊大臣。辦理支放錢糧事務。必需圖記。方有裨益。且

足以資彈壓。請賞給圖記等語。著照所請。交該部鑄

管轄烏魯木齊額魯特部落領隊大臣圖記發給。○

四十四年議准。福建等十四省驛傳改歸臬司

總理。並將按察使印信。添鑄驛傳二字。糧驛監

法道等關防。刪除驛傳字樣。另行換鑄。○又奏

准。駐紮阿克蘇辦事烏什領隊大臣。由部鑄給

滿漢回子三樣字圖記。○五十年

諭。近有不肖旗人。竟有私鑄佐領圖記。撞騙之事。因八

旗佐領圖記。止鑄清文。易於假摹。而人又難於辨別。

以致若輩敢於如此妄行。各衙門印篆文。俱兼寫清

漢兩體。若將八旗佐領圖記。亦刻兩體篆文。人既易

於辨識。庶假摹之弊。亦可以杜絕。著交留京辦事王

大臣。及該部酌議。如改鑄便宜。即將八旗佐領圖記

改鑄兩體篆字。換給應用。或可去其舊有字迹。另鑄

兩體篆字之處。詳籌定議具奏。欽此。遵

旨。議定八旗佐領圖記。共計一千三百餘顆。止須判去

舊有字迹。改鑄清漢兩篆。其判去之處。分數無

多。尚屬厚重。堪用較之。另鑄圖記。似為妥速。至

鑄字匠役。不敷應用。由部酌量。於五城移取數

名。每名日給工銀一錢五分四釐。以資趕辦。○

五十一年奏准。直省府州縣內。有四處同名者。

有三處同名者。有二處同名者。共六十五處。其

印文俱係某府某州某縣印字樣。並未分別省

分。恐文書差票。易致影冒之弊。而郵封接遞。更

虞舛錯。今於某府某州某縣印文上。冠各該省

名。則彼此分明。行用益資憑信。俟各該府州縣

請換印信時。照式鑄給。○五十四年奏准。鑄造

欽命知貢舉關防。文會試場備用。○五十五年奏准

鑄造

欽命監臨關防。順天鄉試闈中備用。○又鑄造

欽命知武舉關防。武會試場備用。○五十八年議准

鑄造



鑄給前藏監鑄銀錢事務關防後藏管理糧務關防

欽定大清會典事例卷三百二十二

禮部

鑄印鑄造二

嘉慶四年奉

旨。禮部查奏嘉慶元年以後換鑄印信時。將湖南永綏廳及直隸永年等縣。已於清字篆文永字闕點。惟各省舊印。尚未查改。實為疏忽。請交部察議等語。各省文武衙門印信。應隨時蓋用。其清篆有與朕名上一字同音者。自當一體闕筆。著照所請。通行各省。均照四川永寧道印信之例辦理。○又奉

旨。

裕陵應鑄關防。著禮部鑄給頒發。其原設關防。俟接到

新關防後即交

東陵承辦事務衙門。敬謹收藏。毋庸送部銷毀。○五年

奉

旨。據策巴克奏稱。額魯特公托克托巴圖。呈請賞給伊管理一旗印信等語。額魯特公托克托巴圖所屬旗人較前衆多。凡申詳公文。咨行鄰旗文案。若無印信。殊無憑據。著加恩交該部鑄管理一旗總管銅印賞給。○又議准。通州。天津。濟甯。淮安四處巡漕御史關

防。後俱係

欽差官員關防。其駐紮巡查地界毗連。所用文移印信相同。易啟吏胥假借影射之弊。應按照巡視漕務地方分別鑄給。○六年

諭。大學士九卿等會議書麟奏添設湖北提督。將襄陽總兵移駐鄖陽等因一摺。已依議行。所有原駐辰州之湖廣提督。著改為湖南提督。專管湖南通省營伍事宜。其新設湖北提督。駐紮襄陽。專管湖北通省營伍事宜。至原駐襄陽鎮總兵。移駐鄖陽。著改為鄖陽鎮總兵。所有換鑄關防。著該衙門詳查辦理。欽此。遵

旨鑄給提督湖南總兵印。提督湖北總兵印。○七年奉旨。據蘊端多爾濟奏請行文與俄羅斯等。不用喀爾喀副將軍印信。或鈐用欽差大臣關防。或另鑄印信鈐用等語。著交該部鑄給駐紮庫倫辦事大臣印信。鐫刻滿洲蒙古漢字。照例送往鈐用。俟新鑄印信到彼時。蘊端多爾濟等將更換印信之處。曉諭俄羅斯等。並將現掌欽差大臣關防。令其繳回。○八年。

孝淑皇后陵寢。新設總管。鑄給

陵寢看守山河關防。○又安徽巡撫加提督銜。改鑄安徽巡撫兼提督關防。○九年奏准。正一真人係

三品職秩。現用五品印信。與品秩不符。換給三品印信。○又

諭。喀爾喀部落之駐班札薩克副台吉等所用鈐記。著交禮部各鑄滿洲蒙古字銅記一顆。頒發給用。○又諭。加渴瓦寺土司索諾木榮宗。節次告派土兵隨營打仗。茲當大功全歲。索諾木榮宗著加恩賞升宣慰司土職。所有印信。著換給承領任事。以示鼓勵。○又河南省開封府上北河同知。改為祥符北岸河務同知。衛輝府衛糧通判。改為上北衛糧河務通判。懷河營上北河都司。改為祥河都司。各鑄給關防。○又陝西省新設甯陝鎮。其所屬華陽營參將。江口營參將。鎮標中營遊擊。留壩江口營遊擊。鎮標右營分駐四畝地都司。鎮屬城守營都司。鎮屬斜峪關都司。鎮屬孝義城守營都司。鎮屬留壩城守營都司。鎮屬華陽營分駐厚畛子守備。均係專營。各鑄給關防。其左營遊擊及各營守備千把鈐記。由該省布政司照例刊給。○又奉

旨。圍場向係總管專司。所有新設副都統一缺。著照舊裁撤。並著將副都統印信送交禮部。仍頒給總管印

信。欽此。遵。

旨議准。仍照舊鑄給總管圍場銅印。○又直隸省茨溝

營守備。改移趙州營駐紮。鑄給趙州營守備條

記。○又補鑄陝西省留壩驛驛丞兼司獄條記

○又甘肅省階州一缺係屬直隸州。與散州歸

府所轄不同。印信內應添鑄直隸二字。○又甘

肅省皋蘭縣河橋主簿移紮皋蘭縣屬之大橫

路地方。換鑄鈐記。○十年。浙江省温州府分駐

玉環廳儒學訓導。改為溫台玉環廳儒學訓導。

另鑄鈐記。○又安徽省鳳陽府同知。移紮南平

集。改為撫民同知。換鑄關防。裁鳳陽府司獄。改

為該同知照磨。兼管司獄。鑄給印信。其鳳陽府

司獄。改歸經歷兼管。換鑄印信。○又補鑄廣東

省羅定協右營守備關防。加添字樣。分別新舊。

○又換鑄甘肅省定遠廳屬黎壩兼管簡池壩

巡檢漁渡壩兼管姚家壩巡檢各印信。○又雲

南省威遠營遊擊。改為參將。添設右軍守備。分

駐猛住汛地方。新營添設遊擊。各鑄給關防。

○又補鑄河南省蘭陽縣縣丞關防。○又鑄給

湖南省新設芭茅坪守備關防。○又

諭果勒明阿奏塔爾巴哈台管理各卡。並伊犁換防滿

營。及錫伯索倫察哈爾額魯特等四處事務。領隊大

臣。向無關防。懇請頒給一摺。著照所請。交該部查照

該領隊大臣。所管各卡滿營及錫伯等四營事務。頒

給關防。以昭職守。欽此。遵。

旨議准。各處官兵領隊大臣。奏請頒給關防。與例不符。

仍照舊例鑄給銅質圖記。○十一年。鑄給湖南

省河溪營中軍守備關防。○又陝西省漢中協

副將。陽平關營參將。略陽營遊擊。新設沔陽營

都司。鋼廠營守備。俱改歸陝西固原提督所屬。

均係專營。各鑄給關防。○又改設廣東省永安

營都司。及中軍守備各鑄給關防。○又湖北省

鄖陽府通判。移鄖西縣上津堡。作為鄖陽府分

防上津堡通判。改鑄關防。鄖西縣上津堡巡檢。

裁移竹山縣官渡河。改鑄印信。襄陽府司獄。裁

汰。歸併經歷兼管。印信添鑄兼管司獄字樣。襄

陽府司獄。裁移棗陽縣平林店。作為主簿。改鑄

棗陽縣平林店主簿鈐記。襄陽縣油枋灘巡檢

裁汰。歸併呂堰巡檢。經管。印信添鑄襄陽縣呂

堰油枋灘巡檢字樣。襄陽縣油枋灘巡檢。裁移

宜城縣田家集。作為田家集巡檢。鑄給印信。穀城縣馬腦觀巡檢。向駐該縣石花街。其印信改鑄穀城縣石花街巡檢字樣。黃陂縣縣丞。裁移孝感縣小河溪。作為孝感縣分防縣丞。改鑄孝感縣小河溪縣丞關防。孝感縣小河溪巡檢。裁移黃陂縣溝口鎮。其印信改鑄黃陂縣溝口鎮巡檢字樣。又湖南永綏協。芭茅坪新設守備。與貴州添設芭茅坪守備地界僅隔數里。改鑄湖南永綏協駐紮黔邊螺螄壩守備關防。以防淆混。又陝西省興漢鎮改為陝安鎮。其所屬中營中軍遊擊。鎮標右營遊擊。移紮白土路營遊擊。城守營都司。鎮坪營都司。漁渡路營都司。紫陽營都司。七里關營守備。鎮安城守營遊擊。西鄉營遊擊。甄坪營都司。各鑄給關防。又江南省河標左營副將。改為徐州鎮總兵。鑄給印信。其新設鎮標中營遊擊。改為徐州城守營都司。又蕭營都司。宿州營都司。壽州鎮標右營都司。均係專營。各鑄給關防。十二年。鑄給四川省雷波廳新添訓導條記。又換鑄管理陝西鹽法分巡鳳邠水利道關防。又鑄給陝西省

甯陝廳新設江口主簿關防。又陝西省甯陝陝安漢中各鎮協。移併營制。所有江口營遊擊。移改留壩廳遊擊。漢中城守營都司。改為漢中協左軍都司。銅廠守備。改為漢中協右軍守備。留壩城守營都司。移改略陽營守備。厚畛子守備。移改陽平關中軍守備。各鑄給關防。又河南省鄧州州同。移紮州屬林家松。蘭陽縣縣丞。改為唐縣縣丞。移紮蒼苔鎮。各鑄給關防。又福建省督糧道。移紮福甯府。改為分巡甯福海防兵備兼管水利道。換鑄關防。並改鑄福建布政司都事鈐記。又四川省平番營守備條記。與甘肅平番營同名。添鑄四川字樣。十三年。諭勒保奏。囑麻黑野番嚮化投誠。請附入版圖。賞給長官司印信號紙一摺。囑麻黑兩處土番頭目。均率眾歸誠。自應准其附列版圖。以示懷柔至意。所有賞給印信號紙。著該部照例頒給。欽此。遵旨鑄給瓦坪囑麻長官司印信。又山西省河東鹽務復歸官辦。鑄給巡按河東吉蘭泰鹽政監察御史印。分守河東兵備道兼管山西陝西河南鹽法道關防。分巡甯夏水利兵備道兼管吉蘭泰

鹽道關防。河東鹽法監掣同知關防。甯夏鹽法通判關防。河東中場東場西場大使吉蘭泰鹽場大使托克托城河口批驗大使各鈐記。河東鹽法經歷兼管知事河東道庫大使各印信。又裁汰陝西省漢中協副將。移甯陝鎮駐漢中府。改為漢中鎮。鑄給印信。其鎮標中軍遊擊。定遠營遊擊。甯羌營遊擊。略陽營遊擊。留壩營遊擊。鎮標右營分駐沔縣都司。江口營都司。西鄉營都司。定邊營分防瓦石坪汛守備。陽平營參將。甯陝營參將。各鑄給關防。○又直隸省玉田縣縣丞。移紮永定河北頭工上汛。改為武清縣縣丞。元城縣縣丞。移紮北頭工下汛。改為宛平縣縣丞。東安縣縣丞。移紮北二工。改為良鄉縣縣丞。薊州州判。移紮北三工。改為涿州州判。正定縣縣丞。移紮北四工。改為固安縣縣丞。武清縣縣丞。移紮北五工。改為永清縣縣丞。霸州定河州判。移紮北六工。改為霸州管河州判。各改鑄關防。良鄉縣主簿。移紮南七工。改為東安縣主簿。永清縣主簿。移紮南八工。改為武清縣主簿。各改鑄鈐記。霸州管河巡檢。移紮定河。作為

霸州定河巡檢。改鑄印信。○又阿克蘇印房。添設辦理軍臺回務章京。鑄給關防。○又奉天省新設昌圖理事通判。鑄給關防。又設昌圖巡檢。鑄給印信。○又廣東省嘉應州改為嘉應府。學正改為教授。吏目改為經歷兼管司獄。並新設程鄉縣。各鑄給印信。南雄府通判。改為嘉應府通判。改鑄關防。南雄府改為直隸州。改鑄印信。教授改為學正。改鑄條記。嘉應州州同。改為南雄州州同。另鑄關防。○又貴州省松桃協。添設左營石峴汛守備。右營芭茅坪守備。各鑄給關防。○又甘肅省平番縣紅城主簿。移紮平羅縣石背地方。改鑄條記。○又安徽省定遠縣。與雲南四川兩省之定遠縣相同。加添安徽字樣。○又直隸省霸州州同。移紮永定河南岸頭工。改鑄銅質關防。○又河南省開封府開糧通判。改為開封府中牟下汛河務兼管糧務通判。另鑄關防。○又河南中牟上汛縣丞。所管陽武縣堡房三座。改歸中牟縣管轄。另鑄關防。○又貴州省興義府屬普安州。改為直隸同知。吏目改為同知照磨。各鑄給印信。裁汰亦資孔巡檢。其巡

檢事務歸驛丞兼管。鑄給條記。原設學正。改為同知儒學。改鑄條記。○又福建省福州城守營副將。兼管福州將軍標中軍事務。改鑄關防。○又四川省名山縣教諭。改為雅安縣教諭。越舊廳教授。改為甯遠府教授。西昌縣訓導。改為越舊廳訓導。各鑄給條記。○又廣西省桂林府同知。移紮大墟地方。梧州府同知。移紮戎墟地方。各改鑄關防。○又甘肅省添設利橋都司。高臺營遊擊。改為秦州營遊擊。秦州營都司。改為高臺營都司。各鑄給關防。秦州營添設中軍守備。鑄給條記。○又福州將軍統轄福建陸路鎮協各營。改鑄印信。○又四川省潼綿營遊擊。改為馬邊營遊擊。馬邊營都司。移紮潼綿。改為潼綿營都司。改鑄關防。潼綿營中軍守備。改為馬邊營中軍守備。改鑄條記。大昌營守備。裁改為馬邊左營守備。鑄給條記。○又四川省保甯府同知。移紮馬邊。作為馬邊同知。馬邊通判。移紮戎邊。均改鑄關防。太平廳主簿。改為戎邊廳分駐沙坪經歷。鑄給印信。○又直隸省大城縣巡檢兼管河務。改鑄印信。正定縣玉田縣元城縣各

主簿。均兼管河務。改鑄鈐記。○十四年。江蘇省松江府分駐川沙總理海塘兼管水利同知。改為撫民同知。改鑄松江府川沙撫民同知總理海塘兼管水利關防。○又陝西省甯陝廳同知。移紮新城。原設巡檢。留駐舊治。甯陝廳係旗民同知。本有監獄。向係該巡檢兼管司獄。今巡檢留駐舊城。作為甯陝舊城巡檢。該廳例應另設司獄。移四畝地。巡檢駐甯陝新城。改為甯陝廳巡檢兼管司獄。又留壩廳屬南星地方。為棧道扼要之地。將沔縣青羊驛丞兼管巡檢。移紮南星。改為南星司巡檢。各換鑄印信。○又湖北省黃州府司獄。裁改為黃岡縣倉子埠巡檢。其黃州府司獄事務。令該府經歷兼管。分別鑄給印信。○又安徽省鳳陽府南平集撫民同知。改為鳳嶺二府分防捕盜同知。換鑄關防。○十五年。湖南省桃源縣印信。與江蘇省桃源縣同名。加添湖南字樣。○又山西省安邑縣訓導。移紮運城。專司商學。添鑄商學字樣。○又廣西省潯州府通判。移紮貴縣木梓墟地方。鑄給關防。○又山西省和林格爾廳屬之崑都崙巡檢。移紮薩

拉齊屬包頭村地方。改鑄印信。○又吉林伯都訥地方。添設理事同知一員。巡檢兼管監獄捕務一員。孤榆樹屯巡檢一員。各鑄給同知關防。巡檢印信。○又湖南省鳳凰廳新設屯守備三員。永綏廳屯守備二員。乾州古丈坪保靖三廳縣屯守備一員。各鑄給關防。○又陝西省西安軍標中軍副將。改為西安鎮總兵。鑄給印信。其所屬新設中營遊擊。並中營遊擊中軍守備。係屬專營。各鑄給關防。○又熱河副都統。改為都統。鑄給滿洲蒙古漢字三體字樣銀印。○又鑄給熱河新設塔子溝理事官關防。○又廣東省添設水師提督一員。鑄給印信。春江協改為陽江鎮水師總兵。雷瓊鎮改為瓊州鎮。右翼鎮改為南韶連鎮。高州鎮改為高雷廉羅鎮。海口營參將。改為海口協副將。左翼鎮中營遊擊。改為水師提標中軍參將。左翼鎮左營遊擊。改為水師提標左營遊擊。左翼鎮右營都司。改為水師提標右營遊擊。東莞營都司。改為水師提標前營都司。新唐營遊擊。改為水師提標後營遊擊。春江協右營守備。改為陽江鎮中軍遊擊。電白

營都司。改為陽江鎮右營都司。雷州營右營守備。移紮東山圩。改為東山營守備。海口營右營守備。改為海口協副將中軍都司。右翼鎮中軍遊擊。改為南韶連鎮中軍遊擊。右翼鎮左營遊擊。改為南韶連鎮左營遊擊。右翼鎮中營中軍守備。改為南韶連鎮標中營中軍守備。右翼鎮右營中軍守備。改為南韶連鎮標右營中軍守備。春江協左營守備。改為陽春營守備。雷瓊鎮中軍遊擊。改為瓊州鎮中軍遊擊。兼管左營。高州鎮中軍遊擊。改為高雷廉羅鎮中軍遊擊。各改鑄關防。○又裁汰廣東省肇慶府司獄。改設遂溪縣分駐楊柑縣丞。鑄給關防。○又湖北省襄陽府樊城同知。改為鹽捕廳。宜昌府分駐漁洋關同知。改駐歸州新灘。歸州新灘州判。改為隨州唐縣鎮州判。各改鑄關防。隨州唐縣鎮巡檢。改為東湖縣南沱巡檢。改鑄印信。○又鑄給東陵水濟倉關防。○十六年。江南省新設淮海道。並海安海阜河務同知。均鑄給關防。其新設海安海阜二汛守備。各鑄給條記。其淮揚道原管黃河北岸廳汛州縣。今分撥淮海道經管。改鑄關防。

○又直隸省宣化府屬蔚州路西城營都司。移紮永定河營。作為盧溝橋南岸都司。鑄給關防。石景山千總。改為北岸協辦守備。改鑄條記。○又四川省興文縣訓導裁撥。作為重慶府江北廳訓導。改鑄條記。○十七年奏准。江南省外河廳。為通河第一要缺。實難兼顧。兩岸埽工。添設外河北岸通判一員。鑄給關防。其原設外河同知。專管南岸。改鑄關防。至兩汛守備。亦照廳員之例。分設南岸守備。改鑄條記。北岸守備。添鑄條記。○又改鑄英吉沙爾領隊大臣銅質圖記。

○又裁福建省漳浦東場鹽大使。改為福興場鹽大使。另鑄鈐記。○又

論李亨特奏請添設河道庫使一摺。東河開歸河北運河三道。向無專立庫官。前此該河督奏請添設。曾敕下部議。當經議駁。茲該河督復以河道庫貯錢糧繁重。各道員在工日多。雖委員經理。事非專責。難期得力。仍奏請增設。所需廉俸役食等項。在通工雜職人員廉俸內攤給等語。所奏未免固執。河道庫貯。典守固應慎重。但東河現有雜職九十三員。於此內遴派管理。孰敢推諉。即與專責無異。至攤給養廉。如果應

設額官。即當增給養廉。若因惜小費。於通工雜職人員攤扣。伊等微員。廉俸本薄。致令辦公竭蹶。亦非政體。所有河東開歸河北運河三道。均毋庸添設庫使。仍照舊委員管理。著鑄給鈐記。發交該河督。即分給派管各庫委員。以專責成等因。欽此。遵

旨鑄給開歸道順成庫記一顆。河北道平成庫記一顆。運河道委管河庫官鈐記一顆。○又江蘇省蘇松糧道關防。換鑄督理蘇松常鎮太糧儲道字樣。蘇松太巡道關防。換鑄分巡蘇松太倉兵備道兼管水利字樣。○又河南省添設歸河通判

鑄給關防。○又直隸省宣化鎮屬蔚州路參將移紮八溝。作為八溝營參將。蔚州路守備移紮八溝。作為八溝營中軍守備。其原設八溝營都司移紮蔚州路。作為蔚州路都司。又將潘家口都司移紮建昌。作為建昌營都司。滴水崖都司移紮赤峯。作為赤峯營都司。四海冶堡守備移紮朝陽。作為朝陽營守備。其參將都司鑄給關防。守備照例鑄給條記。○又湖南省鎮算鎮標左營遊擊。前營都司。中營中軍守備。中營後軍守備。左營中軍守備。右營中軍守備。前營中軍



守備均改鑄銅質關防。○又廣州將軍節制廣東省陸路鎮協各營改鑄印信。○又廣東省嘉應府復改為直隸州裁汰經歷並所屬程鄉縣其前改之教授復設為學正裁改通判為分駐松堡州同鑄給知州印信通判關防學正條記。○又浙江省新昌縣與江西省新昌縣同名添鑄浙江字樣。○又安徽省壽春鎮右營中軍守備分駐鳳陽府改鑄銅質條記。○又安徽省潁州營中軍守備移紮蒙城縣汛改鑄條記。○又福建省臺灣府噶瑪蘭土社新收版圖設立通判。又設團頭縣丞各鑄給關防。○又四川省太平協副將改為綏定協副將太平協都司改為綏定協中軍都司綏定營遊擊改為太平營遊擊太平營分駐城口營都司改歸綏定協統轄各改鑄關防分駐竹峪關之太平右營守備移紮綏定作為右營守備綏定營守備改為分駐竹峪關太平右營守備各改鑄條記。○又雲南省東川府添設分防巧家營同知一員鑄給關防則補巡檢移紮者海原設巧家營經歷新添兼管司獄事務他郎知事新添兼管司獄事務

各改鑄印信。○又浙江省甯海縣與盛京甯海縣同名添鑄浙江字樣。○又廣東省平鎮營遊擊裁改為前山營遊擊三水營都司移改為平鎮營都司潮州城守營守備移改為三水營守備其潮州城守營都司兼管裁撥之城守營守備兵馬錢糧事務各換鑄關防。○又湖南省乾州協中軍都司及分防強虎汛左營守備分防灣溪汛右營守備各有兵馬錢糧之責均鑄給關防。○十九年

諭南河舊設正副總河公用關防如遇正總河攜印外

出副總河即調用道印此次添設之河東副總河亦毋庸另給關防照例調用道印。○二十一年鑄給盛京移居宗室正族長圖記。○道光元年駐防察木多汛管理臺站遊擊駐防後藏都司各鑄給關防加添唐古特字樣。○又直隸省大名府新設左營中軍遊擊城守營都司各一員開州協副將開州協中軍都司東明營都司長垣營都司各一員又故城縣鄭家口添設遊擊廣平營改設都司新城水師營改設參將各一員分別鑄給關防。○又直隸省祁州州判改為平泉州

州判。涑水縣縣丞。改為建昌縣縣丞。棗強縣縣丞。改為赤峯縣縣丞。赤峯縣驛丞。改為建昌縣巡檢。龍門縣驛丞。改為承德府司獄。各換鑄關防印信。承德府經歷。向兼獄務。刪除司獄二字。另換印信。○二年。鑄給

御槍處圖記一顆。○又

諭嗣後樂部遇有行部旗等處文移各件。著即用該部和聲署印。毋庸用禮部堂印。○又直隸省廣平營。仍設遊擊一員。撤銷前鑄給廣平營都司關防一顆。○又直隸省宣化鎮永甯路。改設守備。天津

鎮葛沽營。改設都司各一員。分鑄關防。○又直隸省遵化州州同。改為理事通判。換鑄關防。○

又河南省考城營。添設遊擊守備各一員。鑄給關防。○又四川省太平廳同知。訓導照磨等官。均移紮城口。原設城口經歷移紮高觀寺場。其太平廳地方。仍復為太平縣。設立知縣典史訓導等官。鑄給城口廳理民同知關防。城口廳分駐高觀寺場。經歷司印。城口廳儒學記。太平縣印。太平縣儒學記各一顆。○又江西省贛州府通判移紮太湖江。專司督捕水利事宜。換鑄關防。

○又山東省單縣。改設單縣營參將專營。桃源汛。改設桃源營守備專營。均鑄給關防印記。

○又湖北省德安府通判。裁改為撫民同知。移紮竹山縣之白河地方。德安府司獄。裁改為白河廳照磨兼司獄事。保康縣訓導。裁改為白河廳訓導。宜昌府司獄。裁改為白河廳豐溪縣巡檢。房縣板橋巡檢。裁改為白河廳博磨坪巡檢。原設房縣九道梁巡檢。亦改隸白河廳治管轄。其德安宜昌二府司獄。歸併各該府經歷兼管。分鑄白河廳撫民同知關防。訓導條記。照磨兼管司獄。豐溪博磨坪九道梁各巡檢。德安宜昌二府經歷兼司獄事各印信。○三年。以張家口滿洲八旗及左右兩翼蒙古各佐領。向用木戳。易致模糊。改鑄銅質圖記。○又陝西省固原提屬裁改營汛移紮。所有麻地溝守備。係屬專營。鑄給關防。○又甘肅省西甯鎮屬西大通協副將。改為鎮海協營副將。西大通副將中軍都司。改為鎮海協營中軍都司。鎮海堡守備。改為哈拉庫圖爾營守備。鎮海營遊擊。改為大通營遊擊。均仍隸西甯鎮屬。各換鑄關防。○四年

論慶惠奏請頒換司員關防一摺。烏什錢局自嘉慶年開。改由阿克蘇鼓鑄。關防係乾隆年間頒發。尚有錢局字樣。其印房司員辦理回夷事務。止用木戳。亦於體制未合。著照所請。賞給烏什印房章京關防一顆。並將糧餉局關防篆文內。刪去錢局字樣。即著該大臣擬定字樣。咨部鑄給。○又湖北省德安府守禦所千總。改為簡缺衛守備。換鑄印信。鄖陽府白河口撫民同知。改為捕盜同知。換鑄關防。○又鑄給四川省大昌營守備條記。○五年。直隸省宣化縣雞鳴驛丞。改為該縣化稍營巡檢。懷安縣萬全驛丞。改為該縣柴溝堡巡檢。懷來縣土木驛丞。改為多倫諾爾白盆巡檢。青縣流河驛丞。改為遷安縣沙河巡檢。易州州同移紮上陳。作為上陳州同。各換鑄印信關防。○又湖南省永順府督捕同知。改為撫民同知。移紮古丈坪廳。換鑄關防。古文坪廳巡檢兼管獄務緝捕。改鑄印信。○又直隸省順德府同知。改為水利鹽捕同知。保定府通判。改為兼河鹽捕通判。各換鑄關防。○又鑄給河南歸德營永城縣守備銅記。○又改鑄四川省南部縣分駐新鎮壩兼管鹽

務縣丞關防。南部縣分駐富村驛巡檢司印各一顆。○又河南省蘭陽縣改為蘭儀縣。蘭陽縣儒學。改為蘭儀縣儒學。儀封廳儒學。改為蘭儀縣儀封鄉學。換鑄各印信條記。又蘭陽縣管河縣丞。改為蘭儀縣縣丞。蘭陽縣北岸管河主簿。改為蘭儀縣北岸管河主簿。儀封廳管河經歷。改為開封府儀封司管河經歷。各印信關防條記。均一體改鑄。○又直隸省長垣縣縣丞移紮任邱。作為任邱縣管河縣丞。改鑄關防。玉田縣管河主簿。改為兼河之缺。分管地方捕務。更換印信。並改鑄分防鴉鴻橋巡檢司印。○又改鑄江蘇省徐州府邳睢舊城司巡檢印信。○又鑄給甘肅省提屬察漢俄博營都司關防。○六年。四川省巴州原設鎮龍關州判。移紮江口。作為巴州分駐江口州判。另鑄關防。○又山西省河東鹽經歷。改為兼管批驗所大使。移紮會興鎮。改鑄印信。○又鑄給河南省汝甯府新興通判關防。○又改鑄直隸省甯河撫甯西甯豐甯甯晉五縣知縣各印信。並儒學鈐記。及延慶州永甯城甯河縣蘆臺司。豐甯縣巡檢各印信。○又

改鑄直隸省棗強縣主簿鈐記。甘肅省安定營守備關防。○又改鑄四川省南部縣縣丞關防。○又改鑄河南省儀封司管河經歷蘭儀縣管河縣丞各關防。○七年。鑄給

孝穆成皇后陵寢武職總管看守山河關防。○又奉天

省岫巖理事通判。改為岫巖鳳凰城海防通判。另鑄關防。○又直隸省順德府同知。改為水利鹽捕同知。另鑄關防。並鑄給大名鎮新設左營遊擊天津大沽營守備各關防。○又鑄給福建省省艦艚營水師參將及分駐噶瑪蘭營都司頭

圍守備各關防。○又鑄給陝西省改設陽平關營都司。移紮佛坪營守備各關防。○八年。貴州省永甯州學正移紮郎岱廳。另鑄郎岱廳學正鈐記。○又

諭屠之申奏酌議熱河刑錢事件。改歸都統辦理章程一摺。承德府屬平泉等六州縣原領印信。均係理事同知通判管州縣事。該護督請改鑄某州某縣之印。刪去理事同知通判字樣。又承德府司獄兼管道庫收放銀兩。請改鑄承德府司獄兼熱河道庫務印信。俱著交禮部改鑄。○又換鑄長蘆鹽運司知事銅記。

○又鑄給喀什噶爾換防總兵印信。○又直隸省保定府水利通判。改為兼河鹽捕通判。換鑄關防。○又補鑄正黃旗蒙古二甲喇十佐領圖

記。加添字樣以別新舊。○又福建省臺灣彰化縣所轄之五條港。改歸嘉義縣笨港縣丞兼管。換鑄嘉義縣分駐笨港縣丞兼管彰化縣五條港口關防。○又鑄給喀什噶爾葉爾羌英吉沙爾和闐四城換防參將遊擊都司伯克等關防圖記。○又補鑄喀什噶爾印房回務糧餉經收四處葉爾羌印房糧餉二處和闐印房一處關防。加添字樣以別新舊。○九年

諭烏什原設換防參將。現經裁撤。改設副將。未便仍用參將關防。著禮部即改鑄副將銅關防一顆。○十年。札隆阿等奏請頒給圖記一摺。喀什噶爾新設罕愛里克莊和色爾布依莊察拉根莊五品阿奇木伯克三缺。應行頒給圖記三顆。著禮部鑄造。○又鑄給甘肅省肅州鎮屬新設金塔協副將嘉峪關鎮彝二營遊擊清水營都司各關防。○又鑄給山西省柏井驛丞兼管甘桃驛鈐記。○又鑄給陝西省西甯府屬丹噶爾撫邊同知隴西縣縣丞訓

導各關防鈐記。○又江西省贛州衛守備改為贛州守禦所千總。另鑄關防。○又鑄給湖南省撫標左右兩營守備關防。○又改鑄安徽省宿州營遊擊關防。○又鑄給湖南省沅州協中軍都司臬州守備各關防。○又補鑄青海札薩克銀印。加添字樣。分別新舊。○十二年

諭楊遇春奏請補改復舊制之總兵副將一摺。甘肅涼

州為西路重鎮。前因上屆軍需改鎮為協。將該處總兵移駐喀什噶爾。莊浪副將移駐涼州。涼標中軍遊擊移駐莊浪。現在涼州總兵既由喀什噶爾改歸原

處。所需涼州鎮總兵莊浪協副將涼州鎮標中軍遊擊印信關防。著禮部即行鑄造。○又鑄給吉林雙城堡左翼京旗佐領圖記。○十三年。鑄給湖南省

桂陽營中軍守備關防。○又鑄給長蘆新設張家灣驛鹽巡檢印信。○又

盛京禮部千丁處設有部屬六七品等官。各鑄給條記。○又換鑄福建省臺灣府印。暨斗六門縣丞關防。○又鑄給四川省穆坪分管魚通長官司印信。○又直隸省故城縣鄭家口巡檢裁歸故城縣管河縣丞兼管。改鑄關防。○又鑄給塔

爾巴哈台哈薩克等佐領圖記。○又改鑄福建省臺灣水師副將關防。○十四年。湖南省衡永道加兵備銜。移永州府同知駐錦田。改為江藍同知。移永州府通判駐楊家鋪。改為永桂通判。均分別改鑄關防。○又廣西省平樂府糧捕通判改為分駐鍾山鎮理。猺通判換鑄關防。○又

諭巴爾楚克改鎮為協。總兵印信著即繳回。其換防副

將關防。著禮部鑄造頒給。○又復設山東省兗州府泉河通判。鑄給關防。○又湖北省房縣博磨坪巡檢移紮三岔口。改鑄印信。○又裁汰河南省

滎澤縣北岸主簿。所有汛務歸原武主簿兼理。改鑄條記。○十五年

盛京工部千丁處設有部屬四五六品等官。各鑄給圖記。○又河南省夏邑縣縣丞改為夏商永三縣分防縣丞。移睢州州判駐黃河北岸之王橋集。分防盤馬等八社兼司捕務。均換鑄各關防。○又四川省瀘州州判移紮九姓鄉。改鑄關防。移苦竹壩巡檢駐窪烏場。改鑄印信。○又鑄給山西省趙城縣知縣湖北省房縣三岔口巡檢各印信。○十六年。湖南省江華縣錦田巡檢

移紮永明縣周棠地方。永興縣高亭巡檢移紮桂陽縣文明市地方。均換鑄鈐記。○又四川省我邊營遊擊改為參將。駐紮大堡。並安設守備二員。另鑄關防一顆。條記二顆。○又廣東省崖州營參將改為崖州協水陸副將。海口協中軍都司改為崖州協陸路中軍都司。海口協副將改為海口營參將。各換給關防鈐記。○又四川省越雋廳撫夷通判改為越雋廳撫夷同知。城口廳同知改為城口廳通判。各換鑄關防。○十七年。江西省吉水縣縣丞移紮張家渡。早禾司巡檢移紮馬家洲。萬安縣早口司巡檢移紮武索。均換給鈐記。○又諭寶興等奏添設幫辦協領需用印信等語。盛京蒙古佐領內添設幫辦協領一員。漢軍佐領內添設幫辦協領二員。均著添鑄關防。以專責成。○又奉旨。山東鹽務現改歸巡撫管理。應用印信著禮部另行鑄造。○又廣東省連平州巡檢移紮上坪。改鑄印信。○十八年。直隸省永定河南岸六工上汛霸州州判改為南岸六工霸州州判。龐各莊巡檢改為兼河巡檢。各換鑄關防。○十九年

諭鑄造神機營印一顆。用清字楷書漢篆兩體字樣。欽此。遵旨。奏准。照火器營印式鑄造。○又直隸省寶坻縣主簿改為兼河之缺。分管地方捕務。換鑄條記。○又補鑄閩浙總督關防。中一行改書清字年月。○二十年。換鑄浙江省杭州府稅課司印。加添兼理城北務字樣。○又雲南省開化鎮右營都司改為開化鎮右營。分駐石榴紅專汛。移臨元鎮右營都司駐蒙自縣。各改鑄關防。○二十一年。四川省馬邊協新設萬全營守備一員。添鑄條記。移青雲營守備駐雷波廳屬三棱岡。換鑄條記。並改鑄綏定營遊擊中軍守備全營守備。晉安右營守備各關防條記。○二十二年。貴州省都勻縣訓導移紮八寨廳。改鑄學記。○又湖北省宣恩縣東鄉鎮巡檢。改設崇陽縣之桂口地方。作為桂口巡檢。換鑄印信。○又山東省曹州府糧河通判。所屬漕糧。改歸桃源同知監兌。其糧河通判。改為曹州府曹單水利通判。換鑄關防。○又雲南省鎮沅直隸同知分防經歷司獄教授。訓導邱北縣知縣。訓導各改鑄印信關防。

條記。二十三年。雲南省分巡迪東兼管水利道之關防。加添兵備字樣。另行換鑄。○又陝西省撫標添設中營。其原設左營中軍參將。改為中營中軍參將。另設左營遊擊。所有中軍中營參將。並不兼管左營。另鑄中軍中營關防。○又鑄給山東省新設水師後營遊擊關防。○又鑄給江南省提標右營新設內河水師參將關防。○又浙江省新設定海直隸廳同知。鑄給關防。教諭訓導司獄各鑄給鈐記。○又新設江南省福山鎮水師總兵官。添鑄關防。○又

盛京新設金州海防廳同知一缺。添鑄關防。○又補鑄江蘇袁浦場大使印記。○又直隸省新設通永鎮總兵。鎮標中軍兼左營遊擊。鎮標右營都司。各添鑄關防。盧臺營遊擊。改為通永鎮標北塘營遊擊。改鑄關防。○二十四年。江蘇省蘇州府督糧同知移紮上海。專理通商及華夷交涉事件。換鑄關防。○又直隸省大沽協右營守備。改為葛沽營中軍守備。天津鎮海口營守備。改為天津鎮大沽協標海口營守備。各換鑄關防。○二十六年。直隸省子牙河通判移紮永定

河北岸。作為永定河北岸通判。移祁州州同駐永定河北岸四工。作為永定河北岸四工上汛州同。各改鑄關防。○又察哈爾都統所屬軍臺四十四站。額設參領四員。達理岡愛羊羣。額設翼長一員。鑲黃正黃正白三旗牛羊羣。額設協領六員。各鑄給關防圖記。○二十七年。雲南省抱香井大使。移紮石膏井。改鑄條記。○又湖北省提標右營遊擊守備宜昌鎮標前營遊擊各換鑄銅質關防。○又鑄給英吉沙爾添設印房回務章書關防。○二十八年。裁汰浙江省大荆營都司。其事務歸該營守備辦理。另鑄關防。○二十九年。鑄給浙江省定海城守營都司關防。○又江蘇省江甯府江防同知。改為江運同知。換鑄關防。○又湖北省均光營中軍守備。換鑄銅質關防。○三十年。裁汰浙江省麗水營都司。改駐海甯。將金華右營守備。移設麗水。作為麗水營守備。改鑄關防。○又廣東省碣石通判。仍兼管軍民事務。另鑄關防。○又奏准。各省文武等官印信關防條記圖記。有與

御名上一字同者。毋庸敬避。有與下一字同。及清丈同

音者一體敬避。其文職佐雜及無兼管兵馬錢糧武職木戳記。向由藩司衙門鑄給者。一律更正。○又奏准。熱河協領佐領關防圖記篆文下一字與

御名相同。係舊定聯寫滿洲成語。毋庸更換。

欽定大清會典事例卷三百二十三

禮部

鑄印鑄造三頒發

咸豐元年。裁汰吉林雙城堡協領。改設總管一員。加副都統銜。換鑄關防。○又山東省登州鎮總兵。文登協副將。改為水師。兼轄陸路水師後營遊擊。改為登州鎮標水師中軍遊擊。各換鑄關防。○二年。四川省建武營都司。裁駐平安新營。以赤水營守備。裁歸建武營。各換鑄條記。○又雲南省雲南府水利同知。移紮本關。改為督捕水利同知。裁汰通判一缺。又安豐井大使事務。歸併白鹽井大使管理。裁汰安豐井大使一缺。又移水昌府騰越廳南甸經歷。駐龍川江。裁汰巡檢一缺。各改鑄關防印信。○又鑄給湖南省新平營守備關防。○又江南省高資營都司。移紮靖江縣。作為京口協標左營都司。靖江縣京口左營遊擊。移紮江陰縣。作為京口協標中營都司。均換鑄關防。○三年。改鑄

欽差大臣關防四顆。於中行加添字樣。並酌加分寸。以示區別。○四年。補鑄安徽省巡撫關防。布政



使印信。於中行加添字樣。以別新舊。○又補鑄湖廣總督關防。○七年。烏魯木齊所屬。改設鎮西撫民直隸同知。照磨訓導等官。分別鑄給關防印信條記。○又改鑄福建省沙縣。安徽省舒城縣各印信。並舒城縣儒學條記。○又改鑄湖北省襄陽府知府。黃州協副將各印信關防。○又改鑄甘肅省布政使印信。○八年。改鑄廣州將軍印信。巡撫關防。○又改鑄江蘇省新陽縣。山東省齊河縣。浙江省餘杭縣。石門縣。陝西省靖邊縣。河南省許州直隸州。滎陽縣。江西省寧都縣。湖南省祁陽縣。甘肅省洮州廳土司指揮僉事各印信。○又改鑄湖南省鹽法道。湖北省提標左營遊擊。撫標右營遊擊各關防。○又山西省大同鎮懷仁。陽和兩營。暨新平路和城營各都司。均改為守備。換鑄條記。○又奉旨。著禮部即行鑄造兩廣總督兩廣鹽政關防各一顆。送交軍機處發給。○又改喀什噶爾辦事領隊大臣。為辦事大臣。換鑄印信。○九年奉旨。現在萬年吉地將次興工。著禮部鑄造辦理工程處關防一顆。○又河南省新設歸德鎮總兵。添鑄關防。

並歸德營參將移紮會亭驛。南汝光道加兵備道銜。各改鑄關防。○又改鑄陝西省商州直隸州。湖北省石首縣。鄖縣。江蘇省震澤縣。寶山縣。六合縣。元和縣。浙江省錢塘縣。嵯縣。雲和縣。烏程縣各印信。○又改鑄四川總督。湖北省荊宜施道。河南省南汝光道。陳州府周家口通判各關防。○又改鑄江蘇省豐縣。江西省安福縣。儒學各條記。○又改鑄湖南布政司。並補鑄東安縣各印信。○又改鑄福建省清流縣印信。○又改鑄江西省新城縣。極高司巡檢鈐記。○十年。鑄給欽命總理各國通商事務衙門關防。暨辦理三口通商大臣關防各一顆。○又奉旨。嗣後冊封親王。均用銀質鍍金冊寶。○十一年。改鑄兩廣鹽運使印信。○又改鑄安徽省皖南鎮總兵。徽甯池太廣道各關防。○同治元年。添鑄黑龍江呼蘭地方理事同知。巡檢關防印信。○又鑄給湖北省江漢關。並山東省東海關監督關防。○又添鑄山東省濮州營遊擊關防。○又奏准。湖北新關稅務。派道員經理。其關防比照各

省守巡道並各監督模式鑄造。○又添鑄江蘇省鎮江關監督關防。○二年。福建省浦城縣縣丞移紮富嶺街。改為富嶺街縣丞。另鑄條記。○又

諭。賚章奏生擒逆首石達開等。並勦滅髮逆巨股一摺。土千戶嶺承恩。著賞加宣撫司職銜。由該衙門頒給敕印號紙。並賞給桓勇巴圖魯名號。土千戶王應元。著賞給宣撫司職銜。由該衙門頒給敕印號紙。並賞加副將銜。○又

諭。賚章奏請將生擒逆首石達開案內。尤為出力之土千戶。懇恩改獎等語。緩帶密土千戶嶺承恩。松林地土千戶王應元。前經賚章奏請鼓勵。均經降旨加恩賞給宣撫司職銜。並分別給予勇號副將銜。茲據奏稱。該土千戶皆隸邛部。宣撫司統轄。加以宣撫司職銜。於體制究有未協等語。著照所請。嶺承恩著改給土遊擊職銜。頒換緩帶密土遊擊印信。仍賞給桓勇巴圖魯名號。王應元著改給土都司世職。頒換松林地土都司印信。仍賞給加副將銜。均著由部發給號紙。准其子孫承襲。仍歸邛部宣撫司統轄。○三年。添鑄奉天府昌圖廳撫民通判關防。又昌圖

理事通判改為撫民同知。換鑄關防。○又添鑄長江水師提督印信。○四年。添鑄江南省淮揚鎮總兵關防。○又添鑄安徽省宿州龍山營遊擊關防。○又奉

旨。鑄造盤蛇驛總管關防一顆。盤蛇驛東西界官圖記各一顆。○又鑄給

定陵總管翼長看守山河關防。○五年。裁汰山海關監督。改為分巡奉天錦州山海關等處兵備道。鑄給關防。○又鑄給奉天府營口管理海防撫民同知關防。○又

諭。前據賚章奏。四川雷波廳屬土司楊石金。在橫江汛等處勦賊出力。業經降旨賞換花翎。茲據崇實奏。該土司所轄地面甚廣。約束番眾。甚關緊要。僅有土千總虛銜。恐不足以資彈壓。懇請賞還原職等語。楊石金著准其賞還千萬貫正長官司原職。並頒發印信號紙。以示鼓勵。○又議准。南河改設淮安徐州河務兩同知員缺。鑄給淮安府裏河同知。徐州府運河同知各關防。○又補鑄哈密協副將及都司通判關防。巡檢印信。○又添鑄羅布藏青鏡汪曲呼圖克圖印。用銀質鍍金滿蒙唐古忒三

體字。○六年議准。換鑄湖北省襄陽城守營中軍守備宜昌鎮標左營中軍守備銅質關防。○又添鑄吉林管庫主事鈐記。○又添鑄棍嘴札拉參呼圖克圖印。用銀質滿蒙唐古忒三體字。○又換鑄烏里雅蘇台管理官廠事務銅質圖記。○又添鑄業固哲里阿齊圖額爾德呢莫爾根堪布印。照理藩院所撰業固哲里阿齊圖額爾德呢莫爾根堪布羅布桑丹津那木濟勒管轄徒衆之印。用滿蒙唐古忒三體字。○又添鑄長江新設瓜洲湖口漢陽岳州四鎮各總兵關防。其副將參將遊擊都司守備等官各關防條記一體鑄給。○七年。裁汰廣東省瓊州府海防同知。作為赤溪直隸同知。裁汰廣海寨主簿。作為赤溪司獄。改廣海寨遊擊為副將。移紮赤溪。作為赤溪協副將。那扶營都司移紮赤溪。作為赤溪中軍都司。裁汰瓊州鎮右營守備。改為那扶營守備。廣海營守備。改為都司。各鑄給關防條記。○又添鑄通善禪師依拉固克散呼圖克圖印信。○又補鑄哈密札薩克印信。加添字樣以示區別。○又另鑄布倫托海辦事大臣印信。

加托忒字。○八年。添鑄吉林五常堡協領關防。暨左右兩翼鑲黃正白三旗佐領各圖記。○又添鑄羅布藏青饒汪曲圖克圖札薩克喇嘛札克巴協念印信。○又裁撤布倫托海辦事大臣員缺。繳銷新頒印信。○又吉林雙城堡改設八旗佐領。又琿春添設佐領。均鑄給圖記。○又添鑄黑龍江管理齊扎雅等九臺管理哈克鄂莫等八臺圖記二顆。又添鑄博爾濟哈臺察普欽臺鄂多爾圖臺布拉克克臺扎喀和碩臺呼蘭臺新安臺等臺記七顆。○九年。添鑄札薩克圖漢部諸諾們罕印。用滿蒙唐古忒三體字。○又

諭前據總理各國事務衙門奏。遵議尚書毛昶熙請撤三口通商大臣條陳。當諭令李鴻章妥籌應辦各事宜。茲據該督酌議章程具奏。天津地方緊要。自應因時變通。三口通商大臣一缺。著即行裁撤。所有應辦各事宜。均著歸直隸總督督飭該管道員經理。即由禮部頒給欽差大臣關防。用昭信守。○又直隸省新設津海關道。鑄給辦理直隸地方通商事務兼管海防兵備道關防。○又江西省改駐之上饒縣銅塘縣丞。廣豐縣大東坑縣丞。各鑄給條記

○又改鑄呼圖克圖印信。頒給喇嘛棍噶札勒參。○十年。添鑄吉林三姓正藍旗佐領圖記。○十一年。廣東省肇羅道改為肇陽羅道。陽江縣改為陽江直隸州。各鑄給關防印信。○十二年。鑄給

普祥峪工程處

普祥峪工程處各關防。○又直隸省任邱縣東汎管河縣丞移紮苟各莊。另鑄條記。○十三年。鑄造戶部京捐局銅條記。○又山東省文登水師三營。改為登州榮成水師兩營。所有登州陸路總兵。

統領登州榮成兩營水師協副將。管帶登州水師營遊擊。管帶榮成水師營遊擊。登州水師協管帶左哨兵船守備。登州水師營管帶中哨兵船守備。榮成水師營管帶中哨兵船守備。各鑄給關防條記。○又新設甘肅省化平直隸撫民通判。並照磨。訓導各一缺。添鑄通判關防。照磨訓導各條記。又添鑄化平營都司關防。○又甘肅省固原州改為直隸州。添設州判一員。下馬關地方。添設平遠縣。並設巡檢一員。分駐同心城。鹽茶同知。改為海城縣。添設縣丞一員。各鑄

給印信條記。○又覆准。福建布政司庫儲布都事印信。與現在兼管糧驛道庫大使。名實不符。照改鑄印信。將原印繳部成案辦理。○又添鑄吉林伯都訥。長春。三廳儒學各條記。○光緒元年。

興京添設副都統。該處城守尉改為協領。廣甯防守尉改為城守尉。鑲白。鑲紅。正藍。鑲藍四旗。添設防禦四員。鑄給關防印信圖記。○又另鑄西甯辦事大臣關防。加添字樣。以示區別。○又添鑄甘肅學政關防。○又

盛京將軍。改為管理兵刑兩部兼管奉天府府尹事務。另鑄總督奉天旗民地方軍務關防一顆。又裁撤奉天府治中。改為奉天驛巡道。另鑄關防。○又鑄給

惠陵工程處關防。○又添鑄庫布蘇庫勒諾爾烏梁海總管固喇翁扎布管旗關防。用清文蒙古二體字。清文及篆。○二年。裁撤奉天府理事通判。改為軍糧同知。另鑄關防。○又鑄造

大清欽差出使大臣關防三顆。頒發出使英法美各國大臣行用。○三年。添鑄出使德國大臣關防。

○又添鑄湖北省宜昌關安徽省蕪湖關浙江  
 省甌海關各監督關防。○又改江蘇省淮揚道  
 為淮揚海道。改徐海道為徐州道。各換鑄關防。  
 ○又安徽省太平府同知移設和悅洲。改為池  
 太江防捕盜同知。另鑄關防。○又改奉天府昌  
 圖廳同知為昌圖府知府。移八家鎮經歷駐康  
 家屯分防。移梨樹城照磨駐八面城分防。改經  
 歷照磨三缺為府經歷府照磨。改昌圖廳巡檢  
 為昌圖府司獄。改昌圖廳訓導為昌圖府教授。  
 改八家鎮為懷德縣縣治。添設知縣。訓導典史。  
 各一缺。又添設奉化縣知縣。訓導各一缺。除典  
 史木質鈐記。由該將軍刊刻給發外。餘各另鑄  
 印信條記。○又奉天府添設分巡東邊兵備道。  
 改設鳳凰直隸廳同知。  
 興京撫民同知。岫巖州知州。並添設安東寬甸懷  
 仁。通化。四縣知縣。暨通化縣柳樹河縣丞。帽兒  
 山巡檢。懷仁縣通溝口。四平街。各巡檢。寬甸縣  
 長甸河口縣丞。二龍渡巡檢。鳳凰廳賽馬集巡  
 檢。東邊道庫大使。安東寬甸。懷仁。通化。四縣巡  
 檢管典史事。

興京同知經歷管司獄事。鳳凰直隸廳同知經歷  
 管司獄事。孤山巡檢。  
 興京學教諭。鳳凰直隸廳學教諭。各一缺。鑄給各  
 關防印信條記。○又鑄給熱河圍場糧捕同知  
 糧捕同知司獄。西園巡檢各關防印信。○四年。  
 鑄給  
 惠陵總管看守山河關防。○又湖北省江夏縣許黃巡  
 檢移紮均州孫家灣。換鑄印信。○又添鑄出使  
 俄國大臣關防。○又改福建省臺灣艋舺地方  
 為臺北府。添設知府通判。及淡水新竹宜蘭各  
 知縣。鑄給印信關防。○五年。裁撤雲南省琅鹽  
 井鹽提舉。改為石膏井鹽提舉。移石膏地方駐  
 紮。換給關防。○又甘肅省分巡平慶涇道。兼轄  
 新設固原直隸州。化平直隸撫民通判。改鑄甘  
 肅分巡平慶涇固化兵備道關防。○又添鑄  
 興京協領關防。○又添鑄科布多參贊大臣印信。  
 ○又裁撤廣西下隆里巡檢。蒙里巡檢二缺。於  
 奉議州屬添設作登墟巡檢。另鑄巡檢印信。○  
 又改設呼蘭副都統。鑄給印信。改副管二員。協  
 領二員。並加添佐領四員。巴彥蘇蘇原設佐領

委協領一員。防禦委佐領四員。全行移北團林子駐紮。並於巴彥蘇蘇添設協領一員。佐領四員。各鑄給圖記。○六年。裁撤奉天府昌圖府分防康家屯經歷。改為康平縣知縣。並添設分防鄭家屯主簿。頒給印信條記。又圍場添設撫民通判。並巡檢兼管司獄事務各一缺。鑄給關防印信。○又臺灣鎮標左營改為恆春營。移恆春縣地方駐紮。另鑄該遊擊等關防。○七年。添鑄盛京圍場總管關防。左右兩翼佐領圖記。撫民通判關防。巡檢管司獄事印。○又添鑄琿春副都統印信。○又黑龍江呼倫貝爾副都統銜總管。改為副都統鑄給印信。○又吉林添設賓州廳撫民同知。巡檢管司獄事。教諭。燒鍋甸子分防巡檢。五常廳撫民同知。巡檢管司獄事。教諭。山河屯分防經歷。蘭彩橋巡檢。並敦化縣知縣。巡檢管典史事。訓導。南岡分防縣丞各一缺。鑄給各關防印信條記。又添鑄吉林分巡道關防。三姓赫哲協領佐領等官圖記。○又添鑄

盛京

三陵衙門協領等缺關防。○又直隸省張家口。獨石口。

多倫諾爾理事同知三缺。改為撫民同知。移張家口副將駐多倫。作為多倫諾爾等處副將。多倫營都司作為多倫副將中軍都司。張家口協中軍都司作為張家口營都司。各換鑄關防。○又鑄給四川省辦理滇黔邊計鹽務關防。○又改貴州省長寨同知為羅斛同知。改羅斛州判為長寨州判。各換鑄關防。○八年。換鑄湖北布政使司印信。中行清字。改用本年年月。以示區別。○又裁撤吉林雙城堡總管。改設協領一員。添設雙城廳撫民通判。巡檢兼司獄事。訓導。拉林分防巡檢。伊通州知州。訓導。磨盤山分防巡檢各一缺。裁撤伊通州分防巡檢。添設伊通州吏目管理監獄。又裁撤吉林廳理事同知。添設吉林府知府。又裁撤巡檢。添設府經歷管司獄事。升學正為府教授。又改伯都訥理事同知為撫民同知。改長春廳理事通判為撫民通判。農安縣設立分防照磨。均鑄給各關防印信條記。○又吉林阿勒楚喀原設左翼委協領。改為實缺協領。右翼鑲紅旗委佐領。改為實缺佐領。拉林原設左翼鑲白旗。右翼鑲藍旗委佐領各缺。

改為實缺儘領。各鑄給圖記。○又彈春左翼協領。右翼委協領。左右兩司各鑄給關防。○又添鑄甘肅省甯靈廳同知。照磨教授。各關防印記。○又河南省襄城縣改隸許州。另鑄該處城守都司簽書關防。○又改山西省豐鎮歸化薩拉齊三廳理事同知為撫民同知。加理事同知銜。改甯遠。清水河。和林格爾。托克托城。四廳理事通判為撫民通判。加理事通判銜。各換鑄關防。○又鑄給黑龍江南茂興站掌路記防禦一員圖記。○又呼倫貝爾改設副都統。其左右兩司照副都統衙門體制。改鑄關防。○九年。改廣州駐防旗營水師協領一員。佐領二員。為陸路步軍營協佐領。各換鑄關防圖記。○又黑龍江鄂倫春姓丁撤去布特哈另為部落。編為八旗。添設總管一缺。分設兩司副管四缺。庫瑪爾一路佐領五缺。畢拉爾阿里河托河多普庫爾河等四路佐領四缺。其總管及佐領左右兩司。鑄給關防。副管四缺。鑄給鈐記。○又鑄給安徽省六安直隸州分防州同鈐記。○又添鑄甘肅省監督嘉峪關稅務關防。○又鑄給

威京海龍城防禦四員圖記。○又後藏札薩克喇嘛羅布藏頓柱。奉旨賞加呼諾們罕名號。鑄給印信。用滿漢唐古忒三體字。○十年。新疆南路。添設分巡甘肅阿克蘇兵備道。分巡甘肅喀什噶爾兵備道。喀什沙爾直隸廳撫民同知。烏什直隸廳撫民同知。英吉沙爾直隸廳撫民同知。瑪喇巴什直隸廳水利撫民通判。各鑄給關防。溫宿和闐疏勒沙車各直隸州知州。拜城。疏附。葉城。于闐各知縣。均鑄給印信。○又添鑄齊齊哈爾四品官二員圖記。○又添鑄福建省臺灣府埔裏社通判關防。彰化縣南投社巡檢為澎湖八罩巡檢。改鑄印信。○又吉林甯古塔至琿春。添設管站筆帖式十員。鑄給圖記。○十一年。河南河北右營守備移紮汝州。作為河南營右軍汝州營守備。另鑄關防。○又添鑄甘肅新疆巡撫關防。布政使印信。○又另鑄甘肅鎮迪糧務兵備道。加按察使銜。兼管全疆刑名驛傳事務關防。○又改浙江省永康縣縣丞為永康分防縣丞。改金華協中軍都司為巡防都司。均移八保山駐紮。另鑄縣

續修四庫全書第 2 頁正內

丞條記都司關防。十二年。浙江省龍泉縣安仁莊縣丞改回青田縣。駐紮黃壇地方。作為分防縣丞。另鑄條記。又閩浙總督兼管福建巡撫事。改鑄關防。又添鑄福建臺灣巡撫關防。並布政使布庫大使。按察使司獄各印信。十三年。添鑄臺灣府知府臺灣縣知縣雲林縣知縣苗栗縣知縣臺東直隸州知州各印信。臺東直隸州州判關防。又改鑄臺南府知府安平縣知縣各印信。基隆廳撫民理番同知關防。又裁福建省海壇中軍兼管左營遊擊改為澎湖中軍兼管左營遊擊。澎湖左營都司改為海壇左營都司兼管中軍。各另鑄關防。又福建省海壇右營守備改為澎湖左營守備。兼理兵餉。另鑄條記。又添鑄廣東省防城縣知縣印信。改欽州為直隸州。另鑄印信。又廣東省高州鎮總兵改為高州水陸總兵。高廉道改為分巡高廉欽兵備道。均另鑄關防。又添鑄廣東省北海水陸總兵關防。

外文職府通判武職總兵官以上。專差齎文赴領。文知縣武副將以下。發提塘郵寄。於印四角加柱。鈐封如前。本官得印。去柱啟封。以用印年月日報部存案。凡內外官接到新印。於舊印篆文中加錫繳字。送部銷毀。順治十年定。凡有新推選各官應給印信者。文官執憑。武官執劄。赴部親領。在外文官請給印信。執該督撫或布政使司文批。武官請給印信。執該督撫或總兵官文批。差役赴領。每文一件。請印一顆。文內開明請印差役姓名。方准給發。雍正三年題准。巡鹽各差。舊例有印二顆。嗣後鹽差止給一印。令新舊官交代職掌。乾隆七年覆准。各省印信關防。文官自州縣以下。武官自副參以下。均停其專差赴部請領。嗣後發交提塘。由部用重紙密糊膠封。於印面騎縫處鈐蓋司印。將給發日期填註文內。一併交發各提塘。務照依文移程限齎送。該督撫提鎮仍將收到印信開用日期報部查覈。倘有違延違限以致滋弊者。由部查明參劾。交兵部議處。十六年奏准。嗣後鑄印之時。於印邊無字之處。多留一腳。俟頒發後



齋與本官領受。然後截去其脚。磨平印邊。於開用日期文內一併聲明報部。其印中有字處。仍舊加封鈐固。以除弊端。○又奏准。印信關防。於鑄造之時。四角各留一柱。俟齋到。本官截磨開用。一併聲明報部。○二十六年議准。東三省綏遠城。皆係口外。其印信俱差員赴部請領。○二十七年奏准。鑄給內外文武官員印信關防條記。於每季之末。將發過各衙門印信關防條記若干顆。開列清單彙奏。○三十四年

諭佐雜等官卑人冗。所用止係鈐記。若悉令由部頒發。

事體尤屬紛繁。朕意莫若交與各直省督撫。於省會地方定一錫刻鋪戶。如官代書之類。令佐雜等報明上司。將應用鈐記。即就官鋪錫刻。但不許懸挂包刻門牌。以除陋習。其餘市肆。一概不准私雕。已足備稽查。而昭信守。於事理庶為允協。該部即遵諭行。○嘉慶六年奏准。恭遇

聖駕巡幸熱河。所有牽駝馱載等項。均歸護軍統領辦理。其太僕寺

行在印信。應行繳還禮部。○八年

諭此次多慶等二員。派往巡視吉林黑龍江兩處事務。

其由禮部頒給關防二顆。著於巡視事竣。就近繳存。盛京禮部衙門收貯。此後逢派員巡視之年。即由盛京禮部頒給。○又

諭前此農耐國長阮福映表陳與安南國構兵顛末。係為先世復讎。恭遣陪价齋交阮光纘道棄舊

頒敕印。並縛獻海洋通盜。恪恭請命。朕鑒其航海輸誠。特予嘉納。曾經明降諭旨。將安南阮光纘獲罪覆滅。及阮福映恭順出力緣由。先行宣示中外。嗣節據該國長請錫新封。陳明該國係先有越裳之地。今併有安南。不願忘其世守。籲懇仍以南越名國。經疆吏據

情入告。部臣議駁以南越命名。與徼外封域未協。特念其攸關內附。敬抒悃忱。命用越南二字。以越字冠於上。仍其先世疆域。以南字列於下。表其新襲藩封。並令廣西巡撫孫玉庭。一面檄知阮福映。一面委員伴送齋進表貢使臣赴京。諭其緩程行走。以示天朝柔遠之意。茲復據孫玉庭奏稱。阮福映接奉欽定越南恩命。倍深感激。情詞歡忭。出於至誠。該使臣業已起程北上。計七月下旬即可到京等語。應即加之寵命。封為越南國王。所有應行頒給該國王印信。著該衙門查照定例。先期豫備。○九年

諭據松筠奏喀喇沙爾地方游牧之原任土爾扈特汗烏巴什嗣養孫頭等台吉那木濟勒多爾濟賞給札薩克印信請旨一摺。那木濟勒多爾濟既已成丁。尚堪造就。著加恩賞給札薩克印信。令其將伊十五佐領屬下人等妥為管束。○十年奉

旨據第巴克等奏稱。奉旨達賴喇嘛未出呼畢勒罕之前。著濟隆呼圖克圖掌管喇嘛事務。茲據濟隆呼圖克圖呈請。似不應仍用原印。可否賞給從前堪布額爾德尼諾們罕阿旺措勒提穆所署厄爾德蒙額諾們罕印信之處。轉行請旨等語。前曾降旨。著濟隆呼

圖克圖於達賴喇嘛未出呼畢勒罕之前。掌理喇嘛事務。自應特給印信於管理喇嘛黑人有裨。著照所請。交該部將從前阿旺措勒提穆所署厄爾德蒙額諾們罕印信。由報齋西藏賞給濟隆呼圖克圖掌管。辦理喇嘛事務。濟隆呼圖克圖務須感戴朕恩。誠心任事。毋得怠忽。○二十四年

諭伯麟等奏南掌國王遣使進貢。並呈懇頒賜教印據情代奏一摺。南掌國自內附以來。乾隆五十九年。曾經頒給教印。嗣因該國王召溫猛悞懦不振。流徙越南。經越南國王將教印恭繳。念其流離。不加深責。該

國事聽其以召蛇榮代辦。現據召蛇榮之子召蟒塔度腊度修職貢。額懇再頒教印。著加恩俯允所請。再行頒給。以示懷柔。欽此。遵

旨議奏。十四年兩廣總督恭繳南掌國王鍍金銀印。字畫完好。毋庸另鑄。俟該國祝

嘏使臣到京。頒給齋回。交召蟒塔度腊祇領。○道光二

年

諭文幹等奏從前噶勒丹錫呼圖薩瑪第巴克什阿旺楚勒提穆。曾經賞給教書印信。現在阿旺扎木巴勒楚勒奇木辦事公正。額懇將薩瑪第巴克什舊號作

為本身名號。並將前次所繳舊印。仍行賞還。著照所

請。將從前所繳薩瑪第巴克什舊印。仍行賞給。○十

七年奏准。嗣後各省更換印信。於新印頒到後。

即行開用。其應由該上司轉發者。以接到新印

日起。限四箇月內。發交領用。如本任延不請領。

及上司不行嚴催致逾例限者。由部查明。照繳

印遞延之例參處。並令各省於繳印時。將接到

新印及開用繳銷各日期。詳細報部。以憑查覈。

○光緒五年覆准。繕譯會試知貢舉關防。向由

至公堂行文派員赴部請領。嗣後繕譯鄉試監

臨關防亦由至公堂出具紅文派員赴部請領以昭信守。

欽定大清會典事例卷三百二十四

禮部

婚禮

大婚 皇子成婚 皇曾孫成婚 皇元孫成婚

大婚。凡納采之禮。內務府官備丈馬十。具 甲冑十。幣百。布二百。是日早。禮部鴻臚寺官設

節案一於

太和殿內正中。內閣官自閣奉

節陳於案。內務府官以龍亭分載甲冑布帛。陳於丹

陛上左右。陳文馬於丹陛下左右。正副使祇俟

於丹墀東。鴻臚寺序班二員立正副使後。授

節大學士一人朝服立

殿東檐下。鴻臚寺官一員立大學士後。豫備宣

制。朝服西面。鳴贊官二員朝服分立

殿東西檐下。屆時。鳴贊官贊齊班。序班引正副使

就丹墀東班立。贊進贊跪叩。興。行三跪九叩禮。

序班引正副使升東階。立丹陛上。鳴贊官贊有

制。正副使跪宣

制。官進至

殿東門之左。西面宣

制曰。

皇帝欽奉

皇太后懿旨。納某氏某女為后。命卿等持節行禮納采。

宣畢。大學士進

殿左門。詣案奉

節。由中門出。授正使。正使受

節。偕副使舉前行。降自中階之左。內務府官率校尉

昇亭。自中階下。衛士牽文馬隨行。

御仗前導。由

太和中門出。詣

皇后邸第。是日。后父飭子弟潔埽邸第。有司豫設案

一於廳事正中南嚮。又設案二於左右東西嚮。

正副使持

節至邸。后父朝服跪迎於大門外道右。候過隨入。正

副使入中門。升中階。正使陳

節中案。偕副使退就案東西面立。龍亭至儀門外止。

內務府官奉甲冑布帛入。陳於左右案。衛士以

馬入。陳於中階下左右訖。后父升自西階。於廳

事中門外正中北面跪。正使傳

制納采。后父跪受。行三跪九叩禮。正使詣案奉

節出。偕副使復

命。后父跪送於大門外如初。內務府官皆退。是日

皇后邸設納采燕。

皇帝特命公主大臣命婦燕后母於內。

命內大臣侍衛八旗公侯以下滿漢二品以上官燕

后父於外。如常燕儀。大徵之禮。所司備黃金

二百兩。銀萬兩。金茶器一。銀茶器二。銀盆二。幣

千。文馬二十。韋世開馬二十。馱甲二十。備

賜后父后母黃金百兩。金茶器一。銀五千兩。銀茶器

一。銀盆一。帛五百。布千。馬六。韋世甲冑一。弓一。

鞬。矢一。箭。朝服各二襲。衣各二稱。皆冬一。夏一。

貂裘各一。帶一。備

賜后兄弟及從人服物有差。屆日。陳大徵禮物於丹

陛上。陳

賜物馱馬於丹陛下。禮部奏請

命使傳

制授

節於

太和殿。如納采儀。正副使承

制持

節詣

皇后郵。執事官陳禮物於堂。陳

賜物於階上。陳馱馬於中階下之南。后父跪受行禮。

均如納采儀。傳

制訖。后父率子弟於中階下之東。嚮

節行三跪九叩禮。豫往大門外祇俟。后母率諸婦出。

於中階下之西。嚮

節行六肅三跪三拜禮。畢。退。正使持

節出。偕副使復

命。后父以下跪送如初。執事官皆退。

大婚前一。日。遣官各一人。祇告

天

地

太廟後殿

奉先殿如常儀。屆吉。行

冊迎禮。是日早。陳

皇帝法駕。由薄樂懸於

太和殿外。陳

皇太后儀駕。樂懸於

慈寧宮。禮部鴻臚寺官設

節案

冊

寶案於

太和殿內。設龍亭於內閣門外。鑿儀衛陳

皇后儀駕於

太和門階下。及

午門外。內務府官陳冠服於鳳輿之南。內閣禮部

官自閣奉金

冊金

寶。及宣讀

冊文

寶文分設龍亭內。校尉昇行。至

太和殿中階下。亭止。禮部堂官奉

節詣

太和殿。陳

節中案。陳

冊左案。陳

寶右案。正副使序立於丹墀東。由薄之南。授

節大學士。宣

制鴻臚寺官。舉

冊

寶案內閣禮部官均朝服序立於

殿檐下如

冊立

皇后遣使之儀欽天監官報吉時屆禮部堂官奏請

皇帝具禮服乘輿出宮禮部堂官前引出

隆宗門至

永康左門降輿入至

慈寧宮門左西嚮立內監轉奏

皇太后升慈寧宮寶座禮部堂官引

皇帝就正中拜位行三跪九叩禮畢

皇太后還宮

皇帝自

永康左門乘輿仍入

隆宗門由

保和殿

御太和殿

午門鳴鐘鼓作樂鳴鞭序班引正副使就丹墀東

行禮畢升東階北面跪宣

制官宣

制辭曰

皇帝欽奉

皇太后懿旨納某氏為皇后茲當吉月令辰備物典冊

命卿等以禮奉迎宣畢大學士授

節於正使偕副使興執事官舉

冊

寶案由中階下設龍亭內以次出

太和門

皇帝還宮鳴鞭作樂並如

冊立

皇后遣使之儀龍亭由

太和中門出正副使持

節前導次

冊

寶亭次

皇后儀駕冠服內大臣侍衛隨亭後行由

大清門各中門至

皇后邸是日宮殿監督領侍率內監備

交泰殿內外鋪陳恭侍命婦朝服豫詣

殿外祇候導從命婦贊引侍儀宣讀女官均朝服

及給事后邸內監均綵服詣

冊 皇后邸祇侯。有司豫設

節案一於邸第之內堂正中。前設香案。均南嚮。又設

冊

寶案二於左右。東西嚮。設

皇后拜位於香案之南。侍儀女官四人立拜位左右。

東西面。宣讀女官二人立東案之南。西面。內監

於外堂階下承應。正副使至

冊 皇后邸。后父率子弟朝服跪迎於大門外。候過隨入。

正副使升中階。立於外堂之東西面。

冊

寶亭隨入。暫設於外堂左右。內務府官奉冠服授內

監齋入。轉授女官以進

冊 皇后。內鑿儀校陳鳳輿於階上正中。陳儀駕於階下

左右。至大門內。樂部和聲署設導迎樂於大門

左右。后父由西階升。至外堂中門外正中。北面

跪。正使傳

制。后父行三跪九叩禮畢。退。正使授

冊 節於內監。副使自龍亭奉

寶以授內監。由中門入

冊

寶以授內監。由中門入

冊 皇后御禮服。引禮女官二人恭導出迎於內中門道

右。立候過。后母率諸婦咸朝服跪迎。隨入內監

奉

節並

冊

寶陳於各案。引禮女官引

冊 皇后就拜位跪。宣讀女官次第宣

寶

冊

寶 皇后受

冊受

寶行禮。均如宮中

冊立儀。內監奉

節出以授正使

冊 皇后及后母祇送如初。女官奉

寶仍授內監。分設於龍亭。欽天監官報升輿吉時。屆

冊

內鑿儀校進鳳輿於內堂階下正中。南嚮。女官

恭導

冊 皇后升輿。后母率諸婦送至輿前。

寶以授內監。由中門入

皇后升鳳輿。后母及諸婦退。正副使持

節出乘馬先行。后父跪送於大門外。導迎樂前導。而陳

不次儀駕次

冊

寶亭次

皇后鳳輿。啟行出大門前。導命婦四人。後扈命婦七人。

謹案同治十一年大婚。前導後扈命婦俱未。光緒十五年。爾派均乘騎。

內監步行。左右扶輿。內大臣侍衛在後乘騎護從。由

大清門中門入。至金水橋。正副使下馬持

節入。

皇后輿至

午門外。鳴鐘鼓。儀駕止。九鳳曲蓋前導。執事命婦

下馬步行導從。內大臣侍衛於金水橋步從。由

午門

太和門中門入

中左門

後左門至

乾清宮。龍亭止。正副使復

命。偕內大臣侍衛各退。內監奉

冊

寶前導。鳳輿入

乾清門中門至

乾清宮階下。內監奏請

皇后降輿。詣

交泰殿。導從命婦各退。恭侍命婦祇迎

皇后入中宮。內監奉

冊

寶授守

寶內監訖。退。吉時屆。設合卺燕。宮殿監督領侍具奏

皇帝禮服御中宮。行合卺禮。給事官人恭侍命婦皆

退。翼日早。內監侍豫設朝見拜位於

慈寧宮內正中北嚮

皇后禮服出中宮乘輿。導從如儀。贊引命婦引詣

慈寧宮降輿。至丹陛上西位東嚮立。

謹案同治十一年大婚禮節。設拜褥於檻內正中。后升丹陛至宮檻內。西嚮立。內監轉奏

皇太后禮服出內宮。贊引命婦引

皇后詣正中拜位。行六肅三跪三拜禮。尚食潔具。

皇后盥饋

皇太后御席。又具

皇太后禮饗



皇后御席詳前行禮畢

皇太后還宮贊引命婦引

皇后出乘輿還中宮執事命婦皆退越日

皇帝率羣臣詣

皇太后宮行禮

御太和殿王公百官上表慶賀

頒詔宣示天下

皇后詣

皇太后宮行禮詣

皇帝前行禮公主福晉命婦詣

皇后宮行禮均如

冊立

皇后之儀是日

皇帝御太和殿

賜后父及其族屬燕王公百官咸與

皇太后御慈寧宮

賜后母及其親屬燕公主福晉夫人大臣命婦咸與詳前

賜。順治八年

世祖章皇帝大婚禮前期擇吉行納采禮馬十匹詳前

甲冑十副綴百疋布二百疋金茶筒一具銀

盆一具前期一日行大徵禮黃金二百兩白金

萬兩金茶筒一具銀茶筒二具金銀盆各一具

綴千疋布二千疋馬二十四匹詳前馱甲二十副

常等甲三十副遣官以

大婚祇告於

天

地

太廟至日早

大駕由簿樂懸陳設如常儀鑾儀衛官陳

皇后儀駕於

皇后邸禮部官設案於

太和殿正中又設案於

皇后邸堂正中設

冊

寶盃於案上又設案於中案之東設綵亭二於

太和門外階下內院禮部官朝服奉

冊

寶由御道入

太和殿陳於案王公百官咸朝服序立

世祖章皇帝禮服御殿升座內院官奉

冊	寶授冊封使臣使臣跪受興由中道奉出禮部堂官前導至	太和門外設於綵亭鑾儀衛校尉昇	冊	寶亭次第行前列	御仗二對由	協和門出詣	皇后邸	世祖章皇帝還宮遣親王二人奏請	冊	孝莊文皇后御位育宮 <small>今和殿</small>	孝莊文皇后升輿樂作儀駕前導	世祖章皇帝恭迎於	太和門內	孝莊文皇后輿由御道進	位育宮使臣至	皇后邸后父率親屬朝服出迎於門外	皇后禮服同后母朝服迎於庭使臣奉	冊	寶由中道入置東案上
---	-------------------------	----------------	---	---------	-------	-------	-----	----------------	---	------------------------------	---------------	----------	------	------------	--------	-----------------	-----------------	---	-----------

冊	皇后就案南北面跪宣讀官立案左西面宣	寶文畢次第奉授侍左女官跪接獻	皇后	皇后祇受轉授侍右女官女官跪接陳於案上蓋內	皇后興行六肅三跪三拜禮畢	皇后升輿女官奉	冊	寶蓋設綵亭內儀駕鼓樂前導至	協和門儀駕止 <small>交內執事人</small> 女官奉	冊	寶前行	皇后輿由御道入至	太和殿階下降輿入宮禮部堂官奏請	御殿	世祖章皇帝禮服御中和殿諸王入至	中和殿	世祖章皇帝率諸王詣	孝莊文皇后前行禮畢諸王退出復原班立	世祖章皇帝御太和殿
---	-------------------	----------------	----	----------------------	--------------	---------	---	---------------	---------------------------------	---	-----	----------	-----------------	----	-----------------	-----	-----------	-------------------	-----------

午門鳴鐘鼓中和韶樂作。

世祖章皇帝升座樂止鳴鞭。

賜后父及親屬燕。王公百官咸與。燕畢還宮。

皇后率后母及公主福晉命婦朝。

孝莊文皇后於位育宮禮成。

皇后還宮。

孝莊文皇后賜后母燕。公主福晉命婦咸與。燕畢。

孝莊文皇后乘輿還宮。

世祖章皇帝恭送如初。越三日。

世祖章皇帝御太和殿。王公百官上表行慶賀禮。

頒詔天下。皆如常儀。是日。

賜后父母黃金百兩。白金五千兩。緞五百疋。布千疋。金

銀茶筭銀盆各一具。馬六匹。是。甲冑素韃各

一副。弓矢全。冬夏朝衣各一襲。冬夏衣各一襲。

貂裘各一領。上等玲瓏帶一束。

賜后兄弟及隨從人等服物有差。十一年。

世祖章皇帝大婚禮。並與順治八年典禮同。惟

孝惠章皇后行謁見。

孝莊文皇后禮於

大婚之第三日。

孝莊文皇后御宮。

孝惠章皇后率公主福晉命婦行禮如儀。乃設燕。燕畢

各退。康熙四年。

聖祖仁皇帝大婚禮。擇吉行納采禮。馬十匹。是。甲冑

十副。緞百疋。布二百疋。以禮部尚書內務府總

管充使。咸朝服齋至。

孝誠仁皇后邸。后祖率后父朝服出迎於大門外。使臣

陳禮物於堂。陳馬於庭。授后父。后父跪受。訖率

子弟望

闕行謝。

恩禮。是日設納采燕於

孝誠仁皇后邸。

命公主三人。輔臣命婦三人。往與燕。內大臣侍衛各旗

民公以下。武官二品以上。滿漢文官侍郎以上。

咸朝服與燕。前期行大徵禮。具黃金二百兩。白

金萬兩。金茶筭一具。銀茶筭二具。銀盆二具。緞

千疋。鞞轡馬二十四匹。馱馬二十副。又馬四十四匹。

以禮部內務府堂官為正副使。咸服朝。齋至

孝誠仁皇后邸。后祖率后父朝服出迎。及以禮物授受

儀與納采同。是日。

賜后祖父母父母衣服各跪受訖后祖父母率子弟於堂

之南后祖母率諸婦於堂之北行謝

恩禮如儀前期遣官祇告至日發冊奉迎

閱冊寶儀均與順治八年同

欽差命婦十一人四人前導七人後隨詣

孝誠仁皇后邸襄事又以命婦十人恭侍執事於

皇后宮以內大臣侍衛翊衛屆時

聖祖仁皇帝御殿發冊

孝誠仁皇后受

冊

寶行禮均如前儀欽天監官報時

孝誠仁皇后升輿前導命婦於輿前後隨命婦於輿後

皆乘騎行內大臣侍衛咸從由

大清門中門入至

午門外儀駕止交內執事人

孝誠仁皇后與入自中門至

太和殿階下內大臣侍衛退

孝誠仁皇后降輿內監奉

冊

寶前導由中道至

中和殿前導後隨命婦退恭侍命婦祇迎入宮內

監奉

冊

寶授守

寶內監訖退

聖祖仁皇帝禮服詣

孝莊文皇后宮

孝惠章皇后宮行禮畢

御太和殿賜

皇后親屬暨諸王百官燕燕畢乃還宮

孝惠章皇后率輔臣命婦詣

孝莊文皇后宮

賜后母暨親屬燕如儀諸王百官免隨行禮公主福晉

命婦免會燕至酉時

宮中設合卷燕行合卷禮翼日

孝誠仁皇后詣

孝莊文皇后宮

孝惠章皇后宮行朝見禮越三日

聖祖仁皇帝御殿羣臣上表行慶賀禮

頒詔天下儀與順治八年同○同治十一年

穆宗毅皇帝大婚禮。擇吉行納采禮。馬十匹。其甲冑

十副。緞百疋。布二百疋。以禮部尚書內務府大

臣充使。咸朝服。齋至。

孝哲毅皇后邸。后祖率后父朝服。跪迎大門外。使臣陳

禮物於堂。陳馬於庭。授后父。后父跪受。訖。率子

弟望

闕行謝。

恩禮是日。設納采燕於

孝哲毅皇后邸。內大臣侍衛。各旗民公以下。滿漢二品

以上官。咸朝服與燕。前期行大徵禮。具黃金二

百兩。銀萬兩。金茶筒一具。銀茶筒二具。銀盆二

具。緞千疋。文馬二十四匹。驂馬四十四匹。馱甲

二十副。以禮部內務府堂官為正副使。咸朝服

齋至。

孝哲毅皇后邸。后祖率后父朝服。跪迎。及以禮物授受

儀典納采同。是日。

賜后祖后父母兄弟服物。各跪受。訖。后祖父率后父及

子弟於中階下之東。后母率諸婦於中階下之

西。俱北面。行謝。

恩禮如儀。前二日。遣官祇告。前一日。行

册立禮。以親王貝勒充正副使。安設

皇后鳳輿於

乾清宮。先期。鑾儀衛章京。內務府司員。率領校尉

昇請冠服龍亭。至

孝哲毅皇后邸。交內監轉進。屆期。

穆宗毅皇帝禮服御太和殿。閱視册寶畢。

升座傳制。遣使還宮。使臣持

册

寶龍亭隨行。前張黃蓋。列

御仗由中路出

太和門。鑾儀衛列

皇后儀駕由

大清門各中門。至

孝哲毅皇后邸。后祖率后父及子弟跪迎。如儀。正副使

於邸第大門外。授

册

節及

寶於內監。

孝哲毅皇后御禮服。同后母朝服。跪迎門內。內監陳

冊	節於內堂正中案陳
冊	寶於東案
冊	孝哲毅皇后就案南拜位北面跪宣讀太監次第宣讀
寶畢	
孝哲毅皇后受	
冊	
寶行禮如常儀內監奉	
節授正使	
孝哲毅皇后祇送於門內道右立后父后母率屬跪送	
奉迎禮	如初屆吉期先時行
穆宗毅皇帝禮服出宮詣	
慈寧門內監轉奏	
慈安皇太后	
慈禧皇太后御慈寧宮	
穆宗毅皇帝行三跪九拜禮畢	
慈安皇太后	
慈禧皇太后還宮	

冊立同	穆宗毅皇帝御太和殿以親王貝勒充正副使儀與
冊	穆宗毅皇帝還宮正副使出
太和	太和中門後列
冊	皇后儀駕鑾儀衛至
冊	乾清宮請鳳輿隨行由
冊	大清門各中門至
冊	皇后邸傳
冊	制行禮畢女官奉
冊	寶授內監分設於龍亭屆吉時
冊	孝哲毅皇后升輿使臣持
冊	節乘馬先行內監左右扶輿內大臣侍衛在後乘騎護
冊	從由
冊	大清門中門入至
冊	午門外儀駕止九鳳曲蓋前導
冊	孝哲毅皇后與入自中門由
冊	中左門
冊	後左門至
冊	乾清門龍亭止使臣復

命。借內大臣侍衛各退。禮部官奉

冊

寶內務府大臣前引。安奉

交泰殿左右案上退。

孝哲毅皇后與入中門。至

乾清宮內。執事人等皆退。侍衛敬合隔扇。福晉及

恭侍命婦請

孝哲毅皇后降輿。由

交泰殿入宮。內監奉

冊

寶授守

寶內監退。吉時屆。宮中設合卷燕。

穆宗毅皇帝吉服御中宮。行合卷禮。越三日。

孝哲毅皇后行朝見

慈安皇太后

慈禧皇太后禮於慈寧宮。翼日。

穆宗毅皇帝御太和殿。羣臣上表行慶賀禮。

頒詔天下。皆如常儀。慶賀之次日。

穆宗毅皇帝御太和殿。

賜后父及其族屬燕。王公百官咸與。

慈安皇太后

慈禧皇太后御慈寧宮。

賜后母及其親屬燕。公主福晉命婦免會燕。光緒十

五年。

皇帝大婚禮。擇吉行納采禮。馬十四具。甲冑十副。

緞百疋。布二百疋。以禮部尚書內務府大臣充

使。咸朝服齋至。

皇后邸。后父跪迎送。是日於

皇后邸設納采燕。如儀。前期行大徵禮。具黃金二百

兩。銀萬兩。金茶筭一具。銀茶筭二具。銀盆二具。

緞千疋。丈馬二十四具。開馬四十四匹。馱甲二

十副。以禮部內務府堂官為正副使。咸朝服齋

至。

至

皇后邸。及

賜后父母兄弟服物。均與同治十一年同。前一日。遣

官祇告。屆吉行

冊立奉迎禮。以大學士禮部尚書充正副使。安設

皇后鳳輿於

太和門階下。先期。昇請冠服。龍亭至

皇后邸。交內監轉進。

皇帝禮服出宮詣

慈寧門。

慈禧端佑康頤昭豫莊誠皇太后御慈寧宮。

皇帝行禮畢。

慈禧端佑康頤昭豫莊誠皇太后還宮。

皇帝御太和殿閱視冊寶遣使

皇后受

冊

寶行禮均如常儀屆吉時

皇后升輿由各中門入至

乾清門中門內監接請至

乾清宮階下奏請

皇后降輿詣

交泰殿恭侍命婦祇迎

皇后入中宮吉時屆宮中設合卷燕

皇帝吉服御中宮行合卷禮越六日

皇后行朝見

慈禧端佑康頤昭豫莊誠皇太后禮於慈寧宮越二日

皇帝御太和殿羣臣上表行慶賀禮

頒詔天下皆如常儀慶賀之次日

皇帝御太和殿

賜后父及其親屬燕

慈禧端佑康頤昭豫莊誠皇太后御慈寧宮

賜后母及其親屬燕餘均與同治十一年同

皇子成婚○凡指婚之禮裏事大臣偕福音父婿

袍補服詣

乾清門東階下福音父北面跪裏事大臣西面曰

有

旨今以某氏女作配與皇子某為福音福音父承

旨訖行三跪九叩禮興退○擇日

皇子綵服往見福音父母至門福音父綵服迎於

門外

皇子入升堂

皇子拜福音父答拜三拜興見福音母

皇子拜福音母答拜如前儀辭出福音父送於門

外○初定禮內務府具儀幣金約領一銜七大

金簪三銜五小金簪三銜一金珥六銜七各

一金釧四銜五金衣鈕百銜一銀衣鈕二百銜一製衣貂皮一

百有四十製帽貂皮三銜一製余褥狐皮二百有五

十緣朝服水獺皮七銜一采幣表裏一百銜一綿三百斤



禮樂道光二十七年。皇子成婚。行初定禮。奉旨所有賞給。福晉徽册。珊瑚。東珠。金項圈。等物。均著母庸賞給。

賜福晉父金十兩。銀七百兩。狐皮朝衣一。薰貂帽一。金帶佩飾。鞞具。馬一匹。驛。福晉母銜珍珠金珥六。狐皮袍一。緣朝服。獺皮六。馬一匹。如福晉父無爵秩者。俾給朝衣及屬日。昇以緣朝衣。獺皮。給狐皮。衣服一襲。

亭。以內務府大臣將事。福晉父朝服迎於大門外。入陳儀幣於堂。陳。

賜幣於階上。陳馬於中階下。以次授福晉父。福晉父跪受訖。率子弟序立於中階下之東。望。

闕行三跪九叩禮。福晉母率諸婦出。序立於中階下之西。望。

闕行六肅三跪三拜禮。內務府官退。福晉父送於門外。是日。福晉第設燕於廳事。鴻臚寺官引入。燕官就燕畢。望。

闕行三跪九叩禮。退。設內燕於中堂。內務府管領妻給事如儀。禮樂道光二十七年。皇子成婚。行初定禮。奉旨。著賞給富泰羊十隻。餼餅車十張。酒十瓶。所有筵燕。概行停止。鴻臚寺等衙門執事人員。並內務府。應傳音樂。母庸豫備。

成婚前一日。福晉家以粧奩送皇子宮鋪陳。屆日。

皇太后

皇太子

皇后前行禮。若

妃

嬪所出。並於

妃

嬪前行禮。各如儀。內務府選隨從命婦。豫詣福晉家。祇俟。贊事命婦。豫詣

皇子宮內別室。祇俟。步軍統領飭屬灑掃清道。鑿儀衛備綵輿。轎用紅緞幃。擡轎執事。用校尉。俱駕內務府大臣率屬官二十員。蟒袍補服。護軍四十名。至福晉第奉迎。福晉家成綵服。以俟。內鑾儀校奉綵輿。陳於中堂。執事女官以升與吉時告。福晉禮服升輿。母率諸婦送於庭。父率子弟送於門。內校昇綵輿行。頭班末班。女官隨從。出大門乘馬。內務府總管率屬及護軍前後導護。行至

紫禁城門外。衆下馬。步入。女官隨綵輿入。至皇子宮門前下輿。女官恭導入宮。合卺吉時屆。贊

一第... 冊... 頁... 4 反... 內

事命婦上合卷酒。

皇子與福晉行合卷禮。執事皆退。是日於

皇子所居宮近處。張幕結綵設燕。福晉父母親族

及二品以上大臣命婦咸集。謹案乾隆三十五年四月。皇十二

子成婚。福晉父家親族。台吉喇嘛之妻。皆

旗章京。濟爾圖爾之妻。均未受封。移咨內務府

辦理。俱經入燕。道光二十七年。二十八年。皇

皇子偕福晉夙興朝服。內務府管領妻二人導詣

皇太后

皇帝

皇后前行朝見禮。

皇子三跪九叩。福晉六肅三跪三拜。次詣所出

妃

嬪前行禮。

皇子二跪六叩。福晉四肅二跪二拜。各如儀。如聖

寫行幸駐蹕。侯既婚之九日。行歸甯禮。

皇子偕福晉至福晉家。福晉第設燕畢。偕還。率不

過午。○原定指婚之禮。如有

旨以某氏某官某人之女。指與某皇子為福晉。令欽

天監擇吉。內務府開列夫婦偕老之大臣奏請

簡用一人。至日。召福晉父至

宮門。大臣傳

旨訖謝

恩行禮擇日。

皇子見福晉父母。以內大臣散秩大臣侍衛護軍

參領護軍校護軍等隨往。均由領侍衛內大臣

護軍統領揀委。納采禮用銜珍珠金大簪三。小

簪三。銜東珠金約領一。金耳飾三對。金釧二對。

金衣鈕百。銀衣鈕二百。諸色表裏緞百。綿三百

斤。製衣貂皮一百四十張。製帽貂皮三張。製衾

褥狐皮二百五十張。緣朝衣水獺皮七張。遣內

務府官一人齎往。昇以綵亭。至福晉家。福晉父

祇受訖。福晉父率子弟。福晉母率諸婦。謝

恩各行禮如儀。是日。

賜福晉父馬一匹。其鞍轡狐裘朝衣一。薰貂帽一。金帶

一。佩飾全。鞞靴各一雙。福晉母銜珍珠金耳飾

三對。狐肱袍一。緣朝衣水獺皮六張。馬一匹。其鞍轡

具。金十兩。銀七百兩。如福晉父無爵秩者。停給

朝衣及緣朝衣獺皮。給狐肱衣服一襲。是日。

就福晉第設燕。凡五十席。羊三十六。酒五十

瓶。燕福晉父母。其族人。之有職者。咸與。公侯伯以下。侍郎男以上。一二品夫人。咸會燕。迎娶日。設綵輿導從。及各執事。用內務府官二十人。護軍參領一人。護軍校四人。護軍三十六人。執事女官。用年命相合之大員命婦二人。生辰無忌之內務府總管命婦一人。內管領命婦十人。均由內務府揀用。於

箭亭暨

皇子所居之處。咸結綵。設燕六十席。羊四十五。酒六十瓶。燕福晉父母。與納采日同。合盃燕用羊

五。燕席以夫婦偕老之內管領辦理。是日質明。

皇子於

皇帝

皇后

妃

嬪前行禮。成婚次日。

皇子偕福晉行禮亦如之。如

聖駕行幸駐蹕。俟

回鑾擇吉行禮。既婚之九日。行歸甯禮。

皇子偕福晉至福晉家。福晉家設燕款接。燕畢偕

還。不過午。嘉慶十一年

諭。本日禮部會同鑾儀衛內務府衙門具奏。請將皇子婚禮舊例執事內。銜籠火把紅氈酌量加增。事屬可行。至稱向來皇子迎娶福晉。例無儀衛。因查親王郡王向俱專設儀衛一分。謹公同商酌。擬比較親王之例。增設皇子儀衛一分。於成婚迎娶時陳設導引。禮成後。即由鑾儀衛另庫收儲等語。所議大謬。皇子班次。本在諸王之上。至冊封則位有差等。並非一例。錫封親王。朕兄弟中。即有郡王貝勒。焉有於成婚時即用親王儀衛之理。是皇子必應封親王矣。况親王未分府者。均不設用儀衛。若於成婚時。概照親王例。製造儀衛一分。禮成後。又復另庫收儲。日後若止封郡王貝勒。則此一分儀衛。又將焉用。該衙門議奏此事。不加詳慎。甚屬不合。此摺係禮部主稿。該堂官定議舛錯。著交部察議。其率行會奏之鑾儀衛內務府堂官。俱著交部察議。此後仍循舊章。不准用儀仗。又據奏。公主釐降時。應得儀仗一例。陳設導引等語。定例固倫公主和碩公主。本有差等。向各有儀仗一分。係歸寧時陳設。今議於下嫁時用。以陳設導引。並非例外。增添。自無不可。著照所奏辦理。

皇孫成婚。納采禮用銜珍珠金大簪三。小簪三。銜東珠金約領一。金耳飾三對。金釧二對。金衣鈕百。銀衣鈕二百。諸色表裏緞八十。綿二百五十斤。製衣貂皮一百四十張。製帽貂皮三張。製余褥狐皮二百五十張。緣朝服海龍皮七張。

賜福晉父馬一匹。驍狐裘朝衣一。薰貂帽一。金帶一。佩飾全。鞞鞢各一雙。福晉母銜珍珠金耳飾三對。狐肱袍一。緣朝服海龍皮六張。馬一匹。驍具金十兩。銀七百兩。是日設燕三十席。羊二十。酒四十瓶。迎娶日。設燕四十席。羊三十五。酒四十瓶。餘儀均視。

皇子。皇曾孫成婚。納采禮用銜珍珠金大簪三。小簪三。銜東珠金約領一。金耳飾一對。金釧二對。金衣鈕六十。銀衣鈕一百三十。諸色表裏緞五十。綿一百七十斤。製衣貂皮一百四十張。製帽貂皮三張。製余褥狐皮二百五十張。緣朝服海龍皮七張。

賜福晉父馬一匹。驍狐裘朝衣一。薰貂帽一。金帶一。佩飾全。鞞鞞各一雙。福晉母銜珍珠金耳飾

一對。狐肱袍一。緣朝服海龍皮六張。馬一匹。驍具金六兩。銀四百兩。是日設燕十六席。羊十二。酒十六瓶。迎娶日。設燕二十席。羊十六。酒二十瓶。餘儀均視。

皇孫。皇元孫成婚。納采禮用銜珍珠金大簪三。小簪三。銜東珠金約領一。金耳飾一對。金釧二對。金衣鈕四十。銀衣鈕八十。諸色表裏緞四十。綿一百五十斤。製衣貂皮一百二十張。製帽貂皮三張。製余褥狐皮二百二十張。緣朝服海龍皮六張。

張。賜福晉父馬一匹。驍狐裘朝衣一。薰貂帽一。鍍金帶一。佩飾全。鞞鞞各一雙。福晉母銜珍珠金耳飾一對。狐肱袍一。緣朝服海龍皮六張。馬一匹。驍具金四兩。銀三百兩。是日設燕十二席。羊八。酒十二瓶。迎娶日。設燕十四席。羊十二。酒十四瓶。餘儀均視。

皇曾孫。

欽定大清會典事例卷三百二十五

禮部

婚禮  
公主下嫁禮  
親王婚禮  
世子婚禮  
鎮國將軍婚禮  
國子監祭酒婚禮  
太僕寺卿婚禮  
光祿寺卿婚禮  
太常寺卿婚禮  
大理寺卿婚禮  
鴻臚寺卿婚禮  
詹事府卿婚禮  
中書省卿婚禮  
兵部尚書婚禮  
工部尚書婚禮  
刑部尚書婚禮  
禮部尚書婚禮  
戶部尚書婚禮  
都察院御史大夫婚禮  
各部尚書婚禮  
各部侍郎婚禮  
各部郎中婚禮  
各部員外郎婚禮  
各部主事婚禮  
各部典史婚禮  
各部皂隸婚禮

公主下嫁禮  
凡指婚日。襄事大臣偕額駙蟒袍補服詣  
乾清門東階下。額駙北面跪。襄事大臣西面立。宣  
命。令以某公主擇配某。額駙祇受  
命。行三跪九叩禮。興退。屆吉。額駙詣  
午門前。恭進初定一九禮。得  
旨。分納所司。據案道光二十一年初定一九禮。照例  
後初定俱照案改進。同治十二年仍令照例呈進。次日早。樂部和聲署  
設中和韶樂於  
保和殿檐下。設丹陛樂於  
中和殿後檐下。俱北嚮。入燕之王內大臣侍衛及  
執事官員。俱穿蟒袍補服。其執事之拜唐阿人

有

有

有

有

等。俱穿蟒袍。張黃幕設反坫於

中和殿後階下正中。臺盞壺卮皆具。尚膳總領內

管領設

御筵於

寶座前正中稍遠。內大臣內務府大臣禮部光祿寺

堂官。共視豫設各席。陳肉於盤。是日。鴻臚寺官

引額駙並伊族中人員俱朝服。先詣

皇太后宮

慈寧門前。不贊行三跪九叩禮。禮畢。引至

保和殿丹陛上立。入燕之王大臣侍衛各就班次

立。屆時。禮部堂官奏設燕齊備。

皇帝具龍袍袞服

御保和殿。中和韶樂作。奏隆平之章。

皇帝升寶座。樂止。鴻臚寺鳴贊官贊排班。鴻臚寺官

引額駙並族中人員排班。鳴贊官贊行三跪九

叩禮。丹陛樂作。奏治平之章。禮畢。樂止。鴻臚寺

官引額駙並伊族中人員入班次。與眾俱行一

叩頭禮坐。護軍參領膳房總領移

御筵就近。丹陛清樂作。奏海宇昇平日之章。尚茶官

進茶。

皇帝用茶時。眾俱於坐次跪。行一叩頭禮。茶畢。侍衛進前散茶。眾俱於坐次行一叩頭禮。飲畢。復行一叩頭禮。坐。樂止。展席畢。掌儀司官就反坫取捧臺盞壺。由中路進。丹陛清樂作。奏玉殿雲開之章。眾皆起立。進爵大臣出。釋補服於殿門檻外。西旁東嚮立。掌儀司官上殿階。在檻外東旁西嚮立。鴻臚寺堂官引額駙並伊族中人員出。至階下兩旁排立。掌儀司官酌酒。進爵大臣進前跪。額駙並伊族中人員在殿階下兩旁跪。眾俱於各坐次跪。掌儀司官跪舉爵。授進爵大臣畢。起退。進爵大臣接爵起。由中階升。由西邊進御座側。跪進爵。皇帝受爵。進爵大臣起。由西階下。復至原跪處跪。皇帝用酒時。進爵大臣行一叩頭禮。眾皆行一叩頭禮。進爵大臣起。仍由西階升。跪接爵。由中階下。至原跪處跪。掌儀司官進。跪接爵。退。眾先起立。掌儀司官以金卮酌酒進。立。賜進爵大臣酒。進爵大臣跪接。行一叩頭禮。飲畢。掌儀司官立。接卮退。進爵大臣行一叩頭禮。起。加

補服歸班次。鴻臚寺官於賜進爵大臣酒時。即引額駙並伊族中人員行一叩頭禮。樂止。眾皆行一叩頭禮。坐。皇帝用饌。中和清樂作。奏萬象清甯之章。恩賜食品於兩邊畢。尚膳官進肉饌。分賜眾畢。進反坫。樂止。御前侍衛奉酒置御前桌上。領侍衛內大臣監看侍衛授酒。眾接酒叩頭。飲畢。復行一叩頭禮。是時蒙古樂歌進。奏蒙古樂歌畢。反坫御筵俱徹。眾皆起立。鴻臚寺官引額駙並族中人員至原行禮處。聽贊謝。恩行一跪三叩頭禮。如皇子王大臣等奏非入燕均於坐次行一跪三叩頭禮。丹陛樂作。奏治平之章。禮畢。樂止。禮部堂官奏筵燕禮畢。中和韶樂作。奏顯平之章。皇帝還宮。樂止。眾皆出。鴻臚寺官引額駙並伊族中人員至內右門外。不贊響。皇后宮行三跪九叩頭禮。退。至筵燕設席王大臣侍衛坐次。繪圖恭呈。

御覽。如額駙係外藩。其引禮視席。均係理藩院堂官會同辦理。○額駙族中女眷

於

皇太后宮延燕禮節。是日早。掌儀司內監設中和韶樂

於

慈寧宮檐下。設丹陛樂於

慈寧門內檐下。俱北嚮。鴻臚寺官率額駙並伊族中

人員。俱朝服於

慈寧門外。不贊。行三跪九叩頭禮。額駙族中女眷俱

朝服。進爵命婦及前引。並引禮散茶酒之侍衛

命婦俱蟒服。於

永康右門外會齊。內務府視設席。尚膳女官內管

領妻等。豫設

皇太后大燕卓於

寶座前稍遠。設

皇后燕卓於

寶座東旁僉嚮。設

皇貴妃。

貴妃

妃

嬪燕卓於東西稍後。各豫設坐褥。設額駙族中女

眷卓於西邊東嚮。設進爵命婦侍衛命婦等卓

於月臺上東邊西嚮。張黃幕陳金器於

慈寧門下。至時。禮部堂官令內監引額駙族中女眷

進爵命婦侍衛命婦等。於

啟祥門外排立。禮部堂官轉傳內監奏請

皇后率

皇貴妃

貴妃

妃

嬪具龍袍補服。乘輿依次出

啟祥門。侍衛命婦等前引。額駙族中女眷等後隨。

至

徽音右門降輿。引禮侍衛命婦引

皇后

皇貴妃

貴妃

妃

嬪等。至各位依次立。引額駙族中女眷至丹陛上

立。總管太監奏設燕齊備。請

皇太后升慈寧宮寶座。

皇太后具龍袍補服出宮。中和韶樂作。奏豫平之章。

皇太后升座。樂止。引禮侍衛命婦。引額駙族中女眷。依

次嚮上排列立定。行六肅三跪三拜禮。丹陛大

樂作。奏益平之章。禮畢。樂止。

皇后

皇貴妃

貴妃

妃

嬪各於本位行一叩禮坐。引禮侍衛命婦。引額駙

族中女眷入坐次。行一叩禮坐。尚膳女官內管

領妻等。進大燕卓於

皇太后前。丹陛清樂作。奏海宇昇平日之章。尚茶女官

進茶。

皇太后用茶時。

皇后

內庭主位以下。各於位次跪。行一叩禮。茶畢。內府

女官進

皇后

皇貴妃

貴妃

妃

嬪茶。侍衛命婦等分

賜額駙族中女眷茶。

皇后

內庭主位以下。俱於位次行一叩禮。飲畢。復行一

叩禮坐。樂止。展席幕。內管領妻由反站取捧臺

盞壺卮。由中路進。丹陛清樂作。奏玉殿雲間之

章。

皇后

內庭主位以下俱起立。進爵命婦出

殿檐外西旁東嚮立。內管領妻等上

殿階在檻外東旁西嚮立。引禮侍衛命婦。引額駙

族中女眷出。至階下甬路兩旁跪。

皇后

內庭主位以下俱跪。內管領妻捧爵。跪授進爵命

婦起退。進爵命婦接爵起。由中階升。由西邊進

皇太后座側。跪進爵。

皇太后用酒。進爵命婦起。由西階下。復至原跪處跪。行

一叩禮。

皇后



內庭主位以下。俱行一叩禮。進爵命婦起。仍由西階升。跪接爵。由中階下至原跪處跪。內管領妻跪接爵退。

皇后

內庭主位以下。俱先起立。引禮侍衛命婦引額駙族中女眷入坐次立。內管領妻以金卮酌酒進立。

賜進爵命婦。進爵命婦跪接。行一叩禮。飲畢。內管領妻立接卮退。進爵命婦行一叩禮。起就坐次。樂止。

皇后

內庭主位以下。皆行一叩禮坐。

皇太后用饌。中和清樂作。奏萬象清甯之章。

恩賜食品於兩邊。尚膳女官進肉饌。分

賜與額駙族中女眷。及進爵命婦侍衛命婦等畢。內管

領妻女官等進反坫。樂止。侍衛命婦於

皇后

皇貴妃

貴妃

妃

嬪前。各進酒一次。

皇后

皇貴妃

貴妃

妃

嬪各於本位行一叩禮。飲畢。復行一叩禮坐。內管領妻各二人。引侍衛命婦等於額駙族中女眷各巡酒一次。額駙族中女眷亦各於坐次行一叩禮。飲畢。復行一叩禮坐。是時內監垂簾。蒙古樂歌人員由慈寧門東門入。至丹陛上。奏蒙古樂歌畢。退出。內監

升簾。

升簾。

皇后

內庭主位以下皆起立。引禮侍衛命婦引額駙族中女眷。在丹陛上依次嚮上排立。謝

恩行二肅一跪一叩禮。丹陛樂作。奏益平之章。禮畢。樂

止。總管太監奏請

皇太后還宮。中和韶樂作。奏履平之章。

皇太后還後宮。樂止。引禮侍衛命婦引

皇后

皇貴妃

貴妃

妃

嬪至

徽音左門外。乘輿還宮。額駙族中女眷等隨出。至

隆宗門外恭候。於

皇后宮行六肅三跪三拜禮。各退。○額駙族中女眷

於

皇后宮筵燕禮節。在

初定禮奉

司太監設中和韶樂於

宮檐下。設丹陛大樂於

宮門內左右。俱北嚮。

派出陪燕之公主福晉等。咸衣蟒袍補服。額駙族中

女眷咸衣朝服。均詣

儲秀宮門外祇候。內務府視設席。尚膳太監豫設

皇后燕卓於

寶座前稍遠。設

妃

嬪燕卓於

寶座東西兩旁稍後。派出陪燕之公主福晉燕卓。由

內務府按次陳設。各豫設坐褥。設額駙族中女

眷燕卓於地平下西旁東嚮。張黃幕設反坫於

宮門內正中。臺盞壺卮皆具。至時。

妃

嬪俱龍袍補服。由

內宮出。首領太監引至

儲秀宮各就位。次少立。首領太監具奏設燕齊備。

請

皇后出宮。

皇后具龍袍補服出宮。首領太監前引。中和韶樂作。

奏淑平之章。

皇后御儲秀宮升座。樂止。引禮太監引額駙族中女

眷至階下。依次嚮上排立。行六肅三跪三拜禮。

丹陛大樂作。奏正平之章。禮畢。樂止。

妃

嬪公主福晉各於本位行一叩禮。坐。引禮太監引

額駙族中女眷各入坐次。亦行一叩禮。坐。尚膳

太監進燕卓於

皇后寶座前。丹陛清樂作。奏海宇昇平日之章。尚茶

太監進茶。

皇后用茶時。

內庭主位以下各於位次跪行一叩禮。茶畢。首領太監進

妃

嬪公主福音茶。並分

賜額駙族中女眷茶。各於位次行一叩禮。飲畢。復行一叩禮。坐。樂止。首領太監展席幕。就反坫捧臺盞壺。由中路進。丹陛清樂作。奏玉殿雲間之章。

內庭主位以下俱起立。進酒命婦出。在

殿楹外西旁東嚮立。引禮太監引額駙族中女眷出。至階下甬路兩旁跪。

內庭主位以下俱跪。首領太監捧爵。跪授進酒命婦。起退。進酒命婦接爵起。由中階升。由西邊進至

皇后座側。跪進爵。

皇后受爵。進酒命婦起。由西階下。復至原跪處跪。

皇后用酒時。進酒命婦行一叩禮。

內庭主位以下俱行一叩禮。進酒命婦起。仍由西階升。跪接爵。由中階下。至原跪處跪。首領太監

跪接爵退。

內庭主位以下俱先起立。引禮太監引額駙族中女眷各入坐次立。首領太監奉金卮酌酒以進。

立

賜進酒命婦。進酒命婦跪接。行一叩禮。飲畢。首領太監立接卮退。進酒命婦行一叩禮起。就坐次。樂止。

內庭主位以下皆行一叩禮坐。

皇后用饌。中和清樂作。奏萬象清甯之章。

恩賜食品於兩旁。尚膳太監進肉饌。分

賜與額駙族中女眷畢。進反坫。樂止。首領太監進酒於

妃

嬪公主福音前。各一次。

妃

嬪公主福音各於本位行一叩禮。飲畢。復行一叩禮。坐。引禮太監於額駙族中女眷前。各巡酒一次。額駙族中女眷亦各於坐次行一叩禮。飲畢。復行一叩禮。坐。是時南府太監於

宮門內階下。奏滿洲樂歌。並演戲。三齣畢。退出。

內庭主位以下皆起立。引禮太監引額駙族中女眷至階下。依次嚮上排立。謝

恩。行二肅一跪一叩禮。丹陛大樂作。奏正平之章。禮

畢。樂止。首領太監奏請

皇后還宮。中和韶樂作。奏順平之章。首領太監前導。

引

皇后還宮。並分引

妃

嬪還宮。樂止。引禮太監引公主福音出。額駙族中

女眷隨出。鴻臚寺官引額駙並伊族中人員朝

服至

內右門外。不贊。行三跪九叩禮。禮畢各退。如額駙係外藩

則會同理藩院堂官帶領行禮。○如

皇后未經御燕。謹恭嘉慶六年。莊敬和碩公主初定

位在坤宮。燕是年禮節謹載。

內庭主位在

翊坤宮舉行筵燕。是日。額駙族中女眷咸衣朝服。

進

翊坤宮院內序立。派出

內庭陪燕之公主福音。俱蟒袍補服序立。豫備

妃

嬪燕卓於

翊坤宮

皇后寶座兩旁。設公主福音燕卓於地平下東旁。設

額駙族中女眷燕卓於地平下西旁。至吉時。

妃

嬪具龍袍補服。由

內宮出。前引總管太監引至

翊坤宮。各就位次少立。絃索承應迎送。引禮太監

引額駙族中女眷依次嚮上排立。行六肅三跪

三拜禮。禮成。

妃

嬪升座。公主福音各於本位行一叩禮坐。引禮太

監引額駙族中女眷入坐次。行一叩禮坐。茶房

首領太監捧

妃

嬪以下茶卓。由中路進。至

殿檐下。總管首領進

妃

嬪茶。滿洲樂歌承應。首領太監等分賞公主福音

及額駙族中女眷茶。各於位次行一叩禮。飲畢。復行一叩禮。坐。首領展席幕。奉

妃

嬪以下酒卓。由中路進。南府人等演戲。首領等酌酒跪授進酒總管首領。跪接爵起。由中路升地平。至

妃

嬪座位前跪進。

妃

嬪受爵。進酒首領太監分賞公主福晉及額駙族

妃

中女眷酒。皆行一叩禮。飲畢。復行一叩禮。膳房首領太監捧肉卓由中路進。

妃

嬪用饌畢。首領太監等分賞公主福晉及額駙族中女眷肉饌。戲畢。

妃

嬪及公主福晉起立。引禮首領引額駙族中女眷至階下。依次嚮上排立。謝

恩。行二肅一跪一叩禮。總管太監奏燕畢。

妃

嬪還宮。首領太監引公主福晉出。額駙族中女眷隨出。鴻臚寺官引額駙並伊族中人員仍朝服至

內右門外。不贊行三跪九叩禮畢。各退。如額駙係

同理藩院堂官帶釐降前一日。額駙蟒袍補服。

率族人詣

乾清門外

內右門外。行三跪九叩禮各如儀。內務府官率鑾

儀校以公主妝奩詣額駙邸第。內管領命婦陳

設。屆日。額駙家備九九禮詣

午門恭納。

皇太后御慈寧宮筵燕。

皇帝御太和殿筵燕。如初定禮。和碩公主是日。陪送

之王福晉貝勒貝子夫人。暨內務府大臣命婦

二人。內管領命婦十人。皆盛服於

宮外別室祇候。贊事命婦據詣額駙邸別室祇候。

步軍統領飭屬灑掃清道。鑾儀衛備儀仗絲輿。

內務府大臣一員。官屬四員。內管領二員。護軍

參領二員。護軍校二員。蟒袍補服。偕護軍二十

名。於絲輿所出

名。於絲輿所出

宮門前祇候。升輿吉時屆。公主吉服詣

皇太后

皇帝

皇后前行禮。若

皇貴妃

貴妃

妃

嬪所出。並於

皇貴妃

貴妃

妃

嬪前行禮。各如儀畢。謹案道光二十一年奉旨。此次壽安固倫公主下

嫁。升輿前著命婦導翼升輿。內校昇輿行出宮。免其行禮。

嘉慶十一年。儀仗前分。係歸寧時陳設。今議於下嫁時陳設。導

引。自無陪送之福晉夫人。及隨從命婦乘輿隨

行。內務府總管內管領乘騎少遠導從。參領及

護軍乘騎護行。詣額駙邸第。及門。眾下馬步入

儀仗止。及儀門。各官止。輿入。至廳事正中。輿止。

命婦階下。下輿升堂。導公主出輿。福晉夫人下

輿。隨公主入室。額駙父禮賓於外堂。額駙母禮

女賓於中堂。饗各執事人。合卷吉時屆。贊事命婦上合卷酒。設燕。額駙與公主行合卷禮。眾退。

九日歸甯行謝

恩禮。公主額駙夙興朝服。公主詣

皇太后

皇帝

皇后前行禮。若

皇貴妃

貴妃

妃

嬪所出。並於

皇貴妃

貴妃

妃

嬪前行禮。額駙詣

慈寧門外東階下

乾清門外

內右門外行禮。各如儀畢。還邸第。原定。凡奉

旨指婚。乃擇吉。

命夫婦偕老之大臣

嘉慶十八年

十夫婦偕老大臣。開單進呈。不

及五旬者。傳  
母庸開列。

旨。至日。召額駙及其父兄至

宮門前。大臣傳

旨訖。謝

恩行禮。納采具馱一。馬八。額駙於前一日早詣

午門恭進。屆日。進燕九十席。羊八十有一。酒四十

五瓶。謹案。向例。酒九十瓶。於乾隆三十  
五年。遵旨。裁減。四十五瓶。其燕席

交光祿寺備辦。乾隆五十四年奉旨。所  
有應用車張。著內務府備辦。羊

保和殿。燕設於  
駕駐 圓明園。暨  
正大光明殿。

皇帝御殿。行燕饗禮。

皇子王等候

旨。內大臣侍衛暨大學士尚書咸與燕。乾隆三十五  
年奉

尚書俱令入燕。額駙之父。率其族人之有職者。

朝服行禮。遂入燕。謹案。道光二十一年。公主薨  
降。停止筵燕。以後俱照案停  
止。

其餘大臣官員。停其傳集。

皇后御宮。行燕饗禮。

妃

嬪咸會。額駙之母。率其族中諸婦朝服行禮。遂入

燕。是日額駙父。率族人詣

皇后宮門前行禮。下嫁前一日。遣官齋送妝奩。以年

命相合之內管領命婦。率執事婦女詣額駙第

陳設妝奩。至日。額駙恭進鞵馬二九。甲冑二九。

馬二十有一。馱六。燕九十席。羊九九。乳酒黃酒

四十五瓶。謹案。道光二十一年。公主下嫁。停  
止。呈進九九禮。以後俱照案免進。乃

設燕於

保和殿。暨

皇后宮。與納采同。謹案。圓倫公主初定禮。成婚禮。均  
筵燕。和碩公主成婚禮。不筵燕。

下嫁日。以

皇子福晉暨近支王福晉貝勒貝子夫人內年命

相合無忌者。由內務府奏請

欽命一人送親。合卷裏禮以大員命婦。陪送以內管

領妻及隨從婦女。咸用年命相合無忌者。導從

及各執事。用內務府官四人。內管領二人。護軍

參領二人。護軍校二人。護軍二十人。均由內務

府揀委。其合卷設燕。用羊九。酒九瓶。燕席以夫

婦偕老之內管領辦理。成婚後九日。行歸甯禮。

導引護從。用內務府官一人。護軍參領一人。護

軍校二人。護軍二十人。是日公主於

皇帝

皇后暨

妃

嬪前行禮。額駙於

皇帝

皇后宮門前行禮。○道光二十一年

諭。向來固倫公主和碩公主下嫁。額駙及額駙之父母。

俱給公主屈膝請安。如有賞項。亦必磕頭。此等禮節。

殊屬不合體制。本年十月初三日。壽安固倫公主下

嫁後。固倫額駙德木楚克扎布見公主時。著站立向

公主請安。公主亦站立問好。額駙之父蘇曼王阿宛

都窪第扎布。與其福音。及額駙之生母。見公主時。俱

著站立給公主請安。公主亦站立向其請安。如遇公

主送給額駙及額駙之父母什物等事。亦俱著站立

向公主說磕頭。不必屈膝。以重倫禮。各宜欽遵。著為

令。○又

諭。壽安固倫公主。十月十一日回門。公主額駙俱著穿

蟒袍補服。毋庸陳設儀仗。屆時。公主額駙由府同行。

公主進福圍門。額駙詣綺春園宮門外。祇候進內。同

詣

皇太后前行三跪九叩禮畢。額駙退出。進圓明園內左

門。候與公主一同詣朕前行三跪九叩禮。詣皇貴妃

前行二跪六叩禮畢。在同樂園賞額駙飯。至公主乘

輿。毋庸鑾儀衛校尉豫備。護從人等。由內務府照每

逢進宮例除派。○二十二年

諭。壽城和碩公主回門。進內行禮。額駙恩醇。者在慈寧

門外乾清門外行禮。毋庸在內右門外行禮。○二十

五年奉

旨。壽恩固倫公主釐降前一日。著額駙景壽率族人在

綺春園宮門外行禮。後至圓明園出入賢良門外行

禮。○又奉

旨。壽恩固倫公主九日回門。著額駙景壽先至綺春園

進內。與公主一同行禮。次在圓明園與公主一同行

禮。○同治二年。壽莊和碩公主九日回門。與額駙一

同進

內。詣

慈安皇太后

慈禧皇太后

穆宗毅皇帝前。公主行六肅三跪三拜禮。額駙行三跪

九叩禮畢。詣



皇貴太妃

妃前。公主行四肅二跪二拜禮。額駙行二跪六叩

禮。○又壽禧和碩公主九日回門。額駙行禮。奉

旨。壽禧和碩公主九日回門。額駙扎拉豐阿。著進內一

同行禮畢。詣壽安宮

彤妃前。同行禮。○十二年。榮安固倫公主九日

回門。與額駙俱朝服詣

內。同行禮畢。詣

壽西宮。同行禮。

親王婚禮。○崇德年間定。聘朝臣女為婚者。納

采禮。緞金珠緞衣裳九襲。緞衾褥七具。金約領

一。大小金簪各三。金耳飾三對。金指環十。是日

設燕五十席。牲三十六。酒五十瓶。成婚日。燕六

十席。牲四十五。酒六十瓶。自親王公主福晉以

下。咸會燕。給女父朝衣冠帶鞵各一具。女母蟒

緞衣裳一襲。金耳飾一具。又韋馬二匹。若聘外

藩親王郡王貝勒台吉之女。納采。用牲六十有

二。韋馬甲冑各三。銀茶筭一。緞十有一疋。布四

十二疋。率準七九之數。燕用牲四十有五。聘禮。

外藩親王女。韋馬甲冑各十有二。間甲二十有

四。緞六十疋。布六百疋。銀茶筭銀酒盆銀茶筭

各一具。郡王之女。韋馬甲冑各十。間甲二十。緞

五十疋。布五百疋。貝勒之女。韋馬甲冑各八。間

甲十有六。緞四十疋。布四百疋。銀器均與親王

女同。台吉之女。韋馬甲冑各六。間甲十有二。緞

三十疋。布三百疋。銀酒盆銀茶筭各一具。成婚

日。燕用牲六十有三。福晉父母送女來者。均給

冬夏衣各一襲。貂裘各一領。鞵帶佩刀囊鞵各

一副。甲冑一。韋馬二。緞三十疋。布二百疋。銀茶

盆銀酒盆銀茶筭各一具。女之兄弟來者。給時

衣一襲。給從者三十人衣服有差。○順治九年

定。燕日。親王以下侍郎男以上。公主福晉以下

郡君貝子夫人以上。咸會燕。諸王福晉公主等

由本家自請。民公以下大臣由部傳集。聘朝臣

之女。其父母加給金二十兩。銀千兩。

世子郡王婚禮。○崇德年間定。聘朝臣女為婚

者。納采禮。緞金珠緞衣裳八襲。緞衾褥六具。金

指環八。餘與親王同。是日。設燕四十席。牲二十

有七。酒四十瓶。成婚日。燕五十席。牲三十有六。

酒五十瓶。會燕及給女父母服物。與親王同。聘

外藩親王郡王貝勒台吉女。納采禮燕席牲酒及聘禮。均與親王同。成婚日。燕用牲六十有三。給女父母及兄弟從人。如係親王郡王。並得視親王。如係貝勒台吉。給緞二十五疋。布一百五十疋。銀茶盆銀酒盆銀茶筭各一具。餘衣裘鞋帶。素鞵鞵馬。與親王同。給從者二十五人衣服有差。○順治九年定。世子郡王納福晉。均如親王例。聘朝臣之女。其父母加給金十兩。銀七百兩。

貝勒婚禮。○崇德年間定。聘朝臣之女為婚者。

納采禮。緞金珠緞衣裳七襲。緞衾褥五具。金指環六。餘與郡王同。是日。設燕三十席。牲十有八。酒三十瓶。成婚日。燕四十席。牲二十有七。酒四十瓶。自郡王郡王福晉以下。咸會燕。給女父緞衣裳一襲。鞵馬一匹。間馬一匹。女母緞衣裳一襲。餘與郡王同。聘外藩女。納采。用牲四十有五。鞵馬甲冑各二。銀茶筭一具。緞八疋。布三十疋。率準五九之數。燕用牲二十有七。聘禮與郡王同。成婚日。用牲四十有五。給女父母兄弟從人。係親王郡王。均得視親王。係貝勒台吉。給女父

母時衣各一襲。貂裘捨狝獬裘各一。鞵帶佩刀。素鞵各一具。鞵馬一匹。緞二十疋。布百疋。銀茶筭二具。給從者二十人衣服有差。○順治九年定。燕日。郡王以下。都統尚書子以上。郡王福晉以下。貝子夫人。郡君以上。咸會燕。王福晉等由本家自請。民公以下。由部傳集。聘朝臣之女。其父母加給金五兩。銀五百兩。○又定。貝勒以下行禮。禁用珍珠粧緞。

貝子婚禮。○崇德年間定。聘朝臣女為婚者。納采禮。緞衣裳六襲。緞衾褥四具。大小金簪各二。

金指環四。餘與貝勒同。是日。設燕二十席。牲十有八。酒二十瓶。成婚日。燕三十席。牲二十有八。酒三十瓶。自貝勒貝勒夫人以下。咸會燕。給女父母視貝勒減馬一匹。餘並同。聘外藩女。納采。用牲二十有七。鞵馬甲冑各一。銀茶筭一具。緞四疋。布十有九疋。率準三九之數。燕用牲十有八。聘禮。鞵馬甲冑各六。間甲十有二。緞三十疋。布三百疋。銀盆銀茶筭各一具。成婚日。燕用牲二十有七。給女父母兄弟從人。係親王郡王。均得視親王。係貝勒台吉。給女父母時衣各一襲。

貂裘狐裘各一。鞶帶佩刀囊鞬各一具。鞞馬一匹。緞十有五疋。布七十疋。銀茶筭一具。給從者十有五人衣服有差。○順治九年定。燕日。貝勒以下本旗侍郎男以上。貝勒夫人以下。輔國公縣君以上。咸會燕。貝勒貝勒夫人由本家自請。大臣由部傳集。聘朝臣之女。其父母加給銀四百兩。

鎮國公婚禮。○崇德年間定。聘朝臣女為婚者。納采禮。緞衣裳五襲。餘與貝子同。是日設燕十有八席。柱十有三。酒十有八瓶。成婚日。燕二十八席。柱十有七。酒二十八瓶。給女父母服物。與貝子同。聘外藩女。納采用柱十有八。鞞馬甲冑各一。銀茶筭一具。緞三疋。布十有一疋。率準二九之數。燕用柱十有八。聘禮。鞞馬甲冑各五。間甲十。緞二十五疋。布二百五十疋。銀盆銀茶筭各一具。成婚日。燕用柱二十有七。給女父母兄弟從人。係親王郡王。均與親王同。係貝勒台吉。與貝子同。○順治九年定。燕日。貝子以下奉國將軍以上。貝子夫人縣君以下奉國將軍淑人以上。及本府官屬咸會燕。由本家自請。聘朝臣

之女。其父母加給銀三百兩。

輔國公婚禮。○崇德年間定。聘朝臣女為婚者。納采禮。緞衣裳四襲。緞衾褥三具。餘與鎮國公同。燕視鎮國公減柱二席。給女父母服物。均視鎮國公。聘外藩女。納采用柱九。鞞馬甲冑各一。銀茶筭一具。緞三疋。布二疋。率準一九之數。聘禮。鞞馬甲冑各四。間甲八。緞二十疋。布二百疋。銀盆銀茶筭各一具。燕席及給女父母兄弟從人服物。均與鎮國公同。○順治九年定。燕日。鎮國公以下奉國將軍以上。及本府官屬縣君鎮國公夫人以下奉國將軍淑人以上。咸會燕。由本家自請。聘朝臣之女。其父母加給銀三百兩。

鎮國將軍婚禮。○崇德年間定。納采禮。緞衣三襲。緞衾褥二具。布衣一襲。布衾褥一具。金鈎領一。金簪二。金耳飾全副。是日設燕用柱六。成婚日。具燕十有五席。

輔國將軍婚禮。○崇德年間定。納采禮。緞衣二襲。緞衾褥一具。餘與鎮國將軍同。是日設燕用柱四。成婚日。具燕十席。

奉國將軍婚禮。崇德年間定。納采禮。無約領。順治九年定。有約領。餘與輔國將軍同。是日設燕用牲三。成婚日。具燕八席。

奉恩將軍婚禮。道光四年定。納采禮。緞衣二襲。緞衾褥一具。布衣一襲。餘與奉國將軍同。是日設燕用牲二。成婚日。具燕七席。

閒散宗室婚禮。崇德年間定。納采禮。緞衣一襲。布衣一襲。緞衾布褥一具。金耳飾全副。是日具燕用牲二。成婚日。具燕五席。順治九年奏定。納采禮。緞衣二襲。緞衾褥一具。金約領一具。

金耳飾全副。是日具燕用牲二。成婚日。具燕六席。

覺羅婚禮。崇德年間定。覺羅婚娶。有職者各照品級。無職者與庶民同。順治九年定。無職。覺羅行納采禮。緞衣二襲。緞衾褥一具。金約領一具。金耳飾全副。是日具燕用牲二。成婚日。具燕五席。

王公以下婚娶通例。凡王公婚禮。王等自聘。廷臣女為婚者。既成言。王等往謁福晉夫人父母。如

皇子儀。遂諏吉。行納采禮。自親王至輔國公。各具簪珥約領指環衣裳衾褥有差。以府屬官充使。從者以禮物從。至門。主人迎入。使者陳禮物於廳事。主人受禮。迺饗使者。使者退。主人送於門。是日設燕。親王婚禮。自親王以下侍郎男以上。公主福晉以下郡王貝子夫人以上。咸會燕。世子郡王會燕。與親王同。貝勒婚禮。自郡王以下。尚書子以上。郡主郡王福晉以下。郡君貝子夫人以上。咸會燕。貝子婚禮。自貝勒以下。公以上。及本旗官屬。郡君貝勒夫人以下。縣君輔國公

夫人以上。咸會燕。鎮國公婚禮。自貝子以下。奉國將軍以上。縣君貝子夫人以下。鄉君奉國將軍淑人以上。咸會燕。輔國公。惟貝子貝子夫人不會燕。餘如鎮國公。婚期前一日。女氏齋奩具詣府。陳於室。至日。具福晉夫人儀衛綵輿往迎。以府屬官充導從。至門。儀衛止。輿入廳事中。福晉夫人具吉服升輿。儀衛前引。府屬官隨從如儀。至府。由中門入。至殿堂前降輿。執事官退。女侍迎入室。屆時。行合巹禮。是日設燕。與納采日同。若聘外藩女為婚。納采用鞞馬甲冑繒布。婚

期前行聘禮如之。其物數多寡。均以王貝勒貝子公為差。聘禮。又以外藩王貝勒台吉之女為差。餘如前儀。福晉夫人之父若母。及外藩女之兄弟從人。各分別給賞。王等如奉

旨賜婚。具朝服詣

太和殿前謝

恩行禮如儀。既成婚。行禮亦如之。王公之子。未受爵者。婚禮得視其父。已受爵者。各從其爵。鎮國將軍以下。至閒散宗室。納采及成婚日。親友僚屬咸會。禮物燕席。視公之數遞減。各有差。覺羅有

官者從其品。無官視閒散宗室。餘均如前儀。

順治九年定。王以下公以上奉

旨賜婚者。咸朝服於

中和殿或

位育宮謝

恩。不贊行三跪九叩禮。成婚日行禮同。又定。王公未受

封之子婚禮視其父。已受

封者各從其爵。康熙元年定。王以下。八八分公以上。有婚嫁事。報禮部具題奉

旨賜婚者。咸朝服於

太和殿或

宮門前行謝

恩禮。其納采用布者。改用緞。餘均如舊例。

郡主子歸禮。崇德年間定。親王女嫁於朝臣。

聘禮。羣馬甲冑各十有五。納采成婚燕。如親王

例。嫁於外藩親王郡王貝勒台吉等。納采用牲

六十有三。馱三。馬四。羊五十有六。率準七九之

數。燕用牲四十有五。聘禮。馬六十。牛六十。羊六

百。成婚日。燕用牲六十有三。媵婢八名。男婦五

戶。順治九年定。朝臣聘禮。羣馬甲冑各七。

乾隆三十五年定。郡主媵婢六名。男婦四戶。嫁

於朝臣。聘禮。羣馬各七。燕五十席。牲三十有六。

酒五十瓶。嫁於外藩。納采禮。馱一。馬四。羊四。聘

禮。馬六。牛六。羊六十。燕三十六席。牲三十有六。

酒三十六瓶。

縣主子歸禮。崇德年間定。郡王女嫁於朝臣。

聘禮。羣馬甲冑各十有三。納采成婚燕。如郡王

例。嫁於外藩親王郡王貝勒台吉等。納采與郡

主同。聘禮。馬五十。牛五十。羊五百。成婚日。燕用

柱六十有三。媵婢七名。男婦四戶。○順治九年定。朝臣聘禮。羣馬甲冑各五。○乾隆三十五年定。縣主媵婢四名。男婦三戶。嫁於朝臣。聘禮。羣馬各五。燕四十席。牲二十有七。酒四十瓶。嫁於外藩。納采禮。馱一。馬三。羊五。聘禮。馬五。牛五。羊五十。燕如郡主。

郡君子歸禮。○崇德年間定。貝勒女嫁於朝臣。聘禮。羣馬甲冑各十有一。納采成婚燕。如貝勒例。嫁於外藩。納采禮物與郡主同。燕用牲二十有七。聘禮。馬四十。牛四十。羊四百。成婚日。燕用

牲四十有五。媵婢六名。男婦三戶。○順治九年定。朝臣聘禮。羣馬甲冑各四。○乾隆三十五年定。郡君媵婢三名。男婦二戶。嫁於朝臣。聘禮。羣馬各四。燕三十席。牲二十有一。酒三十瓶。嫁於外藩。納采禮。馱一。馬二。羊六。聘禮。馬四。牛四。羊四十。燕三十席。牲三十。酒三十瓶。

縣君子歸禮。○崇德年間定。貝子女嫁於朝臣。聘禮。羣馬甲冑各九。納采成婚燕。如貝子例。嫁於外藩。納采禮物。與郡君同。聘禮。馬三十。牛三十。羊三百。成婚日。燕用牲二十有七。媵婢五名。

男婦二戶。○順治九年定。朝臣聘禮。羣馬甲冑各三。○乾隆三十五年定。縣君媵婢二名。男婦二戶。嫁於朝臣。聘禮。羣馬各三。燕二十席。牲十有七。酒二十瓶。嫁於外藩。納采禮。馬三。羊六。聘禮。馬三。牛三。羊三十。燕二十四席。牲二十有四。酒二十四瓶。

鄉君子歸禮。○崇德年間定。鎮國公輔國公女。嫁於朝臣。聘禮。羣馬甲冑各七。納采成婚燕。鎮國公女如鎮國公。輔國公女如輔國公例。嫁於外藩。納采與縣君同。聘禮。馬二十有五。牛二十有五。羊二百五十。成婚日。燕用牲二十有七。鎮國公女。媵婢四名。男婦二戶。輔國公女。媵婢三名。男婦二戶。○順治九年定。朝臣聘禮。羣馬甲冑各二。○乾隆三十五年定。鄉君媵婢二名。嫁於朝臣。聘禮。羣馬各二。燕十六席。牲十有四。酒十六瓶。嫁於外藩。納采禮。馬二。羊七。聘禮。馬二。牛二。羊二十。燕如縣君。

郡主以下于歸通例。○順治九年定。凡奉旨賜婚公主郡主等。外藩王以下。內外各官。咸朝服於

中和殿或

位育宮謝

恩不贊。行三跪九叩禮。成婚日行禮同。○康熙元年定。奉

旨賜婚者。外藩王以下。內外各官。詣太和殿或

宮門前行謝

恩禮如儀。○五年定。鎮國輔國將軍女嫁於外藩。賚送滿洲男婦二名。蒙古漢人男婦六名。奉國奉恩將軍女。賚送不得用滿洲。止用蒙古漢人男

婦六名。宗室女。賚送蒙古漢人男婦四名。○七年定。外藩親王女。賚婢八名。男婦五戶。外藩郡王女。婢七名。男婦四戶。外藩貝勒女。婢六名。男婦三戶。外藩貝子女。婢五名。男婦二戶。外藩鎮國公女。婢四名。男婦二戶。外藩輔國公女。婢三名。男婦二戶。一等台吉塔布囊以下。四等台吉塔布囊以上女。係屬下人。賚婢二名。家下人。賚婢六名。台吉等女。賚婢許增二名。○八年定。奉旨賜婚郡主以下謝

恩行禮者。均由部具題。○又定。郡主縣主歸甯母家。

有給人口者。不得用滿洲。止用蒙古漢人八名。郡君以下。鄉君以上。蒙古漢人六名。鎮國將軍以下。宗室以上女。蒙古漢人四名。○乾隆三十五年定。朝臣不進納采禮。外藩進納采禮。不設燕。

官員士庶婚禮。○凡品官婚禮。先以媒妁通言二姓。遂諏吉。行納采禮。自公侯伯至九品以上。官。各具簪珥約領衣服衾褥有差。主人吉服。命子弟為使。從者齎禮物如女氏。至門。女氏主人吉服迎入。從者陳禮物於廳事。賓致命。主人祇受。吉於廟。迺禮賓。賓退。主人送於門。使者還復命。是日設燕。燕具牲酒。自公侯以下。數各有差。婚期前一日。女氏以奩具往陳婿家。至日。婿家具合昏燕於室。婿吉服以俟。迺設儀衛。以婦與如女氏。女氏主人告於廟。并而命之。醴女以俟迎者。迎者至。姆奉女升輿。行至門。女侍導婦入室。婿婦交拜訖。行合昏禮。是日設燕。與納采日同。品官之子。未受職者。禮得視其父。已受職者。各從其品。士婚禮得視九品官。庶民納采首飾。數以四為限。與不綵飾。餘均得視士。越三日。主

人主婦率新婦見於廟。分不得立廟者。見祖禰於寢。如常告儀。○順治九年定。公納采禮。緞衣五襲。緞衾褥三具。金約領一具。金簪三枝。金耳飾全副。是日具筵用牲九。成婚日。具筵二十席。侯納采禮與公同。納采日。具筵用牲八。成婚日。具筵十有八席。伯納采禮與侯同。納采日。具筵用牲七。成婚日。具筵十有七席。一品官納采禮。緞衣四襲。餘與侯伯同。納采日。具筵用牲六。成婚日。具筵十有五席。二品官納采禮。緞衣三襲。緞衾褥二具。餘與一品官同。納采日。具筵用牲四。成婚日。具筵十席。三品官納采禮。與二品官同。納采日。具筵用牲三。成婚日。具筵八席。四品官納采禮。緞衣二襲。緞衾褥一具。金約領一具。金耳飾全副。納采日。具筵用牲二。成婚日。具筵六席。五品官納采禮。與四品官同。納采日。具筵用牲二。成婚日。具筵五席。六品以下官納采禮。與五品官同。納采日。具筵用牲二。成婚日。用牲三。軍民人等納采禮。衣一襲。衾褥一具。金耳環全副。納采日。具筵用牲一。成婚日。用牲二。○康熙七年定。公納采禮。緞衣五襲。緞衾褥四具。金

約領一具。金簪四枝。金耳飾全副。金指環四。是日具筵十有六席。成婚日。筵二十六席。侯納采禮。緞衣五襲。緞衾褥三具。金約領一具。金簪三枝。金耳飾全副。是日具筵十有三席。成婚日。筵二十席。伯納采禮與侯同。納采日。具筵十有二席。成婚日。筵十有八席。一品官納采禮。緞衣四襲。緞衾褥三具。金約領一具。金簪三枝。金耳飾全副。是日具筵十席。成婚日。筵十有六席。二品官納采禮。緞衣三襲。緞衾褥二具。餘與一品官同。是日具筵八席。成婚日。筵十有二席。三品官納采禮。與二品官同。納采日。燕用牲八。成婚日。具筵九席。四品官納采禮。緞衣二襲。餘與三品同。納采日。燕用牲七。成婚日。具筵八席。五品官納采禮。與四品官同。納采日。燕用牲六。成婚日。具筵六席。六品以下官納采禮。與五品官同。納采日。燕用牲五。成婚日。用牲七。○雍正元年定。公納采禮。金約領一具。金簪三枝。金耳飾一副。緞衣四襲。緞衾褥三具。納采日。燕用牲九。成婚日。具筵二十席。侯納采禮與公同。納采日。燕用牲八。成婚日。具筵十有八席。伯納采禮與侯同。納



采日。燕用牲七。成婚日。具筵十有七席。一品官納采禮。緞衣三襲。餘與伯同。納采日。燕用牲六。成婚日。具筵十有五席。二品官納采禮。緞衣二襲。緞衾褥二具。餘與一品官同。納采日。燕用牲四。成婚日。具筵十有三席。三品官納采禮。金簪二枝。餘與二品官同。納采日。燕用牲三。成婚日。具筵八席。四品官納采禮。金約領一具。金耳飾一副。緞衣一襲。緞衾褥一具。納采日。燕用牲二。成婚日。具筵六席。五品官納采禮。與四品官同。納采日。燕用牲二。成婚日。具筵五席。六品以下納采禮。與五品官同。納采日。具筵用牲二。成婚日。用牲三。自四品以下。約領耳飾。各聽其力能具者備用。軍民人等納采禮。衣一襲。衾褥一具。具筵用牲一。成婚日。用牲二。凡有品級官員婚嫁。或用本官執事。鼓樂人不得過十二名。鐙不得過六對。無品級人及生監軍民。不得借用執事。鼓樂人不得過八名。鐙不得過四對。一應糜費。概行嚴禁。又定。漢人婚娶。納采及成婚禮。四品官以上。紬緞不得過八疋。金銀首飾不得過八件。食品不得過十。五品以下官各減二。八

品官以下。有頂戴人員以上。又各減二。軍民人等。紬絹不得過四。果盒不得過四。其金銀財禮。官民概不許用。至庶民婦女。有借用冠帔補服。大輪者禁。違者罪坐夫男。



飾寶如版。圓珠各三十。佩囊文繡。燧觚刀削。結佩惟宜。條皆明黃色。其二龍文金方版四。其飾祀

天用青金石。祀

地用黃玉。朝

日用珊瑚。夕

月用白玉。每具銜東珠五。佩帔及條。惟

圓丘用純青。餘如圓版朝帶之制。中約圓結。如版飾。銜

東珠各四。佩囊純石青。左觴右削。並從版色。吉服冠。頂滿花金座。上銜大珍珠一。龍袍。色用明

黃。領袖皆石青。片金緣。繡文金龍九。列十二章。間以五色雲。領前後正龍各一。左右及交襟處

行龍各一。袖端正龍各一。下幅八寶立水。裾左

右開。吉服朝珠。珍寶隨所御。吉服帶。用明黃色。鏤金版四。方圓惟便。銜以珠玉。雜寶惟宜。左右

佩帔純白。下直而齊。中約金結。如版飾。餘如朝帶。常服冠。紅絨結頂。常服褂。色用石青。花文隨

所御。常服袍。色及花文隨所御。裾左右開。常服帶。如吉服。雨冠雨衣。雨裳之制。皆用明黃色。氈

及羽緞。油紬。惟其時。崇德元年定。冠用東珠

寶石飾頂。服黃袍。帶用玉。飾金銜珠。康熙二十二年定。凡大典禮及祭

壇

廟。冠用大珍珠。東珠飾頂。禮服用黃色。秋香色。藍色。五

爪三爪龍文。雍正元年定。祭服用天青。明黃

大紅。月白。四色。織為圓金龍九。當龍口珠各一。

腰襴小圓金龍。彩雲環之。下作山水之狀。

皇后冠服。

皇后冬朝冠。黃貂為之。上綴朱緯。頂三層。貫東珠各

一。皆承以金鳳。飾東珠各三。珍珠各十七。上銜

大東珠一。朱緯上周。綴金鳳七。飾東珠各九。貓

睛石各一。珍珠各二十一。後金翟一。飾貓睛石

一。珍珠十六。翟尾垂珠。凡珍珠三百有二。五行

二就。每行大珍珠一。中間金銜青金石結一。飾

東珠珍珠各六。末綴珊瑚。冠後護領。垂明黃條

二。末綴寶石。青緞為帶。夏朝冠。青絨為之。餘皆

如冬朝冠。金約。鏤金雲十三。飾東珠各一。間以

青金石。紅片金裏。後繫金銜綠松石結。貫珠下

垂。凡珍珠三百二十四。五行三就。每行大珍珠

一。中間金銜青金石結二。每具飾東珠珍珠各

八。末綴珊瑚耳飾。左右各三。每具金龍銜一等東珠各二。朝褂之制三。皆石青色。片金緣。其一繡文前後立龍各二。下通襞積。四層相間。上為正龍各四。下為萬福萬壽。其二繡文前後正龍各一。腰帷行龍四。中有襞積。下幅行龍八。其三繡文前後立龍各二。中無襞積。下幅八寶平水。領後皆垂明黃條。其飾珠寶惟宜。朝袍之制三。皆明黃色。其一披領及袖皆石青。片金加貂緣。肩上下襲朝褂處亦加緣。繡文金龍九。間以五色雲。中無襞積。下幅八寶平水。披領行龍二。袖端正龍各一。袖相接處行龍各二。其二披領及袖皆石青。冬用片金。加海龍緣。夏用片金緣。肩上下襲朝褂處亦加緣。繡文前後正龍各一。兩肩行龍各一。腰帷行龍四。中有襞積。下幅行龍八。其三領袖片金。加海龍緣。夏片金緣。中無襞積。裾後開。餘俱如貂緣朝袍之制。領後垂明黃條。飾珠寶惟宜。領約。鑲金為之。飾東珠十一。間以珊瑚。兩端垂明黃條二。中各貫珊瑚。末綴綠松石各二。朝珠三盤。東珠一。珊瑚二。佛頭記念背雲大小墜。珠寶雜飾惟宜。條皆明黃色。綵悅

綠色。繡文為五穀豐登。佩箴管繫。袞之屬。條皆明黃色。冬朝裙。片金加海龍緣。上用紅織金壽字緞。下石青行龍。襪緞。皆正幅。有襞積。夏朝裙。片金緣。緞紗各惟其時。吉服冠。頂用東珠。龍褂之制二。皆石青色。其一繡文五爪金龍八團。兩肩前後正龍各一。襟行龍四。下幅八寶立水。袖端行龍各二。其二制如之。下幅及袖端。不施章采。龍袍之制三。色用明黃。領袖皆石青。其一繡大金龍九。間以五色雲。福壽文采惟宜。下幅八寶立水。領前後正龍各一。左右及交襟處行龍各一。袖如朝袍。裾左右開。其二繡文五爪金龍八團。兩肩前後正龍各一。襟行龍四。下幅八寶立水。領袖及裾均如前制。其三制如之。下幅不施章采。吉服朝珠一盤。珍寶隨所御。條皆明黃色。

皇貴妃  
 貴妃  
 妃

嬪冠服。

皇貴妃朝冠。頂三層。貫東珠各一。皆承以金鳳。飾東珠各三。珍珠各十七。上銜大珍珠一。朱緯上周綴金鳳七。飾東珠各九。珍珠各二十一。後金翟一。飾貓睛石一。珍珠十六。翟尾垂珠。凡珍珠一百九十二。三行二就。中間金銜青金石結一。飾東珠珍珠各四。末綴珊瑚。冠後護領。垂明黃條二。末綴寶石。青綴為帶。金約。鏤金雲十二。飾東珠各一。間以珊瑚。紅片金裏。後繫金銜綠松石結。貫珠下垂。凡珍珠二百有四。三行三就。中間金銜青金石結二。每具飾東珠珍珠各六。末綴珊瑚。耳飾。左右各三。每具金龍銜二等東珠各二。領約。鏤金為之。飾東珠七。間以珊瑚。兩端垂明黃條二。中各貫珊瑚。末綴珊瑚各二。朝珠三盤。琥珀一。珊瑚二。餘如

皇后。龍褂。色用石青。繡文五爪金龍八團。兩肩前後正龍各一。襟行龍四。下幅八寶立水。袖端行龍各二。龍袍。色用明黃。領袖皆石青。繡文金龍九。間以五色雲。福壽文。米惟宜。下幅八寶立水。領前後正龍各一。左右及交襟處行龍各一。袖如

朝袍。裾左右開。吉服朝珠一盤。條明黃色。餘皆如

皇后。

貴妃冠服。垂條皆金黃色。袍色亦用金黃。餘皆如皇貴妃。

妃朝冠。頂二層。貫東珠各一。皆承以金鳳。飾東珠共九。珍珠各十七。上銜貓睛石。朱緯上周綴金鳳五。飾東珠各七。珍珠各二十一。後金翟一。飾貓睛石一。珍珠十六。翟尾垂珠。凡珍珠一百八十八。三行二就。中間金銜青金石結一。飾東珠珍珠各四。末綴珊瑚。冠後護領。垂金黃條二。末綴寶石。青綴為帶。金約。鏤金雲十一。飾東珠各一。間以青金石。紅片金裏。後繫金銜綠松石結。貫珠下垂。凡珍珠一百九十七。三行三就。中間金銜青金石結二。每具飾東珠珍珠各六。末綴珊瑚。耳飾。左右各三。每具金龍銜三等東珠各二。綵悅。繡文為雲芝瑞草。吉服冠。頂用碧璽。餘皆如

貴妃。

嬪朝冠。頂二層。貫東珠各一。皆承以金翟。飾東珠

共九。珍珠各十七。上銜礪子。朱緯上周綴金翟五。飾東珠各五。珍珠各十九。後金翟一。飾珍珠十六。翟尾垂珠。凡珍珠一百七十二。三行二就。中間金銜青金石結一。飾東珠珍珠各三。末綴珊瑚冠後護領。垂金黃條二。末綴寶石。青緞為帶。金約。鑲金雲八。飾東珠各一。間以青金石。紅片金裏。後繫金銜綠松石結。貫珠下垂。凡珍珠一百七十七。三行二就。中間金銜青金石結二。每具飾東珠珍珠各四。末綴珊瑚耳飾。左右各三。每具金龍銜四等東珠各二。朝珠三盤。珊瑚一。寶珀二。緣帽。不繡花文。龍褂。繡文兩肩前後。正龍各一。襟夔龍四。袍皆用香色。餘皆如妃。

國初定。凡慶賀大典。

皇貴妃

貴妃冠頂。用東珠十有二。

妃用東珠十有一。禮服用鳳凰翟鳥五爪龍緞。粧緞八國龍緞。若黃色秋香色。不得用。

嬪冠頂。用東珠十。禮服用翟鳥五爪龍緞。粧緞四國龍緞。

皇太子冠服。康熙十四年定。冠頂用東珠十有三。禮服用秋香等色。五爪三爪龍緞。滿翠八國龍等緞。帶用玉版。以金銜之。飾以東珠。

皇子

皇子福晉冠服。

皇子冬朝冠。黃貂為之。十一月朔至上元用青狐頂金龍二層。飾東珠十。上銜紅寶石。夏朝冠。前綴舍利。飾東珠五。後綴金花。飾東珠四。頂如冬朝冠。端罩紫貂為之。金黃緞裏。左右垂帶各二。下廣而銳。色與裏同。龍褂。色用石青。繡五爪正面金龍四圍。兩肩前後各一。間以五色雲。朝服之制。皆金黃色。其一披領及裳。皆表以紫貂。袖端黃貂。繡文兩肩前後正龍各一。襖積行龍六。間以五色雲。其二披領及袖皆石青。冬用片金加海龍緣。夏用片金緣。繡文兩肩前後正龍各一。腰帷行龍四。裳行龍八。披領行龍二。袖端正龍各一。中有襖積。下幅八寶平水。朝珠。不得用東珠。餘隨所用。條皆金黃色。朝帶。色用金黃。金銜玉方版四。每具飾東珠四。中飾貓睛石一。左右佩條如帶色。吉服冠。紅絨結頂。蟒袍。色用

金黃片金緣。繡文通九蟒。裾左右開。吉服帶色。用金黃版飾。惟宜佩條如帶色。雨冠雨衣雨裳之制。均用紅色。氈及羽紗油紬。惟其時。

皇子福晉朝冠。頂鏤金三層。飾東珠十。上銜紅寶石。朱緯上周綴金孔雀五。飾東珠各七。小珍珠三十九。後金孔雀一。垂珠三行二就。中間金銜青金石結一。飾東珠各三。末綴珊瑚。冠後護領垂金黃條二。末亦綴珊瑚。青緞為帶。金約鏤金雲九。飾東珠各一。間以青金石。紅片金裏。後繫金銜青金石結。貫珠下垂。三行三就。中間金銜

青金石結二。每具飾東珠珍珠各四。末綴珊瑚耳飾。左右各三。每具金雲銜珠各二。朝褂色用石青。片金緣。繡文前行龍四。後行龍三。領後垂金黃條。雜飾惟宜。朝袍用香色。披領及袖皆石青。冬用片金加海龍緣。夏用片金緣。肩上下襲朝褂處亦加緣。繡文前後正龍各一。兩肩行龍各一。襟行龍四。披領行龍二。袖端正龍各一。袖相接處行龍各二。裾後開。領後垂金黃條。雜飾惟宜。領約鏤金為之。飾東珠七。間以珊瑚。兩端垂金黃條二。中各貫珊瑚。末綴珊瑚各二。朝珠

三盤。珊瑚一。蜜珀二。條皆金黃色。絲。月白色。不繡花文。結佩惟宜。條皆金黃色。冬朝裙。片金加海龍緣。上用紅緞。下石青行龍。襪。皆正幅。有襪積。夏朝裙。片金緣。緞紗各惟其時。吉服冠頂用紅寶石。吉服褂。色用石青。繡五爪正龍四圍。前後兩肩各一。蟒袍。用香色。通繡九龍。吉服朝珠一盤。條金黃色。○嘉慶四年

諭。向來阿哥等。俱戴紅絨結頂帽。朝帽係戴用紅寶石頂。惟夏季遇有戴羽纓帽時。與常人無所區別。嗣後如戴羽纓帽。即著戴用紅寶石頂。

皇孫

皇孫福晉冠服。

皇孫冬朝冠。黃貂為之。十一月朔至上元用青狐頂金龍二層。飾東珠七。上銜紅寶石。夏朝冠前綴舍林。飾東珠三。後綴金花。飾東珠二。頂如冬朝冠。端罩青狐為之。月白緞裏。左右垂帶各二。下廣而銳。色與裏同。補服。色用石青。前後繡四爪正蟒各一圍。冬朝服二。其色俱不得用金黃。餘隨所用。其一披領及裳。俱表以紫貂。袖端黃貂。兩肩前後繡蟒各一。襪積繡蟒六。間以五色

雲。其二冬用片金。加海龍緣。夏用片金緣。兩肩  
 前後繡蟒各一。腰帷繡蟒四。裳繡蟒八。披領繡  
 蟒二。袖端繡蟒各一。下幅八寶平水。吉服冠。紅  
 絨結頂。吉服褂。用圓壽字雙螭補。前後兩團。蟒  
 袍。用藍醬色。夏季羽纓冠。頂用紅寶石。至有封  
 爵及續受封爵。所用服色。照所封品級改用。  
 皇孫福晉冬朝冠。頂鏤金二層。飾東珠七。上銜紅  
 寶石。朱緯上周綴金孔雀五。飾東珠各三。後金  
 孔雀一。垂珠三行二就。中間金銜青金石結一。  
 末綴珊瑚。冠後護領。垂石青條二。末亦綴珊瑚。  
 青緞為帶。夏朝冠。青絨為之。餘俱如冬朝冠。朝  
 褂。色用石青。片金緣。前繡蟒四。後繡蟒三。領後  
 垂石青條。雜飾惟宜。冬朝袍。藍與石青諸色隨  
 所用。片金加海龍緣。夏朝袍。片金緣。肩上下襲  
 朝褂處亦加緣。前後繡蟒各一。兩肩繡蟒各一。  
 襟繡蟒四。披領繡蟒二。袖端繡蟒各一。袖相接  
 處繡蟒各二。裾後開。領後垂石青條。雜飾惟宜。  
 吉服。用八圓壽字雙螭補褂。蟒袍。紅綠顏色  
 各隨其宜。惟不准用金黃香色。受封後所用服  
 色。視

皇孫。  
 皇曾孫  
 皇曾孫福晉冠服。  
 皇曾孫冬朝冠。頂用金龍二層。飾東珠六。上銜紅  
 寶石。夏朝冠。前綴舍林。飾東珠二。後綴金花。飾  
 東珠一。頂如冬朝冠。補服。色用石青。前後繡四  
 爪行蟒各一團。蟒袍。用藍醬色。吉服冠。紅絨結  
 頂。吉服褂。用圓壽字寶相花補。前後兩團。夏季  
 羽纓冠。紅寶石頂。其餘冠制與端罩及冬夏朝  
 服。均與  
 皇孫同。封爵後所用服色。照所封品級改用。  
 皇曾孫福晉冬夏朝冠。頂鏤金二層。飾東珠六。上  
 銜紅寶石。吉服。用八圓壽字寶相花補褂。其  
 餘冠制與朝褂冬夏朝服蟒袍。均與  
 皇孫福晉同。受封後所用服色。視  
 皇曾孫。  
 皇元孫  
 皇元孫福晉冠服。  
 皇元孫冬朝冠。頂用金龍二層。飾東珠五。上銜紅  
 寶石。夏朝冠。前綴舍林。飾東珠一。後綴金花。飾



緣松石一。頂如冬朝冠。端罩紫貂為之。月白緞裏。左右垂帶各二。下廣而銳。色與裏同。補服。色用石青。前後繡四爪正蟒。方補。吉服冠。紅絨結頂。吉服用織金瓜。夏季羽纓冠。紅寶石頂。其餘冠制與冬夏朝服蟒袍均與

皇曾孫同。封爵後服色照所封品級改用。

皇元孫福晉冬夏朝冠。頂鑲金二層。飾東珠五。上銜紅寶石。吉服用繡五彩瓜。其餘冠制與朝褂及冬夏朝服蟒袍均與

皇曾孫福晉同。受封後所用服色視

皇元孫。

親王冠服。凡親王端罩。青狐為之。月白緞裏。若

賜金黃色者亦得用之。補服。色用石青。繡五爪金龍四圍。前後正龍。兩肩行龍。朝服蟒袍。藍及石青。諸色隨所用。若

賜金黃色者亦得用之。吉服冠。頂用紅寶石。若

賜紅絨結頂者亦得用之。坐褥。冬用純貂皮。夏用五

爪龍。紅緞襯。紅白氈。餘皆如

皇子。崇德元年定冠頂三層。上銜紅寶石。中飾

東珠八。前舍林飾東珠四。後金花飾東珠三。帶用玉四。以金銜之。共飾東珠四。坐褥。冬用豹皮。夏用蟒緞襯。紅白氈。順治九年題准。冠頂三層。共飾六分以下東珠十。舍林飾東珠五。後花飾東珠四。帶玉各飾東珠四。貓睛石一。補服用五爪圓龍文四。服用滿翠五爪四圍龍緞。坐褥。冬用純貂皮。夏用五爪龍紅緞襯。紅白氈。乾隆三十年奏定。坐褥。冬用猓狽緣。貂皮緣邊。

世子冠服。凡親王世子朝冠。頂金龍二層。飾東珠九。上銜紅寶石。朝帶。金銜玉方版四。每具

飾東珠三。坐褥。冬用猓狽緣。貂皮。夏用四爪蟒文藍緞。餘如親王。順治九年題准。冠頂三

層。共飾五分以下東珠九。帶用玉四。以金銜之。各飾東珠三。服與親王同。坐褥。冬用猓狽緣

貂皮。夏用四爪蟒文藍緞襯。紅白氈。乾隆三

十年奏定。坐褥。冬用貂皮。猓狽緣邊。

郡王冠服。凡郡王朝冠。頂金龍二層。飾東珠八。上銜紅寶石。夏朝冠。前綴舍林。飾東珠四。後

綴金花。飾東珠三。補服。繡五爪行龍四圍。兩肩前後各一。朝帶。金銜玉方版四。每具飾東珠二。

1. 續修四庫全書 史部 政書類 6 頁之四

貓睛石一。餘皆如親王世子。○崇德元年定冠頂三層。上銜紅寶石。中飾東珠七。前舍林飾東珠三。後金花飾東珠二。帶用玉四。以金銜之。飾綠松石四。坐褥。冬用貂皮。夏用蟒緞。襯紅白氈。○順治九年題准。冠頂飾五分以下東珠八。舍林飾東珠四。後花飾東珠三。帶玉各飾東珠二。貓睛石一。服與親王同。坐褥與世子同。○乾隆三十年奏定。坐褥。冬用貂皮。猓狽猴緣邊。貝勒冠服。○凡貝勒朝冠。頂金龍二層。飾東珠七。上銜紅寶石。夏朝冠。前綴舍林。飾東珠三。後綴金花。飾東珠二。補服。前後繡四爪正蟒各一團。朝服蟒袍。均不得用金黃色。餘隨所用朝服之制。如郡王。通繡蟒文。皆四爪。蟒袍如之。朝帶。金銜方玉版四。每具飾東珠二。佩條皆用石青色。坐褥。冬用猓狽猴皮。夏用藍氈花緞。餘如郡王。○崇德元年定。冠頂三層。上銜紅寶石。中飾東珠六。前舍林飾東珠二。後金花飾東珠一。帶用玉四。以金銜之。飾寶石四。坐褥。冬用虎皮。夏用閃緞。襯紅白氈。○順治九年題准。冠頂飾四分以下東珠七。舍林飾東珠三。後花飾東珠二。

帶玉各飾東珠二。補服。用四爪團龍文二。及蟒文。氈花等緞。坐褥。冬用猓狽猴皮。夏用藍氈花緞。襯紅白氈。貝子冠服。○凡貝子朝冠。頂金龍二層。飾東珠六。上銜紅寶石。戴三眼孔雀翎。夏朝冠。前綴舍林。飾東珠二。後綴金花。飾東珠一。補服。前後繡四爪行蟒各一團。朝帶。金銜玉方版四。每具飾東珠一。吉服冠。頂用紅寶石。戴三眼孔雀翎。坐褥。冬用白豹皮。夏用藍緞。緣以氈緞。餘皆如貝勒。○崇德元年定。冠頂二層。上銜紅寶石。中飾東珠五。前舍林。後金花。各飾東珠一。帶用玉四。以金銜之。飾藍寶石四。坐褥。冬用方虎皮。夏用藍緞。襯紅氈。○順治九年題准。冠頂共飾四分以下東珠六。舍林飾東珠二。後花飾東珠一。帶玉各飾東珠一。服與貝勒同。坐褥。冬用白豹皮。夏用藍緞。緣以氈緞。襯紅白氈。鎮國公冠服。○凡鎮國公朝冠。頂金龍二層。飾東珠五。上銜紅寶石。戴雙眼孔雀翎。夏朝冠。前綴舍林。飾東珠一。後綴金花。飾綠松石一。端罩。紫貂為之。月白緞裏。補服。前後繡四爪正蟒。方

補朝帶。金銜玉方版四。每具飾貓睛石一。吉服冠。入八分公頂用紅寶石。不入八分公用珊瑚。均戴雙眼孔雀翎。坐褥冬用紅豹皮。夏用紅閃緞。襯白氈。餘皆如貝子。○崇德元年定。冠頂二層。上銜紅寶石。中飾東珠四。前舍林飾東珠一。後金花飾綠松石一。帶用玉四。以金銜之。飾藍寶石四。坐褥冬用方虎皮。夏用紅褐襯紅氈。○順治九年題准。冠頂共飾四分以下東珠五。舍林飾東珠一。後花飾綠松石一。帶玉各飾貓睛石一。服用四爪方蟒緞。餘與貝勒同。坐褥冬用

紅豹皮。夏用紅閃緞。襯紅氈。

輔國公冠服。○凡輔國公朝冠。頂金龍二層。飾東珠四。上銜紅寶石。戴雙眼孔雀翎。坐褥冬用紅豹皮。去首尾。夏用青閃緞。餘皆如鎮國公。○崇德元年定。冠頂二層。上銜紅寶石。中飾東珠三。前舍林飾綠松石一。後金花飾寶石一。帶與鎮國公同。坐褥冬用狼皮。夏用紅褐緣。早褐。襯紅氈。○順治九年題准。冠頂共飾四分以下東珠四。坐褥冬用方赤豹皮。夏用青閃緞。襯紅氈。餘與鎮國公同。○又定。不入八分公以下。均用

三分以下東珠。

鎮國將軍冠服。○凡鎮國將軍朝冠。頂鏤花金座。中飾東珠一。上銜紅寶石。補服前後繡麒麟。吉服冠。頂用珊瑚。餘皆視一品。○崇德元年定。冠頂上銜紅寶石。帶用金圓版。飾紅寶石四。坐褥冬用雜皮。夏用早褐。襯紅氈。○順治九年題准。冠頂中飾三分以下東珠一。帶用方玉四。以金銜之。各飾紅寶石一。補服用麒麟。餘與鎮國公同。坐褥冬用狼皮。夏用紅褐緣。早褐。襯紅氈。○乾隆二年議准。坐褥夏用紅褐。餘如舊制。

輔國將軍冠服。○凡輔國將軍朝冠。頂鏤花金座。中飾小紅寶石一。上銜鏤花珊瑚。補服前後繡獅。吉服冠。頂用鏤花珊瑚。餘皆視二品。○崇德元年定。冠頂上銜藍寶石。帶用圓金版。坐褥冬用貉皮。夏用早布。襯紅氈。○順治九年題准。冠頂上銜紅寶石。中飾小紅寶石一。帶用圓金版四。各飾紅寶石一。補服用獅。餘與鎮國公同。坐褥冬用雜皮。夏用紅褐緣。早褐。襯紅氈。○雍正八年議准。冠頂上銜起花珊瑚。中飾小紅寶石。○乾隆二年議准。坐褥夏用紅褐緣。早褐。餘

如舊制。

奉國將軍冠服。○凡奉國將軍朝冠。頂鏤花金座。中飾小紅寶石一。上銜藍寶石。補服。前後繡豹。吉服冠。頂用藍寶石。餘皆視三品。○崇德元年。定冠頂上銜水晶。帶用玲瓏鍍金方鐵版四。坐褥。冬用野山羊皮。夏用藍布襯紅氈。○順治九年。題准。冠頂上銜紅寶石。中飾小藍寶石一。帶用起花金圓版四。補服用豹。餘與鎮國公同。坐褥。冬用貉皮。夏用阜布襯紅氈。○雍正八年。議准。冠頂上銜藍寶石。或藍色明玻璃。中飾小紅寶石。○乾隆二年。議准。坐褥。夏用阜褐緣紅褐。餘如舊制。

奉恩將軍冠服。○凡奉恩將軍冠服。頂鏤花金座。中飾小藍寶石一。上銜青金石。補服。前後繡虎。吉服冠。頂用青金石。餘皆視四品。惟衣裾四。啟。帶用金黃色。餘皆同。凡宗室衣裾皆四。○順治九年。題准。冠頂上銜藍寶石。中飾小藍寶石一。帶用鏤花銀圓版四。以金銜之。補服用虎。餘與鎮國公同。坐褥。冬用野山羊皮。夏用藍布襯白氈。○雍正八年。議准。冠頂上銜青金石。或藍

色涅玻璃。中飾小藍寶石。○乾隆二年。議准。坐褥。夏用阜布襯紅氈。餘如舊制。

宗室覺羅冠服。○順治九年。題准。閒散宗室服。用蟒緞。粧緞。倭緞。金花緞。及各種花素緞。衣四開裾。得挂數珠。馬繫繫纓。得用青緞。坐褥。襯白氈。覺羅服。用金花緞。倭緞。各種花素緞。○康熙十一年。題准。宗室服。許用貂皮。狍狍。○乾隆四十七年。

諭。近觀蒙古世襲家譜。知各蒙古王公子嗣及閒散台吉塔布囊。年已及歲者。俱各按定例。給以應得品級。官頂。而宗室中除承襲封爵及現有官職外。其閒散宗室。向無按品給頂之例。現在宗支繁衍。瓜瓞綿延。皆我

祖

宗派系流傳。譜列銀潢。名登

玉牒。乃以身無職級。竟至與齊民無別。殊不足以示親親。而崇體制。嗣後著將王貝勒貝子公子嗣及閒散宗室。年已及歲者。俱照蒙古王公台吉塔布囊之例。分別給予品級官頂。其宗室現在當差職分較小者。准其與閒散宗室一體。照例換給官頂。在宗室等身

有品級。自必各知自愛。不至蕩檢踰閑。其中或有不肖犯法之人。亦照蒙古台吉塔布囊之例。即行革去官頂。如此則於褒榮之中。仍寓勸懲之意。藉此可以教育成全。而天家子姓。俱得邀章服之榮。益足昭國家睦族展親之誼。甚盛典也。所有如何分別嫡庶等第酌給官頂之處。著大學士軍機大臣會同宗人府詳細妥議具奏。至

聖祖

世宗之孫。及現在皇子皇孫皇曾孫元孫輩。俱可戴紅絨結頂。其如何分別支派遠近。准其戴用之處。亦著

一併妥議具奏。再覺羅雖亦係宗親。但派系稍遠。向准其同旗人應試出仕。且有任各省州縣者。一體另給官頂。於現任統屬儀制。轉多未協。毋庸另行議及。將此通諭知之。欽此。遵

旨議定。

聖祖仁皇帝

世宗憲皇帝之孫。未授官爵之先。俱遵

旨戴用紅絨結頂。至十八歲時。照其父職分。依新例按

品換戴官頂補服。

皇孫

皇曾孫

皇元孫輩。俱戴紅絨結頂。服用花褂。統俟

賞封爵秩時。再照所封爵秩換戴官頂補服。聞散宗

室

賞給四品官頂。並准其穿用四品武職補服。永著為

令。



輔國公夫人吉服褂制如鎮國公夫人餘皆如  
 縣君輔國公女鄉君朝冠頂鏤金二層飾東珠  
 二金約鏤金雲三餘皆如鎮國公女崇德元  
 年定冠頂大簪舍林領約各用東珠二順治  
 九年題准鎮國公女鄉君冠頂等各飾東珠四  
 輔國公女鄉君冠頂等各飾東珠三服與縣君  
 同  
 王公等側室女冠服康熙四十五年題准王  
 貝勒側室女封授比嫡降二等冠服等各視所  
 降品級用貝子鎮國公輔國公側室女雖降等  
 食五品六品俸其冠頂服色仍與鄉君同  
 固倫公主額駙冠服凡固倫額駙冠服視貝  
 子頂用紅寶石戴三眼孔雀翎帶用金黃色  
 崇德元年定固倫額駙冠服與貝子同若原係  
 貝勒以上各照封爵用順治八年定冠頂飾  
 東珠六舍林飾東珠三後花飾東珠一帶用金  
 鑲圓玉版四各飾東珠一○九年定坐褥冬用  
 白豹皮夏用藍緞緣緹緞襯紅氈○道光二十  
 三年改定帶用石青色或藍色  
 和碩公主額駙冠服○凡和碩額駙冠服視鎮

國公頂用珊瑚戴雙眼孔雀翎惟朝帶色用石  
 青或藍金銜玉圓版四吉服帶色用石青或藍  
 餘皆同崇德元年定與超品公同如封爵在  
 超品公上者各照封爵用順治八年定冠頂  
 飾東珠四舍林飾東珠一後花飾綠松石一帶  
 用金鑲圓玉版四各飾貓睛石一○九年題准  
 坐褥冬用方赤豹皮夏用青閃緞襯紅氈十  
 六年定在京額駙冠頂嵌東珠五坐褥冬用紅  
 豹皮夏用紅閃緞襯紅氈皆視鎮國公○康熙  
 三十年定蒙古和碩公主額駙頂帶坐褥皆照  
 貝子品級○三十九年奏准公主下嫁於在京  
 額駙照例頂帶坐褥皆視鎮國公品級戴雙眼  
 孔雀翎  
 郡主額駙冠服○凡郡主額駙冠服視武一品  
 惟朝帶用鏤金銜玉圓版四每具飾綠松石一  
 坐褥冬用虎皮去首尾夏用藍緞襯紅氈崇  
 德元年定冠頂上銜紅寶石飾東珠一帶用金  
 圓版四飾綠松石四坐褥冬用狼皮夏用阜褐  
 襯紅氈○順治八年定冠頂飾東珠三帶用金  
 鑲圓玉版四各飾綠松石一○九年題准坐褥

冬用方虎皮夏用藍緞襯紅氈。康熙元年題准補服用四爪蟒。雍正五年題准郡主額駙冠頂用珊瑚。乾隆三十一年定

皇朝禮器圖式冠頂仍作飾東珠一。

縣主額駙冠服。凡縣主額駙冠服視武二品。惟坐褥冬用雜皮夏用青布緣紅布襯紅氈。崇德元年定冠頂上銜紅寶石帶用金圓版四飾紅寶石四坐褥冬用雜皮夏用青布緣紅布襯紅氈。雍正五年題准縣主額駙冠頂用鍍花珊瑚。

郡君額駙冠服。凡郡君額駙冠服視武三品。惟坐褥冬用貉皮夏用青布襯紅氈。崇德元年定冠頂上銜藍寶石帶用金圓版四坐褥冬用貉皮夏用青布襯紅氈。乾隆十二年奏准郡君額駙冠頂視三品官用藍寶石及藍色明玻璃。

縣君額駙冠服。凡縣君額駙冠服視武四品。惟朝帶用鍍金方鐵版四坐褥冬用青羊皮夏用阜布襯紅氈。崇德元年定冠頂上銜水晶帶用鍍金方鐵版四坐褥冬用青山羊皮夏用

藍布襯白氈。康熙四十五年題准貝子側夫人所生女額駙授為六品。雍正五年題准縣君額駙冠頂用青金石。

鄉君額駙冠服。凡鄉君額駙冠服視武五品。惟朝帶用鍍金方鐵版四坐褥冬用青羊皮夏用藍布襯白氈餘皆同。崇德元年定冠用金頂帶用鍍金圓鐵版四坐褥冬用鹿皮夏用白氈。康熙四十五年題准鎮國輔國公側夫人所生女額駙授為七品。乾隆十二年定鄉君額駙視五品官冠頂用水晶及白色明玻璃。

親王福音冠服。凡親王福音吉服褂繡五爪金龍四圍前後正龍兩肩行龍餘皆如

皇子福音。崇德元年定嫡福音冠頂大簪舍林領約各用東珠八側福音冠頂等各飾東珠七。順治九年題准嫡福音冠頂等各飾東珠十。補服用五爪團龍文四服用雜緞及五爪四團滿翠翟鳥五爪龍緞側福音冠頂等各飾東珠九服與嫡福音同。

世子福音冠服。凡親王世子福音朝冠頂鍍金二層飾東珠九上銜紅寶石未緯上周綴金



孔雀五。飾東珠各六。後金孔雀一。垂珠三行二就。中間金銜青金石結一。飾東珠各三。末綴珊瑚。冠後護領。垂金黃條二。末亦綴珊瑚。金約。鑲金雲八。飾東珠各一。間以青金石。後繫金銜青金石結。貫珠下垂。三行三就。中間金銜青金石結二。每具飾東珠珍珠各四。末綴珊瑚。餘皆如親王福音。○順治九年題准。嫡福音冠頂服飾。與親王側福音同。側福音冠頂等。各飾東珠八。服與嫡福音同。

郡王福音冠服。○凡郡王福音朝冠。頂鑲金二層。飾東珠八。上銜紅寶石。朱緯上周綴金孔雀五。飾東珠各五。後金孔雀一。垂珠三行二就。中間金銜青金石結一。末綴珊瑚。冠後護領。垂金黃條二。末亦綴珊瑚。金約。鑲金雲八。飾東珠各一。間以青金石。後繫金銜青金石結。貫珠下垂。三行三就。中間金銜青金石結二。末綴珊瑚。吉服褂。繡五爪行龍四團。前後兩肩各一。餘皆如親王世子福音。○崇德元年定。嫡福音冠頂大簪。舍林領約。各用東珠七。側福音冠頂等。各飾東珠六。○順治九年定。嫡福音冠頂服飾。與世

子側福音同。側福音冠頂等。各飾東珠七。補服用團蟒文二。服用雜綴蟒緞及各種花素緞。貝勒夫人冠服。○凡貝勒夫人朝冠。頂鑲金二層。飾東珠七。上銜紅寶石。朱緯上周綴金孔雀五。飾東珠各三。後金孔雀一。垂珠三行二就。中間金銜青金石結一。末綴珊瑚。冠後護領。垂石青條二。末亦綴珊瑚。金約。鑲金雲七。飾東珠各一。間以青金石。後繫金銜青金石結。貫珠下垂。三行三就。中間金銜青金石結二。末綴珊瑚。朝褂繡四爪蟒。領後垂石青條。朝袍藍及石青諸色。隨所用。領袖冬用片金加海龍緣。夏用片金緣。繡四爪蟒。領後垂石青條。領約朝珠綵悅條。皆石青色。吉服褂。前後繡四爪正蟒各一團。蟒袍藍及石青諸色。隨所用。通繡九蟒。餘皆如郡王福音。○崇德元年定。嫡夫人冠頂大簪。舍林領約。各用東珠六。側夫人冠頂等。各飾東珠五。○順治九年題准。嫡夫人冠頂服飾。與郡王側福音同。側夫人冠頂等。各飾東珠六。服與嫡夫人同。

貝子夫人冠服。○凡貝子夫人朝冠。頂鑲金二

層飾東珠六。金約鏤金雲六。吉服褂。前後繡四爪行蟒各一團。餘皆如貝勒夫人。○崇德元年定。嫡夫人冠頂大簪舍林領約。各用東珠五。側夫人。各飾東珠四。○順治九年題准。嫡夫人冠頂服飾。與郡王側福晉同。側夫人冠頂等。各飾東珠五。服與嫡夫人同。鎮國公夫人冠服。○凡鎮國公夫人朝冠。頂鏤金二層。飾東珠五。金約鏤金雲五。吉服褂。繡花八團。餘皆如貝子夫人。○崇德元年定。嫡夫人冠頂大簪舍林領約。各用東珠四。○順治九年題准。嫡夫人冠頂等。各飾東珠五。服與貝子夫人同。側夫人冠頂等。各飾東珠四。服與嫡夫人同。輔國公夫人冠服。○凡輔國公夫人朝冠。頂鏤金二層。飾東珠四。金約鏤金雲四。餘皆如鎮國公夫人。○崇德元年定。嫡夫人冠頂大簪舍林領約。各用東珠三。○順治九年題准。嫡夫人冠頂等。各飾東珠四。服與貝子夫人同。側夫人冠頂等。各飾東珠三。服與嫡夫人同。不入八分公及鎮國輔國奉國奉恩將軍夫人

等冠服。○凡鎮國將軍夫人朝冠。均視一品命婦。輔國將軍夫人冠服。均視二品命婦。奉國將軍淑人冠服。均視三品命婦。奉恩將軍恭人冠服。均視四品命婦。○崇德元年定。冠頂服飾。止准正室各照夫品級用。超品民公侯冠服。○崇德元年定。冠頂上銜紅寶石。中飾東珠二。帶用金鑲玉版四。坐褥冬用方虎皮。夏用紅褐。襯紅氈。民公民公夫人冠服。○凡民公冬朝冠。薰貂為之。十一月朔至上元。用青狐頂鏤花金座。中飾東珠四。上銜紅寶石。端罩貂皮為之。藍緞裏。補服。色用石青。前後繡四爪正蟒。朝服。藍及石青。諸色隨所用。其制披領及袖皆石青。冬用片金加海龍緣。夏用片金緣。兩肩前後正蟒各一。腰帷行蟒四。中有襲積。裳行蟒八。緣貂朝服之制。披領及裳。俱表以紫貂。袖端薰貂。兩肩前後正蟒各一。襲積行蟒四。皆四爪。曾賜五爪蟒緞者。亦得用之。朝珠。珊瑚。青金。綠松。蜜珀。隨所用。雜飾。惟宜。條用石青色。朝帶。色用石青。或藍。鏤金銜玉圓版四。每具飾貓睛石一。佩帨

下廣而銳。吉服冠頂用珊瑚。蟒袍蓋及石青諸色。隨所用。通繡九蟒。吉服帶佩。帔下直而齊。版飾及佩。惟宜。雨冠雨衣及裳。均用紅色。坐褥冬用全虎皮。夏用青閃緞。襯紅氈。民公夫人冬朝冠。薰貂為之。頂鏤花金座。中飾東珠四。上銜紅寶石。前綴金簪三。飾以珠寶。護領條用石青色。金約青緞為之。中綴鏤金火焰。飾珍珠一。左右金龍鳳各一。後垂青緞帶二。紅片金裏耳飾。左右各三。每具金雲銜珠各二。朝褂色用石青。片金緣。繡文前行蟒二。後行蟒一。領後垂石青條。雜飾惟宜。朝袍蓋及石青諸色。隨所用。披領及袖皆石青。冬用片金加海龍緣。夏用片金緣。繡文前後正蟒各一。兩肩行蟒各一。襟行蟒四。中無襷積。披領行蟒二。袖端正蟒各一。袖相接處行蟒各二。後垂石青條。雜飾惟宜。領約鏤金為之。飾紅藍小寶石五。兩端垂石青條二。中各貫珊瑚。末綴珊瑚各二。朝珠三盤。珊瑚青金綠松蜜珀。隨所用。雜飾惟宜。條用石青色。綵悅月白色。不繡花文。冬朝裙片金加海龍緣。上用紅緞。下石青行蟒。襪緞皆正幅。有襷積。夏朝裙片金

緣緞紗各。惟其時。吉服冠薰貂為之。頂用珊瑚。吉服褂色用石青。繡花八團。蟒袍蓋及石青諸色。隨所用。通繡九蟒。皆四爪。崇德元年定。冠頂上銜紅寶石。中飾東珠一。帶用金鑲圓玉版四。各飾綠松石一。坐褥冬用狼皮。夏用阜褐。襯紅氈。順治二年定。冠用起花金頂。上銜紅寶石。中飾東珠三。帶用金鑲圓玉版四。各飾綠松石一。八年定。冠頂飾東珠四。帶玉各飾貓睛石一。九年定。補服或用麒麟。或用四爪蟒。坐褥冬用虎皮。夏用青閃緞。襯紅氈。康熙元年題准。補服用四爪蟒。侯伯子男暨夫人冠服。凡侯朝冠。頂鏤花金座。中飾東珠三。上銜紅寶石。朝帶鏤金銜玉圓版四。每具飾綠松石一。坐褥冬用虎皮。去首尾。夏用青色綠花閃緞。餘皆如公。伯朝冠。頂鏤花金座。中飾東珠二。上銜紅寶石。朝帶鏤金銜玉圓版四。每具飾紅寶石一。坐褥冬用虎皮。去首尾。夏用藍雲緞。餘皆如侯。子朝冠。頂鏤花金座。中飾東珠一。上銜紅寶石。補服前後繡麒麟。吉服冠頂用珊瑚。餘皆視一品男朝冠。頂鏤花金

座。中飾小紅寶石一。上銜珊瑚。補服前後繡獅。吉服冠頂用鏤花珊瑚。餘皆視二品。侯夫人朝冠頂鏤花金座。中飾東珠三。上銜紅寶石。餘皆如民公夫人。伯夫人朝冠頂鏤花金座。中飾東珠二。上銜紅寶石。餘皆如侯夫人。子夫人朝冠頂鏤花金座。中飾東珠一。上銜紅寶石。餘皆如伯夫人。男夫人朝冠頂鏤花金座。中飾紅寶石一。上銜珊瑚。吉服冠頂鏤花珊瑚。餘皆如子夫人。○順治二年定。冠用起花金頂。上銜紅寶石。中飾東珠一。帶用金鑲方玉版四。各飾紅寶石一。○六年定。冠頂飾東珠二。帶用金鑲圓玉版四。各飾紅寶石一。○八年定。侯冠頂飾東珠三。帶玉各飾綠松石一。○九年題准。侯伯補服或用麒麟。或用四爪蟒。○又題准。侯坐褥冬用方虎皮。夏用藍緞。伯坐褥冬與侯同。夏用紅褐。皆襯紅氈。○康熙元年題准。侯伯補服用四爪蟒。○乾隆二年議准。侯坐褥夏用青色綠花閃緞。伯坐褥夏用藍雲緞。餘如舊制。品官命婦冠服。○凡文一品朝冠頂鏤花金座。中飾東珠一。上銜紅寶石。補服前後繡鶴。朝帶

鏤金銜玉方版四。每具飾紅寶石一。坐褥冬用狼皮。夏用紅褐。餘皆如公。武一品補服前後繡麒麟。餘皆如文一品。文二品冬朝冠。薰貂為之。十一月朔至上元。用貂尾頂鏤花金座。中飾小紅寶石一。上銜珊瑚。補服前後繡錦雞。朝帶鏤金圓版四。每具飾紅寶石一。吉服冠頂鏤花珊瑚。雨冠紅色。雨衣雨裳青色。惟各省巡撫均得用紅色坐褥冬用雜皮。夏用紅褐。緣阜褐。餘皆如文一品。武二品補服前後繡獅。餘皆如文二品。文三品朝冠頂鏤花金座。中飾小紅寶石一。上銜藍寶石。補服前後繡孔雀。朝帶鏤花金圓版四。吉服冠頂用藍寶石。坐褥冬用貉皮。夏用阜褐。緣紅褐。餘皆如文二品。武三品冬朝冠。薰貂為之。補服前後繡豹。餘皆如文三品。惟無緣貂朝服及端罩。一等侍衛戴孔雀翎。端罩捨獬豸為之。間以貂皮。月白緞裏。餘皆如武三品。文四品冬朝冠。薰貂為之。頂鏤花金座。中飾小藍寶石一。上銜青金石。補服前後繡雁。朝帶銀銜鏤花金圓版四。吉服冠頂用青金石。蟒袍通繡八蟒。皆四爪。雨冠紅色。前加緣二寸五分。後五寸。青色。坐褥

冬用山羊皮。夏用阜褐。餘皆如文三品。惟無緣。紹朝服及端罩。武四品補服。前後繡虎。餘皆如文四品。二等侍衛戴孔雀翎。端罩。紅豹皮為之。素紅緞裏。朝服翦絨緣。色用石青。通身雲緞。前後方欄。行蟒各一。腰帷行蟒四。中有襞積。領袖俱石青。雜緞。冬夏皆用之。餘皆如武四品。雨冠。御前侍衛。

乾清門侍衛。皆用紅色。雨衣雨裳。

御前侍衛用紅色。其餘侍衛各從其品。文五品朝冠。頂鏤花金座。中飾小藍寶石一。上銜水晶。補服。

前後繡白鵬朝服。片金緣。色用石青。通身雲緞。前後方欄。行蟒各一。中有襞積。領袖俱石青。雜緞。冬夏皆用之。朝帶。銀銜素金圓版四。吉服冠。頂用水晶。坐褥冬用青羊皮。夏用藍布。襯白氈。餘皆如文四品。武五品補服。前後繡熊。餘皆如文五品。惟無朝珠。三等侍衛戴孔雀翎。端罩。黃狐皮為之。月白緞裏。朝服翦絨緣。如文五品朝服之制。餘皆如武五品。文六品朝冠。頂鏤花金座。中飾小藍寶石一。上銜碑。補服。前後繡鷺。朝帶。銀銜玳瑁圓版四。吉服冠。頂用碑。坐

褥冬用黑羊皮。夏用黑校色布。餘皆如文五品。惟無朝珠。武六品補服。前後繡彪。餘皆如文六品。藍翎侍衛戴藍翎。端罩。朝服朝珠。均如三等侍衛。餘皆如武六品。文七品朝冠。頂鏤花金座。中飾小水晶一。上銜素金。補服。前後繡鸞。朝帶。素銀圓版四。吉服冠。頂用素金。蟒袍通繡五蟒。皆四爪。雨冠青色。前加緣二寸五分。後五寸。紅色。坐褥冬用鹿皮。夏用灰色布。餘皆如文六品。武七品補服。制如武六品。餘皆如文七品。文八品朝冠。鏤花陰文金頂。無飾。補服。前後繡鶴。

鷄。朝服色用石青雲緞。無蟒。領袖皆青。倭緞。中有襞積。冬夏皆用之。朝帶。銀銜明羊角圓版四。吉服冠。鏤金陰文金頂。坐褥冬用麂皮。夏用土布。餘皆如文七品。武八品補服。前後繡犀牛。餘皆如文八品。文九品朝冠。鏤花陽文金頂。補服。前後繡練雀。朝帶。銀銜烏角圓版四。吉服冠。鏤花陽文金頂。坐褥冬用獺皮。夏用土布。餘皆如文八品。武九品補服。前後繡海馬。餘皆如文九品。未入流冠服。制如文九品。嘉慶五年。品及未入流。朝服。俱當遵會典。分別裁用。母計借越。裁用七品。素金頂。其補服。亦應按照定。

制俱不得稍有借越。至外間民人涼暖帽上俱  
用緞絨大結。尤屬非是。並著一體嚴行禁止。其  
游手棍徒及逃匪等。有假充職官戴用  
金頂者。著實力嚴拿。毋任宵小弊混。左都御  
史副都御史監察御史各省按察使及道員補  
服均前後繡獬廌。其都察院都事經歷筆帖式  
及按察使經歷照磨等官。俱照本身品級。不得  
用獬廌補服。官員父母受封者。冠服得如所封  
之品。官員加級受封。冠服均從本任。惟致仕後  
准照所封之品服用。其京外革職留任之員。准  
照原品頂戴服用。其有加級捐封因公革職未  
追

封誥者。止准服用原任官頂戴榮身。以示區別。凡一  
品命婦朝冠。頂鏤花金座。中飾東珠一。上銜紅  
寶石。餘皆如民公夫人。二品命婦朝冠。頂鏤花  
金座。中飾紅寶石一。上銜珊瑚。吉服冠。頂鏤花  
珊瑚。餘皆如一品命婦。三品命婦朝冠。頂鏤花  
金座。中飾紅寶石一。上銜藍寶石。吉服冠。頂用  
藍寶石。餘皆如二品命婦。四品命婦朝冠。頂鏤  
花金座。中飾小藍寶石一。上銜青金石。朝袍。片  
金緣。繡文前後行蟒各二。中無襷積。後垂石青  
條。雜飾惟宜。朝裙。片金緣。上用綠緞。下石青行

蟒。襪。織皆正幅有襷積。吉服冠。頂用青金石。蟒  
袍。通八蟒。皆四爪。餘皆如三品命婦。五品命婦  
朝冠。頂鏤花金座。中飾小藍寶石一。上銜水晶。  
吉服冠。頂用水晶。餘皆如四品命婦。六品命婦  
朝冠。頂鏤花金座。中飾小藍寶石一。上銜碑礪。  
吉服冠。頂用碑礪。餘皆如五品命婦。七品命婦  
朝冠。頂鏤花金座。中飾小水晶一。上銜素金。吉  
服冠。頂用素金。蟒袍。通五蟒。皆四爪。餘皆如六  
品命婦。崇德元年定。都統尚書冠。頂。上銜紅  
寶石。帶用金圓版四。飾紅寶石四。內大臣大學  
士副都統護軍統領前鋒統領侍郎冠。頂。上銜  
藍寶石。帶用金圓版四。一等侍衛護衛參領前  
鋒參領學士滿啟心郎郎中冠。頂。上銜水晶。帶  
用鍍金鐵版四。二等三等侍衛護衛佐領漢啟  
心郎員外郎冠。頂。用金頂。帶用鍍金圓鐵版四。護  
軍校主事冠。頂。用金頂。帶用鍍金圓鐵版二。又  
定。坐褥。都統尚書冬用雜皮。夏用皂布。緣紅布。  
內大臣大學士副都統前鋒統領護軍統領侍  
郎。冬用貉皮。夏用皂布。以上皆襯紅氈。一等待  
衛護衛參領前鋒參領學士滿啟心郎郎中。冬

用青山羊皮。夏用藍布。皆襯白氈。二等侍衛護衛。佐領漢啟心郎員外郎。冬用鹿皮。夏止用白氈。○順治二年定。一品官冠用鏤花金頂。上銜紅寶石。中飾東珠。帶用金方玉版。四。各飾紅寶石。二品官冠用鏤花金頂。上銜紅寶石。中飾小紅寶石。帶用鏤花金圓版。四。各飾紅寶石。三品官冠用鏤花金頂。上銜紅寶石。中飾小藍寶石。帶用鏤花金圓版。四。四品官冠用鏤花金頂。上銜藍寶石。中飾小藍寶石。帶用銀鑲鏤花金圓版。四。五品官冠用鏤花金頂。上銜水晶。中飾小藍寶石。帶用銀鑲素金圓版。四。六品官冠用鏤花金頂。上銜水晶。帶用金鑲玳瑁圓版。四。七品官冠用鏤花金頂。中飾小藍寶石。帶用素銀圓版。四。八品官冠用鏤花金頂。帶用銀鑲明羊角圓版。四。九品官冠用鏤花銀頂。帶用銀鑲烏角圓版。四。○九年題准。官員補服。文官。一品用仙鶴。二品用錦雞。三品用孔雀。四品用雲雁。五品用白鷗。六品用鷺鷥。七品用鸚鵡。八品用鶴。九品用練雀。武官。一品二品用獅子。三品用虎。四品用豹。五品用熊。六品七品用彪。八

品用犀牛。九品用海馬。都察院按察使司衙門官。不論品級。均用獬廌。○又定。坐褥。一品官冬用狼皮。夏用紅褐。緣阜褐。二品官冬用獾皮。夏用阜布。緣紅布。三品官冬用貉皮。夏用阜布。以上皆襯紅氈。四品官冬用山羊皮。夏用藍布。襯白氈。五品官以下。冬用鹿皮。襯白氈。夏止用白氈。○康熙元年題准。武官一品補服用麒麟。○又題准。文武一品官。雖有加級。不許過本品補服。○三年題准。武職三品補服用豹。四品用虎。○雍正六年覆准。都察院都事經歷筆帖式。按察使司經歷照磨等官。均用本身品級補服。不得用獬廌補服。○八年議准。二品官朝冠頂上銜鏤花珊瑚。中飾小紅寶石。三品官上銜藍寶石。或藍色明玻璃。中飾小紅寶石。四品官上銜青金石。或藍色涅玻璃。中飾小藍寶石。五品官上銜水晶。或白色明玻璃。中飾小藍寶石。六品官上銜碑礪。或白色涅玻璃。中飾小藍寶石。七品官用素金頂。中飾小水晶。八品官用鏤花金頂。九品官用鏤花銀頂。未入流與九品同。候補候選與現任同。若在部學習行走之生監。視八

品筆帖式。九品之讀祝贊禮鳴贊序班。均視八品。各府州縣學教職。皆照出身用金頂。○乾隆二年覆准。一品坐褥。夏用紅褐。二品用紅褐緣。三品用阜褐緣。紅褐。四品用阜布。以上皆襯紅氈。其皮坐褥。仍用舊制。五品冬用青羊皮。夏用藍布。六品冬用黑羊皮。夏用黑梭色布。七品冬用鹿皮。夏用灰色布。八品冬用鹿皮。夏用土布。九品冬用獺皮。夏亦用土布。未入流與九品同。以上皆襯白氈。○嘉慶五年奏准。文八品官用鏤花陰文金頂。九品官未入流用鏤花陽

文金頂。武職同。

士庶冠服。○凡會試中式貢士朝冠。頂鏤花金座。上銜金三枝九葉。吉服冠。頂用素金。舉人公服冠。頂鏤花銀座。上銜金雀。公服袍。青紬為之。藍緣。披領如袍飾。公服帶。制如文八品朝帶。吉服冠。頂銀座。上銜素金。貢生吉服冠。鏤花金頂。餘皆如舉人。監生吉服冠。素銀頂。餘皆如貢生。生員公服冠。頂鏤花銀座。上銜銀雀。公服袍。藍紬為之。青緣。披領如袍飾。公服帶。制如文九品朝帶。吉服冠。制如監生。外郎耆老冠。頂以錫。祭

祀文舞生冬冠。駮鼠為之。頂鏤花銅座。中飾方銅鏤葵花。上銜銅三角如火珠形。袍以紬為之。其色

南郊用石青。

北郊用黑。

祈穀壇

太廟

社稷壇

朝日壇

帝王廟

先師廟

先農壇

太歲壇均用紅。

夕月壇用月白。前後方欄銷金葵花。帶綠紬為之。祭祀武舞生頂。上銜銅三棱如古戟形。袍以紬為之。通銷金葵花。餘如文舞生袍之制。帶制如文舞生。祭祀執事人袍之制。其一以紬為之。不加緣。其色

南郊用石青。

北郊用黑。其二青紬為之。



太廟

先師廟

先農壇

太歲壇均用藍緣

祈穀壇

社稷壇

朝日壇

帝王廟均用石青緣

夕月壇用月白緣帶制如文舞生樂部樂生冬冠駮鼠為之頂鏤花銅座上植明黃翎袍之制二其

一紅緞為之前後方襴繡黃鸝中和韶樂部樂生執戲竹人服之其二紅緞為之通織小團葵花丹陛大樂諸部樂生服之帶用綠雲緞鹵簿與士冬冠以豹皮及黑氈為之頂鏤花銅座上植明黃翎袍制如丹陛大樂諸部樂生帶制如祭祀文舞生鹵簿護軍袍石青緞為之通織金壽字片金緣領及袖端皆織金葵花鹵簿校尉冬冠以豹皮為之亦以黑氈為之平檐頂素銅座上植明黃翎袍及帶制如鹵簿與士從耕農官冠青絨為之頂同八品補服色用石青前後

繡彩雲捧日袍青絹為之上加披領腰為襍積如朝袍不加緣月白絹裏○順治二年定舉人官生貢生監生冠用金雀頂帶用銀鑲明羊角圓版四外郎耆老冠用烏角壺盧頂○三年定會試中式舉人冠用裏金三枝九葉頂狀元冠用鏤花金頂上銜水晶帶用銀鑲玳瑁圓版四○九年題准舉人官生貢生監生公服阜袍緣藍生員冠服藍袍緣阜○道光八年奏准舉人照七品官例戴素金頂貢生照八品官例戴陰文鏤花金頂毋庸更換銀座生員監生仍戴銀頂武職八品以下頂戴與文職同

欽定大清會典事例卷三百二十八

禮部

冠服 冠服通例

冠服通例。凡王公朝服。親王至入八分公冠。頂均三重。上用紅寶石。中飾東珠。親王飾珠十。世子。郡王。貝勒。貝子。鎮國公。輔國公。以次減一。冠前綴舍利。親王世子飾東珠五。郡王。貝勒。貝子。鎮國公。遞減如之。輔國公與鎮國公同。冠後綴金花。親王世子飾東珠四。郡王。貝勒。貝子。遞減亦如之。鎮國公。輔國公。各飾綠松石一。服。親

王。世子。郡王。用滿翠龍文繒。貝勒。貝子。鎮國公。輔國公。用蟒文綠繒。襟袂及袍。緣以金花繒。冬。緣以貂。補服。親王用圓龍文四。前後正龍。左右旁龍。世子。郡王。旁龍圓文四。長子。貝勒。正蟒圓文二。貝子。正蟒圓文二。鎮國公。方正蟒二。輔國公。方正蟒二。表裘得用黑狐。帶均用金黃色組。施方玉四。銜以金。親王。玉各飾貓睛石一。東珠四。世子。郡王。貝勒。貝子。各以次減一。鎮國公。輔國公。玉各飾貓睛石一。鎮國將軍冠頂同一品。補服用麒麟。輔國將軍同二品。補服用獅。奉國

將軍同三品。補服用豹。奉恩將軍同四品。補服

用虎。服均用蟒文綠繒。帶各如其所同之品。其餘宗室及覺羅冠頂補服。各從其品。餘服宗室得視公以下。帶用金黃組。覺羅得用金花綠繒。及諸花素繒。帶用紅組。公主。郡主。冠頂均三重。郡君以下均二重。上用紅寶石。飾以東珠。固倫公主飾珠十。和碩公主九。郡主八。縣主七。郡君六。縣君五。鄉君。鎮國公女四。輔國公女三。其大簪。金約耳飾。領約飾珠各如之。服。公主。郡主。用翟烏龍文滿翠繒。縣主以下用蟒文繒。緣

飾用金花繒。冬用貂。補服。固倫公主視親王。和碩公主。郡主。視世子。縣主視郡王。郡君視貝勒。縣君視貝子。鄉君。鎮國公女。視鎮國公。輔國公女。視輔國公。諸王。貝勒。側室女。冠服降適二等。貝子。側室女。視五品。公。側室女。視六品。蒙。自公主以下。均得施綠繒。親王。福晉。冠服視固倫公主。世子。福晉。飾珠視和碩公主。郡王。福晉。飾珠視郡主。服均視親王。福晉。貝勒。夫人。冠服均視縣主。貝子。夫人。飾珠視郡君。服如貝勒。夫人。鎮國公。夫人。冠服均視縣君。輔國公。夫人。冠服均

視鎮國公女。親王世子側福晉冠降適一等。服如適福晉。郡王側福晉及貝勒以下各側夫人。冠服均降適一等。若不入八分公夫人。及鎮國輔國奉國奉恩各將軍夫人冠服。惟正室得從夫品。民公侯伯冠頂均上用紅寶石。中飾東珠。公用珠四。侯伯以次減一。服得用貂緣及蟒繡金花綵繪。補服用方蟒文二。表裘用貂。帶用圓玉四。銜以金。公飾玉以貓睛石。侯綠松石。伯紅寶石。子男冠服各從其品。固倫公主額駙冠頂上用紅寶石。中飾東珠六。舍林飾東珠二。後花飾東珠一。帶用圓玉四。銜以金。玉各飾東珠一。服視貝子。若爵在貝子以上。則從其爵。和碩公主額駙冠頂銜寶石如之。中飾東珠四。舍林飾東珠一。後花飾綠松石一。帶玉各飾貓睛石一。服視公。若爵在公以上。則從其爵。郡主額駙冠頂上銜珊瑚。中飾東珠三。帶玉各飾綠松石一。縣主額駙冠頂用鏤花珊瑚。帶用圓金版四。各飾紅寶石一。服均與和碩公主額駙同。郡君額駙冠服均視三品。帶用圓金版四。縣君額駙視四品。鄉君額駙視五品。帶均用鍍金方鐵版四。

各側室女額駙冠服均降適二等。品官一品至九品均鏤金為頂。一品上用紅寶石。中飾東珠。二品用鏤花珊瑚。中飾小紅寶石。三品用藍寶石。中飾如二品。四品用青金石。中飾小藍寶石。五品用水晶。中飾如四品。六品用碑礫。中飾如五品。七品用素金頂。中飾水晶。八品用鏤花陰文金頂。九品用鏤花陽文金頂。未入流視九品。服自一品至三品。得用貂緣及蟒繡金花綵繪。七品以上。得用金花綵繪。八九品得用素繡。領袂均得用蟒繡及金花繡。補服文職一品用鶴。二品錦雞。三品孔雀。四品雁。五品白鷺。六品鷺。七品鴻鵠。八品鶴鷄。九品練雀。武職一品麒麟。二品獅。三品豹。四品虎。五品熊。六品彪。七八品犀牛。九品海馬。都御史。副都御史。至監察御史。直省按察使。道員。均用獬廌。其都察院都事。經歷。筆帖式。按察使司經歷。照磨等官。仍從其品。貂裘四品以上及翰詹科道官用之。帶一品用金銜方玉四。各飾紅寶石一。二品鏤金圓版四。飾如一品。三品鏤金圓版四。四品銀銜鏤金圓版四。五品銀銜素金圓版四。六品銀銜瑇瑁版四。七

品銀圓版四。八品銀銜明羊角圓版四。九品銀銜烏角圓版四。士庶公服。狀元頂戴視六品。會試中式貢士冠用裏金三枝九葉頂。服均如常制。舉人官生貢生監生冠帶視八品。服阜繒緣青。生員冠帶視九品。服青繒緣阜。外郎耆老冠頂以錫。公侯伯子男及品官已受封父母冠服並得從子。婦冠服從其夫。凡綵服。王公百官冠頂均二重。王公冠頂用紅寶石。民公侯伯及一品官均珊瑚。二品鏤花珊瑚。三品以下至未入流各視朝冠頂。綵服王公宗室裾均四啟。親王世子郡王用龍文綵繒。貝勒貝子公用蟒文綵繒。公主福晉命婦以朝服所得用龍蟒各綵繒為之。民公侯伯以下文武官。裾啟前後均用蟒文綵繒。襟袂緣以金花繒。補服與朝服同。大臣文武職相兼者。文職太用文補服。武職太用武補服。凡常服親王至入八分公。冠用紅寶石頂。餘均如綵服制。袍色均用藍。亦間用諸色。表文色用青。均不施章采。凡衣服織文。親王世子郡王貝勒用龍文。貝子公用蟒文。親王福晉以下各從其夫之服。宗室各將軍民公以下。四品官

以上及

御前侍從官。均得用蟒文。七品以上官得用諸花繒。八九品官用雜花及素繒。舉人視七品。貢監生員視八品。軍民商賈吏員得用絞絹。餘並不得僭擬。凡帶親王以下。宗室以上。皆束金黃帶。覺羅束紅帶。其金黃帶紅帶。非

上賜者不得給予異姓。凡朝珠。王以下。文職五品武職四品以上。及翰詹科道官侍衛。公主福晉以下。五品官命婦以上。均得用。以雜寶及諸香為之。禮部主事。太常寺博士典簿讀祝官贊禮郎。

鴻臚寺鳴贊。光祿寺署正。署丞典簿。國子監監丞。博士助教學正。學錄。除在

壇廟執事及

殿廷侍儀。准用。其平時燕處及在公署仍不得用。珠系及佩囊。惟諸王公主福晉得用金黃組。貝勒以下。均不得僭擬。佩囊影帶。左右垂帶下為飾。王公百官咸用之。佩刀素鞬飾雜寶。凡孔雀翎。翎端三圓文者。貝子戴之。二圓文者。鎮國公輔國公和碩額駙戴之一圓文者。內大臣。一二

三四等侍衛前鋒護軍各統領參領前鋒侍衛諸王府長史散騎郎二等護衛均得戴之。翎根並綴藍翎。貝勒府司儀長親王以下二三等護衛及前鋒親軍護軍校均戴染藍翎。凡坐褥親王冬用貂。夏用龍文赤繒。世子郡王冬用猞猁。夏用貂。夏用青繒。貝勒冬用猞猁。夏用青繒。施綠。貝子冬用白豹。夏用綠繒。綠繒。均藉紅白氈。鎮國公冬用全赤豹皮。夏用青花赤繒。輔國公冬用方赤豹皮。夏用赤花皂繒。均藉紅氈。鎮國將軍視一品。輔國將軍視二品。奉國將軍視三品。奉恩將軍視四品。民公冬用全虎皮。夏用皂繒。侯伯冬均用方虎皮。夏用綠花皂繒。伯用青雲繒。均藉紅氈。子男各從其品。固倫公主額駙視貝子。和碩公主額駙視鎮國公。郡主額駙冬用雜。夏用皂繒。綠紅繒。均藉紅氈。郡君額駙視三品。縣君額駙視四品。鄉君額駙視五品。文武官一品冬用狼。夏用紅。二品冬用雜。夏用紅。綠皂。三品冬用貉。夏用皂繒。綠紅。四品冬用青山羊。夏用皂。均藉紅。五品冬用青羊。夏用青布。六品冬用黑羊。夏用棧色布。七品冬用鹿。夏用灰色布。八品冬

用麕。夏用土布。九品冬用獺。夏與八品同。均藉白氈。凡雨冠雨衣。以氈或羽緞油紬為之。皇帝用明黃色。親王至宗室公用紅色。職官文武一品大臣及御前行走侍衛直省督撫。雨冠雨衣均用大紅色。文武二三品及內廷行走官員。雨冠用大紅色。雨衣青色。四品至六品官。雨冠紅色青緣。七品以下有頂戴人員。雨冠青色紅緣。雨衣青色。軍民雨冠雨衣俱青色。凡官民帽纓。不得用紅紫綫。披領荷包腰帶。鞞底牙縫。不得用黃色。帽上圓月。官員用紅片金。庶人用紅緞。凡寒煖更用冠服。每歲春季用涼朝冠及夾朝衣。秋季用暖朝冠及緣皮朝衣。於三九月內。或初五日或十五日或二十五日酌擬二日。均前一月禮部奏請。得旨通行各衙門一體遵照。每歲十一月初一日起。至次年正月十六日止。朝會祭祀。俱用緣貂朝衣。禮部先期奏請。得旨行宗人府轉行王公。並通行在京三品以上各衙門。凡筵燕迎

鑾以及一切嘉禮。俱衣蟒袍補服。每月朔日及初五。初十。十五。二十。二十五等日。俱衣補服。大祀齋戒。如遇素服日期。

皇帝御常服挂朝珠。陪祀執事王公大臣官員。俱常服挂朝珠。無執事及不陪祀王公大臣官員。常服不挂朝珠。祭日如遇素服日期。行禮時衣祭服。禮畢後更常服。不挂朝珠。凡祈雨。承祭官及陪祀官各雨纓素服。日月食。是日官員俱常服。救護官員素服行禮。如遇大祀之日。陪祀之王公大臣官員應救護者。換素服行救護禮。其不

陪祀。不救護。進內當差之王公大臣官員及在署視事各員均常服。凡王公以下額駙等以及民公侯伯一二品大臣侍衛內。有蒙上賜紅絨結頂冠者。除所賜外。不得如式更製。郡王以下均不得用織金彩色。五爪龍衣服。及五爪暗龍緞。若上賜者許用。仍去一爪。若王等賞所屬織金彩色龍者。雖服過。仍去一爪。其餘服物。不得使受賞者踰越品級。凡王公以下。不得用上用服色黃色秋香色及黑狐皮。五品官以下。不得

用蟒緞。緹緞。貂皮。狨。獬。八品官以下。不得用大花緞紗。及白豹天馬等皮。凡四品以下。除京堂翰詹科道侍衛等官外。不得用端罩。文四品以下。武三品以下。除有職掌大臣及一等待衛外。不得用緣貂朝衣。朝會之地。除應用端罩人員外。不得反穿皮衣。混充補服。凡內外文武大小官員頂帽補服坐褥。悉照本身現任品級。不得計算加級。借越服用。革職留原任者。仍視原品。革職官無封銜者。原品冠服不得用。進士舉人授八九品小京官教職者。仍用進士舉人素

金頂。並七品補服。其由進士舉人出身。降補佐雜等官者。照現任品級戴用。不得仍用進士舉人頂戴。其大銜借補小缺者。照本銜戴用。凡文武官迎送謁見上司。止用補服。不得濫用朝服。披執。商賈有捐納職銜者。冠服各從其品。無職銜者與庶民同。凡考職吏員。在籍止用頂帽。不得借用補服。內外各衙門供事書吏。非年滿考職者。並不得借用金頂。奴僕優伶卑隸。止准服用繭紬毛褐葛布梭布絡皮羊皮。其紡絲紬絹緞紗綾羅及各種細毛。俱不准服用。冬帽用染

騷鼠狐貉獺皮。不得用貂。民人冬夏帽上。不得用絨纓大結。凡文武官員上朝及坐班時。如非雨雪。戴雨纓涼帽者。照例參處。宗室覺羅人員。不繫黃紅帶。侍衛職官不戴翎頂。在街市閒游者。該衙門查參。○崇德元年定。親王以下至臣民等。均不得用黃色及五爪龍鳳黃色緞。其馬飾等禁例同。○又定。親王以下。宗室以上。皆束金黃帶。覺羅束紅帶。其金黃帶紅帶。不得給予異姓。若

上賜者不在禁例。○又定。戴翎之制。貝子戴三眼孔雀翎。

雀翎。根綴藍翎。鎮國公輔國公戴雙眼孔雀翎。

根綴藍翎。護軍統領護軍參領戴單眼孔雀翎。

根綴藍翎。護軍校戴染藍鸞鷲翎。○又定。命婦

冠服。各照夫品用。○順治三年覆准。庶民不得

用繡緞等服。滿洲家人不得用錦繡蟒緞。粧緞

○八年

諭。官民等帽纓不得用紅紫綫。披領繫繩荷包腰帶褲

底牙縫不得用黃色。朝服便服表裏。皆不得用黃色

秋香色。○九年議准。涼帽暖帽上圓月。官員用紅片

金。庶人用紅緞。涼帽四品以上用片金裏。五品

以下用紅緞裏。均倭緞緣邊。庶人用青藍緞緣邊。○又題准。民公侯服用貂緣朝衣。貂端罩貂

袍。蟒緞粧緞金花緞。倭緞各種團龍緞花素緞。

一品至四品及侍衛護衛服。與民公侯伯同。五

品至七品服用金花緞。倭緞花素緞。八九品服

用素緞。凡朝服披領及袖均得用蟒緞金花緞。

御前侍從得用蟒緞粧緞及各種緞服皮服。親王親

隨。頂戴補服外。服色視五品。世子郡王親隨視

六品。公侯伯大小官員父母從子品用。其未分

居子未出嫁女除頂戴補服外。其餘服色照父

品用。已分居子照本品用。已出嫁女照夫品用。

護軍服用素緞。領催吏書通事者老兵民商賈

等。准用素緞素紗綾紬絹紡絲各色布。准帶貂

帽狐皮帽。僧道服除袈裟法衣外。准用紬絹紡

絲素紗各色布。其袍用土黃色緞色。奴僕及優

人卑隸准用狐貉沙狐皮帽。樂戶准用本色黃

鼠皮帽。涼帽用綠絹裏。綠絹緣邊。○又題准。凡

五爪三爪龍滿翠團龍緞及黃色秋香色黑狐

皮。

上賜者許用外。餘皆禁止不得存留。亦不得製被褥

帳幔若有越用及存留者。係官照品議罰。常人鞭責。衣物入官。妻子借用者。罪坐家長。○又題准。官民等均戴絨纓涼帽。不遇陰雨。不得用。○十年題准。官員軍民。京城內不得用齊肩纓。如違官送吏部。兵民送刑部治罪。○十一年題准。官民等涼暖帽。皆用大圓月厚纓。違式者治罪。○十二年題准。喇嘛格隆服用黃紅色。非奉

上賜。不得用五爪龍團花。班第用黃帽紅衣。伍巴什伍巴三察服用灰色。○十五年題准。每年春用涼朝帽及夾朝衣。或三月十五日或二十五日為始。秋用暖朝帽及緣皮朝衣。或九月十五日或二十五日為始。請

旨通行。又王公百官有緣貂朝衣者。每年自十一月十五日為始。至正月十六日止。凡常朝慶賀祭祀日服用。若冬至日在十一月十五日前。自

南郊大祀日為始。○十八年議准。貝子公戴翎。均照舊例。內大臣一等二等三等侍衛前鋒統領護軍統領前鋒參領護軍參領諸王府長史一等護

衛戴單眼孔雀翎。根綴藍翎。貝勒府司儀長王府貝勒府二等三等護衛貝子公府護衛及護軍校均戴染藍翎。內外額駙。如非係內大臣不得戴。諸王府散騎郎。有輕車都尉以上世爵。戴單眼孔雀翎。根綴藍翎。其餘雖加級不得戴。○康熙元年題准。軍民等不得用蟒緞。緞金花緞片金緞。倭緞貂皮捨狝貉皮。○三年題准。文武四品以上用蟒緞。懸數珠。馬繫繫纓。五品以下不得用。○十一年題准。民公以下。四品官以上。及侍衛護衛。佩刀帶飾。素鞵。許飾綠松石。珊瑚寶石。五品以下不得用。五品以下官朝衣常服。許用蟒緞。緞倭緞為緣。舉人官生貢監生員。不得用貂皮捨狝白豹皮蟒緞。緞金花緞。護軍領催未入流筆帖式。准用青素緞。絢綾紡絲絹葛苧梭布。狼狐貉羊等皮。軍民及聽差人書吏。准用絢綾紡絲綿絢。繡屯絹葛苧梭布。狼狐貉羊等皮。冠用染騷鼠狐貉沙狐皮。帽上圓月准用片金。不得用狐狄沙狐。緞紗及緞鞵。鞵上不得緣綠斜皮。器飾不得用金。緣事革職人。不得用貂皮捨狝貉皮。緞緞金



花緞僧道除袈裟法衣外。服用與民同。奴僕優人阜隸。准用紡絲絹綿紬繭絨毛褐屯絹葛苧梭布。狼狐貉羊等皮。冠用染騷鼠狐貉獺皮。樂戶准用杭絹綿紬葛苧梭布羊皮。不得用諸種緞疋皮衣。冠用本色騷鼠涼帽用綠絹裏。綠絹緣邊。十二年題准。五品以下官。緣袖得用貂皮。裘襟用貂尾。其妻首飾等。得用綠松石珊瑚。未入流筆帖式。護軍領催例同。已故官員子。係護軍領催驍騎執事人。雖未出分。止照本身服用。若未經任事者。准視其父品級用。六十歲以上閒散人。准照護軍服用。凡未入流筆帖式以下至兵民等。不得用銀鼠皮。二十六年題准。凡官民等不得用暗花之四爪龍四團八團龍緞。及照品級織造暗花補服。又似秋香色之香色米色亦不得用。大臣官員有

上賜五爪龍緞。皆令去一爪用。三十九年

諭。部院筆帖式。服用僭越。至於未入流筆帖式。不過與驍騎護軍相等。其有僭越者。著再行禁止。又定。民公侯伯以上。不入八分。閒散宗室四品官三等侍衛以上。貂皮狍獐獾蟒緞。雜緞等皆得用。

其藍翎侍衛亦得用。無品閒散覺羅五六七品官。不得用蟒緞。雜緞。貂皮狍獐獾。八九品官。不得用蟒緞。雜緞。大花緞紗及貂皮狍獐獾白豹天馬銀鼠。滿洲蒙古漢軍官。往口外寒冷處出差。貂皮狍獐獾照常。漢官不於口外行走。四品職官以下概不得用。其漢官京堂以上。翰林科道滿洲贊禮官仍准用。一等二等三等侍衛參領郎中。許用貂皮緣披領及袍。閒散輕車都尉佐領騎都尉以下不得用。如

上賜及諸王貝勒等賞給者皆許用。其無品級筆帖式庫使八旗舉人官生貢監生生員護軍領催等。除大花緞紗及天馬銀鼠皮外。止許服尋常緞紗紬綾絹屯絹布葛布夏布貉皮沙狐灰鼠狼狐羊等皮。帽圍領許用貂皮。其妻均視夫服用。止許金耳環。至漢舉人官生貢監生生員例同。軍民書吏外郎。不得服狼狐冠。不得用貂緣飾。革職官除貂皮狍獐獾蟒緞。雜緞外。其餘服色均得用。帽緣得用貂。有封銜者仍照品級用。藍翎侍衛佩刀等。照五品以下官例。不得飾綠松石珊瑚寶石等物。其官兵甲冑佩刀囊韃等。

不在禁例。奴僕優人。阜隸等。狼皮狐皮並不得用。○又覆准。多羅貝勒親隨。頂戴補服外。服色准視七品官。固山貝子入八分公親隨。服色准視八品官。○四十年定。太醫院官醫士等。服飾悉照。

御前侍從例。○四十六年覆准。部院大臣並八旗閒散官。上朝及坐班時。如非下雨戴雨帽者。治罪。○四十九年覆准。內外文武官。或議敘加級。或捐納加級。例不得過一品。今緣捐納事例。任憑加級。遂自一品以至出品。冠頂坐褥。尊卑莫辨。

均與定例不符。嗣後七品八品九品加級者。不准過五品。五品六品加級者。不准過四品。四品三品加級者。不准過二品。二品加級者。不准過一品。一品如都統等大臣。照例飾東珠一。坐褥用狼皮。雖有加級。不得用東珠二。用虎皮坐褥。大學士尚書雖係二品。均是一等職掌。若有加級。冠頂坐褥與一品同。此外文武官。雖有加級。不准飾東珠。仍飾小紅寶石。羅皮坐褥。行令八旗並內府佐領直省。一例遵行。儻有僭越。該管大臣嚴拏交部治罪。如該管大臣不行嚴察。一

併議處。○五十一年覆准。文官朝服。武官披執。禁止濫用。在京官遇朝賀祭祀到任封印開印。照常朝服。各省官員拜。

龍牌到任封印開印祭丁入場。亦照常朝服披執外。其文武官謁見迎送上司。止用補服。如違禁濫用者。事覺照違禁例從重治罪。○雍正元年。

諭。大小官員。有一定之品級。即有一定之服式。所以重名器也。近多不按品級。輒帶數珠。馬項懸纓。前用導馬。更有將紬為坐具者。尤為僭越。嗣後應各按品級。遵奉定例而行。著八旗大臣步軍統領都察院嚴行。

稽查。如有此等之人。即行指參。若大臣官員等徇情疏忽。經朕察出。將伊等一併議處。再舊例諸王等以數珠鞵賞伊屬下者。許其服用。此等人員。難於稽查。嗣後著將賞用之處。行文該旗存案。年底彙奏。○又。

諭。上三旗前鋒侍衛等。向戴孔雀翎。下五旗前鋒侍衛等。向戴藍翎。嗣後著一例戴孔雀翎。○二年題准。凡文武大小官員。頂戴補服坐褥皆有等級。近來官員。皆越本職借用。此風萬不可長。嗣後凡加級官員。該管大臣。務查其於何任加級。及何處。

捐納。儻不行嚴察。仍有借用者。一併議處。又官員軍民服色。定例禁用黑狐皮秋香色米色香色等類。近來官員軍民以及家奴等。俱濫行服用。皆由該管官不實心奉行所致。嗣後如有違禁借用者。該管官不行拏送。事發將借用人及該管官。皆於例外加倍議處。○五年

諭。王公大臣官員等。朝服頂戴。皆有定制。但平時所用服色。未辨等級。其應如何分析之處。著議政大臣九卿會議具奏。欽此。遵

旨。議定。自親王以下。及現任並候補候選官員舉貢生

監。平時所戴涼帽暖帽。皆照朝冠頂顏色。分別等級。親王世子郡王長子員勒貝子。入八分公。咸用紅寶石頂。不入八分公。固倫額駙和碩公主額駙。民公侯伯。鎮國將軍。暨一品官。咸用珊瑚頂。輔國將軍。奉國將軍。多羅額駙。二品三品官。咸用起花珊瑚頂。奉恩將軍。固山額駙。暨四品官。咸用青金石頂。五品六品官。咸用水晶石頂。七品官以下。及進士舉人貢生。咸用金頂。生員監生。咸用銀頂。通行八旗直省。一例遵行。○六年

諭。凡革職留任降級留任之官員。其升轉開列及停扣俸祿之處。自有定例。但此等人員。既留原任。職掌班次。一切照舊。其朝服頂戴。亦應仍照本任之品級。准其穿戴。以肅威儀。著大學士九卿等會議具奏。欽此。遵

旨。議定。嗣後凡文武大小官員革職降級奉

旨留任者。除升轉開列及停扣俸祿之處。照例遵行外。其朝服頂戴。仍照本任品級用。○又題准。都察院衙門官。除左都御史副都御史。會同都御史及御史用獬廌補服外。其都事經歷筆帖式等官補服。各照本身品級。皆不得用獬廌補服。按察使司衙門官。除按察使巡道外。其所屬經歷照磨等官補服。亦各照本身品級用。七品官改用鏤花水晶頂。八品官仍用金頂。九品官改用鏤花金頂。進士戴頂與七品同。舉人改用銀托金頂。貢生改用銀托鏤花金頂。生員監生仍戴銀頂。又副參領給四品虛銜。戴青金石頂。由七品以下官補授副佐領者。給予六品虛銜。戴水晶石頂。副驍騎校護軍校。照八品官例用金頂。○七年

諭。百官章服。皆有一定之制。所以辨等威。昭品秩也。向來屢申禁飭。不許逾分濫用。以開僭越之端。定例昭然。各宜遵奉。聞近來服色頂戴。及坐褥項馬繫纓之屬。又有不按定例。任意假借者。御史有稽查部院之責。而各御史中。即有參差不齊之處。是己身先有逾分違禮之咎。又何以彈劾他人。嗣後紫禁城內。著三旗侍衛稽查。大城內著步軍統領稽查。外城著五城御史稽查。儻有違例僭越之人。而侍衛統領。御史不行參奏。別經發覺者。將稽查之人。一併處分。○八年

諭。大小官員。頂帽補服。坐褥等項。各宜遵照現任品級。不得僭越。從前已降諭旨。後因御史等查奏文武官員內。有補服與帽頂不相符者。朕又降旨。頂戴等項。各按本身品級。不得計算加級。所頒諭旨甚明。近聞文武官員。仍有越制擅用者。及該管官員查問時。則引從前推算加級之例。掩飾支吾。甚屬不合。嗣後內外文武大小官員。帽頂補服坐褥等項。悉照本身現任品級。不得指稱加級。以開僭越之端。在京著有稽查之責者。嚴行稽查。在外則該管上司稽查。儻仍不遵。除將本人議處外。其失察之官。一併處分。○又

諭。大小官員帽頂。從前定議。未曾分別詳確。著該部再

行妥議定制具奏。欽此。遵

旨。將會典所定朝冠頂。及雍正五年所定平時冠頂。細加參酌。自王公至一品大臣以上。均照舊例。外議定輔國將軍暨二品官。朝冠頂銜起花珊瑚。平時冠頂同。奉國將軍暨三品官。朝冠頂銜藍寶石。或藍色明玻璃。奉恩將軍暨四品官。朝冠頂銜青金石。或藍色涅玻璃。五品官。朝冠頂銜水晶。或白色明玻璃。六品官。朝冠頂銜碑磬。或白色涅玻璃。七品官。素金頂。八品起花金頂。九品鏤花銀頂。平時冠頂並同。○乾隆二年

諭。嗣後翰林院修撰編檢。亦著一體懸帶數珠。○又覆

准。紅絨結頂冠。惟

皇子不論爵秩。均准用。其餘王公以下。額駙等。暨

民公侯伯。一二品大臣侍衛內。有蒙

上賜者。止得將所

賜之帽用之。不得如式更制。郡王以下。均不得用織

金彩色五爪龍衣服。及五爪暗龍緞。若

上賜者。許用。仍去一爪。若王等賞所屬織金彩色龍

者。雖服過。亦去一爪。方得賞給。貂衣不得賞五

品以下官。其餘服物。若品級未到者。均不得濫

賞緣貂朝衣。惟三品以上有職掌大臣得用。餘不得借用。內外各衙門供事書吏。非役滿考職者。不得借用金項。耆老遵例用錫頂。亦不得借用金項。商賈有捐納職銜者。冠帶服飾。各從其品。無職銜者。與庶民同。不得僭越。奴僕等不得用緞紗及各種細皮。定制之後。凡有違者。王公宗室。覺羅等。由宗人府查參議處。文武大臣。由吏兵二部參處。文武官。由該管大臣及禮部都察院查參。送部議處。違式之物入官。若王公等不能約束所屬。文武大小官。不能約束家人。致有僭越者。查出犯者。分別治罪。本主亦照例議處。○又奏准。凡入朝官員。並直班護軍等。不得戴雨纓涼帽。穿大衫。揮扇出入。違者參處。○又題准。王以下八分公以上。雨衣得用紅色。一二品文武大臣。惟用紅色雨帽。○四年題准。禮部司官主事司務。均有監禮查班等職事。令其一例用朝珠。以肅威儀。○五年

諭。革職人員。不得違例濫用章服。妄戴頂帽。花翎。藍翎。○又奏准。禮部主事司務。太常寺博士。典簿。讀祝官。贊禮郎。鴻臚寺鳴贊。光祿寺署正。署丞。典

簿。國子監監丞。博士。助教。學正。學錄等官。惟在壇廟執事及

殿陛侍儀。准挂朝珠。平時燕處。及在公署。均不得用。違者科道指名參奏。照違制例議處。○又定。外省佐雜微員。謁見上司。不得用蟒袍。違者照例參處。○八年

諭。嗣後一品大臣及御前侍衛等。皆許用紅色雨衣。○十年覆准。凡考職吏員。在籍止用頂帽。不許僭用補服。○十八年議定。各省官員。一切頂戴。均照現任品級服用。不得以前有功加級及所加虛銜。仍前濫用。如不遵者。以違制論罪。○十九年奉

旨。嗣後自十一月初一日為始。凡朝會祭祀。皆用緣貂朝衣。永著為例。○又奏准。凡朝會隨圍傳集。間遇雨雪。服用雨冠。一品至三品用紅色。四品至六品紅色青緣。七品以下有頂戴人員。青色紅緣。均前闊二寸五分。後闊五寸。

御前侍衛  
乾清門侍衛

尚書房翰林

南書房翰林及在奏事處批本處行走人員。不論

本職品級均得用紅色雨帽。軍民止許用青色。

○二十三年定。各衙門與隸等役及民間奴僕

長隨不得濫用緞紗及各樣細皮。違者治罪。

二十五年

諭。今日兵部帶領引見人員內。其千總等俱穿蟒袍。此

等微弁。置辦不易。嗣後文職自縣丞以下。武職自千

總以下。遇應服蟒袍之日。不必定行穿著。○二十七

年

諭。巡撫官階雖屬二品。但係統率通省大員。嗣後各省

巡撫著一體穿用大紅雨衣。○又

諭。官生帽頂有故違成式。戴用混淆。不分金銀花素者

即行參革治罪。○二十九年覆准。各省營衛守備以

及候補候推守備之千總並防禦各員。不得仍

前僭用朝珠。違者各上司指名參處。○三十七

年

諭。朕閱三通館進呈所纂嘉禮考內。於遠金元各代冠

服之制。敘次殊未明晰。遠金元衣冠。初未嘗不循其

國俗。後乃改用漢唐儀式。其因革次第。原非出於一

時。即如金代朝祭之服。其先雖加文飾。未至盡去其

舊。至章宗乃概為更制。自應詳考詮次。以徵蔑棄舊

典之由。並酌入案語。俾後人知所鑑戒。於輯書關鏡

方為有當。若遠及元。可例推矣。前因編訂皇朝禮器

圖。曾親製序文。以衣冠必不可輕言改易。及批通鑑

輯覽。又一發明其義。誠以衣冠為一代制度。夏收

殷。本不相沿襲。凡一朝所用。原各自有法程。所謂

不忘其本也。自北魏始有易服之說。至遠金元諸君。

浮慕好名。一再世輒改衣冠。盡失其瀉樸素風。傳之

未久。國勢寢弱。洵及淪胥。蓋變本忘先。而急患中之

覆轍具在。甚可畏也。况揆其所以議改者。不過云衮

冕儀章。文物足觀耳。殊不知潤色章身。即取其文。亦

何必僅沿其式。如本朝所定朝祀之服。山龍藻火。燦

然具列。悉皆義本禮經。更何通天絳紗之足云耶。且

祀莫尊於

天

祖禮莫隆於

郊

廟。溯其昭格之本。要在乎誠敬感通。不在乎衣冠規制。

夫萬物本乎天。人本乎祖。推原其義實

天遠而

祖近。設使輕言改服。即已先忘

祖

宗。將何以上祀

天

地。經言仁人饗帝。孝子饗親。試問仁人孝子。豈二人乎。不能饗親。願能饗帝乎。朕確然有見於此。是以不憚。諄復教戒。俾後世子孫。知所法守。是創論實格論也。所願奕葉子孫。深維根本之計。毋為流言所惑。永久恪遵朕訓。庶幾不為獲罪。

祖

宗之人。方為能饗

上帝之主。於以永綿國家億萬年無疆之景祚。實有厚望焉。其嘉禮考。仍交館臣悉心確覈。遠金元改制時代先後。逐一臚載。再加擬案語證明。改繕進呈。候朕鑒定。昭示來許。並將此申諭中外。仍錄一通。懸勒尚書房。又覆准。衣服僭濫及形製詭異。自應嚴行查禁。至於衣冠悉本成式。而長短廣狹。間有參差。原係各量體裁。期於無礙觀瞻。毋庸過為繩尺。又如朝珠例用雜寶諸香。向無區別。貂裘內惟

緣貂朝服。止許文三品武二品以上有職掌大

臣。及一等侍衛服用。其貂皮外褂。三品大臣及

京堂翰詹科道侍衛等官。均准穿用。此外不應

服用人員。如有僭穿貂裘者。應遵照定例。交該

管官及應行稽查各衙門實心查參。再每逢朝

會。除應用貂服人員外。其餘不得反穿皮服。冒

充補褂。違者。糾儀官指參。○四十二年奉

旨。花翎乃特賞軍營奮勇出力之員而用。不可私行戴

用。如有建立大功。著有勞績。理應戴用者。各該將軍

大臣等。即應聲明具奏。令其戴用。若任伊等私行戴

用。殊屬非是。○四十四年奉

旨。真珠朝珠。定例惟御用。至皇子及親王郡王。不但不

准戴用真珠。即東珠亦不准用。嗣後分封王爵。俱不

必賞給珠子朝珠。○四十五年奉

旨。金簡前來接駕。朕召見時。伊所穿補服。錦雞旁邊繡

一小獸。麒麟獅子。並不明白。但從前穿補服。按所兼

之大職穿用。若文職大即穿文職補服。武職大即穿

武職補服。並無兼用之例。嗣後凡兼文武職分大臣

等。再不可如此穿用。○五十一年覆准。市井小民僕

隸優伶。涼暖帽上。戴有紅絨菊花頂。又或穿貂

皮海龍等皮及各樣細皮者。查拏從重治罪。○  
五十五年

諭。昨三庫引見筆帖式內。有帽沿太高者。於體制不合。著傳知各衙門。嗣後俱著官樣尺寸。毋許高大。○嘉

慶五年

諭。給事中邱庭澍奏。嚴禁僭用帽頂一摺。據稱每月驗

看月選官。及新捐分發試用人員。八九品及未入流各官。俱僭用七品金頂。又近見街市各色人等。纓帽上俱用紅絨結頂。並有棍徒等假冒官職。戴用金頂。均請嚴禁等語。所奏甚是。近日八九品及未入流人

員。往往僭戴七品素金頂。並有無職人員。隨意戴用者。嗣後八九品及未入流帽頂。俱謹遵會典。分別戴用。其補服亦應按照定例。毋許稍有僭越。京城內外。著交步軍統領衙門及五城御史。各部院衙門。著交堂官。各省著交督撫等。留心查察。勒限更換。違者立即參奏示懲。至外間民人。涼暖帽上俱用絨。纓大結。尤屬非是。並著一體飭查。嚴行禁止。其游手棍徒及逃匪等。有假充職官戴用金頂者。亦著實力嚴拏。毋任宵小弊混。○又

諭。昨因僭用帽頂。已降旨飭令各按品級戴用矣。因思

國子監學正學錄及各省教諭訓導等官。有係進士舉人出身者。進士舉人。例應截取選用知縣。其頂戴本係七品。而學正等官。則係八品。若按品級而論。該員得官後。轉須降換頂戴。似未允協。再九品及未入流。應用起花銀頂一項。向來未見戴用。若令其一時更換。勢須紛紛製辦。亦多煩費。著吏部另行詳議具奏。欽此。遵

旨。議定。嗣後由進士舉人除授八九品小京官教職者。均令其仍用進士舉人素金頂。並七品補服。其由進士舉人出身降補佐雜等官者。照現任品級戴用。不得仍用進士舉人頂戴。其大衙借補小秩者。各照本銜戴用。至八品宜改用陰文鏤花金頂。九品未入流俱改用陽文鏤花金頂。補服照舊。○七年奉

旨。近來宗室覺羅人員。多有不繫黃紅帶。侍衛職官。不戴翎頂。在街市閒游者。其意自以穿用常人服色。可以往來自便。必非學習正務。有志向上之人。嗣後著步軍統領衙門。留心稽查。如有仍前違制者。即行參處。○八年議准。家人賤役人等。止准用繭紬毛褐葛布。梭布羊路皮。其紡絲紬絹。俱不准用。○九年



諭。此次挑選秀女。衣袖寬大。竟成漢式。彼此爭華。不但奢費。漸入於漢習。所關甚重。著各該旗嚴行曉示。毋許奢華。仍當儉樸。○道光八年

諭。舉人一項。應照七品官例。戴素金頂。貢生一項。應照八品官例。用陰文鏤花金頂。毋庸更換銀托。生員監生。仍戴用銀頂。武職八品以下。頂戴與文職同。○同治四年

諭。嗣後因事降調之員。未奉旨拔去翎枝者。除一品至五品。仍准戴用外。大員降至六品以下。以及革職各員。一概不准戴用。其開復原官者。必須本案開復。或奉特旨賞還。及續有軍功。經大臣督撫奏請開復翎枝。方准照常戴用。倘因另案開復。或捐復原官。仍不准冒昧戴用。以昭體制。而杜微幸。

欽定大清會典事例卷三百二十九

禮部

貢舉 宗室鄉會試

宗室鄉會試 ○康熙三十六年

諭。國家樂育人才。振興文教。將使海內英雋之士。靡不蒸蒸蔚起。矧宗室子弟。系託天潢。豈無卓越之姿。足稱令器。允宜甄陶獎掖。俾克有成。考諸前史。以公族應制舉入仕者。代不乏人。今屬籍所載。日益繁衍。除已授爵秩人員外。閒散子姓。素無職業。誠恐進取之途未闢。致嚮學之意漸墮。嗣後八旗宗室子弟。有能力學屬文。奮志科目。應令與滿洲諸生一體應試。編號取中。如此則賦質英異者。咸服習於詩書。而學業成就者。不沮抑於仕進。凡屬宗室。人人得以自效。而於朕興賢睦族之至意。亦用是以允愜焉。爾等衙門。即遵諭行。○三十九年

諭。今科鄉場。曾令宗室考試。宗室朕數加恩。何患無官。嗣後停其考試。○雍正二年

諭。朕臨御以來。施恩於文武官。各得疏通。惟宗室等。並無升遷之路。欲令考試舉人進士。與民人等一例。檢亦非體統。惟有宗人府司官筆帖式等員。可否補

用。爾等議奏。再宗室內有學優才美者。作何考選之處。一併議奏。欽此。遵

旨。議奏。聞散宗室內。有考取一等二等者。以筆帖式用。

嗣後遇理事官缺出。以副理事官升補。副理事官缺出。以經歷及主事升補。經歷及主事缺出。以筆帖式升補。其補授理事官。副理事官。經歷。主事。筆帖式等缺。均由宗人府擬定。正陪引。

見補授。又定。宗室左右兩翼。每翼各立一滿學。一漢學。選滿洲教授四員。教習清書。漢教授四員。教習漢書。善騎射者四員。教習騎射。又選宗室

四人為正教長。又十六人為副教長。凡宗室在學子弟。每月考試一次。將學業騎射。分別等第。申報註冊。每春秋二季。宗人府親試。其學業優長。騎射出眾者。特行奏明。並帶領引。

見。乾隆三年議准。宗室生徒。每歲九月。由宗人府奏請。試以繙譯及經義時務策各一道。

欽命學士等官。閱卷分為六等。一等二等獎賞。三等

四等留學肄業。五等教誡。仍許留學。六等黜退。

○八年。禮部帶領宗人府考職之宗室玉鼎柱等引。

見奉

旨。准與乙丑科貢士一體殿試。○九年議准。五年一次

欽命大臣。合試左右翼學生。凡本年考取一二等及

往年考取一等。正在家肄業願觀光者。咸准與考。拔取佳卷。進呈

御覽。恭候

欽定名次。由宗人府引

見。以會試中式註冊。俟禮部會試之年。習繙譯者。與八旗繙譯貢士同引

見

賜進士。以府屬額外主事用。習漢文者。與天下貢士

同

殿試

賜進士甲第有差。○十七年奉

旨。宗室等不應鄉會試

皇祖

皇考均有明旨。後因條奏。復令宗室等應鄉會試。彼時

宗人府總理事務王大臣。並未聲明。草率照覆。實屬錯誤。嗣後仍遵

皇祖

皇考原降諭旨。將宗室等鄉會試及選庶吉士之例。永  
行停止。再不可條陳考試。宗室內如果有學問優長  
者。自施恩錄用也。○嘉慶四年

諭宗室向有會試之例。後經停止。敬惟

皇考聖意。原因宗室當嫻習騎射。以存滿洲舊俗。恐其  
專攻文藝。沾染漢人習氣。轉致弓馬生疏。然自停止  
考試以後。騎射亦未能精熟。天潢支派繁衍。自當仍  
准應試。廣其登進之路。兼可使讀書變化氣質。不至  
無所執業。別生事端。且應試之前。例應閱射馬步箭。  
方准入場。於騎射原不致偏廢。舊制宗室均不由鄉  
舉。徑赴會試。未免過優。嗣後宗室應考者。自辛酉科  
為始。與生監一體鄉試。應定中額。著禮部覈議奏聞。  
候朕酌定。欽此遵

旨議奏。自辛酉科為始。凡在官學讀書及在家讀書願  
應鄉試者。俱照宗人府奏准之例。交稽查宗學  
漢大臣覈實考試。將文理通順者。由宗人府造  
冊。彙送兵部考試馬步箭。其合式之人。移咨禮  
部。劄送順天府鄉試。俟三場完畢。將實在人數  
奏請

欽定中額。永遠遵行。庶於鼓勵之中。寓慎重之道。至

於會試。向例滿洲蒙古漢軍及各直省俱係臨  
期按照人數多寡。請定中額。自應一律辦理。滿  
洲士子鄉會試。向係另撥號舍編坐。其文卷彌  
封。別立紅號字樣。宗室應試之人。亦宜於號舍  
內分撥數號設坐。其紅號字樣。擬定為宗字號。  
編送內簾。按數取中。仍照滿洲設立彈壓副都  
統之例。於宗人府左右宗人內請

旨簡派一員入場。以資彈壓。○又議定

盛京間散宗室一體考試。照

盛京滿合字號之例。交與奉天府丞錄科。考取後

造冊呈送宗人府。同在京宗室。一併彙送兵部  
考試馬步箭。再送順天府鄉試。○五年奉

旨。大學士會同禮部議覆給事中慶岱奏。暫停宗室本  
年鄉試一摺。上年推恩宗室。准令應試。原定以辛酉  
年正科為始。續經降旨。於本年舉行恩科。試期較近。  
八旗宗室。向來誦習經書。有於制藝素未講求。若本  
年即令應試。誠恐一時舉業不能嫻習。轉非覈實取  
才之意。仍著於辛酉正科為始。一體與試。此次恩科  
鄉會試。俱毋庸考試。至五經並試。功令行之已久。且  
距辛酉試期尚有年餘。宗室等有志向上。原應全行

誦習不必輕議更張以符體制而昭畫一○又

諭上年推恩宗室准令應試原定以辛酉年正科為始本年舉行恩科因給事中慶岱奏試期較近恐宗室等於舉業一時未能嫻習請暫停本年鄉試當經降旨允准仍以辛酉科鄉試為始但思宗室應試若與士子等一同入闈於體制究有未協查乾隆年間曾兩次舉行是典自有舊規可循現當久經停止之後其應如何酌定章程及一切事宜著軍機大臣會同宗人府禮部詳查妥議具奏欽此遵

旨議定條款凡宗室錄送考試於鄉試前先用稽查宗

學大臣彙考一次分別去取擇文理通順者錄送宗人府其奉天宗室由奉天宗學會同府丞錄科造冊送宗人府並由宗人府造冊咨送順天府會試則咨送禮部屆期一體入場如鄉試有文理過於荒率者將原考送之大臣交部議處考驗騎射應照八旗考試之例先由宗人府考試馬步箭挑取合式者奏請

欽派王大臣覆試再行錄科其奉天宗室由宗學考試馬步箭挑取合式者就近咨送奉天將軍覆試再行錄科送京○又定從前宗室考試本在

國史館此時該館易地房舍無多不甚嚴密改在

貢院局試以昭慎重鄉會兩試考官監臨知貢舉內外監試及各執事員役等向例定於八月初六三月初六等日入闈今應令於八月及三月初三日入闈其宗室應試者於八月三月初四日五鼓點名入場由宗人府派出章京數員在執門識認至龍門外由御史點名散卷歸號並於宗人府左右宗人內先期

簡派一員彈壓巡查懷挾亂號等事如有前項情弊交與宗人府自行辦理其營弁號軍等即交與

監臨知貢舉酌用若干人於初三日先行點進其餘營弁號軍照例於初六日點進彈壓士子之副都統等官仍於初六日入闈至考試題目舊例用經義時務策各一道今用制藝一篇五言八韻排律詩一首由順天府禮部先期奏請欽命題目於點名日令宗人府府丞赴

乾清門請領捧至貢院交監臨知貢舉送入內廉啟封刊板刷印俟入場點名已畢封龍門後由內廉交出按號散給即於初五日交卷出場所有辦卷事宜俱照鄉會試之例由順天府禮部

備卷鈐印。送入貢院。交監試御史鈐用生號。散給。至交卷後。送外簾彌封。不必謄錄。送內簾主考總裁擬定中式名次。封固交出。至公堂。鄉試派順天府官一員。會試。派禮部司官一員。同宗人府章京一員。捧至。

乾清門。交奏事處進呈。

欽定名次後。鄉試由監臨。會試由知貢舉。拆名揭榜。屆期由宗人府派員。至貢院門外接榜。送至宗人府衙門前張挂。將試卷交順天府禮部存儲。備查。鄉會中式人員。應得旗扁銀兩。及表裏緞疋。應照舉人進士例給予。其取中額數。鄉試由順天府將試卷數目開單進呈。

欽定中額。初次會試。人數無多。應令總裁擇其文理優長者。封卷進呈。恭候

欽取。俟數科後。宗室會試人數增多。仍由禮部數明試卷數目。再行請

旨定額。

殿試

朝考。奉

旨與新進士一體應試。同日入考。其坐次及引

見排班。均列在新進士之前。俱由該衙門帶領引見。或用翰林。或用部屬。恭候

欽定。入場宗室。除係祖孫父子及同胞叔姪兄弟。應行迴避外。其餘概毋庸迴避。又查乾隆年間。宗室曾經考試。繙譯嗣後。凡遇繙譯鄉會試之年。宗室亦應照文場鄉會試之例辦理。○六年

諭汪承霈等奏宗室鄉試人數共六十三名。請定中額一摺。宗室等讀書赴試。志切觀光。本年係開科伊始。著加恩按照人數每九名取中一名。共中式七名。於舉子頭二場開門之日。填榜揭曉。○七年

諭宗室會試。前經宗人府等衙門會議。於三月初四日點名。考試官於初三日豫行入闈。較常例早至三日。第念宗室應試人數本少。若先期另為一場。一切稽察支應。較多一番經理。不若仍照鄉會試舊制。於初八日入場。點名在八旗及各省士子之前。並另編坐號。不致擁擠。頒發欽命試題。先行揭曉。已足優示體制。而省紛繁。考試官仍照定例。於初六日入闈。所有本年宗室會試。即照此辦理。嗣後宗室鄉會試日期。均著為令。○又

諭宗室會試。著總裁官酌取兩三卷進呈。欽定。○又奏

准宗室會試原奏內有左右宗人一員入闈彈壓。應令順天府尹於場中公用房屋酌量勻出兩三間。以便宗人在內住宿彈壓。庶場規一律整肅。又奏宗室題目原議由宗人府府丞請領。捧至貢院。交知貢舉送入內簾。今府丞徐績奉

旨出差。不克領題。所有此次宗室會試

欽命四書題一道詩題一道並八旗各省士子會試四書題三道詩題一道均由禮部堂官一併祇領。宗室試藝一丈一詩。初九日自可剋期交卷。

但是日係多士局試緊要之際。恐傍暮開門。致滋弊竇。應於初十日早牌時。先令宗室出場。以後陸續啟放士子。於關防庶為嚴密。再宗室試卷。遵

旨由考官擬取二三本進呈恭候

欽定。今歲三月初八日恭逢

聖駕啟鑿。所有宗室試卷。應於內閣發報之期。由考官封固。隨摺發出。交禮部司官同宗人府章京送內閣轉遞。行在由禮部堂官恭進。俟發還日。仍派員至內閣祇

領。送知貢舉折名填榜。交宗人府張挂。奉

旨。向來鄉會試時。原派有副都統二員入闈。足資彈壓。現在宗室應試。既改令與士子同日進場。所有原議另請奏派宗人彈壓之處。著行停止。餘俱照所議行。○又奏宗室考試繙譯。應否八旗士子同題。抑或另

頒題目。向例文場請題。若值

聖駕行圍。則順天府豫將上三次題目。咨送在京總理處。由總理事務大臣奏請

命題。屆期由該府尹請領。送入場內刊發。今本年八

月繙譯鄉試。恭遇

聖駕駐蹕熱河。其奏請

欽命題目。亦應照此辦理。至宗室繙譯鄉試中額。應照

宗室文場之例。由順天府查明人數。奏請

欽定。其擬取試卷。例應進呈。若恭值

聖駕行圍。例不進呈。本年宗室會試時。遇

聖駕啟鑿。所有擬取之卷。係由內閣轉遞

行在。於發還日。祇領送院。折名填榜。茲宗室繙譯鄉試。其試卷應否照例不必進呈。抑或照文會試例。由內閣轉遞。

行在由禮部堂官恭進奉

旨宗室繙譯鄉試另行命題由順天府照例請領其試卷不必進呈將來繙譯鄉會試俱照此辦理○又議

准宗室繙譯鄉試照例於八月初八日入場點名在八旗士子之前另編坐號至彌封表面紅

號字樣照例戳印宗字號以示區別其揭曉應照本年會試之例另填一榜發宗人府張掛填

榜日先填宗室榜後填八旗士子榜分別張挂其題名錄亦照本年會試例另頁先寫宗室名

次再寫八旗士子名次共為一本進呈○八年

奏准凡宗室繙譯會試應照文會試例考試一場其題日照繙譯鄉試例試以清字四書文一

道繙譯一道屆期遵奉辦理○又奏准宗室繙譯鄉會試與八旗同歸併文闈三年一舉○九

年

諭據監試署給事中卑麟等奏號舍實數止九千一百

餘間本年科舉共九千二百餘名又因三場併試繙譯四百餘名不敷坐用因將彈壓等處席棚編列坐

號防範難周懇請將繙譯鄉試更定日期等語本年繙譯士子於文鄉試第三場併試係屬新例初次舉

行欲事歸簡易轉致人數過多坐號不敷自應另為

改期因思考試宗室在文闈頭場與各士子一體局試亦未周妥且止一文一詩竟日即可交卷嗣後宗

室鄉會試著改於各士子鄉會試三場完畢後十七日點進當日完場其繙譯鄉會試著於十八日進場

考試來年會試即照此辦理○十二年奏准嗣後宗室應試所有切近姻親一體迴避○又議准宗

室鄉試領題日期恭遇聖駕行圍由順天府先期奏明屆期由留京辦事王

大臣處請領○十三年

諭嗣後鄉會試所有欽命考試士子題目欽命考試宗

室題目著禮部堂官於三月初八日順天府尹於八月初八日一同祇領交知貢舉監臨轉送內簾毋庸

分兩次請領○十五年覆准宗室人員補官後緣事革職者不准再應鄉試○十八年議覆四品宗

室於中式舉人後過繼與親王為嗣者不准再應會試○十九年

諭宗室鄉會試取中用一文一詩已屬優異若不加以

覆試無以鑒別真才著自本科為始宗室會試中式者傳集在圓明園正大光明殿覆試屆時禮部奏明

另定試期。毋庸與本科中式貢士同日。其試題仍用一文一詩。又奏准宗室試卷開單進呈後。交禮部暫存。俟

派出磨勘大臣。與新中貢士覆試卷一併覈辦。道光二年奏准。近科宗室會試已有三十餘人。請照嘉慶五年原議。於宗室文場完畢。禮部覈明實在人數。並開比較單。恭請

欽定中額。遵照取中。仍將試卷進呈。再行出榜。十七年奏准。嗣後宗室舉人覆試。由禮部行文。傳令該舉人取具圖結投遞備卷。所有監試王大

臣閱卷大臣。係奉

特旨簡派。不由禮部開列。恭請

欽命四書題詩題各一道。於是日交監試王大臣傳試。其試卷由閱卷大臣分擬等第。彙封進呈。又奉

旨。宗人府筆帖式繙譯舉人。准其開缺一體會試。十九年覆准。宗室舉人覆試。文理不符革去舉人者。不准以原名再應鄉試。二十年覆准。宗室舉人已逾三科未經覆試者。不准以原名再應鄉試。二十三年

諭。嗣後宗室鄉會試中式舉人進士。覆試時著禮部均將中式原卷送軍機處。交閱卷大臣磨對。二十四年覆准。嗣後宗室舉人凡有名字與

王牒相同。飭令更名者。隨時知照禮部註冊。准以更名應試。至鄉會試之年。仍不准呈請更名。二十年奏准。宗室舉人覆試。查對原卷。草稿不全。字蹟惡劣。照例罰停會試一科。受卷官應貼不貼罰俸一年。咸豐三年奏准。宗室舉人中式後。因案牽涉。罰停會試兩科者。業經罰停會試一科。覈其情有可原。准照捐復原資銀數。捐免

罰停一科。一體會試。同治元年

諭。前因惇親王奏監試宗室貢士之王大臣。隨意更換試卷。當經降旨令惇親王伊勒東阿溥煦等。明白迴奏。茲據溥煦伊勒東阿奏稱。宗室貢士崑岡繕卷錯誤。請換試卷。溥煦與伊勒東阿曾令駝駝校富春稟商。惇親王該王有可以更換之語。是以將禮部備卷換給。並據惇親王奏。伊勒東阿遣富春請換卷時。係包衣達立順傳言不可更換各等語。所奏情節。與溥煦伊勒東阿等明白迴奏各摺。殊多不符。若以展轉傳述之詞。再令該王大臣等面質。更屬不成事體。溥



賈伊勒東阿並察杭阿所請將換卷之筆帖式雙元  
 議處及自請議處之處著均毋庸議宗室貢士崑岡  
 當因撤卷未完無憑於原中之卷數對著於滿漢貢  
 士覆試時隨同補行覆試以符定制○光緒元年  
 諭宗室鄉會試僅止一文一詩為時亦甚從容聞近  
 來竟有遲至夜間始行文卷者均屬不成事體嗣  
 後知貢舉監臨彈壓大臣等務當申明舊章認真  
 整頓如有前項弊端即著照例辦理以肅功令而  
 端士習○二年咨准本年丙子  
 恩科宗室會試題目考官擬出例應恭進擬改題為  
 奏將宗室會試題目紙並考官等請  
 安各摺於十七日士子出場後一併交出於十八日  
 一同具奏○又  
 諭此次進呈之宗室中式舉人覆試卷漏未彌封所  
 有禮部承辦司員著交部議處該堂官著一併察  
 議○三年覆准宗學副管係宗室舉人因案降調  
 如尚存有品級與革職人員不同准其一體會  
 試○又奏准宗室新中貢士患病不克覆試病  
 痊准其於滿漢貢士覆試時隨同補行覆試

欽定大清會典事例卷三百三十  
 禮部  
 貢舉 鄉會試期  
 鄉會試期○順治元年  
 恩詔各直省開科以二年秋八月舉行鄉試初九日第  
 一場十二日第二場十五日第三場俱先一日  
 點入次日一日放出三年春二月舉行會試三場  
 試期與鄉試同○二年奏准江南陝西二省鄉  
 試以十月舉行○又定嗣後以子卯午酉年八  
 月鄉試丑辰未戌年二月會試奉  
 特旨開科則隨時定期○又定會試揭曉日期由考  
 官酌定禮部奏  
 聞○三年奏准本年八月再行鄉試來年三月再行  
 會試○十六年  
 諭雲貴新附地方綏輯需人現在候選官員尚未足用  
 應豫為徵取以備任使著於今秋再行會試○十七  
 年議准雲南庚子科鄉試於十八年補行○康  
 熙十六年舉行鄉試順天專差考試山東山西  
 陝西會在河南考試湖廣江西會在江南考試  
 福建會在浙江考試每十五人取中一名○二

十年奏准。貴州本年鄉試。於壬戌年補行。○十二年補行雲南省辛酉科鄉試。○五十二年。聖祖仁皇帝六旬萬壽。

特開鄉會恩科。題定二月鄉試。八月會試。○雍正元年恩旨開科。議准本年四月鄉試。九月會試。其癸卯甲辰鄉會正科。改期於雍正二年二月鄉試。八月會試。○四年

諭。明年乃會試之期。春季適有閏月。二月節候。天氣尚寒。凡應試舉子。途次遠來。及闈中考試。誠恐寒苦。著將明年二月入場之期。改至三月。令該部即行文各省。諭令知悉。若近京各省舉子。俟開春起送。亦覺甚便。嗣後會試之年。遇有閏月。該部先期奏聞。○又

諭。讀書所以明理。講求天經地義。知有君父之尊。然後見諸行事。足以厚俗維風。以備國家之用。非僅欲求其工於文字也。浙江文詞甲於天下。而風俗澆漓。敝壞已極。如查嗣庭汪景祺自矜其私智小慧。傲視一切。輕薄天下之人。遂至喪心悖義。謗訕君上。以

聖祖仁皇帝六十餘年聖德神功。深仁厚澤。普天率土。決髓淪肌。自居心以至用人行政。至公至正。事事周詳盡善。實自古帝王中所罕見者。而查嗣庭汪景祺

乃敢肆行謗議。則凡為人君者。更何道以免悖逆之譏刺乎。設使議論及於朕躬。其情罪尚猶可恕。今觀查嗣庭日記。於雍正年間之事。無甚詆毀。且有感恩戴德之語。而極意謗訕者。皆

聖祖仁皇帝已行之事也。本極盡善。無可擬議。而妄肆悖逆猖狂之言。誰無君父。能不痛心。能不切齒。昔孔子作春秋。歷代因之。各有史冊。以垂法戒。今若容悖逆之人。顛倒是非。私行記載。則史冊皆不足憑矣。豈非千古罪人乎。浙江風氣惡薄如此。查嗣庭汪景祺而外。自尚有與同類者。若加窮究。則不可勝誅。儻聽

其風俗頹敝。不加整飭。何以成一道同風之治。朕思開科取士。原欲得人任用。豈以其文章詞藻之工。可以有益於民生吏治。今浙江風氣如此。挾其筆墨之微長。遂忘綱常之大義。則開科取士。又復何用。且巡撫李衛等。從查嗣庭家中搜出科場懷挾細字密寫文章數百篇。似此無恥不法之事。查氏子弟如此。必係浙人習以為常。不但藐視國憲。亦且玷辱科名。應將浙人鄉會試停止。至於生員歲考。仍舊舉行。百姓皆吾赤子。地方如有水旱之事。朕仍加恩賑恤。鄉會試既停。且使浙人中師生同年。彼此請託營求。紛紜

膠擾之習。為之肅清。將來人心共知改悔。風俗趨於  
淳樸。朕確有見聞。再降諭旨。朕因人心風俗。關係重  
大。不得不嚴加整理。以為久安長治之計。朕意如此。  
著內閣九卿翰林詹事科道會同定議具奏。欽此。遵  
旨議准。浙江鄉會試俱行停止。現今會試舉人。有起文

赴部者。令各回原籍。未起文者。不許給文。其浙  
江貢監生。由順天鄉試者。一體停止。○六年

諭。據浙江學政王蘭生摺奏。生員以立品為先。奉公為  
上。若有潛通胥役。欺隱錢糧。包攬抗欠者。一經查出。  
即行黜革重處。又於按考所至。嚴加曉諭。並令地方

官開報。使其完糧。然後收考。若能久而成風。人人以  
急公為榮。以欠糧為恥。則士習民風。愈覺淳厚等語。  
天下之人。不外乎士與民。天下之俗。不外乎士習民  
風。士民雖分而為二。而其實則一也。有司有治民之  
責。學政有課士之任。雖各有專司。而其實則相為表  
裏也。嘗見有司但以為職在臨民。而置學校於不問。  
而學政則以為統屬士子。若不優容庇護。無以博其  
稱揚。而曲為徇隱。百計包荒。遇有生員違抗錢糧者。  
又以為催科乃地方官之事。與督學無涉。以致士子  
無所忌憚。此等陋識。實庸劣學臣之所同也。不知士

子乃百姓之坊表。士習不端。民風何由而厚。况倚仗  
青衿。抗延國課。則士品頹壞已極。其害實在世道。人  
心。不僅關係錢糧之通欠而已。王蘭生令地方官開  
報欠糧之生員。必條完納。方准收考。俾人人以急公  
為榮。以欠糧為恥。此實鼓勵化導之善政。而各省學  
政。從未有如此舉行者。未必皆見不及此。大抵瞻徇  
苟且之習。未除耳。王蘭生著交部議敘。向來浙省士  
習澆薄。中外所知。朕為世道人心計。不得不嚴加整  
理。今二年以來。李衛王國棟王蘭生先後奏稱。兩浙  
士子。感朕訓誨之恩。省愆悔過。將舊日葛陵奔競之  
習。痛自改除。可稱士風丕變。前年朕原降旨。浙人秉  
性聰慧。既知讀書。必明大義。非是強悍執滯之難於  
感化。一經指示。則醒悟亦必最捷。不出二三載。可以  
望其自新。今果然矣。明年即屆鄉試之期。浙省士子。  
准其照舊鄉會考試。以示朕訓俗勵民。樂聞遷善之  
至意。○十三年九月

諭。國家大典。首重抡才。我朝培養多年。人才日盛。是以  
皇考御極之初。於三年大比之外。特開鄉會恩科。廣羅  
俊乂。所以鼓舞而振興之者。至為周備。今朕繼承統  
緒。照雍正元年特開恩科之例。舉行茲典。乾隆元年

係丙辰會試正科。著於八月舉行鄉試。乾隆二年二月舉行會試。以副朕興賢育才之至意。○乾隆元年

奏准。明年閏九月

恩科會試。改期於三月舉行。○九年

諭。明年二月會試。天氣尚未和暖。檢時不無寒冷。且

各省俱須覆試。士子到京。未免稍遲。著改期於三月舉行。該部即豫行傳諭知之。○又奏准。順天鄉試搭

檢逾期。請改試期於後一日。○十年

諭。三載賓興。國家舉賢右文之大典。必諸弊悉去。然後

可以拔真才。所謂稂莠不翦。則嘉禾不生。其理顯然。

向來察弊之法。不得不嚴者。正慎重科名。厚待良士之道。昨歲朕親臨貢院。編觀堂所。周覽號舍。矮屋風檐。備極辛苦。深可軫念。比賦四詩。命刻堂壁。可以知朕心矣。今歲會試已展期三月。以待春溫。嗣後即以為例。茲特豫降明旨。命禮臣知貢舉。俾得先期計議。從容料理。當嚴則嚴。當寬則寬。於剔除弊端之中。寓優恤士子之意。知貢舉者其善為之。○十六年

諭。前經降旨。今歲恭逢

聖母皇太后萬壽。於壬申年特開恩科。其直省鄉試恐

二月天寒。是以照會試例於三月舉行。但思三月鄉

試。必至四月初旬。揭曉雲貴川廣等省。去會試之期。稍為急迫。外省鄉試。俱著於二月舉行。京城二月天氣尚寒。順天鄉試仍於三月。○二十五年

諭。來歲恭逢

聖母皇太后七旬萬壽。今年為朕五十誕辰。仰荷

上蒼福佑。西陲大武告成。普天同慶。自壬申特開

萬壽恩科。於今十載。當此懋祉頻臻。宜錫鴻恩。用昭盛

典。著於本年八月舉行恩科鄉試。來歲三月舉行會

試。俾多士並得觀光。益宏嘉禧。該部即遵諭行。○三

十五年

諭。國家茂膺多福。瑞祉駢臻。思與海內同茲嘉慶。粵在

壬申辛巳。兩遇

慶典。再開

萬壽恩科。今歲為朕六十誕辰。明年恭逢

皇太后八旬萬壽。仰惟

慈禧光被。歡洽敷天。允宜申錫無疆。彙征叶吉。用彰行

慶作人之盛。著於本年八月舉行恩科鄉試。來歲三

月舉行恩科會試。俾多士忭舞觀光。副朕錫類延

釐至意。該部即遵諭行。○四十三年

諭。朕本意以庚子年為朕七旬慶辰。越歲辛丑即恭逢

聖母九旬萬壽。自當臚歡祝

嘏。以抒萬姓悃忱。今既不能遂朕初願。即凡內外大小臣工於朕七旬萬壽。亦均不得請行慶典。但天下士民遇朕七旬。皆不免望恩幸澤。此則情理之常。朕亦何肯因不舉行慶典。並靳恩施乎。著於己亥年八月舉行恩科鄉試。庚子年三月舉行恩科會試。以彰壽考作人之盛。○五十二年

諭。前據王公大臣及直省督撫大吏等。以乾隆五十五年。朕八旬慶節。請舉行萬壽慶典。朕以內外臣工等臚歡祝嘏。出自積誠。是以降旨允行。朕臨御五十餘年。壽躋上耄。五世一堂。篤慶錫光。歡騰率土。宜沛特恩。用光鉅典。除恩詔條款屆期頒發外。所有下屆鄉會試正科。著於五十三年八月五十四年三月豫先舉行。五十四年秋舉行恩科鄉試。五十五年春舉行恩科會試。以示朕樂育敷恩壽世作人至意。○五十八年

諭。朕仰蒙

昊蒼眷佑。繼

緒凝旒。臨御以來。海寓敷寧。遐方向化。膚功熙績。幸躋十全。踐作年滿六十。實二十五即位之人君所難得

也。前曾降旨於六十一年歸政。允宜愷澤覃施。與海內臣民。敘時數錫。而嘉惠士林之典。尤應豫為舉行。著於乾隆五十九年秋。特開鄉試恩科。六十年春為會試恩科。至六十年秋。即為嗣皇帝恩科鄉試。丙辰春。開即為嗣皇帝元年恩科會試。所有應行事宜。著該部照例豫備。○嘉慶三年奉

敕旨。皇帝以庚申年為朕九旬萬壽。率領王貝勒大臣及將軍督撫等。籲請舉行慶典。恭祝蕃釐。覽奏具見孝思誠悃。朕仰膺

昊蒼。撫御誕紘。篤祐凝禧。躬躋上壽。一堂五世。慶衍雲初。前於丙辰元旦。肇舉授受鴻儀。三載以來。孜孜訓政。毋敢稍自暇逸。豐登屢告。暘雨應時。此皆仰荷上天錫祐。

列祖垂麻。景運昌明。洵為史牒所罕覩。敬感之餘。彌深乾惕。何敢踵事增華。稍存滿假。况川省教匪。雖將次平定。而餘氛現尚未淨。宵旰方且焦勞。豈肯侈陳隆軌。惟念皇帝合萬國之歡心。以天下為孝養。臚辭籲請。至再至三。若卻而勿受。轉似矯情。非所以仰承鴻貺。且無以申皇帝誠孝之心。惟臣民祝嘏之願。不得已姑允所請。於庚申年舉行慶典。一切儀文。俱照康

熙六十年及乾隆五十五年朕八旬萬壽典例辦理  
母得稍有加增。致滋華靡。此次慶節。率土騰歡。宜沛  
殊恩。用光鉅典。所有應行加恩各事宜。俟查明頒發  
詔旨恩諭外。至文武鄉會試。尤為作人盛典。著於己  
未年舉行恩科文武鄉試。庚申年舉行恩科文武會  
試。以示行慶推恩至意。○四年

論 皇考龍馭上賓。普天哀痛。所有己未庚申恩科文武鄉  
會試。著停止舉行。○又

論 上年願請恭辦

皇考九旬慶典。欽奉

教旨。特開鄉會恩科。本年正月內猝遭

皇考大事。朕當哀痛迫切之時。曾降旨因慶典既不能

舉行。並將恩科停止。茲過百日後。復思開科一事。乃

皇考嘉惠士林至意。今朕不獲祝嘏承歡。以天下養。愜

率土臣民之願。而惟此作人盛典。為

皇考已沛之恩。自應仰體

聖慈。毋庸停止。俾天下士子。仍得普霑

遺澤。倍深感慕。所有恩科文武鄉試。著於庚申年舉行。

其文武會試。著於辛酉年舉行。○六年

論 京師自本月初旬以來。雨水連綿。貢院牆垣號舍。多

有坍塌滲漏之處。現在考試期近。已飭令趕緊動工

修葺。惟氣候蒸溼。恐難如期修竣。若草率從事。必致

內外關防不密。不足以昭嚴肅。且近畿一帶。道路泥

瀟。士子等來京應試。跋涉維艱。儻中途稍有阻隔。致

誤考期。轉無以遂觀光之志。所有本年順天鄉試。或

展期至八月下旬。九月初旬。著軍機大臣會同禮部

妥議具奏。欽此。遵

旨議奏。今歲八月文闈鄉試。改期於九月初八日舉行。

至武科鄉會兩闈。均不過七日。其入內場至揭

曉。最遲亦不過七日。如於十月初五考武會試

外場。則武闈外場畢日。正文場揭曉之後。可不

礙其入內場。即於武闈進內場時。考試武鄉試

外場。至十月十八九日。武會試揭曉之後。正武

鄉試內場之期。亦不相礙。○十三年

論 來歲為朕五旬誕辰。仰賴

昊慈眷佑。寰宇謐寧。嘉與海內臣民。同臻仁壽。所有應

行施恩各條。俟來歲再行頒詔。而開科取士。應豫先

辦理。著於本年八月舉行恩科鄉試。來年三月舉行

恩科會試。俾多士。忭舞觀光。用副朕行慶作人。洪敷

教澤至意。該部即遵諭行。○二十三年

諭。朕五旬誕辰時。曾經普施恩澤。加惠臣民。嗣是十載以來。仰荷

天

祖眷佑。篤祐延釐。中間蕩除邪慝。修明政事。益勵敬勤。比歲時和年豐。九寓乂安。兆民樂業。朕日理萬幾。精神較前倍加充健。來歲為朕六旬正誕。更當渥沛恩膏。用昭敷錫。所有應行加恩事宜。俟來歲再行頒詔。惟開科取士。應令先期辦理。著於本年八月舉行恩科。鄉試明年三月舉行。恩科會試。俾多士踴躍觀光。

用副朕壽考。作人興賢育材至意。○二十五年九月

諭。國家立政。首重人才。我朝

列聖御極之初。均於三年大比之外。特開鄉會恩科。廣羅俊乂。今朕繼承大統。宜遵成式。加惠士林。著於道光元年舉行鄉試恩科。二年舉行會試恩科。用副朕興賢育才至意。○道光元年

諭。本年八月天氣尚覺暑熱。京城內外。兼有時疫流行。因念貢院中號舍湫隘。士子等萃處鬱蒸。恐致傳染疾病。非所以示體恤。今科順天鄉試。著展期一月。於九月舉行。該衙門即行曉諭。俾眾咸知。○十一年

諭。本年為朕五旬萬壽慶辰。仰荷

上蒼福佑。寰寓乂安。嘉與海內臣民。同登仁壽。敬稽

皇考仁宗睿皇帝五旬萬壽。特開鄉會試恩科。朕寅紹丕基。當此嘉祉頻臻。宜錫鴻恩。用昭盛典。著於本年八月舉行恩科鄉試。來歲三月舉行恩科會試。所有應行本年正科鄉試。來歲正科會試。著移於道光十二年八月十三年三月舉行。俾多士忭舞觀光。用副朕行慶作人。渥敷教澤至意。○又

諭。陶澍等奏江南貢院積水。請展限辦理鄉試一摺。江南省於五六月間。連次大雨。山水漲發。江潮流入江甯省城。據該督等奏稱。現在貢院內積水甚深。本年八月鄉試。勢難依期辦理。著照所請。所有江南文闈鄉試。准其展限至九月初八日舉行。○十五年

諭。今歲恭逢  
聖母皇太后六旬萬壽。仰惟  
慈禧光被。歡洽數天。允宜申錫無疆。彙征叶吉。用彰作人雅化。著於本年八月舉行恩科鄉試。來歲三月舉行恩科會試。俾茲多士。忭舞觀光。副朕錫類延釐至意。○十八年

諭。朕臨御以來。寰寓乂安。中外禔福。道光十一年朕五

旬萬壽慶辰。曾經降旨特開鄉會試恩科。瞬屆二十一年六旬萬壽。仰荷

吳蒼眷佑。

聖母皇太后慈福覃敷。溥海臣民同躋仁壽。允宜重開慶榜。加惠藝林。除恩詔條款屆期頒發外。所有下屆鄉會試正科。著於十九年八月二十年三月豫先舉行。二十年秋舉行恩科鄉試。二十一年春舉行恩科會試。用示朕宏敷教澤行慶作人至意。○二十年

諭。伊里布等奏江南貢院積水請展限辦理鄉試一摺。

江南省於五六月間。連次大雨。山水驟發。江潮湧灌

入城。據該督等奏稱現在貢院內積水日增。無從宣洩。本年八月鄉試。勢難依期辦理。著照所請。所有江

南鄉試。准其展限至九月初八日舉行。○二十三年

諭。鄂順安奏鄉試請展限舉行一摺。本年六月間。河南

中河廳黃河漫口。各屬州縣被淹處所甚多。現在秋汛方長。黃水長落無定。積潦難消。該士子因險阻在途。難於跋涉。未能剋期至省。著照所請。准其將該省鄉試展至十月初八日舉行。○二十四年

諭。明歲恭逢

聖母皇太后七旬萬壽。仰惟

懿德覆燭寰區。秩晉古稀。歡騰率土。除應行

慶典屆期舉行外。著於本年八月舉行甲辰恩科鄉試

明年三月舉行乙巳恩科會試。俾茲多士。忭舞觀光。

用副朕錫類延

釐加惠藝林之至意。○二十九年

諭。陸建瀛傳繩劾奏鄉試請再展期一摺。本年江南鄉

試。因貢院積水。准其展至九月辦理。茲據奏稱該處積水現退二尺有餘。尚未全消。號舍牆垣傾頽。一時難以修整。著准其再展至十月初八日舉行。至江南正副考官現已簡放。著福濟杜翻查照現展日期。俟

一月後起程。○又

諭。吳文鎔奏請將鄉試展期一摺。浙江本年雨水過多。

貢院內號舍場屋傾圮過甚。急難修理。所有本年浙

江文闈鄉試。著准其展至九月舉行。○又

諭。裕泰唐樹義奏請將鄉試展期一摺。湖北本年陰雨過多。貢院內號舍積水。急難宣洩。所有本年湖北文闈鄉試。著准其展至九月舉行。○三十年二月

諭。為政以得人為首務。我朝

列聖御極建元。均於三年大比之外。特開鄉會恩科。廣羅俊彥。今朕繼承大統。宜遵成式。加惠士林。著於咸



豐元年舉行鄉試恩科。二年舉行會試恩科。用副朕  
作育賢才至意。○咸豐元年

諭徐廣縉葉名琛許乃釗奏南海東莞請分別停試一  
摺。據稱南海縣西湖書院生徒。因挾知府改斷公項  
之嫌。不遂其欲。投遞匿名罷考紅帖。經該督諭令舉  
出主謀。餘可免究。尚復容隱不發。東莞縣因抗糧生  
員畏罪自戕一案。合邑士子輒即刷印長紅。徧貼罷  
考。請將南海縣西湖書院肄業生童。並東莞合學暫  
停考試等語。國家設科論秀。原期於風俗淳美之地。  
選取才良。若士習刁頑。不加懲創。仍使不率教者得

登庠序而與賓興。將何以勸良士。是以雍正年間

諭旨。奉有生童以私心之忿。借罷考為挾制。即令停其  
考試

聖諭煌煌。於鼓舞人才之中。寓變化愧厲之道。且罷考  
罪名綦重。士子束身名教。尤當守法懷刑。廣東近年  
士氣民情。朕方冀其蒸蒸日上。若因一二敗類。遂致  
挾制成風。是稂莠開生。轉使嘉禾不殖。朕甚愧之。著  
將南海縣西湖書院肄業生徒。及東莞合學俱暫停  
考試。該督等即確查主謀罷考及附議之人。分別首  
從。照例懲辦。該書院及該學中有端謹老成。將首謀

者舉出。抑其人悔罪自首。或父兄呈出到官。既肯自  
新。仍可量從寬典。其脅制被累之同學。經該督等察  
實奏明。即當許其考試。此朕董教兼施。猶是古人郊  
遂移風之遺意。凡屬多士。其各懍遵訓誡。毋忽。○又

諭前據徐廣縉葉名琛許乃釗奏南海縣西湖書院及  
東莞縣士子因公項命案之嫌。聲言罷考。已降旨暫  
停考試。茲據該督等奏稱。倡議罷考之人。多係刁徒  
藉端生事。其安分生監不在其列等語。現在鄉闈伊  
邇。多士有志觀光。未便因一二刁健之徒。致阻良善  
進身之路。著照所請。所有西湖書院及東莞縣生監  
等。俱著准其一體鄉試。其倡議罷考之人。仍著嚴拏  
究辦。以示勸懲。○二年

諭前因廣西軍務未竣。能否舉行鄉試。降旨令鄒鳴鶴  
體察情形。迅速覆奏。茲據奏稱。現因逆匪竄擾。道路  
尚多梗阻。且各屬士子。董率團練。保衛地方。勢難如  
期應試等語。所有廣西省辛亥恩科鄉試。本改於今  
年士子正科一併舉行。現在軍務尚未完竣。自應再  
加體恤。著改於明年特開一科。仍倍額取中。並予廣  
額。下科會試。加中額數。著禮部屆期奏明請旨。○又  
諭駱秉章奏請鄉試展期一摺。現在粵西匪徒竄擾湖

南邊境各屬士子團練保衛。未能如期應試。自應量加體恤。所有湖南省本年壬子科鄉試。著改於明年舉行。○三年奏准。湖南鄉試。仍展至下科舉行。○四年

年

諭。勞崇光吳福年奏請將補行鄉試再行展緩一摺。廣

西省辛亥壬子兩科文武鄉試。前經展至本年特開一科舉行。茲據該撫等奏稱各屬土匪。尚未淨盡。士子等辦理團練。保衛鄉閭。勢難赴省應試。著照所請。再行展至咸豐五年乙卯科。及咸豐八年戊午科。分別歸併舉行。乙卯科照本科定額。及辛亥科定額。廣

額取中。戊午科照本科及壬子科定額取中。○五年

諭。陳啟邁廉兆綸奏請展緩鄉試一摺。本年江西省應

舉行乙卯科鄉試。據稱該省現辦防勦。體察情形。實難依限舉行。所有本年江西省乙卯科鄉試。著照所請。准其展至戊午科歸併舉行。並按照兩科定額取中。○又

諭。勞崇光奏請展緩鄉試一摺。本年廣西省應舉行乙

卯科鄉試。據稱該省現辦勦捕。仍難依限舉行。所有本年廣西省乙卯及辛亥兩科歸併鄉試。准其暫緩舉行。並按照定額廣額取中。○又

諭。賂秉章奏請展緩鄉試一摺。本年湖南省應舉行乙

卯科及壬子科歸併鄉試。據稱該省現辦防勦。體察情形。仍難舉辦。所有本年湖南省乙卯科及壬子科歸併舉行鄉試。著照所請。均展至戊午辛酉兩科。次第歸併。分別額數。加倍取中。○又

諭。葉名琛等奏請展緩鄉試一摺。本年廣東省應舉行

乙卯科鄉試。據稱該省軍務未竣。不能依限舉行。著准其展至咸豐六年特開一科。補行乙卯科鄉試。○又

諭。怡良等奏請展緩鄉試一摺。本年江西省應舉行乙

卯科鄉試。據稱該省軍務未竣。現在試期已近。體察情形。不能依限舉行。所有本年江西省乙卯科鄉試。著照所請。准其展至戊午科歸併舉行。按照兩科定額取中。○又

諭。湖北學政馮譽駿奏請展緩鄉試一摺。本年湖北省

應舉行乙卯科鄉試。據稱該省軍務未竣。防堵緊要。依限舉行。恐趕辦不及等語。所有本年湖北省乙卯科鄉試。准其展至戊午科歸併舉行。按照兩科定額取中。○又

諭。蔣霽遠奏請展緩鄉試一摺。本年貴州省應舉行乙

卯科鄉試據稱該省夷苗滋事。辦理堵剿。勢難兼顧。所有本年貴州省乙卯科鄉試。著准其展至戊午科歸併舉行。按照兩科定額取中。貴州正考官編修王祖培。副考官編修錢桂森。無論行抵何處。著即馳驛回京。○又

諭前因英桂奏請將河南鄉試展期舉行。當經降旨准其緩至本年十月再行察看具奏。茲據奏稱該省東南各路。尚未撤防。河工被淹各處。籌辦賑撫。體察情形。仍難舉行鄉試。所有本年乙卯科河南省鄉試。著展至咸豐八年戊午科歸併舉行。按照兩科定額取中。○六年

諭葉名琛等奏請補行乙卯科鄉試一摺。前因廣東省軍務未竣。暫將鄉試展緩。現在地方業已肅清。該省鄉試自應補行。所有正副考官。著禮部先期具題。○又

諭勞崇光奏請補行鄉試一摺。前因廣西省辦理軍務。暫將鄉試展緩。諭令該撫察看情形。如地方安靜。即行奏請於咸豐六年特開一科。將乙卯及辛亥兩科歸併舉行。並按照定額廣額取中。現在地方新就肅清。該省鄉試。著即遵照前旨補行。所有該省正副考

官。著禮部先期具題。○七年

諭駱秉章奏請補行鄉試一摺。前因湖南省防剿未竣。將壬子乙卯兩科鄉試。展至戊午辛酉兩科。次第歸併。分別額數取中。現在地方全境肅清。該省鄉試。自應即為補行。以廣登進。○八年奏准。貴州戊午科鄉試暫行停止。俟軍務完竣。再將乙卯戊午兩科歸併補行。○又奏准。雲南軍務未竣。本年戊午科鄉試暫行停止。應取中額。併入下科加倍取中。○又奏准。廣東本年戊午科鄉試暫行展緩。俟善後完竣。另行奏請開科。○又奏准。江南乙卯及戊午兩科鄉試暫行展緩。俟克復省城。另奏特開一科。○又奏准。湖北戊午科鄉試。展至九年舉行。○又奏准。江西乙卯戊午兩科鄉試。展至咸豐九十年。歸併舉行。○又奏准。廣西軍務未竣。戊午科鄉試。展至來年奏請特開一科。○又

諭慶瑞等奏鄉試未能舉行請再展緩一摺。本年福建鄉試前因該省辦理軍務。展緩兩月。察看具奏。茲據奏稱軍務未竣。恐屆期仍難舉行。所有福建省鄉試。著准其展至咸豐九年秋間特開一科。補行戊午科

鄉試○又

諭。胡興仁奏請舉行浙江鄉試一摺。前因浙江省衢州府等處地方。被賊竄擾。經晏端書奏請將該省本年鄉試展限一年辦理。茲據該撫奏稱全境肅清。多士志切觀光。所有浙江省本年戊午科鄉試著准其於十月舉行。○又奏准浙江考官程限迫促。設未能依限到浙。入闈日期。臨時酌定。○九年

諭。朕自御極之初。特開恩榜。迄今已閱數年。緬維皇考宣宗成皇帝五旬六旬萬壽。均降旨特開鄉會試

恩科。仰見

宏敷教澤。行慶作人。有加無已。茲於咸豐十年。屆朕三旬萬壽。允宜特開慶榜。加惠士林。著於本年八月舉行恩科鄉試。明年三月舉行恩科會試。以副朕簡拔人材至意。○又奏准貴州本年己未

恩科鄉試暫行展緩。俟軍務稍鬆。先期奏請特開一科。歸併補行。○又

諭。王懿德慶端徐樹銘奏舉行恩科。並補行上年正科鄉試一摺。福建省本年己未恩科。並上年戊午正科鄉試。著准其歸併舉行。其應中名數。即照兩科定額

取中○又

諭。徐之銘奏請展緩舉行恩科鄉試一摺。雲南省現在軍務未竣。各屬士子。多有辦理團練防守事宜。未能赴試。本年鄉試。難以如期舉行。所有雲南省己未恩科鄉試。著准其展緩。俟辛酉科後再為舉行。○又奏准湖南本年己未

恩科鄉試暫行緩辦。○又

諭。前因江南文闈鄉試。以軍務未竣。兩次停止。本年恩榜特開。該省督撫奏請借用浙省文闈舉行。該部議交浙江巡撫察看辦理。旋據胡興仁覆奏。號舍不敷。恐多窒礙等語。朕疑江南士子。恐多向隅。復諭令江南浙江各督撫妥為籌畫。茲據何桂清徐有壬胡興仁會奏。據稱咨商安徽學政。該省距浙較近。賊氛未靖。且歲科兩試久停。士子等未能一律應試。擬分別辦理。以昭慎重。著照所請。本年江蘇省鄉試。即定於十月內舉行。借用浙江文闈辦理。安徽省鄉試。著俟該省平定地方較多。應如何通融辦理之處。由該督撫屆時奏請補行。○又

諭。本年江蘇省鄉試。已降旨於十月內舉行。借用浙江文闈辦理。其安徽省鄉試。前因何桂清等奏。咨商該

省學政以歲科兩試久停。士子等未能一律應試。令俟平定地方較多。由該督撫奏請補行。茲據張芾奏安徽紳士願請仍借浙闈舉行鄉試。並稱浙江貢院號舍甚多。即江蘇安徽兩省同場合考。無慮不敷等語。江南文闈鄉試曾經兩次停止。本年特開恩科。原以加惠士林。江蘇業已舉行。若將安徽展緩。該省士子未免向隅。所有安徽鄉試著即定於十月內同江蘇一併借用浙江文闈辦理。○又奉

旨。所有江西省本年己未恩科並乙卯正科鄉試。准其於十月間舉行。○十年奏准。貴州己未

恩科鄉試。因軍務喫緊。未能補行。仍行展緩。○又奏准

廣西本年應補行九年己未

恩科鄉試。展至來年秋間舉行。仍將壬子科歸併辦理

其來年辛酉正科及戊午一科。展至十二年奏請特開一科舉辦。○十一年奏准。湖北本年辛酉科鄉試。展至明年秋間舉行。○又

諭。劉長佑奏請補行鄉試一摺。著照所請。廣西省己未

恩科並壬子正科鄉試。准其於本年歸併補行。所有本年辛酉科及戊午科鄉試。著於明年特開一科。歸併舉行。○又覆准。貴州本年辛酉科鄉試。暫行展緩

俟軍務稍鬆。特開一科。○又覆准。雲南軍務未靖。本年辛酉科鄉試。展緩舉行。○又奏准。福建軍務未竣。本年辛酉科鄉試。展緩舉行。○又奏准。廣東興修貢院。本年辛酉科鄉試。展至十月。並將戊午科歸併本屆補行。○又奏准。江西本年辛酉科及補行戊午科鄉試。一併展緩。○又奏准。本年辛酉科浙江鄉試。展至來年舉行。○又奏准。四川軍務未竣。本年辛酉科鄉試。展至來年舉行。○又議准。江安各屬軍務未竣。江南本年辛酉科並補行戊午科鄉試。展緩舉行。○

又奏准。山東軍務未竣。本年辛酉科鄉試。展至來歲舉行。○又

諭。本年湖南辛酉科鄉試及補行己未恩科鄉試。據毛鴻賓奏。該省郵氛逼近。驛路梗阻。請展緩舉行。所有湖南正考官王澐。副考官胡家玉。無論行抵何處。著即馳驛回京。○七月

諭。本年順天鄉試。著展期於九月內舉行。○又

諭。本年河南辛酉科鄉試。據嚴樹森奏。該省防勦緊要。恐未能依限舉行。請展至本年十月間辦理。所有河南正考官楊秉璋。副考官徐啟文。無論行抵何處。著

即馳驛回京。○又奏准河南逆氛肆擾。本年辛酉科

鄉試展至壬戌年秋間辦理。○又

諭為政以得人為首務。我朝

列聖御極建元。均於三年大比之外。特開鄉會試恩科。

廣羅俊彥。今朕繼承大統。宜遵成式。加惠士林。著於

同治元年舉行鄉試恩科。二年舉行會試恩科。用副

朕作育賢才至意。○同治元年議准。貴州鄉試業已

停止四科。此次壬戌

恩科並補行乙卯正科。即於五月間舉行。其正副考官

禮部於二月初旬請

旨簡派。○又

諭本年貴州壬戌恩科鄉試及補行乙卯科鄉試。據韓

超奏請仍於八月舉行。所有貴州正考官王發桂。副

考官倪杰。無論行抵何處。著即馳驛回京。該省八月

鄉試。應簡放正副考官。屆時仍著禮部照例題奏。○

又奏准。廣西軍務正緊。本年壬戌

恩科鄉試展至九月。並將戊午科歸併舉行。○又奏准

雲南軍務尚未肅清。本年壬戌

恩科鄉試暫行展緩。俟明年再行奏請補行。○又奏准

福建軍務喫緊。本年壬戌

恩科鄉試展至十月舉行。○又

諭本年貴州壬戌恩科鄉試及補行乙卯正科鄉試。據

韓超奏軍務緊急。請展緩舉行。所有貴州正考官歐

陽保極。副考官孫恩壽。無論行抵何處。即著馳驛回

京。○又奏准。江南軍務未完。本年壬戌

恩科鄉試仍行展緩。○又奏准。四川本年壬戌

恩科。並補行辛酉科鄉試。緩至來年歸併舉行。○又奏

准。陝西安撫漢回。尚未就緒。本年壬戌

恩科鄉試展至甲子科歸併舉行。○又奏准。廣東己未

恩科鄉試歸併本年舉行。○又奏准。山東壬戌

恩科與辛酉正科鄉試歸併舉行。○又奏准。河南壬戌

恩科同辛酉正科鄉試歸併辦理。○又奏准。福建正考

官因沿途阻滯。於十月十二日抵省。十八日點

名局試。監臨於十八日入闈。○二年奏准。四川

軍務喫緊。壬戌

恩科並補行辛酉科鄉試。緩至同治三年甲子科一併

辦理。甲子科鄉試展至六年丁卯科歸併舉行。

○三年奏准。雲南軍務未竣。本年甲子科鄉試

暫行展緩。俟軍務漸平。併案辦理。○又奏准。江

西軍務稍鬆。本年甲子科並補行辛酉科鄉試

於十月舉行。○又奏准。廣西本年甲子科與辛酉科鄉試歸併補行。○又奏准。貴州軍務未竣。本年甲子科鄉試暫行展緩。俟軍務稍鬆。不拘年月奏請補行。○又

諭。曾國藩奏。江南省貢院修理工竣。請於十一月舉行鄉試一摺。所有該省應行簡派考官事宜。即著禮部改題為奏。迅速辦理。○又奏准。四川舉行本年甲子正科並補辛酉一科鄉試。其壬戌

恩科。俟同治六年丁卯科鄉試再行帶補。○又奏准。浙江本年甲子科鄉試。俟軍務肅清。貢院修復。再

請補行。○又奏准。陝西本年甲子科鄉試。仍行展緩。○又奏准。江西甲子科並補行辛酉科鄉試。於十月舉行。○又

諭。前因福建甲子科鄉試。改於十月舉行。當經簡放正副考官前往。茲據徐宗幹奏。該省現辦軍務。仍難如期考試。俟軍務稍定。另請補行等語。所有福建正考官殷兆鏞。副考官阿克丹。無論行抵何處。即著馳驛回京。○四年奏准。福建於本年九月補行甲子科鄉試。○六年

諭。張亮基奏。黔省鄉試停科過久。請舉行本年丁卯科

及補行乙卯戊午兩科一摺。向來各省鄉試定例。止准補行一科。惟念貴州自軍興以來。已逾十載。停科最久。該處山川險阻。籌費艱難。該士子等志切觀光。自應俯如所請。所有貴州省舉行本年丁卯科鄉試。著准其補行乙卯科。並加恩准補戊午科。按照定廣各額。併數取中。○又奏准。貴州考官於八月十七日到省。二十四日入闈。○又奏准。山東軍務未竣。本年丁卯科鄉試。展至同治九年庚午科歸併舉行。○又奏准。浙江本年丁卯科鄉試。依限舉行。並帶補甲子科。○又奏准。四川本年丁卯科鄉試。依限舉行。並帶補壬戌科。○又奏准。陝甘軍務未竣。本年丁卯科鄉試。暫行展緩。俟兩省肅清。特開一科。歸併補行。○七年奏准。本年戊辰科會試。經給事中福寬奏。直隸軍務未竣。請展試期。議俟三月初間。覈計人數。再行請旨辦理。現計納卷人數。與前數科不甚相懸。所有本年會試。仍按期舉行。○八年

諭。貴州本年補行己未恩科鄉試。加恩著准其帶補辛酉壬戌兩科。以廣登進。嗣後不得援以為例。○又

諭。禮部奏。遵議左宗棠等奏。請補行陝西鄉試一摺。陝

甘鄉試前因軍務久未舉行。現在陝西全境肅清。甘肅之涇慶各屬亦已安謐。著准其於本年特開一科。補行壬戌恩科及甲子正科鄉試。○九年議准雲南停科最久。情形與貴州相同。本年舉行庚午科。並帶補戊午己未兩科鄉試。○又奏准本年貴州鄉試止舉行庚午正科。其應補甲子一科。俟全省肅清時再行帶補。○又奏准貴州考官阻水到遲。改期入闈。○光緒元年諭為政以得人為首務。我朝

列聖御極建元均於三年大比之外。特開鄉會恩科。廣

羅俊彥。朕繼承大統。宜遵成式。加惠士林。著於光緒元年舉行鄉試恩科。二年舉行會試恩科。用副朕作育賢才至意。○又

諭。左宗棠奏本年舉行鄉試請簡派正副考官一摺。甘肅陝西兩省。現在分闈考試。甘肅路途較遠。所有請派考官。著禮部於陝西之前具題辦理。○十二年

諭。朕奉

慈禧端佑康頤昭豫莊誠皇太后祇謁

東陵。業經降旨於三月初七日還宮。所有本年會試應

行聽宣之考官等。著改於初八日聽宣入闈。應試士子。著改於初十日點名入場。其餘一切事宜仍著該部查照定例辦理



欽定大清會典事例卷三百三十一

禮部

貢舉 命題規制

命題規制。順治三年定。第一場。四子書三題。五經各四題。士子各占一經。第二場。論一篇。詔誥表各一通。判五條。第三場。經史時務策五道。○又定。四書第一題用論語。第二題用中庸。第三題用孟子。如第一題用大學。第二題用論語。第三題仍用孟子。○又定。策題以關切事理明白正大為主。不許搭尋僻事。掩匿端倪。必問者

列款而示。使對者可按牘而陳。庶乎真才易辨。○又定。詔誥二道。惟五經卷兼作。○又定。凡前場題目。將經書分段書籤。公同拈掣。如論語分為十段。主考掣至某書某段。即令房考於本段內各擬一題。仍書籤候掣出者用之。餘題俱准此例。其京闈擬題已定。先莊繕一通。向

闕設案。恭捧題紙陳設。考官行一跪三叩禮。現行三跪○於散題畢然後進呈。不過卯辰二時。鄉試由順天府尹捧進。會試禮部堂官候於朝房。儀制司官候於貢院前。俟內簾傳出進呈題紙。監

試提調各一員。捧至大門內立。儀制司官於大門外立。面領。捧至朝房。隨堂官恭進。二三場同。○十五年戊戌科會試。

欽定第一場四書題目。○十六年定。考官於論題間出孝經。以勵士尚。○康熙二年議准。停止八股文體。鄉會試以策論表判取士。分為二場。第一場。試策五道。第二場四書論一篇。經論一篇。表一道。判五條。○三年題准。春秋題目。鄉會試俱出單題。○七年定。鄉會試仍以八股文取士。○又定。出題錯字者正副主考官。一次罰俸三月。二

次六月。三次九月。本經同考官。一次罰俸六月。二次九月。三次一年自行檢舉者。正副主考官罰俸三月。同考官六月。內簾官錯出題目字樣。士子各習專經。不稟明監臨官。傳進內簾官改正。照題紙錯字謄錄以致中式者。罰停會試二科。○又題准。考官將本身取中四書五經論表題目擬出者。降四級調用。若將本身取中題目擬出。又錯寫者。革職。○九年題准。主考官場內發題過卯辰二時者。罰俸六月。○又題准。春秋脫母等題。概行刪去。止以單題合題酌量勻出。

○二十年議准。詔誥二道。直屬虛設。應行刪去。  
○二十四年議准。會試第一場。四書題目。恭請  
欽定。於初八日午後。密封發內閣。交禮部官密送內  
簾刊發。其五經及二三場題目。仍令考官擬出。  
亦遵前例。恭進。嗣後會試及順天鄉試。均照此  
例行。○二十六年覆准。三場策題。止宜簡明發  
問。不得過三百字。○二十九年議准。鄉會試二  
場。孝經論題甚少。嗣後將性理太極圖說。通書  
西銘。正蒙。一併命題。○三十六年。

諭大學士九卿等。鄉試為抡才大典。出題理宜詳慎。今  
覽各省所進題名錄中。其題目多有未當。爾等將各  
省呈覽題目及題名錄。詳加檢閱。若有悖謬最甚者。  
察出參奏。欽此。遵

旨覆奏。察看福建雲南河南三省。第三場策問命題。辭  
義多有未當。均屬悖謬。將主考等分別各議。以  
降級調用。○四十一年議准。嗣後有願作五經  
之人。其第二場仍復詔誥二題。令其兼作。閱者  
不錄。其習一經者。仍如現行例。○五十二年  
諭。近見鄉會試。皆擇取冠冕吉祥語出題。每多宿構倖  
獲。致讀書通經之士漸少。今後闈中題目。應不拘忌

諱。庶難豫作揣摩。實學自出。○五十四年

諭科場出題。關繫緊要。鄉會經書題目。不可出熟習常  
擬之題。朕常講易及修定天文律呂算法等書。此等  
書題。人人皆擬。斷不可出。表題亦不可出。修書賜書  
等類。○五十五年議定。二場論題。專用性理。表題不  
許出本年時事。○雍正元年

諭孝經一書。與五經並重。蓋孝為百行之首。我

聖祖仁皇帝欽定孝經行義。以闡發至德要道。誠化民  
成俗之本也。今自雍正元年。會試二場論題。仍用孝  
經。庶士子咸知誦習。而民間亦敦本勵行。即移孝作  
忠之道。胥出於此。著該部通行直省督撫。仰副朕崇  
教育才之意。○又定。第一場四書題。考官密擬。鄉試  
交順天府。會試交禮部。均於初七日齋捧進呈。  
恭候

欽定。於初八日發下。仍各捧交場內。二三場試題。於  
十一十四日五鼓。照前恭進。○又覆准。考官若  
仍出熟習擬題。交該部議處。○八年

諭。去年鄉試。嚴源燾鄧世杰。為貴州考試官。其所出策  
題內稱各舉一人。則克知灼見。固生平所易得者。而  
又不拘於引嫌。不限於資格。如此而所舉不實。其何

能辭咎耶。即僅舉循分盡職之人以塞厥職。亦薦賢之恥。必如呂文靖之薦包拯。晏元獻之薦范仲淹。乃為無忝等語。今命往湖廣試用之張步青。即係嚴源燾所舉者。果能如包拯范仲淹否。查鄧世杰未曾有保舉之人。其慎重薦舉之意。尚屬言行相符。著大學士詢問伊等具奏。欽此。大學士等遵

旨。詢問嚴源燾鄧世杰繕摺回奏。又

諭。凡人皆當言行相符。聖人所以有願言願行之訓。今嚴源燾策問之條。詢之本人。亦自稱勢有不能。是以己所必不能行之事。責望於他人。言行不符甚矣。鄧世杰以無深知確信之人。不敢遽行保舉。尚與策問之意相合。鄧世杰著交部議敘。嚴源燾著交部議處。以為言過其實者之戒。○十年

諭。今科陝西鄉試主考吳文煥李天寵策問秦省水利一條。內稱秦中沃野千里。水泉灌溉之利為多。歷代名臣官陝土者。類無不以濬渠築堰導流尋原為要務。若倪寬之在漢。葉清臣之在宋。耿炳文項忠張瑩石永之在明。其措施何地。奏績何功。能一一詳指否。又稱京畿之間。大建營田。興修水利。多士亦聞之熟矣。秦省為桑梓之邦。尤所深悉。其明切陳之無隱等

語。朕思秦中素稱天府。水泉隨在皆可疏蓄。以資耕種。其最著者。西安等處。則有鄭白龍洞諸渠。甯夏則有漢唐大清等渠。歷年久遠。漸致淤塞。隄堰大半傾圮。水田僅有其名。雍正五年。朕敕令該督撫將鄭白龍洞諸渠。動用國帑。加意興修。務期渠道深通。隄堰堅固。現今農田得其利益。至於漢唐大清等渠。朕特命大臣等專司其事。經理數年。年來水泉充裕。禾稼有收。此秦中興修水利之大概也。吳文煥等若以水利策問考試士子。即當就該省所現行者。令其數陳條對。或可備採擇之資。或可為善後之計。乃舍今而

援古。去近而求遠。擬拾往事。泛為鋪張。並遠引京畿。以為近日興修水利之一證。而於本省工程關繫利弊者。無一言提及。想以秦中疏濬諸渠。為無裨於民生耶。抑或該省工程。為不足置論耶。務虛文而無實際。乃為政為學之大患。吳文煥等識見卑鄙如此。不可不加懲儆。著交部察議具奏。○又覆准。嗣後主考房官本身中式經書題目。均毋庸迴避。○十年

諭。鄉會兩試考官。每因避忌字樣。必擇取經書中吉祥之語為題。遂使士子易為揣摩。倩人代作。臨場鈔寫。

以致薄植之少年。得以倖取科名。而績學之老生。無由展抒底蘊。嗣後凡考試命題。不得過於拘泥。俾士子殫思用意。各出手眼。以覘實學。○又覆准。論題專用孝經。章句無多。士子易於豫擬。嗣後與宋儒性理書參酌間出。○乾隆元年覆准。春秋合題。甚無當於經義。嗣後概行停止。○又定。嗣後鄉會試三場策題。仍照舊制。務取條對詳明。不許士子空舉名目。草率塞責。○又覆准。鄉會場策題。止用簡要之語。不得自問自答。敷衍過多。○六年議准。向來順天鄉試各題。例由考官奏請

欽命。即於考試之前一日。領交內簾。此次聖駕行圍。所有通場四書三題。及迴避官生四書三題。應令順天府尹。於八月初八日早。赴在京總理處。祇領其儲題摺匣。先期由內務府。交送總理處。其鑰匙。先期由內務府。交送禮部。俟初六日宣

旨後。禮部堂官親交考官。帶入場內啟用。○十年諭。二場以詔誥表判考試。應考之舉子。所以覘其學問筆力。其表題若獨開生面。或恐士子不能一時促就。則不能完局。於眾文人學士。顏面有關。其詔誥判題

亦沿習故套。則舉子易於揣摩。何由視其夙學。甚無取也。今科詔誥判題。總皆係每科習見者。司考諸臣。未免草率。著傳旨申飭之。○十九年諭。策問時務。用覘士子學識。主考官不當以己見立說。上年順天鄉試。問黃河北行故道。今春會試。問黃河下流。皆孫嘉淦陳世倌一己私見。究亦空言無補。若以此為去取。將啟士子窺探迎合附和之弊。其漸尤不可長。嗣後有似此者。必治其罪。○二十一年諭。嗣後鄉試第一場。止試以四書文三篇。第二場經文四篇。第三場策五道。其論表判概行刪省。至會試則既已名列賢書。且將拔其尤者。備明廷制作之選。淹長爾雅。斯為通材。其第二場經文之外。加試表文一道。即以明春會試為始。鄉試以乾隆己卯科為始。著為例。如此則士子聞中。不得復諉之於日力不給。而主考亦可從容盡心詳校。無魚目混珠之混。且鄉試第二場止經文四篇。斯潦草完篇者。當在所黜。專經之士。得以抒夙學。而淺陋者亦知所奮勉。去浮文而求實效。斯足稱國家賓興大典。可傳諭該部遵行。○二十二年諭。前經降旨。鄉試第二場。止試以經文四篇。而會試則

加試表文一道。良以士子名列賢書。將備明廷制作之選。聲韻對偶。自宜留心研究也。今思表文篇幅稍長。難以責之風檐寸晷。而其中一定字面。或偶有錯落。輒干貼例。未免仍費檢點。且時事謝賀。每科所擬。不過數題。在淹雅之士。尚多出於宿構。而借代強記。以圖倣幸者。更無論矣。究非覈實拔真之道。嗣後會試第二場表文。可易以五言八韻唐律一首。夫詩雖易學而難工。然宋之司馬光。尚自謂不能四六。故有能賦詩而不能作表之人。斷無表文華瞻可觀。而轉不能成五字試帖者。况篇什既簡。司試事者得從容校閱。其工拙尤為易見。其即以本年丁丑科會試為始。現在各省會試舉人。將已陸續抵京。該部即通行曉諭知之。○又

**諭** 會試人數衆多。如三江九佳等字數窄少之韻。自不宜用。以避雷同。所應限者。不過在東冬支虞陽庚等十數韻之內。場中自有刻字人役。可令將所限本韻刪去小註。刊刻一紙。隨題按號散給。以便拈用。○又議准。本年欽奉

**諭旨**。會試二場表文。改用五言八韻唐律一首。別釐科場舊習。務收實效。至將來各省士子。甫登賢書。

即應會試中式後例應

朝考。若非豫先於鄉試時一體用詩。垂為定制。恐諸士子會試中式後。仍未能遽合程式。應自乾隆己卯科鄉試為始。於第二場經文之外。加試五言八韻唐律一首。其所出詩題。限用官韻。即照會試例。於場中將本韻別刻一紙給發。○二十三年

**諭** 御史楊方立奏請鄉會試加增周禮儀禮二經命題取士等語。周禮儀禮二書。古禮之條繁節目。藉以考見承學之士。原可兼治。若考試專用五經。則行之已久。况二禮所載。其義蘊大半已具於小戴記。如周官郊廟祭饗諸大典。散見於禮器郊特牲等篇。為之詮發。是戴記原與二禮相通。不虞挂漏。現在立之學官。以一經命題。而未學膚淺。已有與春秋並目為孤經者。若再添設二禮。將來考官出題。或仍係戴記所有。是又徒成具文耳。蓋論窮經則二禮自當兼習。而論作文則仍不如戴記之有文義可以發揮。昔人以為禮經義疏。正謂此也。所奏不必行。○又議定。場內五經題。向例令同考官擬定。主考官書籤掣用。嗣後應將此例停止。令主考官自擬經題。以重關防。

○又奏准。宋儒性理。與六經四書相羽翼。

御纂性理精義。特加案語。大啟關鍵。詔示後學。現在鄉會試經藝。改入二場。嗣後頭場文出四書三題之後。仍出性理論一題。以一論抵四經藝。不患日力不足。且可杜代倩傳遞之弊。○又覆准。外省鄉試詩題。惟期於中正雅馴。不得引用僻書私集。有乖科場體制。○二十七年題准。詩題應正書賦得某句。旁註得某字五言八韻。遺漏舛錯者議處。○二十九年議准。各省主考出經題。不得盡出素擬。並不得專就刪本禮記出題。○

三十六年議准。考官策問。士子對策。俱不得涉及

本朝臣子。至策題每問不得過三百字。違者分別議處。○又議准。鄉會試場內題紙。俱用墨刷印

給發。○四十年

諭。考試固當避熟習擬題。以防勦襲。然亦不可割裂牽搭。致礙文義。蓋試題為制義所由出。若務為新巧。恐士子揣摩。弋獲。趨入纖佻。文風純駁之分。即士習端衷所繫。而民俗之淳薄。實因之。其機不可不慎。欽此

遵

旨議定。嗣後各省鄉試題目。禮部逐加校勘。如有割裂

小巧者。即將該考官題參議處。○四十四年奏准。本年雲南所出二場詩經題。有鳳凰于飛。翻其羽二句。本無不合。惟是此二句。再見於下一章。一字不易。今截去亦集爰止。及亦傳於天之句。士子難以作文。雖通場俱就題完篇。而是首章。是次章。俱不能辨。似此之類。科場條例內本無明文。並非違例。但經文句法。似此重疊者甚多。若不分別出題。究難遵照。嗣後凡一樣雷同句法。不得命題。務使士子知是某章某節之題。庶免牽混而昭慎重。○四十七年

諭。本日大學士九卿科道等。將從前任克溥條陳諸弊。會議具奏。摺內稱現在綱紀肅清。前代秕政。俱已革除淨盡。惟在大小臣工實力奉行。自不致有因循廢弛之弊。此語朕疑信半焉。亦惟日慎一日。所其無逸耳。至副都御史巴彥學。有請更定科場詩論。以杜關節。以端士習之奏。所言實為深切時弊。不虛朕降旨之意。已依議行矣。蓋詩題係朕所命。且律句謹嚴。難以揣摩。又若頭場詩文既不中選。則二三場雖經文策問。間有可取。亦不准復為呈薦。儻同考官仍蹈故

轍。監試官即可指名參處。如此則防弊之一端。巴彥  
 學此奏。殊可嘉尚。○又議定。將二場排律詩一首移  
 置頭場試藝後。其性理論一道。移置二場經文  
 後。○五十年議准。二場論題。宜復舊制。仍將孝  
 經性理開出。以下科鄉會試為始。○五十一年  
 奏准。會試及順天鄉試題目紙。均由考試官親  
 書密封。交至公堂。轉交各該管衙門。具本送內  
 閣恭進。○又議准。順天鄉會試題紙。向在初九  
 二十五等日五鼓進呈。應移於初十三三十  
 六等日。啟門放牌之先恭進。○五十二年議准。  
 鄉會試二場酌改。每經各出一題。惟士子專習  
 一經。奉行已久。若即改用五經考試。或致二場  
 不諳題解。背謬經旨。難於取中。自明歲戊申鄉  
 試為始。鄉會五科之內。以次考畢五經。即邊省  
 小省。經輪年考試之後。亦俱能誦習五經。曉悉  
 義旨。再於鄉會試二場裁去論一篇。五經各出  
 一題。此後即作為定例。○又

諭 士子束髮受書。原應五經全讀。向來止就本經按額  
 取中。應試各生。止知專治一經。揣摩習誦。而於他經  
 並不旁通博涉。非敦崇實學之道。今改用五經。既可  
 令士子潛心經學。又可以杜絕場內關節弊端。而衡  
 文取中。復不至限於經額。致佳卷被遺。自應於分年  
 輪試。畢後。即以五經出題。並試。惟明歲鄉闈。為期較  
 近。若遽以易經命題考試。其向非專經者。或致不諳  
 經旨。難於取中。因思士子以詩經為本經者多。所有  
 明歲戊申鄉試。著先以詩經出題。次年會試。著用書  
 經。俟下次鄉試。再用易經。以後按照鄉會科分。輪用  
 禮記春秋。庶士子得以漸次兼通。講求精熟。不致臨  
 時草率。應試。○又奏准。首場題紙。限用夫蓋且夫今  
 夫等字樣。應即刻於四書每題之下。○又議准。  
 首場題紙。選用詩韻數十字。即刻於詩題後。其  
 開寫添註塗改式樣。及令各生於二場試卷。騰  
 真後。默寫頭場某篇某處。亦即刻於每場題紙  
 之後。與題目同時發給。○又議准。經書重句命  
 題。依本文次序。在前者不必加註。在後者註明  
 某章某節。則士子不難遵守。而經文不嫌偏廢。  
 應將原例內載經書內一據雷同句法。不得命  
 題一條刪除。○五十三年議准。嗣後嚴禁士子  
 不得豫擬策題。場前傳播。○五十七年  
 諭 朕閱給事中。控任條奏內有外省鄉試。請照順天之

例欽命題目。業經禮部議駁。各省鄉試題目甚多。若一一皆須欽命。殊為煩瑣。其事自不可行。○五十九年奉

旨。直省鄉試題目。止應照例於進呈題名錄內開載。毋庸監臨具奏。○又議准。貴州省二場經題。誤列禮記於春秋之前。考官照例議處。○嘉慶元年

諭。本日覆勘大臣進呈廣東等有試卷。所出四書五經題。多涉頌聖。詩題亦係習見語。殊屬非是。試官簡任掄才。出題考試。固不可競尚新奇。然亦須擇其題句。足以發揮義理。敷陳經術者。方可徵實學而獲真才。

若止將頌聖語句命題試士。何足以覘底蘊。且四書五經內。字句冠冕。語近頌揚者。皆可豫擬而得。並易啟揣摩宿構之弊。於士習文風均有關係。嗣後各省

鄉試及各省學政所出題目。務將四書五經內義旨精深。及詩題典重者。謀士衡文。用副朕敦尚經義崇實黜華至意。○四年議准。順天鄉試會試。頭場題目。俱由

欽命。毋庸進呈。至二三場試題。應令於十三十六等日辰刻捧出。交各該管衙門轉送內閣。隨本恭進。至考官請

安奏摺。亦即於是日辰刻恭遞。○又議准。覆試但取比對文理字迹。向例兩文一詩。為時太迫。嗣後改用一文一詩。以昭簡易。○十一年

諭。御史楊昭奏鄉會試及歲科小試。請仍照舊制專經取士一摺。士子讀書應試。自當通習諸經。敦尚實學。乾隆五十一年。

皇考高宗純皇帝以分經閱卷。易滋弊竇。改為五經輪試。於輪試畢。為鄉會試第二場兼用五經。迄今已閱二十餘年。各該省取中試卷。於五經題文。均能一律完善。且現值經學昌明之會。應試諸生。讀五經者日

多。該御史忽為此奏。欲事紛更。是直為荒經者開一自便之途。所奏不可行。○十三年

諭。嗣後鄉會試期。所有欽命考試士子題目。欽命考試宗室題目。著禮部堂官於三月初八日。順天府尹於八月初八日。一同祇領。交知貢舉監臨轉送內簾。毋庸分兩次請領。○道光八年奏准。順天府恭進二場題目。應於十三日隨本呈遞。乃延至是日已正三刻。始行送到

圓明園。以致內閣不及進呈。請將送本遲誤之順天府治中。著經厯司經厯。一併交部議處。○十



六年奉

旨前據潘錫恩奏考試策題錯誤當降旨著禮部查明具奏茲據該部查明本年會試策題第一問內鄭康成說詩景員維河河之為何本釋文一條係屬錯誤朕詳閱本年進呈策題此外尚有舛錯之處該考官等引據未能精當實屬粗心潘世恩王鼎吳傑王植均著交部議處○又

諭茲據潘世恩等復行檢舉策題第五問內第五詎原稿本係訪字謄寫時誤書倫字請再行交部議處等語該考官等於謄寫錯誤之處未經查改殊屬草率

潘世恩王鼎吳傑王植均著再行交部議處嗣後鄉會試考官出題試士務須引據精當覈校詳明不得稍有謬誤致令該士子等難於著筆外間得肆譏詆以便遵循而昭慎重○二十七年

諭所有本年丁未科會試題目著禮部堂官於三月初七日赴圍河祇候初八日即由圍河行宮發出毋庸赴新衙門祇領○二十九年

諭潘鐸奏考官出題錯字自行檢舉一摺河南正考官宋晉副考官吳駿昌於闈中發刻題紙並不細心覈對錯誤數處試思所司何事如此粗率均著交部嚴

加議處嗣後遇考試試差不准該二員與考著該部院存記○咸豐十一年

諭張祥河等奏遞送題目應如何寬展等語著總理行營王大臣察覈具奏欽此遵

旨議奏嗣後各項考試

欽命題目均於考試之前四日發下交兵部由馬上飛遞至京交留京王大臣敬謹收存屆期照例辦理各部院奏請

欽命試題奏報於試期前十五日內遞至行在○又議准凡在貢院考試向係

欽命詩文各題照外省鄉試例由考官出題其朝考及各項

殿廷考試請

欽派科甲出身大臣擬題進呈交派出監試王大臣齋至考試處宣示

諭本年會試首場詩文題著禮部堂官於三月初八日黎明至乾清門領取書籍齋交該考官拆封於折角

篇頁內出題考試○又

諭本年宗室詩文題著禮部堂官於十六日黎明至乾

清門領取書籍。交考官拆封。於折角篇頁內出題考  
試。○又

諭前據戶部代表筆帖式敬恩呈請於會試第三場另  
備一卷俾士子各行已見當經降旨令禮部速議具  
奏茲據禮部奏會試定例第三場試以策問五道原  
可剴切敷陳規其學識若另備一卷俾士子別行已  
見是轉以策問為具文徒事紛更有乖定制等語科  
場定制第三場試以策問五道各該士子講求有素  
原可於切實條對中窺其蘊蓄正不必另卷敷陳始  
規實學該筆帖式所陳著毋庸議。○十三年議定。

欽定詩文各題由該承辦衙門領書送至貢院由考

官出題。○光緒二年咨准本年會試首場詩文

題應由禮部堂官於初八日赴

乾清門領取書籍其宗室會試詩文題書籍亦於

是日同領一併齎交貢院由考官出題註案光緒十一年

年乙酉科順天鄉試十二年丙戌科會試宗室  
詩文題書籍未奉同日發下仍分兩次恭

領。○八年

諭徐桐等奏策題錯誤自行檢舉一摺徐桐烏拉喜

崇阿畢道遠孫家鼐均著交部議處。○九年奏准

本年會試刊刻策題誤將陽山書作山陽未能

看出將考官交部照例議處。○十二年奏准本  
年會試三場策題第三問內元程氏讀書分年  
日程元字誤書明字明呂氏小兒語明字誤書  
宋字劉氏人譜劉字誤書黃字將考官交部照  
例議處。○十三年議准嗣後順天鄉試生監中  
有報考算學者仍與通場士子一同試以文詩  
策問毋庸另出算學題目

欽定大清會典事例卷三百三十二

禮部

貢舉試藝體裁

試藝體裁。○順治二年定。文有正體。凡篇內字句。務典雅純粹。不許故摭一家言。飾為宏博。○又定。後場博雅通達。而前場稍未純粹者。亦得兼收。○又定。初場文字。每篇不得過五百五十字。二三場表不得過十字。論策不得過二十字。至於士子作五經文字。如果博雅。不在篇數取多。且恐有關節之嫌。以後應行禁止。○九年題

准。嗣後督學將四書五經性理大全蒙引存疑資治通鑑綱目大學衍義歷代名臣奏議文章正宗等書。責成提調教官。課令生儒誦習講解。務俾淹貫。三場通曉古今。適於世用。其有剽竊異端邪說。矜奇立異者。不得取錄。○十五年題准。程文用諸生原墨。稍加裁定。○十六年議准。場中作判。務宜隨題剖斷。引律明確。不專以駢麗為工。○十七年議准。二三場原以規士子經濟。凡坊間有時務表策名色。概行嚴禁。○康熙九年議准。嗣後每年鄉會試卷。禮部選其文字

中程者刊刻成帙。頒行天下。一應坊間私刻嚴行禁止。奉

旨禁止濫刻選文窗稿。雖有定例。作何嚴禁。著再議具奏。欽此。遵

旨議定。直隸各省濫刻選文窗稿者。禮部及科道督撫訪查。如係現任官員。罰俸三月。未選官員。於選官日。罰俸三月。舉人。罰停會試一科。生員。降為青衣。儒童。行令該地方官責二十板。如有冒名私刻。坐罪假冒之人。令該地方官責四十板。○十六年議准。鄉會應試諸生文字內。概不許作

大結。○二十年題准。向例第一場文字逾五百五十字者不騰。但文字太短。則詞意不盡。嗣後第一場文字。每篇限六百五十字。○三十一年議准。直省鄉墨刊刻四書文三篇。進呈

御覽。頒發直省學宮。○三十二年覆准。刊刻闈墨。務照原卷。若考官不照原卷發刻者。交部議處。○三十三年議准。會試墨卷。照各省鄉墨例。刊刻四書文三篇。進呈

御覽。頒發直省學宮。○四十三年題准。鄉會試卷。禮部停止刊刻。○雍正元年議准。嗣後每科鄉會

墨卷禮部會同翰林院秉公選錄恭呈

欽定直隸交順天府江南交江蘇巡撫發給情願刻  
文之人刊刻流布其坊間私選一概禁止○十  
年

諭制科以四書文取士所以規士子實學且和其聲以  
鳴國家之盛也語云言為心聲文章之道與政治通  
所關鉅矣韓愈論文云惟陳言之務去柳宗元云文  
者所以明道不徒務采色誇聲音而以為能也况四  
書文號為經義原以闡明聖賢之義蘊而體裁格律  
先正具在典型可稽雖風尚日新華實並茂而理法  
辭氣指歸則一近科以來文風亦覺丕變但士子逞  
其才氣辭華不免有冗長浮靡之習是以特頒此旨  
曉諭考官所拔之文務令雅正清真理法兼備雖尺  
幅不拘一律而支蔓浮夸之言所當屏去秋闈期近  
該部可行文傳諭知之○十一年

諭國家以制科取士原以規士子所學而士子所學關  
乎世道人心是文體之所繫固甚重也士子讀聖賢  
書果能講求聖賢明體達用之學則以平日之蘊蓄  
發為文章自然法正理純得聖賢語氣可以傳世而  
行遠作後學之津梁此則有本之學有用之文為國

家所重賴者若不於根柢講求而但以華靡相尚則

累牘連篇皆屬浮辭聖賢精義全無發明聖賢語氣  
又毫不相肖國家亦安用此浮夸淺薄之士哉至於  
二三場策論尤足規經濟實學乃向來士子多不留  
心而衡文者又每以經義已經入彀遂將策論濫收  
恕取不復加意閱看殊非設科本意今會試伊邇著  
禮部先期曉諭應試士子於三場文藝均應努力殫  
心毋得潦草完卷考試官如以限於時日不能細心  
校閱後場不妨奏請展限務得真才以收實用若所  
取試卷中有經義可觀而策論疵謬荒疏者朕惟於  
主考官是責○十三年十月

諭文以載道與政治相通故二帝三王之盛在廷敷奏  
及宣諭衆庶之言皆為謨為誥炳著六經西漢治猶  
近古人心瀟樸故見於文者原本經術指事類情質  
實曉暢猶有周人之遺降及魏晉以文滅質漸就浮  
靡六朝尤甚姿態益工意格益陋文運所關非淺鮮  
也朕思學者修辭立誠言期有物必理為布帛菽粟  
之理文為布帛菽粟之文而後可以垂世行久若夫  
雕文逞辭以炫一時之耳目譬猶搏土揭木塗飾丹  
鉛以為器物外雖可觀不移時而剝落曷足貴耶國

家累洽重熙之日。務學績文者。正宜沐浴教化。爭自濯磨。漸近於大雅。毋尚浮靡。毋取姿媚。斯於人心風俗。有所裨益。至於古人臨文。原無避諱。誠以言取足志。若存避諱之心。則必輾轉囁嚅。辭不達意。嗣後一切章疏。以及考試詩文。務期各展心思。獨抒杆軸。從前避忌之習。一概掃除。○乾隆元年

諭。國家以經義取士。將使士子沈潛於四子五經之書。含英咀華。發摠文采。因以覘學力之淺深。與器識之溥薄。而風會所趨。即有關於氣運。誠以人心士習之端倪。呈露者甚微。而徵應者甚鉅也。顧時文之風尚

屢變不一。苟非明示以準的。使海內士子。於從違去取之界。瞭然知所別擇。則大比之期。主司何以操繩尺以度羣才。士子豈能合矩矱以應撻羅乎。有明制舉之業。體備各種。如王唐歸胡金陳章黃諸大家。卓然可傳。本朝文運昌明。英才輩出。劉子壯熊伯龍以後。作者接踵。莫不根柢經史。各摠杆軸。此皆足為後學之津梁。制藝之科律者。自坊選之禁。垂諸功令。而大家名作。不得通行。士子無由覩斯文之炳蔚。率多因陋就簡。剽竊陳言。襲取府語。聞或以此倖獲功名。又輾轉流布。私相仿效。馴至先正名家之風味。迥乎

難尋。所繫非淺鮮也。今朕欲哀集有明及本朝諸大家時藝。精選數百篇。彙為一集。頒布天下。以為舉業指南。學士方苞工於時文。著司選文之事。務將入選之文。逐一批抉其精微奧窔之處。俾學者了然心目。間用以拳服摹擬。再會試鄉試墨卷。若必俟禮部刊發。勢必曠日持久。士子一時不能觀覽。嗣後應弛坊間刻文之禁。儻果有學問淹博。手眼明快者。不拘鄉會墨卷。房行試牘。准其照前選刻。但不得徇情濫觴。及狂言橫議。致釀惡俗。朕實加惠士子。望各精勤厥業。以底大成。尚悉敬體朕意。共相黽勉。○又奏准。現

弛坊間刻文之禁。應聽操選之士。將鄉會墨卷自行刊發。其向由禮部翰林院選訂之例。即行停止。○又議准。鄉會試三場策題。仍照例以時務發問。必令詳引綱目中事蹟人物。凡歷代制度沿革。創始何人。更定何人。即事之得失。以定人之賢否。務期論斷詳明。折衷至當。○九年議准。鄉會試及歲科試。應遵

欽定四書文為準。如有錄取輕僻之作。磨勘官據實奏。○又覆准。科舉之法。經文與四書並重。其餘必淹貫詞章。而後可以為表。必通曉律令。而後

可以為判。必論斷有識。而後可以為論。必通達古今。而後可以為策。凡此皆內可見本原之學。外可驗經濟之才。儻變今之法。行古鄉舉里選之制。仍難論別真才。無事更張。轉滋流弊。○十年

諭國家設制科取士。首重者在四書文。蓋以六經精微盡於四子書。設非讀書窮理。篤志潛心。而欲握管揮毫。發先聖之義蘊。不大相徑庭耶。我

皇考有清真雅正之訓。朕題貢院詩云。言孔孟言大是難。乃古今之通論。非一人之臆說也。近今士子或故為艱深語。或矜為俳儷辭。爭長角勝。風檐鎖院中。偶有得售。彼此仿效。為奪幟爭標良技。不知文風日下文品益卑。有關國家掄才鉅典。非細故也。夫古人論文。以渾金璞玉不雕不琢為比。未有穿鑿支離。可以傳世行遠者。至於詩賦。扶藻敷華。雖不免組織渲染。然亦必有真氣貫乎其中。乃為佳作。今於四書文採擬辭華。以示淹博。不啻於孔孟立言本意。相去萬里矣。先正具在。罔識遵從。習俗難化。職此之由。嗣自今。其令各省督學諸臣。時時訓飭。鄉會考官。加意區擇。凡有乖於先輩大家理法者。擯棄勿錄。則詭遇之習

可息。士風還淳。朕有厚望焉。○十六年議准。主考於揭曉日。將元魁卷交提調官在禮部衙門刊刻。十七年議准。鄉會試元魁卷。仍在場中刊刻。考官不得濫行改削。禮部均於榜後查對。如有改削過三十字者。即照例參處。○十九年

諭場屋制義。屢以清真雅正為訓。前命方苞選錄四書文頒行。皆取典重正大。足為時文程式。士子咸當知所崇尚矣。而浮淺之士。競尚新奇。即如今科放榜前。傳首題文有用九迴腸之語。其出自漢書腸一日而九迴。大率已莫能知。不過勦襲纖巧。謂合時尚。豈所謂非法不道。選言而出者乎。不惟文體卑靡。將使心術佻薄。所關於士習者甚大。朕曩云。言孔孟言大是難。職是故也。著將欽定四書文一部。交禮部順天府存貯內簾。令試官知衡文正鵠。○二十三年議准。向例五經取士。經旨悉遵用先儒傳註。今學宮頒行

御纂五經。欽定三禮。博採諸儒之說。折衷至當。集古今之大成。嗣後考校經文。應遵奉聖製及傳註為合旨。其有私心自用。與泥俗下講章。一

無稟承者。概置不錄。違者議處。○二十四年

諭制義一道。代聖賢立言。務在折衷傳註。理明辭達為尚。前因士子多喜為剽竊踏駁之詞。不惜再三訓諭。俾以清真雅正為宗。並將選定四書文頌貯內簾。令考官知所程式。乃今科順天鄉試中式第四名邊燾禧文內。竟有飲君心於江海之語。揆其命意。不過如飲和食德常言耳。而蕪鄙雜湊。遂至不成文義。此豈字句小疵可比。雖不宜以一語擯棄。亦何至濫廁前茅。若他卷尋常舛謬。正不可悉數。蓋由典試事者。不能別裁偽體。而所好或涉新奇。士子揣摩效尤。不知墮入惡道。此病自有科目以來。皆所不免。唐時韓愈以試文類於俳優為恥。且甚其詞曰。人笑之則以為喜。人譽之則以為憂。可見有司尺度。一不足憑。深為取士之累。然其毅然以道自任。尚思迴狂瀾於既倒。况大臣等將以文學侍從。甄拔羣材。而可不秉經樹則。端後進之蘄嚮乎。有明決科之文。流派不皆純正。但如歸有光黃滔耀數人。皆能以古文為時文。至今俱可師法。國朝人文蔚興。前如熊伯龍。後如李光地輩。並根據理要。而體裁自見閎整。至若張照等之步趨李光地。亦知彷彿先民矩矱。雖所詣不深。要尚不

失於正。茲因抽閱試卷。特降旨明白宣諭。使衡文作文者咸以正風尚厚人心為務。愈見前此敕部定例。唐勛裨益宏多。又匪直為屏斥具文起見也。將此通諭中外。其明體朕意。仍將此旨錄於至公堂。俾嗣後司文者知所儆惕。○四十三年

諭文以明道自當以清真雅正為宗。士子平日殫心經術。探討古文及時文諸大家。以立其體。作文尤須體會先儒傳說。以闡發聖賢精蘊。獨出心裁。屏除習語。其文自然合度。何必動輒千言。因陳不察耶。首陸機云。要辭達而理舉。固無取乎冗長。韓愈云。惟陳言之務去。二語實文章正鵠。士子宜深味其言。嗣後鄉會兩試及學臣取士。每篇俱以七百字為率。違者不錄。其庸俗墨派。悉心剔除。又或過為新奇。墮入牛鬼蛇神惡道。尤在所澄汰。操觚者慎毋掉以輕心。司衡者各宜示以正軌。務期風會蒸蒸日上。以副朕崇雅黜浮之至意。○四十四年

諭近時文風日壞。習制義者止圖速化。而不循正軌。無論經籍束之高閣。即先儒傳註。亦不暇究心。惟取浮詞俗調。擗摺求售。師以是教。弟以是學。舉子以是為揣摩。試官即以是為去取。且今日之舉子。即他日之

試官積習相沿。伊於胡底。昔韓愈起衰八代。尚思迴狂瀾於既倒。况有移風易俗之責者。豈可聽其流而不返乎。前曾降旨釐正文體。務以清真雅正為宗。著再明白曉諭。嗣後作文者。各宜體認先儒傳說闡發題義。務去陳言。辭達理舉。以求合乎古人立言之道。試官閱卷。亦當嚴為甄別。講究正解。一切膚詞濫調。概擯不錄。庶趨向益真。而文教可期。蒸蒸日上。若再不能仰體朕意。仍復掉以輕心。必令將此等庸陋詞句。悉行磨勘。以示懲儆。毋謂朕不戒視成也。○四十五年議准。三篇全用排偶。雖文理通順。恐開浮

華之習。應罰停會試三科。其閱薦之房官。亦交部照例議處。○四十六年

諭。御史董之銘奏。請仿照欽定本朝四書文體例。刊定續編。由部頒發通行等語。制義以清真雅正為宗。乾隆初年。曾定四書文刊刻頒行。士子如果能殫思講習。闡明理法。典型俱在。即可奉為法程。無如近日士風。專為弋取科名起見。剽竊浮詞。不復研究經史。為切實根柢之學。以致文體日就卑靡。雖屢經降旨訓飭。而積習難回。仍不免江河日下之勢。惟在司文柄者。隨時甄別。力挽狂瀾。以期文風漸歸醇正。若多為

選刻頒行。而習舉業者。仍束置高閣。不能潛心研究。雖多亦奚以為。○又議准。鄉會墨卷。務照原本選刻。毋許恣意濫觴。仍責成各省學政及鄉會主考。實心甄拔。示以文章正鵠。○五十一年議准。策文原不限以字數。但不滿三百字者。篇幅簡率。應比照疵謬例。罰停一科。○五十五年奏准。科場四書制義。有於五經外徵引僻字者。雖出古書。概不取錄。○五十七年奏准。嗣後春秋題俱以左傳本事為文。參用公羊穀梁之說。不得用胡安國傳。○五十九年

諭。昨九月間。石經館司事大臣等奏。士子所讀經書。多係坊本。即考證之家。亦止憑前明監本。然監本中魚豕之舛。謬字句之行。缺不一而足。我朝文治光昭。

聖祖仁皇帝御纂四經。及欽定三禮。武英殿官刻十三經。勘讎精覈。久已頒發。疊序加惠。藝林但卷帙繁多。寒素艱於購覓。未必盡人能讀。近刊刻石經。出自內府所弄。天祿琳琅。宋板各經。古今流傳。舊本莫不會萃。詳悉校對。與武英殿官刻諸書。參稽印證。釐訂成編。書不過六冊。而俗本相沿。謬誤開卷。瞭然。擬名考文提要。請頒行天下。俾士子得窺中秘精華。不復襲



別風淮雨之陋。但恐為期過促。傳布未周。請於乙卯年鄉試為始。三科後考試四書五經題文。俱照頒發各條。敬謹改正。儻再有沿用坊監本以致舛誤者。將考官及士子分別議處停科。朕已允行。茲該館書成呈覽。抽閱數條。不過字句書體。間有異同。於聖賢經義。初無出入。在總裁等校勘石經。自應折衷善本。援據精詳。而士子等自束髮受書以來。父師授受。循誦習傳。若限以三科。遽令通行遵改。似屬強以所難。且恐鄉間村塾。傳布難周。未能家置一編。熟習貫串。或應試者因一二字句舛誤被斥。或考官等偶不及檢

遂干處分。似此繁列科條。轉非朕加惠士林稽古右文之意。聖賢垂教之義。原不在章句之末。即流傳古本。儒先各守經師家法。未必無習誤承謬。士子等操觚構藝。惟期闡發經旨。亦不必以一二字之增損。偏旁之同異。為去取也。○嘉慶十年

諭鄉會試三場並設經文策對。原與制義並重。然必須先閱頭場文藝。擇其清真雅正合格者。再合校二三場。取經文之賅洽。策對之詳明。自能鑑拔通才。嗣後著考試各官。恪遵定例。先閱頭場。後閱二三場。先校薦卷。後按落卷。務宜恪秉虛公。以冀廣收俊乂。○十

九年

諭御史辛從益奏請釐正文體。嚴禁懷挾一摺。所奏是國家設科取士。制藝代聖賢立言。必以清真雅正為宗。六經皆載道之文。其中並無奇文僻字。凡天地人物之理。包括靡遺。近日士子。罔知潛心正學。獵取詭異之詞。擗搶釘。以艱深文其淺陋。弊習相沿。大乖文體。况言為心聲。尤足覘人器識。士子進身之初。先由詭遇。及試以政事。其於是非邪正之辨。治亂得失之原。皆懵然不解於心。欲望其通達政體。以聖賢之學坐言起行。豈可得乎。嗣後鄉會試考官。校士衡文。

務各平心持鑒。別裁偽體。簡拔真才。如有將支離怪誕之文。目為新奇。妄行錄取者。經磨勘官摘參。必將原考官嚴加懲處。至策對以覘博洽。亦必貫通經史。所對與所問相比附。方稱通才。乃剽竊胥鈔。競為懷挾。尤屬大干功令。科場特派親信王大臣按檢。原以禁絕弊端。近日亦頗疏懈。並著申諭遵照定例。認真按查。毋得視為具文。以正文風而端士習。○同治元年

諭我朝制藝取士。人才輩出。奉行既久。不免有空疏剽竊之弊。急須崇尚實學。力挽頹風。嗣後鄉會試。責成

考官詳加校閱頭場四書文以清真雅正為宗二場經文取其有關實義者若敷衍成文概棄弗錄三場策問以經史與時事分問使貫串古今通達治體者得以敷陳政事得失利弊以及籌餉用兵之道其言果有可採不必責以忌避亦不得繩以小疵庶於由舊之中仍寓責實之意

欽定大清會典事例卷三百三十三

禮部

貢舉鄉會考官

鄉會考官○順治二年定順天鄉試主考該府尹先期題請各省主考該巡按御史先期題請禮部將應差者先後疏名上請○又定今後鄉試主考除翰林六科照例皆以次差遣臨期倍取正陪題請

欽點外其餘各衙門咨送務遴才品不得但取資次亦不得浮獵聲華○又定題差鄉試考官雲南

貴州四月初十日福建四川廣東廣西五月十二日浙江江西湖廣六月十三日江南陝西六月二十三日順天八月初四日具題○又定順天鄉試凡開列具題之內外簾官皆於八月初六日黎明各具朝服備行李集

午門外聽候宣

旨入簾者一同謝

恩即入貢院如有不到者祭處○又定各省主考官於

命下日。剋期起行。不攜家。不辭客。不隨從多人。騷擾驛遞。在途不閒遊。不交接。抵所差之省。提調官即迎入公館。不得接見。所寓公館。仍用考官封條。監試委官巡邏。依時啟閉。遇鹿鳴等燕。正考官居中。副考官居左。監臨官居右。行次如之。其同考官旁坐。○又定。主考官如實遇重病。即於命下日。具疏辭免。在京丁憂者。用本衙門印信文書移部。題請更代。其出京未遠者。度其道里時日。尚可更代者。取所在官印信公文。差人赴部投遞。題請更代。俱免自奏。以致耽延。如題請不及者。止行所在有司轉申本省撫按官代奏。本官即先回籍守制。其現在之一員。或正或副。即前赴科場兼辦其事。其已到地方丁憂者。監臨官具奏。其丁憂官仍須起有原籍印信公文。或家眷在京。起有本衙門印信公文。送至所差有司衙門。看無違礙。方許申報。本官不得擅通家報。○三年定。會試主考官。屆期禮部開列內院大學士。學士。六部尚書。侍郎。都察院堂官。職名。題請簡用。○五年題准。各直省鄉試正副考官。令內院吏

部禮部。共同考選差往。○八年題准。順天。江南。正副考官。浙江。江西。福建。湖廣。正考官。差翰林官八員。浙江。江西。福建。湖廣。副考官。山東。正考官。差給事中五員。山東。副考官。山西。正副考官。河南。陝西。正考官。差光祿寺少卿一員。吏部禮部。司官各二員。河南。陝西。副考官。四川。廣東。正副考官。廣西。雲南。正考官。差戶兵刑工四部司行人二員。中書評事各一員。如光祿寺官或缺。以戶兵刑工四部司官充山西副考官。中書行人評事充廣東副考官。凡應差八員。總送十六員。應差五員。總送十員。禮部會同內院擬定正陪。疏請。○十一年題准。山西正考官。例差光祿寺少卿。如光祿寺官或缺。應以太常太僕寺少卿一員。疏請。○十四年。簡命。如光祿太常太僕三寺少卿俱缺。即照八年例行。○十七年題准。直省主考。除曾經典鄉試。及會

諭直省典試官員。各衙門堂官。慎選學行兼優者。送部。

試分房不開外。其現在各衙門應差各官通行開列題請。

命下日。轉行兵部各給郵符。剋期起行。不許淹留京邸。○又定。各主考到省。禁絕監臨提調官迎接拜望。以遠嫌疑。自出京。以至入院。務令扣定日期。凡省中寓所。均用巡察封條封閉。入簾行李。聽監臨提調官公同驗明。該地方官豫備官板書籍。亦許正副考官攜帶。以備考證。○康熙三年題准。鄉試正副主考。不必拘泥舊例。指定某衙門官差往某省。各衙門應差官員職名。概行開列題請。

簡用。○十一年題准。各省鄉試主考。內閣進士中書。與各衙門應差官員一同開列題差。○二十九年題准。試差奉

命。限五日內起程。如故遲不行。許科道題參。交與該部嚴加議處。○又議准。翰林院各部院衙門官員。凡有病痊假滿。服闋。遇鄉試之年。補任者。皆不准開列。○三十九年覆准。順天正副主考。除應開列官員照常開列外。將侍郎學士京堂翰林科道部屬等官。由進士舉人出身者。無論已

未典試通行開列。○雍正三年

諭。前各省正副主考。朕皆視其人謹慎者命往。並未試其文藝。間有不能衡文者。此皆由中式之後。荒疏年久故耳。著將應差委之翰林。由進士出身之各部院官查奏。朕試以文藝差委。欽此。吏部遵

旨。將翰林院及進士出身官員具奏。

召集於

太和殿。試以四書文二篇。彌封詒恭呈

御覽

親定甲乙。封儲內閣。以備鄉試差遣。○又奏。由舉人出

身之郎中主事中行評博。應否一併考試。奉

旨。用進士出身之人。不用由舉人出身之人。○四年

諭。朕御極以來。開科取士。凡屬考官。皆擇其人品端方者為之。而諸臣果慎守法度。洗滌弊端。各省榜發。士林皆無異議。但試官中有學問不及。而所取之文。未盡滿人意者。是以去年朕將在京科目出身官員。通行考試。分別記名。以備簡用。今鄉試屆期。將記名人員。掣籤發往。爾等以文章登科。今膺鑑衡之任。若文優而行劣。使天下之人。謂文章一道。全不足憑。則是爾等讀書通籍。反為名教之罪人。國法尚可容乎。料

爾等必無此事。但朕慎重科場大典，不得不諄諄誥誠爾。○是年將

御試取定人員書名牙籤，盛以金筒，每屆按省分差之

期，設黃案於

午門外，令書名人員會集。

命大學士同禮部堂官奉金筒置案上，掣籤唱名，宣讀

上諭畢，大學士將所掣名籤恭請

欽定正副主考差往。○七年

諭雍正三年所考取人員，其中升遷外任及告假者甚多。即有在京者，或日久荒疏，而從前未經入選者，未

必不有所進益，且陸續新到之員，亦復不少。著照三

年之例通行考試，俟朕分別記名，以備持衡之任。其

不願就試者聽。○九年

諭從前考取之人，俱已陸續差遣，應再行考試。候旨簡

用。○十三年

諭今年鄉試之期，著將在京應差人員，遵照舊例考試

候旨。○乾隆元年

諭今歲八月舉行恩科鄉試，其正副考官必用人品端

方，學問醇正者，始足膺衡鑒之寄。朕即位之初，不能

深知諸臣之底蘊，著大臣於翰林科道部屬內，各據

所知，多舉數人，於五日內，交送內閣彙奏。候朕考試

簡用。庶得才品兼優之員，以副掄才之大典。○三年

諭今年鄉試屆期，昨降旨令大臣等各舉數人，以備考

試簡用。今思翰林科道部屬等官，應差主考者人數

甚多，其未與保舉之列者，亦著一體考試，不願出差

者聽其自便。○又

諭近聞奉差諸臣，起程甚遲，有至十餘日外者，殊非遠

嫌之意。著禮部酌定日期，著為定例。欽此。遵

旨議准。各省主考起程日期，雲南貴州四川廣東廣西

福建湖南以十日為限，江南浙江江西湖北陝

西以七日為限，河南山東山西以五日為限。儻

有逾限逗遛者，由部察實奏。○又

諭每科主考差往各省，彼地督撫有無餽送路費，向無

定例。今朕酌量道途之遠近，分別路費之多寡。雲南

八百兩，貴州七百兩，四川廣東廣西福建湖南六百

兩，江南浙江江西湖北陝西五百兩，河南山東山西

四百兩，爾等可行知各督撫，遵照此數，不得以私意

增減。主考等亦不得於此數之外，更有所受。將此永

著為例。○六年

諭各省主考回京時，例於該省存公銀內，賞給路費。朕

念伊等出京時。資斧艱難。著戶部每人先給銀二百兩。該省於應給路費內扣除。○又奉

旨。每進禮部各省試差本時。其本內應點人員。如有事故。開明事故。如無事故。聲明並無事故。清單隨本進呈。○九年

諭。今年鄉試屆期。著大學士尚書侍郎。於翰詹科道部屬等官。應差主考人員內。擇其人品端方。學問醇正。堪膺衡鑒之寄者。各舉所知。交送內閣彙奏。候朕簡用。其非科甲出身。及無真知灼見者。不必強舉。○又御史李清芳奏。大臣等保舉應差主考人員共

四十九人。各直省止十六人。滿洲四人。餘二十九人。均係江浙兩省。如河南四川貴州廣西雲南五省。未見一人。獲膺是選。可見保薦者。皆平日往來相知之人。而所舉之人。大抵饒於財而憑於勢。至守正不阿者。不肯伺候公卿之門。邊隅之士。聲氣不通。交游不廣。是以無人薦舉。請將合例人員。通行考試。庶得者不由奔競。而邊省亦無偏枯。奉

旨。李清芳所奏。似是而非。審如是。則朕所用之大臣等。皆不可信矣。大臣不可信。將孰信之。明係伊未列保

薦之中。激為是語。且所稱多觸大臣忌諱。似為骨鯁。以朕觀之。亦以彼無可懼之大臣耳。若有其人。李清芳斷不敢為是語。當今之時。借觸大臣進直言以為忠者。誰則不能。至所云所舉之人。饒於財而憑於勢。聲氣相通之處。著伊列名指參。明白回奏。○又奏准

今年鄉試主考。

特命大學士尚書保舉。復加考試。慎重文衡至矣。惟現在保舉人員。為數無多。考列一二等者。僅二十一員。除遠省先行典試外。所餘更無幾人。僅近省士子。有父兄親友在京往來。隨便探聽。縱本員自愛。而其家人親戚。或乘此在外宣洩招搖。亦未可知。此項人員。務宜肅靜候

旨。慎擇交游。凡家人親戚。俱嚴為防範。○十二年

諭。向來各省鄉試正副主考官。有通行考試者。亦有令大臣保舉者。各科往往不同。今歲大比之年。著將應行開列人員。通行考試。其不願考試者。聽仍於應行開列中。著大學士九卿將學問優長。精於衡鑒者。各舉所知。密封交內閣進呈。如此考試與保舉並行。內有保舉而考列優等者。固可簡任衡文。即未經保舉而文藝入選者。亦一併簡用。其非科甲出身及無真

知灼見者不必強舉。○又

諭國家三載賓興。係掄才大典。每科正副考官。皆令該部就各省分驛程之遠近。按期請點。從無遲誤。乃各省之中。有數省督撫循例請差者。亦有不行奏請者。揆厥所由。皆由前明季年。朝政闕茸。竟有當大比之年。逾期不點試官。以致科場展限者。其後地方大吏。不得不行豫請。至今尚有沿習舊文。實屬重複。各省又不畫一。殊非政體。嗣後惟令該部屆期照例題請。其直省自行奏請之處。著停止。○十七年奏准開列具題內外簾大小各官。宣

旨不到者。一面參處。一面請

旨換人。其不在開列之內而點出者。禮部專差官人傳同該員速來。不得託辭稽延。其應到不到之員。部臣瞻徇不參。被他人參出。將該部一併議處。○又奏准嗣後考試。無論在闈在

朝。俱停閱看本衙門稿案。○十八年

諭本年八月鄉試。所有各省正副考官。著將應行開列人員。通行考試。以備簡用。○二十四年議准。順天鄉試考官。凡係籍隸直隸人員。概不開列。但考試名單不在禮部。是以向來未將籍貫開明。嗣後

禮部應行文吏部。將考差人員註明籍貫。開單咨送禮部。以便隨疏具題。恭候

簡用。○又奏准本年係鄉試之期。適有閏六月。若照舊例題請各省正副考官。未免期限太寬。今將雲南貴州四川廣東廣西福建湖南浙江江西湖北陝西江南十二省典試官。各展遲一月。挨次題請。考官遵依定限起程。庶關防嚴密。而於定例仍相符合。至河南山東山西三省。例在七月上旬題請。毋庸酌改。謹案乾隆二十七年有閏五月。亦照例奏明辦理。○三十三年

諭各衙門應開列試差之進士出身人員。著吏部傳齊帶領引見。○又

諭試差人員。已降旨令該部帶領引見。但此次概停其考試。則應開員數眾多。其中有年力就衰。學殖荒疏者。若概行開送。恐不足副衡文之任。著各衙門於合例人員內。即速揀選。彙送吏部帶領引見。○又

諭本年鄉試應開試差人員。降旨令各衙門堂官。量其年力學殖。揀選引見。今贊善路斯道一員。年逾七旬。久經衰邁。乃詹事府堂官。仍行開送。顯係瞻徇情面。所有該堂官著交部議處。○三十五年

諭前降諭旨特開

萬壽恩科。所有本年鄉試需用考官。著將應行開列人員。仍照向例考試。其試卷不必分別等第。止將擬取之卷進呈。入選人員。即按各衙門開列名單。交該部各依衙門次序。帶領引見。候朕陸續點用。該部即遵諭辦理。請旨示期考試。○又議准。順天鄉試考官。應將協辦大學士尚書以下。副都御史以上。開列題請。○三十六年

諭本年鄉試應行開列人員。仍著考試。並照上年之例。不必分別等第。止將不取各卷折名扣除。其入選進呈之卷。仍按各衙門次序。開單引見。候朕簡用。○三十九年

諭今年鄉試屆期。所有應行開列試差之進士出身人員。著於四月初五日。在正大光明殿考試。著吏部照例。按各衙門次序。於初七日。帶領引見。○四十四年

奏准國子監監丞助教等。凡係進士出身者。一體考試。試差至別項人員。不得援以為例。○四十五年

諭本日禮部開列考差各員。請點雲貴正副考官一本。單內並未將各員有無事故。及現點會試房考之處。

詳悉註明。若非朕細心覈對。則會試分房之員。復得典試外省。邀恩未免過優。嗣後著該部於請點各省考官時。將點過會試房考各員。於名下開註明晰。毋得再行牽混。著將此次辦理不善之禮部堂官。傳旨申飭。○又議准。鄉會試主考同考內。簾等官。入闈後。遇有服制事故。無論曾否送卷。該承辦衙門。毋庸知照場內。均俟撤棘日。令其守制。○四十六年。奏准。考差名單。交吏部開具循環清冊。送交軍機處轉交奏事處。隨時覈對。○四十七年。奏准。凡鄉試之年。考試試差。吏部於試卷進呈摺

內聲明請

旨。按照衙門次序。帶領引見。其錄取名單。毋庸發出。○四十八年。議准。各省考官派出後。如有接見該省官員士子等。責令巡城滿漢御史嚴查參奏。○五十一年。奉

旨。凡鄉試之年。朕駐蹕熱河。所有禮部請點主考同考官本。於八月初二日。馳至熱河呈進。尚不為遲。此次於前月二十八日。即已呈進。實屬太早。著傳諭禮部堂官存記。嗣後遵照辦理。○五十四年

諭滿漢各項考試閱卷大臣。吏禮二部。自應按照衙門



通行開列候朕酌點若豫先知會各員聽其自行咨送再為開列其情願列名者安知非意中實有關節之人希冀入場照應於考試實有關繫嗣後凡遇考試事宜除實係患病仍扣出外所有各衙門例應請派閱卷之堂官俱著通行開列聽候點用○五十五年奏准嗣後題派各省主考除本年考過試差官單外其餘止將例不考差之侍郎以下京堂另列一單如有曾經典試及會試分房者於各單銜下分註○五十七年

諭各省考官派出後在京耽延多日難免無交通屬託情弊嗣後俱著於五日內起程至禮部請派考官向例按省分遠近以次進本行走日期本寬今考官起程既定限五日若仍循向例進本則為期更寬該考官等勢必在途逗遛以符到省入闈之期著該部覈計各程站遠近較向來進本日期酌緩數日不必故泥舊例辦理以杜弊端欽此遵

旨酌改題請考官日期雲南貴州以四月下旬廣東廣西福建以五月下旬四川湖南以六月月上旬餘如例謹案嘉慶五年四川廣東廣西○嘉慶五年湖南福建俱於五月月上旬具題○嘉慶五年遵

旨傳集滿漢二品以下進士出身之侍郎內閣學士三品京堂及未經考試試差之四五品京堂俱赴尚書房考試不願赴考者聽

欽命論題詩題各一○七年

諭各省主考專司衡校防弊係監臨責任今周興岱擅出告示即係有心炫耀况該省致送正考官臚儀較副考官增倍若非周興岱以供奉內廷在外誇張何以該省官員畏其聲勢餽遺從厚耶周興岱係戶部侍郎兼管錢局二品大員得項優厚非如翰林部曹等官職分較小者可比奉命典試自應潔已奉公保全顏面乃於該省官員餽送銀兩輒行收受並告以未帶冬衣致撫藩等添送衣裘殊屬卑鄙豈可復玷內廷清秩周興岱著退出南書房仍交部嚴加議處至外省地方大吏節經降旨嚴禁餽送今張誠基等不但仍沿陋習致送主考程儀並因周興岱係屬內廷增多見好可見張誠基等平日辦事必非無瑕可指慮其舉發故爾曲意周旋仍蹈違迎積習張誠基邵洪衡齡俱著交部議處○十二年

諭向例禮部請簡鄉會試正副考官俱將上三科考官銜名夾單進呈嗣後順天鄉試除將上三科正副考

官開單進呈外。著將近三科會試正副考官一併開單進呈。會試除將上三科正副考官開單進呈外。著將近三科順天鄉試正副考官一併開單進呈。○十年奉

旨。所有進士出身之滿漢二品侍郎內閣學士並三品京堂及未經考試試差之四五品京堂俱著於本月二十七日黎明齊集乾清門在尚書房考試其有自揣年老及學問荒疏不願赴考者仍聽其便並著向禮部聲明將來該部題請簡放各省考官本內即毋庸開列。○又奏准本年鄉試之期遇閏五月所有各

省考官請

旨各分別展期一月。將雲南貴州二省於五月下旬具題。四川廣東廣西福建湖南五省於閏五月下旬具題。其浙江江西湖北陝西江南河南山東山西八省仍照向例於六月七月分別具題俾考官依限起程按期到省以符定制。○十五年諭曹師曾奏鄉會試考官等聽候宣旨請添派御史稽查一摺。每科鄉會試屆期所有正副考官及同考官御史等官自應遵照定例在午門前恭候宣旨謝恩即行入場。近日竟有不到午門前祇候在家得信徑赴

貢院者殊非敬事慎密之道著照所請嗣後添派滿漢御史各一員查收應行聽宣職名除內廷行走與是日在圓明園奏事及有執事各員先期行知都察院外如有無故不到者即將該員參奏扣除不准入場仍交部議處。○又

諭向來遇鄉會試大典循例豫行考試試差以備簡用每次考試外間多有稱考取名次漏洩妄生擬議者實為近時陋習本年考試前一日御史賀賢志具奏一摺請於官員點名畢後即將派出閱卷大臣予以關防殊屬無謂定例科場年分不准條奏場務况伊本係應考之員即使確有見聞自當早為陳奏何必於考試之前一日始行奏及耶試思所派閱卷大臣皆大學士尚書侍郎等若必嚴密關防謂伊等俱不足信是迹近猜疑豈君臣相示以誠之道且考試試差之卷並不易書各大臣等如平日有認識筆迹者又豈關防所能杜絕賀賢志違例條奏即付之吏議處分亦不甚重著毋庸交部如伊不與考則已若現已報考即著扣除至屢屆考差係由閱卷大臣將擬定甲乙另書空名之名單隨卷進呈候朕親拆彌封填註姓名及至簡放時則經朕特簡有名次在後而

出試差者亦有名次在前並房考官俱不用者原不  
拘定所取之高下此次著閱卷大臣竟不必排定名  
次惟各於所閱之卷將取與不取分為兩束自註銜  
名一體進呈候朕詳加披覽親定去取前後以杜浮  
議即其所閱之卷是否公當亦無難一覽而知也

○又奉

旨所有進士出身之滿漢二品侍郎內閣學士並三品  
京堂及未經考試試差之四五品京堂俱著於本月  
十九日黎明齊集乾清門自備試卷筆硯在尚書房  
考試其有自揣年老學問荒疏不願赴考者仍聽其  
便並著向禮部聲明將來該部題請簡放各省考官  
本內即毋庸開列○十八年

諭直省鄉試考官禮部向按道里遠近分次請簡宣旨  
後考官限五日內啟程其同日簡派者啟程時仍須  
分起出京以便沿途驛站輪流付給夫馬此內第二  
次同日進本之廣東廣西福建湖南四川五省程站  
本遠近不齊派出考官十員於五日內分起行走亦  
覺擁擠促迫著禮部將廣東廣西福建三省定為第  
二次進本湖南四川二省定為第三次進本餘仍照  
舊例行○又奉

旨禮部所進典試本內未將玉麟英和初彭齡開列具  
題玉麟英和因有服制自不應開列初彭齡宋鎔俱  
有老親宋鎔現在開列初彭齡亦應開列嗣後本內  
除例不應開列者不必開列外其餘均照例一體開  
列○二十四年

諭御史袁銑奏考試請飭恪遵功令一摺所奏是順天  
鄉試會試向於午門前宣旨點出各員例有關防其  
不入闈者自應迴避即時散去不許片刻逗遛至未  
經考差者尤不應至彼窺探接耳交談如有此等情  
形御史即應參奏交部審訊自本科為始點派考官  
密本朕不先發交批本處於初六日特派乾清門侍  
衛二員齋至午門前交大學士拆封眼同稽察御史  
宣旨唱名其內廷行走不能前赴午門候旨者朕於  
點出後是日豫行飭知前往聽宣既宣旨之後如有  
不入闈之員仍在彼逗遛聚談者即著稽察御史指  
名參奏又

諭昨降旨將鄉會試點派考官密本屆期派乾清門侍  
衛二員齋至午門前拆封宣旨著即自本科為始凡  
應行開列及曾考試差各員俱於三月初六日常服  
朝珠前往午門外聽宣候奉本侍衛到時各按品級

班次跪聽宣讀。其未經點出者。即起立退出。不准片刻停留。其已經點出各員。毋庸更換朝服。即行三跪九叩禮謝恩。禮畢。迅速入闈。毋稍遲延。○又

諭昨降旨將鄉會試點派考官密本。屆期派乾清門侍衛齋至午門前。拆封宣旨。著自本科會試為始。禮部於三月初四日。將題本送閣。初五日進呈。初六日發下。即交奉本侍衛齋往。至鄉試遇朕巡幸之年。著該部豫行計算發報日期。扣至八月初六日黎明到閣。即早亦必於初五日到閣。初六日黎明齋至午門前。照新定規制拆封宣讀。考官等即刻入闈。不准在內閣先行拆封。著為令。○又

諭點派考官題本。除會試及順天鄉試。於午門前拆封宣旨外。其外省試差題本。仍著於內閣拆封。禮部領出。宣旨儀注。均照舊例行。○道光五年奉

旨由進士出身之滿漢侍郎內閣學士三品京堂及四五品京堂內。未與考試試差者。俱著於五月初四日在宮內上書房考試。其有不願赴考者。聽仍向禮部聲明。於開列考官本內扣除。其已經考試現升詹事之鍾昌著毋庸再行考試。○又奉

旨禮部具題鄉會試正副考官同考官本。向止將不應

開列及應行扣除人員。於本內籠統聲敘。並未另為一單開列。隨本進呈。嗣後著自明年會試為始。如有不應開列及考過試差應行扣除人員。俱另為一單。於具題正副考官同考官本內進呈。以便披閱。○八

年

諭向例翰林院每逢直日。將修撰編檢等官。輪班帶領引見。嗣經改為每屆恩科正科鄉試之年。輪班帶領二次。朕思考試試差人員。既經吏部帶領引見。何必又須翰林院輪班帶領。嗣後著將簡放試差年分輪班引見之例停止。○又奏准順天鄉試漢監臨開列

兼管順天府府尹及府尹銜名奏派。若該府尹入場監臨。印信係兼管府尹管理。不便再行開列考官。應於具題本內扣除。以重職守。○十三年

諭御史宗賡奏點派考官拆封。禁止窺探。攪越一摺。順天鄉試禮部會試點派考官密本。向係大學士於午門前拆封。眼同稽察御史宣旨唱名。凡不入闈者。俱應迴避。如該御史所奏。近年以來。每屆拆封之期。竟有未經考差及無執事閒人。混入其中。紛紛擁擠。殊非慎重關防之道。嗣後考官拆封之日。著禮部於午

門中間恭設黃案。為拆封及接收數對之用。並責成稽察御史認真查察。儻仍有窺探撓越等弊。即行據實奏。○十六年奉

旨。考試差人員。由捐納各官中式進士。並中式進士後加捐者。俱於題本內分別註明。○二十年奉

旨。嗣後文闈鄉會試點派考官密本。著仍於初三日將題本送閣。初四日進呈。○二十五年奏准。嗣後各省正副考官。除五品以下各員。仍准在部豫支路費。其四品以上大員。毋庸豫支路費。以示區別。○二十九年奉

旨。嗣後禮部進本請簡各省鄉試考官。將未經考差之京堂各員。另繕一單。隨本同進。毋庸註明未考緣由。○又奉

旨。向來題請簡放順天正副考官本內。大學士及協辦大學士銜名。如經開列。仍著照常辦理。或向不開列。即自本科為始。嗣後一體開列。並於各銜名下。將歷經簡放學政並鄉會試正副考官及同考官之處。分晰註明。某年某科。毋稍疏漏。○又奉

旨。題請簡放順天正副考官本內。其未經簡放學政並鄉會試正副考官及同考官各員名下。俱著毋庸註

明未經簡放學政鄉會試考官同考官等字樣。○又覆准。此次題派順天正副考官單內。所有大學士兼管府尹事務卓秉恬。遵

旨。一體開列於銜下。註明兼管順天府府尹字樣。○咸豐元年奏准。嗣後遇有病痊假滿服闋於本年補任。並差竣回京。及升任。降補暨署缺人員。學政任滿到京。外任調任京職之侍郎等官。未及考差者。一併歸入未考試差單內開列。毋庸註明未考緣由。○八年奉

旨。向來各部題奏簡放試官。及簡放各項差使。凡有比較單者。均將病故各員扣除。以致無從比較。嗣後著將原派人員。於比較單內全數開列。毋庸扣除。○九年

諭。向例會試及順天鄉試正副考官同考官。以及內外簾執事等員。一經派出。即應迅速入闈。乃昨日朕特派御前大臣景壽等前往貢院稽察。方悉本年順天鄉試考官及執事各員。有遲至申刻酉刻始行入闈者。殊非慎重關防之道。姑念相習成風。免其置議。嗣後鄉會試年分。午門宣旨之日。著即責成稽察御史。於聽宣事畢後。即赴貢院門前。將正副考官同考官

及派出場內執事各員。入闈時刻。一併詳細查明。於次日覆奏。儻該考官等。有是日並無別項差使。無故遲延者。著即指名參奏。以肅功令。○光緒元年議准。陝西甘肅兩省。本科分闈考試。甘肅路途較遠。其請派考官。應於陝西之前具題。以期無誤。嗣後定於五月中旬。與四川湖南二省同日具題。○八年奏准。甘肅正副考官。豫支路費。仿照四川額數。各給銀六百兩。

欽定大清會典事例卷三百三十四

禮部

貢舉 鄉會同考官

鄉會同考官。○順治二年定。分考京闈。用中書行人及候選進士。如不足。取在外推官知縣到京。即送都察院衙門。嚴加局鑰。多撥兵番巡察。候順天府會燕。同主考監臨等官入院。簾內官專主校閱。簾外官專主糾察。不得彼此侵越。○又定。各直省房考。取本省甲科屬官。不足。聘鄰省甲科推官知縣及鄉科教官。挂議遷謫者不與。其房數悉以各直省科舉之數為準。每房分閱三百卷。或二百五十卷。計數分房。計房取官。必選取治行最年力強。學識俱到之員。至於春秋禮記。經孤恐易揣摩。臨時聽監臨官兌換。房官單密送主試官。於臨分卷時。照單定房。以杜關節之弊。○又定。各省鄉試同考官。俱如京闈例。取到嚴加局鑰巡察。至期燕畢。同主考入場。○三年奉旨。首科人文宜廣。用房考二十員。後不為例。○又議准。

會試同考官用二十員。內翰林院十二員。六科四員。吏部禮部兵部司官各一員。戶刑工三部。每科輪用一員。各該衙門推舉資俸優深才望素著者。送內院裁定。入闈閱卷。○五年定。各省同考官。令該巡按提學。公同考選派用。○八年題准。順天府考聽禮部會同吏部選用。江南房考聽提學會同巡按及布按二司選用。務取潔守實學。每十員用二十員。公同闈定。○十一年題准。內閣中書。舊例准鄉會試。而內閣中書亦充鄉試分房。嗣後有內閣中書應鄉試。不得開送內閣中書分房。○十四年議准。同考官分閱各經。春秋禮記各一員。○十五年定。會試同考官十八人。內易經詩經各五房。書經四房。春秋禮記各二房。其應開同考官。除曾經典試及會試分房不開外。其現在各官臨期移部題請簡命。○十七年定。順天同考官。除郎中不差外。吏部取各部員外郎。主事。中書評事。博士。國子監科甲出身官。及近京廉慎素著科甲推官知縣。開列題請

欽定。各省同考官。督撫將本省及鄰省才望素著推

知。或科甲教職等官。倍數密取到省。即日公闈入闈。以上皆先取進士出身者。不足乃兼取舉人出身之人。○康熙五年議准。各省鄉試同考官。以本省內進士舉人官員用。如不足方於鄰省聘取。○二十六年題准。順天同考官。嗣後六部員外郎主事。中書等官及守部進士俱停開列。止用直隸科甲出身知縣。由順天府咨呈吏部。行文直隸巡撫。共起送三十員。限八月初一日來京。不許私寓外城。屆期題請

欽點。○五十二年議准。直隸江南浙江鄉試人數倍於他省。照會試例。各用房考十八人。○五十四年

諭。會試每一房之卷。令不同省房官二員同閱。如一人有情弊發覺。二人並坐。俾各知畏懼。互相覺察。謹案會試

房考。例用十八人。獨是科用三十六員。順天鄉試同。○雍正元年

諭。國家掄才大典。首重試官。主考憑房官閱薦之文。定其去取。則一榜衡鑒之當否。係於分校諸臣之賢不肖。亦匪輕矣。近科以來。

皇考慎重闈門。顧俊之典。於順天鄉試及會試房考官。慮其人邪正不一。特命每房各用二人。使之互相覺

察彼此鈐制。用意良為周密。但法久弊生。一房兩考官。設有一校點者參雜其中。即為賢者之累。况兩人或皆不肖。則朋比作姦。其害不更甚乎。嗣後仍著照舊定科場條例。各房止用一人校閱。其責既專。功罪亦難推諉。朕繼承大統。思欲善繼。

皇考旁求俊乂之志。務俾鎖闈清肅。盡得真才。故特酌復舊章。防杜滋弊。○又

諭。聞各省鄉試房考。凡州縣官由科甲出身者。止許入闈一次。夫考官以秉公精鑑。拔文才為主。何論曾否入闈。嗣後凡遇鄉科。各省督撫臨場調齊科甲出身之員。不論已未分房。監臨試以時藝一篇。其文理優長者入內簾。荒疏者供外場執事。則分校得人。而佳文盡拔矣。○四年覆准。江西鄉試。加增書經房同考官一人。○五年

諭。外省鄉試房考。舊例皆用現任知縣入闈。朕思知縣身為民牧。所職地方。政務甚為殷繁。每當鄉試屆期。赴省入闈。動經數月。諸事必致耽延。遲誤。且一縣之中。豈可無正印官在署管轄。况知縣到任以後。日理簿書錢穀之事。於文藝未免荒疏。儻令辦事之時。猶必溫習舉業。以為房考持衡之地。其勢難以兼顧。又

本省本縣應試士子。皆係縣令所管轄之子民。於形迹亦涉嫌疑。朕意欲將外省房考之例。斟酌更定。或於鄰近省分舉人進士在家候選者。臨期調取數十人。以為房考之用。交與監臨之督撫。秉公掣籤。入闈分校。但必須籌畫周詳。始可以杜弊端而收科場之實效。著九卿悉心詳議具奏。欽此。遵

旨議定。鄉試同考官。除順天照例開列各官外。其外省鄉試。飭令所屬地方官。各將在籍候選之進士舉人。確訪讀書立品。不干外事。文行素優者。備造履歷經書清冊。加結送府。該府出具保結。申送督撫衙門親加驗看。以備鄰省調取。大省十八房者取用三十名。中省十四房者取用二十五名。小省十二房十一房者取用二十名。十房者取用十八名。鄰省督撫咨文到日。遣官伴送。俱限八月初一日。會集調取之省城。照例關防。不許私相交接。主考官進闈之日。監臨督撫將調取之進士舉人。當堂公同掣籤。掣得內簾者入闈分校。其餘俱令回籍。至外簾收掌受卷。彌封。錄對讀五所官。仍於本省府州縣佐貳等官內。選擇委用。其調取之舉人進士。往來路費。



每人給銀三十兩。在本省公費銀兩內動支。至兩省接壤之地。居址相連。不無親朋往來。素相交好。令該督撫酌量道里遠近。互相調往。其附近三百里內者。不得混行咨送。如咨送人員內。有暗通關節。夤緣作弊者。令該督撫監臨題參。照律治罪。其餘處分。悉照科場條例。至本省知縣入廉之例。概行停止。其各省考官調取員數。江南十八房調取三十人。浙江十人。山東十人。江西十人。福建十人。湖南十人。浙江十八房調取三十人。浙江十人。山東十人。江西十人。福建十人。湖南十人。江西十四房調取二十五人。江西十人。福建十人。湖南十人。山東十人。山東十四房調取二十五人。山東十人。福建十人。湖南十人。江西十人。調取二十五人。直隸九人。河南八人。山西十二房調取二十人。直隸八人。河南六人。河南十二房調取二十人。直隸八人。河南六人。陝西十二房調取二十人。直隸八人。河南六人。福建十二房調取二十人。直隸八人。河南六人。江西十二房調取二十人。直隸八人。河南六人。湖北十一房調取二十人。直隸八人。河南六人。廣東十一房調取二十人。直隸八人。河南六人。四川十房調取十八人。直隸八人。河南六人。雲南十房調取十八人。直隸八人。河南六人。貴州十房調取十八人。直隸八人。河南六人。

湖南六人。○十年題准。外省鄉試調取鄰省之進士舉人掣得內廉者。八闈閱卷。其餘分掣外廉。辦理五所事務。將本省佐貳用為外廉之處。並行停止。○十一年題准。鄉試之年。各府州縣將在籍之進士舉人。保送督撫衙門。考試時藝一篇。策一道。取文理優通者咨送鄰省。如有學問荒疎。濫行咨送者。後經磨勘。除主考房考照例議處外。其考試不實之督撫。亦加處分。○十三年覆准。嗣後各省鄉試房官。仍令各該督撫於科甲出身屬員內。不拘進士舉人。及曾經分校之員。俱准揀選入闈。○乾隆元年覆准。本省屬員內。缺少經書一二。於鄰省教職內聘取。○又覆准。廣東鄉試。加增詩經房同考官二人。河南鄉試。加增易經房詩經房同考官各一人。○三年議准。江甯安徽增額分中。將詩易二經添設同考官各二員。其直省同考官分經各房附列於後。順天同考官十八房。易經五房。書經四房。詩經五房。春秋禮記各二房。江南同考官二十二房。易經七房。書經四房。詩經七房。春秋禮記各二房。浙江同考官十八房。易經五房。書經

四房。詩經五房。春秋禮記各二房。江西同考官	十四房。易經四房。書經三房。詩經五房。春秋禮	記各一房。山東同考官十四房。易經三房。書經	三房。詩經六房。春秋禮記各一房。山西同考官	十二房。易經三房。書經三房。詩經四房。春秋禮	記各一房。河南同考官十四房。易經四房。書經	二房。詩經六房。春秋禮記各一房。陝西同考官	十二房。易經二房。書經二房。詩經六房。春秋禮	記各一房。福建同考官十二房。易經四房。書經	二房。詩經四房。春秋禮記各一房。湖北同考官	十一房。易經三房。書經二房。詩經四房。春秋禮	記各一房。湖南同考官十一房。易經三房。書經	二房。詩經四房。春秋禮記各一房。廣東同考官	十三房。易經三房。書經二房。詩經六房。春秋禮	記各一房。廣西同考官十房。易經三房。書經二	房。詩經三房。春秋禮記各一房。四川同考官十	房。易經三房。書經二房。詩經三房。春秋禮記各	一房。雲南同考官十房。易經三房。書經二房。詩	經三房。春秋禮記各一房。貴州同考官十房。易	經三房。書經二房。詩經三房。春秋禮記各一房。
-----------------------	------------------------	-----------------------	-----------------------	------------------------	-----------------------	-----------------------	------------------------	-----------------------	-----------------------	------------------------	-----------------------	-----------------------	------------------------	-----------------------	-----------------------	------------------------	------------------------	-----------------------	------------------------

○五年覆准。鄉試同考官。由各督撫將應行入  
 廉之員。豫訪其品學素著者。調取來省。試以時  
 藝一篇。策一道。其文理優長者入內廉。餘供外  
 場執事。○十二年議准。山西中額。按照正副榜  
 共錄取科舉三千九百餘名。惟試卷較少。將內  
 廉易書詩三經。各減一房。外廉受卷。騰錄對讀  
 三所。各減一員。○又議准。湖南同考官十一員。  
 外廉官十六員。今應試人少。裁同考官二員。外  
 廉官三員。○十三年

翰外省房考各官。例於本省科目出身之現任同知通  
 判州縣調取委用。向因入闈閱卷。非隔省遠出可比。  
 所有印務。例不委員署理。一應案件。俱准展限。但計  
 奉調之初。以及揭曉以後。為期不啻一月有餘。公務  
 既不無曠誤。且本省州縣等。不皆科目出身之員。每  
 值鄉闈。皆可先期揣摩。而州縣等以本任無署理之  
 員。雖經奉調。其於未入廉以前。甫撤棘以後。一切稿  
 案。尚須攜帶辦理。中間幕友吏胥家人子弟往來出  
 入。或不免與士子結納黃緣。招搖生事。著於本年為  
 始。各省房考。於奉文調取之日。即委員署理。案件不  
 必展限。庶該房得以嚴密關防。專心分校。而士子等

不得妄希倖獲。照應關通。以慎司衡。以重官守。著為令。○又議准。陝西科舉。今定四千二十名。較前試卷既少。將內簾詩經六房裁二員。○十五年議准。雲南文闈鄉試。自甲子科以後。共錄科舉二千九百名。人數較少。內簾易經房考三員。減一員。詩經房考三員。減一員。○又

諭。順天鄉試房考。定例分經校閱。遵行已久。近有人奏稱。欲除內簾尋查關節之弊。請將房考止分房數。不分某經房者。查舊例房考校閱試卷。原不分經。後因內簾收掌官。有先將紅號關通。臨期分遞某房考校閱之弊。因掣籤分經以限制之。是分經原以除弊。不必再為更改。惟是一經之中。用房考數員。內有籍係同省者。平居素為習熟。入簾時彼此相通。易於照應。朕意不若於定例之中。稍示變通之法。嗣後房考入闈。仍著照舊掣籤分經。其一經之內。房考有籍係同省者。令主考官臨時酌量對調。閱看他經。亦或釐剔弊端之一道。著為令。○十八年議准。直省同考官。順天江南房考官各定為十八員。陝西房考官定為十員。雲南房考官定為八員。江西房考官定為十四員。山西湖南房考官各定為九員。廣西

四川房考官各定為十員。山東河南房考官各定為十二員。貴州房考官定為八員。湖北房考官定為十員。浙江房考官定為十六員。福建房考官定為十一員。廣東房考官定為十員。○十九年覆准。嗣後各省鄉試內外簾官。直隸州知州停其調取。○二十一年

諭。外省鄉試同考官。例於州縣內之科目出身者。考試入簾。然該督撫往往視為具文。率以地方不甚緊要。而辦事平常者充其選。又或年力已近衰頹。精神不能周到。亦得濫竽其列。夫衡文之柄。雖專在主考。而分房閱薦。必須藻鑑精明。方不致有魚目之混。且應試士子。大省或數逾萬人。主考官即按查落卷。又豈能徧閱無遺。如分校之得以從容詳審乎。今歲鄉試屆期。所有各省同考官。其令該督撫等慎重遴選。精加考試。擇其年壯學優者。共襄試事。以副國家抡才大典。鎖闈不過兩月。本任即繁劇。原有委員代理。於地方亦何致貽誤耶。可將此通行傳諭知之。○又議准。順天同考官。因向有調取近京州縣之例。是以獨由吏部題請。今改用京員。嗣後歸禮部題請。○二十五年議准。福建鄉試。仍用房官十二

人。○又奏准。本年會試同考官。遵

旨將上年鄉試考差人員開列。隨本恭進。並將升遷出  
差事故人員扣除。○二十六年

諭會試取士。由舉人而拔為進士。衡鑑之司。較鄉闈倍  
宜慎重。適閱該部請派同考一本。所列率多鄉試主  
考時。列在三等未用。及向不知名。聊且充數之員。雖  
例載點過試差。及曾充房考者。俱不開列。似屬公道。  
而不知其實為典校者一大弊端也。蓋鄉試簡差。皆  
迴避本省。其在籍子弟親屬。仍可入場邀中。若禮闈  
房官。定例子弟均應迴避。其託故扣除者。想已不少。

而又公然以為格於例。不復開列。獨留劣等數人。俾  
以掄才。安望春闈之得佳士哉。嗣後凡遇會試。著將  
考差等第全單隨本進呈。以備簡派。庶於重文衡。杜  
規避。兩有裨益。○三十年議准。江西鄉試。自下科為  
始。易經裁去一房。添入詩經。○三十二年議准。  
鄉試同考官。宜恪遵定例。於現任州縣內考選。  
其候補及暫行委署並借補佐貳者。概不准入  
內簾。○三十五年議准。順天鄉試題請同考官  
本內。將翰林讀講學士以下。部屬評博以上。  
欽取文字入選者。悉行夾單開列。分南五省人員為

一單。滿洲漢軍及北五省邊省人員為一單。一  
併進呈。於兩單內

簡派。乾隆四十七年奏准。考差名  
單。毋庸發出。禮部通行開列。○三十六年議准。

嗣後雲南同考官。照例於科目出身之現任州  
縣同知通判內調取外。如有不敷。即將現在委  
署州縣以上。一體考充。其非現在委署及借補  
縣丞等官。仍照定例。概不准入內簾。○四十八  
年奏准。順天鄉試。南北兩籍均應迴避之員。另  
疏題明扣除。○又議准。外省內外簾官考試後。  
該督撫不必豫期宣示。即令監試官加謹查察。

均俟入闈之日。臨期分派。○五十年議准。江南  
內外簾官。不得調取本省籍貫人員。陝甘亦照  
此辦理。○五十一年奏准。順天鄉試。南北中四  
字號貢監數千人。皆屬在京肄業。國子監官員。  
平日職司訓課。臨時復由監錄科送試。未便再  
預科場校閱之事。嗣後開列順天鄉試同考官  
本內。將國子監官員扣除。○五十四年奏准。點  
出同考官。或染患病證。或因隨圍不克入場者。  
照例知會正副考官。令入場之同考官通融校  
閱。○五十七年議准。廣西省額設房考十人。裁

去二人。止留八人。自下科始。○五十八年奏准。會試巡牆官或提調官復奉

旨派出同考官者。除令該員照例入場外。其巡牆事務。行文都察院。改派一員前往接辦。提調事務。禮部改派一員。奏請接辦。○六十年奏准。湖南各項人員。多因軍營經手要務。不敷差委。惟本年會試後。分發湖南試用知縣。現當陸續到省。即飭藩司將該員等考選派用。○道光五年奏准。江西本年鄉試。實缺人員堪充內廉者。僅止十二人。改於候補人員中選擇二員。一體充當

內廉。○九年議准。嗣後各直省遇鄉試之年。該督撫先期調取科甲出身之現任各員。試以文藝。遴選充補。如現任各員不敷考選。准以即用分發人員。一體充當。仍由該督撫將現任人員實在不敷派用情由。詳細聲敘。專摺奏明。以重分校。○十三年

諭。各省督撫。遇州縣調廉入省。務令遵照定例。徑入公所。不得在外居住。與人交接往來。啟士子鑽營之習。如該州縣不知檢束。或招致士子。私通關節。或賄託書吏。指認紅號。該督撫當不時查察。一經發覺。即嚴

參究辦。○三十年具奏。會試同考官卓棟。係正考官卓東恬之子。應否迴避。奉

旨。著迴避。○同治四年奏准。湖南鄉試添設房官二員。共十一員。○又奏准。四川鄉試添設房官二員。共十二員。○五年奏准。廣東鄉試同考官十三員。乾隆十八年酌減三員。近年奏加中額。仍添設房官三員。○八年奏准。江西鄉試添設房官二員。共十六員。○九年奏准。湖北鄉試添設房官二員。共十二員。○又奏准。山東鄉試添設房官二員。共十四員。○十一年奏准。河南鄉試添

設房官二員。共十四員。○光緒元年奏准。甘肅分闈鄉試。額設同考官八員。○七年議准。嗣後鄉試調廉各員到省。即令徑入公所。嚴禁幕友子弟等出入往來。並照主考到省例。將所寓公所門封固。由督撫委員巡邏。依時啟閉。以杜弊端。○又奏准。湖南鄉試添設房官一員。共十二員。○十一年具奏。順天鄉試同考官翁斌孫。係副考官翁同龢之胞姪孫。是否應行迴避。奉旨。著毋庸迴避。○又議准。嗣後調取廉官。無論久官該省及初到人員。務須嚴加考試。擇其年壯學

優者。入闈分校。不得以函託東求之員。徇情調派。○十三年議准。江南鄉試。向來派充分校。照中額上四下六之數。安徽得七員。江蘇得十一員。嗣後由該二省巡撫平日留心訪察。凡實缺候補同通州縣中。有文望素著。年力正強者。於監臨時。合兩省通同調取。嚴加考試。果能取列優等。不必按省定數。即行派充內簾。○又議准。四川鄉試添設房官二員。共十四員。

欽定大清會典事例卷三百三十五

禮部

貢舉 董理重員

董理重員。○順治二年定。順天鄉試用監試御史二員。入場總理諸務。巡察御史二員。榜檢諸生進場。由順天府咨呈都察院。都察院轉咨禮部。坐名題差。各省用巡按御史為監臨官。○又定。京闈監試御史。以一月前題請。即於

命下日進院。○三年定。會試以禮部侍郎一員充知貢舉。禮部司官二員充正副提調。其監試巡察

御史各二員。均坐名題差。○十二年。增滿監試巡察御史各二員。○十五年題准。考試入簾鋪陳等項。俱經內外監試驗明。揭曉後出場。照入場例榜檢。○又定。各主考到省入簾行李。聽監臨提調官公同驗明。○康熙二年題准。各省巡按已經裁撤。用巡撫監臨。提調用布政使司官二員。監試用按察使司官二員。如布政使署監臨事。以按察使充提調。守巡道充監試。永著為例。如巡撫間有事故。以按察使署監臨事。以守巡道充提調監試。○三年題准。會試及順天鄉

試。監試巡察御史。停其坐名題請。通行開列。奏請。

簡用。○十八年議准。順天鄉試。內簾增設滿漢御史各一員。不與文事。專司糾察。其封門發題進卷。分卷關防諸事。均令管理。舊條正副主考管理會試亦如此例。其新設滿漢御史。與內外監試御史。一同列名奏請。

簡用。○二十六年覆准。停派內簾添設滿漢御史各一員。○三十九年覆准。會試並順天鄉試。內簾仍設滿漢監試御史各一員。○五十四年定。京

闈鄉會試。兩翼各派都統一員。副都統二員。帶同參領各一員。章京各二員。入場約束八旗士子。試畢出場。○六十年定。八旗都統等。俟發榜一同出場。○雍正四年奏准。鄉會場內每翼派副都統一員。參領章京各一員。一同進場稽察。試畢即行出場。不必俟發榜。○七年

諭各省鄉試之年。舊例以巡撫為監臨。以布政使為提調。以道員為副提調。以按察使為監試。以道員為副監試。朕思藩臬二官。乃通省錢糧刑名之總匯。入場一月有餘。將地方公事耽閣遲延。於官民均為未便。

况既有道員二人。則科場之事。已有大員料理。不必又用藩臬。即從今科為始。各省以道員一人為提調官。一人為監試官。永著為例。○八年奏准。外場監試。於揭曉後。仍駐紮文場。俟主考等官起身時。將各行李查驗放出。帶領地方官員進內。將備用官物。並供給所內存贖物件。逐一公同細加查看。其中有無毀壞及存贖多寡之處。俱令經手各官收管。行文各該處。交明收存。以備來科之用。○十年議准。各省鄉試。除場內之事。專令道員二人料理。至外場三次點名散卷稽查等事。仍由藩臬二司與道員一同辦理。○十三年題准。供應官進供應時。飭令守門官逐件查驗。方許送入。監試提調官仍嚴行稽查。○乾隆元年議准。場內支取食物。開具清單。送提調官鈐蓋關防。內委官登號。辦繳時。仍令內外監試查驗。○又覆准。各省鄉試。照順天之例。增設內簾監試官一員。在道府內委用。如道府人不敷用。於同知內選委。○六年覆准。各省既設內監試。職司稽察。各房薦卷。令其驗明登號。並照定例遵行。○又議准。入場官員之跟役。以及執事人等。

人數甚多。或有串通士子代為懷挾等弊。應由巡場監試各官。於此項人等入場時。加意稽查。○九年奏准。士子點名時。恭請

特派近信大臣官員。監同查察。一體嚴行按檢。倘有徇情疏縱。將監試官指名糾參。○又議准。外場巡察御史。於場期前十日。題請

欽點滿漢各二員。皆先期駐宿貢院大門外。以便按查運送供給及進院之夫役人等。並主考同考監試提調副都統內外簾執事各官之跟役鋪陳等項。逐一驗明按檢放入。以杜執事人役代

士子懷挾之弊。據外省則由監臨選府佐二人為巡察。○又覆准

棘闈封門之後。官員毋得出入。各省監試提調等大員。有不得已而出入者。在內之家人毋許隨出。在外之家人毋許隨入。違者照例議處。○又奏准。順天鄉試人數太多。點名或至四五更。夜間覺察稍疏。轉得任意懷挾。應令監試諸臣。於三場點名之日。將貢院一應事宜。黎明趕辦完竣。即會同

特派之大臣。在點名處所唱名散卷。公同查察。○十年奏准。今年會試。合八旗滿洲蒙古繙譯為一

場事務較繁。於巡察外場御史外。添派數員。協同稽察。○十二年

諭。科場大典。務期甄拔真才。向因士子希圖倣幸。有懷挾作弊之事。是以乾隆九年鄉試。派大臣侍衛等官。嚴加按檢稽查。以清積弊。近日以來。士子頗知作弊為恥。蒸蒸日上。漸肯潛心讀書。甚可嘉悅。惟是賢愚不等。誠恐一二不肖之人。故習未忘。乘機舞弊。轉令有志向上者亦蒙其垢。殊非朕作育人材之意。現在出口行圍。八月鄉試屆期。在京總理事務王大臣等。照上科之例。酌派大臣侍衛等員。嚴加按檢稽查。使

弊絕風清。以光鉅典。○十五年奏准。會試知貢舉。例用禮部堂官一員。於三月初六日同主考入闈。其場前應辦科條及緊要事件。僅一提調料理。難資彈壓。且知貢舉非有文字之責。不必俟臨時具題。自明年辛未科會試為始。將知貢舉官於正月內題請。○十六年奏准。本年會試。恭遇聖駕南巡。所有按檢稽查之大臣侍衛等官。請旨敕交留京辦事處奏派。○十七年

諭。向例各省鄉試。巡撫入闈監臨。而藩臬二司則充提調監試之任。後以藩臬為通省錢穀刑名總匯。改為



道員而巡撫之監臨如故。所以重試典也。但巡撫膺封疆之寄。職守甚重。其督撫同城者。尚有總督可以綜理。若專係巡撫駐紮省分。及雖與總督同城。而該督因事他出。則止巡撫一人在省。循例入闈。於地方不足以示彈壓。此後此等省分。應於藩臬二司內酌委一員入闈監臨。巡撫於三場點名時。仍督同藩臬按查。則實與大典既為嚴密。而封疆專寄。亦昭慎重矣。○十八年

諭各省鄉試。向例巡撫入闈監臨。前因封疆職守甚重。曾經降旨將專駐巡撫省分。令於藩臬二司內酌委

一員入闈監臨。巡撫止於點名時督同按查。本屬因地制宜之意。但思士子屬闈考試。人數衆多。又有武弁兵丁。均需約束。恐藩臬尚不足以資統理。且如江蘇安徽二省。藩臬事務最繁。不便行調入闈。嗣後該二省俱著照舊例行。其餘專駐巡撫省分。亦仍令巡撫入闈彈壓。俟三場完竣後。即行出闈。交與所委之司員。在內辦理。庶闈防嚴肅。於地方場務。均昭慎重。○十九年奉  
旨。嗣後會試正副提調。著一起帶領引見。○二十一年  
覆准。各省鄉試。於八月二十日。貼示三場試卷

之後。巡撫即可出闈。其中督率事宜。交與提調監試二道循例辦理。不必令藩臬二司入闈闈防。○二十四年覆准。嗣後各省監臨。及提調監試之道員內。如無科目出身之人。即於兩司內科目出身者酌派一人入闈。其印務別委道員署理。○二十五年奉准。嗣後鄉會試。無論滿漢士子。俱責令副都統二員。會同監察御史彈壓。○二十七年奉准。鄉試監臨提調監試須用科目出身者一員。今江西壬午科鄉試。司道中現無科目人員。暫行從權辦理。○三十年

諭考試為掄才大典。必須弊竇肅清。方可以拔真才而杜徼幸。近年以來。加意整頓。從前懷挾諸弊。雖漸次釐剔。但聞應試士子。竟有因按檢嚴密。復遁而雇覓槍手代構者。或私聯坐號。或頂名入闈。或臨時換卷。種種難以枚舉。即如上科韓家清覓人代倩一案。其明證也。雖事後敗露。未嘗不審出實情。按律重治其罪。但此等弊端。所關於士習科場者匪淺。不可不設法防範。以絕根株。本年順天鄉試屆期。場中印用坐號。著提調監試等。按例親身詳慎辦理。毋僅虛應故事。仍假手吏胥。致滋姦弊。臨期該部請旨。於點名時

朕當特派大臣會同順天府尹於龍門內嚴加查察以防接換卷亂號之弊。至榜後填寫親供。校對試卷筆迹是否相同。以稽頂替代情。立法至為周密。乃相沿日久。視同具文。犯法者無所忌憚。嗣後鄉試中式舉人。務令當堂填寫親供。並默寫闈中首藝七八行。該學政等親加封固。彙奏奏聞。候另派大臣逐卷校勘。如有筆迹不符之處。即舉出請旨交部嚴訊。以示炯戒。儆戢對時草率疏漏。別經發覺。惟派出之大臣是問。○又奏准鄉會試點名畢。監考官即刻分入號舍。嚴查完竣。將柵欄封固。至次日出題後。停

其入號稽查。俾士子從容作文。○又奏准順天鄉試。監臨檢視墨卷完竣。即行出場。○又覆准各省鄉試。巡撫監臨統理諸務。其入闈鹿鳴等筵燕。向設藩司衙門。嗣後改設巡撫衙門。惟江南監臨。係上下江巡撫輪直。衙門均不與貢院同城。仍設公所。以巡撫主其事。其出榜鈐印。均用巡撫關防。○三十二年議准。順天鄉試及會試。內簾進卷之時。俱令內監試官及內收掌官當堂眼同均派。即時各登號簿查覈。以便稽察。○三十五年奏准。鄉會試外場內場內簾等三

處監試御史。向例惟將資淺者依次開列二十員。指定所司之事。請用十員。嗣後除有差使外。一體通行開列。○三十九年奏准。順天鄉試。門御史有復

點為內簾同考官者。場期已屆。速移行都察院派御史一員。與現在執門各御史。協同辦理。○又議准。監臨提調監試等官。除場內文移告示。照例用紫筆外。其本任事務。由署中辦就者。均用墨筆繕寫。俟貢院開門時。交外監試官。逐加點驗。遞進。至判行籤發字數無多。仍用闈中紫筆。遵照定例。不得攜墨入闈。以滋書吏人等改易墨卷之弊。○四十五年奏准。會試執門御史有復點為內場監試官者。該員即移入內場。一面行文都察院。速派御史一員。接辦執門事務。○五十一年定。鄉會試外場監試御史。於頭二三場。每夜在外圍牆更番巡查。僮員弁兵役不認真查緝。御史即嚴參。辦理如該御史未經查出。致有遺漏。題目自外傳遞等弊。並將該御史等交部議處。○五十二年奏准。嗣後順天鄉試。監臨會試知貢舉。禮部將滿漢侍郎以下。三品卿以上。通

行開列請

派滿漢各一員。○又奏准。舉場號舍之外。棘圍之內。有巡更巷道。場中員役。託名巡查。往來不絕。每旬通外場人役。從中舞弊。嗣後將場內巷道毗連號舍之處。概用牆垣截斷。作為空地。禁止人役往來。並

欽派滿漢科道各四員。於初九初十十二十三十五十六等日。在棘牆外。無分晝夜輪流查察。其直省鄉闈。均照此辦理。由監臨揀派府廳等員。按期在外圍嚴行巡察。○五十四年。禮部鑄

欽命監臨開防一顆。

欽命知貢舉開防一顆。每屆

點出監臨知貢舉後。即交該員齋帶入場。於試卷送進時。逐卷鈐用。以防盜換。○又議准。封門後清查號舍。令監臨監試提調等官。分段親往。逐號嚴查。將某號係某員查看。登記號簿。僅有亂號等弊。將原查官參處。嗣後派滿漢監試各四員。題請時。將科道銜名通行開列。○五十七年議准。現在添派科道四員。原為入號巡查而設。舉子出場後。並無應辦事件。照繙譯鄉試例。三場

完畢。先行出闈。○五十八年

諭各省督撫同在一處者。仍令巡撫監臨。榜後交與總督覆試。其止有巡撫省分。著派布政使會同鄰近提鎮一員監臨。榜後交與巡撫覆試。○五十九年議准。監臨改派藩司。三場有無弊竇。令藩司會同提鎮具奏。○又

諭嗣後順天並各省鄉試覆試。均即停止。其巡撫監臨之例。仍照舊辦理。○六十年奏准。貢院內瞻望樓。添築階級。責成知貢舉監臨兩翼副都統監試御史等。輪流親往。不得僅委員役巡查。○嘉慶九

年

諭汪志伊奏本年江南鄉試監臨。懇請令安徽撫臣辦理一摺。江南文闈鄉試。本年輪江蘇巡撫監臨。汪志伊籍隸安徽。其子弟親族及至戚人等。自當照例迴避。至同姓不宗及疏遠親故。於例本不迴避。汪志伊止須心存公正。何必以迹涉嫌疑。為此例外之請。即如順天鄉試。朕所派監臨及執事人員甚多。若概因疏遠之親戚故舊。紛紛引嫌迴避。將何人可以簡派乎。且該省監臨。係上下兩江輪流辦理。今歲即改派王汝璧。下屆仍應該撫輪辦。豈汪志伊久任江蘇。總

不與監臨之事耶。所有該撫奏請令王汝璧監臨本  
科鄉試之處。著不准行。○二十二年議准。順天鄉試  
監臨。照會試知貢舉之例。統俟揭曉後出闈。○

二十五年

諭向來鄉會試屆期。禮部於奏派按檢王大臣後。復奏  
派近信王大臣復行按檢。其所開銜名。即係奏派按  
檢王大臣單內未經派出之人。名實不符。竟係具文。  
嗣後鄉會試。著禮部即於奏派按檢王大臣時。聲請  
多派數員。其近信王大臣。毋庸另行奏派。著為令。○

道光元年議准。順天鄉試。外簾佐雜各員。俱係

府尹所屬。嗣後鄉試。漢監臨於兼管府尹及府

尹內奏請

欽派。再府尹有地方之責。未便久在闈中。致曠職守。

俟文闈三場。及宗室士子考試完畢。該府尹即

行出闈。至揭曉時。仍進貢院。公同拆卷。其滿洲

監臨一員。仍將滿洲侍郎以下。三品卿以上銜

名奏請

欽派。所有場中謄錄對讀各事宜。漢監臨出闈後。專

令滿洲監臨稽查督率。○十一年議准。定例士

子進場時。有參領守備等官。率領稽察。嗣後添

派左右翼總兵帶兵彈壓。惟總兵二員。一駐班  
圓明園。勢難兼顧。專派在城總兵一員。酌帶弁兵  
分巡督率。○十二年奉

旨。嗣後凡遇貢院考試文鄉會試。著都察院衙門奏派  
滿漢堂官各一員。專司稽察。○十三年議准。鄉會試  
按檢王大臣。派出員數本多。嗣後除無故不到  
者。由按檢王大臣及外場御史指名奏外。其  
實係另有差使。不能到班者。知照外場御史。按  
檢王大臣。於次日覆

命時。將因何不到班之處。摺內聲明。所有到班人員。

仍照向例。分往各門稽察。○十五年

諭。何凌漢等奏請分派貢院門。兩處按檢一摺。此

次會試。派出按檢王大臣及侍衛各員。即著該王大

臣酌量分派。於貢院門。兩處稽察按檢。以昭嚴

密。嗣後每科會試。著禮部於奏派按檢時。即行分別

開單。奏請欽派。○又奏准。本年會試。遵

旨。將貢院門。兩處按檢分別開單。奏派。所有本年

鄉試。亦照會試例辦理。以昭畫一。嗣後鄉會試。

由部咨取銜名。開單先請

簡派。貢院門。按檢王大臣。其未經派出各員。另繕清

單再請

簡派甄門按檢王大臣。並知照領侍衛內大臣。其應派侍衛各員。亦分作兩次。同日具奏。○又議准。監試科道。向有八員。四員足數。點名散卷。其四員即可會同監臨等官。逐號清查。如稽查不力。致有亂號等弊。將監臨監試等官。交部議處。○二十年奏准。山東巡撫。現赴登州督辦防堵。飭委藩司代辦監臨事務。○又奏准。浙江巡撫。現往鎮海辦理軍務。藩司既辦科場。又管軍需。本年鄉試監臨事務。由學臣代辦。○咸豐八年奏准。內簾監試。有與考官應行迴避者。於至公堂科道內籤掣一員對調。○又

諭順天府府丞蔣達奏因病出開。自請嚴議。並參府尹委官護庇抗違各情。覽奏實堪詫異。府丞提調鄉闈。是其專責。如果委員人等呼應不靈。自當與監臨和衷商榷。實力整頓。即意見不合。亦何妨專摺具奏。乃竟自稱患病。負氣出開。實屬謬妄糊塗。蔣達著交部嚴加議處。順天府府丞著毛昶熙暫行署理。接辦鄉試提調事務。內場監試御史。著改派李培祐去。其李培祐巡察甄門差使。著都察院堂官酌派一員接辦。

至蔣達奏參梁同新護庇屬員。及治中蔣大鏞辦理草率。通判蕭鼎禧並不照例入場。使其同黨盤踞兩所。營私肥己。大興宛平兩縣知縣。偷減供給。各委員等遇事疲玩各情。與監臨景康副都統載鷺監試志文等所奏。亦大致相同。著瑞常會同載鷺實查逐款查明。據實參奏。梁同新於鄉闈要務。不知認真辦理。任用非人。以致諸務廢弛。有心徇庇。著先行交部議處。景康於順天所屬各員。並非統轄。惟既充監臨。亦難辭咎。並交部議處。○光緒元年奏准。甘肅分闈鄉試。仿照四川定例。以總督為監臨。○十二年

諭御史托佛歡等奏。內簾監試入闈時刻。據實奏聞等語。給事中桂年派充內簾監試。於申刻始行入闈。殊屬遲延。桂年著交部議處。○十三年奏准。順天鄉試。增建號舍三千餘間。在東西文場之後。添設監試滿洲科道漢科道各一員。專司後場稽察彈壓事務。毋庸赴龍門點名散卷。俟士子三場完竣。即行出闈。

欽定大清會典事例卷三百三十六

禮部

貢舉 執事員役

執事員役。○順治初年定。場內供應員役。或有埋藏傳遞等弊。各役宜嚴選信實。司門宜改易佐貳。○二年定。順天鄉試外廉各官。共用十六員。於八府知縣教官內科甲出身者。由順天府尹行取題用。○又定。外廉四所書役。必取土著正身。以防頂替。凡卷面必印官役姓名。以憑稽考。四所官皆要精明強幹。彌封官關繫尤重。當量材授任。四所總門。除送薪水一次外。皆實封鎖。不得燕聚。提調監試輪日稽查。俟謄錄對讀完日。方許撤封。○又定。直省鄉試。取醫士一名入場聽用。○十二年定。會試受卷。彌封謄錄對讀監門等官。均於內院中書科國子監光祿寺順天府等衙門取用。其巡綽官用京衛守備千總等弁。供給所用禮部司官。均掾行各該衙門開送。坐名委定執事。屆期具題。○十四年題准。在京貢院外。開令兵部的撥八旗官一員。及兵丁。分與汛地。同附近貢院本旗巡街之官。晝夜

巡緝。○十五年題准。謄錄書手對讀生員。各府州縣務細加考驗。擇善書樸實之人。開明籍貫年貌。如有雇替塘塞。將起送之官題參。各役正身及雇替之人。皆從重究治。○十六年議准。受卷各役。在京責成大興宛平二縣。在外責成附省州縣。選撥勤慎書手共十四名。造年貌籍貫清冊。送提調官。臨期選送受卷所。令本所官細心督察。○又議准。謄錄書手。行各府州縣。務令場期二十日前。解送到部。該提調官按冊籍考驗。堪用者印臂留用。不堪用者駁回。將原送官卷處。書手到所之日。該所官於每十名選取總書一名。以專責成。其起送冊。應令各府州縣一揀起送二本。一本留提調官察驗。一本付所官稽查對讀生員。責成該學政行各學。揀選年力精壯。文理通明之士。按年貌籍貫造冊。交送提調。內有點驗不對。及蒙混塘塞者。將本生點革。開送官卷處。○康熙二年題准。各省印卷收掌。受卷彌封。謄錄對讀等官。以府佐貳首領並州縣正佐內。由正途出身各官選用。其巡綽按檢供給等官。於衛弁雜職內取用。○三年題准。會

試及順天鄉試外簾各官亦照主考同考官例  
通行開列密題

欽點○十八年議准主考各帶三人同考各帶二人  
御史各帶二人筆帖式各帶一人毋得逾額多  
帶進場時御史照數按檢放入○二十四年議  
准嗣後外簾執事官孔氏博士不必開列使孔  
氏子孫入場無所迴避以示優待聖裔之意○  
三十二年議准文武會試內收掌官將內閣中  
書中書科中書無論俸次儘行開列題請○三  
十九年覆准順天鄉試內簾分卷及印卷面號  
印交與收掌試卷官仍用內監試御史監視○  
四十年覆准會試外簾例開光祿寺國子監順  
天府學衙門等官恐人數太少臨期將守部候  
選之内外七品官一併開列○五十二年覆准  
舉子進院除巡綽等官照常派出外或參將或  
遊擊增派一人坐明遠樓前同御史管理試畢  
出場若督理不嚴將該管官治罪○五十三年  
覆准鄉會試號軍每多頂冒入場易於作弊嗣  
後移咨步軍統領嚴飭該管官并務選正軍每  
十名內以一人為號頭將號軍面用印記造冊

送該管官處如有作弊事發將該管官并治罪  
謹案定例順天鄉試用號軍一千名會試用號軍七百名○雍正元年議准  
順天鄉試外簾官原係調取直屬州縣但州縣  
官各有地方專責不宜久曠職守嗣後停其調  
取由部行文各衙門將進士舉人出身之員外  
郎主事中書評事博士助教守部進士舉人並  
行取主事開列題請○又覆准會試外簾官將  
翰林院庶吉士與進士出身之國子監中書科  
內閣中書等官一併開列○六年覆准科場對  
讀例用五等青生惟順天除京學外兼將外縣  
新進十名以外之生員充補不得一體鄉試未  
免阻其上進之志嗣後照現行例概用五等青  
生對讀事竣准復附生如人數不足以四等生  
員充補其以新生充補對讀之處永行停止○  
七年議准號軍點進之後即於貢院內歇宿俟  
三場既畢令其出場○又奏准鄉會兩試外文  
場承辦公事五城司坊派有書役足資差遣其  
院書二名院阜八名甚屬無用即行裁革○又  
議准每翼各委賢能參領一員於貢院轅門外  
協同點名官點名給籤並嚴行禁飭毋許送考

人等混入。甄門有混入者。該參領即行鎖拿。照擅入衙門例治罪。○又議准。考試期近。兵部咨取副都統參領旗員職名時。該旗副都統即選老成勤慎。能識漢字。領催五名。各率至

午門恭候宣

旨。一同入場。○八年定。本年

賞賜舉子科被原係體恤寒素。誠恐不肖之徒串通成

衣人等。藉此夾帶。嗣後禮部派委司官筆帖式

前往貢院妥協料理。○又定。會試東西甄門點

名給籤。由順天府派員辦理。順天府試同。○十一年

覆准。會試外簾四所官。照順天鄉試之例。受卷

彌封。謄錄對讀。每所各用四人。共用十六人。○

又議准。科場向例。大興宛平兩縣縣丞。在場內

辦理供給。謂之內委官。兩縣典史。在場外督催

供給。謂之外委官。嗣後將內委縣丞移出一員。

在場外督催供給。仍將外委典史移調一員。入

場內協同辦理。其武場亦照文場之例。○又覆

准。督門官二人。鄉試派用營弁。會試亦不必定

用部屬。照鄉試之例。用千總二人。督門三場畢

撤回。○又奏准。鄉會兩闈。向來惟於點名日揭

曉日。巡捕營撥兵巡守。餘日悉皆撤回。嗣後將

巡捕營所派兵丁。自入闈至揭曉。統行巡緝。○

乾隆元年。覆准。順天鄉試外簾。停止開列庶吉

士。其應用外簾各官。於小京官及額外主事。守

部進士等官內開列。○又覆准。各省鄉試。於調

取通省應行分房之同知。通判。州縣等官內。文

理平常者。供外場執事。如不敷用。仍調取本省

佐貳差委。○又覆准。鄉會場前。行文步軍統領

派委營弁兵丁。自入闈至出榜日。皆令於貢院

周圍巡緝。仍將兵役數目。開報巡查御史。令其

稽查。如有違誤。移送步軍統領究治。○二年題

准。經頭坐簿催卷。並彌封書手。必須歷科承辦

之人。方不致有貽誤。嗣後伊等報明該衙門驗

准。即冊發司坊官。取具保結。並連名互結。屆期

押送入場。○又題准。鄉會試年。行文直隸總督

嚴飭各屬。務選信實善寫書手。押送赴京。毋得

中途頂換。至京照例考驗。將能寫者。仍印其左

臂。臨期驗臂而入。如有串通。解後代為包攬。雇

覓者。查出。送刑部治罪。○三年覆准。順天鄉試

加增謄錄二百四十名。共計千名。以敷謄錄之



用。按舊例。騰錄七百六十名。均在順天一府調取。嗣後於順天額數過多之州縣內。減去二百六十名。順天一府止解送五百名。其餘五百名。令直隸總督照會試例。於所屬州縣內酌量地方大小。坐定名數。該府彙齊加結。先期送順天府聽用。○又覆准江甯安徽現既增額分中。其鄉試外簾增設受卷官三員。彌封官二員。○又覆准湖南外簾官共十六員。將騰錄所裁減一員對讀所裁減二員。又山西受卷騰錄對讀三員。亦各減一員。○六年議准至公堂監察御史隨帶筆帖式二人。業經裁汰。其內簾監察御史隨帶筆帖式二人。應一併裁汰。○又覆准順天學政。嗣後每遇鄉試之年。將通屬四五等生員。照冊開送順天府。承充對讀。仍飭各教官嚴飭各生。務於科場十日前。赴提調處會集點驗。其中實有患病事故。必飭取該生里鄰。及該教官印甘各結。以憑稽查。如有託故不到者。本生褫革。開送官題參議處。○八年覆准鄉試五等青生。不敷對讀之數。兼用四等武生。免其錄遺。准入武場鄉試。○九年奏准會試及順天鄉試。均行

文兵部。於轅門外各添守備一員。協同點名給籤。○又覆准嗣後順天鄉試。應需騰錄書手一千名。仍於順天府屬州縣。照原例提取七百六十名。其不敷書手二百四十名。於保定府屬之安肅。定興。新城。容城。雄縣。新安。今改天津府屬之天津。易州屬之涞水等八縣內。每處提取三十名。以足一千之數。○十二年覆准外簾各官隨從人役。各帶二人。副都統各帶三人。參領旗員各帶二人。不得違例多帶。以滋煩擾。○又覆准。每科主考入場。點進刻匠五十二名。以供三場刻題刷印之用。但題目刊竣以後。至於發榜以前。凡二十餘日。各匠在內。無所事事。嗣後將內簾之刻字匠刷字匠。俱令於十六日下午盡行放出。其主考之元魁卷。俟揭曉後。交提調官在禮部衙門刊刻。○又覆准。上下江外簾受卷等所添設之五員。毋庸議減。仍照原議添設。○十三年覆准陝西外簾官十六員。將受卷騰錄對讀三所各裁一員。供給官亦減二員。○十四年議准。嗣後四等文生。科舉錄遺無名。仍令送場對讀。如四等文生。五等青生。俱不敷用。以四

等武生充補。○十五年議准嗣後凡考居四等生員有情願錄遺者。令該教官造冊申送錄遺。如取錄有名。准其鄉試。若未經取錄。即就近令其入闈對讀。至自揣難於取錄。不願錄遺者。即令該教官豫行查明名數。造冊徑送對讀。僅有不到之生。將該教官查參議處。○又覆准。直隸鄉試對讀生。如不敷用。順天府添雇貧生。惟四五等生員內。或有老病跋涉艱難。事屬可矜。嗣後酌為變通。除甘親身供役外。果係老病。四等罰贖銀四兩。五等八兩。令該地方官出具印結。詳明學政。並將此罰贖銀兩。解交順天府衙門。歸於科場項下撥用。至此等生員既准罰贖。則對讀人數。臨時儻有不敷。自應酌量充補。令順天府於考試。謄錄字畫時。兼取文義略通者。分別記名充補對讀。所有順天府延雇貧生代充對讀之處。永行停止。至武生劣等對讀者。均照此辦理。○又奏准會試謄錄。向皆前期送提調官考驗。臨時點名入場。其中多有頂替入場作弊者。嗣後令順天府屬及直隸各府屬將應解之謄錄生。均於三月初一初二兩日。冊送順天

府。該府尹考驗筆畫。照數查收。交大興宛平兩縣。擇寺觀閒屋關防。至初七日押送貢院。令提調就龍門內會同監試御史覆驗筆畫。一面點名。一面關入外簾。知貢舉再嚴加體察。如有弊端。盡法處治。○又覆准。雲南外簾各官。受卷所。謄錄所。各裁汰二員。彌封所對讀所。收掌官各裁減一員。又巡查等官。共用三十五員。內酌減十一員。○十七年奏准。場內刻字匠。仍照舊例留內關防。俟揭曉之日。一同放出。○十八年覆准。科場承辦夫役之官。往往委任夫頭。以老羸瘠弱充數。不免有尅減夫價情弊。嗣後令選精壯誠實之人。如有仍雇前項不堪應用夫役。監臨官將承辦之員。立即參處。○又覆准。廣西鄉試。舊設受卷。謄錄官各四人。各酌減二人。○又奏准。鄉會兩試。於士子點名之前。先將五城三營所派坊役點入搭檢。俱不許復出。及士子搭檢入場畢。將此等人役。按照名冊。點交東西轅門御史嚴加約束。不許擅自出入。○又奏准。點名執牌人役。必須官員督率。嗣後會試由禮部鄉試由順天府。派員管理。○二十一年覆准。向

來鄉會試外。應行開列人員。每難足數。勢不得不用及守部之進士舉人。其實未經請練。辦理多不能妥協。嗣後守部進士舉人入簾之例。悉行停止。惟將員外主事以下。小京官以上。凡科甲出身人員。先儘開列。如不敷用。即令各衙門將恩拔副貢出身人員。揀選咨送。毋得任意規避。又議准。剔清謄錄弊端。豫期嚴飭冊送州縣官。務選誠實正身吏役。取具親筆書迹。並冊造年貌籍貫。加印封固。慎選書吏。押送至布政司順天府。以杜本地方之雇替。布政司順天府委官驗收。驗其年貌。令其書寫字迹。查對相符。即封入公所。加謹關防。屆期委員親送入場。僮有雇替等弊。或被部院糾參。或經旁人首告。將冊送及驗收官。交部嚴加議處。又覆准。各省鄉試。令該撫於出闈後。即委中軍駐宿貢院門外。以便場外巡查。二十二年覆准。直省內簾。照京闈之例。設立內收掌官一員。於舉貢正途出身之佐貳選充。令在內簾專司收發。並於揭曉日。將落卷按數移送提調查數。二十五年議准。向例謄錄入場。會試於三月初七日。鄉

試於八月初七日。嗣後展期一日。均於初六日入場。以便逐細按檢。將衣帽行李。徧行閱看。僮有潛行帶墨。致被按出者。照科場例。從重科斷。至入場後。交謄錄所官晝夜稽查。僮有一人而字迹互異。即係賄囑弊端。該所官指名呈堂。從重究治。二十七年議准。謄錄解到時。除一切考驗關防。照例辦理外。於入場前一日。提調督同大興宛平兩縣。逐名查驗。各於左臂上用印封固。如有印文滅沒。及非原用印記等弊。查出從重治罪。又奏准。湖廣向設外簾官十六員。後南北分闈。中額減半。嗣後外簾員數。酌減三員。又議准。各直省會城地方。俱有對讀之人。歷科雇覓。從未誤公。援照乾隆十五年奏准。直隸四等生贖銀四兩五等八兩之例。凡應充對讀文武各生。除甘自供役外。其老病者。照例罰贖。惟外省雇覓稍易。量予酌減。今四等生贖銀三兩。五等生贖銀六兩。將銀解司雇覓。送場對讀。各省內有以此為便者。即援照遵行。其有仍遵舊例者。聽該學政咨部存案。又覆准。對讀生係教官解送。若選充不慎。雇替充數。該員照

例參處。本身並雇替之人。照例究治。○二十八  
年奏准。鄉會試外簾官。責任稽查。近日應行開  
列之員。託詞規避者多。嗣後各衙門將科目出  
身人。悉行開送。恭候

欽點。○又

諭據知貢舉程景伊奏。此次會試外簾官內有年老抱  
病。難於勝任者。派員幫辦。尚未貽誤。嗣後請令各該  
堂官於開送時。將老病者驗明扣除等語。所奏亦是。  
昨經侍郎錢汝誠奏。請將外簾執事各官通行開列  
請點。其意原以均勞逸而杜規避。是以降旨准行。乃

各衙門堂官。並未詳加甄選。輒將衰疾之員。一概開  
入。致場內另派幫辦。殊失慎重之道。且以如此易辨  
事件。各該堂官率略乃爾。則其平日遇事不克周詳  
盡力可知。著傳旨通行申飭。向來鄉會試開送執事  
各官。以內簾銜文取士。視為榮選。而畏外簾之易干  
處分。每多卻慮。此固各官不以公務為急。惟以利己  
是圖。然同一承辦科場。而使執事之員。妄生趨避。不  
若豫定章程。免致臨時遷就。嗣後應按照外簾應用  
人數。及各衙門員數多寡。分別定額。足敷點用。至開  
送時。該堂官公同驗看。不得視為具文。其科場處分

舊例皆從嚴密者。蓋內簾去取攸關。不得不嚴設科  
條。以防弊竇。若外簾之受卷彌封。謄錄對讀等官。原  
無校閱之責。即有無心過犯。不過失察疏忽。舊例所  
定。動致降革。原亦未免過重。其外簾如何斟酌平允  
寬嚴適中之處。並著該部逐一分別。另行定議具奏  
載入條例。永遠遵行。欽此。遵

旨議定。鄉會試需用受卷官彌封官謄錄官對讀官各  
四員。內外收掌官二員。共十八員。嗣後開列。以  
三十員為率。恭請

欽派十八員。凡順天鄉試。內閣中書開送四員。吏禮  
兵工四部各送二員。戶刑二部各送六員。其宗  
人府翰林院詹事府都察院大理寺通政司。太  
常寺光祿寺太僕寺中書科等衙門。酌擬各一  
員。如無合例之員。臨期由禮部行文國子監。將  
監丞助教等官。指定員數開送。以補別衙門不  
足之數。其會試外簾。內閣中書國子監監丞等  
官。由舉人出身者。例得應試。未便開送。又會試  
係禮部專辦。所有四司官員。僅數差委。不便再  
派外簾。嗣後於吏兵工三部。各送三員。戶刑二  
部。各送八員。共計二十五員。其餘五員。於院寺

等衙門。臨期通融開送。以敷三十員之額。僅實無合例人員。足敷禮部隨本聲明。此內如有考過試差人員。應行扣除。並令該堂官公同驗看。詳加甄選。不得以老疾之員充數塞責。○二十年復准貴州地處邊隅。所屬士子寒苦居多。仍照舊例。將四五等生員。聽其自行應役。有年老病廢者。亦照往例。令學書門斗代其雇覓貧生充當。銀數多寡。聽本生自給。不必限以定額。經該學政過點。彙冊移司覈查復點。其查點時。如有讀字不真。不可供役者。仍令本生另雇承充。即將對讀生員。儘數彙冊送司。如不敷用。照例於藩司本省公費銀兩動支。○又覆准五等武生。照五等文生罰贖之例。罰贖銀六兩。解交藩司雇覓對讀。各省一體遵行。○三十三年議准。鄉會兩試供給。俱責成大興宛平兩縣知縣辦理。事竣。由兩縣造冊報銷。其丞尉等官。有代司收發者。聽該縣自行委派。協同料理。○三十五年議准。直省外簾受卷。滿封。騰錄對讀。四所事竣。即陸續出闈。不俟發榜。惟收掌官係專司試卷。不惟外簾每日進卷。俱須一一經理。即各

房考閱過落卷。亦須按號歸箱。以便出闈後給領。必當始終其事。俟揭曉後。與主考房考一同出闈。各省督撫於同知通判內。不必拘定科甲。遴調入闈辦理。其順天鄉試。並會試。俱照此例。○又覆准江南外簾官。增至二十三員。未免浮多。照順天十八員之例。減去五員。○三十六年奏准。嗣後題請執事官。惟於清單內將各項執事應用員數。分別請簡。其聲明某衙門應用幾員之例。並行停止。至各項執事內。有應用禮部筆帖式者。交與禮部酌量委用。毋庸一體開列。以符體制。○又議准。按檢王公等進軌門時。隨帶官員不得過三人。從人不得過四名。大臣等隨帶官員不得過二人。從人不得過三名。豫將各姓名造冊。送外場巡查御史。臨期按名數查明放入。○四十年奏准。入闈書手中。向有經頭名目。嗣後永行禁革。令地方官選送誠實書手。正身入場。分撥四所。每十名內。選勤謹明白者一名。為總書。以司其事。總於場內臨時酌定。以杜先期請託之弊。會試交知貢舉提調。鄉試交監臨提調。同至公堂御史。

一體稽查。○又議准。外省勝錄。由該督撫轉飭各該州縣。於保送之初。詳慎考驗。並嚴查有無雇替。務以善寫正身書吏。申送布政司衙門。如有不善書寫者。該督撫將起送之地方官。咨部議處。其中式之卷。解部後。磨勘官籤出勝錄。應議之卷。禮部逐一查看。除字訛句落。照例查議外。僅有全卷潦草。不成字體者。按照卷尾姓名籍貫。行令該督撫查明原起送官。嚴參議處。○四十三年。議准。順天鄉試。不下九千餘卷。向止收掌一員。嗣後照會試例。再添設收掌一員。○五十二年。奏准。稽查龍門大臣。一品者止許跟役四人。二品者三人。三品者二人。俱由靴門御史發給腰牌放入。仍令各大臣嚴行約束。不得輒離左右。至直省鄉試。監臨等在龍門親身查察。亦不得多帶跟役。○五十三年。奏准。嗣後對讀入場。舊例給發筆硯等物。概可毋庸先發。亦毋庸散給題紙。○五十四年。奏准。士子於試卷本填寫通共添註塗改若干字。原以防勝錄代改情弊。嗣後鄉會試。增設受卷官四員。令其親手按卷照數登記。並於簿面註明受卷官某人。

以便稽覈。士子科鄉試。江南浙江福建各增受卷官四員。廣東增二員。雲南增一員。○又議准。嗣後鄉會試。於各部院衙門。經承書吏內。每處挑送六名。吏禮二部各派八名。屆期造具花名清冊。咨送至公堂。鄉試籤掣二十四名。會試籤掣二十名。入場辦理分卷各事宜。僅非正身。嚴究懲治。並將承送之員。參處。鄉試舊用順天府治中經承。以中。通并兼有案。茲於會試並行吏定。○又議准。鄉會試勝錄。於直隸各州縣衙門。正身書吏內。挑取誠實能書者。按照鄉試勝錄一千名。會試勝錄七百名之數。均勻選派。造具花名清冊。取具印結。由直隸總督委員送交順天府。按冊點查。照例考驗。嚴行關防。屆期。順天府會同監臨。知貢舉等。驗明印質。押送入場。如有雇覓頂充。查出。從重治罪。○五十五年。覆准。會試受卷書吏。照鄉試例。由知貢舉於各州縣勝錄內。選充其聽事書役二名。仍由大興宛平二縣造具名冊。送部轉發提調點驗。○嘉慶四年。奏准。科場巡緝參遊守備等官。令該管衙門。將應開各員通行開列。咨送兵部。於考官入闈之日。傳齊當堂掣籤派員帶領。同至貢院。點名入場。不許逗遛。

其隨帶兵役亦酌定名數不許過多。○八年  
諭嗣後凡遇考試彈壓由該部止將副都統銜名開列  
請派其隨往之參佐領等著派何旗副都統即令其  
將該管旗下參佐領隨帶入場彈壓不必題派著為  
令。○十三年議准派送捕役各衙門務選正身充役  
於向例送造名冊之下添註年歲分送外場御  
史及提調官查覈仍由提調官製造印花腰牌  
彙送外場御史臨時點名給發年貌不符者嚴  
行究治並將原送官查叅至每場未進士子以  
前即由外場御史先將捕役照例嚴搭舉分派  
各門供役並令五城暨提督衙門於每門各派  
幹員一人以資督率捕役有意栽害者加等治  
罪該管官嚴行議處仍不許該役等藉換班喫  
飯為名連例復出致滋流弊。○又議准裁汰  
門御史隨帶筆帖式二員至稽查接談換卷大  
臣之跟役一二品酌減為二人三品酌減為一  
人筆帖式許帶一員由入號之巡查御史四員  
輪流分班在龍門內覈對從人腰牌儻有混入  
滋弊者嚴行懲辦。○道光十三年議准考試應  
用號軍該管官查照人數務選正軍並造冊送

監試御史點驗入場如有短少將該管官叅處  
○十七年議准嗣後三場完竣所有留闈官吏  
均俟事竣出闈不得告假外出其業經出闈者  
更不准藉端復入違者委官叅處書吏責懲。○  
又議准嗣後責成監臨於受卷彌封完竣後飭  
令兩所人役隨同外簾官即時出闈毋任逗遛  
滋弊。○又議准嗣後鄉試添派至公堂委官二  
員於試卷歸箱封鎖後責令專司看守。○又議  
准會試照鄉試例設外收掌一員其至公堂添  
派委官看守試卷之處亦照鄉試一律辦理。○  
又議准嗣後內外簾書吏各衙門照例於經承  
內挑送造具花名冊屆期添派司員二人管送  
入場如入場後查有頂冒等弊除將書吏懲辦  
外並將管送之員叅處。○又議准大興宛平二  
縣係辦理場務之員免其派送騰錄其所缺名  
數即在順天府屬各州縣中均勻添派。○二十  
三年議准嗣後順天鄉會試責成順天府尹直  
隸總督嚴飭各州縣於考送騰錄時用摺卷一  
本墨格二頁鈐用印信選正身書吏於卷面當  
堂親寫年貌籍貫某房書吏再於墨格用硃寫

六行。擇字畫清楚者。各於左臂用印一顆封固。將原卷並冊結封送各府廳直隸州驗明臂印。令於原卷用硃接寫四行。如年貌筆迹不符。即駁回更換。將申送官詳參。其堪以供役者。派幹練丞倅。及候補州縣等員。於起解時。逐一識認。沿途約束。限於入場前五日。赴順天府。將原卷冊結投遞。驗明臂印。仍令於原卷用硃接寫四行。如年貌筆迹不符。即駁回。查係本處頂替。或中途更換。除將該書吏及雇倩之人嚴究外。仍查取申送之州縣。及解送官職名。分別咨部議處。其堪以供役者。將原卷存順天府備查。由大宛二縣。各於右臂上用印一顆封固。妥擇寺觀。同原解官嚴密關防。於入場前一日。解官押赴貢院。執門控檢。大宛二縣於貢院門外點名。押解官逐名識認。按序而入。順天府尹會同監臨。知貢舉。於龍門外驗明左右臂印。點名入場。又議准。順天貢院應用水夫。令大宛二縣各雇二十名。造具名冊。由執門控檢。送至公堂點驗。再各用白布一塊。分別東西場水夫。書寫姓名。至公堂標硃。縫於各水夫衣背上。責成巡查御

史選幹練委官。東西各四員。輪流分巡。其有井之號。毋庸編列坐號。專為約束水夫之所。委官督令於未點名時。注滿缸水。迨封號後。再令添注。每次注畢。即將水夫關入井號。其有東西撓越。潛入他所者。立即嚴拏究懲。二十六年。覆准順天鄉試外簾官。各衙門開送均有定額。不得以事繁為辭。致缺額數。同治四年。奏准川省鄉試。添設受卷官二員。彌封。騰錄。對讀官各一員。五年。奏准廣東鄉試。添設受卷。彌封。騰錄。對讀官各一員。六年。奏准順天鄉試外簾官。遲至封門。據稱患病不克入場。行文至公堂。令監臨於場內通融辦理。十一年。奏准福建鄉試。添設對讀官二員。十三年。議准順天鄉試。騰錄。舊額一千名。除分撥受卷。彌封。對讀官所外。僅得騰錄書手八百人。近科應試人多。本屆癸酉科鄉試。添派順屬騰錄五十名。仍形迫促。再添派直屬騰錄一百五十名。共計一千二百名。仍遵向例。由各州縣選派正身書吏。造具冊結。屆期委員解京。一體考驗入闈。又議准順天鄉試定例。派五營參將。或遊擊一員。守備



三員會試或參將或遊擊一員。巡緝官四員。隨帶兵役入場供事。近年鄉試人數加增。原設巡緝營員不敷照料。嗣後鄉試營員照會試例一律辦理。○光緒元年奏准。甘肅分闈鄉試執事人員。照雲南貴州廣西定數。派內外收掌各一員。受卷所四員。彌封所二員。謄錄所二員。對讀所二員。○二年

諭。給事中文明奏。應送外廉各官。請不准託故迴避等語。嗣後各該堂官。於應送外廉各員。覈實查明。不准臨場告假。以杜規避。○五年議准。順天鄉試

謄錄。於正額外備送三百名。各州縣均勻選派。照例解送考驗。挑選足額。其未經入選者。交原解員役。即日帶回。毋令逗遛滋弊。○六年議准。嗣後順天鄉試暨會試。除巡邏營弁兵丁。及巡緝兵丁。並執門參領守備各員。酌帶兵丁。由各該衙門照舊出派外。所有頭二三場士子進場時。令步軍統領添派弁兵。分布東西南北。認真查察。毋任閑人闖入。並於士子出場中。開禁接場人等。不准擁入執門。僅有侍衆滋鬧。及折毀木欄登牆上屋者。立即鎖拿治罪。仍由兩翼

總兵。屆期輪派一員。前往督率。其派出弁兵名數。先期造冊送部。轉送外場御史查察。如有違誤。及別滋事端者。移送該管官懲辦。○又議准。鄉會試號軍。於點送入場日。由該管官遴派委幹營弁多員。分起押送至貢院門外。嚴行約束。督令靜候點驗。並將管送營弁職名冊送查覈。如有擅行擁入情弊。即由監臨。知貢舉。將該管官及押送營弁。分別參處。本軍責革。○九年奏准。嗣後順天鄉試謄錄。照新章派定。會試謄錄。仍照舊定各額八百十六名。所有新添備送之

三百名。毋庸備送。○十年議准。順天鄉試對讀。於原設百名外。添設二十名。就歲科考童試。府州縣考列二十名以前。院試未經取進之童生。年在二十歲以外者。優給費用。由該府廳直隸州酌量分派。冊送府尹考驗。文理明順。入闈應差。○十一年奏准。湖北鄉試謄錄對讀所官。各定為四員。○又奏准。山東鄉試彌封所官。添設一員。共用四員。○又奏准。河南鄉試受卷所官。添設兩員。連額共六員。彌封對讀所官。各添設一員。連額各共三員。○又奏准。貴州鄉試添設

彌封官一員。○又

諭烏拉布等奏職官因閱誤刻閣鈔入閣據實陳明一摺。朱震甲聽宣錯誤。率行入閣。殊屬不合。著交部議處。監臨提調監試等官。未能即時查明具奏。亦難辭咎。均交部察議。○十三年奏准。雲南鄉試定為受卷官四員。彌封官二員。謄錄對讀官各三員。外收掌官二員。○又奏准。順天貢院增建號舍三千餘間。在東西文場之後。應需委官。由順天府查照東西文場舊額酌量添派。

欽定大清會典事例卷三百三十七

禮部

貢舉 錄送鄉試一

錄送鄉試。○順治二年定。順天及直省鄉試。每中式舉人一名。取應試生儒三十名。提學考試精通三場者。方准應試。不得將初學之士。冒濫錄取。亦不許仕宦子弟。於父兄原任衙門移文起送。有移文起送者。監試官徑行裁革。不許入場。取送過多者。將該提學叅處。○又定。教官及在籍恩貢生歲貢生監生。願就本省鄉試者。均許與生員一體考送。卷面書官字貢字監字。另案發落。儒士必三場悉通者。方准應試。至考選遺才。務照應取名數錄送。其假滿病痊事結未經補考者。不得混錄。○又定。在監肄業貢監生。均聽本監官考選。科舉臨場不准改名改經。其各省貢監生就試本省者。與生員一例編號。不得分別四字。若直隸貢監生。有仍赴學政及吏部考送京府應試者。通編四字號。亦不許混入生員。至直省現任教職。年力精強。文學優長者。准提學考送應試。○又定。生員因訟事牽告在

官候審。不係緊要對證計科場事後問理。○八年題准滿洲蒙古漢軍生員開科鄉試。各衙門未入流筆帖式亦同生員應試。○十四年。停止八旗考試。○又題准各省監生係在部候選。各衙門應事。及恩拔歲貢副榜官監在監者。俱准科舉應試外。其例監生於本年援納者。不准應本年鄉試。○十六年議准。例監生援納在前。而部文劄監於科舉年方到者。仍准應試。○康熙二年。

諭滿洲蒙古漢軍生員。俱准鄉試中式者送吏部錄用。不中者革去生員。○八年題准八旗復行鄉試。滿洲蒙古編滿字號。漢軍編合字號。○十四年議准本年捐納監生者。即准其本年應試。○十五年。停止八旗考試。○十七年。

諭撰文辦事中書。俱准應試。即中式仍在內閣辦事。是時內閣中書尚由貢監生考授。是以仍應鄉試。○二十六年奉

旨。八旗准同漢人一體考試。○二十八年議准滿洲蒙古漢軍應鄉試之監生生員。均由兵部驗射馬步箭。能射者准其移送順天府入闈鄉試。○二十九年覆准江南浙江。每中舉人一名。額定錄

科六十名應試。○又題准直省本年捐納米穀監生。皆准其於本省鄉試。○又題准奉天府滿洲蒙古漢軍應鄉試之監生生員。令奉天將軍副都統等驗射馬步箭。能射者交與該府丞分別考取移送順天鄉試。○三十年覆准江南浙江錄科額數。每中舉人一名。於舊額六十名之外。加四十名。○三十二年題准各省常平倉捐納監生。遇鄉試之年。亦與各項監生或在順天。或在本省。一例准其鄉試。○四十一年議准鄉試之年。遇新任學政於本年到任者。准將歲考

一二等生員冊送科舉。以應本年鄉試。仍於鄉試後補行科考。謹案此後各省學政。因鄉試期近。科考未編。題請以歲作科考者。均照此例。○四十四年。

諭凡南巡考取貢生監生帶來纂書者。著翰林院移文咨順天府府尹一體鄉試。內有生員亦准一體鄉試。○又題准順天鄉試應試諸生。務在場期十日以前咨送。五日以前投納試卷。逾限不准入場。○四十七年題准國子監咨送鄉試名冊。於八月初二日始到。與定限十日以前例不合。除將典簿官交部察議外。應試士子仍據冊送試。

五十一年議准來歲二月各省

恩科鄉試其已經歲考者准其以歲作科起送入闈其

未經歲考者准將前學臣科考定案名次錄送

鄉試○五十二年覆准各省監生願赴京應試

者於鄉試前一年起本省印文到部劄監違者

照例議處○又覆准凡太醫院及各館有應舉

之生監於各該管處具奏移送到日准其考試

○又

諭文武雖分兩途但文內亦有練習武略者武內亦有

學問優長者嗣後不拘成例凡文生員舉人願入武

場武生武舉願入文場俱准照鄉會試例起送中式

者造入新冊不中者仍入文武原冊不准再考○六

十年

諭凡係奉旨應試之人各該處具奏咨送准其應試其

未經具奏私行咨送者概不許應試○雍正元年覆

准候補天文生及補用天文生之監生生員由

該監造具年貌三代履歷籍貫經書清冊送順

天府入冊字鄉試○六年題准外省貢監赴京

闈者親齋地方官印文及地鄰甘結限鄉試年

二月內到監其福建廣東廣西雲南貴州四川

湖南諸省路途遙遠展限兩月到監該監驗明

印甘各結留監肄業仍於錄科時取具同考各

生互結收考移送順天鄉試印甘各結雖經到

監而規避考課並無互結者概不准收考○七

年

諭各省拔貢聞已陸續來京既不能應本省鄉試則當

准其應試北闈俾得觀光盛典凡拔貢之有貢單者

皆著該部咨送順天府令其應試再修書各館內從

前有外省生員在館效力者若情願入場考試著取

同鄉京官印結保送順天府亦准入場○又覆准教

官情願應試許呈報學臣入冊送考儻藉應試

私回鄉里者照無故擅離職役律罰俸九月○

又議准生員科試優等於鄉試前州縣官設席

禮送止許諸生公服行禮不得乘四輪張織違

者除不准入闈外仍發學戒飭以杜僭濫○又

諭凡由舉人考試補用筆帖式者皆准其與舉人一同

會試至由貢監生員考取小京官筆帖式之人其中

未必無通曉舉業文藝者若因其已經得官遂不得

與於鄉試則彼平日之所學莫由表見亦屬可惜若

通行八旗凡由貢監生員考取之小京官筆帖式若

願就鄉試。皆准其與舉子等一同入場考試。使片善寸長。不致遺棄。以副國家教養人才之典。○八年議准。

聖廟執事官。其由貢生監生充補。有情願鄉試者。令其一體鄉試。若係生員童生。准作監生應試。○十一年奏准。嗣後令各旗於考試時。將應考人員。詳晰註明滿洲漢軍。咨送順天府註冊考試。如有漢軍冒入滿洲額內中式者。查出。將咨送之都統佐領等官。交部議處。該員照冒籍例斥革。○十一年題准。遇鄉試之年。除現在赴部拔

貢並保舉學習之貢監。俱由各部咨送。及從前已有地方官印結。現在肄業之監生。由國子監錄送外。其餘貢監生在京鄉試者。俱照定例。取具各本籍地方官文結。地鄰甘結。親身到監驗照。按季考課。至錄科時。仍取同考五人互結。儻有規避考課。及無本籍文結。與五人互結者。不准收考。並令順天府五城先期出示曉諭。嚴行稽查。如有借照頂名入場之弊。除本身治罪外。仍將出結之地方官。互結之各生。題參議處。國子監官不行查明。嚴加議處。其混送入場之蠹

吏。交部嚴行治罪。○十三年。議覆貴州學政奏請土司准其鄉試一摺。奉

旨。土司龍紹儉。原由生員出身。既有志觀光。陳請科舉。著准其一體應試。○乾隆元年

諭。凡由捐納候選之貢監舉人。例不得與鄉會試。從前事例內。有捐應鄉會試一款。今捐例已概停止。此等貢監舉人。有志科名者。勢皆不得援例與試矣。朕思此等人員。尚在需次選曹。與既登仕籍者有間。不得因捐質候選。屏諸場屋之外。直隸各省貢監生捐官願與鄉試。舉人捐官願與會試者。准令一同考試。以

示鼓舞人材之意。○又議准。在京新捐貢監。若係臨場期迫。本籍遙遠。實難取本地方文結者。准其取具同鄉六品以上京官印結。並取同考五人互結。錄科送考。如有頂冒情弊。將本身及出結互結之京官貢監。一併照例治罪。○又議准。貢監生久寓京師。覓館授徒。勢難回籍起文。而上科曾有文結。應過鄉試者。取具同鄉京官印結錄送。○又覆准。廣西土司徐國承。由生員承襲土職。貴州土司安守仁。土主簿楊世正。均由廩生承襲土職。俱援照龍紹儉之例。一體鄉試。○

又議准各省薦舉博學鴻詞科。有由生員舉報到京者一體應順天鄉試。○六年奏准各省拔貢來京。照雍正七年之例。驗明貢單。一體咨送順天鄉試。○七年

諭各省應試生員貢監由學臣錄送入場。向例舉人一名。額取科舉三十名。嗣後加至百名。不為不多矣。乃學臣等博寬大之名。於科舉之外。遺才大收。一概錄送。且有督撫普收送考者。以致文理荒疏之人。亦得濫冒入場。試卷太多。不但試官於倉猝之中。難於別擇。即浮薄士子。將以觀光為遊戲。不復攻苦於寒窗。於賓興大典。甚有關繫。嗣後學臣各宜留心慎重。辦理毋得濫溢。永著為例。○又議准文武互試。原欲簡拔全才。而日久弊生。文場則有夾帶傳遞代做諸弊。武場則有換卷之弊。內簾但憑文取中。外簾又查察維艱。嗣後將文武鄉會互試之處。永行停止。○八年覆准臺灣孤懸海外。向來額中舉人二名。錄送鄉試者約五百人。今遵定額。止送二百名。即應裁減過半。恐無以鼓勵邊遠士子之心。嗣後許學臣將依額錄送之例。少加變通。於二百名外。再擇文理清通者。酌量增加。但

不得將文理荒疏之人。普收送考。其內地錄科。不得援此為例。○九年

諭科場乃國家大典。必期選拔真才。以收實用。積習相沿。學臣於科舉之外。復有錄遺大收等事。臨場之際。督撫大吏。又將不取者不問文藝之優劣。盡送入場。濫觴已極。是以上科經臣工條奏。朕敕令九卿定議。每舉人一名。准取科舉百名。此亦不為不多矣。夫國家所以慎重科舉者。原欲士子奮力於學業。試官盡心於蒐羅。以副掄才之典也。今科臣吳焯乃請仍照舊例。並蓄廣收。則士子見入場之易。不肯專心學問。將應試者日益衆多。主考房官不過一二十人。為期不過二三十日。豈能精心校閱。盡得真才。且試卷既多。而中額不廣。則多取科舉。仍屬無益。若因此而議加中額。則現在舉人。非二三十年不得官。亦斷無因候選者多。而議增天下職官之理。不幾終身無仕進之日乎。所謂及鋒而用者何居。是中額尚應酌減。即科舉一百亦屬浮多。止因積習既久。不復議裁。朕方自咎不免姑息。而况可輒轉增添。無所限極耶。此輩非能為國家實心求賢以佐國。是不過取悅士類。釣譽沽名。動以人文日盛為辭。實則使士子徒懷傲幸。

之心不肯詘勉向學。而國家亦不得收登進之實效也。吳煒識見卑淺，特行曉諭，並使眾知之。○又議准直隸、江南、江西、福建、浙江、湖廣為大省，准其每舉人一名，錄送科舉八十名。山東、山西、河南、陝西、四川、廣東為中省，每舉人一名，錄送科舉六十名。廣西、雲南、貴州等為小省，每舉人一名，錄送科舉五十名。其順天鄉試滿合夾旦南北中皿等字號，應試人數雖屬無多，亦必精通三場者，方准錄送。嗣後即應試人眾，仍不得過八十名之額。○又議准錄科定例：一二等生員並三等之前五名，或前十名，准其科舉。嗣後應令學政於錄科時酌量文風盛者一二等名數從多，未盛者一二等名數從少。其三等前列者，仍照例酌送。至因事故未與科考及科考未取者，原有錄遺之例，亦應視其文風之高下，中數之多寡，通盤計算，慎選錄送。○又議准臨場捐監未獲部照者，該州縣出具印結申文，發給本生，並親齋實收，赴布政司衙門覈實，轉送學臣考錄一體鄉試。謹案此例乾隆十二年停止。○又議准八旗鄉試禮部先期行文各旗，將應考生監造冊送部，即

咨送兵部考試馬步箭。合式者造冊劄發順天府，仍一面行文學政，傳令八旗生員科考及錄遺，並行文國子監，傳令八旗貢監一體錄科。皆憑文錄取，造冊移送順天府。該府尹查明科冊箭冊俱有名者，方准入場。如科冊有名而箭冊無名，或箭冊有名而科冊無名，俱不准應試。○又議准凡孝廉方正，給以頂戴榮身，願應鄉試者，本係生員，仍由教官申送錄科。本係貢監，仍由州縣申送錄科。○又奏准粵東通省額中舉人七十八名，其廣南韶惠潮五府，連嘉二州，文風稍優，每科獲中六十餘名。至肇高雷廉瓊五府，羅定一州，文風稍次，每科僅中十一名。至十五六名不等。酌定錄送遺才科舉。廣韶學臣以五千二百名為率，肇高學臣以二千六百名為率。○十二年覆准順天鄉試，貝字號科舉，照山東省例，每舉人一名，錄送科舉六十名。○又覆准八旗現任小京官筆帖式及在部候選人員，凡由貢監出身者，由國子監一體錄科。由生員出身者，仍赴學政衙門錄科。○又議准各省貢監生有願就本省鄉試者，該學政錄科時務憑

文字與生員通較工拙。以定去取。照例送試。其南北中四等字號貢監。應令監臣於錄科時。遵照定例。嚴加考試。不得濫行錄取。○十三年

諭。科舉定額。每舉人一名。大省錄取八十名。中省六十名。小省五十名。其途本寬。果係真才。自不復有遺珠之歎。但近來士子。因科場剔除舊習。頗知自愛。有志讀書。期以實應。又當稍展其額。以示鼓舞。作興之意。前議但就正榜定額。尚有副榜未經議及。若再加恩。每副榜一名。大省加取四十名。中省加取三十名。小省加取二十名。令各學政於考試遺才時。不論生員

貢監。亦不拘縣分大小。但就文理明通者。照數錄送入場。此外不許濫送。○十四年議。准嗣後應令學臣於錄遺定額之外。查照歷年投卷不到之數。酌量錄取備補若干名。行令各該提調查照。於八月初二日投卷既齊。以後將原額所缺之數。按照備取名次抵補。其抵補不盡者。仍行扣除。不准投卷入場。○十五年覆准。凡生員歲考四等。有情願錄遺者。該學教官。毋得任意勒捐。不為申送。錄取有名。一體鄉試。若確詢該生係本不願錄遺者。該教官即造冊徑送對讀。儻業經造

冊申送對讀。而該員又捏稱情願錄遺。避匿不到者。除將該生照例究懲。該教官一併參處。○十六年

諭。山西布政使多給奏請。暫寬科舉之額。所見極為舛謬。科舉分別省分。計取中之額。以為額。其數已寬。學臣照額錄送。尚恐未必無倖邀備數之輩。若更加濫取。徒啟荒陋者倖進之念。轉使砥玉雜清。耗主司目力。而眩裁鑑於遴選真才。培養實學之道。實無裨益。前者鄂敏曾為此奏。朕以其沽名博士子稱頌。嚴飭批示。但或出於一己之見。是以未經傳諭中外。今多

論亦為此言。當由聽幕賓恣恣。抑或士子有此妄想。故相傳播。以致聽採入告。均未可定。以科舉而論。中額有定。千人應試。與萬人應試。所中止有此數。有何加損。何惜令其一體入闈。但試問其一體入闈者。為名乎。為實乎。違道干譽。棄實務名之事。朕所不為。況今特開恩科。士子羣叨格外盛典。乃欲因此更思濫冒。則得隴望蜀。其不知足亦已甚矣。此所關於風俗人心者甚大。不可不為明切曉諭。令天下士子知之。  
謹案鄂敏是年奉旨更名鄂樂舜。○又

諭。鄂樂舜前奏量加科舉一摺。以其聽幕賓恣恣。博士



子稱譽。意在好名。批示使知所改。後多給亦為此奏。因一併宣示。今鄂樂舜接到硃批。旋具摺陳辯。且稱年老孤寒。僕僕省會。錄科見遺。無不嘵嘵呼籲。思欲推廣皇仁。此語甚謬。省試之中。額有定而求中之人無窮。得者之喜。不敵不得者之怨。為政之體。惟論掄才之當否。若憫其見遺。且欲慰其呼籲。將必來者盡令入彀。而後可。有是理乎。朕訓示臣工。隨事教導。無非成全之意。為臣子者。有則改之。無則加勉。惟自問諸心可耳。○又議准。明歲壬申

皇太后萬壽

特開恩科。各省貢監在京應過乾隆十五年鄉試。曾投文結。有案可稽。准其取具同鄉京官印結收錄。至有依親覓館。去本籍遙遠者。即於所在地方官取具文結。亦准收錄。若在京新捐各生。係十五年報捐者。已越二年。不難取具地方官文結送試。惟十六年新捐之生。若今回籍起文。往返難及。亦准其取具同鄉京官印結收錄。○又議准。在浙報捐之本省及江南江西生俊。准以實收應明年鄉試。本省將實收呈明該學政。順天將實收呈明國子監查驗。○又覆准。繕譯生員

應文鄉試。應令該旗自行造冊。徑送順天學政錄科。○又議准。監臣學臣咨送鄉試名冊。遵例於場期前月二十七日送齊。如逾限續送。一面駁回。一面將咨送各員。奏請交部議處。○又奏准。來歲壬申舉行

皇太后萬壽恩科。應試士子。由國子監順天學政錄送。

定例。場期十日前送冊。五日前納卷。嗣每任意逾期。况來歲鄉試。外省於二月舉行。順天府於三月舉行。不特山東山西河南貢監於本省出場後。可以趕赴京闈。即江南江西浙江陝西等省。亦得兼程進京。重疊應試。請飭監臣學臣務於場期前月二十七日前。彙送冊卷。並飭國子監示諭江浙等省士子。務於二月二十日前到監錄科。○二十年

諭。明歲江省報捐生俊。有願應試者。若必咨部換照。方准入場。往返動需經月。恐阻士子觀光之志。著照乾隆十六年浙省事例。准以實收應南北鄉試。其各省赴江報捐者。亦著照此例行。○又議准。舉子丁憂臨場服滿。但取具同鄉官印結。舉人既准會試。貢監即准順天鄉試。○二十一年覆准。欽天監天

監即准順天鄉試。○二十一年覆准。欽天監天

文生由生員入監肄習者。該監將年貌籍貫造具清冊。送禮部存案。屆期鄉試。移送學政錄科。學政移查禮部。與原冊數對相符。方准考錄。應試。再入監人員。從前但憑同鄉官印結收錄。並不考試。其人之可否。造就無從鑒別。嗣後額缺需人。應由監奏明。嚴行考試。試其術業。可以造就者。酌取數名。依次充補。仍將考取人數。造冊送部存覈。其由生員考取。未經補額之先。該監不得移送科舉。○又覆准。各寺院效力生員。逢鄉試之年。有由該管衙門咨送學臣者。學臣仍分款咨送。但須將科考之冊。彼此互對。不得重複開送。○又覆准。順天錄遺之貢監生員。學政務與正案一體詳造。年貌籍貫全冊咨送。以便監試。按冊查覈。○又議准。

闕里

崇聖祠。向由衍聖公委曲阜縣世職知縣致祭。今改為世襲六品官。令專主。

崇聖祠祀事。歲支俸銀二十兩。其官與執事官相同。如係進士舉人。遇原職輪班。應選者。聽其就選。赴任。其由貢生生員補授。有願鄉試者。令其

一體鄉試。○二十四年

諭。據禮部奏請。八旗有現任三品以上大臣子孫及親兄弟之子。可否令其入場鄉試一摺。甚屬有意。蒙混前因。八旗童生入場滋事。風尚澆漓。在平日既不專務。八旗濫樸舊俗。而徒博取虛名。且流為舞弊惡習。不得不力為整頓。是以令伊等自行奏明。必其國語騎射皆有可觀。方准考試。童生如此。鄉試又何待言。乃立法伊始。而本人並不自奏。即冊送禮部。禮部亦即含混具請。希圖倣幸。是誠何心。若謂前旨專屬童生而言。則生員已經考試。童生且不具論。其貢監一途。人人可捐。若不須陳奏。是童生不得應小試。轉可避而應鄉試矣。有是理耶。伍齡安等自問能登答此旨乎。其中係何情由。著即明白回奏。仍將冊內開送應考十餘人之父兄。一一查明具奏。並令在京總理事務王大臣。傳齊伊等。令看此旨。皆令其自行明白回奏。朕法在必行。毋謂小小伎倆。可以嘗試也。○又諭。上年降旨。令八旗三品以上大臣有子弟應試者。自行奏明。方准入闈。特因旗童在場喧闐滋事。是以為伊父兄示之節制。俾知崇實黜浮。破除積習。非概從禁止。遏其進取之途也。乃今年鄉試屆期。伊等既不

遵旨自奏。禮部又為含糊具請。似此巧為嘗試。將使故智益萌。伊於胡底。我八旗瀟灑素風。嫻國語。習騎射。其人果有足錄。均可量能擢用。若科目者。特備儲材一格耳。今乃豔心詭遇。又從而釣弋其名。淵藪其弊。是以國家啟迪後生之途。轉為壘壞人材之具。可乎。且我朝開國以來。名臣碩輔。莫不志秉忠忱。才優韜略。初非從事佔畢者。即任躋大僚。內而大學士尚書。外而總督巡撫。勳名氣節。指不勝屈。大約皆非出於甲乙兩榜。即近時大臣在科第中有名者。不過如鄂爾泰尹繼善一二人而已。然其見用。實因其心地

材幹。初不以其文也。其他倖列科名而名實不副者。亦指不勝屈。若奉寬國柱者流。以滿洲本色論之。皆不能至。驍騎校者。而乃託名斯文。平日又不肯潛心力學。惟事希心襲取。視為功名捷徑。甚至懷挾夾帶。無弊不作。即立法嚴行按檢。而所派大臣。非親即故。俗稱官官相護。亦復有名無實。此所關於風俗人心者甚鉅。朕安得不力為振刷。以挽頹風。伊等至此。尚不思痛自湔改。一似窺身入關。即可倣幸萬一。勢必欲朕盡停旗人鄉會試。而後已乎。所有禮部單開不循例自奏。遽任子弟冊送考試之尹繼善等。著將該

部及該旗曾否鈔錄前奉諭旨。行文知會伊等之處。令該部旗及伊等本人據實明白回奏。再行降旨。至僧保住福延。乃係內務府人員。進身豈患無階。而亦令子弟驚名科舉。又顯違旨不奏。尤為庸妄。著將僧保住福延革職。並將伊子弟革去生監。在內務府庫使筆帖式上效力行走。不准給俸。俟五年無過。該管官奏明另請挑差。其蒙混奏請之禮部堂官伍齡安等。著交部嚴察議處。又

諭。今歲鄉試屆期。三品以上大臣子弟內有未經遵例陳奏。遽行送考者。經朕降旨。令該旗及本人明白回奏。今據鑲黃正白正紅鑲藍滿洲正藍滿洲蒙古等六旗覆奏。以現在送考之人。其父兄或在軍前。或係外任。俱未在京等語。去歲此旨。雖經該部俱已行文。然此內如永貴阿桂清馥等。現在軍營辦事。無論伊等子弟在京應試與否。無由而知。即知之亦何暇陳奏。此在該旗本應奏聞之事。若外省督撫安居無事。先期自行陳奏為是。然伊等並未令子弟往考。則不奏亦未為過。而該旗何以仍將名冊咨送禮部。是該旗明係瞻徇。而又執例推諉。均與不奏之本人無涉。前已將蒙混請旨之禮部堂官等。交部嚴加察議。所

諭前經降旨八旗三品以上大臣子弟。果有嫻熟國語。練習弓馬者。遇考試之期。奏明准其入闈。原因八旗。瀟樸素風。近來未免沾染虛浮。豔心詭遇。是以示之。節制。俾知崇實黜華。非概從禁制。遏其進取之途也。乃適年來八旗大臣。竟無奏請子弟應試者。未免多。生顧慮。因噎廢食。伊等既不潛心力學。而於國語騎射。又未見專攻嫻習出色。自不如兼收並進。猶可為造就之資也。我國家滿洲世臣。宣力贊政。原不藉文章一途。但承平百餘年。滿洲詞臣。文藻辭飾。亦不可少。大臣子弟中。延請師資。擴充聞見。較之寒素之家。成材自易。嗣後八旗大臣子弟。仍准一體考試。毋庸奏明請旨。僕伊等仍不以實學就考。如前懷挾。或進身之後。仍蹈虛名陋習。無裨實用。又何難隨時懲治。俾知所做惕乎。○又議准。順天生員赴羅試者。令該生先期報明該學。查無事故。與起送之例相符。該學總造年貌清冊。備文呈送學政。學政考錄後。將名冊知照順天府投卷。其給文驗文之煩。概行停止。○三十二年

諭據阿桂奏稱。准京城鑲黃旗漢軍正紅旗滿洲等旗。咨稱。明歲戊子科鄉試。伊等有無貢監生員應考者。著咨報國子監。並造清漢冊咨報各該旗。查該處並無學習漢文之人。請嗣後毋庸咨取等語。伊犁係新定疆域。雖移駐滿洲蒙古官兵。究非內地。駐防可比。該處人等。止宜勤習清語騎射。學漢文何為。况道途遙遠。不惟鄉試不應咨取。即遇考試清文。亦不准行查。此次冒昧咨取之都統。實屬不曉事體。著查明何旗行文。令該旗明白回奏。○又奏准。每屆鄉試。國子監咨取八旗應考者。由旗轉行各省駐防。將應試各生送監錄科。俱覆稱並無應考者。往返行文。徒滋煩擾。應即停止。○三十四年。復准。嗣後鄉試之年。各省學政造送錄科錄遺等冊。均照順天。之例。將年貌籍貫經書註明。移送布政使司。交收卷官。於投卷時詳加覈對。倘有不符。不准收卷。仍將底冊。移送提調監試等官查覈。○三十八年。議准。兵丁取進武生。應一體由學臣考試。分別錄送入闈。不必另立兵丁鄉試名目。以致科條歧異。○四十四年。議准。在京候補候選人員。由吏部據呈送部。行國子監錄科。其現任小

京官由本衙門送部。徑行冊送順天府。若在部行走。仍係候補之員。應照例由監錄科。○又奏准四庫全書處。騰錄內。有前由寄籍順天入學。旋經遵例改歸原籍。並有由

召試二等在館行走各生。以在館騰錄。不能回籍。應試俱呈請就近在順天鄉試。應准其按照省分。歸於南北中四字號。照例由本館送監錄科鄉試。○五十年議准。順天府樂舞生。准令生員兼充。如有科考列在三等者。免其錄遺一體鄉試。○五十二年議准。正途貢監。令該監照例收考。分別去取。一經被遺。不准復行考試。至由俊秀捐納貢監者。無論小京官及官卷旗卷民卷。皆應從嚴甄錄。屆期奏請

欽派大臣秉公考試。仍派滿漢御史監查。以昭嚴密。○五十四年議准。順天鄉試生員。令直隸總督飭每府各派教官二員。帶同該學書役。屆期到京識認。其國子監肄業貢監生。令助教等官識認。其不在監肄業。雖起有本省咨文。仍取具同鄉官印結。令出結官識認。至在部候選及在館騰錄。由各衙門咨送者。亦令取同鄉官印結識

認。○五十六年奏准。俊秀貢監錄科。俱於七月二十日以前取齊。即於二十三日考試。奏請欽派大臣閱卷錄取。交監照數送場。○又覆准。難廩八品監生。如有弓馬素未嫻習。願入文闈者。由該督撫咨請到部。准其應文闈鄉試。○五十七

年覆准。順天鄉試。各部院小京官。係現任人員。與候選者有間。業由該衙門咨送。毋庸復取臨場識認印結。○又覆准。難廩承襲恩騎尉世職。投標學習。尚未期滿。補缺之文生員。因弓馬未能嫻熟。呈請應文闈鄉試者。一體入文闈鄉試。

○五十八年議准。乾隆五十九年秋。及六十年秋。欽奉

諭旨特開鄉試

恩科。通行各該學政。所有五十九年。凡歲試已竣。未經科考之府州縣學。准其以歲作科。照例起送入闈。其六十年

恩科鄉試。照依科考等第。起送入闈。○又覆准。吉林所屬應試生員。交奉天府丞。將吉林教官一員。與奉天合屬教官八員。輪流派委。其不派委之年。有應試生員。該學照例慎選書役。移送派出之

教官帶同來京臨場識認。如該學無應試者。毋庸派委。○六十年覆准直隸承德府教授。每年經理

文廟秋祭。不能遠離。准選派門斗書吏各一名。移交順天府北路廳屬。由廳屬所派辦送鄉試之教官。帶京識認。

欽定大清會典事例卷三百三十八

禮部

貢舉錄送鄉試二

嘉慶三年覆准。本年

臨雍陪祀觀禮各生。有情願留京鄉試者。應俟領照後。准其由監驗明。由廩生增生附生出身者。照正途貢監例錄科。由武生奉祀生俊秀出身者。照俊秀貢監例錄科。至在監讀書及在部候考之各廩生。考到錄科之處。仍照各省貢監鄉試例。查明正途及俊秀出身。分別辦理。○又覆准。八

旗恩廩生。有由官學生出身者。業經吏部給發執照。應與貢監一體鄉試。○五年覆准。凡廩生以旗員用。先在本旗行走者。其未經得缺以前。應照候補人員之例應試。○又覆准。捐納人員。除候補候選者例由吏部咨送外。至未經投文投供之員。吏部無從查覈。自應仍行分別正途俊秀。與未經捐官之貢監。一例辦理。○六年

諭。向來俊秀監生。鄉試錄科。係由國子監考試。因吳省欽條奏。改為欽派大臣在貢院局試。嗣又有御史請復舊例者。經禮部議駁未行。此時貢院正值興修。未

能在彼錄科。此次俊秀監生。仍由國子監考試。不必  
欽派大臣。以後或應照舊例。或仍在貢院錄科之處。  
著軍機大臣會同禮部議奏。欽此。遵

旨議定。俊秀貢監錄科。本為小試。從前因國子監難於  
關防。是以有貢院錄科之例。原屬不得已之變  
通。嗣後俊秀貢監。仍令國子監照舊辦理。惟於  
錄科後。每次即將原卷封固。並造具籍貫姓名  
清冊送部存庫。俟揭曉磨對之日。凡由俊秀中  
武者。查出錄科原卷。夾於中式試卷之內。覈其  
筆迹文理。有迥不相符者。舉出究辦。○又覆准  
外省駐防生員。願應鄉試者。應由該駐防衙門  
咨送回旗。照在京八旗生員鄉試例。一體辦理。  
○七年

諭前蒙

皇考高宗純皇帝特降諭旨。令軍機大臣會同部旗。將  
國初以來殉節諸臣。未經得受世職者。查明賞給恩  
騎尉世襲罔替。仰見

皇考崇獎蓋臣。推恩後嗣。實為

具數隆施。乾隆六十年。先經軍機大臣等。將在京八旗  
從前殉節諸臣查奏一百四十餘員。補行賞給恩騎

尉世職。茲又據軍機大臣會同兵部。將數年以來。各  
省陸續咨行從前殉節諸臣九百九十餘員。查明開  
單具奏。朕詳覈諸臣事蹟。俱能抗節效忠。成仁取義。  
允宜賞延於世。用示褒嘉。所有單開各該員子孫。均  
著加恩賞給恩騎尉世襲罔替。惟念該世職等承襲  
之後。若照例分發各標營學習。其中或有未能諳習  
弓馬。差防者。轉非成全之意。所有世職人員。著加恩  
凡遇承襲時。在各地地方具呈分別咨部。除情願入標  
學習當差者。仍照舊例支給俸餉外。其有願應文試  
者。即以本職頂戴作為文生員。願應武試者。即以本

職頂戴作為武生。准其一體應試。嗣後各省凡遇應  
襲恩騎尉世職。著照此例辦理。餘亦俱照所議行。○  
又覆准。恩騎尉世職人員。准作文生員者。如願  
應鄉試。比照候補候選人員之例。一體錄科。○  
八年覆准。補給恩騎尉世職人員。既係殉節各  
員後嗣。或本係生員兼襲。或情願改為文生員  
應試。自應與軍營效力  
賞給頂戴職銜之生員。一例辦理。其鄉試錄科。照恩  
騎尉世職生員錄科之例。畫一辦理。○又定。教  
職降調應補雜職人員。不准應試。○十二年奉

旨嗣後各項拜唐阿內。有係貢監生員者。均著准其應試。其緣事罰充拜唐阿者。仍不准其應試。著為令。

又覆准。嗣後凡順天附生捐納候補候選人員。如地方官申送者。仍由學政錄科。由吏部咨送者。准其由國子監錄科。又覆准。福建臺灣府錄送科舉。應酌定為三百名。此外實有文理清通。可以造就者。准於定額外量為寬送。○十五

年奉

旨嗣後凡指定額附者。無論舉貢各項出身。均不必再應鄉會試。著為令。○又議准。嗣後西安駐防生員。赴

京應文鄉試。及繙譯鄉試。酌於四月內考試。馬步箭錄科。應由該將軍酌量程途遠近。覈定起程日期。赴京應考。○十七年奉

旨嗣後旗人身帶額駙職銜者。俱不准應試。若額駙職銜業經革去。俱仍准其應試。著為令。○十八年

諭各省駐防官兵子弟。准其於本省就近考試入學。因鄉試必須來京。道途遙遠者。每以艱於資斧。裹足不前。現在駐防旗人。並議准就近應武童試。嗣後各省駐防子弟入學者。即令其於該省一體應文武鄉試。於造就人材之道。較為有益。其如何編號定額取中

之處。著禮兵二部妥議具奏。欽此。遵

旨議准。各直省駐防生員。自二十一年丙子科為始。於本省鄉試編立旗字號另額取中。內有報捐貢監應試者。亦就近一體鄉試。仍由各將軍副都統等考試馬步箭合式者。再行咨送學政錄科。以符定制。○二十一年覆准。童生賞給九品職銜。並非貢監出身。仍未便與生員一體錄送鄉試。○二十二年覆准。嗣後考列五等之廩增附生。均不准其科試錄遺。○又奏准。捐納職官分發省分。因資斧不足。告假回籍措資。本條不准

鄉試之人。違例應試者。如中式。將舉人除名。○又覆准。揀發指揮。係聽候差遣委用之員。究有地方職守。與在部候補候選人員不同。應不准其鄉試。○二十三年覆准。各部院小京官。曾任實缺。服滿候補者。仍照候補人員例。由本衙門送監錄科。○二十四年覆准。實缺九品醫士。由貢監出身者。准其錄科應試。○二十五年議准。嗣後鄉試之年。如有俊秀貢監。充當順天府屬幕友。不及回籍起文。欲就近在京應試者。由順天府造具貢監姓名籍貫三代切實文結。聲明

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中

於造就人材之道。較為有益。其如何編號定額取中



條何衙門申送緣由。彙齊送監。該監仍取具同考五人互結收錄。如有頂冒等弊。除將本生斥革治罪外。將出結官及互結各生。一併照例議處。其籍隸順天貢監。仍不准取游幕文書應試。○又覆准。生員既授封職。例應開除。不准再應鄉試。○道光元年

諭姚文田奏教官鄉試請仍照例考送一摺。教官願就本省鄉試者。例應與生員一同考送。嗣後無論候補現任。著仍由學政普律考送。以歸畫一。○又覆准。滿洲生員世襲恩騎尉。業於學冊內除名。現在將

軍衙門充當閒職差使。並未補缺。照候補候選人員例。由監錄科應試。○又覆准。各部院小京官緣事革職。旋因查辦廢員奉

旨以京職用者。仍准鄉試。○二年奏准。嗣後由旗改歸民籍之繙譯舉人生員。准其改作文舉人生員。一體應鄉會試。○又覆准。由監生報捐武職虛銜者。如註銷職銜仍留監生。一體應文闈鄉試。○又覆准。職員捐請本身封典。究與候補候選人員無異。仍應一體應試。○四年

諭將攸銛奏查明承種蒙古地畝各戶。特符控欠。請酌

定章程以懲刁劣等語。所議甚是。直隸口外承德府並所屬各州縣蒙古地畝。向係外省流民寄居承種。該民人等因年久入籍考試。往往恃符逞強。並有外省外府潛赴口外頂冒應試者。一經獲售。即入籍該處。聯為一氣。以致應納糧租。歷年控欠。迨地方官訊追。又復任意抗延。不可不嚴行整飭。嗣後凡承種蒙古地畝。如有控欠糧租。在官告追未結者。本人及子孫不准應試。如係生員舉人。亦不准應鄉會試。均暫行扣除。每屆考試之年。責成各該地方官。豫期詳明順天學政。並直隸總督衙門查覈。其應會試者。亦詳

咨禮部查照。俟糧租完清後。仍准照舊赴考。如有假捏改名頂冒等弊。責成教官隨時查察。據實詳辦。儻教官與廩保生員徇隱不舉。即行照例參革嚴懲。以除積習而儆刁風。○又覆准。孝廉方正考試。以知縣用者。在部投供候選。照候補候選人員例。由吏部咨送國子監錄科應試。○五年覆准。教官緣事革職。捐復原官候補者。仍應鄉試。○又覆准。漢軍現任教職。仍照八旗人員例。由該旗咨送兵部考驗騎射。再行投卷應試。○六年奏准。俊秀議敘職銜者。准其補捐監生應試。○七年覆

准。已滿吏非現充書吏之人。且取有身家清白甘結。准其補捐監生。一體應試。○八年奏准。正途及俊秀貢監出身之京職人員。在部寺學習行走者。向止在國子監錄科。如有因事故回籍者。應在籍一體鄉試。仍由地方官查明回籍緣由。申送學政錄科。至親老終養人員中式後。應俟終養畢。方准給咨會試。○又覆准。鴻臚寺序班。由順天生員充補者。仍歸順天學政錄科。轉送鄉試。○又覆准。滿洲二品廕生。已食武職俸餉。隨旗當差者。其未經得缺以前。仍准應試。○

又覆准。直隸駐防生員。鄉試時歸入在京滿洲生員未經考列科舉者。一體羅試。○十一年

諭。前據御史陳焯奏。陝甘學政違例送考。藩司不行駁回。該撫參奏時意存含混。當降旨令史譜等明白回奏。茲據該撫奏口外士子。道里遼遠。不能剋期到省。學政戴蘭芬錄送遲延。係照成案辦理。藩司楊名颺不行駁回。亦因有案可憑。實非賄徇濫收。該撫未將陝西歷科鄉試辦理情形聲明。係屬疏漏等語。史譜戴蘭芬俱著交部察議。楊名颺前已降旨交部察議。毋庸再議。該省口外烏魯木齊及巴里坤等處。士子

僻居邊遠。沿途阻滯。自所不免。著自道光十二年為始。嗣後邊遠士子。務先期曉諭。令其趕緊起程。限於八月初一日以前全數到省。不得任意逗遛。逾限即不准收考。○又覆准。拔貢就職直隸州州判。業已分發到省。係聽候差遣委用之員。與在部候選。並就職捐職在籍候選者不同。不准告假回籍鄉試。○十四年覆准。雲騎尉世職改為文生員者。由本省錄科鄉試。其就應順天鄉試之處。並非貢監出身。不准入場。○十五年議准。各省俊秀貢監中式者。該學政將科試及錄科原卷封固用印。與中式硃墨卷一同解部。以憑覈對文理筆迹。○十六年

諭。嗣後承襲一二三等輕車都尉及騎都尉世職。比照雲騎尉恩騎尉之例。准其以文武生員兼襲。應試支食世職俸銀。該部仍於帶領引見時。將應否兼襲之處。聲明請旨。其捐貢捐監人員。概不准其兼襲。亦不准以本非文武生員。將輕車都尉騎都尉世職。改作生員應試。以示限制。○又

諭。給事中成觀宣奏本科順天中式第六名童兩榮。係戶科書吏童翰。改名蒙考。當飭禮部查取童兩榮鄉

試卷。交軍機大臣查對筆迹文理。俱與覆試卷相符。惟未呈明註銷書吏。究有不合。童丙榮著罰停會試一科。○又議准。嗣後順天學政考羅。應按照府分。各歸各屬。酌量人數多寡。分日考試。以憑去取。仍先期出示曉諭。不准隨到隨考。致滋槍替之弊。○又議准。順天等府生員赴羅試者。除現任京官子孫弟姪外。均不准取結赴考。○十九年議准。嗣後各省貢監。無論游幕本省外省。實有不及回籍起文者。照順天鄉試例。由幕所取具印文。開具姓名籍貫三代清冊。加具並無頂名冒替甘結。申詳督撫。由督撫文送本省應試。其隨任貢監。如係正印官胞兄弟子姪。准取具本官印文冊結申送。教官佐貳。由所任地方正印官。加具印文申送。儻游幕文書。不加督撫印文。隨任文書。不用正印文結。或非胞兄弟子姪。該學政查出。將該貢監扣除。並將申送官職名送部議處。至籍隸省會建設貢院者。該府所屬之貢監。仍照籍隸順天貢監不准取具游幕文書之例辦理。○二十三年

諭。國家分設八旗兵丁駐防各省。立意至為深遠。嗣因

生齒日繁。披甲名糧。例有定額。勢不能概令食糧。當差。而各弁兵子弟。亦有讀書向上。通曉文義者。聽其應試。以廣進取之階。所以造就人材。體恤旗僕者。無微不至。但思八旗根本。騎射為先。清語尤其本業。至兼習漢文。亦取其文藝清通。便於繕譯。乃近年以來。各駐防弁兵子弟。往往鶩於虛名。浮華相尚。遂至輕視弓馬。怠荒武備。其於應習之清語。視為無足重輕。甚至不能曉解。朕閱嘉慶五年

皇考諭旨。各省駐防人等。准於該省考試文生。原係於伊等格外恩施。若專務此而廢棄清語騎射。即停止此例。不准考試。亦屬應該。俟清語騎射演習熟練時。方准考試等因。欽此。仰見我

皇考聖意周詳。訓誡諄諄之至意。因思清語騎射。全在該管大臣官員等。平日盡心訓飭操演。而弁兵子弟。亦必令藉此進身。方能益加奮勉。現在武關鄉試。各省駐防一體與考。應試之人。弓馬如果熟嫻。不患無登進之路。其應文試者。必應改試繕譯。庶不至專習漢文。轉荒本業。除本科各省文鄉試仍照例准其應考外。嗣後各處駐防。俱著改應繕譯考試。俾有志上進者。咸知非熟習清文。不能倖邀拔擢。自必爭相摩

屬。日益精通。其各該將軍副都統等。尤宜隨時訓練。董勸兼施。毋得視為具文。以副朕崇實黜浮之意。○又覆准。康增附青衣生等。如有願棄文就武者。准其報捐武監應武鄉試。仍於執照內註明。不准再應文闈鄉試字樣。以杜文武跨考之弊。○又覆准。教官因案降調歸籍候選者。不准鄉試。○又覆准。難廩生註冊候銓。非監生出身者。一體准應鄉試。○又覆准。捐納分發人員。並未驗看領照者。一體鄉試。○二十五年覆准。俊秀議敘五品以上。及七八品職銜者。補捐監生。改應鄉試。不得再應童試。○又覆准。嗣後各省俊秀及康增附報捐貢監者。均依戶部所定期限。換照。如近省在一年之內。遠省在十五日之內。尚未換領部照。適逢鄉試。准執持實收考錄科舉。如逾限期。驗明執照。方准收考。不准僅執實收錄科應試。○二十六年覆准。直屬捐輸職員。業經開除學冊之康增附生。由地方官申送者。由該學政驗照錄科送考。並將被遺之人。知照園子監。其由吏部咨送在監錄科被遺者。亦知照學政備查。○又覆准。外省教職選缺後。因病尚

未赴任。在吏部呈請開缺者。准應順天鄉試。○二十八年議准。捐輸各案內捐納職官。作為貢生監生人員。如有願應鄉試者。應令補領部監執照。以便錄科時覈驗。惟明年即過鄉試。各省遠近不一。予限一年。如在一年內。遇學政錄科時。即將官照呈驗。如一年限外。即應呈驗部監執照。以歸畫一。○二十九年覆准。刑部司獄係專司禁獄之員。責任較重。不准鄉試。○咸豐元年覆准。滿洲文生員。已補放防禦者。不准鄉試。○二年覆准。考取膳錄。在吏部投供。與在館膳錄有開。由吏部送監錄科。○四年

諭。何彤雲奏請推廣捐輸條款等語。京官五六品實缺人員。捐免離任。准其赴試一節。曾經部議奏駁。何得再行瀆請。近因軍餉浩繁。所有捐例。業已遞加推廣。至考試為取士大典。豈容擅改成例。致開徵幸之門。所奏著不准行。○九年覆准。保舉分發知府。尚未赴部引

見領咨到省者。一體應試。○十一年

諭。各省駐防八旗。向來本有考取文舉人生員之例。自道光年間改為繙譯。將舊例停止。現在繙譯考試。各

省遵行已歷有年。嗣後著於駐防繕譯科甲外。仍復駐防考取文舉人生員之例。均准其鄉會試。與繕譯一體錄用。以廣登進。○同治三年議准。拔貢

朝考以知縣用。到省後未經委署。告假回籍者。遇

鄉試時。比照舉人大批知縣給咨會試之例。由

原籍督撫聲明並未委署地方字樣。咨送吏部。

劉監錄科。仍不得臨時告假。徑行來京取結。應

試。其有先經告假在籍。願應本省鄉試者。由本

省督撫確切查明。實係未經委署地方。准其一

體考試。仍不得因鄉試屆期。始行告假回籍。至

由拔貢保舉捐納分發各員。均不得援以為例。

○六年覆准。外省生員保舉訓導。非貢監出身

者。不准應順天鄉試。○又覆准。選補佐貳。尚未

到任。丁憂開缺。服滿後改捐主事分部者。照候

補候選小京官例一體鄉試。○又覆准。廩生分

部學習筆帖式。照貢監筆帖式之例。送監錄科。

○九年覆准。承襲世職及廕監生。均准鄉試。如

係生員兼襲世職者。先有教官書斗識認。仍照

廩增附應試之例辦理。卷冊內註明某學某生

兼襲某項世職字樣。其捐納貢監兼襲世職者。

有部監執照可憑。仍照貢監應試之例辦理。卷

冊內填寫某縣某生兼襲各世職字樣。至雲騎

尉恩騎尉改作文生員應試者。以准襲印文為

憑。並取具里鄰親族等甘結。呈該廳州縣驗明。

傳同禮房書吏當堂認准。出文送考。其卷冊內

填明某縣某項世職改為文武生員字樣。廕生

有執照可驗。如尚未領執照。即以准廕印文為

憑。亦取族鄰甘結。呈縣查驗。傳同禮房書吏認

准送考。其卷冊填寫廕生字樣。仍於臨場時責

成該廳州縣禮房書吏來省臨場識認。以杜弊

混。○又覆准。實缺小京官。議敘主事籤分候補

者。仍行錄科。○十二年覆准。優貢

朝考以知縣用。分發到省者。不得徑行起咨來京

應試。○又覆准。外省駐防隨任讀書。由任所齎

咨來京鄉試者。即由京旗送考。○十三年議准。

順天鄉試人數加增。添建號舍三千間。尚屬不

敷。嗣後錄送科舉。務宜通盤覈算。嚴加考試。精

通三場者。方准鄉試。其學殖荒淺之人。不得濫

行錄送。○又議准。順天鄉試。於八月初一日奏

定人數。學臣監臣即不得再行錄送。俾士子投

卷依限告竣。而造冊印卷。皆可詳細覈對。以昭慎重。○又議准。各省貢監由國子監錄科者。其送考之期。仍照向例。以七月二十七日為止。過期概不補送。○又覆准。捐輸加廣中額。既係永遠定例。嗣後照原定中額。一併覈算科舉。○光緒元年覆准。廣州駐防。現充同文館學生。既蒙獎勵。作為繙譯生員。留京肄業。准其就近應北闈鄉試。○八年

諭。給事中鄧承脩奏條陳科場事宜。請飭慎覈錄科等語。鄉試錄科送考。例有定額。近年順天鄉試錄送太濫。以致號舍不敷。嗣後著國子監及順天學政。嚴行考覈。分別棄取。毋得稍涉冒濫。○又覆准。生員保舉孝廉方正。以佐雜用者。由吏部文送國子監錄科應試。○又奏准。各直省生員。曾經保舉孝廉方正。頂戴榮身者。嗣後遇鄉試之年。止應本省鄉試。概不得應順天鄉試。以免紛歧。○九年議准。年老例貢監生。應試錄科。照年老生員例。大學用廩生六名。小學五名。公同具保。其廩額不及五名之學。取具增附生識認甘結。呈由州縣官驗明執照。覈其年貌相符。加結申

送考試。並由監臣學臣於考到錄科時。查驗執照年貌無訛。始准收考。如有頂冒情弊。除將頂冒暨借給執照之人治罪外。並將出結之生員。照認保廩生濫保槍替例。斥革。知情受賄者。分別治罪。不行詳查之起送地方官暨收考官。均交部議處。○又議准。各省鄉試奏請年老例貢監

恩賞時。即將該貢監原捐各照送部查覈。俟奏准後。該貢監等既經

恩賞舉人副榜。原捐執照。即由部分送戶部國子監查銷。其不係年老之貢監中式者。原捐各照。亦於填寫親供時。將執照呈繳學政送部查銷。並由各該督撫通飭地方官徧行曉諭。凡已故捐納貢監原捐執照。均令隨時繳銷。以杜蒙混。○十二年奏准。嗣後順天及各省鄉試。凡貢監生員。丁憂於七月下旬服滿者。如在錄科截止以前。一體考試。逾期不得補行錄送。其八旗生監鄉試。由各該旗查明於兵部考試騎射以前服滿者。造冊報部送考。逾期亦不准補送。○又奏准。順天奉天府經歷一項。無論何項出身。曾否

委署地方各缺。均照各省佐貳官例。不准應試。  
○又奏准。降調人員。除舞文翫法。迹涉贓私。或弊在科場。或事關倫紀。無論曾否補過實缺。概不准其應試外。若事屬因公。失於覺察。或被人波累。或他案牽連。情有可原。而級無可抵者。如呈請應試。由部錄敘案由。請

旨定奪。○又奏准。貢監出身之五六品實缺京官。無論改捐候選。及告假離任各員。均不准其應試。惟丁憂人員。如起復後尚未補缺。仍准應試。○又奏准。由貢生捐教職者。除實缺及現在署缺

各員。仍照舊止准應本省鄉試外。其候補候選。及曾經署缺。並非現在署任各員。無論是否捐納分發。俱准應南北鄉試。照正途貢監例。錄科。○又奏准。分發試用人員。除未經委署捐升京職一項。仍照舊應試外。其捐升外任候選。並降調後。無論改捐京外各職。概不得以未經委署為辭。援候補候選之例。請應鄉會試。○又奏准。親老告近在部候選人員。如籤掣遠省實缺。扣除者。無論近省銓選。已否到班。均照京員遇缺頂補例。不准應試。○十三年議准。各省學臣於

歲科試時。生監中有報考算學者。除正場仍試以四書經文詩策外。其考試經古場內。另出算學題目。果能通曉算法。即將原卷咨送總理各國事務衙門覆勘註冊。俟鄉試之年。按冊咨取。赴總理各國事務衙門。試以格物測算及機器製造。水陸軍法。船礮水雷。或公法條約。各國史事諸題。擇其清通者。錄送順天鄉試。

欽定大清會典事例卷三百三十九

禮部

貢舉 起送會試

起送會試。○順治八年題准。新舊舉人會試。直隸限十二月起送。山東。山西。河南。陝西。限十一月起送。江南。浙江。江西。湖廣。限十月起送。福建。廣東。廣西。四川等省。限九月初起送。如司府稽延。違限。聽禮部查參。○又定。舉人會試。由布政使給予盤費。安徽。二十兩。江西。湖北。皆十七兩。福建。十五兩。湖南。十四兩。廣西。十二兩。今十二兩七錢八分

有浙江。河南。皆十兩。山西。七兩。陝西。六兩。甘肅。

江蘇。皆五兩。今甘肅五兩五錢二分有奇直隸。四川。皆四兩。

今四川四兩六錢一分山東。一兩。廣東。二十兩。今二十兩一錢七分

惟瓊州府增十兩。每名三十兩。於領咨日給發。

謹案戶部例。載直隸奉天。山東。山西。河南。江蘇。安徽。福建。湖北。湖南。陝西等省。今係按名數自派。○又定。雲南。貴州。舉人。給予盤費。每名三兩。

仍給驛馬。謹案兵部例。載給雲貴會試舉人。大馬一匹。不支康糧。同日准其

換給。若已中進士。同○康熙三年題准。舉人考

授內閣中書。及現任內閣中書者。皆准會試。○

五年題准。嗣後會試。直隸舉人。責成順天等府

起送。各省舉人。責成布政使司起送。其欠糧緣

事。黜革。及現在議處未結。與罰科丁憂患病等

項。確查不送。○又題准。會試舉人。各直省先於

年前詳覈造冊。限十一月內送部。仍逐名給文。

限會試年正月初十日內到部投遞。其過期投

文者。不准收試。如地方官不照定限送部。及遲

誤給文者。禮部指名題參。○七年題准。舉人就

教者。仍應會試。○九年議准。會試投文。展期於

二月初一日。○雍正七年

諭。凡由舉人考試補用筆帖式者。俱准其與舉人一體

會試。○八年

諭。各省會試舉人。向例給予盤費銀兩。所以體恤士子。

助其資斧之需。聞得各州縣舉人。俱赴布政使衙門

領取。道途跋涉。守候需時。吏胥又多勒索。扣剋之弊。

嗣後著從本州縣衙門照數給領。該州縣取各舉人

領狀。申詳布政使。於奏銷冊內報部查覈。庶吏胥無

侵剋之事。而士子亦免跋涉守候之苦矣。若州縣稍

有扣剋需索。而督撫失於覺察者。經朕訪聞。將督撫

一併議處。○九年覆准。會試舉人盤費銀兩。原係三

年一領。未便久存州縣。致啟侵挪。應將各屬所



徵按年解交司庫。至會試年分。令各州縣於雜項銀內。先行支給。布政使將所解之銀。撥還原項。惟是會試盤費。係各州縣額編錢糧。若以本州縣之額徵。即支給本州縣之舉子。其中多寡不等。應令各屬將應試舉子。豫行報明布政使。該布政使將各屬所徵盤費。合計通省人數。均勻派定。飭行各州縣按數支給。庶屬均平。至應給銀兩。如有扣剋需索等弊。該督撫即行查參。○乾隆元年覆准。凡遇會試之年。該州縣於舉子具呈到日。即出具文結。申詳布政使覈明。勒限給咨。不許胥吏任意稽延。亦不得藉端駁詰。儻州縣官不即詳請。布政使不即給咨。該督撫查出。指名參處。○五年覆准。會試舉人。支領盤費銀兩。有任意逗遛及中途潛歸者。照例追還銀兩。其有患病丁憂者。取具該地方官印結。詳明報部。或已經到京而患病丁憂者。取具同鄉官印結報部。均免追繳。○又覆准。己未科以前。凡領過盤費而人文不到。及文到人不到之舉人。令該地方官查明。從前實係中途丁憂患病未經呈部者。准其申報督撫咨部。即有實未到

京而本身物故。及委係家貧力不能完者。亦准據實報部。移咨戶部一體豁免。其並無事故。力能完繳者。仍照例行追。以防冒濫。○七年覆准。舉子會試。例由州縣起文申府。由藩司給咨赴部。有轉發州縣付本人者。有親身赴司候領者。各省原不畫一。自甲子年為始。於鄉試後。藩司咨文。限一月內發各州縣。交本人自齋投部。武舉均照此例。○二十一年議准。舉人於會試之年。凡有丁憂起復事故者。照貢監丁憂起復之例。專咨報部。○二十四年議准。舉人選授教職。俸滿來京引見。願會試者。准其留京會試。○又議准。凡會試不到舉人。應追原領盤費銀兩。地方官勒限半年。追繳完項。如逾限不清。承追官照雜項錢糧議處。○二十八年議准。舉人已任知縣。因不勝民牧。改補教職。或八旗舉人已任知縣。亦因不勝民牧。改補筆帖式者。俱准會試。如題參降調以筆帖式補用之員。不得援照此例。○二十九年議准。舉人會試。照例申送藩司。覈明詳院請咨。發司轉給。其應造各冊。一體查照送院咨部。並嚴

飭上下衙門各照題定起送之限。隨到隨給。儻有吏胥需索留難。以致遲誤。查出叅處。○又覆准。順天府屬舉人。由該府尹給文會試。其直隸總督所屬地方。由州縣徑詳布政使覈明。詳院請咨。再由院發司轉給。○四十年

諭。據驗看會試舉人騎射。王大臣等奏稱。應行考試者一百二十五人。內報近視眼者七十三人。已揀令二十人照常騎射外。其餘實屬不能之五十三人。俱未令其騎射等語。騎射係旗人根本。即讀書人亦不可不學。今考試一百二十餘人。報近視眼者竟有七十餘人之多。明係捏報。希圖規避。滿洲習氣竟至若此。實堪憤恨。若以近視眼不能騎射。哈達哈即係近視眼。此衆人之所共知。伊何以隨朕畋獵殺牲乎。此輩因不能騎射。遂藉口以圖徵幸。甚屬不堪。滿洲臣僕甚衆。豈必賴此數人。況此等無用人內。將來亦斷不能得人。所有不能騎射之五十三人。俱著停其考試。豐訥亨等並未奏及。惟請嗣後交該旗大臣詳查報部。派出大臣驗明後。方准免其騎射。所奏殊屬姑息。嗣後考試人內。若有似此不能騎射者。俱著停其考試。著為例。再此輩明係捏報。該旗大臣等所司何事。

諭。因何出結送部。著軍機大臣查明奏聞。○四十二年。諭。向來雲南貴州舉人。進京會試。一路賞給驛馬。所以體恤遠方寒暖者。至優極渥。本年陝西鄉試中式第一名。係新設迪化州阜康縣人。可見關外人文漸盛。殊屬可喜。第念該處進京。道里較雲貴等省更遠。即

每科新疆士子。赴西安鄉試。路亦不近。而新疆車馬等項。雇覓維艱。殊堪軫念。嗣後嘉峪關以外士子。赴西安鄉試。及進京會試。並著加恩照雲貴之例。一體賞給驛馬。以示優恤。邊陲寒士之至意。○四十三年。諭。軍機大臣會同禮部議。駁曹學閔條奏會試舉人徑

由州縣出具印結。親齎投部一摺。已依議行矣。舉人會試。由州縣申詳院司。給咨送部。體制本應如此。況給咨時。書吏並不見面。何從向其勒索。設果有不法書吏。該管上司。自無難據實查究。於士子並無所累。且其事遵行已久。無甚關繫。何必輕議更張。○四十九年。議准。教諭降一級調用。應以從八品之布政使照磨鹽運司知事。府州縣訓導。補用。照舉人在京候補候選之例。准其會試。○五十二年。定。內閣中書。降二級調用。應以從八品國子監典簿補用。照舉人在京候補候選之例。准其會

試。○五十三年

論據徐嗣曾奏已革主事仍留舉人。不准應試之周嘉猷。向在幕中辦事。一切軍務。皆伊經理。頗知急公。有志向上等語。周嘉猷著加恩准其一體會試。以示鼓勵。○五十五年定。內閣中書升任主事。主事仍降為中書。由舉人歷任知縣。大計卓異。推升小京官者。准其會試。○五十七年覆准。舉人大挑分發知縣。降一級調用。應以從七品之布政司都事等官補用。照舉人在京候補候選之例。准其會試。○六十年定。年老患病勒休之教職。不准會試。○嘉慶六年覆准。舉人出身知縣。緣事革職。降捐教諭候選。准其會試。○又覆准。舉人分發知縣。捐升主事。准其會試。○八年

論。禮部呈進科場條例。於起送會試條下。聲明教官降雜職者。其未經得缺以前。請改照候補候選人員之例。由舉人出身者。俱准其會試。由貢生出身者。俱准其鄉試。增入新例等語。殊屬非是。教職一項。降調佐雜等官。向不准其鄉會試。原因其緣事錫級。已挂吏議。與在部候選候補人員。例得應試者迥不相同。況節年各省教官降為雜職。遇有呈請應試者。均經批

駁有案。若因其由舉貢出身降調。輒請准其應試。顯與定例不符。禮部堂官於條例內率行增入。未免心存邀譽。俱著傳旨申飭。此後教官降為雜職人員。不准應試。仍著照舊例行。○又奏准。嗣後中書通政司經歷等官。由知縣推升。或由六部司員降補。或由現任知縣奏改教職。或因初選引見。奉

旨以教職改用者。俱不准其會試。其州縣牧令。緣事降為丞倅等官者。亦一體不准會試。惟分發試用。未補實缺。而捐升京職歸部銓選者。與在部候選人員。事同一體。仍准會試。○十年議覆。舉人由國子監助教。降調候補學錄。非同教官降為雜職者可比。准其會試。○又覆准。舉人由教諭降調捐復者。准其會試。○十二年

論。阿林保等奏。新選江西長甯縣知縣鄭兼才。懇請仍改教職等語。鄭兼才前在臺灣縣教諭任內。值蔡逆滋擾。率領生監守禦出力。加恩以應升之缺儘先升用。由部籤升知縣。該員有志觀光。情願仍改教職。以圖會試。著照所請。鄭兼才准其註銷所選長甯縣知縣。加恩仍以教職即選。俾得一體會試。○十四年覆

准舉人現任教職押送膳錄來京。事屬因公。若再候起咨。已誤試期。准其取結會試。○十六年奏准。舉人在本省填寫親供。來京會試。始知親供尚未到部。取具同鄉京官切實印結赴部。准其會試。○十八年議准。大挑知縣。自行呈明改教。並告假回籍。實未委署各員。遇會試時。由原籍督撫給咨赴京。咨內聲敘並未委署地方字樣。准其一體入場。仍不得臨時告假。來京取結應試。○十九年復准。坐補倉監督者。仍照小京官例會試。○二十二年

諭御史謝崧奏請速發會試盤費一摺。直省舉人起送會試。給予水脚銀兩。原係國家嘉惠士林優恤寒畯之恩。自應早為給發。乃有延至次年。俟該舉子由京回籍。始令補領者。殊非立法本意。嗣後此項銀兩。著各該藩司按照定例。於起送會試時。飭令該州縣全數給發。其本科未經給領者。俱查明補給。如有書吏剋扣捐情弊。查出嚴懲。以均實惠而杜侵欺。○二十三年復准。駐防舉人起送會試。照直省舉人一體給予盤費。○又奏准。嗣後大興宛平二縣舉人。由順天府府尹給文會試。如有取結納卷

者。概行駁回。○二十四年

諭禮部奏參教職違例取結會試一摺。甘肅階州訓導蔣萬柏。以現任教職。並不遵照定例。向該省督撫領咨會試。輒自任所起程來京。取具同鄉京官印結。赴部投考。實屬違例。蔣萬柏著即飭令回省。同濫行出結之刑部主事同功元。一併交部議處。該州知州近在同城。漫無覺察。並著該督查明參處。○又覆准。順天大宛各舉人。無論現任候選候補人員。均赴順天府起文會試。凡各衙門咨送者。概行不准。○又覆准。領催前鋒。並非實授武職。其由文舉人挑取者。准其會試。○又覆准。委署教職卸事後。因原籍路隔千里。請咨恐誤考期。准其取結會試。○道光元年

諭苗舉人有赴京會試者。即照本省舉人之例。給予公車銀兩。仍嚴禁書吏需索。俾令踴躍觀光。○又覆准。駐防舉人。來京報考中書。因會試期近。未能回省領咨。取具本佐領圖片呈請留京會試者。照邊省教官留京會試之例。准其會試。○又覆准。大挑知縣。因中途患病。來京就醫。在吏部呈請起病。並請會試。據吏部咨明該員尚未到省者。

准其會試。○二年

諭孟住等奏請借項生息資助旗籍舉人會試一摺。廣東距京遙遠。駐防八旗文武舉人進京會試。資斧維艱。加恩著照所請。准其於扣存兵丁馬價存貯藩庫銀內。賞借一萬兩。發商生息。遇會試之年。每名除例賞水脚銀二十兩零外。加賞銀三十兩。賞贖餘銀。俟積有成數。陸續歸還原款。年終報部覈銷。○又覆准。新選教職。在京適逢會試。准其留京取結會試。○三年

諭薩象阿奏請撥項生息賞給旗籍舉人會試等語。福建距京遙遠。駐防八旗滿洲漢軍舉人。進京會試。資斧維艱。加恩著照所請。准其於閩海關庫貯平餘罰料截贖三項閒款存銀內。撥銀一萬兩。發商一分生息。遇會試之年。每名除照例由藩司給水脚銀三十餘兩外。加賞銀四十兩。年終造冊報部覈銷。○五年覆准。學正降一級調用。既經選授訓導。即係現任教職。與緣事降為雜職者不同。准其會試。○十二年覆准。舉人承襲五經博士。係八品職官。與現任中書等官。事同一例。由該督撫給咨會試。○十五年覆准。舉人大挑知縣。遵照定例告

假回籍。由本籍起咨會試。不准由該試用地方給咨會試。○又覆准。候選知縣。現在揀發差遣委用。不准會試。○十六年

諭前因正白旗滿洲進士慶康形同殘廢。步履甚艱。當降旨著兵部查明。據實具奏。並著監射王大臣及咨送考試之都統等明白回奏。茲據兵部及該旗都統監射王大臣等奏。中樞政考內載。凡遇考試進士舉人。生員人等。其有手拐者。免考馬步箭等語。並准兵部呈送大清會典。暨中樞政考。經軍機大臣開單進呈。朕詳加披閱。會典內載。係手疾字樣。中樞政考內載。係手拐字樣。著兵部遵照會典改正。以歸畫一。該監射王大臣及咨送考試之都統等。於慶康會試。雖屬違例。免其考試馬步箭。但慶康形同殘廢。尚不止於手疾。該都統等不行駁斥。率准送考。自係瞻徇情面。不肯認真。該監射王大臣按照原冊。不復行查。依樣葫蘆。不能實心任事。於此可見。睿親王仁壽綿德。及正白旗滿洲都統文孚等。俱著交各該衙門嚴加議處。慶康著仍照前旨歸班銓選。○又奏准。輕車都尉。由文舉人兼襲。照文生員兼襲應試之例。一體會試。○又覆准。滿洲舉人曾任知縣。因丁憂

回旗奉

旨內用。掣分筆帖式。不准會試。○十七年議准。大挑一等奉

旨。改教人員一體會試。○十八年

諭前據刑部奏候補主事慶霖呈請將行走差使開缺回旗會試。當交吏部察議具奏。茲據查明向例遇缺頂補之員。概不准呈請註銷。慶霖現係頂補主事。業經見缺。所有該員呈請開缺會試之處。著不准行。嗣後頂補人員。均不准於見缺後呈請開除差使回旗會試。以杜規避。○二十九年奏准奉

旨毋庸截取之舉人。既經給予京銜。不准會試。○三十年覆准舉人選授外任。未經到省。旋即丁憂。現在服闋候選。准其會試。○又奏准滿洲世管佐領文舉人。有掌管圖記之責。不准會試。○咸豐二年奏准舉人選授知縣。未經領憑赴任。報捐知州。在京候選。准其會試。○六年覆准舉人由內閣中書捐免試俸。選授同知。尚未領憑。改捐員外郎。分部學習。准其會試。○又覆准舉人選補鹽大使。領憑後告假回籍修墓。呈請改教。選授教職。准其會試。○同治三年議准。拔貢

朝考以知縣用。到省後未經委署。告假回籍。照舉

人大挑知縣給咨會試之例。由原籍督撫咨送

鄉試。中式舉人後。尚未委署補缺。告假在籍。亦

照大挑知縣辦理。由本籍督撫給咨會試。○十

年

諭禮部奏福建巡撫咨稱。南安縣舉人王玉書。呈由本籍請咨會試。府縣轉詳未到。藩司詳請先行給咨。再飭取供結補行咨部。經該部查明王玉書已於咸豐九年中式進士。籤分刑部主事。當將試卷扣除。傳集出具保結舉人洪榮等詢問。均供王玉書早經中式進士。在籍病故。該舉人等並未出結。委係被人冒捏。並取具同鄉京官保結。該舉人等實不知情。復據該舉人等呈稱。尚有黃梧陽等四名身故多年。鄭超英等二人並未到京。均被人冒報。恐仍有捏結情弊。照呈按名傳訊。均未到部等語。案關冒充舉人。蒙混請咨。亟應澈底根究。著英桂王凱泰確切查明。照例懲辦。不得含糊了事。至舉人黃梧陽等何時身故。未據咨部。鄭超英等是否親身到京。著一併確切查明。嚴行究辦。以杜弊端。福建省既有此等情弊。他省恐亦在所不免。並著各直省督撫認真查察。毋任姦徒作

偽。又

諭前因禮部查出福建舉人王玉書及黃梧陽等七名冒名請咨。奏請飭查。當經降旨諭令查明究辦。茲復據文煜等奏。此次會試舉人。就省取結詳咨者計五十八名。除胡夢得等十三名。續據府縣加結補送外。恐如王玉書等之冒名弊混者。尚不乏人。現已覆查究辦。並請交部議處等語。著文煜王凱泰確切查明。嚴行懲辦。以儆作偽而肅功令。福建布政使潘霽。未能詳查。遽行詳請給咨。殊屬疏忽。著交部議處。福建巡撫王凱泰。當時未能查出。著交部察議。○光緒三年。覆准宗室職官。由舉人出身者。因案降調。無缺可補。照例革任。查明該員。如果於降調外尚存有品級。與革職人員不同。准其一體會試。○十二年奏准。會試年分。凡舉人丁憂。於三月初五日以前服滿者。准其就近取具同鄉京官印結。納卷入場。若扣至初五日服滿。即不准其會試。其八旗會試。由各該旗查明。於兵部考試騎射以前服滿者。造冊報部送考。逾期亦不准補送。

欽定大清會典事例卷三百四十

禮部

貢舉 中嚴禁令

申嚴禁令。○順治二年定。生儒入場。如有懷挾片紙隻字者。先於貢院前枷示一月。問罪發落。如有倩人代作文字及受倩託之人。均枷示問罪。其按檢官役知情容隱者坐。○又定。場內供應人役。或有豫將文字埋藏號舍。及出入處所。或巧為傳遞。又有外簾各官與諸生認識者。餽送飲食。往來滋弊。監臨宜嚴行禁約。容隱者坐。

○又定。直省府州縣地方。每遇鄉試之年。先期榜示禁約。仍令巡捕員役嚴加緝訪。如有假稱考官親識。誑騙士子。汙累考官。及士子夾浼營幹者。皆照例枷示三月。發煙瘴地方充軍。科舉入場。及開榜之日。如有挾讎忌才。私寫匿名紙帖。揭於街衢。或編就歌謠。豫先傳播。以致場中雖取中不敢填榜者。在內聽巡城御史。及五城兵馬司。在外聽按察使司。緝拿依律治罪。主試官亦不得避嫌。妄退文卷。部科各衙門勅叅者。須憑實據。不得輕信風聞。輒形章奏。如有親識

書吏家人指稱本官誑騙。本官自能舉發者。議欲士子自能舉首者免罪。至於文體險怪。鑿別不精。又當別論。毋得摘取一二影響字句。指為關節。轉滋弊端。○又定。在監肄業貢監生。臨場不准改經。○又定。生童有籍貫假冒姓系偽謬者。不論已未入學。盡行褫革。並將原保懲黜。若有中式者。數實題卷。革去舉人。發回原籍。如祖父入籍在二十年以上。墳墓田宅俱有的。據取同鄉官保結。方許應試。○十四年

諭。朕惟制科取士。課吏薦賢。皆屬朝廷公典。原非臣子

可借以罔上行私。市恩報德之地。至於師生稱誦。必道業相成。授受有自。豈可攀援權勢。無端親暱。近乃陋習相沿。會試鄉試考官所取之士。及殿試讀卷。廷試閱卷。學道考試優等。督撫按薦舉屬吏。皆稱門生。往往干謁於事先。徑實百出。酬謝於事後。賄賂公行。甚至平日全未謀面。一旦仕宦同方。有上下相關之分。輒妄託師生之稱。或屬官借名獻媚。附勢趨炎。或上官恃權相迫。恐喝要挾。彼此圖利。相煽成風。恬不知恥。以致下吏職業罔修。精神悉用之交結。上司罔問吏治。喜怒一任乎私心。因而薦舉不公。官評淆亂。

負國殃民。不知理義。深可痛恨。朕欲大小臣工。共滌肺腸。痛革積弊。以後內外大小各官。俱宜恪守職掌。不許授拜門生。如有犯者。即以悖旨論罪。薦舉各官。俱照衙門體統相稱。一切讀卷閱卷考試等項。俱不許承襲師生之號。即鄉會主考同考。務要會集一堂。校閱試卷。共同商訂。惟才是求。不許立分房名色。如揭榜後。有仍前認作師生者。一併重處不貸。爾部即通行嚴飭。內外各衙門。務令恪遵。永絕朋黨之根。以昭朕激勸羣士。共還蕩平至意。○十七年

諭。會試舉人場前投遞詩文。干謁京官者。革去舉人。下

刑部究擬。京官不行舉首。事發一體治罪。○又議。准房官作弊。許主考不時據實糾參。或主考通同房官作弊。在京監試御史在外該撫按。不時糾參。○又議。准二三場原以規士子經濟。凡坊間時務策名色。概行嚴禁。○又議。准科場作弊。有關節授受的據者。許指名告發。如挾嫌誣捏。匿名帖造作歌謠者。照光棍例治罪。○康熙九年。議准。鄉會試榜後。坊賈每豫集多人。造成浮泛不堪文字。假稱新科墨卷。相沿成習。文風日壞。應嚴行禁止。○十八年。議准。主考同考御史筆



帖式隨帶從人俱照定額進場時御史按檢放入如正副主考同考暗帶主文假裝僕從隨入內簾者察出將本官交吏部議處帶進之人治罪○又覆准場內如有踰牆換卷代作等弊提調等官察出題參從重治罪如巡察不嚴事發一併治罪○三十五年覆准鄉試如有冒籍中式者將正副主考官交與吏部察議○又覆准順天鄉試雲南貴州四川廣東廣西福建湖南甘肅此八處在京應試者仍取正印京官印結或取同鄉官保結親身赴部投遞如有假冒將出結官員一併議處○三十九年覆准主考官有交通屬託賄賣關節黃緣中式事發情實者按律從重治罪其父兄為子弟作弊有官者革職提問無官者從重治罪○又覆准監生有餽獻禮物詩文假名士刻遺卷並招搖作弊者巡城御史察實糾參交刑部治罪○又覆准在京冒籍舉人以部文到日為始限兩月內具呈自首禮部查明改歸原籍過期者不准行仍照例褫革○又定冒籍中式者凡收考送考出結官學政及地方官教官皆議處其主考官免議○

又定官員不得在現任地方令其子弟冒籍違者革職○又定順天鄉試惟大興宛平二縣最多冒中嗣後審音不詳草率送試者照收考送考官例降級其行查後不據實呈報者照出結官例革職○四十年覆准粵西從前冒籍舉人勒令改歸原籍出結等官令其自行檢舉○四十七年覆准榜後不中之人如有挾私造謗希圖邀幸者令五城御史順天府嚴拏照例治罪○又議准直隸各府鄉試生監中式後非取具同鄉京官印結不得赴順天府填寫親供○五十年覆准入籍二十年者定例准其考試如有不肖挾讎誣告由各督撫嚴禁從重治罪○五十三年覆准嗣後謄錄書手內有頂冒入場代人作文或閱他人佳卷鈔寫一經發覺將代作並黃緣之人及知情容隱通同作弊者俱從重治罪其原送官及所官酌量情弊治罪○六十年

諭現在科場之弊有最大者人皆不言朕知之甚悉士子作文合三場計之止六七日而今年放榜日期似欲遲至三月十五日以後通場卷數不過三四千試

官開文乃至四十餘日方舉為日太多諸弊皆從此而生矣士子偶有夾帶情代者原其情不過自為功名或貧士以圖利起見犯者不過幾人其弊猶小况入場之時巡察官防閑甚嚴苟被搭獲必治以罪迨三場既畢巡察各官俱撤去貢院門名為封鎖而每日送水菜取食物遂致內外信息時通紛傳某人已中某人中者衆人皆為稱喜是外間先有一榜矣又何待於出榜耶甚有更易卷子改換名次主考官俱係大臣平日以清操自居或不至若此而不肖房考官職甚微身家亦輕何事不可為此乃弊之最

大者言官等未嘗不知拘於親友師生情面且恐招後日之怨率皆緘默不言主考官日後即知有更易改換之事而業已夫察不肯引咎檢舉其在內廉官員又拘於同輩不肯互相糾察考試大典豈容如此仍著原派巡察左右翼都統等入場照舊巡察○又議准鄉會試榜後考試官有不公之處許下第舉人生員據實赴該管衙門控告若有聚眾往考官處攪鬧令該地方官立即嚴拿送刑部從重治罪○又議准直隸冒籍舉人進士照例自首改歸原籍違者交刑部照假官例治罪○又

議准直隸保定等衛軍籍有頂冒中式者照假官例治罪送考及出結官照例處分○雍正元年覆准正副主考及同考官出場風聞某考官所中有弊即行舉奏將中式之人請旨覆試舉奏官免其夫察處分儻明知不舉或經科道糾參或被旁人告發交與刑部審實照律治罪○又覆准考官士子交通作弊一應採名受賄聽情關節中式者審實將作弊之考官並黃錄中式之舉子處斬皆立法○又

諭國家養育人材首重翰苑既讀中祕之書必當立品端方居心敬慎方為不愧官箴倘有傲幸之徒平昔結黨營私至科場年分則互相援引轉為請託遇謹守之人畏于法紀不肯通同作弊反羣相排詆飛語誣陷此風甚不可長亟當甄別勒令解退回籍以示勸懲著大學士張鵬翮尚書田從典徐元夢未載侍郎張伯行李紱會同滿漢掌院學士將翰林院詹事府官員有不安分生事有玷官箴者指名具奏不可徇情○又

諭朕聞向來考試每有妄亂之徒肆行攪鬧此風斷不可長須於考試之前嚴行曉諭如有此等妄亂之人

倡率肆行者。務將為首人等。拏獲數人。重加懲治。以示儆戒。欽此。遵

旨議定。凡遇科場。禮部行文九門提督五城御史。順天府。遇有不法之徒。立即拏送刑部嚴審。若內外廉果有情弊。將各官照例嚴加治罪。若毫無實據。逞私捏造。將本人照光棍例治罪。如該管官不行查拏。照容隱例降二級調用。○四年

諭。科場開擊大典。若聞中閱卷果有不公。許應試舉子親身赴察院控告奏聞。若不軌之徒。假捏汙讒之辭。以洩私忿而撓公事。則國法斷難寬宥。著步軍統領

及順天府尹五城御史密訪嚴拏。即行參奏。從重治罪。○八年議准。應試舉子。毋許於未發榜之前。鈔錄

闈中文字。送人批點。並不許榜後刊刻落卷。漫生怨望。如有榜前鈔錄闈中文字送人批點。並榜後刊刻落卷者。一經發覺。將舉子並加批之人。交部分別議處。至科場果有作弊等事。許應試舉子。出名赴禮部據實首告。本部即行參奏。交刑部質審。實則究處。虛則反坐。○又議准。鄉會試座師房師。照舊以師生往來。但不得袒護黨援。至對房薦卷。與本人毫無關涉。何得濫認

師生藉端交結。一概嚴行禁止。儻有仍前濫認者。或經察出。或經首告。交部嚴加議處。至果有黨援袒護實情。比座師房師袒護黨援之例。加一等治罪。○十二年覆准。寄籍之舉人副榜及恩拔歲貢。勒限三月。呈首地方官。申詳督撫學政。及藩司各衙門。逐一查明改歸本籍。聽候銓選。其現任教官內。有本邑及鄰邑之人。亦令呈明改歸。仍聽隔府調補。如逾限不行呈明。查出照例題參。分別斥革治罪。至由俊秀寄籍捐納貢監生者。亦令地方官查明。飭令依限改正。○

十三年議准。嗣後凡諸生過本生父母之喪。令其呈明期年內不許應試。其有隱匿不報。蒙混于進者。事發照匿喪例治罪。永著為例。○乾隆元年

諭。國家三載賓興。擇經明學優之士。登之賢書。以儲任

用。典綦重也。從前北闈滋弊。相習成風。及我皇考御極。釐剔廓清。十餘年來。士風安靜。實為向時所未有。但恐積久。法弛人情。生玩。苞苴賄賂。未敢即行。而或採虛聲以收人望。假援引以市私恩。不知糊名易書。乃朝廷取士之律令。設防維不謹。暗通關節。則

考官得以營私舉子得以倖進。不畏刑法。不安義命。豈惟獲罪於君。抑亦獲罪於天矣。亦思科舉大典。為國樹人。始進不正。人品早已不端。國家亦安所用之乎。考官奉命掄才。不能登選公明。乃罔上弊弊以干國法。無論自因噬臍。即令彼清夜捫心。又何以自容乎。朕臨御方始。特開恩科。深期士風醇茂。人才日興。亦望爾臣工恪恭厥職。各知自愛。以襄盛典。自今以後。凡與校文之任者。務各痛洗舊習。杜絕請託之私。矢慎夫公。無負朕之簡用。儻有句通關節者。國法具在。朕不能為若輩寬也。至於士子讀書稽古。將以應

嘉賓之選。尤宜立品端醇。居心恬澹。豈可奔競鑽營。妄生憤懣。與不肖無賴之徒相等也。儻有場前鑽刺。及榜後生事。為人心風俗之害者。著步軍統領及五城御史密訪嚴拏。按法治罪。以昭尚賢簡不肖之典。

○又覆准。嗣後凡國子監肄業諸生。及新來應試者。一併責成助教等官。於考課講習時。嚴加誠諭。令其潛心下帷。毋得妄生傲幸。並留心訪察。遇有標榜聲氣。投刺干謁者。立即申報祭酒司業。以憑懲汰。若助教等官。瞻徇不報。發覺之後。一併交部議處。○又覆准。下第舉子。如於場

後藏匿姓名。編造歌謠對聯。任意誣捏。黏貼街衢者。即由九門提督順天府五城御史嚴拏送部。照律治罪。○四年

諭科場為取士之大典。士子始進不端。安望其實心為

國我

世祖

聖祖。歷加飭。特置重科。以懲不法。

皇考世宗憲皇帝教誨諄切。數科以來。風清弊絕。人知義命自安。朕御極以來。再三申命。期考官士子各矢素心。毋得復萌奔競夤緣之陋習。丙辰丁巳兩科。亦

稱清肅。今會試屆期。公車雲集。風聞士子中竟有不肖之徒。行險徼幸。希圖弋獲。奔競鑽營。思逞故智者。雖未有實據。而浮言不盡無因。此種惡習。斷不可長。為此嚴加訓飭。應試士子。務當洗心滌慮。安命立品。主考官留心覺察。杜絕弊端。著步軍統領衙門密行查訪。如確有實據。即行拏究。立置重典。儻有造言生事之徒。恣意誣讒。並書匿名榜帖。有意陷害者。亦並嚴拏究處。以肅風紀。以端士習。○八年議准。貼白糊黃律所嚴禁。其始也。里巷扶僻。編為西江月傳。奇標目。壞閭閻而訐陰私。暗布通衢。以圖快意。

繼焉考試忌才者。尤而效之。學臣避嫌。佳文遺失。不惜久之。健訟理屈。逞忿者。遂以此施之官長。嗣後各該督撫留心體察。並嚴飭所屬。如有此等情事。即行叅處。○九年議奏。頭場夾帶經書文字。二場夾帶表判。三場夾帶策問。因有心干犯科條。俱應照例治罪。即頭場夾帶二場。二場夾帶三場者。所帶雖非所用。亦應照例處治。惟二場撥出頭場文字。三場撥出表判。或有誤將字紙包裹食物等類。本非懷挾。無心失誤。應照今科北闈督按大臣奏明。二場誤帶頭場文稿。訊無情弊。仍准考試之例。准其入闈。亦屬法外原情之意。奉

旨依議。至本內二場三場誤帶。准其入闈等語。科場條例。片紙隻字。原不准夾帶。並未有誤帶者仍准入場考試之例。今年督按大臣之仍准入場者。因二場有番役裁害一事。是以如此從寬辦理。究竟止應嚴懲番役之裁害。不應遷就從寬。以啟將來之弊竇也。若復著為功令。既與定例不符。且恐弊竇轉由此起矣。嗣後誤帶者。免其黜革治罪。仍逐出不准入場考試。○十年覆准。凡冒籍順天未滿二十年。及實有原

籍可歸者。統以部丈到日一年為限。現任科甲京員及候選之進士舉人貢監。俱赴大興宛平兩縣具呈。申詳順天府。廩增附生。赴該教官具呈。申報順天學政一體咨歸本籍。仍分別報明吏部禮部註冊。其生員食餼。挨貢悉遵舊例。照本生年分次序。儻逾限不改。查出斥革。現任京員。照規避例革職。如該管官不行查出。別經發覺。將奉行不力之該管官。照槍手日久潛歸原籍。地方官漫無覺察。仍聽應考例罰俸一年。○十二年

諭。向來鄉會試之年。不准條陳科場事務。蓋欲使士子潛心誦讀。不必紛更成例。以擾其心志。且亦防弊之一端。立法甚善。夫三年之內。何時不可言。而必待場期已近。紛紛陳奏。孫宗溥摺。著交部暫存。俟科場事畢。另行議奏。嗣後如有似此違例條奏者。必交部察議。○二十一年奏准。順天鄉試立南北四字號。分額取中。向有南人冒捐北監入試者。皆係州縣官聽從胥役蒙混出結。嗣後嚴行禁止。直隸州縣不得蒙混出結。學臣不得濫行錄送。違者嚴加處分。○又奏准。順天鄉試南人冒北監中式者

固多而冒北貝中式者更不可計數。其中變更姓名卑鄙謫詐種種情弊所關士習人心者尤大。總緣江浙士子希圖倖進而本地廩生借此漁利濫保肆無顧忌或依託本地門戶捏稱子姪或冒認他人姓名改填三代甚至不肖廩生於府縣考時倩人豫考空名臨期以重利賄買至有原係南籍廩生來此冒名及現任職官子弟就近冒考者迨鄉會中式後始赴吏禮二部具呈託言寄養外族改歸本宗亦有竟仍榜姓久不歸宗者嗣後儻有再蹈前轍一經發覺除

本生褫革廩保治罪外定將不行查出之各官交部從重議處。又題准本科北皿北貝中式舉人有南人冒入者於填寫親供時自首改歸原籍如不早自首別經發覺照例褫革再令科冒籍中式舉人僅令首明改歸不足示懲應俱罰停會試一科。二十二年奏准嗣後凡新進士未經引

見之前一概停其拜認師生。又奉

旨捐納貢監其因應試投捐者乃圖弋取科名冒占試額自當從嚴辦理然例由國子監分堂肄業或由學

政錄科其為數不過數百人年貌語音不難立辨嗣後應專其責成務令於肄業錄科時嚴加察驗以杜假冒儻仍前濫行收考一經發覺必將錄送各官嚴加議處。二十三年覆准京員內應行開列試差及

順天考官之人並各省例得分房之州縣官凡遇鄉試之年概不許為入場士子豫擬經題。二十九年議准禮記一經多坊間刪本有心典體註省度等名較之全經不過十之四五所存者俱係擬題之處其餘則不顧文理一概刪去以致語氣割裂於經學殊有關繫嗣後由地方

官出示將刪本刻板銷毀已經刷印者禁止販賣毋許留存貽誤後學。三十年議准鄉試士子毋許臨場改經各直省或不畫一通行禁止。四十年奏准初八日舉子進場完畢後凡考試各官不得仍向家中索取什物如遇有考試各官自家中送到什物即由巡察外場御史全行駁回不准放進。又

諭兵部議覆鴻臚寺卿江蘭御史李廷欽各條陳武闈外場事宜二摺俱依議行矣。科場定例毋許臨場條奏如臣工果有見於考試規條未盡妥協之處即當

早行入告。文會試不得過上年冬月。武會試不得過本年春月。何必於考試臨期紛紛陳請。此次姑免置議。嗣後如再有違例臨期陳奏者。該部將其事於議覆摺內一併將該員察議具奏。○四十二年議准。鄉試舉人寄籍者。填寫親供時。呈明改歸原籍。如無家可歸。亦令呈明註冊。儻仍有牽混入籍者。均不准改歸。照例褫革治罪。○四十八年覆准。貢監生員原有准其改經之例。除習春秋禮記卷數無多。不准改易書詩三經外。其有詩經改習易書及春秋禮記四經者。准其改習。若由易書二經改習詩經者。概不准改。仍照定例。每屆年終將改經各生彙冊送部備查。○五十一年諭。本日據御史祝德麟條奏江浙漕務水利地畝等事。又徐如澍奏請將本年廣額十五名於北四南四中試卷內一體分派二摺。朕披閱之下。俱係無關緊要。本年係鄉試之期。近來御史奏事者頗多。並非留心建白。不過覬覦出差地步。即如祝德麟條奏江浙漕務水利等事。不過尋常事件。早何不奏。必待此時條陳。甚至徐如澍竟不顧科場處分條例。輒行入告。其非希冀入簾而何。所有祝德麟條奏。雖為無關緊

要之件。其是否可行之處。著交該部議奏。至徐如澍明知科場條例處分。執行陳奏。且於摺內聲明籍隸貴州。並無兄弟親戚。應試等語。試思徐如澍籍隸貴州。即無兄弟親戚。豈無同鄉故舊及相識應試者。更屬取巧。徐如澍著交部議處。嗣後科道等。凡遇鄉會兩試屆期。前一月之內。係陳奏特參大員。申冤理枉。迫不及待者。准其入奏外。其有關科場事務及尋常事件。一概不准屆期違例具奏。以杜傲幸陋習。著為令。○五十二年

諭。鄉會兩試。關係掄才大典。理應肅清弊竇。遊拔真才。

經朕屢頒諭旨。加意整飭。近年以來。雖風聞科場諸弊。未能盡絕。而作姦犯科者。尚未見有敗露之案。但自明歲戊申以後。鄉會兩試。正科恩科。連年疊舉。若科場條例。日久玩生。致有不肖之徒。散法舞弊。夤緣鑽刺。傲幸弋獲。使白腹者。濫竊科名。而懷才者。無由登進。殊非朕旁求俊乂。鑑拔真才之意。不可不嚴申例禁。豫絕弊源。著交大學士九卿。將應如何杜漸防微。設法釐剔之處。悉心妥議具奏。務使功令森嚴。弊端禁絕。以副朕覈實取才之至意。欽此。遵

旨議定。京城舉場附近之地。近科以來。聞有積慣姦徒。

窩藏槍手。專為場內代倩文字。而不肖舉子。向通外場巡緝兵役及聞中號軍。將題目走漏消息。用瓶石等物擲出場外。及文字作成。或遙點燈竿。連放爆竹。或將馴養鴿鷄繫鈴縱放。作為記號。豫行指定地方。以便開通接遞。仍用瓶石等物擲入場內。最為積弊。應交該衙門。屆期選派誠實妥幹番役。會同五城順天府。密訪窩留槍手之家。查拏治罪。並於考試屆期。凡附近居民。有遙點燈竿。連放爆竹。及舉放鴿鷄拋擲瓶瓦等弊。即嚴行拏究。並先出示嚴禁。以杜內外

向通傳遞文字。其直省鄉試。應責成監臨一體嚴密查辦。○五十三年奏准。嗣後謄錄對讀各生。毋庸先發筆硯銀硃紫粉等物。亦毋庸散給題紙。俟第一場士子出畢。始行散給。○又議准。嗣後嚴禁各士子不得豫擬策題。場前傳播。○五十四年

諭。翁方綱奏訪聞江西士子。有臨場習用新出小本講章。以希捷徑者。又坊間亦有編輯經書擬題及套語策略等類。臨場刊刻發賣。現出示嚴行禁止。並於建昌一帶刊書之處。徧為飭禁等語。講章策略等項。竟

有刊刻小本。不特士子臨場閱看。既得弋獲捷徑。且易於懷挾。尤不可不防其弊。翁方綱嚴行飭禁。所辦是。江西既有此項小本發賣。恐各省亦不免仿照刊刻流傳轉售。著各督撫學政一體出示禁止。其已經刻印者。令其繳出銷毀。京城坊肆等處。並著順天府尹等。一併留心查察。以杜徼幸而端士習。○五十七年議准。各督撫學政轉飭所屬押令坊間將刪節經書板片。限三月內儘數呈繳銷毀。如逾限不交。一經查出。照違

制律治罪。其未能詳查之地方官及各督撫學政。均照例分別議處。並出示曉諭各屬士子。如有前曾購買此等刪節經書者。亦令作速自行銷毀。○五十八年

諭。前因各省士子有肄習坊間刪本經書一事。降旨令各督撫嚴行查禁。將此項刪本。起出解京銷毀。節據該督撫等陸續查繳。但恐日久懈弛。不可不再申厲禁。以端士習而崇實學。夫經籍自孔子刪定。豈容後人妄為芟節。皆由不通士子。或落第之人。不能通經致用。遂以弋名之心。轉而弋利。往往於經書內避去諱用句語。任意刪減。或標寫擬題。以為庸陋士子場



屢揣摩之具而坊間即為刊刻傳播彼此沾潤此等貪鄙之見不特非讀書上進者所為亦且有玷士林負漸名教各督撫當飭屬留心查辦使若輩知所做懼自不敢復蹈故轍而坊間既無此種書本亦無從刊布漁利况六經為聖賢垂教之書字字俱有精義乃臆為揀擇作此刪本經書躁進之士又欲於糟粕之中另標捷徑不但失前聖立言之意於士風大有關係想自用制義取士以來或即有此項刪本經書然不清其源安能禁其流之不滋甚耶該督撫若以此次查繳之後即視為具文弛其禁令則牟利書坊

又復漸行出售輾轉流傳終難禁絕嗣後仍著落各督撫嚴飭所屬認真查禁並將繳過刪本經書數目及有無傳習之處三年彙奏一次俾士各遵經文風振作以副朕敦崇經學整飭士風至意○嘉慶十三年

諭鄉會試為掄才大典必須諸弊肅清真才乃出向來內場舞弊法令甚嚴人知慄畏近年朕遠派主考大員率同房考等悉心校閱尚知秉公衡鑑未必有作姦犯科之事在諸臣各知自愛朕亦不疑及此惟外場弊竇尤多定例責成監臨知貢舉綜理並特派按

檢及稽察龍門接談換卷王大臣自至公堂以及甄門復均派有御史監察即棘闈以外又有巡牆御史並營員等周圍巡邏立法本為周密無如近日風氣因循塞責者多實心任事者少沽名邀譽者多不避嫌怨者少近聞外場官員頗涉疏懈竟不免有傳遞代倩等弊若不嚴為剔除則不才者妄思倣幸而實學轉致淪棄殊非慎重科場之道本年會試屆期誠恐外場官員仍蹈積習且彼時正值朕巡幸淀津或司外場者憚於啟事意存鬆懈諸務辦理草率不可不豫行申誠所有此次會試外場事宜著責成知貢

舉並派出按檢及稽察龍門接談換卷各大臣並科道等一體認真嚴查詳細示諭務令士子等懍遵功令恪守科條毋許有接談亂號等事其棘闈以外巡邏之御史及步軍統領衙門官員並當加意巡察不得視為具文儻防範不嚴有意寬縱以致士子罔知做惕或有傳遞代倩等弊一經發覺除將作弊士子按律治罪外所有派出大小各員均干嚴議懍之慎之○又

諭比年以來頗聞場中傳遞代倩接談換卷諸弊滋生考試為掄才大典懲姦除偽定法甚嚴與其重罰於

事後何若嚴禁於事前。茲降旨申誠。凡鄉會試派出之監臨知貢舉及有稽查巡查之責者。務各振刷精神。嚴查弊竇。設有行險徼幸之徒。一經緝獲。即指參究辦。不得稍取一二細故。以見其查數認真。而於真實弊竇所在。轉置之不問。若經此番訓飭之後。仍因循怠玩。市惠沽名。或將來有科場舞弊之案。別經發覺。在作弊者。固身罹重典。其監理稽查場務之人。亦必從嚴懲處。斷不能寬貸。毋謂朕言之不早也。○又議准。從前進士舉貢生監。現在大興宛平兩縣寄籍未滿二十年者。勒限一年。令其自行呈明。

彙冊報部備查。如遵例入籍者。由順天府轉飭查明室廬田畝。取具族鄰保結。准其入籍報部立案。仍扣滿年限。方准本身子弟應試。並聲明原籍地方。不得復回跨考。仍行文原籍地方官存案。其情願改歸原籍者。俟查明取結。即歸原籍收考。永不許復冒寄籍。其在一年限內自行呈明者。免其罰科。如逾一年之限。始行呈明者。貢士罰停殿試一科。舉人罰停會試一科。生監罰停鄉試一科。此次勒限清釐以後。再有混冒考試者。查出

即行褫革。如有跨考倖進者。照例褫革治罪。○十五年

諭鄉會試年分。定例不准條奏科場事宜。况佛柱等業已入場監臨。乃於將屆發榜之前。奏請加增南北四官卷中額。明係有心邀譽。吏部議照違令公罪例。罰俸九箇月。實屬過輕。佛柱温汝适均著實降一級調用。毋庸再行罰俸。○十六年

諭榮麟等奏彈壓副都統策丹之孫明新明誼。應否迴避。請旨一摺。即使伊等另有所見。亦止應場後條陳。不當於考試之際。猝議更改舊章。今頭場既准該舉子應試。忽諭令其不進二場。成何事體。榮麟等著申飭。○二十三年

諭御史王允輝奏嚴禁順天鄉試冒籍一摺。冒籍跨考。例禁甚嚴。但恐日久玩生。又復混淆滋弊。茲據該御史奏本科順天鄉試冒捐北監。冒入北員中式者頗多。著順天學政及順天府尹嚴行查察。順天寄籍生監。如有未滿年限。及未經呈明冒考者。無論已未中式。一經查出。立即嚴參。照例褫革。以清戶籍。○二十四年

諭御史余本敦奏鄉會試外簾滋弊。請飭查禁一摺。鄉

會試為掄才大典。凡派充內外簾官。均應慎密從事。恪守關防。如該御史所奏。士子於二場入闈時。託素識之提調及外簾各官。點竄頭場原卷。或補點詩題出處。妄思倖獲。實屬大干法紀。恐此外傳遞代倩諸弊。亦所不免。著知貢舉及外簾監試官。並執門巡牆御史。一體嚴密稽查。如有作姦犯科者。立即指名奏。拏交刑部嚴審治罪。以杜倖進而肅功令。○又

諭。御史袁銑奏請禁考試積弊一摺。直省大小考試。俱應杜絕弊端。用副掄才大典。如該御史所奏。外省州縣奉調入簾。士子竟有於中途迎送。結拜師生。黃緣納賄者。實屬大干法紀。著通諭各省督撫。嚴行查察。如有州縣調簾。不知防檢。及士子巧於鑽營。交通舞弊者。一經查出。立即嚴參重懲。以肅功令。○道光二年

諭。本年鄉試年分。邱家煒違例條奏科場事宜。著交部察議。○又

諭。坊刻小本講章策略等書。著該地方官出示嚴禁。以杜弊端。○六年奏准。嗣後揀選舉人。尚未投供赴選以前。仍係會試舉人。凡一應改籍等項事故。照例歸禮部覈辦。均令於咨部文結內聲明。有無

考取並議敘職官。是否大挑。已未分發試用。及已未截取投供赴選字樣。以憑分別辦理。辦竣後。即知照吏部。至八旗滿洲蒙古漢軍文舉人。例無截取於會試三次後。即准投供。俟銓選到班時。遇有改籍等事。歸吏部辦理。○九年奉

旨。禮部查明御史張曾奏。參浙江舉人顧宗伊刊刻落卷屬實。並檢查所刻卷內。附載致同考官袁文祥書。大肆譏評。此風斷不可長。考試為掄才大典。士子若實被屈抑。原有准赴該管衙門控訴之條。乃該舉人不安義命。妄生怨尤。輒刊刻傳布。且附載譏評該同考官原札。實於士習人心。大有關係。顧宗伊著即斥革舉人。以示懲儆。至檢討袁文祥閱看試卷。如僅將士子頭場三藝點看起講。即行棄置。實屬草率。現在顧宗伊已將原卷領出回籍。著劉彬士即飭屬追取攜回場卷。送禮部查驗。如果屬實。再將該檢討袁文祥移咨吏部議處。其批點之內閣學士朱方增。翰林院修撰朱昌頤。工部主事顧椿。俱著交部照例議處。○十一年奉

旨。據阿勒清阿奏。山西省鄉試。請添同考官一員。著毋庸議。現在鄉試伊適。該撫條奏科場事宜。亦屬違例。

阿勒清阿著交部照例察議。○又

諭軍機大臣會同禮部都察院議奏給事中王雲錦條陳請禁書肆小本一摺。此等不肖惡習。朕亦夙知。若止出示嚴禁。令其自行銷毀。仍屬有名無實。著各直省督撫順天府五城步軍統領明查暗訪。將書肆小本板片概行銷毀。該吏胥等亦不得藉端訛索。其各該省學政於歲科兩試及國子監錄科。務各嚴行按檢。遇有不肖士子帶小本文策者。立予褫革。並嚴究書本買自何鋪。將板片起出銷毀。其貢院左右。除向有書鋪仍准開設外。其臨時開設者。概行斥逐。如有

公然售賣小本文策者。加責嚴辦。並責令外巡緝官嚴密查察。有犯必懲。儻士子尚有不知檢束。懷挾傲幸者。即着褫革究辦。其恃眾逞強不服約束者。加號示衆。治以應得之咎。儻按檢番役吏胥人等。有意栽害者。重治其罪。士子中式後。除策學援引經史語句相同毋庸議外。其四書經文。有全篇勒襲舊文者。一經磨勘官籤出。立即褫革。務期永絕此弊。以端士習。

○十三年

諭御史劉謹奏請嚴禁直省鄉試積弊一摺。直省鄉試。為掄才大典。必須嚴剔弊端。拔取真才。如該御史所

奏近來州縣調簾入省。並不遵照定例。徑赴公所。往

往在外居住。以致不肖士子夤緣干謁。拜為師生。私通關節。並賄囑禮房。向通內簾收掌書吏。豫傳紅號。竟將某卷直送某房。以便呈薦。且該書吏等當未揭曉之先。輒窺探消息。寄信出關。私相傳播。似此積弊。相沿殊屬大干法紀。士子之夤緣干謁。總由州縣之防檢不嚴。即書吏之窺探舞弊。亦由州縣之轉相賄囑。若不嚴行飭禁。何以肅功令而拔真才。著通諭各直省督撫於明年舉行甲午正科。遇州縣調簾入省。務令遵照定例。徑入公所。不得在外居住。與人交接。往來致啟士子鑽營之習。如該州縣不知檢束。或招致士子私通關節。或賄託書吏指認紅號。該督撫當不時查察。一經發覺。即嚴參懲辦。至入場監臨之日。尤當飭令提調暨內外監試各員。慎密關防。嚴查弊竇。以杜倖進。用副朕興賢育才至意。○十九年

諭御史陳光亨奏請飭禁內外臣僚競認師生一摺。所言甚是。鄉會試考官憑文取士。中式者感其識拔。誼等師生。尚屬禮緣義起。然在官言官。在朝言朝。斷不可以私廢公。至新進士殿試朝考。一經館選。即與閱卷官認師生。已屬非是。若京察一等。大計卓異者。概

與本管上司認師生。是身荷簡擢之恩。心感保舉之加。受爵公朝。拜恩私室。甚非國家考績求賢之義。至近來外省風氣。州縣輒與府道認師生。府道輒與督撫認師生。是以勢利為結納。拜門下者。品已不端。難保不恃門生之情面。專事請託。假上司之聲勢。相與招搖。種種夤緣。皆由此起。又安望其持正秉公。各盡職守耶。嗣後內外臣工。總當守分勵品。斷不准籍師生稱謂。以為攀援干進之階。至部院大臣及各省督撫等。尤當正己率屬。以人事君。遇有籍端干謁者。即行面為屏斥。不准因避詞卑禮。稍事姑容。庶屬吏共知敦品。用以杜奔競而肅官方。○二十六年議定。嗣後每屆鄉會試年分。凡舉貢生監。俱不准其改籍。俟鄉會試竣。再行照例辦理。○二十八年議准。嗣後凡呈請入籍之人。其已滿二十年者。必須呈明有案。由寄籍知照原籍。不得復回跨考。方准入籍。其已滿六十年者。必須取具族鄰甘結。由寄籍知照原籍。不得復回跨考。方准應試。至由寄籍改歸原籍之人。其寄籍地方官文結內。必須聲明何年月日呈明入籍。曾經知照原籍有案。並何年月日取具族鄰甘結。應試曾經

知照原籍有案。不得以呈明有案一語。含混蒙蔽。其原籍地方官。亦須於文結內聲明何年月日寄籍何處。曾經呈明。或曾經取有族鄰甘結。由寄籍知照原籍。並未復回跨考。方准改歸原籍。不得以祖墓均在原籍一語。含混蒙蔽。如入籍時未經知照原籍。是明明有心跨考。概不准其入籍。亦不准其改歸原籍。○三十年議准。寄籍之舉人貢士。必俟覆試後。方准改籍。鄉會試覆試同鄉京官。如查有為冒籍出結。實係徇情容隱。扶同捏飾者。照徇庇私罪例議處。凡冒籍跨考斥革者。概不准其捐復。有冒籍大宛二縣犯案者。先將原保褫革。審訊有無受賄。分別治罪。永遠不准捐考。並將審音御史查取職名。照例議處。○咸豐元年議准。貢監生因其祖父在順天寄籍。應試報捐。即入籍考試。與本身冒籍究屬不同。若徑行褫革。未為平允。當以有無墳墓為斷。嗣後由順天府尹飭大宛兩縣親往訪查確實。取具切結。加具印結。咨部覈明。准其補行呈明入籍。仍罰停鄉試一科。照例行文。該生原籍。永不准復回跨考。其浮屠及並無墳墓者。

勒令改歸原籍。亦罰停鄉試一科。如有似此情節者。均照此一律辦理。予限一年。補行呈明。不得違逾。並由順天府於現在由大興宛平籍貫出仕者。在京行文各衙門。在外行文各直省。令該員等呈明原籍。咨報吏部。將來服官衡文時。均一體迴避。○又議准。嗣後順天考試出結。不必限定人數。凡係土著。俱准出結。並令於鄉會試年春初。將土著京官職名呈明禮部。順天府國子監備查。如有寄籍未滿年限及已滿年限而未經呈明。同鄉京官濫為出結。廩生濫為出

保。地方官濫為送考者。日後自行查明檢舉。照失察公罪例議處。如或別經發覺。即照徇庇私罪例議處。○八年

諭御史蘇仲山奏請加山東省中額學額一摺。該御史籍隸山東。請加本省中額學額。逆涉乞恩。且於科場年分條陳科場事務。亦屬不合。著交部議處。○又

諭御史孟傳金奏中式舉人平齡硃墨不符。物議沸騰。請特行覆試一摺。著派載垣端華全慶陳孚恩認真查辦。不准藉涉迴護。並摺內所指各情。著傳集同考官一併訊辦。欽此遵

旨訊明舉人平齡供認登場演戲。有玷斯文。應先將舉人斥革。○九年

諭本日據載垣等奏會審科場案內。已革大員並已革職員定擬罪名。先行擬結一摺。朕詳加披覽。反覆審定。有不能不為在廷諸臣明白宣示者。科場為抡才大典。交通舞弊。定例甚嚴。自來典試大小諸臣。從無敢以身試法。輕犯刑章者。不意柏後以一品大員。乃辜恩藐法。至於如是。柏後身任大學士。在內廷行走。有年。曾任內務府大臣。軍機大臣。且係科甲進身。豈不知科場定例。竟以家人求情。輒即撤換試卷。若使新祥尚在。加以夾訊。何難盡情吐露。既有

成憲可循。朕即不為己甚。但就所供情節。詳加審覈。情雖可原。法難寬宥。言念及此。不禁垂淚。柏後著照王大臣所擬。即行處斬。派肅順趙光前赴市曹監視。行刑。已革編修浦安。已革舉人羅鴻緝。已革主事李鶴齡。均著照例斬決。以昭炯戒。副考官戶部尚書朱鳳標。於柏後撤換試卷。聞中並未查訊。出場後又不即行奏。若照舊例辦理。知情徇隱。即應治罪。即止於失察。亦應研訊。惟聞其供詞尚無知情情弊。諒未鳳標亦不敢公然徇縱。著從寬。即行革職。同考官降調

編修鄒石麟為已革舉人平齡更改硃卷實屬違例著革職永不敘用其磨勘查出試卷應行查辦之舉人余汝偕等十二名並同考官徐桐鍾瑋涂覺綱何福成對讀官鮑應鳴應得處分著交禮部查照科場條例定擬具奏至墨卷內更改馬丞字樣是否由外廉傳遞之處著原派之監臨明白迴奏另片奏催未經到案之謝森輝熊元培李旦華等三名著江蘇巡撫即行派員解京審訊嗣後科場大典秉文衡者皆當潔己虛懷杜絕干請應試士子亦各立品自愛毋蹈黃緣覆轍則朕此次執法嚴懲正為士林維持風氣爾在廷諸臣當能默喻朕衷也○又

諭上年順天鄉試科場舞弊經欽派王大臣審明定議於本年二月間降旨將柏後等分別懲辦並宣示在廷諸臣俾咸知朕意本日據載垣等奏科場案內審明已革大員並已革職員等定擬罪名一摺科場為掄才大典考試官及應試舉子有交通囑託賄買關節等弊問實斬決定例恭嚴不得以曾否取中分別已成未成此案已革候補郎中程炳采於伊父程庭桂入闈後竟敢公然接收關節條子交家人胡升轉遞場內即係交通囑託關節情罪重大豈能以已中

未中強為區別程炳采著照該王大臣等所擬即行處斬已革二品頂戴左副都御史程庭桂身任考官於伊子轉遞關節並不舉發是其有心蒙蔽已可概見雖所收條子未經中式而交通已成確有實據即立予斬決亦屬罪有應得惟念伊子程炳采已身罹大辟情殊可憫若將伊再置重典父子概予駢首朕心實有不忍程庭桂著加恩發往軍臺效力贖罪此係朕法外施仁並非從死罪遞減亦非因其接收關節未經中式姑從末減也其致送關節之謝森輝等本應照科場專條治以死罪惟與著經正法之羅鴻

繹等尚屬有間工部候補郎中謝森輝恩貢生報捐國子監學正學錄王景麟均著革職熊元培著革去副貢生與已革候補郎中李旦華已革候選通判潘敦儼已革翰林院庶吉士潘祖同已革候補員外郎陳景彥已於二月間加恩免其死罪著照所擬均著發往新疆效力贖罪李旦華之父前任刑部侍郎李清鳳現在原籍病故著該部查明李旦華如家有次丁即於百日後起解如家無次下者俟安葬伊父後再行發遣降調湖南布政使潘鐸平日訓子無方著交部議處其應議之監臨監試專司稽察及內外廉

執事各員。並按檢王大臣。著禮部按照科場條例據實查明。各該員所司何事。應議之處。詳細開列銜名具奏。再降諭旨。另片奏未能究出冒名之人。請旨議處等語。載垣端華全慶陳孚恩。著交宗人府吏部照例議處。至科場條例。本有專條。刑部所議程庭桂等罪名。俱不在科場例內。輒將向辦各案。以已成未成。比擬實屬不合。若照硃批給予處分。恐該堂官等難當此重咎。著傳旨申飭。科場一案。前後所降諭旨。著即補入禮刑二部則例。永遠遵行。不必俟修纂時續入。將此通諭知之。○又

諭上年順天科場一案。失察子弟遞送關節條子之尚書陳孚恩等。應得處分。均經吏部照例議以降一級調用。並聲明公罪。例准抵銷。業已先後照議允准。朕思科場條例。向多從嚴。其失察子弟。夤緣犯法。與尋常失察處分。亦當有所區別。若概議以公罪。似未允協。嗣後官員。凡遇子弟有於科場夤緣納賄。交通關節。失於覺察者。俱著降一級調用。照私罪例。不准抵銷。○又

諭前因禮部奏上年順天鄉試科場舞弊案內。應議監臨各員失察處分。尚未允協。當交惠親王等大學士

軍機大臣會同禮部妥議具奏。茲據惠親王等詳查例案。悉心叢議。開單呈覽。此案程庭桂家人胡升攜帶關節入場。該監臨等官未能查出。自應分別議處。除八月初六日另有差使未到。業已知照外。場察院之按檢王大臣等。及續派執事各員。並前充提調另案革職之前任順天府府丞蔣達。均著毋庸議處。外所有戊午科順天鄉試監臨刑部右侍郎景廉。降調順天府府尹梁同新。均著降二級留任。外廉監試之給事中志文。清安顏培瑚。御史寶麟。那蘇泰。謝增。朱文江。尹耕雲。內監試之御史奎斌。給事中現任順天

府府丞毛昶熙。均著降三級留任。奎斌及調充內廉監試之御史尹耕雲。復失察主考家人。向房官查卷。並臨時抽換中卷。著照例再降二級調用。其貢院門按檢之睿親王仁壽。肅親王華豐。定郡王溥煦。內閣學士雙福。吏部左侍郎文清。兵部尚書陳孚恩。刑部左侍郎齊承彥。戶部尚書肅順。前署副都統廣科。雙祿。副都統文壽。恩醇。穆隆。阿繼。善。乾清門侍衛榮全。西拉網阿。慶壽。甄門按檢之豫親王義道。莊親王奕仁。前任大學士翁心存。吏部尚書許乃普。左副都御史富廉。副都統存佑。察杭阿。巴雅爾。綽克托。前署副



都統奎章富春德鑑。休致都統英隆。乾清門侍衛克蒙額。岳林。貝勒溥莊。專司稽查之都察院堂官刑部尚書瑞常。外場巡察御史徵麟。忻澗魏睦庭。給事中李培祐。均著罰俸一年以上。各員應得處分。雖係公罪。均不准抵銷。○十一年議准。各省候補人員。縱令子弟及幕友官親蒙混入場。實屬大干屬禁。應嚴行查禁。仍責成送考出結各官。不得稍涉瞻徇。致干叅處。僅有冒籍。即將本生及在事各官。一概究辦。○光緒三年

諭御史劉曾奏。賤役冒籍蒙考。請旨褫革一摺。牛守仁。即牛珍。又名牛升。曾在廣西懷集靈川賀縣署內充當門下。輒敢向串方。矜冒入臨桂縣籍。令其子牛光斗蒙混應試。俸中舉人。賤役冒籍蒙考。有干例禁。亟應嚴行懲辦。牛光斗著即褫革。並著廣西巡撫飭屬查明牛守仁。如有蒙捐官職情弊。著一併斥革。按律懲辦。以澄流品。○又

諭御史鄧華熙奏。賤役之子。蒙捐冒考。請旨斥革。懲辦等語。廣東番禺縣人何炳南。即何菊屏。疊充南海番禺東莞各縣門下。膽敢令其子何伯麒蒙考入學。並捐主事。又令其次子何駿聲改名何瑞榮。

冒入順天籍。中式丙子科鄉試舉人。實屬不安本分。亟應嚴行懲辦。主事何伯麒。舉人何瑞榮。均著即行斥革。交劉坤一張兆棟。將何炳南。即何菊屏。一併按律懲辦。以清流品。

欽定大清會典事例卷三百四十一

禮部

貢舉 整肅場規一

整肅場規。○順治二年定。諸生領卷歸號時。有在號外停立者。扶送監臨詰問。封號後。一切員役。不許私開私入。及傳送茶湯。其交卷時。監臨坐堂上。嚴督受卷官分經收卷。有五十卷。即時封號入箱。賸有餘卷。亦即封鎖如法。諸生出闈。必點籤稽查。有卷發籤籤完。必繳。毋使不完者。開出。務令卷數與人數相合。其大門內關防務極嚴緊。不許一人闖入。以杜傳遞。○十六年議。准士子進場。按檢。嚴責各門按檢官役。如大門按過無弊。而二門按出者。將大門官役處治。○康熙四十七年。覆准。鄉會試出題次日。士子務盡放出。不許宿場。若次日不能完卷。連宿場內者。將監試提調及本生一併交部議處。○五十二年。覆准。凡考試舉人入闈。皆穿拆縫衣服。單層鞋襪。止帶籃筐小梳。食物筆硯等項。其餘別物。皆截留在外。如違治罪。○又覆准。舉子入闈。漢人責成營弁。旗人責成都統等。務令按照卷

號各進號舍。督同封固。不許私從柵欄出入。若

督理不嚴。將該管官治罪。○雍正七年。議准。副

都統所帶之識字領催五名。派於號口柵欄外。

令其加意看守。照卷面字號放入。封號之後。仍

隨同參領等於柵欄外巡查。○又議准。考試之

期。每翼各派賢能參領一員。協同點名官員。於

柵門外點名給籤。並嚴行禁飭。毋許送考人等

混入柵門。有混入者。該參領即行鎖拏。照擅入

衙門例治罪。○八年

諭。今年會試舉人進場時。天氣尚寒。皮衣任其隨便帶

用。其所需用大小板櫬。皆准帶進。但止可用單層板

櫬。不許用雙層夾底。其按檢之人。仍照例按檢。○又

覆准。鄉會試舉子。凡木櫃木盒。嚴行禁止。概不

准帶進。違者照科場條例治罪。○又覆准。鄉會

宿場舉子。無論五經專經。有謄文未完。俱令監

試提調等官親身查閱。傳到至公堂。看其謄完

並令背誦文字數行。以別真偽。○十年定。各省

鄉試外場。三次點名散卷稽查等事。令藩臬二

司與道員一同辦理。○十二年

諭。鄉會兩闈。乃國家抡才大典。必須防範周密。令肅風

清始足以選拔真才。屏除弊竇。朕聞各省鄉試官字號舉子。往往監臨提調等官。有差人餽送飲食果品之事。此雖無關於科場作弊。然當闢防嚴密之時。有人往來號房。難保無雇倩傳遞之弊。且恐民卷中亦可借此作姦犯科。不可不防其漸。嗣後著通行禁止。僕有仍蹈前轍。一經發覺。即照科場作弊例。將與受之人一同治罪。○又題准各省鄉試。照順天之例。將號板按各號挨數編列。巡綽官飭令號軍看守。該舉子既歸本號。如有擅出柵欄。搬移號板者。令號軍即時喊稟巡綽官。送監臨官究處。仍令

監試提調等官。逐號挨查。督同封固。○乾隆三年。覆准士子入闈。毋許攜帶坐櫈。○又覆准士子入場。不按牌上名次。爭先擁進。及接卷不歸本號者。即行扶出。如有閑聚多人。紊亂場規者。將為首之人。褫革初示。至試卷內有塗改鬼名。妄書別語者。除實係病狂。誤書貼出免究外。其有意妄寫者。將本生褫革治罪。該教官題參。降一級調用。○六年

諭。從來順天鄉試。易滋弊端。多招物議。必須稽查嚴密。始可試事肅清。今年秋闈。適值朕行圍。外誠恐人

心玩忽。諸弊乘閒而生。深虞朕念。如進場之懷挾。場內之傳遞。皆向來人所共知。且有通曉舉業之人。假充謄錄。為舉子改竄文藝者。其他弊端。種種難以悉數。又聞有應試士子。於場前結納新進翰林。互相標榜。遂成奔競鑽營之惡習。夫國家之所以重士者。謂其品行端方。足備異日公卿之選。若苟且徼幸於目前。而始進不正。貽誚終身。尚安望其受爵服官。克自樹立。為朝廷有用之材乎。著都察院五城御史。步軍統領衙門。順天府內外。簾監試御史。嚴行稽查。凡有關涉科場情弊者。即行嚴拏。按律治罪。不稍寬貸。在京之總理事務王大臣。亦應不時查察。以肅賓興大典。副朕造士育才之至意。○又議准入場官員之跟役。以及執事人等。恐有串通士子。代為懷挾情弊。應交巡場監試各官。於此項人等入場時。加意按查。嚴為防範。○又

諭。科場懷挾之弊。例禁甚嚴。今鄉試在邇。聞得外間不肖士子。故智復萌。豫先賃倩繕寫細字之人。鈔錄文藝。為入場夾帶之具。若不嚴行禁止。則徼幸獲售者必多。而真才轉至黜落。於掄才大典。甚有關繫。著步軍統領五城御史。出示曉諭。並密行查拏。至入場之

時監試御史等。必須嚴加按檢。不可虛應故事。臨期朕或令人看視。僅有寬縱疏漏之弊。必將該管官從重議處。○九年

諭。國家賓興大典。原欲得品行端方。文學優贍之人。以為朝廷有用之才。成菁莪棫樸之治。無如科場之中。易藏弊竇。我

皇考加意整頓。數科以來。內簾之關節已覺肅清。而外簾夾帶之弊。一時難除。近則日加益甚。朕早已聞知。屢行申飭。至再至三。並非不教而罰也。今當鄉試之年。又復先期誥誡。以為若輩自謹遵功令。痛自悔改。

矣。乃昨日頭場點名。朕命親近大臣數人。前往監看。竟按出懷挾二十一人。或藏於衣帽。或藏於器具。且有藏於褻衣禪褲中者。其喪心無恥。至於此極。朝廷之取士。蓋欲用之也。既欲用之。朕安肯不重待之。而若輩自輕自賤。若此。以稱先法古之徒。竟同鼠竊狗偷之輩。冥頑不靈。不可化誨。若不立法嚴查。則諸弊何由而除。真才何由而見。若欲擇人而施。又何從豫知其情弊之有無。而為之區別乎。滿洲原有呈身之路。弓馬技藝。何者不可見長。而必勉強於丈場。以思微幸於萬一。既欲讀書進取。則當潛心於學。恥為穿

窬。至江浙之人。未必不能作文。而乃存弋獲之心。為苟且之計。以致惡習相沿。視為泛常。違條觸法。而不知虧體辱親。而不顧士習日壞。風俗日漓。朕於執法之際。實惻怛哀矜。而深以不能化導。抱愧於心也。查懷挾生員內。同陵泰。乃少詹事僊保之子。生員圖敏。乃原任禮部郎中穆臣之子。伊等平日既不能教訓其子。又復縱容犯法。各亦何辭。科場懷挾。原有處分。父師之例。茲特申明其令。僊保穆臣。著交部嚴加議處。嗣後僅有犯者。將父師一併查究。今年懷挾如許之多。而從前各科。悉皆蒙混了事。著將乾隆元年以

後監試之御史。除內外簾。俱交部查出議處。至京師如此。則外省情弊。不問可知。該撫藩等。專任監臨提調之責。總視為具文。一味姑容。取悅於眾。深負委任。嗣後著照京師之例。監臨董率各官。盡心嚴查。務使作弊之人。不得漏網。僅蹈舊轍。經朕訪聞。或被科道糾參。或朕差人前往按出。必將監臨提調等。照今年處分。從前疏防御史之例。一併從重議處。○又奉

旨。科場懷挾之弊甚多。不得不嚴行按檢。至於按到褻衣之內。原屬非體。然若果無其人。則朕將治哈達哈等。以太過之罪矣。而無如竟有藏匿於禪褲中者。委

查之員何由豫知其孰為有孰為無而分別之則不得不概行稽查而朕雖欲全諸士子顏面竟無辭以責派查之臣為太過矣然此等敗類必係目不識丁之人而與觀光之列總由學政濫行錄送以致紊亂考場清濁不分如此將來學政等如何慎選錄送並將按檢等事如何詳悉定例之處著原議之大臣一併議奏欽此遵

旨議准士子服式帽用單層氈大小衫袍褂俱用單層皮衣去面氈衣去裏禪褲細布皮氈聽用止許單層襪用單氈鞋用薄底坐具用氈片其馬褥厚褥概不許帶入至士子考具卷袋不許裝裏硯臺不許過厚筆管鏤空水注用磁木炭止許長二寸蠟臺用錫止許單盤柱必空心通底糕餅餠餠各要切開此外字圈風鑪茶鉢等物在所必需無可疑者俱准帶入至考籃一項如京闈用柳筐柄處體實每易藏姦今議或竹或柳應照南式考籃編成玲瓏格眼底面如一以便按檢至禪褲既用單層務令各士子開襟解襪以杜裹衣懷挾之弊再士子按出懷挾者其父師均有教誨約束之責查出一併究治○又議

准每場先將按役點入該管官逐名按查點入之後不許復出至士子點名時頭二門內令按役兩行排立士子從中魚貫而入以兩人按檢一人細查各士子衣服器具食物以杜懷挾之弊若二門按出懷挾即將頭門不能按出之官役照例處治○又

諭科場為國家掄才大典關係甚重向來外場弊竇多端士子懷挾文字入場希圖弋獲此等無恥之習一日不除則真才何由得出今年順天鄉試朕已降旨嚴飭所司實力稽查聞外省夾帶之風亦復聞有不可不嚴行禁止著落各省監臨提調等官於點名時嚴加按檢片紙隻字不許攜帶入場務使弊絕風清毋得虛應故事○又

諭各省科場懷挾之弊朕已降旨令各該省監臨提調照京師今年之例嚴行按檢務使諸弊肅清以襄大典嗣後每科有無懷挾若干人俱著該督撫具摺奏聞○又奏准順天鄉試於轅門外設牌八面分立八處大書旗分令八旗派出送考之參領章京帶領應試士子各按旗分隨牌站立聽候點名以次進轅門聽按其餘一切送考之人概不許混

入執門違者立即鎖拏治罪仍先期行文各旗將送考之參領章京姓名並執門點名之參領姓名開送巡察御史如送考之參領等不按旗分任憑士子混行及執門之參領縱容送考人等混雜擁擠該御史立即指名叅處至貢監人等向亦有送考擁擠之弊應於執門外各添派守備一員協同點名官給籤其應試諸生俱令隨牌聽點聽按如有送考閒人混入許該守備即行鎖拏如守備約束不嚴一併叅處○又

諭朕令翰林科道輪進講章者原以講明義理裨益問

學也若臣工有欲行陳奏之事自應明白直陳於君上之前何得借講書之名以巧用其術如黃明懿今日之講章朕披覽之下覺其意有所指因召見面問之曰汝之講章為書義而發乎抑因時事而發乎伊奏曰實因今歲北闈科場按檢太嚴及於褻衣下體頭場二場按出懷挾止四十餘人而聞風退避散去者遂至二千餘人之多士氣沮喪有關國體等語國家之開科取士原欲得真才實學之人而用之懷挾作弊行類穿窬乃最惡劣之習大有害於科場者朕早已聞知先期詰誡至再至三而伊等怙過不悛頭

場按出二十一二人場按出仍二十一二人即此數亦不為少矣豈黃明懿猶以為少乎况貢院門外拋棄蠅頭小卷堆積於牆陰路隅者更不計其數此皆何人者謂朕不知乎此豫備夾帶而臨時變計者且有含於口頰而按檢時嚙入腹中者至於頭場題目略覺聞冷而交白卷及不完卷者遂有三四百人此又不能夾帶而場中竟至闕筆者其二場點名時散去之二千餘人明係學問空疏又見不能夾帶託言按檢太嚴待士非體以不願應試掩其無恥又有謂番役人等有意栽害者前二場按檢時曾有按出經文

查與該生本經不合比將番役鎖拏一事而造言生事之徒遂以此為口實豈四十二人悉皆出於栽害乎至於按到褻衣之內原屬非體若果無其人則按查官員過當之罪自無所逃朕前已明白降旨矣今既有其人則有不得不通行之勢此又誰之咎乎且士子有於褻衣下體懷挾經文者此人心之大喪而讀書者之恥也朕前旨謂深自抱慚並非虛語而士大夫亦應共愧共憤默而不言斯已耳猶且袒庇無恥者起而攻按檢之太過則朕不得不明言矣議者徒謂以一二人之無恥累及千萬人孰不知此一二

人非市井之徒。非穿窬之盜。而即挾策應試千萬人  
中之一二人也。按查者豈能豫知其為有為無而分  
別之。設有所分別。彼懷挾者方得以藉口。設無所分  
別。而一概從寬。則將來禫禫中竟成懷挾之藪矣。夫  
使聖賢之經文。入人禫禫之中。而不為怪。獨怪按查  
太嚴之失士體。則為是言之人。朕竟不能知其為何  
心矣。或者其亦出於此道者耶。夫稂莠不薅。則嘉穀  
不生。朕之剔弊除姦。本欲使懷瑾握瑜之人。脫穎而  
出。整頓頹風。培養士氣。正所以崇國體也。而黃明懿  
反以為士氣沮喪。其謬妄已極。此必有不肖之士。子  
造作浮言。互相煽惑。以鼠竊狗偷之行。而有搖脣鼓  
舌之風。朕若不亟為整理。不但士習日頹。無所底止。  
即伊等將來亦不免清流之禍。朕心不忍。是以法在  
必行。以挽救之。黃明懿身為翰林。若欲建白諫諍。即  
當據實敷陳。今乃借進講經書。隱諷時事。甚屬姦險  
詐偽。著交部嚴察議處。又

諭軍機大臣等。前據準奏。稱江南科場點名時。按獲  
懷挾之徐斌。王曾培。比即分別枷革等語。據朕傳聞。  
江南按獲懷挾之人。悉行釋放。不知準奏所奏二人  
之外。果有釋放之人否。至於枷號例。應一月為滿。不

知準奏照例辦理否。可寄信尹繼善令其查明具奏。

○又

諭。前據準奏。稱江南科場點名時。按獲懷挾之徐斌。  
王曾培。比即枷號等語。朕復聞江南按獲懷挾之人。  
悉行釋放。令尹繼善查明準奏於所奏二人之外。果  
有釋放之人否。並查例應枷號一月為滿者。準奏果  
照例辦理否。今據尹繼善奏稱。查得今年江南文闈。  
八月十一日二場點名。按出廣德州增生徐斌。懷挾  
表文一篇。又拏獲吳江縣附生王曾培。表判一卷。經  
準奏發外監試。江甯府知府官保訊供。據徐斌供。因  
頭場患病。恐二場不能終場。故帶表文一篇。便於照  
寫等語。據王曾培供。在龍門前地內拾著一箇紙卷。  
當被拏獲等語。官保錄供。回覆準奏。當日即令枷示  
場前。又查得同日在貢院大門以外。查獲淮安府學  
生員張再鑫。於考監內帶表文一篇。當經外監試官  
保回明準奏。諭以門外查出。尚未帶入門內。免其枷  
示。即行釋放。逐是準奏所奏徐斌。王曾培二人之外。實  
釋放張再鑫一人。又此外俱係於未按之先。自行拋  
棄者也。至懷挾定例。應枷號一月。徐斌。王曾培於十  
一日枷起。即於十四日二場完竣。放枷均於例限未

滿再查定例生儒懷挾應發為民今徐斌已經準奏咨革其王曾培因提調張九鈞等議詳係拾取紙卷與自行夾帶者有聞請免咨革準奏據詳批飭從寬免革發學重責三十板示儆等語夫國家抡才大典必須稽查嚴密按法懲創使懷挾勤襲之徒不能倣幸庶選取皆得實學朕諄諄誠諭至再至三今準奏將例應枷號一月之人未滿即放例應褫革之人免其咨革並將懷挾表文之張再彝因在門外查獲即行釋放明係有意疏縱深負朕釐清積弊遴選真才之至意準奏著交部察議張九鈞亦著察議以為疏

縱者之戒生員王曾培張再彝俱著褫革○又議准舉子宿場昏夜傳令面騰恐有代倩湊文之弊且監臨提調正當料理次場印截卷號之事勢難兼顧仍照前例於出題次日之晚盡令舉子交卷散出不准容留宿場○又奏准嗣後士子入闈點名時由

欽派大臣監同查察先將官卷旗卷細加嚴檢其餘一體嚴行按檢儻有徇情疏縱將監試官指名糾參○十年  
諭科場首嚴懷挾而不肖喪廉者流竟有於衣裘中藏

匿文字者是以有皮衣去面氈衣去裏之例朕思春月會試風檐之下非衣裘不足以禦寒若將製就皮衣悉令去其楊襲應試多人既不免改造之費亦非所以飾觀瞻也著將皮衣去面之例停止但於入場之時悉心察視按檢以防弊竇為士子者更當感朕體恤從寬之意人人自愛以從前惡習為深戒况既登賢書又非生監可比豈可為此穿窬之事喪其已成之功名既負朕恩又罹國法諒不若是之愚也知貢舉可即通行曉諭之○又

諭昨日會試頭場按檢各省舉子皆無夾帶惟有浙江溫嵩曾一人按出細字一張乃係三場策段數條夫定例不許攜帶片紙隻字者蓋恐士子豫帶後場表策埋藏於牆壁間以待臨時之取用也溫嵩曾自應照例治罪但今年眾舉子皆知感朕培養之恩一洗從前醜惡之習其愧心奮發之意有可嘉焉著將溫嵩曾釋放以示獎勵士眾之奉法並許溫嵩曾仍留舉人准其下科會試儻眾舉子因朕此次寬大之典將來故智復萌則國法具在難以徼幸也該管大臣可即通行曉諭應試士子知之○十二年

諭科場關繫大典務期甄拔真才向因士子希圖徼幸



有懷挾作弊之事。是以乾隆九年鄉試。朕派大臣侍衛等官。嚴加按檢稽查。以清積弊。近日以來。士子頗知作弊為恥。蒸蒸日上。漸肯潛心讀書。甚可嘉悅。惟是人之賢愚不等。誠恐一二不肖之人。故習未忘。乘機舞弊。轉令有志向上者。亦蒙其垢。殊非朕作育人材之意。現在出口行圍。八月鄉試屆期。著在京總理事務王大臣等。照上科之例。酌派王大臣侍衛等員。嚴加按檢稽查。務弊絕風清。以光鉅典。○又

諭。今歲科場。各省監臨奏報按檢懷挾之處。有經按出懲究者。亦有稱通省並無一人者。向來懷挾之弊。京

闈尚少。而外省最甚。雖經屢頒諭旨。令嚴加釐剔。而士子狃於積習。監臨等官未免尚存姑息之見。未能翕然丕變。即如江西一省。三場多至十六人。可見各省此風尚未悔改。其未經按出者。非奉行不力。則有心邀譽耳。夫始進不正。則士習不端。宿弊不清。則真才不出。嗣後各省監臨。務須實力嚴按。使弊絕風清。以裨文治。○十六年議。准應試舉子。毋許攜酒入場。○十八年奏。准嗣後於天開文運坊外。寬敞之地。左右設棚。移近信大臣第一次按檢於此地。於坊內大門以外左右。移近信大臣第二次按

檢於此地。天開文運坊兩旁。原有軌牆。中列三路。將中路用木欄截。並自牌坊外。至照壁東西。各添軌牆一道堵截。各留一門。令士子頭一次按檢畢。則由左右路序入。候再按檢。不得東西混進。以昭嚴密。○二十三年議。准向例於出題次日。有不能完卷連宿場內者。始將監試提調及本生一併議處。今頭場止四書文三篇。二場經文四篇。詩一首。較舊制篇數多少懸殊。不便延至次日一更後淨場。嗣後以出題第二日未刻為限。盡令交卷出場。如有逾限者。將監試提

調等照例議處。○二十七年議。奏本科順天鄉試欽奉

諭旨。派大臣勘閱各卷。實無割換之弊。惟落卷內查出改塗太多形迹可疑者三本。應交刑部傳訊。嗣後士子仍遵科場條例。於卷尾自註改塗字數。免滋弊竇。○四十五年

諭。鄉試為抡才大典。欲拔真才。先清弊竇。本年順天鄉試。經按檢王大臣拏獲懷挾傳遞及頂名代倩。不一而足。各犯已交部從重辦理。用昭炯戒。順天科場。特派王大臣等。於軌門龍門。逐次嚴查。尚有此等弊竇。

何況外省稽察按查。斷不能如京師之嚴密。巡撫職任監臨。摘弊防姦。是其專責。乃歷年披閱各該撫奏摺。惟今年富綱奏稱。先於場前訪查積習。出示禁諭。並增築夾牆。另開更道。於擡運人夫。逐加按檢。印用號戳。並不假手胥吏等語。辦理較屬認真。此外則均以三場無弊一奏塞責。並未見有查出懷挾傳遞頂冒之事。豈作姦犯科者。惟順天有之。而各省竟俱弊絕風清如此乎。實因各撫臣模稜市譽。不肯認真任怨耳。夫取怨於作姦犯科之人。亦何妨乎。嗣後各省巡撫。凡遇大比之期。必須實力稽查防閑。如有前項弊端。即當立時查獲。嚴加究治。務令闈中積弊肅清。士子懷刑自愛。庶足以甄別人材。振興士習。將此通諭知之。並令於每科引此旨覆奏。著為例。○五十二年奏准舉子進場。嗣後責成甄門點名御史。先期嚴切曉諭。務令舉子及早伺候。按牌應點。即或擁擠不前。亦必隨時稟明點入。如有任意遲誤。於點名完畢。始行補到者。概不准入闈。外省鄉試。俱照此畫一辦理。○五十三年諭。鄉試為賓興大典。理宜肅清弊竇。以期選拔真才。科場條例。節年新增防弊各條。至為詳備。乃近日監臨

等辦理闈務。未能實力稽查。及至三場事竣。率以並無弊竇循例具奏。最為外省結習。此次東省鄉試。長麟於入闈時。即將謄錄書手。揆出攜帶書籍。飭交臬司究辦。並於三場按獲史帶策略士子。按例懲治。辦理甚屬認真。著通諭各省巡撫。嗣後監臨於一切弊端。務宜悉心釐剔。以副顯俊掄才之意。不得視為具文。空言塞責。致干咎戾。○五十四年

諭。向來鄉會試。士子出場之日。例本不准繼燭。聞本科順天鄉試於初十三三十六等日。多有遲至夜分。始行交卷出場者。以致昏黑易於混雜。滋生弊端。殊非慎重科場之道。嗣後鄉會試。於士子出場日期。知貢舉及監臨等。務須先行出示曉諭。屆時嚴催早行交卷。斷不准其繼燭。以杜弊竇。著為例。○五十七年奏准。士子入場。點名授卷後。龍門內有稽查接談。換卷大臣。立法至為嚴密。但甬道東西。號舍相望。最易滋越號代倩之弊。應於甬道兩旁。由至公堂至龍門。用杉篙作成柵欄。分五十二段。每段派委官一員專守。令其按卷驗明印戳。由甬道下兩旁。分送入號。毋任駐足羈留。交卷後。均令領籤由甬道徑出。不得偷歸號舍。即水夫雜

項人役亦不得輕越橫木私相授受場畢收存明達樓臨期仍按段排立不惟可杜弊竇兼可以肅觀瞻○嘉慶五年

諭此次搭出懷挾係屬頭場士子於四書義尚可空疏敷衍不致多有夾帶至二場則係五經文字未必人人誦習而三場策問條對尤難恐懷挾者更當不少著派出之王大臣等認真按檢毋任稍有弊混朕嚴於懷挾者並非於士子過為苛刻正以期遴拔真才士子等當各知自愛砥行立名以副作人盛典○又諭向來考試派王大臣等按檢不肯實心俱不過奉行

故事此次疊降諭旨令派出之王大臣等嚴按懷挾以期選拔真才茲於頭二三場俱經按出夾帶之人奏明照例辦理是此次督按場務之王大臣等均能恪遵朕旨並不視為具文尚屬認真查按俱著交宗人府吏部兵部分別議敘○六年奏准嗣後照出照入各籤務製三尺以上綠頭籤庶易查驗仍飭受卷官吏一手接卷一手發籤登時查對點名號簿毋得含混以專責成○九年

諭本日留京王大臣等奏到覆訊杜奎熾供詞一摺據稱近年出關民人並無壅積該犯亦俱知道惟因年

輕糊塗欲圖上疏轉奏可得好處寫此奏疏又見古丈治安策中言多激切是以仿照書寫並不敢有心悖謬其父師及同來應試之孫文思等並不知情當經王大臣等將該犯套夾堅供不移等語杜奎熾應試來京輒於試卷上寫奏疏希冀得官且仿照古文措詞激切是該犯實係年幼無知非由他人指使惟當治以應得之罪業經王大臣等再四嚴訊更無別情即可照例問擬完結除與該犯同寓之孫文思等二人業經釋放外至伊堂叔杜作樞現在雖未解到亦據王大臣等訊明並未見過疏稿將來解到時質對明確果不知情即同該犯之父均科以管教不嚴之咎可也○又

諭福慶奏查出本年貴州鄉試第十八名舉人倪兆奎第三場墨卷前後筆迹互異訊明倪兆奎因患病不能完場託同號生員胡姓等寫完交卷實無許給銀錢代倩等情將倪兆奎革去舉人再行徹底嚴訊等語鄉試中式舉人若果有槍倩情弊自應嚴辦今倪兆奎帶病入場五策草稿俱已做就委因第一二道謄完後寒熱交作眼花手顫不能書寫恐致貼出託同號之人寫完適邀中式現據該撫傳令默寫頭二

三場詩文策稿均無舛錯。又經出題面試。文理亦屬通順。且驗得該舉人病髮尚在未剃。面色黃瘦。可見患病屬實。而代謄之同號生員倪兆奎尚不能舉出名字。是其平日日本未熟識。非豫為雇倩可知。看來此事並無關弊竇。倪兆奎尚可加恩留其舉人。惟試卷託人代謄。究有不合。著罰停會試一科。已足示儆。其代謄之同號生員及外簾失察各員均從寬免其置議。○十三年奉

旨。此次查出呂字號之大興附生范士琪懷挾五經細註小卷。即著照例懲辦。其派出西南門控檢士子之德瑛等。於范士琪懷挾未能搜出。實屬疏漏。著交部議處。○十四年

諭。科場為掄才大典。自應嚴剔弊端。拔取真才。條例本極詳明。第恐奉行不力。日久玩生。以致防閑未周。巧偽百出。勢難保其必無。鄉會試入闈各員。於熟識士子致送薪水食物。親至號口接談。代改詩文。查取題目。及隨帶家人書吏。代為夾帶。交通謄錄。我尋試卷諸弊。皆應嚴行查禁。嗣後著知貢舉監臨。及各省督撫等。實力稽察。有犯必懲。以期仰副甄拔賢才之至意。○十六年

諭。老生筋力就衰。必令等候士子全行入場後始准點進。殊非體恤之道。嗣後派出王大臣於點名時。毋許士子擁擠。即年老諸生中。亦毋致自相攙越。務飭員役等妥為扶掖。以示體恤。○十九年

諭。鄉會試控檢。凡士子所攜場具均有限制。以禁懷挾。而拔真才。乃奉行既久。視為具文。聞近日士子竟有攜帶坐褥入場者。坐褥厚裝棉絮。其中夾帶之弊。事所必有。不可不嚴行查禁。著禮部先期廣張告示。嚴行曉諭。嗣後士子入場。所攜鋪墊器具。務遵照定例。既無裏皮無面。以便控查。倘有不遵定制。仍帶用有裏面氈皮坐具者。經控檢王大臣等查出。立將所帶坐具扣擲。不准攜入內場。若查有夾帶。另行照例懲辦。該士子等務各懍遵法度。毋蹈愆尤。○二十二年

議。准。嗣後每場運水俱在日間。不得於黑夜運水往來。以杜弊竇。

欽定大清會典事例卷三百四十二

禮部

貢舉 整肅場規二

道光二年

諭鄉會試為掄才大典。有志之士。束身自愛。何至故犯科條。近有倩人寫成小卷。或將坊刻小本書籍。攜帶入場。甚至有貢院夫役包攬代為帶入者。殊屬大干功令。嗣後著辦理科場及搭檢各官。務遵科場條例認真查辦。不得視為具文。亦不得任聽搭檢人役。有意栽害。○五年

諭國家設科取士。必先嚴除弊竇。方能拔取真才。士子越號換卷。不可不嚴行飭禁。嗣後鄉會試。令巡號御史會同滿漢監臨。及至公堂監試御史。按號分查。並責成監臨等常川認真巡查。以防弊混。○六年

諭科場條禁首嚴懷挾。誠以始進不正。則士習不端。弊竇不清。則真才不出。於掄才大有關係。鄉會試搭檢王大臣及各省督撫。自宜認真釐剔。以期拔取人才。乃近年各省學政。尚有查出挾帶生童。交提調懲辦者。至鄉會試搭檢。並不認真。率以三場無弊一奏了事。不肖士子。竟有鈔錄成文。傲幸中式者。掄才大典

與其黜革於後。孰若剔弊於先。嗣後鄉會試搭檢王大臣及各直省監臨等。務須破除情面。嚴剔弊端。認真辦理。查照定例。不許攜帶片紙隻字。一經搭出。立予斥革。照例懲辦。庶足以杜倖進而裨文治。○八年  
諭凱音布等奏散卷科道辦理不善。請旨交議。並自請議處一摺。本年順天鄉試。士子入場。偶值驟雨擁擠。擦損試卷至三百餘本之多。雖經照數換給。該給事中等專司點名散卷。辦理不善。實難辭咎。蘇泰廖敦行俱著交部議處。凱音布何凌漢未能先事豫籌。著一併交部議處。○十一年

諭士子儻有不知檢束懷挾傲幸者。即著斥革究辦。其恃眾逞強不服約束者。枷號示眾。治以應得之咎。儻搭檢番役吏胥人等。有意栽害者。重治其罪。○又議准。士子進號時。責令看柵官役驗明卷面字號相符。方准放入。既入此號。不准復移彼號。未封門之先。如此號人數已滿。即將此號柵門鎖閉。封門後監臨等官。仍逐數親查。即時刻稍晚。亦應分段抽查。以專責成。至八旗號舍無多。應令彈壓副都統親身巡查。以杜越號之弊。○又議准。號口柵欄外加封鎖。每交卷時。須有數人完

卷。號軍方稟請委官開柵放出。旋即局閉。如是數次。午正以後。始不封鎖。已出者不准復入。亦不准另入別號。以杜倩替。○又議准。各號號板。先期令承辦官吏按號鋪滿。並於各板上標明號記。號壁上亦書本號共板幾片。責令號軍看守。如士子進號時。有號板短少者。即告知委員。督同號軍入號稽查。歸還本號。如係號軍藏匿。即行嚴懲。遇有破壞不平者。准向委官換用。○

又  
諭。鄉會試為掄才大典。必須科條整飭。弊竇肅清。方足

以拔真才而端士習。豈容視功令為具文。任令擁擠喧譁。致啟懷挾槍替之弊。著自明年會試為始。即照新定章程。認真妥辦。仍將各條先期出示嚴切曉諭。俾眾士子各知慄遵。儻不實力奉行。仍有擁擠等弊。俱著責成科道據實嚴參懲辦。○又議准。嗣後添派左右翼總兵一員。酌帶弁兵數十名。分巡四甄門。督率參守。飭令士子各按牌聽點。應名接籤。如有不遵約束。不按牌次。任意喧擠者。拏究。甄門以內。送考之人。一概不准闖入。違者鎖拏治罪。○又議准。嗣後責成甄門點名御史。先期嚴

切曉諭。開點時刻。務令士子及早伺候。挨牌聽點。遇有遲誤補到者。照例仍於各旗各省各府點完後。將誤點各姓名補點一次。尚有不到。俟通場點完後。復行補點。如有情節可疑。及不靜候補點挺身前進肆鬧者。拏究。○又議准。嗣後照入籤上註明牌數。士子接籤入場。不許復出外甄門。如有先後錯亂。及假籤等弊。立即嚴拏懲辦。其甄門御史。亦應按名給籤。不得瞻徇親故情面。於尚未點到者。先行給發。俾士子有所藉口。致起喧譁。○又議准。八旗南皿士子。俱分為四門點名。四路領卷。八旗仍按兩翼旗分。各歸左右。在各省士子之前。南皿移歸各省各府之後。令其分赴各門。隨牌聽點。挨次領卷。有仍前擁鬧者。從嚴懲辦。○十二年

諭。本年會試屆期。立法伊始。除知貢舉遵照前降諭旨。先期出示曉諭外。恐不肖士子。尚不免恃符藐法。作姦犯科。用再剴切誥誡。各省士子。務各滌慮洗心。恪遵功令。點名時魚貫而入。毋得仍前混行擁擠。如有遲誤。靜候補點。其不遵約束肆行喧鬧者。著彈壓總兵拏究。已接籤者。不許復出甄門。已領卷者。不准復

出號舍。如有懷挾。立即懲辦。誤帶者雖免治罪。仍不准其入場。其八旗士子。令彈壓副都統親身巡查。不准越號。並著責成。按檢王大臣。稽查接談換卷。彈壓副都統。兩翼在城總兵。會試知貢舉。遵照妥辦。如不實力奉行。著監試御史指名參奏。本年鄉試。即照此次會試一律辦理。○又

諭本日據按檢王大臣仁壽等奏頭場按出誤帶四書之直隸生員沈景顏等八名。照例逐出。又按出攜帶詩文之直隸生員吳思同等七名。當即斥革枷號示眾。辦理尚屬認真。近來士習日壞。前據科道等條奏

防弊之法。經朕降旨准行。並諄諄誥誡。幾於三令五申。該士子宜如何滌慮洗心。奉公守法。乃本科鄉試。仍有吳思同等攜帶詩文之事。該士子以身試法。行險徼幸。習為故常。若令其倖得科名。通籍後夤緣鑽刺。更何事不可為。尚望其為朝廷出力耶。從前歷科派出按檢王大臣。總以毫無弊竇。一奏塞責。可見沽名釣譽。全不實心任事。此次按檢尚屬認真。所以鬼域伎倆。紛紛敗露。而苟且混入者。仍所難免。三年大比。為士子進身之始。即倖而獲選。清夜捫心自問。豈不可恥。本科二三場。仍當嚴行按檢。如查有懷挾情

弊。一律懲辦。嗣後士子等。務須恪遵功令。敦品勵行。毋再存倖獲之心。求榮反辱。其按檢王大臣及都察院堂官。派出科道等。總當認真辦理。不可日久生懈。視為具文。○又

諭申啟賢奏查出詐稱誤帶四書之山東貢生賀澄元。希圖幸免。情殊詭譎。未便遽予省釋。著即斥革。枷號場前示眾。以為士子不知自愛者戒。○又

諭朱士彥等奏二場查出亂號之順天生員陳元暉。未經領卷先混入場之直隸生員徐最亭。均即逐出。辦理尚屬認真。向來派出稽察接談換卷。有無情弊。從未查出具奏。可見沽名釣譽。全不以別釐弊端為事。本年經朕降旨。諄諄誥誡。此次稽察。即有混亂場規之生員二名。而苟且混入者。仍所難免。嗣後士子等務須恪遵功令。毋以身試法。求榮反辱。其派出之大臣等。總當認真辦理。不可視為具文。日久生懈。○十四年

諭山東巡撫鍾祥奏訪擊鄉試舞弊人犯。請將教職營員等革職嚴審一摺。鄉試為抡才大典。防閑周密。方可選拔真才。豈容姦偽之徒。句通舞弊。茲據該撫查出。該省鄉試。竟有包攬傳遞。並私雕假印包辦飛卷

等弊。即於場前訪獲究辦。查拏認真。可嘉之至。所有德平縣捐職訓導信會來。歷城縣捐職從九品鈕華庭。撫標左營世襲雲騎尉候補守備馬德俊。右營候補把總朱士傑。俱著革職。邱縣舉人王敬敷。著即斥革。交該撫提同案內各人犯。嚴行審訊。毋任其狡展。毋有意開脫。務得確情。按律定擬。其在逃之浙江舉人王洽。著浙江巡撫即速飭拏務獲。歸案辦理。並飭各該縣即將逸犯姜瀚生等按名弋獲。解省審辦。○十五年議准。嗣後先將東西外甄門四處關閉。不准士子一名闖入。點名時應點第幾牌。即將第幾牌高懸。士子認明牌數。於點名時。各在外甄門外按次隨定執牌人役等候。並責令派出之甄門參領守備等酌帶兵丁。以司外甄門啟閉。點第一牌時。先將第一牌懸杆。再行開門。執牌人役高執序進牌。將第一牌士子引進。由督門官按數放入。仍將外甄門關閉。候第一牌點完。再將第二牌照前開門放入。送考人一名不許混入。僮士子混行搶進。立即拏究。督門官不能認真辦理。致有一名混入。由甄門御史查叅。○又議准。嗣後責令散卷科道詳加查覈。其失

點補到者。亦於給卷時查對。如有年貌不符及不候補點挺身肆鬧者。即行拏辦。○又議准。二門外散卷處。將席棚撤去。止用木杆密扎攔攔。惟東右門西左門公案座後。仍用席片遮攔。以嚴界限。每門派營官一員。委官一員。帶領兵役十名。各立階下。士子聽名接卷。未經唱名之人。不准擠上臺階。未經領卷。不准搶入二門。僮有肆行喧鬧者。立飭營委各員拏辦。○又議准。士子入龍門時。由稽察接談換卷大臣。查看卷面。分別東西。令入本號。以防混亂。○又議准。照出籤上。令提調官親筆畫押黏貼。龍門委官營弁。驗明照出籤有提調畫押者。方准放出。以杜假冒。○又議准。每場第三日。士子完卷。如有不候官為開放。自行扭開鎖門。及騎越而出者。立即拏辦。○又

諭給事中汪報原奏本年辦理鄉場。於士子亂號之弊。既經查出。仍復含糊不辨。請旨飭查一摺。著監臨監試御史明白回奏。此等亂號之弊。既經查出。自應照例辦理。若仍照舊將試卷發騰。則亂號者益無顧忌。辦理殊屬輕縱。查弊係該監臨等專責。僮經此次飭



查仍復迴護徇隱。則其咎益重。將來別經發覺。惟該監臨等是問。○又

諭前據給事中汪報原奏本年鄉場士子亂號。既經查出。仍復含糊不辨。當降旨交該監臨監試御史明白回奏。茲據奏稱。士子領卷歸號。逐一挨查。惟二場餘字號監生楊世淇亂號。當即照例扶出。其餘均屬安靜等語。場中士子衆多。亂號之弊。不能保其必無。該給事中既未將亂號士子姓名據實指參。無從究辦。惟嚴查弊端。係該監臨等專責。嗣後務當遵照定例。實心查察。遇有亂號士子。即當認真嚴辦。不准託詞。以人數衆多。意存姑息。將來別經發覺。或被科道糾參。惟該監臨等是問。○又

諭前據給事中汪報原奏本年鄉試。士子亂號。既經查出。仍復含糊不辨。當降旨交該監臨監試御史明白回奏。旋據該監臨等聯銜具奏。入闈後查出二場餘字號監生楊世淇亂號。當即照例辦理。茲據光祿寺少卿曾望顏奏參監臨覆奏不實。請旨嚴飭查辦。著監試給事中佛恩多德成。御史宗賡多斌。帥方蔚馮元錫。袁文祥。劉夢蘭各自具摺據實覆奏。不准彼此商同含混隱飾。稍有不實不盡。如果據實陳奏。尚可

量加寬宥。儻仍含混諱飾。則是有心蒙蔽。甘蹈欺隱之習。即不得為大清國臣子矣。朕言出法隨。該監臨等具有天良。其各力湔積習。直陳無隱。毋貽後悔。○

又

諭昨據光祿寺少卿曾望顏參奏監臨等覆奏不實。請旨飭查。當降旨令監試給事中佛恩多等據實覆奏。本日據佛恩多等各自具摺明白回奏。所稱情節大略相同。此次順天鄉試。既將號單逐號散給。令各該生親書姓名年貌籍貫。自應與號底簿逐細覈對。方可得其亂號實據。即因為時甚促。未及逐一覈對。遽經有旨飭查。該監臨監試等。自當將實在情形。據實覆奏。並將從前未經奏明之處。自請交部議處。乃該監臨等聯銜具奏。僅稱查出二場餘字號監生楊世淇亂號。當即照例辦理。其於填寫號單。未及與號底簿詳晰覈對。並不據實聲明。實屬含混。監臨惟勤。蔡世松。監試給事中佛恩多德成。御史宗賡多斌。帥方蔚馮元錫。袁文祥。劉夢蘭。俱著交部嚴加議處。嗣後鄉會試號單底簿。互相覈對。有無窒礙難行之處。著禮部查覈具奏。至前交刑部收管聽訊之至公堂。當差書吏。尚無弊竇。著即釋放。○又

諭鄉會試為掄才大典。士子讀書當知自愛。其有因人數衆多。傲幸亂號。以身試法者。雖設有號單底簿。互相覈對。恐稽查未清。轉不無遺漏外錯。其亂號士子。或託人代填。或捏寫詭名。即欲杜絕弊端。無從查對。事屬有名無實。茲據禮部將查號之法議奏。於認真辦理之中。立法仍歸簡易。嗣後著仍照定例辦理。其士子進號。既經看柵官役。認明卷面字號相符。如號數已滿。即將號柵鎖閉。封門後。監臨監試等仍分段入號親查。如監臨查號不力。責成監試。監試查號不力。責成監臨。互相指參。毋許徇庇姑容。致滋弊混。其八旗號舍。即著彈壓副都統親身巡查。以專責成。士子如有亂號。即行扶出。設為時已晚。未便開門。即將試卷扣除。並將該士子交至公堂派員看守。俟放牌時扶出。其有挺身肆鬧者。照例治罪。○十七年

諭向來鄉會試大典。場內有監臨知貢舉稽查。院門貢院門特派王大臣專司按檢。立法本極周備。近來視為具文。漸形疏懈。以致士子紛紛懷挾。毫無顧忌。此次於士子懷挾。雖難保無遺漏。俾免而每場均能按出。辦理認真。尚屬可嘉。嗣後凡遇考試。務當認真按檢。力除積弊。勉副朕拔取真才至意。儻意存姑息。仍

涉因循。別經參劾。必將派出之按檢王大臣從重懲處。○又

諭前據御史多斌等奏。識認無結。冊註不明。漏未扣卷。當交禮部議奏。茲據奏稱。投卷例有限期。而投結向無限期。以致先後參差。外錯遺漏。自應嚴定章程。以昭詳慎。嗣後順天鄉試。著順天府先期出示。諭令士子等卷結同時並投。納卷截止之期。即為投結截止之期。概不准於納卷後補行投結。其有截止後始行投結者。即予扣除。並於冊內逐一註明。另開名單。知照點名御史。以備查覈。如有遺漏外錯。即將承辦官參奏。照例議處。○又

諭前據御史朱溥條陳科場弊竇各款。當交禮部議奏。茲據該部查明鄉會試試卷戳印後。並無專員管理。著照所議。嗣後均准添派至公堂委官二員。專司看守。以杜書吏偷改描摹之弊。該御史所請鄉試增添外收掌一員。管理收發試卷之處。著毋庸議。至會試外收掌事務。向由提調兼辦。並著照鄉試之例。設外收掌一員。以專責成。其受卷彌封兩所人役。承辦事件完竣時。由知貢舉監臨隨時查明。飭令隨同外簾官一併出闈。毋許逗遛滋弊。至三場事竣。酌留委官

書吏人等。概不准告假出闈。其業經出闈者。亦不准藉端復入。自此次明定章程之後。會試責成知貢舉。鄉試責成監臨。並監試各御史。認真查察。如委官書吏等。仍蹈前轍。別滋事端。即行分別參處。責懲毋稍寬縱。儻意存隱飾。別經發覺。定將該知貢舉監臨御史等。嚴加懲處。決不寬貸。○又

諭。梁章鉅奏請革除科場積弊等語。廣西鄉試。向於至公堂前後及龍門口。揀派弁兵巡查彈壓。茲據該撫查明。向來傳遞槍冒各弊。即由此而生。本科已將帳房三座。並龍門弁兵一併裁撤。嗣後該省鄉試年分。即著該監臨等查照此次章程認真辦理。其舊有弊端。永遠革除。○二十一年

諭。國家設科取士。原以儲蓄人材。用備他日棟梁之選。該士子等宜何如謹飭自愛。勉副甄陶。毋存倖進之心。常切懷刑之懼。乃近來士習未醇。往往懷挾入場。冀圖鈔襲。本科會試。經王大臣揆出十餘名之多。殊屬不成事體。已照例懲辦矣。因思士習首重立品。文藝次之。若於進身之始。已存苟且倣幸之心。微論事敗。罹法身壞名裂。即使漏網。幸掇科第。厚顏登仕。有玷科名。植本已虧。尚何論其異日居官行政耶。每科

揆檢王大臣。經朕簡派。並非虛應故事。實欲釐剔弊端。如果認真揆查。毋任懷挾混入。固可轉移風氣。且懲一儆百。暗中保全尤多。嗣後王大臣等。遇有試場簡派揆檢差使。仍當嚴密揆查。毋稍疏懈。儻有玩法士子。即時懲辦。以挽頹風。該士子等有鑒前車。自應倍加兢惕。恪守場規。毋辜訓勉之詞。用副作人之化。儻仍蹈故轍。怙過不悛。朕惟執法懲辦。難邀寬典也。○二十四年

諭。卓秉恬奏查出鄉試懷挾之士子。照例辦理等語。附生王鉞。副貢生龍炳。均著照例褫革。枷號一箇月。滿日杖一百。折責發落。嗣後遇有揆出懷挾士子。著照例刻即枷號場門。俾眾目共睹。以示懲儆。如不當時枷號。著專司稽察之都察院堂官查明參奏。如該堂官隱匿不奏。別經發覺。一併重處不貸。○又

諭。前據給事中安詩奏本科中式舉人各卷內。有鈔錄舊文。請旨飭辦。並請嚴定章程。當交禮部查議。茲據查明浙江中式舉人吳應壬。湖北中式舉人周崇勳。實係鈔錄舊作。吳應壬周崇勳均著照例革去舉人。並將生監一併褫革。惟錄舊聞由記誦。亦難保必無懷挾。節經疊降諭旨。嚴加懲治。嗣後著各省督撫於

鄉試監臨時。嚴飭所屬認真按檢。遇有懷挾士子。立即枷示場門。並按照所出題目。多調坊間刻文。交考官詳加稽覈。以杜倖進而崇實學。○二十五年

諭鄉會試為掄才大典。應試士子。懷挾入場。自應照例黜革。從嚴治罪。至誤帶書本。非本場應用之物。及誤帶前場所作文字。或以字紙包裹物件。情節各有不同。其作何分別辦理之處。必應詳明定例。以便遵循。現在科場條例內。未經分析聲敘。著該部將近年辦過成案。悉心參酌。畫一定議。即纂入條例。永遠遵行。其舊例內止係空言。無從照辦者。著即酌量刪除。俾從簡易。務使士子曉然於定例。嚴明無可避就。以歸覈實而革澆風。欽此。遵

旨議定。嗣後凡士子懷挾者。無論經書詩文。俱仍照例褫革枷杖。以杜弊混。頭場挾帶二三場。二場挾帶三場。雖非應用。安知不豫為埋藏之地。若僅止褫革。其實係臨時失檢者。固屬情罪相當。而豫為埋藏者。未免尚懷冀倖。嗣後仍照舊褫革枷杖。以杜埋藏取巧之弊。二場挾帶頭場四書文本。三場挾帶頭二場四書五經文本。雖非應用。究屬有干例禁。僅止逐出。未免輕縱。應革去

舉人。免其枷杖。永遠不准考試。至二場誤帶頭場自作文稿。三場誤帶頭二場自作文稿。與懷挾經書文本者。究有區別。即照舊免其黜革。仍逐出不准入場。字紙包裹食物。及誤帶閒廢字紙。實非場中所用者。自係一時失檢。與有心懷挾不同。照舊免其黜革。仍逐出不准入場。○同治十一年議准。福建省鄉試。槍手傳遞。每在開柵交卷之後。定例未刻淨場。午後不復鎖柵。邇來淨場稍晚。應照常加鎖。將次淨場。始免局錮。仍不准繼燭。以清界限。○十三年議准。學臣監

臣咨送科舉錄遺名冊。截止之日。由順天府覈定士子名數。貝號按府。四號按省。攤於四門。酌量調撥勻稱。先期出示曉諭。仍分門牌示。俾士子隨牌序進。庶領卷不致擁擠。而歸號封門。皆可從容就理。○光緒元年

諭鄉會試為掄才大典。理宜嚴肅。交卷亦有定章。乃近年來。士子往往不守場規。出號喧鬧。其換卷傳遞等弊。恐亦在所不免。交卷亦任意遲延。不遵定例。竟有遲至夜間始行交卷者。實屬不成事體。嗣後知貢舉監臨。彈壓大臣等。務當申明舊章。認真

整頓。如有前項弊端。即著照例辦理。○二年

諭給事中文明奏。近來每遇鄉試。貢院門外。輿馬橫行。各旗營支搭帳房。阻隔中路。順天府供給車輛。運送太早。兼以執事官員車馬擁擠。以致士子聽候點名。多被阻滯。考生接籤後。仍行回寓。守門官疏於稽查。甄門地面。該管大臣。輒委員代辦。並不認真。請申明定例等語。科場重地。例禁甚嚴。若如所奏各情。實屬不成事體。考試為掄才大典。務當恪遵舊章。俾昭嚴肅。嗣後毋得仍前玩泄。致干咎戾。○四年

諭御史李鴻達奏。請飭整頓鄉試場規一摺。鄉試為掄才大典。條例甚嚴。應試士子。自宜謹守場規。恪遵功令。若如所奏。近年各直省鄉試。士子任意亂號。順天鄉試三場。竟有士子拆毀號柵。往來喧鬧等情。實屬不成事體。亟宜認真整頓。嗣後順天及各直省鄉試。著監臨及順天府府尹。各該督撫。申明舊章。嚴行曉諭。如有不遵約束者。即行分別查辦。若官役人等。有藉端陵辱士子情事。亦即按律治罪。毋稍遷就。○八年

諭。考試為掄才大典。功令森嚴。原期拔真才而杜倖

進。乃日久弊生。在事官員。奉行不力。應試士子。賢否不齊。甚至作姦犯科。傲幸嘗試。於人才士習。大有關係。亟應嚴行整頓。昨據給事中鄧承脩奏。條陳科場事宜。不無可採。據稱近來鄉會士子入闈及交卷日。往來攪亂換卷。傳遞各情。殊屬不成事體。著各該衙門。並監臨知貢舉大臣。實力整頓。嚴密關防。儻有前項弊端。即行分別懲辦。毋得玩泄從事。仍前寬縱。各省鄉試同考官。著該督撫。遴派品學兼優之員。並嚴加查察。如有通賄薦卷者。照例治罪。○十一年奏准。嗣後鄉會試及一切考試

應試之人。如有頂替情弊。出結官不知情者。議以降一級留任。不准抵銷。知情者。議以降三級調用私罪。至入場以後。另有聯號換卷代倩等事。弊在場內。出結官照例免議。○十二年議准。士子吸食鴉片。例禁尤嚴。嗣後鄉會試點名時。該王大臣認真按檢。如按出煙燈煙槍等件。立將該士子扣留懲辦。儻該王大臣不肯嚴按。即由外場御史及專司稽察都察院堂官。參奏。其按檢王大臣。除是日實係另有差使不能到班者。准其知照王大臣外。場御史查照外。其餘務

令一律到班。分門按檢。俟士子點畢後。方准散班。不得託故先散。如有無故不到。及一到即散者。亦由外場巡察御史查叅。其東西轆門。仍責成派出總兵參領守備督率兵丁。分布內外。務令士子於點名接籤後。按牌魚貫而入。聽候按檢。不得任其先將考具送入轆門。違者立時拏究。

欽定大清會典事例卷三百四十三

禮部

貢舉 試院關防 製辦試卷

試院關防。○順治二年定。貢院平時局鑄。恭嚴每屆鄉會試。先期派委員役葺理。恐其乘閒埋藏文字。監臨官務當加意防範。嚴杜弊端。○十五年題准。貢院宜圍牆高峻。溝渠寬深。如修理因循怠忽者。在外聽外巡察。在內聽內監試。指名叅處。○十六年議准。謄錄對讀號舍。工部責成委官。苦蓋修葺。若有圯壞傾倒等弊。知貢舉

監試提調會同叅處。○康熙三十年

諭。八旗號房。著與漢人分編。字號另坐。○三十九年議准。官生子孫弟姪。設立官卷。另入號房。○四十四年議准。順天鄉試號房。七千二百五十餘號。乙酉科舉子進場者。七千有奇。恐後來進場者多。而號房少。應於戊子科鄉試。令順天府先期查明題請。酌量增置。奉

旨。科場事務。係禮部專管。著禮部尚書以下官員。與順天府官員。同料理。○五十一年定。八旗民字號。及滿漢官字號。號房不拘定某字號。臨時抽出。分

別編坐。五十二年覆准。嗣後貢院內隔斷牆垣。務令高堅修築。窩鋪席棚。不許挨牆搭蓋。交與巡察官員令兵卒晝夜傳籌巡查。雍正元年

諭。湖南士子赴湖北鄉試。必經由洞庭湖。湖水浩瀚無涯。波濤不測。六七月間風浪尤險。間有覆溺之患。朕甚為惻然。或至士子畏避險遠。裹足不前。又非朕廣育人材之意。今欲於湖南地方建立試院。每科另簡考官。俾士子就近入場。永無阻隔之虞。其遂觀光之願。明年二月為鄉試之期。爾部可行文湖南巡撫。若能於二月之前豫備場屋。則於明春即分湖北湖南兩闈考試。儻為期已迫。豫備不及。則於下科舉行。又覆准。嗣後中式之人。如有聯號換卷傳遞埋藏夾帶文字等弊。審實將不行查出之監臨提調監試巡察各官。照容隱例降二級調用。外簾按檢及各所官。照溺職例革職。八年議准。至公堂監試御史。停止隨帶筆帖式。即以筆帖式所住官房。令至公堂書吏辦事。以便與謄錄人等。一例封鎖關防。不必於至公堂上搭蓋席棚。十年議准。京城貢院號房。將甄土坐櫬。改為

坐板。十一年題准。貢院房舍。向無官員管理。嗣後將順天府照磨一官。改駐貢院。就近撥給官房一所居住。令其掌管貢院。乾隆元年覆准。貢院外圍牆。每科由順天府尹轉飭大興宛平二縣。於修葺貢院時。照例將圍牆一周徧覆荆棘。務令如式。以資防範。二年

諭。從前陝西甘肅奏請分闈考試。經總理事務處議不推行。安徽赴江甯應試。既不若湖南有洞庭之險。並不若陝甘道路遼闊。徒以增廣解額。廷議遂加以應否分闈。令該督撫議奏之語。而趙宏恩等遂有分闈之請。今部議准行。明係九卿中江南人多。而陝甘無人。遂致事同而議異。此風斷不可長。這本著發回。趙宏恩等不顧事理之當否。遽議分闈。殊屬不合。著交部嚴察議奏。現在貢院應如何拓展修理。俾士子得以從容考試之處。著該督撫另行妥議具奏。欽此。遵旨議准。江南貢院號舍。原共一萬六千三百餘間。年來士子日增。號舍不敷。自應擴充寬展。院東姚家巷有居民房屋緊貼院牆。可以購買。丈勘基地。折方四百餘丈。可建號舍一千五百七十餘間。除將窄小舊號及逼近號底者截去外。統計新

舊號舍共一萬七千二百零四間。○三年覆准。山東貢院號舍。原止一萬間。近科應試人多。號舍不敷。添建號舍四百二十五間。又內簾新設監試。添建官房六間。大門一座。○又覆准。今歲新設內監試官。湖南貢院內簾並無閒房。尚有空地。添建正房三間。兩廂房各三間。耳房各一間。四圍周牆門樓一座。中築臺階甬道。其動用公項。聽戶部定議。其估計房垣。聽工部定議。○六年覆准。廣西貢院。因衡鑒堂淺窄。從前接蓋竹棚一座。為主考房官公同閱卷之所。嗣因難避風雨。另行改造。瓦木拱棚五間。足資校閱。○又議准。順天貢院。於東西文場搭蓋席號之處。添建甬道。令順天府府尹。先度地址。定添多寡。於鄉試之前。會同工部派員估辦。○七年。增建廣西鄉試號舍四百二十間。○又修造陝西場內簾房號舍。○九年覆准。科場打掃號舍。每易藏姦。凡遇鄉試之年。於打掃貢院時。遴選能員。親身料理。細查院內有無埋藏文字。不得泛視。致滋弊竇。○又

諭。向來鄉會試及考試生童俱在貢院。其餘考取中書

筆帖式膳錄教習及貢監考職。俱在午門等處朝考。自雍正七年以後。陸續改入貢院者。原為易於防範稽察起見。然文武鄉會試派有內外巡緝員役。防範周密。而今科鄉試。尚有懷挾代倩種種弊端。其餘考試。又未便照鄉會試之例。多派員役。伊等入場。不過各歸本號。並無稽察之人。轉不若朝考有護軍人等監看。可以除傳遞代倩等弊也。嗣後除文武鄉會試並考試生童仍在貢院外。其餘各項考試。著各該部查照從前午門等處朝考舊例辦理。仍於取中之後。再行嚴加覆試。○又議定。凡大比之年。先期委員修葺貢院。誠恐匠役書吏人等。有受士子之賄。囑先將文字埋藏號舍。應令委查之員。將貢院大門嚴加看守。一應匠役人等。每日撥明放入。仍不許閒人潤雜進院。工竣時。另派大員。將號舍徧行按驗。有無土色鬆浮。埋藏文字之處。驗畢封固。○十年覆准。鄉會試之年。打掃號舍。凡梁頭屋角藏匿字紙文稿。務悉心按查銷毀。號口柵欄。加意修整。必令堅固。事竣。用順天府尹封條緊封。又用印文移交提調。以專責成。○十一年覆准。湖南貢院。係雍正三年通省士子



公捐廩膳銀建造。彼時因場期已近。工程簡略。自應照各省式樣。改建號舍。並添建轅門。照牆。鼓樓。瞭樓。明遠樓。以符體制。所有丁卯年科舉。盤費及廩膳銀兩。俱捐出為修改之需。○二十七年

諭。貢院為掄才重地。理宜闕敝整肅。用光重典。而肇建。歷年既久。廡舍多剝日增。雖每科支項增修。所司率。係臨時苦補。且未免有冒銷。安能期其完善。今歲夏。秋霖雨稍稠。內外廡官房號舍。並因積淤未滌。湫溼。難居。司事諸臣。關防布月有餘。昕夕辦公。殊堪軫念。

其點名按檢處所。前已飭部定議。新開東西二門。第。士子觀光雲集。即分行序進。猶不免需時稽候。至漏。下二三刻未遑竣事。而督察大臣等亦苦侵晨薄暮。糾防漸懈。幾致屢照生疲。又豈別弊甄才之道。今若。於照牆南再建轅門二座。將大門儀門並易三間為。五間。俾士子俱由兩旁四門。魚貫分進。實為事半功。倍。著交三和英廉會同禮部。順天府悉心通行籌勘。斥蠹材。培圯址。疏水道。固周垣。務令內外官生一切。居處。爽塏。謹嚴。允協。規制。所有應修各工。即速詳悉。定議以聞。務於明年會試前。歲工。再聞中舊貯書籍。

殘缺不完。試官每移取坊間刻本。大半魯魚亥豕。自。命題發策。以及考信訂謫。迄無裨益。應將鄉會兩試。需用各書。彙列清單。就武英殿請領內府官本。鈐用。該衙門印信。備貯應用。該管官前後檢明。入冊交代。稱朕興賢闢門至意。○三十年覆准。貢院更道橫牆。與貢院大牆逼近。且與號舍相連。自應高築。以。防窺探。兩邊更道南邊橫牆高築。牆上覆以荆。棘。以防踰越。其至公堂外兩旁更道路口。設立。柵欄。封固。派員防守。不許閒人挨近。均交與承。辦場務官員遵照辦理。○又奏准。貢院損壞各。件。飭大興宛平兩縣照例修理。詳報工部。至添。置號板。亦飭兩縣經管。加謹收存。○三十六年。覆准。貢院東西轅門。令大興宛平兩縣。按月輪。派安役四名。前往居住看守。迨考試時。所有外。龍門啟閉。及張挂告示等事。別行派役專管。不。得仍令原派看守之人。在場行走。至南面圍牆。牆內席棚。經順天府會同知貢舉。令承辦官將。廚竈。離牆二尺。增設後層。蘆席。其牆外席棚。亦。交承辦官撤除移置。僕從夫役。令各該員嚴加。管束。仍由知貢舉監臨。監試等官。嚴加稽查。如。

有往來通綫形迹。立即嚴拏根究。五十一年議覆。鄉會試添派八旗官員及兵丁。分與汛地。同近貢院八旗巡街之官晝夜巡緝。至巡牆官兵。兵部派撥守備一員。會同大興宛平二縣辦理。並五城兵馬司輪流直宿。往來巡視。其窩鋪兵丁。則由九門提督派撥。常川住宿。日夜巡守。嗣後並令外場御史。每夜在外圍場更番巡查。如有員弁兵役不認真查緝者。即嚴參辦理。五十二年奏准。場內巡更巷道毗連號舍之處。概用牆垣截斷。作為空地。禁止人役往來行走。

○六十年奏准。貢院內瞭望樓。應添築階級。每遇鄉會試。責成知貢舉。監臨兩翼副都統。監試御史等輪流親往。不得僅委員役巡查。○嘉慶十二年。順天鄉試。監臨玉麟等奏稱。貢院東西號舍。共九千二百餘間。本年鄉試士子。計有九千七百餘名。經順天府援照上屆章程。於隙地搭蓋席棚。設卓分號。遵行在案。茲於三場事竣後。相度情形。尚有餘地。足敷添建號舍。通計可添八百餘間。嗣後毋庸添搭棚號等因。奉

旨。著工部堂官先行詳細履勘貢院中隙地。實在可添

號舍若干。其地段是否嚴密。確查具奏。再行派員辦理。欽此。遵

旨查調順天府衙門原擬底冊。逐一履勘。共可增添號舍八百九十二間。嗣經查估大臣奏准。除東西都統房前擬蓋號舍一百六十二間。暫停添蓋外。實添號舍七百二十九間。○道光五年奏准。湖北省貢院。舊基窄小。由紳士公捐銀兩。另於院東隙地。改建號舍一千餘間。並因點名處所狹隘。購買民房。拆卸拓展。以免擁擠。經費不足。由院司道府捐廉添助。○八年奏准。四川省貢院號舍。原有六千三百餘間。近科人數增多。由督臣等公同捐廉。在貢院內隙地。添建號舍一千二百間。○十一年覆准。順天貢院各號口柵欄。飭令承辦官吏。選用粗厚堅實木料。安置牢固。高與檐齊。外加封鎖。軌門以內。用木欄截。分為四路。以便稽察。○十五年

諭。貢院為掄才重地。據該管府尹等查看得聚奎堂西邊。副考官房間及同考官房屋。量為修改添建。著即趕緊購料興工。務於本年鄉試前一律完竣。此項工程。係大興宛平兩縣捐辦。著免其造冊報銷。○又議

准順天貢院號口柵門。責成承辦官親自督理。務選堅實整木。照依三寸方厚。如式製造。高與檐齊。上下闕筍處。用堅壯鐵圈套入。牢釘門柱上。其門環處。用堅壯鐵鍊相扣。豫備堅厚大鎖。於士子進號後。嚴行封閉。儻不認真造辦。經監臨。知貢舉。監試等查出。將承辦官嚴叅。○十七年

諭。本日據禮部等衙門會議。御史李熙齡請嚴貢院門禁一摺。貢院重地。理宜嚴肅。嗣後著大興宛平兩縣。照舊派役看守。一遇考試時。俱著先期妥為防範。並責成外場御史親往梭查。儻有違例潛匿居住之人。即將該門役等懲辦。並將該縣等叅處。至尋常考試。著將東西牆外房屋門戶一律封固。俱由執門出入。仍派兩縣典史在彼住宿。認真稽查。毋須另派委員分宿。以免紛更。○同治四年奏准。四川貢院原設號舍一萬一千五百餘間之外。再行加增號舍一千間。○九年覆准。河南省號舍不敷。令該撫查看酌量添設。○又議准。湖北鄉試人數日多。現經購地興建。添號舍三千餘間。○又議准。山東鄉試舊設號舍九千餘間。不敷坐用。現在貢院

東北添建一千五百七十間。西北添建一千四百三十間。共計三千間。○又增建順天貢院號舍三千間。○又增建四川貢院號舍一千間。○十二年奏准。浙江貢院原建號舍一萬九百五十七間。此次新建二千二百七十三間。除增建廁屋。改去舊號三十六間。實存新舊號舍一萬四千一百九十四間。○又增建陝西貢院號舍二千三十餘間。○又增建福建貢院號舍五百三十五間。合之原號。共得九千九百二十餘間。○十三年議准。順天貢院號舍向均在至公堂前。關防至為嚴密。自添設新號。繞出至公堂後。在在與內外毗連。垣墉低矮。急需防範。交順天府府尹親詣察看。如有應添界牆及舊垣加高培厚之處。奏明覈辦。○又議准。甘肅省紳士等捐建貢院。援照湖廣雲貴成案。與陝西分闈取中。由該督妥議辦理。○光緒六年議准。嗣後修理順天貢院。鄉試於七月二十七日以前收工。會試於二月二十七日以前收工。由該管官接驗封固。再由監臨知貢舉提調等官入場。會同外場監察御史。按察淨盡。然後將各項當差人

役查明放入。並通行各直省督撫一體遵照辦理。○又議准京師貢院圍牆積墊日久牆身漸低。易於跨越。每科鄉試先期將貢院四面圍牆酌量加高修砌。務令堅固峻厚。徧鋪荆棘。俾無踰越而杜弊萌。其外巡察東西公所各有平房二間。由順天府先期親詣貢院詳細查勘。將應否拆毀及改蓋高屋之處奏明辦理。○十一年奏准廣東貢院號舍總計一萬餘間。該貢監等自行捐款於貢院西圍牆外購買民房添建號舍一千餘間。○又覆准貴州貢院共存號舍四千四百二十七間。○十二年覆准四川貢院號舍原建增添共計一萬三千七百九十九間。○十三年奏准順天貢院新購地基增建號舍三千間。其謄錄號舍撥歸士子坐號。即以謄錄官房前之士子號舍改為謄錄號舍。與謄錄所自為一院。關防較為嚴密。即於東邊隙地酌添謄錄號舍。並就現購地基適中處所鋪砌甬道。東西各建號舍一千五百二十間。北面修建監試官房七間。前砌月臺。直接甬道。士子入場時仿照至公堂前規制。均設柵欄。使東西不得踰越。

再於監試房左右修委官房各五間。東北西北兩角建瞭望亭各一座。亭下修兵役房各二間。所有圍牆界牆均分別添築。前場井號去後場過遠。水夫運送不便。酌量添挖井座。○又奏准順天貢院內添挖井座。於新建監試委官各房兩旁隙地添蓋水夫房各十五間。內分住水夫三十名。製辦試卷。○順治初年定。硃卷面印官役姓名。以憑稽考。○康熙十六年議准鄉試順天府豫備空白試卷十本。會試禮部豫備空白試卷十本。交與監試御史。遇有失錯汗損等項查明給發補換。○二十六年覆准順天鄉試原有空白試卷十本。交與監試御史。如遇失錯汗損等項許其給發。嗣後應多備空白卷候用。○四十一年議准。有願作五經者不必禁止。別備長卷。許本生稟明給發。○雍正十一年議准鄉會試卷每本定價一錢二分。令該提調官自行辦置。不許再招卷戶。其紙價公費之外。贏餘卷價。即為辦事吏胥人等飯食之費。若有再立卷戶。仍前增價重賤之弊。查出叅處。○乾隆三年覆准科

場試卷。令提調官置辦。不能不假手吏胥。誠恐此輩有派累需索之處。令順天府及各省督撫嚴行禁止。僅有不肖官吏攤派擾民。或於定價外多行需索者。官即題參。吏即究處。照因公科斂例計贓治罪。○六年議准。貴州硃卷有豎格而無橫格。以致疏密不均。嗣後該省硃卷並用橫格。以昭畫一。○十五年奏准。會試試卷。按照士子投文人數。每科三場約備一萬五千餘本。派令司員豫期製造。其需用紙張。向由行戶一家專辦。以致居奇高索價值。嗣後計算卷數。應用若干。由戶部顏料庫支領白棉榜紙。給付辦卷人員。刷印製造。俟士子領卷之後。照戶部原定價值。如額歸款。謹案順天鄉試卷。仍由提調自行置辦。○又覆准。卷首草稿起處。用小紅戳印。草稿起三字。於草稿止處。印草稿止三字。○二十四年議准。鄉會試墨卷摺扣。寬不過四五寸。而高至一尺四五寸不等。士子於矮屋之中。勢已踣躄。且號板窄狹。不皆平整。書寫難以展舒。應仿照本章式樣。定以適中尺寸。嗣後試卷總以官尺校定。長一尺寬四寸為準。再頭場二場文字已經裁省。

試卷毋庸過長。嗣後頭二場試卷。各減去空白一頁。紅格二頁。定為前空白七頁。以起草。後紅格十四頁。以謄真。其三場仍係策五道。照舊前空白八頁。起草。後紅格十六頁。謄真。俱每頁十二行。行二十五格。再墨卷頁數既已裁省。硃卷亦應酌減。查硃卷向係寬幅。但各省印造行格多寡不同。今定每頁墨格二十四行。行二十五格。頭場二場俱用七頁。三場用八頁。禮部頒發卷式。行令各省一體遵行。○又

諭。據劉藻奏。滇省鄉試硃墨卷。與新頒式樣稍有不符。

已咨明禮部。請今科暫就現辦之紙製用。經部咨駁等語。前因周人驥奏。請更定卷式。部臣議准。通行畫一。但滇省奉文既遲。卷紙已經購備。則今科暫准。仍前製用。又有何關繫。且短狹不符。僅止分寸。而該部並不揆情理。惟知一駁了事。似此膠柱鼓瑟。最為相沿陋習。屢經訓飭。何以不知悔改。著禮部堂官明白回奏。○又覆准。硃卷務用堅厚細紙。儻有不遵成例。多用薄紙。經磨勘官查出。將監臨提調題參。○二十五年議准。嗣後各省鄉試卷。正面背縫全用藩司印信。以歸畫一。除順天向用府尹印信。

毋庸議外。江南鄉試上下兩江巡撫係輪流監臨。率同所派道員辦理闈務。其蘇州江甯兩布政使向不赴闈辦事。今安徽又設布政使一員。其該省墨卷應用何衙門印信。由該督撫隨時酌量。咨明禮部存案。謹案乾隆五十三年。因江甯甯藩司帶印赴淮防汛。請用巡道關防。經禮部奏。乃暫用巡撫關防。以後俱就近仍用江甯布政使印信。○二十七年議准。試卷用布政使印信。其背面經歷司銜名之上。仍用印卷官字樣。○又覆准。廣東墨卷。歷科俱係硃綫界畫。應仍照舊辦理。○三十三年議定。嗣後各省硃卷。照順天鄉試及會試之例。於每接縫處。鈐用彌封官土紅色關防。其各生墨卷。首頁開寫履歷。亦照順天鄉試之例。書寫某生應某年某省鄉試。毋許仍前開寫應布政司鄉試字樣。○三十六年議准。鄉會試卷。其卷後印卷官戳記。向用藍色。嗣後俱改用紫色。以歸畫一。○又覆准。硃卷印格。用墨刷印。鄉會試一例辦理。謹案湖北硃卷。前此皆用藍色。因有奏請改為紫色者。但足時房官方用紫筆。慮有目不清。故畫一定為墨印。○四十三年議定。會試應用紙張。係由戶部領出。如有餘騰。例應繳還部庫。但歷科並未報有贏餘。及積紙繳庫之

欽定大清會典事例 卷三四三

事。嗣後令禮部堂官。每科榜後。將所領各項紙張。查數實用確數。如有贏餘。按數繳庫。○又奏。本年會試試卷。卷紙澆薄。及將試卷送給親朋。未經取價。其辦理不善之提調郎中陳其煥。主事李淑芳。請交部察議。奉旨知道了。其請將提調陳其煥。李淑芳。交部察議之處。固屬應得處分。但禮部官曹閒冷。三年辦理會試一次。員役人等。藉此稍需餘潤。亦情理所有。况每科會試。動用官帑甚多。豈在此些微卷價。斤斤計較耶。陳其煥。李淑芳。著加恩免其處分。○五十二年議准。闈中例有空白試卷。以備士子損汙錯誤。臨時換給。此項試卷。俱鈐有印信。最易滋生弊端。嗣後豫備空白試卷之例。概行停止。並令禮部堂官。順天府府尹。直省布政使。於印卷時。親行監視。以防盜印。應試士子。人各一本。不准換易。○五十三年奏准。各省試卷。均照禮部順天府例。俟八月初投齊之日。然後鈐印。其七月中旬。先行鈐印空白之例。概行停止。○五十四年覆准。順天府試卷。向俱發交治中。督書吏鈐印。府尹不親身監視。恐有猾吏盜印。偷換諸弊。嗣後責成

四一九

該府尹會同提調親自監視不得發交治中並  
限以四十本為一束令印卷官先查清本數然  
後用印送入場內再逐卷鈐用知貢舉監臨關  
防以昭慎重而防盜換謹案知貢舉關防監臨  
關防於是年始令禮部  
鑄造詳見董  
理重員卷內○五十八年奏准江蘇安徽二省  
會試向來卷面止填江南字樣嗣後禮部於繕  
寫卷面時照省分別填註謹案是年會試江  
蘇安徽分省取中  
○嘉慶十八年議准嗣後鄉試士子卷面一律  
填寫三代籍貫

欽定大清會典事例卷三百四十四

禮部

貢舉 繕卷條規

繕卷條規○順治二年定題目字句不得錯落  
真稿篇數不得短少謄真不得用行草書塗抹  
不得過百餘字卷頁不得越幅曳白及油墨汗  
染三場五策題應寫第一問第二問第三問第  
四問第五問不得誤寫各題違者貼出○又定  
頭場破題用也馬矣承題用夫蓋甚矣乎歟起  
講用意謂若曰以為今夫小結用蓋大結用抑  
大抵嗟夫等字七篇相同又二場表失書年號  
及賀表進表謝表錯誤之類犯者貼出○十二  
年題准試卷俱不寫四書策論字樣以歸畫一  
○康熙二十年議准前場文字限六百五十字  
若將逾額之卷謄錄取中照應貼不貼例處分  
○二十六年覆准凡科場試卷油汙墨染字畫  
猶可辨識卷頁稍有破損及題目字樣表判策  
內一定字樣點畫遺失檯頭小差草稿錯落等  
項原無關於弊竇停其貼出仍行謄送○又覆  
准破承題起講篇中結句七字相同及不完篇

者。照舊貼出外。其每篇限字之例。及塗抹字數太多。貼出之例。停止。○雍正二年議准。五經應試者。先另納長卷。卷面填定五經字樣。以杜絕場中冀倖湊助等弊。又從前五經應試者。其經文先寫所習本經文在前。閱卷者易於揣度。嗣後不論所習何經。應依題紙經題次第挨寫。又四書三義。草稿不准闕。其餘經文章稿。聽其力之所能。不拘幾篇。即或全闕。亦免貼出。至於二場加詔誥各一道之處。仍照舊例。○三年

諭。朕臨御以來。屢降諭旨。凡與御名聲音相同字樣。不必迴避。近見各省地名。以音同而改易者頗多。朕為天下主。而四海臣民。竭誠盡敬如此。况孔子道高千古。自天子以至於庶人。皆受師資之益。而直省郡邑之名。如商丘章丘之類。今古相沿。未改。朕心深為不安。自今凡直省地名。有同聖諱者。或改讀某音。或另易他字。其於當用之際。作何迴避。著九卿會議具奏。欽此。遵

旨議定。

至聖諱除祭

天於圓丘。丘字不用迴避外。若各府州縣地名。有字相

同者。交內閣選擇字樣進呈。

欽定。其山川市鎮等處命名。文該地方督撫更易字樣報部。其姓氏相同者。按通考云。太公望之後。食采於謝邱。為得姓之始。今擬將邱姓加卩旁。○十三年九月

諭。據大學士鄂爾泰等奏請迴避朕之御名。上一字擬書宏字。下一字擬書厯字。朕思尊君親上。乃臣子分誼當然。但須務其大者。以將恭敬。至於避名之典。乃文字末節。無關大義也。所請改寫宏字厯字。不必行。嗣後凡遇朕名之處。不必諱。若臣工名字有同。而心自不安者。上一字少寫一點。下一字中間木字書為木字。即可以存迴避之意矣。○乾隆元年覆准。試卷內有錯誤太甚者。仍行貼出不騰。其餘點畫少誤。及擡頭少差之類。免其貼出。仍行騰送。○九年議准。題目字句錯落應貼者。必錯而已。改落而又添。方可免貼。若題目錯處未經改正。落處未經添註。及遺漏全題。而於夾縫添註。則較錯落題字過多者為更甚。均應貼出。○二十四年議准。違式試卷。有點句句股。皆由學臣考試諸生。習以為常。入闈遂干貼例。嗣後令學政考試



禁止自行句點。至二場詩題低寫。詩句頂格。三場擡頭錯誤。草稿違式。此類甚多。並應彙纂科場簡明條例。二十五年議准。字面違式。有干例禁者。宜豫行頒示。俾多士知所程式。其應敬避字樣如

聖祖仁皇帝聖諱。上一字寫元字。下一字寫燬字。

世宗憲皇帝聖諱。上一字寫允字。下一字寫正字。

至聖先師諱。偏旁加卩字。如作卩字者。仍以違禁論。如用

圓丘字者。仍不加卩旁。又議准。嗣後舉子卷內。除直

書

廟諱

御名

先師孔子諱。及失格違禁。後場違式。真草不全。五策誤寫各題者。仍照不諳禁例。罰停會試。三科。論策內如擡頭不合。照文內疵謬例。罰停會試。一科。試帖有應避字樣。未經迴避者。照不諳禁例。議處。其有擡頭不合者。亦照行文疵謬例。議處。有

御纂字樣。應三擡未經擡寫者。一併改為罰停一科。

又覆准。嗣後試卷內。有不避

廟諱

御名

至聖諱。及失格違禁。應照不諳禁例。議處者。此等所犯較重。即非應中之卷。雖經抹出。仍將主考同考官一體議處。又題准。舉子於文內擡頭不合。係照依題紙誤寫者。將主考官罰俸三月。二十七年議准。試卷添註塗改。覆算字數。除添註及塗而不改者。計數易曉。毋慮差歧。其塗甲改乙者。不重算。其塗少改多者。以所改之字計算。塗多改少者。以所塗之字計算。每卷總計添註塗改。不得過一百字。令士子於每場文字之末。自書添註塗改。共若干字。字樣並用官文書體式。如一二等字。俱書壹貳之類。以防增減。如所註已越一百字。及遺漏自註者。即行貼出。若登註小有不符。無關弊竇。免其貼出。二十八年議准。鄉會試。應行敬避字樣。科場久有定例。惟坊本經書。尚全刻本字。自應仿唐石經。宋監本之例。敬避重刊。今恭擬

聖祖仁皇帝聖諱上一字。如有弓金等字偏旁者。並缺

一點

世宗憲皇帝聖諱。無加偏旁之字。毋庸另為校正。

御名上一字。如有水糸等字偏旁者。並行缺筆。所有經

書。悉依此更正。至科場文字。及一切文移書奏

凡遇應用

御名上一字者。俱寫宏字。應用

御名下一字者。俱寫歷字。庶為臣子敬謹之道。○三十

年

諭。前據福建學政紀昀條奏敬避

廟諱御名一摺。經大學士會同禮部議覆。請將偏旁各

字。缺筆書寫。原屬臣子敬避之意。嗣經武英殿校改

書板。推廣字數。如率銜等字。亦俱一律缺筆。朕思

廟諱御名偏旁字畫。前代如石經刊本。俱係缺筆。自應

仿照通行。但止可令現在臨文繕寫。及此後續刊書

板。知所敬避。若將從前久經刊刻之書。一概追改未

免。事涉紛擾。至上中敬寫之字。與本字全無關涉。更

可毋庸迴避。嗣後如遇

廟諱御名。應行敬避缺筆之處。仍照舊例遵行外。所有

武英殿頒行字樣。及紀昀所請改刊經書之處。俱不

必行。○又覆准。試卷內如並無添註塗改者。令該生

於本藝之末。仍書並無添註塗改字樣。○三十

三年議准。嗣後舉子應試之卷。如有率用省筆

及行文重字。作兩點騰寫者。雖非題字。亦將該

舉子議處。○又議准。鄉會試墨卷內有完補者

即行貼出。○又奏准。嗣後舉子於墨卷自行點

句句股。俾對讀得照式點句。則硃墨卷不至舛

錯。○又奏准。各生於二場試卷。謄真後。默寫頭

場。或首藝次藝。或小講。或起比。或中後半篇。或

試帖一首。聽考官臨時酌令默寫。○三十四年

諭。本日内閣進呈河南巡撫題本一件。票籤內於宏字

缺寫一點。甚屬無謂。避名之說。朕向不以為然。是以

即位之初。即降旨於御名上一字。止須少寫一點。不

必迴避。後因臣僚中有命名相同者。心切不安。屢行

呈請。始許其易寫宏字。其實臨文之體。原可不必。故

於前代年號地名。凡有引用之處。概行從舊。不准改

易。至於臣子尊君親上。惟在殫心宣力。為國為民。克

盡厥職。豈在字畫末節。拘拘於小廉曲謹哉。且宏字

已屬避寫。即於本字無涉。若因字異音同。亦行缺筆

轉轉相似。必至八紘等字。概從此例。勢將無所底止

復成何字體耶。此籤即著補點。嗣後俱照此寫。○四

十二年

諭昨檢閱內廷舊存摺奏內有康熙五十六年詹事王奕清密奏請於考官入闈後即諭謄錄官凡七藝中破承開講等虛字概不謄寫以防關節等語。王奕清所奏自屬防弊之一法。但將破承開講等虛字概不謄寫於文理既不明順且篇幅不完體制尤多未協。朕思與其暗防弊竇不若明示章程。況近今鄉會頭場改為書藝三篇。尤易防範。嗣後令順天及各省主考官於刊登題目時即酌定三篇內承題起講應用虛字明白開列。另行刊印一紙分給舉子。如此科首篇承題用夫字。次篇用蓋字。三篇用甚矣。起講首篇用今夫。次篇用且夫。三篇用嘗思之類。下科即將此等承講虛字錯綜更換。總聽主考官臨期酌定。俾眾共聞知。通場一體遵用。違者貼出。如此於不齊之中寫以齊。則雖欲暗藏關節。應無所施。其伎倆而定以主考官臨期酌定。不出之房官之手。則士子無從摹擬。不致別生弊竇。於防範更為周密。至會試亦著照此例行。○四十三年

諭嗣後鄉會兩試每篇俱以七百字為率。違者不錄。○

五十一年議准三場策不滿三百字。比照紕繆

例罰停一科。○五十二年

諭首場四書文向來限用夫蓋今夫且夫等字。此等字樣主試者應於臨期酌量顛倒。限令遵行。毋庸按年排定。即三藝承題全用夫字。或全用蓋字。起講全用今夫。或全用且夫。俱無不可。○又奏准闈中閱卷。最重頭場制藝。嗣後四書文每篇尾及試帖詩末句下。旁寫塗改幾字。添註幾字。闈中頒刻式樣。照依開寫。僅有以少報多。至十字以上。豫為私改地步。及遺漏違式者。概行貼出。並責成外簾各所官員。詳晰查覈。如受卷所應貼不貼。經謄錄對讀兩所貼出。將受卷官參處。其謄錄對讀有私改文字等弊。該管官未經查出。混送內簾中式。經磨勘官籤出者。即將謄錄對讀兩所官議處。並將本生嚴行查辦。至二三場每篇仍一體開寫。添註塗改字數。○五十三年

諭據伊齡阿等奏。去年新定科場條例內有填寫添註塗改字數一條。此次查收頭場試卷。填寫多不合式。應貼者幾及過半等語。科場條例填寫添註塗改字數。原以防謄錄對讀代改文字之弊。上年經大學士九卿等議定後。即已頒行直省。今歲鄉試屆期。該監

臨等又復豫行曉諭。各士子自無不周知。入場時理應恪遵新例。照式填寫。乃錯誤者紛紛。幾及過半。本應概予貼出。姑念定例之初。或遠鄉僻壤。士子未能徧行知悉。又或因風檐寸晷。精神恍惚。以致錯誤。此等寒峻。止以未諳新例。尚無大弊。且應貼之卷。未免過多。此次除別項違式試卷。仍照例貼出外。所有添註塗改填寫錯誤之卷。著加恩免其貼出。仍准發騰。此係朕軫念士子。格外從寬。若明春會試及下屆鄉場。則此例頒行已久。僅仍有似此錯誤者。必當按例概行貼出。不能再為寬免也。○五十四年奏准。士子

於每場試卷末填寫通共添註塗改若干字。令受卷官於收卷時登記簿冊。以便稽察。○五十五年奏准。鄉會試卷填寫添註塗改散總字數程式。一。詩文策論每篇末填寫添註幾字。塗改幾字。有添註無塗改者。則寫添註幾字。塗改無無添註有塗改者。則寫添註無塗改幾字。添註塗改俱無者。則寫添註塗改無。一。填寫添註塗改字數。緊接詩文策論各結句。用小字單行旁寫。不得另行寫。亦不得作雙行。仍一字一格。不得跨格擠寫。如有本行餘格不敷。准於另行接

寫。或結句已抵末格者。亦於另行旁寫。其接寫之處。文論後仍頂格。詩策後仍低二格。一。添註塗改字數。除每篇末註明外。並應加寫總數。頭場於詩後。二場於默寫頭場後。三場於第五策後。另一行用大字居中寫通共添註塗改若干字。詩策後仍低二格寫。文後仍頂格寫。一。數計字數。除添註之字易計外。其塗改之字。有塗去一字。改寫一字者。止算一字。若塗去一字。並無改寫者。亦算一字。至有塗去一字。改寫二字者。以二字計算。塗去二字。改寫一字者。亦以二字

計算。其餘字數加多者。準此數計。一。填寫數目。務寫壹貳叁肆伍陸柒捌玖拾等字樣。不得作一二等字。違者貼出。一。添註塗改過一百字者。貼出。一。填寫字數。如有以多報少。以少報多。不符在十字外者。貼出。一。添註塗改式。有添註有塗改。書添註幾字。塗改幾字。有添註無塗改。書添註幾字。塗改無。無添註有塗改。書添註無塗改。書添註幾字。無添註無塗改。書添註無塗改。無。以上四項。接結句用小字旁寫。一。添註塗改總數。式。通共添註塗改若干字。全卷添註塗改通共添

註若干字。塗改無。全卷有添註無通共塗改若干字。添註無。全卷有塗改無。以上總數。另

一行。用大字居中寫。詩策後低二格。文後頂格。○五

十七年奏准。嗣後鄉試會試墨卷。仍令士子自

記添註塗改字數。以防改竄。其硃卷內不必謄

寫。○嘉慶四年

鄉會試頭場文字。承題小講。限用夫蓋甚矣。及今夫

且夫嘗思等字。亦皆起自近年。其實此等虛字。即不

限用。亦屬無關弊竇。真正關節。原不在此。此例並著

停止。○又

諭。現在會試屆期。士子文藝詩策內。於朕名自應敬避

如遇上一字。著將頁字偏旁。缺寫一撇。一點。書作顯

字。下一字。將右旁第二大字改寫又字。書作玆字。單

用馬字頁字炎字。俱毋庸缺筆。至乾隆六十年以前

所刊書籍。凡遇朕名字樣。不必更改。自嘉慶元年以

後所刊書籍。均照此缺筆改寫。○又奏准宋代官韻

於當時廟諱御名同音者。皆不收藏。有禮部韻

略可考。又各韻部首之字。有當避者。則改標一

字為部首。有重修廣韻改二十一。般為二十一

欣可考。現在考試所用官韻。係屬舊刻。於

廟諱尚未盡避。而上聲第二十八部之首。又直同

御名下一字。應於本韻內。請

旨。另定一字為部首。交

武英殿重刻頒行。以符體制。奉

旨。詩韻內上聲第二十八部。已改儉字為部首。業於春

間經武英殿奏明刊刻通行矣。○六年奏准。嗣後草

稿題目。如係脫寫一二字。及筆誤一二字。均免

議。如係脫寫全題者。定為罰停一科。○又奏准

添註塗改。但字數不差。即為無弊。或寫單行夾

註行款高低。均予免議。並免貼出。若添改字數

迹涉可疑。仍行貼出。○又

諭。嗣後鄉會試場。著禮部通行知照。知貢舉監臨。出示

曉諭。如試卷內有書寫卦畫及篆體者。即照違式例

貼出。其有違例中式者。將本生罰停一科。考官及應

貼不貼之外。簾各官。分別議處。○八年議定。字體有

古今之分。避寫之字。有筆畫雖殊。究屬一字者。

又恭代之字。須與本字相近。於選用之中。仍不

失本文意義。方為明備。今條例內開

聖祖仁皇帝聖諱。下一字恭代之字。係屬本字古體。

世宗憲皇帝聖諱。下一字恭代之字。與本字體制迥殊。

音義亦別。是以從前纂修四庫全書時。

高宗純皇帝諭令館臣於

聖祖仁皇帝聖諱下一字。以煜字恭代。

世宗憲皇帝聖諱下一字。以禎字恭代。

聖慮周詳。至精至當。自應敬謹遵照。以昭畫一。並通行

內外大小各衙門。一切官私文字。一體遵照書

寫。各直省學政及監臨。明白出示。俾士子敬謹

避寫。其有仍用舊文者。以違式論。又奏准向

例二場默寫頭場詩文。互異十數字者。俱免議。

惟二場摘寫頭場字數無多。若錯至十數字。恐

有情弊。嗣後默寫頭場。必互異在十字以內者。

方准免議。○九年

諭奉天錦州府知府員缺。著善璉補授。璉字係朕兄端

慧皇太子之名。不應用。著改連字。○二十五年八月

諭乾隆四十一年十一月。恭奉

皇祖高宗純皇帝諭旨。綿字為民生衣被常稱。尤難迴

避。將來繼體承緒者。當以綿作曼。則係不經用之字。

缺筆亦易。等因。欽此。今朕欽遵

成命。將御名上一字敬改。至臣下循例敬避上一字者

缺一點。下一字將心字改寫一畫。一撇。其奉旨以前

所刻書籍。俱毋庸追改。○道光三十年正月

諭御名上一字。仍舊書寫。毋庸改避。下一字缺寫末一

筆。書作訛字。以示改避之意。其奉旨以前所刻書籍

俱毋庸議。○咸豐四年

諭嗣後凡遇

宣宗成皇帝廟諱。缺筆寫作寧者。悉改寫作甯。○十一

年七月

諭御名上一字。仍舊書寫。毋庸改避。下一字母庸缺筆。

凡臣工章奏內。遇有此字。著用溇字改避。其奉旨以

前所刻書籍。俱毋庸議。○同治三年

諭御史陳廷經奏詩文敬避御名。請毋庸兼避偏旁等

語。朕御極之初。曾經降旨。將御名上一字母庸改避。

下一字。凡臣工章奏。著用溇字改避。本未嘗諭令兼

避他字偏旁。茲覽該御史所奏。近來各省奏牘。及考

試詩文。凡字之偏旁從享者。一概改作高字。殊與前

降諭旨不符。嗣後諸臣章奏。及各項考試文字。於御

名下一字。仍止敬避本字。○十三年議准頭二場各

藝承講虛字。除向來沿用者。雖有小異。仍免議

外。如故違向式。獨出新奇。顯涉可疑者。即以違

式論。○又議准嗣後鄉會試第三場策問後。即

仿照二場之例。令士子默寫二場經文首藝。或小講或起比。或中後半篇。聽考官臨時酌定。兼將默寫式樣刊刻題紙之後。令士子一體遵照。並照例於填榜前。先將中卷覈對。如互異在十字以內。文義不甚懸殊者。仍可取中。儻歧誤過多。優劣迥別者。概不取中。○十二月

諭。御名上一字仍舊書寫。毋庸改避下一字。著缺寫末一筆。書作滿字。以示改避之意。其奉旨以前所刻書籍。俱毋庸議。○光緒三年

諭。奉天府府丞王家璧奏。士子試卷。於

穆宗毅皇帝廟諱及朕御名偏旁相同之字。誤會避寫。請飭通諭各等語。

穆宗毅皇帝廟諱下一字。欽奉

諭旨。用溥字敬避。朕御名下一字。亦經降旨。缺寫末筆。其偏旁相同之字。本毋庸避寫。著禮部再行知照。各直省學政。曉諭士子。一體遵循。以免歧誤。○四年

諭。劉坤一奏。廣西千總潘奕勳。請更名承勳。飭部註冊。著照所請行。至該督以潘奕勳原名。應敬避廟諱上一字等語。恭查道光二十六年三月。欽奉

諭旨。援引二名不偏諱之義。將來繼體承緒者。上一字毋庸改避。亦毋庸缺筆。

聖訓昭垂。著為令典。該督所稱敬避

廟諱字樣。與前奉

諭旨。不偏諱之義不符。且奕字係輩分字。嗣後仍應毋庸避用。○七年。奏准。嗣後鄉試卷面。如有出繼等情。將嗣父及本生父。一併填註。所填三代。照例一律書名。

欽定大清會典事例卷三百四十五

禮部

貢舉 設立官卷 開報迴避

設立官卷 ○康熙三十九年

諭。考試事甚為緊要。邇來數次考試取中者。大臣官員子弟居多。貧寒之士取中者甚少。嗣後科舉會試。將現在大臣官員子弟另編字號。另入考試。以人數多寡。各分定額數取中。爾等會同九卿議奏。欽此。遵旨議定。嗣後八旗直隸各省現在文武大臣以下。京官文官以七品有職掌官。武官佐領等官以上。外

官。知縣守備等官以上官員。其子孫同胞兄弟及同胞兄弟之子。皆編為官卷。順天鄉試。滿洲蒙古之滿字。漢軍之合字。直隸生員之貝字。貢監之皿字。各於其卷面字號之下。編書官字號。別入號房。會試亦於滿洲蒙古漢軍滿合字號。直隸各省南北字號之下。編書官字號。別入號房。又順天有國子監錄送之貢監。照例分別官民卷。其各省貢監。就本省鄉試者。與生員一例。分別官民卷。既入官卷。不必分經。滿合字號。大臣官員子弟居多。如民卷百卷取中五卷。則官

卷二十卷取中一卷。其直省如定額十卷。民卷取中九卷。官卷取中一卷。其副榜亦照此計取。再鄉試之夾字旦字耳字聿字丁字。及會試之雲南四川貴州廣西。此數處額少。俱不必另編官字號。○又議准。在內文官京堂以上。及翰詹科道武官參領以上。在外文官藩臬以上。武官提鎮以上。其子孫及同胞兄弟。並同胞兄弟之子。不論官貢廕監生。俱編為官字號。已故及降革者不准編入。○四十一年覆准。丁憂候補告病告老休致各官。及降級官員。仍在應編官字號之列者。其子弟一體編入官字號。○五十一年覆准。陝西甘肅甯夏文武官員子弟。不必編入丁聿字號。彙入通省文武官員子弟內。同編官卷。憑文取中。○又議准。會試官卷停止。○雍正元年覆准。官卷少之省分。但擇其文理清通者取中。若文理荒疏者多。不能足額。則任缺毋濫。以民卷內佳卷補足中額。○六年覆准。官員子弟應試。必係嫡子孫同胞兄弟。並同胞兄弟之子。方准編入官字號。若已經出繼者。不准編入。○十三年



諭。向因貴州等省。官生應試者少。是以未有取中官卷之例。今貴州居官者漸多。人材亦漸好。且又添撥遵義一府。應設立官卷。其應取幾名之處。著該部定議具奏。欽此。遵。

旨議定。貴州鄉試。其應入官卷者。別編官字號。照每十卷內民卷九卷。官卷一卷之例取中。其副榜亦照例計取。如官卷內佳文不敷中額。考官憑文酌取其不足之額。仍將民卷補足。○又議准。貢監生員編列官卷。原以父兄官職為定。如別房子孫為嗣者。務令於該生出繼之時。呈報本地

方官逐一覈明的實。取具印甘各結。申詳學政。行令該教官註冊存案。至鄉試之年。詳加查數。如不豫行呈明。臨場始具呈出繼者。一概不准。至回籍官員。如有降調革職等情。例有部文知照本省。嗣後遇鄉試之年。令地方官申詳督撫。覈明本官有無降革緣由。詳加分別造送。其恩養螟蛉異姓之子。不許假借冒充混入官卷。如因本房無官卷。捏造出繼。或已經出繼。因本房有官卷。改回本房。及本官已經降革。而子孫兄弟及兄弟之子。猶指稱官卷。及以恩養螟蛉混

入官卷者。除將本官革職。本生黜革。照例治罪外。其瞻徇情面。蒙混出結造送之教官州縣。皆照徇情例。降二級調用。知府直隸州知州。照蒙混造冊例。降一級調用。布政使照不行察出例。降一級留任。巡撫學政皆照失於稽察例。罰俸一年。○又覆准。宣化府屬別編旦字號。向未分別官民字樣。應將宣屬旦字號官卷。併入直隸貝字官號內取中。又天津府屬之商憲籍生員。原編鹵字號。其中或有官卷。亦照宣化府例。將鹵字號官卷。併入直隸貝字官卷內取中。○乾

隆元年議准。滿洲官卷。於舊額之外酌增三名。○六年議准。嗣後廣西一例設立官卷。照定額計算。○九年奏准。內閣侍讀。亦有經辦科場事件。其子弟應試。照吏禮二部司官之例。編入官號。○十五年

諭。禮部議覆。永興條奏。官生過優一本。請仍照舊例遵行。甚屬偏私。各省官生。文庸倖中者。不堪屈指。數何國宗之子。同中一科。即其驗也。雖該部議令。此後務遵定例。官卷數少省分。必文理清通。方准取中。否則字缺毋濫等語。不知從前何嘗無此例。而各省試官

何嘗實力遵照。况如各部司官同一辦事。何獨吏禮二部得編官卷。此例實不公當。該部巧於迴護。尤屬紕繆。著交部察議。此本發還另議。欽此。遵

旨議定。嗣後直省額中舉人二十五名內。許中官卷一名。如無佳文。任缺毋濫。仍以民卷取中。其時零之數不足二十五名者。不准算取。至中小等省。雖計其中額。應中官卷一二名。而或文不足錄。全以民卷補足。不得勉強充額。磨勘時。若所中之官卷。較民卷優劣懸殊。即令磨勘官舉出題。將該考官嚴加議處。至吏禮二部員外郎主

事。固與各部相同。即郎中亦與各部無異。其子弟應試。照戶兵刑工四部司員子弟。均毋庸編列官卷。並內閣侍讀子弟。編入官卷之例。亦行停止。○十六年議准。京官文四品。外官文三品。武官二品以上。及翰詹科道各官。其子孫同胞兄弟同胞兄弟之子。鄉試者。得編官字號。餘並不得混冒。至官卷中額。照舊額減定。順天鄉試。滿字號中六名。合字號一名。貝字號四名。南四二名。北四一名。各省鄉試。江蘇四名。安徽二名。浙江六名。江西五名。福建四名。山東河南山西

各三名。湖南湖北陝西四川廣東雲南各二名。廣西貴州各一名。必應試足十卷者。別編官字號。不及數者。入民卷。如佳文甚少。不足中額者。以民卷補中。○又覆准。各省官卷已蒙增取。其副榜毋庸再照民卷例。每五名取中一名。其缺出之額。即於民卷內酌取補足。○又議定。八旗武職。自副都統以上。方列官卷。其參領及世職二品等官。均不應列官卷。○十七年覆准。商籍易滋頂冒。嗣後本官由民籍中式者。其子孫應於民籍內編入官卷。不得復冒商籍。若本官原由商籍中式者。其子孫應於商籍內編入官卷。亦不得復於本籍重編官卷。其同胞兄弟之子。與本官同籍者。照例編為官卷。若與本官民商異籍。不得借名改歸。以圖徼幸。○又覆准。文武官員親屬。應編官卷者。例限以子孫同胞兄弟及同胞兄弟之子為止。並未有祖孫伯叔均編官卷之例。嗣後編列官卷。若以不應編之人編入。由部查覈清冊。將瞻徇蒙混之出結官。及不行查察之巡撫學政布政使。俱照例議處。○又覆准。部員派為學政。雖加以編修檢討等銜。然

任滿仍係部郎。究與翰林有間。其子弟毋庸編入官卷。○二十三年

諭前據莊存與條奏各直省鄉試官卷應酌減中額一摺。隨經蔣溥奏請將官卷裁去。一併歸入民卷。均交大學士九卿議奏矣。朕昨敬閱

聖祖仁皇帝實錄內載

上諭。令大臣子弟另編字號考試取中。既以肅清弊端。又不致有妨孤寒進取。恭覽之下。仰見

皇祖慎重科名。嘉惠士子。立法之意。本為防弊。而彼時諸臣奉行。不無偏袒。子姓親族之見。含糊具奏。分

定中額。未免過多。遂使以憐恤寒畯之意。轉成優倖。措紳之路。揆之情理。實未允協。此議減議裁者所由來也。朕思中額貴有限制。而立法務在均平。嗣後各直省鄉試官卷。於現在定額中斟酌公當。大省每二十名取中一名。中省每十五名取中一名。邊省官卷本屬無多。不妨稍寬其額。每十名取中一名。如此辦理。則官卷既免濫取之弊。亦不致有妨孤寒。不必去官卷之名。而於制科取士兼收並採之道。庶為平允。其如何酌量妥辦。毋致偏枯。並著大學士九卿詳議具奏。欽此。遵

旨議定。鄉試官卷中額。直隸江南江西福建浙江湖廣

六大省。均以入場官生。每二十名取中一名。山

東山西河南陝西四川廣東六中省。以十五名

取中一名。廣西雲南貴州三小省。以十名取中

一名。順天鄉試。滿洲蒙古漢軍官卷。照小省以

十名取中一名。南北貢監生官卷。照中省以十

五名取中一名。其各官卷或有不足二十名十

五名十名定數者。仍遵從前不及十卷不編官

號之例。毋庸別編官卷。以杜濫取。或大省官生

數至三十一名以上。中省至二十三名以上。小

省至十六名以上。計其零數。已逾定額之半。即

照順天鄉試另編四號之例。零數過半者。准其

計算。亦各取中一名。其多不及半者。不准計算。

再官卷名數。總以現在定額為限。不得於額外

取中。如官卷不敷。照例以民卷補足。○二十七

年。覆准。應編入官卷各生。其父兄或驟遇升遷

降調事故。均於奉

旨後。吏部移咨原籍。以杜冒濫。又應試諸生。如有混

入官卷者。將混行造送各官。照例分別議處。○

又覆准。奉天夾字號。應編官卷。照宣化官卷之

例歸入直隸員字號官卷取中。○二十九年具奏。凡世職二品官。例不編列官卷。至郡主額駙等子弟。向來少有應試者。例內未經議及。今薩秉阿之父薩克慎。係郡主額駙。秩與一品官同。但究非有職掌一二品大臣可比。應否編列官卷。奉

旨薩克慎係郡主額駙。非一二品有職掌大臣可比。伊子薩秉阿。毋庸編入官卷。○三十二年覆准試卷無論官民。例應房考憑文閱薦。主考選拔取中。至官卷必須佳文。方許呈薦。如無佳卷。任缺毋濫。

在例意正以嚴官卷之去取。非一為官卷。不論好醜。盡皆錄薦也。若官卷無多。統歸主考取定。任其撥給該房。補用薦條。並不由房官寫目。殊非慎重遴選之道。嗣後官卷取中。仍由房官閱看。佳者錄薦。聽主司酌奪。毋得濫行呈薦。○五十一年議准。上駟院卿與通政使等官品級無異。其子孫等一體編入官卷。○又議准。官員曾孫。係一脈周親。非與子孫情有分別。嗣後應得官卷各員。如遇有曾孫應試者。一體編入官卷。○五十二年覆准。定例大臣官員本係民籍。其

子弟不得於商籍編為官卷。原指隔省充商者而言。所以杜規避跨考之弊。若浙江商籍入學。後附入杭州府仁錢三學。與民籍無異。其民商籍貫既無分別。而商籍並不別編。函字號與各省情形不同。且官卷例不分民商籍貫。惟本官係他省籍貫。其子弟不得於行商省分。編入官卷。若本官實係本省。其子弟不分民商。俱編官卷。所有商籍生員內。實係本籍。而以商籍入學者。即可由商籍編為官卷。毋庸改歸民籍。○五十四年覆准。定例文官藩臬以上。其子孫俱編為官卷。若止係署任。或賞給職銜。究與實授者有間。未便列入官卷。○五十七年覆准。本官出繼。其本生同胞兄弟及同胞兄弟之子。概不得編入官卷。○嘉慶五年覆准。內務府大臣之親子姪。武備院卿之親子姪。一體編入官卷。○六年覆准。那彥柱現襲一等誠謀英勇公。其胞弟應編入官卷。○十二年覆准。現任散秩大臣。照世職一二品官。並無職掌之例。毋庸編入官卷。○十五年

諭。佛柱溫汝。迨奏。本年順天鄉試。南北四官卷。應試人

數較多。請將中額酌增一二名一摺。朕披閱後。召見軍機大臣。據董誥戴衢亨奏。自乾隆二十三年定例以後。南北四官卷。各按十五人取中一名。其零數增多者。再各取中一名。歷科以此為定額。從未再於額外取中。伊二人俱曾充順天鄉試考官。均照定例辦理等語。順天鄉試南北四取中官卷。久經定制。本科又非加恩廣額之年。該監臨遽為此奏。顯係有意見好。所奏不准行。佛柱溫汝适俱著交部議處。○又覆准太常寺卿降一級調用。仍係候補京堂。伊子照例編入官卷。○十八年奏准內閣侍讀學士與卿員無異。其子孫照京堂之例編入官卷。○道光元年奏准欽賞禮部侍郎銜。旋奉特旨署理之員。其子孫鄉試一體編入官卷。○又覆准給事中補授道員後。其子孫改歸民卷應試。○二年覆准外官藩臬以上。來京另候簡用之員。伊子孫仍編入官卷。○又覆准原品休致之總兵。曾在軍營著有勞績。在籍支食全俸者。其子孫一體編入官卷。○九年奏准胞兄弟因伊父以大宗獨子。兼祧兩房。其兄奉祀大宗。其弟

奉祀小宗。係同父分祧兄弟。服應從降。嗣後毋庸編入官卷。○十一年議准。嗣後中四官卷。定為中額一名。即人數增多。亦不准逾一名之額。如不足十五名之數。仍照例散入民卷取中。○又

諭山東孔顏曾孟四姓子孫。例設四氏學。每屆鄉試另編耳字專號。原為優待聖裔起見。若將應編官卷。不歸耳字專號。轉失專設四氏學本意。所有貴州藩司孔昭虔之子孔憲恭。鄉試著仍歸耳字專號辦理。○十二年

諭那清安等奏。該旗官卷送考冊籍錯誤。請將佐領參領議處一摺。此次中式舉人毓雯。係御史恆謙之胞姪。例應編入官卷。該旗佐領於送考冊籍內。將毓雯原報官卷。誤寫民字號。該參領亦復不加考覈。均屬不合。佐領恆慶及承辦之參領。俱著交部照例分別議處。嗣後例編官卷。應如何詳慎稽查。不致列入民卷。並送考冊籍不致遺漏錯誤之處。著禮部妥議具奏。○又奉

旨。據奏此次錯誤。實由該旗送考冊籍漏填官卷。以致誤入民卷取中。嗣後旗人應文鄉試者。著各該旗照

例將應編官卷各生履歷詳細造冊。一面咨送順天府辦理試卷。一面咨送禮部以備查覈。其參佐領等官承辦造冊與外省事同一律。嗣後各該旗遇有應編官卷。由本家呈報佐領。由參領詳加查覈。造冊送順天府後。其試卷應註明官字。如有混入民卷取中者。比照各省辦理官卷蒙混出結。及蒙混造冊各員處分例。查係本家漏報。將本官革職。本生黜革。查係佐領漏報。將該佐領降二級調用。並將不行詳查之參領降一級調用。如墨卷本有官字。硃卷漏印官字。戳記將承辦之員降一級調用。均著照所議辦理。其各該旗都統副都統於參佐領辦理送考冊籍。均有稽查之責。儻例編官卷遺漏錯誤。俱有應得處分。嗣後應如何處分之處。仍著禮部議奏。欽此。遵

**旨議定。**嗣後八旗滿洲蒙古漢軍及內務府。儻於例編官卷。遺漏錯誤。該都統副都統總管內務府大臣。失於查察者。比照外省巡撫學政失於查察例。罰俸一年。○十四年覆准。八旗護軍統領係正二品。序次在副都統之前。其子孫照例編入官卷。包衣護軍統領係正三品。在副都統以下。其子孫毋庸編入官卷。○又覆准。鑾儀使因病

欽定大清會典事例 卷三四五

奏請開缺調理。其胞姪仍編入官卷。○十七年覆准。都察院左副都御史緣事降調。雖未補缺。而仍係候補京堂者。其胞姪照例編入官卷。○二十三年覆准。現任欽天監右監副。係六品京堂。其胞弟一體編入官卷。○二十四年覆准。現任長蘆鹽政。係京任奉宸苑卿。其子弟一體編入官卷。○二十九年

**諭。**前任都察院左都御史沈岐。係休致之員。其胞姪現應本籍鄉試。著照例毋庸編入官卷。嗣後應試生員何項編入官卷。必須畫一辦理。著禮部議奏。欽此。遵

**旨議准。**休致人員。嗣後有由該員自行具奏陳請。無論告病告老。奉

**旨休致者。**以乞休論。准其編入官卷。其不由該員具摺陳請者。奉

**旨休致者。**無論京察之年。或平時奉

**持旨者。**概以勒休論。至休致武職。雖奉

**旨。**在籍食俸。惟不由該員具摺陳請者。亦以勒休論。均毋庸編入官卷。至署事人員。毋庸編入官卷。係為道員署理藩臬兩司者而言。若該員本缺原應編入官卷。或服滿後。或降級革職後。奉

四三五

旨著理他缺。在應編官卷之列者。仍一體編入官卷。  
○咸豐五年覆准。按察使僅止因案撤任。此外  
並無降革之案。其子孫仍編入官卷。○八年

諭。前據胡興仁奏。官卷中額不敷。請於廣額內加中一  
名。當交禮部察覈具奏。茲據奏稱。該撫所請數與例  
意不符等語。浙江省本科應試官生。僅止二十五名。  
以每二十名取中一名數計。其零數尚不及半。所缺  
之額。例應以民卷補中。且該省所加中額五名。均係  
永遠定額。若撥入官卷加中。恐此後相沿。竟為官卷  
定額。殊覺過優。惟現已揭曉。如已由官卷加中。其中  
式舉人。著毋庸扣除。嗣後不得援以為例。此後捐輸  
軍餉。加廣中額省分。亦不得援照辦理。所有違例奏  
請之浙江巡撫胡興仁。並該省正考官寶釐副考官  
馬佩瑤。均著交部議處。○又

諭。加中官卷。無論有無私人。總覺有意見好。不料寶釐  
素以果敢自命者。亦如是瞻徇。此次部議亦屬過輕。  
朕本欲將汝等降調。因思已中之卷。何以分別去取。  
况馬佩瑤職分較小。未免向隅。故酌量從寬。非謂成  
事不說。妄希薄懲可倖邀也。○九年

諭。本年己未恩科江南鄉試。借用浙閩舉行該省鄉試。

帶行己卯正科。所有官卷中額。著加倍取中。其捐輸  
推廣之額。均歸民卷取中。不得加入官卷。○又

諭。本年江西鄉試。係兩科歸併舉行。本省官卷。著即照  
江南官卷。加倍取中。以歸畫一。其捐輸推廣之額。均  
歸民卷取中。不得加入官卷。嗣後兩科併舉省分。均  
照此辦理。○同治六年覆准。前任藩司來京另候簡  
用。其子仍編入官卷。○光緒元年奏准。陝甘官  
生卷。兩省合考時。例定二名。十五名取中一名。  
現在分闈考試。比照廣西貴州之例。各定為一  
名。十名取中一名。其取中名數。總以定額為限。  
不得逾額多取。不足十名定數者。俱散入民卷。  
毋庸另立官字號。○五年奏准。嗣後本官子孫  
及同胞兄弟之子。出繼者。查明出繼後。如在應  
編官卷之列。仍一體編入官卷。如出繼別房。不  
在應編官卷之列者。概毋庸編入。以示區別。  
開報迴避。○順治十五年題准。凡鄉會試考官  
同考官。監臨。知貢舉。監試。提調之子。及宗族應  
試者。除實係同宗。照例迴避外。其餘同姓無干  
之人。及先曾同譜。今遵

上諭。禁革連宗絕往來者。應憑文去取。不准仍引宗誼。

避嫌。○雍正元年

諭。此番鄉試落卷。著大學士王頊齡。尚書勵廷儀。著吏部侍郎內閣學士史貽直。戶部侍郎張伯行。李周望。兵部侍郎阿克敦。副都御史李紱。同南書房翰林檢閱。如人不足。於翰林院編檢內揀選十員。再此番係雍正元年特恩加科。有因迴避考官。不曾應試者。殊屬可憫。即令派出大臣擬題奏請。俟朕點出。於內閣考試。○又奏定迴避子弟。於

午門內試。以四書文二題。經文一題。表策各一題。限一晝夜完卷。謹案迴避卷考試取中。鄉試始於是年。會試始於二年。○

又

諭。覽鄉試迴避士子試卷。首卷儘可中式。次卷在可中。可不中之間。三卷四卷俱中不得。但係雍正元年特開恩科。其迴避士子內第一第二第三第四。並落卷九人內第一第二卷共六人。俱著取中為舉人。以示朕鼓勵人文之至意。○又

諭。入闈各官。為國家宣力。但子弟反不得應試。殊屬可憫。考試迴避諸生。其永著為例。○二年

諭。鄉會試為掄才大典。內外簾官子弟。理應迴避。但跋涉數千里。志切觀光。既至京城。不得與試。殊屬可憫。

朕於上科特降諭旨。另行考拔。然此止可暫行。不便著為定例。今科凡官員入場者。其子弟著一體應試。將試卷另封進呈。朕派大臣校閱。遠選庶人才不致屈抑。○又

諭。今歲應迴避子弟。殊卷。朕已另派官員。公同詳閱。進呈。今朕閱定中式四名。爾等可將場內所取之卷。一同比較。酌定名次前後。填入榜內。再有四卷。爾等可與場內文字比較。應取中者取中。不應取中者不必取中。此四卷係已經選出者。爾等不必避嫌。○乾隆元年

諭。內外簾官子弟。應行迴避者。著另行考試。乾隆元年會試及鄉會恩科。准於常額之外。寬餘取中。以示鼓勵。其作何另行考試出榜之處。著禮部速行妥議具奏。欽此。遵

旨。議定。查雍正元年。考試迴避各生。於午門內。以書藝二篇。經藝表策各一篇。一晝夜交卷。較之場內士子。勞逸未均。是以雍正二年。有一體應試之

旨。自應仍向闈中。另編坐號。歸於一處。以便稽查。但舊例。試題係考官密擬進呈。今考官既有子弟入



場。則出題恐涉嫌疑。嗣後迴避題目。會試由禮部。鄉試由順天府。先期奏請。

欽命四書三題。於初七日密封。轉交場內刊給。經題及二三場題。仍用闈中之題。一體考試。彌封後。另編字號。滿洲蒙古漢軍卷面。俱列旗字號。其餘省分。照例分別南北字樣。三場彙齊進呈。由部奏派大臣閱擬。恭候

欽定。於榜前發交主考官酌量名次入榜。○又奏准。鄉會試迴避官生試卷。於三場畢後。止須將謄清硃卷進呈。不必更進墨卷。○又

命協辦大學士徐本。左都御史福敏。禮部左侍郎徐元夢。內閣學士姚三辰。閱會試迴避子弟試卷。尋擬上等六卷。次等四卷。進呈。於常額外取中。○又覆准。同姓無服者不必迴避。其翁婿甥舅。係有服之姻親。應令迴避。至外場執事各官。與內簾之專司文字者不同。其子弟族人及姻戚等。均毋庸迴避。○三年覆准。一族之人。雖服制減盡。親誼尚存。若五服以外。概不迴避。或考官閱文。將本族取中。未免迹涉嫌疑。致滋物議。嗣後內簾官之無服本族。照舊迴避。其雖係同姓。並

非本族者。不得開入迴避。以致混淆。○又議准。順天鄉試。因彙集天下羣才。故別各項字號。以均中額。其中簾官子弟迴避試卷。雖屬無多。而滿合南北之人。皆有。則憑文取士之中。亦寓因地揀才之意。惟既分南北滿合。而又列官字。誠恐臨時易於揣摩。應刪去官字。以示至公。其滿合南北字樣。仍照舊例開載。再會試原無官字。其迴避卷面。旗字及南北字樣。亦應照例開載。○六年議准。迴避試卷。向於八月二十四五日。後進呈。今本年恭遇

聖駕行圓。其迴避試卷。應令速辦。俟謄錄完畢。密交在京總理處請

旨辦理。○七年。大學士徐本等進呈。閱定迴避卷。奉

旨。此三卷著照所擬取中。交與主考官酌量名次。填寫入榜。○九年

諭。向來主考官之子弟。俱令迴避。不准入場。雍正年間蒙

皇考准其一體應試。亦未著為定例。是以每科該衙門以應否考試請旨。看來各科迴避官生。多寡不一。若遇人少之年。則入數甚易。於科場條例。亦不盡一。自

以照例迴避為是。嗣後不必一體考試。謹案此後順天鄉試迴避

卷俱停○又議奏迴避官生不准入場。原屬歷

科成例。自雍正元年以後仰荷

世宗憲皇帝特旨考試迴避諸生。近科復蒙

聖恩。仍准一體應試。並非著為定例。本年所奉

諭旨甚明。嗣後無論鄉會試。自宜一體欽遵。况每遇應

點考官。禮部行文各衙門開送職名。如子弟志

切觀光。其父兄不行開送。亦聽其便。則停止迴

避考試。實無阻抑士子上進之階。奉

旨。會試迴避官生。仍准考試。○十七年議准。嗣後鄉會

試除外場巡綽等官子弟。照舊例毋庸迴避。其

內場監試及提調知貢舉等官子弟。俱令一體

迴避。○又具奏。壬申

恩科會試迴避官生。應否考試。奉

旨。迴避官生。不必考試。謹案此後會試迴避

卷俱停○十八年覆

准。兩翼副都統參領章京係入場督理稽察之

員。皆與士子相見。自應同監試提調等官。一體

迴避。○二十一年覆准。受卷彌封。謄錄對讀。供

給所。及順天府委員等。其子弟姻戚。均應一體

迴避。○二十二年

諭。內監試御史德甯奏。伊族弟富昇額。今科中式。係例

應迴避之人。未經開出。實屬錯誤等語。科場迴避。載

在條例。承辦場務之員。自宜詳細檢點。何得至有錯

誤。若僅照德甯所請。交部察議。不過拚一降罰處分。

而舉子得違例倖獲。殊非祛弊之道。富昇額著革去

中式之名。聽其下科另行會試。德甯仍著交部察議。

○二十七年議准。妻之兄弟。與姊妹之夫。向無

迴避之例。於防微之法。誠有未周。嗣後凡遇有

姻親。即舅應試者。俱令迴避。○三十九年議覆。

嗣後各項考試。均照鄉會試之例。所有

欽派閱卷大臣。監試御史。及隨同閱卷之司員。一經

入場。其應行迴避之子弟宗族姻親。俱令照鄉

會試例自行開出扣除。如不自行開出。因而取

錄者。將考官及本生等。照例分別議處。黜革。○

四十二年

諭。科場外簾各官子弟迴避之例。節經御史條奏。禮部

議覆准行。其中尚有未甚允協者。如監臨知貢舉監

試提調總辦場內一切事務。其受卷彌封謄錄對讀

收掌等官。亦各有承辦試卷之責。自應令其子弟迴

避。以杜弊端。若兩翼副都統參領章京。不過入場彈

壓事畢即行出闈與考試文字毫無干涉。至供給等所並不與士子相見。即順天府所委之巡綽等官止於號外巡查不能進號關照。又如軹門御史點名後例不入場。亦可毋庸防範。所有副都統參領章京軹門御史及供給巡綽等官嗣後俱不必迴避。即自今年為始著為令。○四十三年議准各省鹵字號卷由該督撫豫期查明該商原籍何省臨場行令內簾迴避。○五十年議准安徽籍貫人員任江甯司道首府首縣者其子弟宗族姻親概令迴避。但須查明鄉試之年現在履任者方照此辦理。若屆期改任別省及業經回籍者不在此例。至江南內外簾官並不得調取安徽籍貫人員。又陝西省城司道首府首縣亦有甘肅籍貫人員其子弟等即在西安鄉試亦照此畫一辦理。○五十三年議准嗣後籍隸江蘇人員現任安徽司道以上等官其子弟親族概不准應江南鄉試以免嫌疑。至安徽知府直隸州中有籍隸江蘇人員遇所屬州縣開送簾員其子弟親族亦一體迴避。俱自行造報監臨提調查覈如有蒙混入場者查出嚴行參處其原籍安徽之現任

江蘇府州者一體迴避以免兩歧。又陝甘鄉試向係合為一場除籍隸甘肅現任陝西司道首府首縣等官應承辦科場者該員等子弟親屬均不准在西安鄉試外其甘肅司道如有籍隸陝西之員亦應仿照江蘇現任安徽司道等官迴避屬員入簾之例畫一辦理。嗣後現任陝甘知府直隸州內如有籍隸兩省之人即由監臨巡撫查明毋庸調取該府州所屬之州縣入簾以杜瞻徇。則其子弟親族即可毋庸迴避。○五十七年議准籍隸江蘇之安徽學政其本家之應江南鄉試者不論親疏遠近照地方官之例概令迴避。○六十年覆准凡內外簾各官應行迴避姓名先令本人自行開出彙單交知貢舉監臨及監試御史詳加覆覈。凡子弟宗族外姻內如外祖父舅甥翁婿壻嫡姊妹之夫妻之嫡兄弟嫡姑之子舅之子母姨之子女之子概令照例迴避。○嘉慶二年議准鄉會試知貢舉監臨如與某考官分屬至親者即毋庸與外簾接見以杜嫌疑其內外監試並無閱卷之責應與至公堂之監臨提調均照向例毋庸互相迴避。○

四年奉

旨。禮部議准御史郭儀長條陳鄉會試迴避卷。請另編坐號。將硃卷密封進呈。欽派大臣秉公校閱一摺。所議非是。迴避舉子另行考試。雖係舊例。嗣於乾隆年間奉

特旨停止。蓋每科鄉會試主考。簾官。至下科未必復行簡派。其子弟迴避者。不過停試一科。下科仍可應試。並無礙登進之路。今據禮部奏稱。此項迴避卷。請旨取中一二名。如俱係平庸之卷。即全不取中。既無定額。即難著為成例。設使例應迴避者。僅止數卷。亦請

特派大臣校閱。更屬無謂。且摺內稱迴避各卷。全行進呈。將去取之故。於卷內黏貼黃籤。以備比較。亦屬紛煩。不成事體。朕於臣工條奏。交部叢議者。原以試看各該堂官等識見如何。自應酌其事理。分別准駁。並非一經交部。即可議准也。禮部所議不准行。○八年議准。鄉會考官。有宜增迴避者。如姑夫內姪。與例應迴避之甥舅。不甚懸殊。應照乾隆二十七年增入妻兄弟姊妹夫之例。將考試官妻之胞姪。與胞姑之夫。令其一例迴避。○九年奉准。嗣後孫女婿與女婿一體迴避。○又

諭。汪志伊奏本年江南鄉試監臨懇請令安徽撫臣辦理一摺。江南文闈鄉試。本年輪應江蘇巡撫監臨。汪志伊籍隸安徽。其子弟親族及至戚人等。自當照例迴避。至同姓不宗。及疏遠親故。於例本不迴避。汪志伊止須心存公正。何必以迹涉嫌疑。為此例外之請。即如順天鄉試。朕所派監臨及執事人員甚多。若概因疏遠之親戚故舊。紛紛引嫌迴避。將何人可以簡派乎。且該省監臨係上下兩江輪流辦理。今歲即改派王汝璧。下屆仍應該撫輪辦。豈汪志伊久任江蘇。總不與監臨之事耶。所有該撫奏請令王汝璧監臨。本科鄉試之處。著不准行。○又

諭。陳嗣龍奏鄉試科場辦理供給之順天府通判治中。每日入場專司供給。並照料舉子粥飯。管理水火夫役。僕該員等有本家親戚入場應試。難保無滋生弊端。請照提調之例。一體迴避。以昭慎重等語。著照所請。自本年鄉試為始。均行迴避。○十二年議准。嗣後

覺羅入場官員。其同族有服制者。概令迴避。其餘姻親。悉照入場官員之例辦理。再宗室應試迴避宗族。仍照向例遵行外。其切近姻親。亦照入場官員迴避例辦理。○十三年議准。嗣後順

天文武鄉試凡內外簾監試科道及外簾各所  
 官均照內簾考官之例一體迴避仍令都察院  
 及各該衙門於保送時將籍隸順天直隸人員  
 先行查明扣除以昭畫一○十五年議准江蘇  
 安徽應行迴避各員比照覺羅入場人員之例  
 同族有服制者令其迴避其餘服盡應同凡論  
 者一體考試至外姻各項除翁婿甥舅並妻兄  
 弟及姊妹之夫業經迴避外外祖父妻之胞姪  
 嫡姑之夫嫡姑之子舅之子母姨之子女之子  
 孫女之夫均照入場官員之例一體迴避其陝

西甘肅二省亦照此辦理○二十五年奏准給  
 事中派充內簾監試患病告假除知照都察院  
 揀派科道一員入闈監試外仍令該給事中將  
 應行迴避之親族士子照例自行開出扣除以  
 杜規避○道光元年議准凡子弟及同族除支  
 分派遠散居各省各府籍貫迥異者毋庸迴避  
 外其餘雖分居外省外府在五服以內及服制  
 雖遠聚族一處之各本族並外祖父翁婿甥舅  
 妻之嫡兄弟妻之姊妹夫妻之胞姪嫡姊妹之  
 夫嫡姑之夫嫡姑之子舅之子母姨之子女之

子妻之祖孫女之夫本身兒女姻親概令照例  
 迴避○七年議准嗣後籍隸江安兩省者除巡  
 撫兩司學政省城道府首縣仍照向例辦理外  
 其總河巡道等官遇所屬開送簾員亦應照例  
 迴避如所屬並無入簾之官其子弟親族准其  
 一體鄉試仍責成監臨於派撥簾員時分別嚴  
 查如有蒙混入場者照例治罪○八年

諭鄧廷楨奏本年戊子科江南鄉試輪應安徽巡撫入  
 闈監臨惟籍隸江甯住居省會據實陳明請旨等語  
 本年戊子科江南鄉試著派陶澍入闈監臨○十二  
 年

諭鄧廷楨奏上屆戊子科江南鄉試輪應安徽巡撫入  
 闈監臨陳明住居省會請旨改派本年監臨又係安  
 徽輪直仍奏明請旨等語本年壬辰科江南鄉試著  
 派林則徐入闈監臨○十四年議准嗣後江南鄉試  
 遵照定例凡江蘇籍貫現任安徽安徽籍貫現  
 任江蘇司道以上官員本身並未入場應令外  
 姻各項及同族有服制者迴避同族無服制者  
 准其考試○十五年

諭鄧廷楨奏上屆戊子壬辰兩科江南鄉試輪應安徽

巡撫入闈監臨。陳明住居省城。請旨改派。本年監臨。又係安徽輪直。仍奏明請旨等語。本年乙未科江南鄉試。著派林則徐入闈監臨。○二十七年

諭。從前鄉會試迴避士子。雍正年間曾於內閣另行考試。或將試卷另封進呈。派員校閱。均係出自

特恩。並未著為定例。迨乾隆年間。即經先後停止。嗣因御史睦朝棟率行陳請。瞻顧徇私。當奉

嚴旨。將該御史拏交刑部治罪。至嘉慶四年。復有御史郭儀長條陳此事。經部議准。仍奉

特旨。駁飭。是迴避士子另行考試。事屬難行。疊奉

聖訓。昭垂。豈容臣工任意瀆請。祝慶蕃現任禮部尚書。明知此事早經停止。乃因本科迴避士子人數較多。

獨出己見。率行面奏。實屬沽名釣譽。冒昧瀆陳。著交部嚴加議處。嗣後鄉會試迴避士子。無論人數多少。

其另行考試之處。並著永遠停止。○三十年具奏。會試同考官卓樞。係正考官卓秉恬之子。應否迴

避。奉

旨。著迴避。○咸豐三年奏准。內簾監試與副考官係屬兒女姻親。應令其迴避。將內簾監試調為至公堂監試。由知貢舉於至公堂監試內。籤掣一員。

對調。並令該員遇內簾開門時。毋庸與副考官接見。以杜嫌疑。○又覆准。場內辦理供給之順。天通判因病請假。查明實屬託病規避。照例交部議處。改派他員接辦。該員雖未入場。究係現任通判。並未開缺。伊弟試卷。即行扣除。○同治七年奏准。會試提調患病請假。仍令該員將應行迴避之人。照例迴避。○九年覆准。例應迴避親屬。業經出繼別房。毋庸迴避。○光緒元年覆准。同族支分派遠。散居外縣。籍貫不同。比照同族支分派遠。散居各省各府籍貫迥異之例。毋庸迴避。○又覆准。不同籍貫之共祖兄弟之子。係在五服以內。本應迴避。若業經隨父出嗣。係共六世祖者。毋庸迴避。○九年覆准。兒女姻親。照例迴避。不得以未經成婚。尚無服制為詞。仍行應試。○十年奏准。嗣後凡考試官妻姊妹之子。一體迴避。

欽定大清會典事例卷三百四十六

禮部

貢舉 外廉事宜

外廉事宜。順治二年定。受卷時。監臨委官一員坐堂上。嚴督受卷官封號入箱。委官一員坐門內。出必點籤稽查。有卷發籤完。必繳。毋使不完者。闕出。務使卷數與人數相合。○又定。將士子所坐字號。分為兩截。如天字一號。天字為一印。一號為一印。自天字起。至師字止。共七十二字。自第一起。至第七十止。共七十號。編號時

先將七十二字之印。逐卷輪完。後將七十號之印。信手探出。即印於各字之下。每一巡畢。將此號印別收。不用。以防重誤。但用筆即係作弊。各省號房。數雖不同。均仿此。○又題准。受卷官責任。全在稽查竊掠。攙換。夜間尤宜慎防。○又定。硃卷卷面。印官役姓名。以憑稽查。○又題准。各省紅號。順天直隸生員。貝字號。監生。四字號。宣鎮。旦字號。遼寧。奉天府。學。夾字號。陝西。甯夏。丁字號。甘肅。聿字號。謹案。順治五年。改遼東十五字號。學。為遼寧。康熙五年。改遼東。遼寧。字號。十四年。直隸。八府。延慶。保安。二州。遼東。宣府。山東。山西。河南。陝西。四川。廣西。編北。四字

號。江南。浙江。江西。福建。廣東。編南。四字號。曲阜。四氏。學。編耳。字號。康熙八年。滿洲。蒙古。編滿。字號。漢軍。編合。字號。二十六年。臺灣。編臺。字號。三十八年。涼州。西甯。五字號。編左。字號。甘肅。州。五字號。編右。字號。六十年。長益。高。編右。字號。六十年。廣東。商。編右。字號。雍正元年。欽天。監。文。生。不。論。貢。監。生。員。俱。編。四。字。號。八年。陝西。榆林。神木。府。谷。吳。堡。靖。邊。安。塞。保。安。七。處。編。木。字。號。其。南。北。中。西。四。省。分。俱。乾。隆。元。年。定。乾。隆。三。年。四。川。甯。遠。編。六。字。號。十。三。年。陝。西。木。字。號。改。為。開。科。編。號。三。十。六。年。甘。肅。右。字。號。內。涼。州。一。府。改。歸。合。省。大。統。三。十。八。年。甘。肅。甯。夏。開。科。編。丁。字。號。四。十。四。年。熱。河。編。承。字。號。嘉。慶。七。年。旦。字。號。改。入。貝。字。號。十。二。年。湖。南。鳳。凰。州。永。綏。保。靖。四。廳。縣。編。邊。字。號。苗。生。編。田。字。號。十。八。年。各。省。駐。防。生。監。編。旗。字。號。二。十。三。年。甘。肅。鎮。西。迪。化。編。津。中。字。號。道。光。八。年。臺。灣。粵。籍。主。員。編。田。字。號。十。九。年。奉。天。生。員。考。取。左。右。翼。教。習。者。歸。入。四。字。號。咸。豐。十。一。年。裁。四。川。丁。字。號。光。緒。元。年。甘。肅。聿。右。字。號。改。為。開。科。編。號。三。年。甘。肅。回。生。編。良。字。號。裁。聿。左。字。號。四。年。湖。北。施。南。鄖。陽。開。科。分。編。方。員。字。號。五。年。宣。化。仍。復。旦。字。號。九。年。廣。西。泗。城。鎮。安。開。科。分。編。泗。鎮。字。號。十。三。年。廣。東。瓊。州。編。五。字。號。又。順。天。鄉。試。算。生。○又定。各。省。貢。監。生。願。就。本。省。鄉。試。者。與。生。員。一。體。編。號。不。得。別。分。四。字。若。直。隸。監。生。內。有。應。試。者。通。編。四。字。號。○十。五。年。題。准。墨。卷。失。格。違。禁。應。貼。不。貼。者。受。卷。官。降。一。級。調。用。不。應。貼。而。貼。者。如。之。○又題准。彌。封。一。所。硃。墨。卷。面。字。號。皆。從。此。印。弊。實。最。多。切。宜。重。加。防。範。號。簿。封。送。監。臨。人。役。嚴。取。互。結。該。所。官。親。自。印。號。毋。經。人。役。之。手。卷。到。各。官。分。經。及。生。員。

監生信手掣籤用印。不許閒人窺看。墨卷號必與硃卷號相對。頭場卷必與二三場相對。卷號必與簿號相對。監生生員必須分別。毋得相溷。至於各役彌封時。必須專心閱視。毋使竊去。以致割換。見有折角針眼等弊。登時究治。封盈一箱。本所官親送堂上。仍約謄錄所官眼同交收。不許兩所人役近身私語。○又題准謄錄各役。如謄錄潦草。淡抹。句字差落。些小失誤。責令重錄。重者枷革。若截去文字。挪東移西。作姦舞文。以枉法贓律治罪。至硃必一色。紙必一律。並宜申飭。如謄錄錯誤。對讀生未經對出。以致內簾駁出者。該所官視卷後本生名字。即發學黜革。對讀各生。不許干與代書。違者革究。○又題准如硃卷內作字草率。遺落成行。硃淡無色。洗改洗補。責在謄錄。字訛句落。不細心詳對。註改。責在對讀。如有不遵。各役各生及各經管官。一併叅處。○又定謄錄錯落。多至數行者。將謄錄官罰俸九月。儻對讀任其錯落。不為改正者。將對讀官罰俸九月。○又定對讀向用藍筆。各省參差不齊。行令各省改用黃筆。違者官降一級。對

讀生黜革治罪。其因本所官之命誤用者。坐本所官。本生免議。○十六年議准。場中坐次編號。令監試提調公同四所官。屏去書吏。親行檢點。信手編印。以絕弊端。○又覆准。受卷各役。有汗損試卷等弊。重責枷示。其有竊掠攙換。迷失等弊。即交送治罪。如該所官失察容隱者。知貢舉及監試提調官。查實會叅。分別議處。○又題准各所官吏。汗損試卷者。除文字棄毀不全外。餘皆註明某號卷。某人汗損。存冊外簾。其卷照例謄進。仍將棄毀汗損之人。嚴行究處。○又議准對讀向用黃筆。今改用紫。○又議准對讀生所對卷。有字訛句落。不細心註改。及謄錄洗補。對讀生不舉者。該所官查出重治。如對讀官不督率各生詳對。及明知對讀潦草。不行查舉者。經內簾發出。或知貢舉等官查出。該所官照例處分。○康熙五年覆准。謄錄官查看謄寫硃卷。對讀官校對硃墨卷。卷面俱註明某官經管。以便稽查。○七年題准。前後場卷錯印卷號。及重用號印。並用印模糊者。經管官皆罰俸三月。其經管木印之官。將木印重送。及印中字畫模糊者。



罰各如之。其有卷冊相同。而標貼錯誤者。經管標貼官亦同其罰。○又題准。卷面籍貫不明。受卷官不檢出駁回者。罰俸六月。分經收卷。如有舛錯誤收。交送彌封所。彌封所官不加詳察。錯印各經字號。送內簾者。受卷彌封所官各罰俸三月。自行檢舉呈明改正者免議。○又題准。點名冊將姓名錯寫者。經管點名冊官罰俸三月。○又定。墨卷題內字及文字內錯寫。謄錄不照原字謄寫。自行改正。一卷謄錄官罰俸九月。二卷罰俸一年。三卷降一級。四卷降二級。五卷降三級。俱調用。六卷以上革職。謄錄書手責革。○又題准。彌封所失印卷上條記。送謄錄所者。該所官罰俸三月。其應試諸生試卷。各有應編字號。彌封官將卷面籍貫錯印者。罰俸六月。主考官照錯編字號中式。於拆卷時未及校對改正者。正副考官各罰俸六月。○又題准。謄錄所見彌封所失印條記。私自差役送令補印者。該所官罰俸三月。謄錄書手姓名誤書卷皮內者。該所官失察。及查出而不行呈明者。皆罰俸三月。○二十年題准。前場文字有逾七百五十字者。

不准謄送。如有謄送俸中者。將受卷謄錄所官及主考同考官。照應貼不貼例。分別處分。舉人照不諳禁例。罰停三科。○三十九年議准。官卷鄉試於各卷面上。滿洲蒙古漢軍滿字合字直隸四字。貝字號之下。編寫官字號。各項貢監。由監鄉試者。國子監收錄。照例分別官民卷。歸本省鄉試者。與生員一體分別官民卷。其各省鄉試官員子弟數少者。不必另編官字號。○五十年議准。嗣後會試。不豫定額數。亦不必編南北官民等字號。惟按直隸各省及滿洲蒙古漢軍分編字號。印明卷面。○五十二年定。八旗民字號及滿漢官字號號房。不拘定某字號。臨時抽出。分別編坐。○五十六年覆准。墨卷面上。載受卷官一員職名戳記。硃卷面上。所官各載專管官一員職名戳記。以便磨勘。○雍正元年覆准中式之人。如有聯號等弊。審實將不行查出之監臨提調監試。照容隱例降二級調用。外簾各所官。照溺職例革職。如通同作弊受賄者。交刑部計贓治罪。○又覆准。鄉會試硃卷字號。提調官除將千字文內不佳字樣及數目字與號

數重複。並亞聖孟子名。應迴避者。均行揀去外。卷多之省分。恐不敷用。舊例每字十號。今加倍為每字二十號。卷少之省分。仍照舊每字列為十號。○二年

諭。闈中謄錄試卷。弊端甚多。其有賄屬者。則書寫精工。否則潦草舛落。致誤佳文。著知貢舉及監試御史。嚴行申飭。其謄寫不工者。必重加責懲。令其重寫。並令對讀官員。嚴飭各生悉心校對。毋使字畫錯誤。儻有外簾官失於查察。日後發覺。將該管官一併嚴加議處。○六年覆准。科場除違式應貼之卷。受卷官照例

呈明監臨貼出外。其應送彌封所試卷。每十卷受卷官即用紙封固。送彌封所。如受卷官將試卷與提調等官先行翻閱。在京許監試御史外。省許監臨指名題卷。將受卷官並提調等各降二級。儻有指示改正等弊。各降三級。監試監臨官隱匿疏漏不題卷者。各降二級。皆調用。○十一年議准。闈中硃卷。彌封之後。例用三不全字號印於卷面。字畫不全。每難辨別。往往有彼此混淆者。嗣後紅號仍用完全字樣。每科令提調官另刻新印。其模糊舊印。及不全字號。概行銷

毀。○又議准。會試硃卷。某省字樣俱係明列卷面。儻有暗通關節。知為某省某經。適以易便其私。應令彌封官編立密號。不必再用各省紅號。仍將密號總數。謄寫一本。內開某號若干係某省。於二月十二日。由至公堂密同監試。封交主考官。主考官與各省字號。密行查對。派定房分。交內收掌。照依送閱。如易經五房一千三百卷。應用一百三十字作密號。每房應分二十六號。有經無省。字號繁多。莫由測為某省某人之卷。自皆秉公校閱。推之各經皆然。如所薦之數。有不足額。於備卷內拔取。毋得缺額。以致偏枯小省。其五經卷面。亦削南北中字號。入於密封冊內。俱遵

欽定數目中式。儻主考將密號總簿。不嚴謹收檢。走漏消息於同考官者。從重議處。○十二年題准。受卷官於交卷時。親自查收。不完卷者。即行照例貼出。仍記名檔案。以備查對。○十三年覆准。會試試卷。定例將各省字號印於卷面。以便知為某省之卷。照額取中。後經御史條奏。以房考官知為某省之卷。有暗通關節之弊。令彌封官

將各省卷數編列密號。交主考官密行查對。取中。其墨卷硃卷。俱不用各省紅號。部議准行。今據詹事劉統勳奏稱。場中關節。止須於文字內用三五字作記。便可知為某人之卷。若卷面僅有省分。亦復何弊可作。况彌封查對之法。委曲繁雜。考官轉致不能盡心閱卷。嗣後仍照舊制施行。○乾隆元年議准。順天鄉試。將奉天直隸山東河南山西陝西編北四字號。江南浙江江西福建湖廣廣東編南四字號。謹案廣東一省。於乾隆六年改入中。四川雲南貴州廣西編中四字號。如中四人數不及十五名。仍附入南四。毋庸另編字號。○又議准。江南鄉試。分上下江字號。○二年議准。鄉會試三場卷面。所用號印。令監試提調同四所各官。在至公堂分卷親用。不得復假書吏之手。以滋弊端。○六年議准。硃卷橫格。必字數與墨卷相符。謄錄對讀時。儻有錯落。乃易檢閱。惟貴州硃卷。有豎格而無橫格。以致疏密不均。不但謄錄時錯落不知。即對讀時亦難查對。嗣後令該省硃卷。並用橫格。以昭畫一。再黔省向用散硃謄錄。濃淡不勻。亦令照順天之例。供應

心紅標硃。作成錠子。俾謄寫得以點畫分明。二十一年覆准。三場試卷不合式者。向例止貼示至公堂。應截角貼出貢院門外。則犯貼之生。可以講求規條。知所避忌。且與一二場貼示之例畫一。○二十八年

諭。科場處分。舊例皆從嚴密者。蓋因內簾去取攸關。自不得不嚴設科條。以防弊竇。若外簾之受卷彌封謄錄對讀等官。原無校閱之責。即有無心過犯。致干吏議者。不過失察疏忽。舊例所定。動至降革。原亦未免過重。其外簾如何斟酌平允。寬嚴適中之處。著該部逐一分別。另行定議具奏。載入則例。永遠遵行。欽此。遵

旨酌定。按例載中式之人。如有聯號換卷傳遞埋藏夾帶文字等弊。審實將不行查出之監臨提調監試巡查各官。照容隱例。降二級調用。外簾校檢及各所官。照溺職例。革職。如通同作弊受賄者。交刑部計贓治罪等語。除監臨提調校檢等官處分。毋庸再議外。查理藏夾帶文字。自應責成外場校檢各官。本與所官無涉。應免議。其有聯號換卷傳遞等弊。必有筆迹不符。形迹可疑之

處如所官不能查出。咎實難辭。但照溺職例。革職。未免過重。應照失於查察例。減為降一級留任。又按例載墨卷題字及文內錯寫。謄錄不照樣謄寫。自行改正。及對讀不行對出。徑送內簾者。一卷謄錄對讀官罰俸九月。二卷罰俸一年。三卷降一級。四卷降二級。五卷降三級。俱調用。六卷以上革職等語。查謄錄不照原字謄寫。如果有心作弊。而該管官知情容隱。自應從重究擬。若不過一二不符。原無弊竇。謄錄對讀官不行查明對出。事係公錯。每卷俱改照疏忽例。罰俸三月。其原定降革之例。即行停止。又按例載墨卷錯落題字。及文內失格違禁。後場違式。真草不全等項。受卷官失察。致應貼不貼者。降一級調用。不應貼而貼出者。同等語。查應貼不貼而俸邀中式。本生照不諳禁例。議停三科。罰所應得。至受卷官接卷繁多。耳目或不及察。嗣後改照失於查察例。罰俸一年。又按例載硃卷內作字草率。遺落成行。硃淡無色。洗改洗補。責在謄錄。字訛句落。不細心詳對註改。責在對讀。儻有不遵。將各役各生及經管官。一併參處。又例

稱謄寫錯落。多至數行。被對讀對出。或對讀漫不經心。任錯不改。被內簾抹出。謄錄對讀官。每一卷罰俸九月。以上二條。事本相類。應行併議。均照疏忽例。每卷罰俸三月。又按例載卷面籍貫不明。受卷官不行詳查駁回者。罰俸六月。又如書經誤收詩經卷內。交送彌封所。彌封官仍不詳查錯印詩經字號。送入內簾者。受卷彌封官。各罰俸三月等語。查卷面籍貫不明。許本生向提調官回明改正。受卷官本無冊籍可查。原議罰俸六月。未為允協。此條應即刪除。其錯印經書。實屬疏忽。原議各罰俸三月。均屬從輕。毋庸議減。又按例載彌封所不於試卷上用條記。移送謄錄所者。彌封官罰俸三月。其應試試卷。各有應編字號。彌封所官將卷面籍貫不行詳查錯印者。罰俸六月等語。查失印條記。議止罰俸三月。亦不為重。其錯印應編字號。改照疏忽例。罰俸三月。三十年

諭。本年順天鄉試屆期。場中印用坐號。著提調監試等。按例親身詳慎辦理。毋僅虛應故事。假手吏胥。致滋姦弊。又議准。嗣後責成受卷所官。嚴加覈算。凡試

卷有添註塗改過一百字者。照例貼出。如有筆迹不對者。即行查究。若含混接受。查出參處。又議准。題目字畫小差。擡頭雙單小誤。宜量從寬宥。令外簾官遵照辦理。不得苛求。通行各省一體遵照。又議准。彌封所書吏。僅有紙條夾入試卷。及折角等弊。隨時留心稽查。如有違犯。將該所官吏嚴參究治。三十一年

諭據知貢舉奏稱。謄錄所燭煤失落。燒損墨卷五十二本。不堪謄送內簾等語。舉子遠來跋涉。志切觀光。乃辛苦風檐。三場業經竣事。而試藝不獲謄送內簾。同

邀閱選。其情甚為可憫。除謄錄所經頭人等及失察各官已經分別交部外。著軍機大臣傳知禮部。查出被燒之卷。如何加恩。俾伊等文字。得以一體補行謄錄送閱。不至獨抱向隅之處。查明辦理具奏。欽此。遵旨奏定。燒毀各試卷。有三十四本。全卷字迹。不過略有

缺損。止須令本人仍照原卷謄寫。即開補一二字。於全篇文章義無關。且有原卷可以校對。不致有改竄之弊。至燒毀零落之一十八本。全卷既難辨識。若令其默寫原文。恐伊等曾經修飾。非復風檐之舊。宜另行考試。於本月二十四日。傳

集各舉子赴

圓明園恭請

欽命四書題二道。派員監試。收卷後仍同伊等二三場原卷。一體彌封。迅速發謄。送入內簾。以定去取。○三十五年議准。嗣後受卷彌封謄錄對讀四所。事竣出闈時。將各項冊檔。並吏役人等。移交外收掌官。管理約束。如提調監試及內簾有交查之事。即令該員承辦。俟揭曉後。同內簾官一體出闈。三十六年議准。嗣後內簾之內監試。及外簾之監臨提調監試。受卷彌封謄錄對讀

收掌等官。俱改用紫筆。其原用紫筆之對讀生。改用赭黃筆。其應用紫色赭黃色。責令承辦之員。務須堅緻鮮明。不得草率供用。○又覆准。前議對讀官亦用紫筆之處。原指一應文移冊檔而言。至對讀生於所對硃卷。有不行詳對處所。該所官或隨手改正。亦應用赭黃筆。以昭畫一。不得誤用紫筆。○四十年議准。對讀各生於硃卷題內筆誤一二字。及文內錯落數字。未經對出者。將該生成飭示。做如謄錄顯違格式。遺落成行。及錯誤成句。有害文義。不行詳對註改者。

查出立行黜革。○四十五年覆准。場中應貼各卷。不論頭二三場。均照例貼出貢院門外。毋得因三場試事已畢。僅以暗貼扣除。○四十七年議准。硃卷紅號。責令彌封官用印。奉行日久。誠恐假手胥吏。致有漏洩情事。應酌定紅號再封之法。所有頭場硃卷紅號。印於卷面左邊。另為一行。俟謄錄對讀全畢後。交至公堂督同彌封官。將紅號再行彌封。然後送進內簾。○又議准。謄錄書手。例由該管官臨時分派書寫。但舉子場前亦有熟識之人。或與房考豫為關照。亦未可定。嗣後改為墨卷尾開寫書手姓名。其舊例硃卷後註明之處。即行停止。○四十八年議准。鄉會試對讀生姓名。令其與謄錄姓名一體註於墨卷尾。兩行並列。以歸畫一。○又議准。試卷將紅號重封之例。辦理殊為掣肘。且易滋割換卷面之弊。嗣後應行停止。惟令彌封所官親自用印。不得假手胥吏。如違參處。○又議准。鄉會試落卷。如有遺失不能領出者。將經手之書吏等徹底根究。並責成內外收掌官。逐卷造冊稽查。如有割換藏匿情弊。原卷遺失。未經查出者。

將收掌官照例議處。○又奏准。本科京闈。拆封填榜時。有中式紅號。其二三場硃卷與墨卷不符。因查明係彌封所錯誤。應將彌封所官交部議處。○又奏准。順天中式蒲慶陽試卷。硃墨不符。共計十二處。審明將該謄錄書手從重辦理。比照越號與人換寫文字之例。發近邊充軍。蒲慶陽革去舉人。不准納贖。謄錄對讀所官。交部察議。○五十一年奏准。鄉試遺失南四二場卷一本。密傳該生默寫一體謄送。○五十二年奏准。試卷至彌封所。戳印紅號。向用千字文依次排列。送入內簾。但行之既久。保無內外簾豫先開會。指定某卷戳印某字號。是姓名雖已彌封。而號印仍可辨認。且文內無須暗藏關節。其弊尤難剔除。若竟將紅號舊例停止。則頭二三場之卷。不能彙解。內簾閱卷。必至頭緒不清。礙難辦理。應令知貢舉監臨。將千字文戳印次序。先行攪亂。臨時酌用若干字。每字編列一百號。合計通場試卷所用紅號字數。多者不過百餘字。少者不過數十字。於千字文內。不拘前後。挑取戳印。庶內外簾無從開會。彌封益為慎密。○又

奏准。將試卷親行酌派各書手分騰。不得假手吏胥。互相關照。致將賄託之卷檢出。另騰。仍隨時查察。如有騰寫草率。即將該書手嚴懲。罰令重寫。○又奏准。嗣後舉子於墨卷自行點句勾股。對讀生將騰出硃卷。詳加校正。一照式勾點。則硃墨卷不至舛錯。行令各省一體遵照。○又奏准。闈中號戳。應令知貢舉監臨督率提調監試等官。將號戳通行攬攬。眼同外簾各員分手戳印。不得假手吏胥。致滋買屬連號之弊。閒有因字迹不清。重加改戳者。舞弊之徒。每於接卷後。私用紫筆描改模糊。捏稱重戳改戳。希圖混號。應令知貢舉監臨。豫飭承辦號戳之員。詳細檢查。如有模糊者。另行刊刻。至戳印時。如有錯誤重複。另行戳印者。即令提調彙為一處。回明知貢舉監臨。登記號簿。並於卷面加鈐提調印記。以杜弊混。儻交卷時。止有重戳改戳。而不鈐提調印記者。即行貼出。○又奏准。場中坐號。豫計通場人數。每號截至若干號為止。將尾末餘號。不准攬用。並責成監試提調等官。於封門後。分頭親查坐號。令士子全坐號內。

按照年貌。逐一覈對。毋許藉端出號。往來行走。○五十三年題准。士子於二場墨卷內。摘默頭場文字。於填榜前。先將中卷比對。則硃卷亦應一律騰寫。以便查校。○五十四年議准。令四所官於印打號戳時。將號戳用繩聯珠穿起。每四十號截為一串。仍立號簿。按依各生名次編列。將卷分四十本為一束。先行按照號簿名次。同試卷逐一覈對。隨手拈取號戳一串。於卷簿及卷面印用。未經投卷者。即於簿內本生名下。用未投卷三字之戳子印上。三場俱照此辦理。並於簿面上填註該所官姓名。其號簿交散卷官。於點名時。比照試卷所戳之號。是否與號簿相符。如有不符。立即查究。並令受卷官於試卷交齊後。按省分提收號簿。再行悉心比對。以杜弊端。○又

諭。伊齡阿所奏遺失墨卷。俱與該生無干。應令補行默寫。一體騰送內簾。其受卷所書手。是否將原卷遺失。抑有別項情弊。著交刑部審明辦理。受卷官雖自行檢舉。究屬疏忽。著交部照例察議。○五十八年奏准。會試受卷所遺失二場墨卷一本。行文禮部。別

備試卷。照例辦理。○嘉慶六年奏准。鄉會試交收墨卷。屢有失少。其開經手書吏。汗損毀匿。固所不免。而本生止圖完場。恐被貼出貽笑。弊混掣籤匿卷。亦屬情事所有。嗣後科場務飭受卷官吏。一手接卷。一手發籤。登時查對點名號簿。毋任匿卷混出。十二年議准。順天鄉試中式第一百五十一名徐學時。二場試卷。因彌封官未經詳查人名籍貫。誤將徐學詩試卷彌封送騰。以致二場硃墨卷舛錯。業經中式。應將彌封官照例罰俸三月。主考官未經查對頭場起講。亦照疏忽例。罰俸三月。本生應毋庸議。○又議准。貴州鄉試舉人黃梓春。顧維亮。夏國培。張永清。二三場墨卷未拆彌封。比照彌封錯編字號例。由該撫查取該管官職名。送部照例議處。主考官同考俱未看出。亦照疏忽例。議處。○十八年議准。各省駐防生監。於本省鄉試編列旗字號。另類取中。入場時照順天鄉試例。另編坐號。毋令與民籍士子。互相攙混。○道光二年

諭。長旺等奏。順天鄉試彌封官主事陳震東。於編列紅號時。將同名同旗之官卷。彼此互編。請將該員交議

等語。戶部主事陳震東。著交部議處。○五年奏准。四川鄉試揭曉。拆號填榜。至取中第十一名用字九十九號之富順縣附生雷起元。第三場墨卷。與未經中式之用字一百號簡州增生黎慶熙。紅號交互錯印。以致硃卷兩相舛誤。經考官校閱。雷起元第三場文理字迹。與第一二場試卷相符。又查明黎慶熙第一二場硃卷。本未呈薦。所錯文卷。即時更正。仍將雷起元取中填榜。隨究明彌封官。委無別情。將書吏責革。開取彌封官職名。咨部議處。○六年奏准。貴州通省硃卷內。均於第二頁鈐用彌封官關防戳記。自第二頁以後。均未鈐用。彌封官照違令例。罰俸九月。○八年覆准。山東頭場點進士子。封門後。有士子八人。坐號重複。即用監試關防鈐蓋。並因號戳先已攪擾。餘騰空號。又須留為號軍棲宿。查出點名不到卷內坐號。用紫筆填寫。各令歸號。所有管印官職名。照例查取議處。○十三年議准。嗣後湖南鄉試。邊字號與田字號各生。隔別另編坐號。○十五年

諭。御史岳鎮南奏。請嚴禁科場積弊一摺。鄉會試為檢



才大典。糊名易書。立法極為周密。乾隆五十二年奏定。謄錄所防弊規條。責成知貢舉監臨隨時查察。理宜永遠遵行。以除弊竇。若如該御史所奏。近來科場多有包攬謄錄之人。場前議定記號。擇其書寫精工者。給銀修卷。甚至夾帶黑墨。代改詩文。於科名大有關係。不可不嚴加防範。嗣後鄉會試。著遵照舊章。責成知貢舉監臨實力奉行。嚴飭謄錄各所官員。加意查覈。但有夾帶黑墨。代改文字諸弊。立即嚴拏究辦。儻不認真查察。一經發覺。定將知貢舉監臨一併懲處。決不寬貸。○十七年

諭。前因鄉會試試卷繁多。彌封官四員。果否足敷辦理。並如何責成。知貢舉監臨等稽查酌定處分之處。降旨令軍機大臣會同該部議奏。茲據奏稱。科場定例。本極周詳。彌封一所。關係甚重。止在經理之得宜。不在人數之增設。至知貢舉監臨總理場務。例有稽查之責。向無處分。即該所官處分亦輕。請從重定議等語。嗣後鄉會試。仍照例用彌封官四員。即責成知貢舉監臨。擇其年力富強精明幹練者。先行派定。彌封。毋許與各所官掣籤。以昭慎重。並著知貢舉監臨隨時稽查。務令遵照定例。親自印號。不准假手書吏。其

有漏印條記。用印模糊。數與弊竇無關者。仍著照舊辦理。至錯印紅號。有關士子中式者。每卷該所官照遺漏外錯例。罰俸一年。知貢舉監臨失於查察。照疏忽例。罰俸三箇月。三卷以上。該所官降一級留任。知貢舉監臨罰俸九箇月。如查有情弊。立即嚴拏。儻知貢舉監臨不行參處。別經舉發。除該所官照例究治外。知貢舉監臨照徇情例。降二級調用。以上各處分。俱不准其抵銷。其外廉受卷。謄錄對讀收掌各所官。著一併責成。知貢舉監臨認真稽查。以歸畫一。○二十年奏准。本年會試。浙江和字三十號第二場。墨卷彌封處。真草裂斷。當經對讀官至彌封所。令將彌封拆對。詳查情節。尚無弊竇。惟不具文呈堂。公同拆對。實屬錯誤。至彌封所官。不查問明確。回堂辦理。違信一面之詞。率行拆封。亦有不合。均交部分別議處。○二十三年議准。向來發領落卷。止憑該生報名。查與紅號相符。即行給領。是否本名。無從查覈。應以領卷印票。繳驗為領落卷之符。並責成內外收掌官。將落卷逐一細查。以五十卷為一束。每箱共裝幾束。開列清單。送交提調官數對加封。派員領出。以昭慎

重。○又議准。謄錄官但有處分而無記功。不足以示勸懲。應將謄錄所官一次無過。咨部紀錄。二次三次無過。加一級。如有失察舞弊等情。咨部議處。監臨知貢舉。派定謄錄所官。即開列職名。知照禮部。以憑查考。○咸豐元年議准。會試進卷。均宜按省彙送。毋得分府零進。致有偏枯。○二年覆准。會試頭場。遺失硃卷一本。係山東年老舉人劉其相之卷。檢查該舉人墨卷。尚為合式。其頭場硃卷。內收掌官於填榜後遺失。雖無關弊實。究屬疏忽。所有內收掌官職名。開送吏部議處。○同治十一年議准。各省鄉試之卷。自彌封發謄錄對讀。必須分作多次。轉送內廉校閱。惟各省辦理不一。皆有偏倚之處。有以交卷之先後。為進卷之次第者。於是彌封所書吏妄為顛倒。有將受屬之卷。先行彌封之弊。有以府分之憲綱。為進卷之次第者。因而首府之卷占先。外府之卷居後。而後次所進之卷。遂多額滿見遺之憾。查會試與順天鄉試。向於場前分配旗分省分府分。作為四處。造具名冊。場中受卷。彌封謄錄對讀四所。按照名冊。分四處承辦。

無以交卷先後為進卷先後。及首府卷先進。外府卷後進之事。定章本極詳備。所有順天及各直省鄉試。由各監臨轉飭承辦各員。實力整頓。如書吏有故為顛倒挪移等弊。即從重懲辦。如該管官未經查出。別經發覺。即將該管官一併參辦。其外省從前如有以交卷先後為進卷先後。與以府分憲綱為進卷次第等事。一律改照會試與順天鄉試之例辦理。○十三年議准。彌封所官。關中硃墨卷面字號。俱從該所戳印。弊竇既多。防範宜密。故各所官均用籤掣定。彌封所則由知貢舉監臨量材授任。若但有處分而無記功。殊非鼓勵之道。嗣後照謄錄所官獎敘之例。一律辦理。○又議准。向來硃卷進畢後。外收掌官將頭二三場墨卷。歸成一套。以備填榜時檢取。即於此時。將二場默寫起講。查對頭場原卷。如有不符。可以立見。惟第三場與頭二場卷。除紅號外。別無校覈之法。錯誤往往在此。嗣後鄉會試第三場策問後。仿照二場之例。令士子默寫二場經文首藝。或小講。或起比。或中後半篇。聽考官臨時酌定。其硃卷亦一律謄寫於

科場稽覈之法。更為周密。○光緒六年議准。嗣後外簾進卷。除會試仍照向例。按省彙送外。所有順天及各直省鄉試。受卷畢。由監臨監試提調等官。親行掣籤。某府在先。即將某府試卷。編號發騰。先行送進。餘俱按照籤掣府分先後辦理。二三場試卷。即照頭場次序。毋庸再行掣籤。其順天鄉試。南北中皿號試卷。亦由監臨監試提調等官。將每皿試卷。酌分數束。公同掣籤。按照先後次第。編號發騰送閱。以歸畫一。至公堂進卷時。令每百卷為一束。分列號簿。開寫第一束第二束字。鈐蓋關防。賸有餘零。亦即封束。如法送閱。並將分卷事宜。仿照刊刻迴避章程式樣。刷單分給內外簾各官查照辦理。○十三年議准。對讀生三場無誤。原有鼓勵專條。對讀官有督率諸生之責。一有舛錯。處分隨之。嗣後三場無過者。比照騰錄所官。一體給予獎敘。

欽定大清會典事例卷三百四十七

禮部

貢舉 內簾閱卷

內簾閱卷。○順治二年定。主考與各房同坐一堂。隨分隨閱。隨取隨呈。去取權衡。專在主考。不得但憑房官薦閱。儻有執拗憤爭者。會同監臨提調指參。○十四年議准。闈中閱卷。停其公閱。公薦。每官分定硃卷若干。即於卷面上用某房印子。如某房有弊。即將本房官處分。○又定。鄉會試不准分房閱卷。投認師生。卷面亦不用某

房印子。令同經共閱。各列銜名。詳註批語。謹案

禮記始各增一官。春秋

以合不分房之例。○十五年定。場中墨筆添改。罪在主考。各降三級調用。藍筆添改。罪在同考。

查明何官筆迹。亦降三級調用。○十六年覆准。

司試各官分別三場。徧閱合訂。先錄其全瑜者。

若首場工而後場不稱。黜不與選。首場平通而

二三場辭理博雅。斷據詳明者。並與收錄。○十

七年議准。同考官止列職名。不必分註批語。其

列銜照品級為序。如有違式不列。及署名顛倒

者。責歸主考官。各降職一級。○又議准。房官闈

中作弊。許主考不時據實指參。或主考通同房官作弊。內許監試御史。外許該撫按不時糾參。其撫按所取簾官內。有關節賄賂敗露者。查明係某撫按取用。一併治罪。○又議准同考閱卷之時。同經各官。同堂公閱。不許私相商訂。不許別經同考干預。飲食寢宿。各歸房舍。不得恣論縱談。責成主考。嚴行申飭。如有故違。立刻扶出。具題參處。儻主考官徇庇不舉。該撫按體訪得實。一併題參。○康熙七年題准。正副主考官遺批取中字。同考官遺批公薦字。罰俸六月。○又覆准會試及順天鄉試。正副主考同考入闈。各歸本房。不許私訪聚談。至閱卷時。同考官各以薦卷置中間案上。御史驗明內無私通小帖。方送主考收閱。如有情弊。即行糾參。如同考內有暗通關節。而主考姑容取中。聽御史題參。若同考不將佳卷呈薦。或將荒謬之卷妄薦者。主考會同御史覈實題參。同考閱卷。佳者止用句圈。句點。不許密圍密點。御史驗明。送主考詳閱。照例註批。填榜之後。即行封鎖。其各房落卷。皆令同考官批出不中緣由。開榜後。禮部順天府出

示於十日內。令本生領取原卷閱看。不許藏匿勒索。如同考官妄抹佳文。本生即赴部具呈。驗實糾參。若本生文原不佳。妄行控告。除黜革外。仍交刑部照誣告例。從重治罪。○又議准考官私訪聚談。薦卷私通小帖。私帶硃墨入房。凡在場內目擊等項情弊。御史容隱。不指名題參。別經發覺。御史降二級調用。○十八年議准考官同考官閱卷之時。御史向上對坐。每晚停閱之時。檢明卷數入箱。考官與御史各加封鎖。次日公同開閱。不得私攜入房。違者糾參。○又定場中取中各卷。應房考官通行點定。其監筆未經點到者。各降一級調用。主考官不行覺察者。罰俸一年。中式硃卷上。應先填名次。後填姓名。墨卷面雖原有舉子姓名。亦應填寫名次。如硃卷有止填名次。不填姓名者。墨卷有因本生姓名在上。不填名次者。責在主考。各降一級調用。○又定課士之法。頭場為體後場為用。闈中閱卷。須立程限。計自分卷。以至撤棘。約可半月。以八日完前場。以七日完後場。信手繙閱。遇後場博雅通達。前場稍未純粹者。亦得兼收。○二十六

年覆准從來定例。三場卷內並無避諱考官名字之條。主考同考。每以試卷內犯考官名字。黜落佳卷。嗣後凡考官名字。不必避諱。五十年議准。各房考薦卷之外。主考並將餘卷徧加校閱。庶佳卷不致遺落。雍正元年議准。主考有按落卷之責。每因房官已經批抹。文字雖佳。不肯取中。恐磨勘時干礙房官處分。今照會試例。房官誤抹之佳文。主考按出。仍行取中。至於房官理應細心評閱。如文內字句隱僻。一時不能看出。以致塗抹。應寬免處分。若文理明顯。挾私

妄抹。仍照定例行。又議准。房官舊例。照額分中。各有定數。雖佳文甚多。不得增於額外。即甚少。亦必勉強足數。真才遺落。多出於此。嗣後惟儘佳卷取中。不得拘定房分。六年覆准。試官閱卷。必將後場試卷。盡行細加校閱。頭場經書。文藝固期純粹。而作判亦須將二死三流等律。引斷明確。作策亦須通達時務。切中利弊。首場雖佳。而二三場草率者。不得取中。若首場雖僅平通。而後場明確通達者。亦得取中。不得專重首場。忽略後場。如經磨勘。策判有勦襲雷同。將

主考房官一併題參。照文體不正例議處。七年議准。直省鄉試。分經取中。自有定額。如各房校閱之時。其佳卷多者。准其儘數呈薦。不得以本房額滿。屈抑英才。其實無佳卷者。亦不得濫取充額。主考官統閱通場之卷。拔其尤者。分經取中。不必限以每房額數。至取定之後。將呈薦佳卷多者。分給少者之房。其會試亦照此例。十三年覆准。主考衡文。務必三場並送。分閱分薦。三試皆合。而後取。儻主司遺棄佳卷。雷同惡濫。雜然並登。令九卿嚴加磨勘。主司舉子並行處分。乾隆元年

論國家制科取士。為主司者。務宜矢公矢慎。藻鑒不爽。以襄盛典。乃正副考官。容有各任己見。不能和衷。去取之間。互相爭執。遂有庸格而濫充中額。佳文而反遭擯棄。夫衡文之道。公則生明。似此各懷成見。各挾私意。已失鑑空衡平之義。更何以表率房考。使之虛心甄別。銖兩悉稱乎。且分校者。取舍未當。尚藉主考按閱落卷。以補缺失。至於主考剛愎自用。致使去取不得其平。各將誰歸。茲當鄉試。伊邇。凡有衡文之責者。各宜一洗積習。無負任使。至於三場取士。斟酌華

實定制已為盡善。士子若果知古知今，二三場儘足發抒才調。至頭場經義，本代聖賢以立言，自當循循矩矱。先民是程，非四子六經濂洛關閩之粹言，不可闡入。前蒙

皇考世宗憲皇帝特降諭旨，以清真雅正為主，誠以膚浮者非有物之言，而詭異者非立誠之旨。文品人品，恆相表裏，雅鄭之分，淄澠之辨，不可不精也。司衡者，尤宜留心區擇，以得真才實學之士。朕實有厚望焉。○三年覆准考試各官，凡歲科兩試，以及鄉會衡文，務取清真雅正，法不詭於先型，辭不背於

經義者，擬置前茅。以為多士程式。如有好為怪異，於題意毫無發明，但鈔錄子書中人不經見之語，以妄希詭遇者，概置勿錄。儻試官仍有濫收等弊，經磨勘官查出，即行據實叅處，並將所取之人，分別議處。其磨勘各官，亦應照例嚴加校閱，毋得稍有瞻徇。○又議准順天鄉試詩經五房卷數甚多，難以徧閱，應於禮記房撥入詩經一二百卷，令其兼閱。○六年

諭從前給事中朱鳳英奏請順天鄉試同考官照會試分省迴避之例，北籍止閱南卷，南籍止閱北卷。該部

以房考南北籍人數不一，分閱之卷，多寡不齊，難以均派。未議准行。蓋部議止將南北二四較論，固難分派。若將通場滿漢生員貢監各卷併數，覈算自無不均之慮。且立法必期無間，而防範不嫌過周。與其留滲漏以滋弊端，無寧嚴界限以絕物議。嗣後順天鄉試同考官，南省人概令迴避南四卷，北省人概令迴避北四卷。邊省人概令迴避中四卷。滿洲漢軍概令迴避滿字合字卷。如此分別，可以清弊竇而息浮議，亦防微杜漸之道也。○七年議准各房官閱卷呈薦，每因卷數繁多，為日無幾，恐佳卷遺漏，致招物

議，輒於中額已滿之後，將未經呈薦者，添用薦字圖記，以掩人耳目。甚非實心辦事之道。此皆因房官薦卷圖記，向係自行印用，以致任意增添，漫無稽察。嗣後各房官薦卷圖記，一併交內廉監試御史收掌，即於驗明登號時，代為印用。庶稽察更為周密。○九年

諭吳煒奏順天鄉試南人看北卷，北人看南卷，則南人無所展其長，北人不能勝其任等語。向來順天試卷，原未定有分閱之例。後因臣工條奏，恐有弊端，是以飭令南北各自迴避。但思文字短長，南北原有微別，

且房考南人多而北人少。士子則北卷少而南卷多。人多而閱卷少。未免閒曠。人少而閱卷多。又患其不精。且主考全閱通場。房官即有營私之處。主考豈肯任其蒙混。則作弊之源不在十此。自可毋庸膠柱鼓瑟。其順天鄉試閱卷之處。著仍照舊例。○又

諭科場大典為人才所由出。關係甚重。我

皇考加意整飭。今科場之弊。雖覺漸清。而因循日久。外場弊竇多端。尚有不可枚舉者。即如懷挾一事情人。代作文字。夾帶入場。主司憑文取中。無從知非己出。傲幸弋獲。相習成風。則是讀書作文。皆可不用。立身

行己。皆不可問。何以名為士子。何由得見真才。而國家賓興鉅典。竟成虛設矣。朕已嚴飭所司。於今年科場實力稽察。毋得虛應故事。而凡為士子者。亦宜返心自省。以讀書之本業。進身之階梯。而不務研求於平日。惟思竄取於他人。詭詐潛藏。行同盜賊。此等之人。尚何望其莅官分職。為國為民。清夜自思。得不深自愧赧乎。至於內簾職司文字。雖暗通關節之弊。近日未有所聞。然衡鑒罕能精當。文風未見振起。且專意頭場。而不重後場。頭場之中。又專意四書。而不重經文。夫設科之始。定有經義論表判策者。經所以考

其根柢。論所以試其識見。表所以覘其淹洽。判所以觀其斷制。策所以驗其經濟。事事皆切於士人之實用。而不可偏廢。夫然後明通淹雅之儒。經綸幹濟之士。庶幾出於科目之中。為國家臂指之用也。今表文率多雷同。竟為南北通病。在北人於聲律素所未協。尚應稍寬其限。令其加意學習。至於南人本屬易能。而不肯盡力。勦襲相沿。豈可任其暴棄。自今以後。司文衡者。務思設立三場之本意。於經義表判策論。逐一詳加校閱。以定去取。毋得軒輊其閒。俾傲幸之徒。無從獲售。若尚積習相沿。儻經九卿磨勘。或科道指參。或被朕查出。將主司與房官從重議處。如是則雖未能奏效於旦夕。而數科之後。趨向自定。實學共勉。真才可得。於國家設科取士之事。庶有裨益矣。將此永著為令。○二十二年

諭會試第二場表文。昨經降旨改試唐律。托揚風雅。本士人所當留意。且五言八韻成篇。尚不甚難。但念邊方北省。聲律未諧。驟押官韻。恐不能合。有司程式。可諭主考及分校各官。今科各就省分酌量節取。不必繩以一律。至下科會試時。則三年之功。自宜研熟。不妨嚴去取矣。○二十五年

諭鄉會磨勘試卷。蓋以防弊竇。正文風所關。甚重。前經降旨。飭部定議。實力奉行。司事者勸懲既明。持衡者去取自慎。其有剽竊支離。穿鑿險僻。希心詭遇之士。諒不敢濫登選格。自取糾彈。第矯枉無取。失中而掄才。務崇大體。經義之制。原以見理明通。措詞爾雅。為正。果能理明詞達。有大醇而無小疵。固稱上選。若其學識才情。大端確有可取。即一二字句失檢。無妨棄瑕採錄。蓋風檐寸晷中。一日校藝。即在學問優通者。亦不能必無疵類。要不足為全璧之玷也。為考官者。儻意在求免吏議。因而吹求擯棄。轉謂平庸膚淺之文。似是而非。無可指摘。遂致燕石冒玉。魚目混珠。則所云救弊適以滋弊。殊非慎重磨勘本意。况定例疵蒙謬類一條。與不諳禁例等款。迥別。是以所得處分。在舉子不過停科。在考官不過罰俸。使懲羹吹齋。而於文體真偽所繫。概置弗論。又何以杜弋獲而示正。鵠耶。嗣後典試諸臣。務擇清真雅正文義。兼優之作。為多士準繩。不得因磨勘周詳。反以庸才空責。更不得因有此旨。遂藉口瑕瑜不掩。以致怠忽從事。負朕崇實黜浮至意。又議准。嗣後嚴飭考官。細心察勘。不得以二場經藝為具文。如有經旨荒疏。勒襲

膚淺者。即其餘皆有可觀。亦不得濫行取中。儻經磨勘官指出。考官及本生一體照例參處。又議准。科場條例。原無房首名色。果少佳卷。自可通融撥補。近來每房必取中一名。置之前列。謂之房首。未盡允當。嗣後鄉會試。惟憑三場文藝。校其高下。以定名次。毋庸拘泥房首名色。又議准。山西鄉試。掌卷官將頭場文字分給各房外。至二三場。惟將頭場硃卷字號。已經呈薦者。揀發其餘。並不發給。殊屬非是。嗣後各省俱照順天鄉試及會試例。令掌卷官將二三場硃卷。概行分給各房。以昭慎重。又議准。闈中取舍權衡。全在主考。不特薦卷當細心察勘。即未薦之卷。亦當廣為按羅。按出之卷。交本房詳閱。儻本房始終固執。已見不用薦條。正副主考公同覈定。實係應中之卷。仍將取中緣由。於卷內批明。試卷解部時。磨勘官秉公評定。如本不當中。專責主考。儻係房考執拗。即將該房考照例嚴加議處。三十一年。奏准。房官薦條。關繫甚重。應令內監試官隨時戳印。方許呈送主考。不得於撥房既定後補印。以致忙錯。三十二年



議覆鄉會試內簾分卷原應監試御史眼同內收掌於進卷時隨到隨發當堂分給各房官若內收掌不於當堂分撥及揀派失均或有攜回私室隔宿分散等事該監試即可立時糾參。又議准順天鄉試及會試內簾進卷之時俱令內監試官及內收掌官當堂眼同均派即時各登號簿查覈以便稽察。三十三年

諭前曾降旨令順天鄉試同考官南省人迴避南四卷北省人迴避北四卷邊省人迴避中四卷滿洲漢軍迴避滿字合字卷所以防弊竇而慎揀才顧行之未

久旋經條奏停止今御史王猷奏請順天鄉試房考閱卷仍應迴避所見甚是南北中四雖總數省合編究之本籍人多或同鄉戚友適分入本房難保無暗為照應之事况鄉會試事同一例會試房考既迴避本省鄉試何獨不當迴避乎取士大典所關綦重不可不杜漸防微以遠嫌疑而夫公明於考官士子均為有益嗣後順天鄉試仍照乾隆六年所降諭旨行著為令。又議准嗣後令各房考一體掣籤分束校閱毋得仍沿舊習更立領房名色。又覆准內簾正副主考遵照定例將落卷儘數按閱其有

無取中於奏報試竣摺內聲明。三十四年奉旨嗣後遇有會試後應行酌取中書等卷仍著同考各官在闈隨同正副考官分校錄取以昭慎重。四十年

諭御史孟邵奏會試磨勘籤出應議之許士煌一卷原係詩三房呈薦經主考取中撥入詩四房固應照例議處其原薦之房考轉得置身局外似覺偏枯請敕部釐定處分一摺朕初閱之以其言為近理及召見軍機大臣詢以此事據奏向例撥房之卷原儘受撥之房考覆閱必其文果當意方取交內監試改用薦

條如閱有疵類不願受撥主考官亦不能相強等語改撥之卷既由受撥房考閱定方換薦條即與本房呈薦無異且聽其自擇並非主考抑勒無虞滋弊至受撥之後即認該房考為房師與原薦之房考無涉則功過皆當任之遇有處分乃所應得更不能謂之偏枯是此事惟在各房考慎之於始毋以貪得門生率意濫受自致輕重處分孟邵此奏不必行。又議准凡係撥房之卷應改用撥歸之房薦條不准一卷兩薦並列銜名嗣後應令如式妥辦毋致參差。四十二年

諭向例鄉會試同考官分經閱卷易詩書三經卷分三四五房春秋禮記卷止分一二房以一二三人專閱一經則暗藏關節易於識認立法不能無弊况各經卷多者一房閱至數百卷甚且多至千卷其卷少者一房止閱一二百卷校閱多寡亦太覺懸殊辦理未為盡善各省主考既以一人兼閱五經卷則房考官同係科甲出身諒無不能閱看他經之理著自乾隆丁酉科為始鄉會同考試官俱不必拘泥五經分房如房官十人試卷五千本則每房各閱五百本均勻分派其每經分中卷數仍照原額如此各房通看即欲呈送關節勢不能徧送多人於防範更為周密而各房考均勻派閱亦不慮多寡相懸致滋草率之弊○又議准現在奉有各房閱卷不必分經之諭旨應再定以掣籤分卷之例先令至公堂監臨知貢舉等官於每次進試卷時照房考十八員之數將試卷分為十八束分別登簿即用籤開寫第一束第二束等字樣鈐蓋監臨知貢舉關防送進內簾考試大臣眼同滿漢御史及收掌官先將第幾房掣籤次將試卷第幾束掣籤當堂分給仍填號登簿以便稽覈其二三場試卷即照

頭場號簿辦理至各省鄉試內簾並照此掣籤分給以昭畫一○又議准順天鄉試卷有滿合南北中四字之分房考有旗員南北中籍貫之別每科試卷數滿字合字夾字旦字及中四北四約一千七八百至二千餘應分為南籍房考應掣之束南四卷約九百至一千餘應分為北籍房考應掣之束旗員及邊省人員併入北籍覈計將此項卷儘數酌分十八束其貝字號卷約五千餘除直隸房考迴避外餘俱可閱將此項卷亦酌分十八束掣籤分閱二三場卷歸第一場掣定之房考閱看至公堂按滿合南北中四貝夾旦等字分束概送內簾令查號簿辦理再會試按省分額房考閱卷向止迴避本省今應照鄉試覈辦就上兩科各省卷數及中額多寡勻派並查房考迴避省分酌分兩項其迴避員數稍多者卷分十束少者分八束每束約二百以外知貢舉將某省若干卷寫明封送內簾主考官同內監試按房考迴避省分員數查對卷數掣籤二三場辦理與鄉試同○四十三年議准直隸等省鹵字號卷應令與該商同籍之

考官迴避。該督撫將各省商籍列入鹵字號。豫期查明應試者原籍何省。臨場行令內簾迴避。○又奏准同考官評閱硃卷。近科改用紫筆。惟向例同考用藍筆。主考用墨筆。自乾隆三十六年。將內外簾所用藍筆。悉行改易。因將同考官閱卷改用紫筆。紫色稍淡。即易與硃相混。難保其不滋生弊端。嗣後同考閱卷。應照舊用藍筆。其內收掌及書吏。並當一體更正。惟內簾監試御史仍用紫筆。○四十五年議准會試房考應行迴避之卷。仍行舊例。止令迴避本省。所有試卷。仍由至公堂均分十八束。陸續送進內簾。公同掣籤公閱。不必分為兩項。如所分束內。適值本省卷應迴避者。令主考酌量改派。換房分閱。於分卷章程。尤為簡易周密。再鄉會試事同一例。所有順天鄉試。滿合字號。及南北中四等。應行迴避之處。亦照此畫一辦理。○四十七年奏准鄉會試頭場論內易藏關節。嗣後應移置二場。經文後。將二場排律詩移置頭場。制藝後。主考同考等官於頭場卷閱薦畢。始分閱二三場卷。既閱二三場卷。即不得復薦頭場。○四十八

年

諭鄉會試派出主考房官。秉公閱看試卷。由內監試按照卷數。分為十八束。籤派各房閱看。此定例也。各房官誠能細心檢閱。夫公矢慎。閱薦之後。聽主考取中。自可甄拔真才。即有一二不肖房官。欲通關節。設其人不在所分卷數之內。亦無從作弊。近聞闈中房考於閱卷時。竟有互相披閱之事。如此則彼此通同。其流弊何所底止。嗣後房官於分卷後。止准各就所分之卷。悉心校閱。不得互相抽看。著主考官並內簾監試御史時加查覈。如有仍踵前轍者。指名參奏。毋稍瞻徇。○又議准房官閱卷。每日看畢。交內收掌眼同內監試。包封堂上。如有私帶入室者。主考會同內監試指名參奏。○又議准各房官於頭場閱薦既畢。即將二三場通行細閱。如實有出色佳卷。仍准補薦頭場。聽主考酌量取中。若頭場制藝疵類過甚。即二三場間有可採。亦不准取中。○五十一年

諭朕恭閱

皇祖聖祖仁皇帝實錄。其時主考學政。往往有蕩檢踰閑。交通關節。賄賣生童之事。俱經身罹重辟。雍正年

聞俞鴻圖復效尤舞弊。賊私累累我。

皇考將伊立行正法。以昭炯戒。乾隆年間。山西學政喀爾欽有賄賣生童之案。順天鄉試蔡時田有交通關節之案。亦俱盡法懲治。自此人知畏懼。迄今數十餘年。從無有似此亂法之事。國家設科取士。期於虛心秉鑑。慎重掄才。主考學政。簡任衡文。果能砥礪廉隅。矢公矢慎。為國家鑒拔真才。不致貪黷敗檢。干犯憲典。固屬甚善。但恐日久因循。其中或有見利忘義之徒。故智復萌。不自檢束者。亦未可定。且主試衡文者。本無多人。除簡用試差外。其得與分校之員。可揣摩而得。夤緣奔競。勢所不免。惟在該員潔清共矢。不致自貽伊戚。本年鄉試屆期。各省學政。亦例應更換。著通行飭諭。凡得膺衡文之責者。當念為國樹人之義。秉公取士。同深敬懼。時時觸目。儆心。不負任使。以前事為鑒。儻有仍蹈故轍。以身試法者。一經發覺。憲典具在。斷不肯姑為寬貸。毋謂朕言之不豫也。○五十二年。奏准各生於二場摘默頭場之文。考官於填榜前。先將中卷比對。如互異在十數字以內。文藝不甚相懸者。仍可取中。至歧誤過多優劣迥別者。概不准取中。○五十四年。

諭昨召見侍郎鐵保。詢以本年會試闈內閱卷情形。據

奏此次中式各卷內。同考官未經呈薦。經正副考官按閱落卷。因而取中者甚多。中定之後。始發交同考官補用薦條。殊屬非是。鄉會試設有正副考官及同考官。原恐一二人衡鑒未能允當。是以必待覆加甄閱。以昭慎重。且使彼此互相防範。難以舞弊徇私。既云落卷。則同考官初閱時。自必以其文不佳。或詞句中實有疵類。是以未薦。迨經正副考官按出後。同考官亦應將其所以不薦之故。籤出相商。或疵類尚小。瑕不掩瑜。方可取錄。何得一經正副考官按出。取中。即為補用薦條。似此隨同阿附。不特相率為偽。甚至通同一氣。徇情作弊。何不可為。殊非公明甄錄之道。况如此辦理。即設正副考官足矣。又安用同考官為耶。向來同考官閱卷時。於指出疵類處所。僅自登記。不准於卷上批寫。所以正副考官按出。取中後。得以授意同考官。將從前批壞之語。掣去。補用薦條。遂爾泯然無迹。此係歷來場中之弊。朕今始知。嗣後應令同考官於閱卷時。即將詩文優劣。所以薦與不薦之故。均在卷內註明。其正副考官於原中暨按出取中者。亦應將取中之故。批註卷上。俱交磨勘官秉公覆

閱具奏候朕親定。庶得中者知其公。不中者亦無可怨。蓋人之衡鑒。原不能毫釐無爽。然於可上可下之卷。一時不能鑒別。尚屬事之所有。若以佳者為劣。及以劣者為佳。非任意屈抑。即屬有意營私。是非顛倒。一經磨勘。或科道執其卷。以糾參情弊。顯然如弊在同考官。則應治同考官之罪。如弊在正副考官。則應治正副考官之罪。不能仍前隨意附和。徒滋外間橫議。又據鐵保奏。此次取中之第二名。即係王杰。按出第三名。即係鐵保。按出更屬非是。同考官共有十八人。學問豈盡平庸。其所取之卷。又豈盡不如王杰。鐵保所按之卷。乃必以正副考官二人所按之卷。拔置前茅。若曰無弊。其誰信之。朕臨御五十餘年。辦理庶務。無不兼聽並觀。折衷至當。從不膠執己見。乃王杰鐵保於掄才大典。不能虛衷商榷。惟以師心自用。無怪士子等之退有後言也。總之落卷不按。則權在同考官。弊實易生。自應准正副考官將落卷嚴行按閱。以免遺珠。但按中之卷。亦止准列於五十名以後。不得濫廁前列。所有此次按中之第二第三名。俱著改列五十名以後。並將此旨恭錄刊刻。懸貼於各直省闈場內外。俾考官觸目儆心。而應試士子等。亦得傳

觀。咸喻朕掄別真材。鑑空衡平之至意。○五十五年。奏准三場對策。固以淵博為長。尤必與頭場合校。頭場明通。始可兼錄。嗣後以三場取中者。令主考將合校頭場之處。批明卷內。聽候磨勘。仍不得叨列前茅。以防冒濫。○五十七年。覆勘大臣奏。本年鄉試之卷。除陝西湖北湖南外。其順天等八省。有正副考官共一批語。及同考官未註批語者。皆辦理疏忽。請將該考官及內簾監試官交部議處。奉

旨。前因鄉會試同考官閱卷時。於指出疵類處所。僅自登記。不於卷上批寫。易致弊竇。曾降旨令同考官將詩文優劣。均在卷內註明。其正副考官於原中暨按出取中者。亦應將取中之故。批註並令禮部通行各直省。將此旨懸示至公堂。俾各知所遵循。今順天等八省。正副考官同考官及內簾監試。並未敬謹閱看。前旨。遵照辦理。疏忽之咎。實所難辭。本應予以議處。但念此次初定章程。奉行伊始。考官等或未盡明晰。以致各省辦理參差。彼此不能畫一。且應議考官及內簾監試。共有八省。人數未免較多。著加恩此次姑從寬免議。嗣後各直省正副考官及同考官。於取中

之卷皆當細看至公堂之旨務須各自加批毋得仍前疏忽如再有遺漏必將該員等照例議處不能再邀寬宥並著將此旨與前旨一同懸挂各直省至公堂上明白曉諭。五十八年

諭向來順天鄉試及禮部會試同考官分別十八房校閱時自應各就所分之卷盡心詳閱呈薦原不得彼此互看致生弊端並將本省應行迴避之卷扣除自屬可行至於正副考官係朕特派大臣必當將各房呈薦之卷悉行批閱彼此意見相同方能取中何得亦同房考之例各人分看且正副考官將本省之卷迴避不閱則外閒舉子更可豫擬某主考分看某省轉致揣度鑽營是防弊而適以致弊况各房考呈薦之卷至多亦不過四五百本主考三人在閱一月之久而何難逐卷共相品評以期棄取允當乎此次會試考官分省閱卷殊屬非是姑念相沿舊習不加深究嗣後順天鄉試及會試正副考官務將各房呈薦之卷公同批閱庶不至以一人意見遽為定評以致佳卷黜落而平庸者倖取若考官等經此次訓諭之後儻敢有仍前分閱之弊或經監試科道糾參必將該考官重治其罪決不寬貸。又

諭國家設科取士原期甄拔真才以為多士楷模豈容

文理平庸者倖邀入彀以致魚目混珠轉使真才擯斥雖歷來主試衡文亦間有目迷五色棄取未能悉當者然每科磨勘及近年舉行覆試其摘出文字疵類罰令停科亦不過數卷從未有如此次之多者茲閱吏部議處本內主考劉墉鐵保吳省欽各按舉子停科名數竟至罰俸十餘年而房官降級罰俸亦有十餘人實為開科以來所未有之事即將該員等重治其罪亦所應得姑念伊等止係校閱失當尚無別項情弊著從寬照部議完結但科場大典衡文者如此草率僅予降留罰俸不足蔽辜劉墉等著嚴行申飭嗣後考官等務當恪遵前降諭旨將各房考呈薦之卷公同盡心詳閱毋許分省校看以一人意見遽為定評若經此次格外加恩諄諄訓諭之後尚敢粗心從事棄取不公經覆試黜落多人必將考官等加倍治罪決不再為寬貸。嘉慶四年覆准廣西省同考官誤用紫筆應將房官並內簾監試官均照外錯例罰俸一年。五年議奏闈中試卷逐日分房閱看之後或薦或落已有一定無須積留房官處恐啟彼此互查之弊嗣後各房每日將

閱過若干卷。分註薦卷。統交監試御史收存。主考按閱時。由監試交送。則主考得以從容繙閱。而房官亦可無爭執之嫌。奉

旨。主考按閱落卷。亦係現行事例。所有議令各房考落卷。由監試御史交送一節。著禮部載入科場條例。

又議准。士子制藝。其瑕瑜不掩者。自必詳加校閱。方為定衡。若粗鄙俗陋之卷。業將疵謬處所。摘出。豈須通體點閱。始定優劣。至平庸膚淺之文。雖無大謬。亦無出色者。不過加以總批。已足見其不中之故。若必逐字逐句。撫其瑕類。轉繁

瑣而不能切中。况發領落卷之後。如果房官妄抹佳文。原准士子赴部呈控。查明糾參。其有房考於閱卷時。意存規避。及迎合主考。故不實加批詞等事。內監試亦可隨時參奏。定例。基嚴。已足防弊。若但以偶漏批詞。及點閱不完。概准士子許告。將房官議處。則落第之人。轉得藉端橫議。挾制考官。其風更不可長。而房官於必不中式之卷。碌碌點閱數百本。亦轉妨閱卷之功。於考校更無裨益。○八年奏准。嗣後二場默寫頭場詩文。互異在十字以內者。方予免議。○十年

諭據給事中汪鏞奏稱。鄉會試閱卷。必先閱頭場文藝。再校二三場經文五策。俱各勻稱。方可取錄。伊於嘉慶四年。曾充同考官。閱三場策卷。後面先有墨筆記註。圓尖圈點。實屬違例。茲當會試之期。恐襲前轍。主試先閱三場試卷。既習有成見。同考官或藉以迎合。致開倖進。請旨飭令總裁官遵照成例。先閱頭場薦卷。再閱後場。以定去取。不得將三場試策。豫為記注。以防流弊等語。所奏甚是。鄉會試三場。並設經文策對。原與制藝並重。然必須先閱頭場文藝。擇其清真雅正合格者。再合校二三場。取經文之賅洽。策對之詳明。自能鑑拔通才。即三場試卷。亦必應俱令同考官先行校閱。遴選薦備。然後正副考官再行覆校。並按查遺卷。如果同考官校閱不公。致令真才屈抑。原許考官等指實劾參。若試卷未經房考分校。以前考官輒先行披揀。分別記註。殊非遠嫌之道。且主試官先有成見。以為取舍。亦何以服眾士子之心乎。嗣後著考試官恪遵定例。先閱頭場。後閱二三場。先校薦卷。後按落卷。務宜恪秉虛心。以冀廣收俊乂。所有此次會試。即著禮部將此旨恭錄一道。交知貢舉傳諭總裁官知之。○十二年議准。二場試卷。因彌封官未

詳查人名籍貫。誤將他人試卷。彌封送騰。以致二場硃墨卷舛錯。業經中式者。彌封官照例罰俸三月。主考官未經查對頭場起講。亦照疏忽例罰俸三月。○道光二年

諭同考官薦卷順天鄉試及會試。向不加批。取中後始補加薦批。亦恐啟草率遷就之弊。嗣後並著分校各員。於呈薦之卷。將所以應薦之故。黏籤加批。聽主考官酌定去留。俟取中後。仍於卷內註明。以昭覈實。○十二年

諭三載賓興為掄才大典。各直省主試。經朕特加簡任。宜何如滌慮洗心。認真校閱。務求為國得人。順天同考官及會試同考官。俱係翰詹科道部屬。該員等甲第本高。又經朕親加校試。尚無荒謬之人充選。所以得人較盛。各直省同考官。則年老舉人居多。勢不能振作精神。悉心閱卷。即有近科進士。亦不免經手簿書錢穀。文理日就荒蕪。各省督撫。雖照例考試。簾官仍恐視為具文。全恃主試校閱落卷。庶可嚴去取。而拔真才。士子握槩懷鉛。三年大比。一經屈抑。又須三年考試。或竟有終身淪棄者。豈不可惜。該主試俱係科甲出身。試回思未第之先。芸窗誦讀。與多士何異。

若止就薦卷照常挑選。而於落卷漠不關情。設身處地於心何忍。嗣後各直省督撫。務將簾官認真考校。不得以年老荒謬之員。濫行充數。其典試各員。必須將闈中試卷。全行校閱。不得僅就薦卷取中。方為不負委任。現屆簡放雲南貴州考官之時。剴切詳明。特申誥誡。儻各省正副考官。草率從事。一經朕別有訪聞。即將該主試嚴懲不貸。○咸豐元年。奏准由大興宛平籍貫出仕者。在京行文各衙門。在外行文各直省。令該員等呈明原籍咨報吏部。將來蒞官衡文時。均一體迴避。○五年議准。落卷點句錯誤。比照中式試卷圈點錯句。同考官罰俸一年。例將該考官罰俸一年。○同治元年

諭禮部奏遵議給事中吳焯條陳造就真才。悉歸實學。請於鄉會試責成考官。覈取真才。並出題不得割裂各等語。我朝制藝。取士人才輩出。奉行既久。不免有空疏剽竊之弊。亟須崇尚實學。力挽頹風。著照該部所議。嗣後鄉會試責成考官。詳加校閱頭場四書文。以清真雅正為宗。二場經文。取其有關實義者。若敷衍成文。概棄弗錄。三場策問。以經史與時事分問。使貫串古今。通達治體者。得以敷陳政事。得失利弊。以



及籌餉用兵之道。其言果有可採。不必責以忌避。亦不得繩以小疵。庶於由舊之中。仍寓責實之意。○十一年

諭。闈中校閱文藝。本應三場並重。不得專重第一場。此後中外臣工。凡與衡文之任者。務當逐場衡校。冀拔真才。毋許草率從事。用副朝廷。籲求賢俊至意。○十三年議准。嗣後鄉會試第三場策問後。即仿照二場之例。令士子默寫經文首藝。或小講。或起比。或中後半篇聽考官臨時酌定。照例於填榜前。先將中卷覈對。如互異在十字以內。文藝不甚懸殊者。仍可取中。如歧誤過多。優劣迥別者。概不取中。○光緒六年議准。嗣後鄉會試內簾分卷。由主考監試收掌等官。查明房考若干員。除應行迴避各員不計外。將試卷每束拆開。挨次順攤。每房一卷。周而復始。不得連卷分給。一房。俟攤派完竣。再行掣籤。當堂分閱。仍填號登簿。以便稽覈。二三場試卷。即按照頭場號簿辦理。鄉試官卷。及會試試卷。均照此勻攤。掣籤分給。○七年覆准。嗣後各省鄉試。所有頭二三場。均須在堂公閱。並不得於頭場閱畢。徑行撤堂。

會試閱卷一體照辦。○又議准。嗣後各同考官於所分之卷。務通行詳閱。不得草率從事。以致屈抑人才。主考官尤當合各房所薦之卷。以較優劣。並不得因卷數儘數取中。遂將後來呈薦之卷。疏於衡校。○十三年覆准。嗣後順天鄉試。生監中有報考算學者。不分滿合貝皿等字號。統於硃卷面加印算學字樣。由外簾另為一束。封送內簾校閱。但文理清通。即為合式。如並無清通之卷。任缺無濫。

欽定大清會典事例卷三百四十八

禮部

貢舉 鄉試中額一

鄉試中額。順治二年題准。順天中式一百六十八名。內直隸生員員字號一百十五名。北監生四字號四十八名。宣鎮旦字號三名。遼學奉天府學夾字號二名。江南中式一百六十三名。內南監生四字號三十八名。浙江中式一百七十七名。江西中式一百十三名。湖廣中式一百六十六名。福建中式一百五十五名。河南中式九十四名。山東中式九十名。廣東中式八十六名。四川中式八十四名。山西中式七十九名。陝西中式七十九名。內甯夏丁字號二名。甘肅聿字號二名。廣西中式六十名。雲南中式五十四名。貴州中式四十名。又定。南國子監既經裁汰。應將監生中額歸入國子監。共八十六名。增江南中額二十名。又定。京省各經中額。順天易經四十九名。詩經六十名。書經三十六名。春秋十五名。禮記十一名。山東易經二十三名。詩經三十五名。書經二十名。春秋六名。禮記六名。山西易經二十

一名。詩經二十七名。書經十八名。春秋六名。禮記六名。又春秋禮記共加一名。閩二經卷之優者定之。河南易經二十八名。詩經三十四名。書經十七名。春秋八名。禮記七名。陝西易經二十名。詩經二十七名。書經二十名。春秋五名。禮記六名。又春秋禮記共加一名。閩二經卷之優者定之。江南易經五十四名。詩經五十三名。書經三十五名。春秋十一名。禮記十名。浙江易經三十九名。詩經二十九名。書經二十二名。春秋九名。禮記八名。江西易經四十名。詩經三十二名。書經二十九名。春秋六名。禮記五名。又春秋禮記共加一名。閩二經卷之優者定之。福建易經三十四名。詩經三十五名。書經二十一。春秋八名。禮記七名。湖廣易經三十一名。詩經四十一名。書經十九名。春秋七名。禮記八名。又春秋禮記共加一名。閩二經卷之優者定之。四川易經二十一。詩經三十名。書經二十名。春秋六名。禮記六名。又春秋禮記共加一名。閩二經卷之優者定之。廣東易經二十三名。詩經三十六名。書經十五名。春秋六名。禮記六名。廣西易經十

五名。詩經十八名。書經十七名。春秋五名。禮記五名。貴州易經十名。詩經十二名。書經九名。春秋五名。禮記四名。雲南易經十六名。詩經十八名。書經十一名。春秋五名。禮記四名。此內春秋禮記二孤經人數若少。或不足額。仍仿往例。看某經卷多。則加某經。○又定。直省鄉試春。有文理優長。限於額數者。取作副榜。與正榜同發。○五年定。遠學生員。額中舉人三名。○八年

恩詔。順天。江南。浙江。江西。福建。湖廣。加中十五名。內易

經四名。詩經五名。書經三名。春秋二名。禮記一

名。山東。山西。河南。陝西。廣東。四川。加十名。內易經三名。詩經三名。書經二名。春秋禮記各一名。廣西。加五名。內易經一名。詩經二名。書經一名。春秋禮記共一名。於二經卷內優者取之。仍裁江南續增中額二十名。○又題准。滿洲蒙古漢軍生員鄉試。於順天舉人定額外。取中滿洲五十名。蒙古二十名。漢軍五十名。○九年。

世祖章皇帝視學。加順天鄉試監生中額十五名。○十一年

恩詔。順天鄉試加中十名。內易經詩經各三名。書經二

名。春秋禮記各一名。江南。江西。福建。浙江。湖廣。加中七名。內易經詩經各二名。書經春秋禮記各一名。山東。山西。河南。陝西。廣東。四川。加中五名。內易經一名。詩經二名。書經一名。春秋禮記共一名。○又設立直隸。江南。浙江。山東。山西。陝西。六省商學。○十三年。減定鄉試中額。滿洲中四十名。蒙古十五名。漢軍四十名。○又題准。鄉試副榜生員。照各省大小量加名數。送監充監生。漢軍五名。順天二十名。江南十二名。江西十一名。浙江。福建。湖廣。各十名。山東。河南。各九名。

山西。陝西。四川。廣東。各八名。廣西六名。其送監副榜。悉以前列名數起送。其副榜前列。以文字優長為主。不拘經房。仍將送監硃墨卷。一併解部磨勘。如有冒濫文字不通者。將考官一例糾參。○十四年。停止八旗考試。○又題准。監生中額。照南北分卷。直隸八府。延慶保安二州。遼東。宣府。山東。山西。河南。陝西。四川。廣西。編北。四字號。江南。浙江。江西。福建。湖廣。廣東。編南。四字號。照應試生多寡數目。分定中額。○又題准。山東孔顏曾孟四氏子弟試卷。仍同編耳字號。文優

者取中二名。○十七年題准。鄉試照舊額減半。順天一百五名。內員字號五十八名。南北四字號四十三名。旦字號二名。夾字號二名。江南六十三名。浙江五十四名。江西五十七名。福建湖廣各五十三名。河南四十七名。山東四十六名。內耳字號二名。廣東四十三名。四川四十二名。山西陝西各四十名。內陝西丁字聿字號各中一名。廣西三十名。貴州二十名。雲南初定。首舉鄉試。照舊額取中。○康熙元年題准。鄉試停止取中副榜。○二年題准。雲南鄉試。照例減半。中

二十七名。○八年。

聖祖仁皇帝視學。加順天鄉試監生中額八名。○又奉恩詔。順天。江南。浙江。江西。福建。湖廣。加中十名。各經加中。如順治十一年順天例。山東。山西。河南。陝西。四川。廣東。加中七名。內易詩書各二名。春秋禮記各一名。廣西。雲南。貴州。加中三名。內易詩書各一名。書春秋禮記各一名。奉天府。夾字號。加中一名。○又題准。八旗復行鄉試。滿洲。蒙古。編滿字號。取中十名。漢軍編合字號。取中十名。○十一年議准。直省鄉試。仍取副榜。照舊例外。增滿

洲蒙古五名。雲南五名。貴州四名。○又議准。直省鄉試。每正榜中額五名。設副榜中額一名。○十五年。停止八旗考試。○十六年。

特行鄉試。順天專差考試。山東。山西。陝西。會在河南考試。湖廣。江西。會在江南考試。福建。會在浙江考試。每科舉十五名。取中一名。○二十年。增順天府生員鄉試中額五名。○又奉

恩詔。加二十三年鄉試中額。大省十名。中省七名。小省三名。奉天一名。○二十六年。

恩詔。八旗准同漢人一體鄉試。欽此。遵

詔議定。於直隸舉人中額外。照舊例。滿洲蒙古取中舉人十名。漢軍減五名。取中五名。○是年。順天鄉試。內浙江錢塘縣監生查嗣韓。福建侯官縣貢生林文英。二卷。四書五經。文真草各二十三篇。監試題請。奉

旨。授為舉人。後不為例。○又議准。丁卯鄉試。臺灣新奉開科。照甘肅甯夏生員之例。另號額。中舉人一名。俟數科後。仍撤另號。毋限額數。○三十二年。議准。鄉試滿洲蒙古原取中舉人十名。今增六名。漢軍原取中舉人五名。今增三名。○三十五

年議准。八旗及直省鄉試廣額。八旗滿洲蒙古增中四名。漢軍增中二名。順天貝字號增中十七名。南北皿增中十四名。夾旦字號照舊額。毋庸議增。江南增中二十名。江西增中十八名。浙江福建湖廣各增中十七名。河南雲南各增中十五名。山東四川廣東各增中十四名。山西陝西各增中十三名。廣西貴州各增中十名。其副榜並分經取中之處。均照例計算取中。又題定。江西鄉試習詩經者較易經多三分之一。於新增舉人十八名之數。易經中三名。詩經中十名。書經中三名。春秋禮記各中一名。三十六年題准。臺灣額外取中舉人一名。今經四科。嗣後撤去另號。歸閩省額內一體取中。又題准。涼州西甯五學。編為聿左號。甘肅肅州五學。編為聿右號。嗣後遇增中一名之科。各中一名。三十七年覆准。奉天府屬加中舉人一名。四十年覆准。京師加增解額。八旗滿洲蒙古增中三名。漢軍增中一名。順天等八府增中十名。國子監貢監增中一名。奉天增中一名。宣化增中一名。共取中

一百九十六名。又覆准。奉天府屬夾字號取中四名。○是年順天鄉試。南皿監生莊令與俞長策試卷。作四書五經文字共二十三篇。部議以與例不合。應毋庸議。奉

旨所作五經文字。若俱浮泛不切。自不當取中。若能切題旨。文理明順。一日書寫二萬餘字。實為難得。莊令與俞長策。著俱授為舉人。嗣後不必禁止。作何定例。著議奏。欽此。遵

旨議定。嗣後鄉會試作五經文字者。額外取中三名。若佳卷過多。另行題明酌定。五經文字。即草稿不

全。亦免其貼出。二場於論表判外。添詔誥各一道。又覆准。山西鄉試。大同另號額中二名。今

大同人文勝前。一例編號取中。又題准。鄉試

解額。浙江加中十二名。湖廣加中十三名。俱照例取中八

其副榜亦照額加中。○四十二年

恩詔。四十四年鄉試。大省增中十名。中省七名。小省三

名。順天監生增中七名。滿洲蒙古漢軍增中三名。○

四十四年覆准。順天鄉試。奉天中額。向係四名。今遵奉

恩詔。照例加中舉人一名。嗣後仍如原額。○四十七年

覆准。雲南鄉試於額中四十二名外。加中五名。

○五十年

諭各省讀書士子日盛。鄉試中額酌量加增。欽此。遵

旨議定。直省中額均於五分內。加增一分。順天貝字號

增中十八名。南北四字號增中十三名。滿字號

增中四名。合字號增中二名。其夾旦字號額中

三名。毋庸加增。至江南。湖廣。浙江。各增中十六

名。江西增中十五名。福建增中十四名。山東。河

南。各增中十二名。山西。陝西。各增中十名。廣東。

四川。各增中十一名。廣西增中八名。雲南增中

九名。貴州增中六名。其副榜並分經取中之處。

均照名數計算。永為定例。○又覆准。習五經者。

各省於額中三名外。增中一名。順天中額。多於

各省。增中二名。○又覆准。辛卯科鄉試。湖廣省

原額。並兩次奉

旨加增。及額外五經。共該取中一百十三名。今止取一

百三名。將提調降三級調用。監臨降二級留任。

正副主考官俱降二級調用。所有加級。不准抵

銷。其少中舉人十名。於下科補中。○五十六年。

停止五經應試。○五十八年覆准。江西近科士

子入場甚眾。將鄉試中額。照浙江湖廣例取中。

○六十年定。長蘆商籍生員鄉試。另編鹵字號。

於五十卷內取中一卷。○是年。設立廣東商學。

○六十一年欽奉

恩詔。於雍正元年

特行鄉試。並加中額。大省廣額三十名。中省二十名。小

省十名。順天額內。多滿合夾旦南北四等字號。

與諸大省不同。應將順天生員。照大省廣額三

十名。南北監生。照中省廣額二十名。滿洲蒙古

漢軍。照小省廣額十名。此十名內。滿字號七名。合字號三名。○又

覆准。粵省商籍。照直隸商籍之例。另編鹵字號。

俟生員人數至百名。酌量取中一名。任缺毋濫。

嗣後卷數。即增至數百卷。亦不得過二名。中式

後。改回原籍。永為定例。○雍正元年

諭。湖南士子赴湖北鄉試。必經由洞庭湖。今欲於湖南

地方建立試院。俾士子就近入場。至於湖廣通省取

中。原有定額。今既分兩闈。其取中之數。應如何分別。

今湖南湖北巡撫公議。著湖廣總督從公酌定具奏。

欽此。遵

旨議定。湖南湖北分闈考試。湖北酌中舉人五十名。副

榜十名。湖南酌中舉人四十九名。副榜九名。○又覆准。閩省鄉試。中額八十五名。今人文日盛。加增四名。共取中八十九名。○又覆准。廣東人文日盛。照河南次省例。於原額六十八名外。加增六名。共取中七十四名。副榜亦照例加增一名。○又覆准。陝西鄉試。奉

恩詔。廣額二十名。將丁辛二號內。亦擇其文之優者。取中一名。○又覆准。山東鄉試。耳字號分中二名。今廣額遞加至二十六名。共七十二名。其耳字號並未加增。嗣後照前二十三名分中一名之數。於二十六名內。分中一名。共取中三名。○又奏准。雲南貴州二省。各因廣額。多中副榜二名。將末二名裁汰。○二年

諭。鄉試解額。加中五經。至康熙五十六年而罷。以久而滋弊也。嗣後各學臣及祭酒司業。於錄科時。先加面試。實在貫通五經。仍聽其五經應試。主考閱文果佳。本監取中四名。直隸各省。大小不一。應取中幾名。著分別議奏。會試臨時請旨。欽此。遵

旨議奏。各省五經應試。不便懸擬入場卷數。豫定中額。今國子監四字號額中七十八名。奉

恩旨。加取五經四名。計十九名。加中一名。各省奉此為法。每額中十九名。加中五經一名。其零過十名者。亦准加一名。不及十名者。不准加增。其大省五經應試。人多文佳。額外量取副榜三四名。准其作貢。小省五經應試者少。或文字不佳。任缺毋濫。○是年。

世宗憲皇帝視學。將國子監本科鄉試中式。加增十八名。○四年

諭。近來試官。多以四書文為主。而於經藝不甚留心。士子讀書制行之道。首在明經。其以五經取中副榜者。必係有志經學之士。著將今年各省五經取中副榜之人。俱准作舉人。一體會試。再今科各省所中副榜內。有兩次中副榜者。亦准作舉人。一體會試。以上二項。俱係特典。後不為例。○七年

諭。明年會試。取中額數。廣至四百名。壬子科各省鄉試。每正額十名。加中一名。其十名之外。有零數者。亦加中一名。○又題准。貴州一省。原轄十一府四十州縣。共計五十一學。每科鄉試。除加五經二名外。額中三十六名。以學數計之。大約十學之中。取中七名。今新歸黔轄十有三學內。除清溪玉屏。係

改衛為縣。南籠係改廳為府。原屬黔省管轄地方。非他省新歸之府縣可比。永豐一州。係廣西長壩等地方。割附黔省。向未設學。毋庸議外。其歸黔之川省遵義府。及所屬正安。遵義。綏陽。仁懷。桐梓。五州縣。並湖南之開泰。錦屏。天柱。三縣。共計九學。按十學取中七名之數。於貴州中額外。酌量加增六名。貴州原額三十八名。加六名。為四十四名。乾隆九年。奏減四名。定為四十名。黔省既經議加。則四川。湖南。自應議減。應將四川中額內。減去四名。湖南中額內。減去二名。又覆准。臺灣五學。應試士子。另編臺字號。於閩省中額內。取中一名。十三年議准。加中一名。共中二名。○八年議准。陝西榆林。神木。府谷。吳堡。靖邊。安塞。保安。七處。照甘肅甯夏之例。另編木字號。於每科中額內。取中一名。○十二年諭。每遇鄉試之年。宣化府屬。另立旦字號。與夾字號額數相同。各取中三名。今宣郡人材。較前漸好。又添蔚州一屬。應舉人數加多。查夾字號前已廣額二名。則旦字號亦應加中式之數。著禮部定議具奏。欽此。遵旨議定。宣化府旦字號。加中一名。與夾字號皆各額中四名。○十三年欽奉

恩詔。會試額數。俟禮部臨期請旨廣額外。鄉試大省加三十名。次省加二十名。小省加十名。○又議准。閩省解額八十九名之外。將臺字號再加中一名。共取中九十名。其五經仍照例取中。○乾隆元年議准。順天鄉試。皿字號照會試五經分南北中卷之例。將奉天。直隸。山東。河南。山西。陝西。編北皿字號。江南。江西。福建。浙江。湖廣。廣東。編南皿字號。照舊額各取中三十九名外。其四川。廣西。雲南。貴州。四省。另編中皿字號。十五名。取中一名。如零數過半者。亦准加中一名。如人數不及十五名。仍附入南皿。毋庸另編中皿字號。○又議准。江南分上下江字號。取中。下江照中省之二等。中省小省。額數皆有三等。取中七十二名。上江照小省之二等。取中四十八名。共增額二十一名。所有兩省官卷。照例於正額內計算取中。其五經卷並副榜。亦各照定例。計算取中。○又奏准。本年八月。特開恩科鄉試。欽遵恩詔。大省加中三十名。中省二十名。小省十名。應將順天生員。照大省例加中。南北皿。照中省例加中。



滿洲蒙古漢軍照小省例加中。至奉天宣化定額向各中四名。今恭遇

特恩將夾旦二字號各加中一名。其中四字號係奉

旨新設。每十五卷取中一名。原無舊額。毋庸議增。又

議准陝西鄉試將聿丁字號量增一名。每科聿

字號取中二名。丁字號取中二名。共額中四名。

○又覆准廣東商籍恭遇

恩科廣額。應令士子均霑。民籍之外。此次另額取中二

名。嗣後遇鄉試年。該布政使於場前投卷後。查

明商籍人數。移咨內廉。如數滿二百卷。以及數

百卷。照康熙六十一年之例。取中二名。如數僅

及百卷。仍遵照原議取中一名。均於民籍外。另

設解額。中式後改歸原籍。○又覆准四氏子孫

於毛詩之外。亦令兼習他經。其原治他經者。即

以他經應試。仍編耳字號。不拘何經。主考官擇

其文之佳者。取中三名。○又議准四氏學生員

於廣額二十名之內。分中一名。○三年。

高宗純皇帝視學。國子監本科鄉試中額。照雍正二年

例。加增十八名。○又覆准四川甯遠一府。如應

試士子至三十名以上。准其編為字字號。於本

省額內。取中一名。若不及三十名之數。仍照常

取中。毋庸另編字號。○六年議准順天鄉試。其

廣東應試之貢監。改編中四字號。憑文取中。額

數仍照舊例計算。○又覆准各省鄉試五經卷

原有定額。因恐卷數太少時。仍照額取足。是以

五經卷必足十五卷。始取中一名。如不足數。不

准取中。或遇卷數過多。亦不得於額外加取。順

天滿合字號五經卷。照漢卷一體辦理。○七年

議准陝西聿字號入場卷數。聿右較聿左僅居

三分之一。嗣後一科同編聿字號。憑文取中。一

科分編左右字號。各中一名。○九年議准直省

中額。除零數不計外。於十分中酌減一分。順天

鄉試。滿洲蒙古共額中三十名。酌減三名。漢軍

額中十三名。酌減一名。南北四均額中三十九

名。各酌減三名。中四向例十五卷中一名。今酌

改二十卷取中一名。直隸貝字號額中一百八

名。內除夾旦字號各四名。鹵字號一名。均毋庸

議減外。貝字號酌減九名。江南省上江額中五

十名。酌減五名。下江額中七十六名。酌減七名。

浙江江西均額中一百四名。各酌減十名。福建

一書... 續修四庫全書 史部 政書類

額中九十四名。除臺字號取中二名。毋庸議減外。酌減九名。廣東額中七十九名。內除商籍一名。毋庸議減外。酌減七名。河南額中七十八名。酌減七名。山東額中七十六名。除四氏學三名。毋庸議減外。酌減七名。陝西額中六十七名。除甘肅聿字號取中二名。甯夏丁字號取中二名。榆林等七處木字號取中一名。均毋庸議減外。酌減六名。山西。四川。均額中六十六名。各酌減六名。雲南額中五十九名。酌減五名。湖北額中五十三名。酌減五名。湖南額中四十九名。酌減四名。廣西額中五十名。酌減五名。貴州額中四十名。酌減四名。以乾隆丁卯科為始。通行各省。一體遵行。○又議准。順天貝字號。除夾旦二字號外。額中一百八名。加中五經五名。共一百一十三名。其鹵字號取中一名。即在一百八名之內。除零數不計外。十分中酌減一分。應酌減中額十一名。從前所議。因將夾旦字號取中之數。歸入貝字號一百八名之內。未經詳析聲明。而加中五經。亦未算入。應行改正。將貝字號中額減去十一名。取中一百二名。再湖廣中額。原係九

十七名。加以五經五名。係一百二名。自湖南湖北分闈以後。湖北取中五十名。湖南取中四十七名。其五經五名。係或二或三。兩省輪流取中。原議內酌減之數。雖無錯誤。但未將五經輪中之處聲說。今再為分析。以便輪流取中。又滿合字號。總加五經二名。南北皿字號。總加五經四名。俱係臨時酌文取中。並非劃然分定。所以原奏議減之處。未行算入。今一併聲明。以便嗣後遵行。○十二年覆准。湖南鄉試。應中舉人四十五名。除輪中五經二名外。應中四十三名。分經取中。易經原中十三名。今減去一名。止中十二名。詩經原中十九名。今減去二名。止中十七名。書經原中九名。今減去一名。止中八名。春秋禮記原係孤經。仍照往例。共中六名。○又覆准。江西鄉試。原額取中舉人九十九名。內除官卷不分經取中十名外。民卷分經。照額取中八十九名。內易經取中二十七名。詩經中二十一。書經中二十一。春秋中五名。禮記中五名。以上官民卷共取中九十九名。五經取中五名。共取中舉人一百四名。副榜原額。不分經取中十九

名。官卷合式者。應聽主考取中。如有缺額。並缺副榜名數。俱照定例。於民卷內補足。○十三年覆准。陝西榆林等學。木字號鄉試士子。准其一科歸合省大號。通融取中。一科仍列木字號。取中一名。○十四年覆准。甘肅聿字號。額中舉人二名。嗣後一科與通省士子合試。一科仍列聿字左右號。各分中一名。○十五年覆准。各省鄉試。士子分經肄業。不能無人數多寡之殊。若不論經額。惟以文為斷。則春秋禮記中額。必有遺漏。嗣後主司校閱時。如果此經佳卷甚多。彼經佳卷甚少。准其將佳卷多者借中一二名。以補佳卷甚少之經。若各經文字。與中額不甚懸殊。則仍照定例。不得任意多寡。以防弊端。○十六年議准。五經副榜。原無定額。應遵照五經應試人多文佳。於五經中額之外。酌取三四名之例。臨期知會考官。憑文酌取。○又覆准。江省副榜十八名。向來取官卷二名。皆隨民九官一之例。今正榜官卷。既定二十五名。取中一名。則副榜十八名。應照零數不及二十五名。不准算取之例辦理。其副榜官卷。原不分經。亦應於民卷內。

斟酌取中佳卷補足。○又議准。江省五經應試之卷。雖多不得加取於原額之外。如遇卷少之時。仍遵十五卷取中一名之例。○又覆准。上江官卷。照原額止減二名。其所減之數。應於民卷詩經內加取一名。易經內加取一名。下江官卷。照原額止減三名。其所減之數。應於民卷易書詩三經內各增取一名。以符原額。○又覆准。嗣後如遇五經卷多之年。不得額外加中。僅遇卷少之時。不必拘定何經。惟擇佳卷最多之專經。照額取足。○又覆准。福建原定官卷八名。後擬定三名。今酌取四名。尚餘四名。應於民卷詩經內。加中二名。易經內。加中一名。其春秋禮記。既無餘額。毋庸加中。至五經卷入場人數。限十五卷取中一名。原為卷少之省。過於儉幸者立法。其卷多之省。原不得於原額之外加中。福建五經入場。約八九十卷。至百餘卷。自應照原額取中。如無佳卷。任缺毋濫。若遇五經卷少之年。仍遵照十五卷取中一名之例辦理。○十七年覆准。河南省中額舉人七十一名。內取中五經四名。官卷六名。民卷六十一名。易經取中十八名。

書經取中十一名。詩經取中二十二名。春秋取中五名。禮記取中五名。今酌議官卷三名。其原額六名。減去三名。是所減官卷三名。應於民卷詩書易三經內各中一名。以符原額。十八年議准。五經應試。大率一時勦襲者多。實能貫通經義者少。嗣後五經中額。均行停止。所遺之額。係在乾隆九年減定數內。應歸入每科卷多文佳之專經取中。其副榜照正榜例辦理。十九年議准。直隸之商竈籍鄉試。統入北貝。一體憑文取中。毋庸另編鹵字號。二十年議覆。各省廣額定例。並不加中副榜。通行直省遵照。又議准。五經額外酌取之副榜。毋庸以專經抵補。照五正一副定例。取中副榜。又奏准。本年欽奉

恩詔廣額。順天鄉試。除貝字號照大省加中十名。南北四字號照中省加中七名。滿合字號照小省加中五名外。至夾旦二字號。僅各中四名。並中四字號。係二十卷取中一卷。原無定額。均毋庸議。增。再乾隆元年廣額。滿合字號照小省加中十名。內係滿字號七名。合字號三名。今丙子科八

旗廣額五名。應將滿字號加中四名。合字號加中一名。二十七年覆准。廣東埠商。係廣西江西福建湖南四省人。行銷粵鹽。伊等均係辦商。其子弟自應編入商籍。與商人子弟一體考試。未便有所區別。以致偏枯。且粵東商籍應鄉試者。不下百餘名。而定額止取中一名。較之民籍難易迥殊。若勒令改歸民籍。則凡各省商人之在粵者。轉可藉土商名色。蒙混影射。希圖民籍中式。是欲清釐商籍。反致引商入民。弊端由此滋甚。於粵東殊無裨益。應令該學政切實稽察。如有重考冒籍。即行照例嚴辦。三十年覆准。山西額中舉人六十名。按定例。每正額五名。取中副榜一名。應中副榜十二名。近科止中副榜十一名。與例未符。俟下科為始。如有佳卷。照例取中副榜十二名。如無佳卷。任缺毋濫。三十年覆准。嗣後順天鄉試。分別滿合南北四北貝等字號。數計各號正榜之數。照每舉人五名副榜一名之例取中。以歸畫一。至夾旦二號。每號額中舉人四名。中四字號。額中一二三名不等。均不足五名之數。照例毋庸取中副榜。再

各字號舉人中額。滿字二十七名。合字十二名。北貝一百二名。南北皿各三十八名。今副榜已分字號取中。除每舉人五名。取中副榜一名外。各號俱有奇零。亦照不足五名之例。毋庸計算取中。○三十六年議准。陝西鄉試。涼州一府。歸入通省卷內。毋庸另編字號。甘州。西甯。編為聿左號。肅州。安西。烏魯木齊等處。編為聿右號。各取中一名。其一科與通省公同取中。一科聿左右號分中之例。並行停止。○三十八年覆准。嗣後甯夏鄉試。准其一科與通省合試。憑文錄取。毋庸另編字號。一科仍列丁字號。照舊額取中。俟將來文風益盛。再行題請統歸通省合試。○四十三年議准。各省商籍酌量定額取中。除廣東舊設有商字號中額。歷科遵照辦理外。其餘直隸。江南。浙江。山東。山西。陝西等省。應照從前設立商字號之例。歸於該省定額內。五十名取中一名。雖應試人多至數百名。總不得過二名之額。如有因人數過少。不敷取中。情願呈請改歸本籍者聽。○又議准。直隸商字號。五十名取中一名。此後人數雖多。總不得過二名。不及五

十名。不准取中。亦不必攤入民卷。有願改歸原籍者聽。其本地商人。悉歸本籍應試。至商籍一項。與土著無異。照舊歸入貝字號應試。○又議准。山西坐商。澆曬鹽斤。即係商戶。其運商置有畦地者。與坐商無異。一律以商籍應試。毋庸另編商籍取中。亦毋庸設立商字號。○又議准。江浙兩淮商學。應行裁汰。鄉試不必另編商字號取中。○又覆准。山東商籍。另編商字號。鄉試。如應試人數不敷。願改歸原籍者聽。○又議准。廣東商籍。仍照該省舊例。於民籍外另設商字號。六十名取中一名。如人數不敷。不准取中。毋庸攤入民卷。其願改歸原籍者聽。○又覆准。甯夏商學。並無外省正商。現在商籍人等。均令改歸原籍。並將商學裁汰。○四十四年議准。浙江商籍各生。既附入杭州府。仁和。錢塘三學。與民籍無異。鄉試散入民卷取中。不必另編商字號。○又

諭熱河自

皇祖建立山莊以來。迄今六十餘年。戶口日滋。耕桑益闢。儼然一大都會。禮樂百年而後興。此正其時。曾於

丙申秋降旨添設學校書院。加廣庠額。以教育而振興之。並相地鳩工。建立

文廟。茲鑿路來巡。適屆落成。親詣行釋奠禮。宮牆泮水。開青祀環列。彬雅可觀。從此文化益當蒸蒸日上。第現在庠生已有五十餘人。均應與順天鄉試。雖丁酉科曾經中式一人。但邊外士子。魯樸者多。恐尚未能與通省員字號卷。校藝獲售。著加恩照宣化府之例。另編承字號。每科鄉試取中舉人一名。俾士子知上進有階。愈加鼓舞。俟將來文風漸盛。人數多至百餘名。該督臣學臣。再行奏聞增額。以示嘉惠。上塞士林。多方樂育。至意。○四十八年定。是科中皿中式正榜九名。照五正一副之例。取中副榜一名。○五十年

諭朕此次釋奠禮成。臨雍講學。諸生觀禮。圍集橋門。允宜廣錫恩施。以昭盛典。著於乾隆五十一年。丙午科順天鄉試。皿字號卷內。廣額十五名。用示嘉惠。膠庠鼓勵人才之至意。欽此。遵

旨議奏。乾隆五十一年。順天鄉試。皿字號廣額十五名。照雍正二年。乾隆三年。兩次定額。於南北皿字號。各廣七名。其時零一名。照乾隆二十一年定

例。令主考官擇佳卷較多者。憑文取中。至中皿字號。仍遵成例。就二十卷取中一卷。毋庸議增。○嘉慶元年欽奉

恩詔。會試額數。俟禮部臨期奏明人數。請旨酌量廣額。鄉試大省加三十名。次省加二十名。小省加十名。滿洲蒙古加六名。漢軍加三名。欽此。遵

詔議定。各省鄉試廣額。於下屆鄉試欽遵取中。除滿洲蒙古漢軍應廣中額。

恩詔內業經指明。毋庸再議外。順天。江南。浙江。江西。福建。湖廣。照大省例。山東。山西。河南。廣東。陝西。四

川。照次省例。雲南。貴州。廣西。照小省例。順天。南。北。皿。照次省例。夾旦二字號各加一名。山東。四。氏。學。耳。字。號。於本省廣額二十名內。分中一名。其順天中皿字號。向無定額。及止中一名之承字號。均毋庸議增。再江南中額。向係江蘇。安徽。四六分中。今照例江蘇加十八名。安徽加十二名。其湖廣中額。照湖南湖北二省分中例。各加十五名。副榜仍照原額取中。不准加額。○三年。仁宗睿皇帝視學。加國子監本科鄉試中額十五名。○七年議准。嗣後順天鄉試。將宣化府屬且字號

四名。歸入順天員字號。合為中額一百六名。憑文取中。○十一年

諭承德府為每歲巡幸木蘭駐蹕之區。民物豐饒。駸駸向學。自

皇考高宗純皇帝建立黌序。

聖製碑文。昭垂久遠。彼時生員。共止五十餘人。定取鄉試中額一名。曾經欽奉

諭旨。俟將來人數增多。再當加恩廣額。本年朕蹕臨熱

河。見接駕諸生。人數濟濟。即交軍機大臣查明該府屬生員實數。現據稱查明統計四百餘名。人文日

盛。殊堪嘉慰。著加恩於承字號中額一名外。廣額二名。每科鄉試。取中舉人三名。以示朕仰承

教澤嘉惠。至意。○十二年議覆。福建臺灣府。前額中舉人二名。另編至字號。現在有志觀光者。不

下千餘人。准其於至字號舉人二名之外。再加一名。定為三名。○十三年議准。嗣後湖南鳳凰

乾州永綏三廳。並永順府屬之保靖一縣。應試士子。數至三十名以上者。另編為邊字號。於本

省額內取中一名。如不及三十名。仍歸通省取

中。毋庸另編字號。至鳳凰乾州永綏保靖四廳

縣苗生。應試人數。在十五名以上者。另編田字號。額外取中一名。如不足十五名。仍附通省取中。毋庸另編字號。即將來應試人多。亦不得於額外加取。以示限制。○十八年議准。自二十一年丙子科為始。各省駐防生員。於本省鄉試編立旗字號。另額取中。學政錄送十名。准取中一名。其零數過半者。亦照官卷例。再取中一名。將來人數增多。總不得過三名。以示限制。○二十三年

諭鎮西府及迪化州。遠處口外。近年居民蕃衍。涵濡教

澤。應試人數日增。止因限於中額。遠道觀光。向隅者

衆。著加恩將鎮西府迪化州所屬鄉試士子。另編肆中字號。於陝甘兩省取中六十一名之外。增額一名。用示朕加惠邊陲士子至意。○又

諭甘州西甯二府。地當邊徼。近年涵濡教澤。應試人數日增。著加恩將甘州西甯二府。即照甯夏榆林丁字

木字號之例。一科與通省士子合試。一科仍另編肆左字號。照舊取中。○二十四年

諭陳官俊奏鄉試咨文錯誤。未能先事查覈。請交部議

處一摺。本年陝甘鄉試。於應行取中二名之丁字號。

少取一名。係由監臨咨文誤寫。前據朱勳檢舉。已將該撫議處。外簾錯誤。與內簾正副考官無涉。陳官俊易禧。俱著免其議處。

欽定大清會典事例卷三百四十九

禮部

貢舉 鄉試中額二 捐輸加廣定額

道光元年議准。上年欽奉

恩詔特開鄉試。大省加三十名。次省加二十名。小省加

十名。滿洲蒙古加六名。漢軍加三名。其順天。江

南。浙江。江西。福建。湖廣。照大省例。各加三十名。

山東。山西。河南。廣東。陝西。四川。照次省例。各加

二十名。雲南。貴州。廣西。照小省例。各加十名。順

天。南北。四貢。監生。照次省例。共加二十名。奉天

夾字號加一名。山東。四氏學。耳字號。於本省廣

額二十名內。分中一名。順天。承字號。向例止中

一名。於嘉慶十一年定為三名。福建。至字號。向

例止中二名。於嘉慶十二年定為三名。均照山

東。四氏學。耳字號。例。於本省廣額三十名內。分

中一名。順天。中。四字號。並各省駐防。向無定額。

毋庸議。增。再。江南。中額。係。江蘇。安徽。四。六。分。中。

今。廣。中額。三十名。仍。應。四。六。分。派。江。蘇。加。十。八

名。安。徽。加。十。二。名。湖。廣。應。加。中。額。於。湖。南。湖。北

二。省。分。中。各。加。十。五。名。副。榜。仍。照。原。額。取。中。不



准加額。○又議准。此次

恩詔加廣中額。所有中皿。比照南北皿正額三名有奇。加廣一名之例。如取中在三名以上。加廣一名。六名以上。加廣二名。九名以上。加廣三名。即中數再多。總以三名為率。以示限制。○三年

宣宗成皇帝視學。加乙酉科順天鄉試監生中額十五名。○五年奏准。本年乙酉科順天鄉試。皿字號應廣額十五名。內南北皿各廣額七名。其零數一名。即作為中皿廣額。○八年議准。福建臺灣孤懸海外。嗣後於閩籍中額三名之外。另編田

字號。自本科為始。加設粵籍中額一名。○十一年議准。嗣後中皿官卷。定為中額一名。即人數增多。亦不得逾一名之額。以示限制。如不足十五名之數。仍照例散入民卷取中。○十九年奏准。嗣後奉天生員。考取左右翼教習。照奉天貢監生及在京八旗漢教習歸入皿字號之例。一體辦理。○咸豐元年議准。上年欽奉

恩詔。鄉試大省加三十名。次省加二十名。小省加十名。滿洲蒙古加六名。漢軍加三名。所有辛亥

恩科鄉試。並加中額。即遵照道光元年廣額成案取中。

其順天中皿貢監生。如取中在三名以上。應廣一名。六名以上。應廣二名。九名以上。應廣三名。至多不得過三名。以示限制。○三年

文宗顯皇帝視學。加乙卯科順天鄉試監生中額十五名。○九年

諭。本年己未恩科江南鄉試。借用浙閩舉行。該省鄉試。係帶行乙卯正科。所有官卷中額。均著加倍取中。其捐輸推廣之額。均歸民卷取中。不得加入官卷。○又諭。禮部奏江西官卷。擬請比照江南加倍取中一摺。本年江西鄉試。係兩科併舉行。本省官卷。著即照江

南官卷加倍取中。以歸畫一。其捐輸推廣之額。均歸民卷取中。不得加入官卷。嗣後兩科併舉省分。均照此次辦理。○十一年議准。軍興以來。各省鄉試屢經停止。該士子因本省未能應試。跋涉來京。自宜因時制宜。以勵人材。而作士氣。其南皿均係大省。於廣額十名外酌加五名。北皿均係中省。於廣額十名外酌加三名。中皿本係中省小省。於按照人數廣額外。再酌加二名。共加增十名。即於來歲壬戌

恩科照數取中。○同治元年議准。上年欽奉

一第... 冊 賣參四庫全書 第 32 版 反文內

恩詔鄉試大省加三十名。次省加二十名。小省加十名。

滿洲蒙古加六名。漢軍加三名。所有壬戌

恩科鄉試並加中額。即遵照道光元年廣額成案取中。

其順天中四貢監生。如取中在三名以上。應廣

一名。六名以上。應廣二名。九名以上。應廣三名。

至多不得過三名。以示限制。○又議准。嗣後四

川鄉試。將甯遠府屬所編丁字號註銷。歸入通

省定額六十名內。憑文取中。○又議准。湖北施

南府屬士民集團捐餉。照湖南鳳凰等廳縣之

例。於輪應湖北取中之年。該府屬應試士子。至

三十名以上。另編方字號。取中一名。如不足三

十名。及不應輪中一名之年。毋庸另編字號。

又奏准。本年鄉試。河南駐防入場人數。不足十

名。惟係兩科並行。取中一名。○三年覆准。四川

駐防文鄉試。按甲子一科計算。照例每十名取

中一名。不得按兩科計算加倍取中。○又奏准。

河南甲子科鄉試。旗生不滿十名。照壬戌成案

取中一名。○五年奏准。各省駐防文鄉試。人數

不敷中額。永不得以旗卷散入民卷取中。○又

議准。雲貴鄉試。

恩廣中額。歸於順天鄉試補中。其中額比照該二省鄉

試官卷。每十名取中一名。毋庸取中副榜。至中

四既將雲貴二省提出。即以四川廣東廣西三

省試卷。編列中四字號。仍二十名取中一名。○

八年議准。陝甘補行壬戌

恩科鄉試。應行加額二十名。以三分為率。以十三名歸

入陝省。於本年取中。以七名歸入甘省。俟將來

特開一科時。歸併取中。嗣後不得援以為例。○

又奏准。本年陝西補行鄉試。所有駐防文生鄉

試取中三名。定額以兩名分歸西安駐防。此次

兩科併舉。取中文舉人四名。以一名留歸甯夏

等處駐防士子中額。兩科酌留文舉人二名。俟

甘省軍務肅清開科時。歸併取中。○又

諭。禮部奏遵議左宗棠等奏請補行陝甘鄉試一摺。陝

甘鄉試。前因軍務久未舉行。現在陝西全境肅清。甘

肅之涇慶各屬。亦已安謐。著准其於本年特開一科。

補行壬戌恩科及甲子正科鄉試。陝甘中額。向係合

併取中。甘省軍務未竣。各屬士子未能一律赴試。自

應酌留中額。以昭平允。著照左宗棠等所議辦理。其

恩詔廣額。亦著照禮部所議取中。○又議准。嗣後湖

北施南府屬士子。毋庸另編方字號取中。惟鄖陽府屬離省遠。鄉試艱難。即另編員字號。於湖北輪中一名之年。另編取中。自下屆庚午科為始。照施南府成案。限定人數。於輪應湖北取中之年。該府屬士子至三十名以上。方准另編取中一名。如不足三十名。及不應輪中之年。毋庸另編字號。○九年議准。雲南軍務漸次肅清。所有本年庚午正科鄉試。並帶補戊午己未兩科鄉試。均令歸併取中。○又議准。同治八年陝西全境肅清。先補陝西壬戌並甲子科鄉試。將陝甘中額劃分。以四十一名為陝西一次中額。以二十一名為甘省一次中額。並於甘省劃分數中。每科提出三名。以為甘省士子赴陝應試中額。現在甘省應試人數。較向來幾為得半。所有該省兩科劃分中額。除舊定六名外。再提十二名。共十八名。作為每科九名。為甘省赴試士子中額。仍與陝西試卷通同取中。以符向不分額之義。其餘額數。並上年餘額。照舊劃留。於該省開科時。分次取中。○又奏准。壬戌科鄉試。雲南省

恩廣餘額四名。仍歸入北闈另號取中。○十一年奏准癸酉科鄉試。

恩詔廣額。援照歷次加額成案。滿洲蒙古加六名。漢軍加三名。順天。江南。浙江。江西。福建。湖廣。照大省例。加三十名。山東。山西。河南。廣東。陝甘。四川。照次省例。加二十名。雲南。貴州。廣西。照小省例。加十名。順天。南北。四照。次省例。共加二十名。中。如取中在三名以上。加中一名。六名以上。加中二名。九名以上。加中三名。即中數再多。總以三名為率。奉天。夾字號。加中一名。山東。四氏。學。耳字號。於本省廣額二十名內。分中一名。江南。應廣中額。以四六分派。江蘇加十八名。安徽加十二名。湖廣。應加中額。於湖南。湖北二省分中。各加十五名。副榜不准加額。○十二年議准。甘省軍務漸平。該省士子。仍歸陝西合場鄉試。所有甘省九年劃留中額二十四名。本年癸酉科應分額二十一名。加以同治十一年

恩詔加額二十名。內甘省應分七名。共五十二名。均歸本科取中。其邊郡另編字號。仍照向例辦理。至同治元年壬戌

恩科加額二十名內甘省應分七名中額。又甘省捐輸

加額一名。此八名中額均壬戌

恩科應中之額。本年甘省並未補行壬戌

恩科。自未便概行取中。俟甘省全境廓清。補行壬戌

恩科時。再行補中。○又奏准。前議甘省本科中額。曾聲

明安西州鎮西廳迪化州歸下屆補中。彼時因

關外軍務未靖。赴試為難。乃現計安西一州赴

試士子。由蘭州經過者。已有二十餘人。應照例

與肅州赴試士子一體編入聿右號。於前議六

十名內取中一名。其鎮西廳及迪化州屬。向編

聿中號取中一名之士子。屆期由監臨官酌定

咨明典試官照辦。○光緒元年議准。本年欽奉

恩詔。鄉試大省加三十名。次省加二十名。小省加十

名。滿洲蒙古加六名。漢軍加三名。均照同治元

年廣額成案取中。○又議准。雲南鄉試。尚有壬

戌甲子丁卯三科未補。本年舉行乙亥

恩科鄉試。帶補壬戌

恩科鄉試一科。其甲子丁卯二科。歸入下兩屆分次帶

補。陝甘鄉試。除陝西從前展緩各科業經帶補

完竣外。甘肅尚有壬戌甲子二科劃留中額。共

三十六名未補。本年乙亥

恩科鄉試。仍照成案。將兩省中額劃分。陝西應分四

十一名。合之捐輸所加定額九名。及本年

恩詔加額二十名內應分七名。並帶補壬戌

恩科劃留中額十八名。暨壬戌

恩詔廣額內分額七名。捐輸加廣一名。共取中五十四

名。其甲子科劃留中額十八名。歸入下屆取中。

○又奏准。本年乙亥

恩科。陝西定額四十一名。合之捐輸所加定額九名。

本年

恩詔加額二十名內應分十三名。共應取中六十三

名。甘肅定額三十名。本年

恩詔加額二十名內應分七名。並帶補壬戌

恩科劃留中額十八名。暨壬戌

恩詔加額內分額七名。捐輸加廣一名。共應取中六十

三名。該省尚有甲子科劃留中額十八名未補。

歸入下屆取中。至駐防中額。陝甘兩省各不得

過二名。以示限制。○又議准。將陝省原分四十

一名。又加廣額九名。共五十名。作為陝西中額。

所餘二十一名。並此次加

恩賞九名。共三十名。作為甘肅中額。兩省分闈取中。  
○又議准。甘肅之肅州。安西。烏魯木齊等處。應編隸右號中額一名。本科與通省士子合試取中。毋庸另編字號。下一科仍編號取中。嗣後即照此辦理。○又奏准。甘省中額。向有應編字號之丁字二名。隸左一名。隸右一名。本屆均歸大號合試。惟同治八年補行壬戌等科。應編字號士子並未編號。本年既補行壬戌科鄉試。則各屬之應由編號取中者。自亦在應補之列。此次仍飭編列字號。咨明考官查照。如編號佳卷果多。即不拘定額。憑文取中。如僅能照額取中。則仍舊編號。○又奏准。陝甘官生卷。兩省合考時。例定二名。十五名取中一名。現既分闈考試。比照廣西貴州之例。各定為一名。十名取中一名。其取中名數。總以定額為限。不得逾額多取。不足十名定數者。俱散入民卷。毋庸另立官字號。○又奏准。陝甘分闈鄉試。該二省副榜。陝西照定額四十一名數算。甘肅照定額三十名數算。每舉人五名取中一名。捐輸及恩詔廣額。照例不准數算。○二年奏准。順天鄉試中

四試卷。除廣額年分照例加廣三名外。如應試人數不多。仍照向例每二十卷取中一名。如人數過多。亦不得過南四北四定額三十六名之數。○三年議准。甘肅甘州。西甯二府。自下科為始。將向編隸左號註銷。一律歸入大號。與通省士子合試。○又議准。甘肅回生。另設學額者。現止化平州一學。餘皆附各籍取進。鄉試人數多寡。未能預計。嗣後遇應編字號科分。酌照邊字等號成案。量為變通。定以應試至二十人以上。用良字編號。於甘肅鄉試中額內。取中一名。若不足二十人。仍歸大號取中。○四年議准。奉天夾字號中額。於原額四名外。酌加四名。定為夾字號中額八名。○又議准。湖北輪中游額一名之年。將施郟兩屬士子。先儘施郟編立方字。續以郟郡編立員字。各號輪流開科取中。○五年議准。直隸宣化士子。自歸併員字號後。取中寥寥。嗣後仍復旦字號另中四名。再員字號原額一百二名。自併入旦字號四名。每科取中一百六名。旦字號既復舊制。員字號仍照原額取中。○又覆准。順天鄉試。夾字號原額四名。向無副

榜。今既加中四名。合中八名。應取中副榜一名。至貝字號中額。自併入旦字號四名後。僅一百二名。其所取副榜。按舉人五名取中一名之例。應數減一名。○又議准。直隸宣化府。仍復旦字號原額。嗣後如遇

恩科廣額。仍照嘉慶元年

恩詔廣額之例。旦字號加中一名。○十年議准。廣西泗域鎮安兩府。於該省原定中額四十五名內。撥出一名。歸該兩府輪流取中。先儘泗域編列。泗字號。下屆再將鎮安編列。鎮字號。仍限定人數。

應試士子至三十名以上。方准另編。如值應編泗字號年分。而該府屬士子不足三十名。即毋庸另編字號。並不准以鎮郡士子編號備抵。其值鎮字號應編字號年分。亦照泗郡一律辦理。○又奏准。嗣後各省駐防文鄉試。仍照定例。每十名取中一名。零數過半者增中一名。至多不得過三名。其人數不及十名者。照駐防繙譯鄉試。不數中額。停止舉行之例辦理。○十三年議准。廣東瓊州府屬。遠處海南。現在查辦黎客各匪。藉資民力。仿照甘肅甯夏府丁字號。取中二名。

開科另編字號成案。將該府鄉試。一科與通省士子合試。一科另編玉字號。於該省中額內。撥出二名。歸該府屬取中。以廣登進。○又議准。嗣後各省學臣於歲科試時。生監中有報考算學者。除正場仍試以文詩策問外。其考試經古場。另出算學題目。果能通曉算法。即將原卷咨送總理各國事務衙門覆勘註冊。俟鄉試之年。按冊咨取。赴總理衙門考試。擇其明通者。錄送順天鄉試。不分滿合貝四等字號。如人數在二十名以上。統於卷面加印算學字樣。與通場士子一同試。以詩文策問。毋庸另出算學題目。其試卷由外簾另為一束。封送內簾。比照大省官卷例。每二十名。於額外取中一名。卷數雖多。亦不得過三名。以示限制。

捐輸加廣定額。○咸豐三年

諭前經降旨。令戶部將此次各省捐輸總數。及各府州縣捐輸分數。分析開單具奏。茲據該部將山西陝西四川三省捐生名數及銀數。先行開單呈覽。各該省紳士商民。因軍務未竣。志切同仇。輸將踴躍。深堪嘉尚。除業經隨時降旨獎勵外。著再加恩。將捐銀較多

之省酌加鄉試中額應如何分別擬定名數以昭激勸之處著戶部會同禮部先將山西陝西四川三省查數詳議具奏候朕施恩欽此遵

旨議准各省捐銀至十萬兩者加鄉試中額一名所捐遞增額數以次遞加即捐至數百萬兩以上亦不得過

恩詔廣額大省三十名中省二十名小省十名之數今山西陝西四川中額即於咸豐五年乙卯科鄉試覈計所捐銀數廣額一次各直省有似此捐輸者均一律辦理俟軍務告竣即行停止如各省州縣現捐銀兩或不及加額之數均准其趕緊續捐連前已捐之數合併覈計除續捐各本人應得官職仍前奏請獎勵外並按數酌加中額學額以示鼓勵○又

諭朕以軍興三載需餉浩繁特命大學士裕誠等會同戶部妥速議奏本日陳奏各條均屬妥協已依議行矣並據奏請推廣恩綸申勸捐輸以裕軍餉披覽之下有不能不宣示朕懷者國家定制歲入有常維正之供不容短絀此外一絲一粟皆吾民勤動所餘苟非軍國要需何忍重勞百姓比年以來各省奏報紳

士商民除輸將踴躍隨時獎敘外並將捐輸較多之山西陝西四川等省酌廣鄉試中額以昭激勸現在大江南北軍營援勦之兵數逾十萬連日捷音疊奏大挫兇鋒近復調集各路重兵剋期赴勦合之前調之兵不下二十餘萬朕不惜帑金為民除害統計所撥已及二千七百餘萬兩際茲大兵雲集需餉尤殷仍不能不借資民力以濟軍儲朕每覽軍營奏報小民於流離失所之餘尚復輸粟犒師深為悲憫即各省距賊較遠地方亦復因軍行徵調供億維艱若再諭令捐輸實非朕心所願惟念賊匪一日不滅民生

一日不安雖疆圉遠近攸分而民情驚擾則一恤鄰有福古訓昭垂朕之命將出師原不僅為東南數省生靈救災雪憤但將櫓槍迅掃海寓又安薄賦輕徭與民休息昇平之福朕與天下共之凡爾士民諒能共喻著照大學士等所請由各省督撫妥為勸導無論已捐未捐省分凡紳士商民捐資備餉一省至十萬兩者准廣該省文武鄉試中額各一名如應廣之額浮於原額即遞行推展僅捐數較多展至數次猶有贏餘者准其於奏請時聲明分別酌加永遠定額加額銀數及如何歸併劃除之處悉照大學士等所

議辦理。其捐生應得獎敘。仍准奏請另予恩施。其有一人一家捐資累萬。及毀家紓難接濟糧臺者。破格殊恩。不在此例。該部即遵諭行。○四年議准。福建鄉試。臺灣閩籍至字號向中三名。粵籍田字號向中一名。嗣後臺屬捐項。劃歸臺灣一府覈計。分別閩粵兩籍。如閩籍捐數已數。則加廣至字號中額。粵籍捐數已數。則加廣田字號中額。僅粵籍捐數不敷廣額。俟有續捐。再行併算。不得牽入閩籍。仍各按十五萬兩以上。加定額一名。○五年議准。福建臺灣閩籍。自本年乙卯科鄉試起。加至字號永遠中額一名。○又議准。四川省自咸豐二年以來。共捐銀一百五十五萬餘兩。自本屆乙卯科為始。永遠加定額五名。○又議准。浙江捐助軍餉。自本年乙卯科為始。加文鄉試定額一名。○六年議准。浙江捐輸銀九十六萬二千八十兩。自戊午科鄉試為始。永加定額二名。○七年議准。浙江紳民續捐銀數。再加鄉試定額一名。於戊午科一併舉行。○又議准。湖南捐輸。加鄉試永遠中額四名。於戊午科舉行。○又議准。河南捐輸。加鄉試永遠中額二名。自

戊午科為始。○又議准。江西捐輸。礮船軍餉。加鄉試永遠中額二名。自戊午科為始。○又議准。山西捐輸。加鄉試永遠定額三名。自戊午科為始。○又議准。廣東第二案捐輸。加鄉試永遠定額四名。自戊午科為始。○八年議准。山西紳民續捐軍餉。再加鄉試定額二名。自戊午科為始。○又議准。四川續捐津貼。並合前案加額贏餘銀兩。加文鄉試定額五名。自本年戊午科為始。連前次定額五名。共作為永遠定額十名。○又議准。湖南紳民二次捐輸。加文鄉試永遠定額三名。合上次所加共定額七名。均自本年戊午科為始。○又諭。官文奏紳民歷年捐輸軍餉。懇恩加廣鄉試中額一摺。湖北省紳民捐資濟餉。數及百萬。實屬踴躍急公。深堪嘉尚。加恩著照所請。准將湖北省文武鄉試永遠加廣中額各三名。即以本年戊午科並補行乙卯科為始。按數取中。以昭激勸。○又議准。陝西捐輸。加鄉試永遠定額四名。自本年戊午科為始。○又議准。福建臺灣紳商捐助軍餉。再加鄉試定額二名。自本年戊午科為始。合前次定額一名。共



作為至字號定額三名。○又議准。浙江續捐助餉。加鄉試定額一名。連前次定額四名。共作為永遠定額五名。自本年戊午科為始。○九年議准。福建捐輸統計銀四百五十七萬有零。加永遠定額十名。於本年己未

恩科取中。○又議准。湖北紳民續捐軍餉。加鄉試永遠中額一名。於本年己未

恩科取中。○又議准。江蘇續捐軍餉。加鄉試永遠中額四名。於本年己未

恩科取中。○又議准。安徽捐輸軍餉。加鄉試永遠中額二名。於本年己未

恩科鄉試為始。○又議准。河南捐輸。加鄉試永遠定額三名。連上屆所加二名。共加永遠定額五名。於本年己未

恩科取中。○又議准。江西捐輸軍餉。再加鄉試永遠定額三名。於本年己未

恩科為始。○又議准。浙江續捐軍餉。加鄉試永遠中額一名。自下屆辛酉科為始。○十年議准。山東捐輸軍餉。加鄉試永遠中額二名。自辛酉科為始。○十一年議准。廣東捐輸軍餉。加永遠中額六

名。自辛酉科為始。查該省於咸豐七年。已加永遠中額四名。此次復加六名。已足十名之數。嗣後不得再加定額。○又議准。江西武甯縣捐輸軍餉。加該省鄉試永遠中額一名。自辛酉科為始。○又議准。陝西捐輸團練防堵經費銀兩。加鄉試永遠定額五名。自辛酉科為始。○又議准。山西捐輸軍餉。連上次餘銀共六十二萬餘兩。加永遠定額二名。自辛酉科為始。○又議准。湖南三次捐助軍餉。加鄉試永遠定額三名。連前廣定額七名。共足十名之限。自辛酉科為始。○

同治元年議准。上次貴州捐銀請加廣乙卯科鄉試中額二名。因軍務尚未舉行。今續捐銀兩。連前已逾三十萬之數。歸併計算。改為永遠定額一名。於本科取中。其前次准廣中額二名。即予扣除。○又議准。湖北續捐軍餉。加鄉試永遠中額四名。連前共加永遠中額八名。自本年壬戌

恩科為始。其補行辛酉科不得照加。○又議准。山西捐輸軍餉。加鄉試永遠定額一名。於本年壬戌

恩科為始。○又議准。廣西捐輸軍餉。加鄉試永遠中額

二名。自本年壬戌

恩科為始。○又議准。安徽徽甯池三屬捐輸軍餉。加該省鄉試永遠中額二名。自甲子科為始。○三年議准。江西捐助軍餉。加鄉試永遠中額四名。自甲子科為始。○又議准。湖北捐輸軍餉。加鄉試永遠中額二名。自甲子科為始。○又議准。山西捐輸軍餉。加鄉試永遠中額二名。自甲子科為始。○又

諭。曾國藩奏停止廣東釐金。請加廣該省鄉試中額一摺。前因浙江江蘇安徽三省軍餉支絀。經曾國藩奏

請開辦廣東釐金。三成留辦本省防勦。七成協解江皖。計自同治元年七月起。截至三年八月止。除留歸各省軍需局外。約解過軍餉銀一百二十萬兩。該省商民踴躍輸將。集成鉅款。俾江甯各軍藉得迅速成功。實屬好義急公。有裨大局。著照所請。加廣廣東鄉試永遠中額四名。以示鼓勵。○又議准。江蘇歷次捐輸軍餉。共一百四十二萬餘兩。加鄉試永遠中額四名。又安徽歷次捐輸軍餉。一百一十一萬兩。有奇。加鄉試永遠中額三名。均自甲子科為始。○又議准。鎮營報效欠餉銀九十萬兩。加江蘇

鄉試永遠中額一名。廣東湖南前加永遠中額已足十名之限。此次改為各廣一次中額三名。所廣中額。於丁卯科取中。至江蘇本年十一月舉行甲子科帶補戊午科鄉試。此次所加中額。自甲子科為始。其帶補之戊午科。毋庸補加。○四年奏准。各省捐輸加廣中額。分別某科取中。均以奏准先後為斷。咸豐九年。江蘇紳民捐輸軍餉。請加永遠定額四名。又安徽捐輸軍餉。請加永遠定額二名。均議令自己未

恩科為始。今江南舉行甲子帶補戊午科鄉試。將咸豐九年所加江蘇定額四名。安徽定額二名。歸於戊午科取中。實屬疏忽。將該監臨交部議處。至江蘇多中四名。安徽多中二名。俟下屆鄉試時。在各該省捐輸應加中額內扣還。以符定制。○五年議准。廣西捐輸團練。加鄉試永遠中額二名。自丁卯科為始。○又議准。淮軍報效欠餉。加安徽鄉試永遠中額一名。自丁卯科為始。○又議准。浙江歷年捐輸。共銀一百零九萬七千九百餘兩。合之上屆餘銀十六萬八千二百餘兩。共銀一百二十六萬六千一百餘兩。加鄉試永

遠中額四名。自丁卯科為始。○又議准江蘇續捐軍餉銀數甚多。加鄉試永遠中額一名。自丁卯科為始。○又奏准四川續收津貼銀數。再加文鄉試永遠中額十名。自丁卯科為始。○六年議准安徽官生。在清淮局及江北糧臺捐輸。加該省鄉試永遠中額一名。自丁卯科為始。○又議准原任西安將軍多隆阿。攻克回巢。得銀三十餘萬兩充餉。加廣八旗滿蒙順天鄉試定額一名。自丁卯科為始。再各省捐輸。加永遠中額章程。不得過十名。嗣後八旗滿蒙捐輸。加永遠

中額均比照

恩詔加滿蒙文鄉試中額六名之數。以六名為限。○又議准貴州紳民捐輸義穀。加鄉試永遠中額一名。自丁卯科為始。○又議准旗員歷年捐輸軍餉。加順天鄉試滿蒙永遠中額五名。漢軍永遠中額二名。自丁卯科為始。此次滿蒙加永遠中額五名。連前所加已足六名之限。以後捐輸。不准再加永遠中額。又漢軍加永遠中額。事屬創始。比照

恩詔加漢軍鄉試中額三名之數。以三名為限。此次漢

軍已加永遠中額二名。以後止准再加一名。以示限制。○又議准楚粵各營捐輸欠餉。加湖南鄉試永遠中額二名。廣西鄉試永遠中額四名。自丁卯科為始。其湖南先加永遠中額十名。此次再加二名。係屬逾限。改為廣一次中額六名。○又議准直隸續捐軍餉米石。並海防團練城工。加鄉試永遠中額二名。自丁卯科為始。○七年議准河南捐輸軍餉。加鄉試永遠中額三名。自庚午科為始。○又議准嗣後外省捐輸各案。凡捐生已請獎敘者。概不得再行加廣中額學額。其加廣中額銀數。仍照咸豐三年奏定章程。並將中額學額劃分辦理。凡已廣中額之銀。概不得再加學額。已加學額之銀。概不得再增加中額。○九年

諭李鴻章奏江蘇釐捐充餉。請加鄉試中額一摺。江蘇辦理釐捐。協濟各省軍餉。自同治四年閏五月起。至七年六月底止。計撥解過勦捻軍需銀七百五十餘萬兩。該省商民踴躍輸將。集成鉅款。俾勦捻各軍。得以迅速成功。實屬急公好義。著照該督所請。加廣江蘇省文武鄉試永遠中額各八名。以示鼓勵。嗣後他

省不得援以為例。○又議准。銘軍報效欠餉。加廣安徽永遠中額一名。自庚午科為始。○十三年議准。嗣後各省捐輸。止准加一次鄉試中額。概不准加永遠中額。其加廣一次文武鄉試中額。改為一省捐銀至三十萬兩者。准廣一次文武鄉試中額一名。至捐輸款項。業經請獎。仍不准彙入再請加廣中額。自此次奉

旨之日起。凡捐輸各案。無論已未到部。但未經部議覆准者。均遵照新章一律辦理。○光緒元年

諭。前據岑毓英奏請加雲南鄉試永遠中額各十名。當經部議與新章不符。改為加廣一次文武鄉試中額各三十名。茲復據該撫奏稱。雲南自軍興以來。紳民竭力捐輸。十有餘年。覈計捐銀一千零七十餘萬兩。從未請加中額。與他省已加永遠中額者不同。仍懇加雲南文武鄉試永遠中額等語。加恩著照所請。雲南文武鄉試。各加永遠中額十名。以示加惠士林之意。○又議定。陝甘分闈鄉試。駐防中額。每省不得過二名。○又議准。陝甘分闈所有聿中字號。歸甘肅取中。○二年

諭。前據左宗棠奏請加甘肅永遠中額十名。當經部

議與新章不符。茲復據該督奏稱。甘肅自軍興以來。各屬士民捐輸。覈計銀數至五千餘萬兩之多。皆在同治十三年十一月以前。非在新章之後。請加甘肅文鄉試永遠中額等語。加恩著照所請。甘肅文闈鄉試。加永遠中額十名。即以光緒二年丙子科為始。用示加惠士林之意。○四年奏准。廣東捐輸廣額。除同治三年請加定額四名。係奉

特旨准加。毋庸歸併計算外。計咸豐七年准加四名。十

一年准加六名。已足十名之限。其同治二年所加定額一名。係屬逾限。改為廣一次中額三名。查同治甲子丁卯庚午三科。該省均多中定額一名。已足三名之數。儘數扣抵。其癸酉乙亥丙子三科。該省仍係照案取中。計共多中三名。請分三次扣還。自下屆己卯科為始。於該省所加定額十四名內。每科少取一名。抵償多中之數。以符定章。○又

諭。前因廣東省同治二年請加文鄉試定額一名。與咸豐年間會議章程不符。經禮部奏准改為廣一次中額二名。同治甲子至光緒丙子六科。除扣抵外。尚多三名。應分三次扣還。茲據奉天府府丞王

家壁奏。同治二年所加廣東文鄉試定額一名。請毋庸裁減。扣還等語。同治年間。廣東省所加文鄉試定額。既與定章不符。自應仍照部議更正。其歷科取中尚多三名。加恩免其分次扣還。以示加惠士林至意。○八年

諭。前據林肇元奏請加貴州永遠中額八名。當經部議與新章不符。改為加廣一次文武中額各十四名。茲復據該撫奏稱。貴州紳團丁勇欠款。覈計銀數至四百三十餘萬兩之多。此項欠餉。係在同治十三年未定新章之前。援案仍請加廣貴州文武鄉試永遠中額八名。即自光緒八年壬午科為始。用示加惠士林至意。

欽定大清會典事例卷三百五十

禮部

貢舉 會試中額

會試中額。○順治三年。丙戌科會試。奉

旨。首科人文宜廣。准中四百名。○四年。丁亥科再行會

試。奏准取中三百名。憑文取中。不分南北中卷。

○八年

恩詔。九年會試取中四百名。滿洲蒙古漢軍加額二十

五名。○九年議准。壬辰科會試分南北中卷取中。浙

江。江西。福建。湖廣。廣東。五省。江甯。蘇州。松江。常

州。鎮江。徽州。甯國。池州。太平。淮安。揚州。十一府。

廣德。一州為南卷。取中二百三十三名。山東。山

西。河南。陝西。四省。順天。永平。保定。河間。真定。順

德。廣平。大名。八府。延慶。保安。二州。奉天。遼東。大

甯。萬全。諸處為北卷。取中一百五十三名。四川。

廣西。雲南。貴州。四省。安慶。廬州。鳳陽。三府。滁。徐。

和。三州為中卷。取中十四名。○又定。滿漢分榜。

於漢榜進士外。取中滿洲進士二十五名。蒙古

進士十名。漢軍進士二十五名。○又遵

詔議定。加中滿洲進士十名。蒙古進士五名。漢軍進士

十名。○十二年議准。會試中額。止須分南北卷。其中卷安慶。廬州。鳳陽三府。滁徐和三州。原係中江南鄉試。應一併歸入南卷。四川。廣西。雲南。貴州四省。一併歸入北卷。每科臨場。照各省應試舉人名數多寡。隨時分派中額。不得豫定南北名數。以昭平允。○十五年題准。會試額數裁減。每科取中一百五十名。○十六年。雲貴蕩平。欽奉

恩詔再行會試。是科取中三百五十名。○十八年題准。會試仍分南北中卷。照人數之多寡。隨時定額。

○康熙三年題准。嗣後停止會試副榜。謹案順治初年。舉人中副榜者。免其廷試。禮部即咨送吏部授職。國初會試。原有副榜。至是始停。

九年題准。八旗復行會試。滿洲蒙古另編滿字號。取中進士四名。漢軍另編合字號。取中進士四名。○十五年

恩詔。滿洲蒙古進士加中二名。漢軍進士加中二名。謹案

是年又停止八旗考試。二十六年。八旗復一體會試。又議准。雲南。貴州。四川。廣西四省。照順治

十二年例。暫歸北卷。廬州。鳳陽。安慶三府。滁徐和三州。暫歸南卷。其南北卷中式數目。仍照卷

數多寡。不豫定南北名數。○二十四年會試。照

原例分南北中三號取中。○三十年覆准。會試南北中卷內。再分江南。浙江為南左。江西。湖廣。福建。廣東為南右。直隸。山東為北左。河南。山西。陝西為北右。四川。雲南為中左。廣西。貴州為中右。仍照舊例。合計卷數多寡。憑文取中。又安慶。廬州。鳳陽三府。滁徐和三州。改歸南卷。○三十四年覆准。會試現行例。春秋禮記十六名取中進士一名。但遠省習孤經者少。人數恐有不足。嗣後四川。廣西。雲南。貴州四省。春秋禮記二孤

經。若應試人多。仍照現行之例。人少。則合四省總算。二孤經。照數分中。若仍不足。則合二孤經擇其文佳者取中一名。○三十八年議准。會試南北卷內。不必細分左右。將廬州等府。滁徐等州。舊係中卷者。皆歸南卷。四川。廣西。雲南。貴州四省。去中卷名色。每科雲南定為雲字號。額中三名。四川定為川字號。額中二名。廣西定為廣字號。額中一名。貴州定為貴字號。額中一名。○三十九年會試

恩詔。加四川。雲南中額各二名。廣西。貴州各一名。○又

議准。浙江等省。既編南卷。山陝等省。既編北卷。又將雲南貴州。四川。廣西。編列各省字號。卷數甚少。易查闕節。嗣後將四省編入南卷內。照現行例取中。○四十一年議准。會試五經卷。不論南北官民。於額外取中。不得過三名。○四十二年議准。本年因廣東省舉人會試未經取中。遵旨酌議補取之法。嗣後會試揭曉後。如有脫科之省。將未中試卷。交與正副考官揀選進呈。奏請取中一二名。○四十五年定。四川省會試卷。仍歸南卷考試。○五十年覆准。會試習五經者。於額中

三名外。增中三名。○五十一年

諭。近見直隸各省。考取進士額數。或一省偏多。一省偏少。皆因南北卷中。未經分別省分。故取中人數甚屬不均。今文教廣敷。士子皆鼓勵勤學。各省赴試之人。倍多於昔。貧士自遠方跋涉。赴試至京。每限於額。多致遺漏。朕深為軫念。自今以後。考取進士額數。不必豫定。俟天下會試之人齊集京師。著該部將各省應試到部舉人實數。及八旗滿洲蒙古漢軍應考人數。一併查明。豫行奏聞。朕計省之大小。人之多寡。按省酌定取中進士額數。考取之時。就本省卷內擇其佳

者。照所定之數取中。如此則偏多偏少之弊可除。而學優真才。不致遺漏矣。著九卿詹事科道確議具奏。欽此。遵

旨議定。嗣後會試。不必豫定額數。亦不必編南北官民等字號。惟按直隸各省及滿洲蒙古漢軍分編字號。印明卷面。於入場時。禮部將直省舉人各實數奏

聞。酌定省分大小。人材多寡。

欽定中額。行文主考。就各省內擇其文佳者。照數取中。○五十四年

諭。嗣後會試舉人一到。停其啟奏數目。俟三場畢。貼出後。將實數具題奏聞。○五十六年會試。停止五經中式。○雍正元年

恩科會試。

諭。此次進士。照朕所定之數入榜取中。仍降旨與朱軾張廷玉。此外不拘省分。不限額數。有可取好卷。選出另行具奏。放榜後落卷。照今春檢閱之例檢閱。○又奉

旨。會試落卷。著徐元夢田從典張伯行勵廷儀阿克敦查嗣庭李鳳翥逢泰會同南書房翰林院檢閱。春間

檢閱落卷。原派翰林十名。這次卷子甚多。徐元夢等有知道好的翰林。即派出同看。○是年。於正額一百八十名外。又取中落卷七十八名。○二年題准。五經應試。前經停罷。今奉

恩旨復增中額。必雍正四年鄉試後。始有各省五經中式舉人。本年八月補行正科會試。除前原係五經中式外。其非五經中式舉人。今願以五經會試者。許照面試生監例。禮部先加面試。實能貫通五經。准以五經應試。著為定例。○是年八月甲辰科會試。主考官朱軾等。將場內備卷七十七卷進呈。奉

旨。今歲會試共取中二百九十名。著接續本科前榜出榜。○又覆准。五經會試原無多人。分省既為未便。混合為一。又恐南北去取偏枯。嗣後五經卷。照前分南北中之例。以直隸。山東。山西。陝西。河南。為北卷。江南。浙江。江西。福建。湖北。湖南。為南卷。四川。廣東。廣西。雲南。貴州。為中卷。滿洲。漢軍。另立一號。臨時將四號完場卷數。奏請

欽定中額。○七年奉旨。明年會試取中額數。廣至四百名。○乾隆元年。尚書

傅爾丹奉

諭。朕聞今科會試遺卷內。尚有佳卷。目今場事已竣。應如何加恩。增中之處。爾可會同鄂爾泰。朱軾。議奏。欽此。遵

旨。議奏場內所有薦卷。應再行校閱。不必拘定額數。揀選進呈。伏候

欽定取中。續出一榜。奉

旨。今科會試落卷內所有薦卷。著大學士鄂爾泰。張廷玉。朱軾。侍郎邵基。張廷璩。學士方苞。公同閱看。○是科於額外又取中落卷三十五名。內老人。○三年議准。將來臺郡士子來京會試。果至十名以上之多。禮部再行奏

聞。請

欽定中額。以示鼓勵。○又

諭。朕聞各省現任教諭。若中進士。現任訓導。若中舉人。副榜。則有應用之缺。便離原有之任。以待銓補。而銓補往往遲延。動輒數載。是一中之後。轉令退居閒散矣。推求其故。蓋以從前品級相懸。故定例令其離任。今教職品級。既已加增。則離任之例。亦應酌量變通。以示鼓勵。嗣後現任教諭會試得中進士。例應歸班



者仍令回原任。以教授銜管教諭事。現任訓導鄉試得中舉人副榜者。仍回原任。以教諭管訓導事。若遇該員本班應選時。照常銓選。遇卓異薦舉。亦照銜升轉。將此永著為例。○二十年

恩詔。丙子年各省鄉試廣額。其丁丑年會試應廣若干之處。該部臨時具奏請旨。○五十三年

諭。前錢澧奏科場事宜一摺。請將順天鄉試毋庸分別南北中四。會試亦毋庸分別省分。概憑文藝取中。以防查認關節之弊。固為剔除關節積弊起見。但國家取士。博採旁求。於甄錄文藝之中。原寓廣收人才之意。且各省文風高下互有不齊。若如錢澧所奏。勢必至江浙大省。取中人數居其大半。而邊遠小省。或竟至一名不中。殊非就地取才之意。錢澧係雲南人。或所奏尚無別故。若伊籍隸江浙等省。則迹涉阿私。必至有干吏議矣。著毋庸議。○嘉慶元年

恩詔。會試額數。俟禮部臨期奏明人數請旨。酌量廣額。○二十五年

恩詔。會試額數。俟禮部臨期奏明人數請旨。酌量廣額。○道光三年奏准。本科會試。臺灣士子實在人數十一名。開單另請

欽定中額奉

旨。臺灣取中一名。嗣後臺灣會試士子至十名以上。於題請中額本內聲明。○三十年

年

恩詔。會試額數。俟禮部臨期奏明人數請旨。酌量廣額。

○咸豐十一年

恩詔。會試額數。俟禮部臨期奏明人數請旨。酌量廣額。

○光緒元年

恩詔。會試額數。俟禮部臨期奏明人數請旨。酌量廣額。○二年題准。陝西甘肅會試。向係統計兩省實在入場人數。恭請

欽定中額。上年鄉試分闈。所有會試中額。應從丙子

恩科為始。分省取中。○十三年議准。會試向無另編

字號之例。凡算學中式之舉人。仍歸大號與各

省士子合試。憑文取中。

附載歷科中額

順治三年丙戌。會試首科。取中四百名。○四年

丁亥科再行會試。取中三百名。○六年己丑科。

取中四百名。○九年壬辰科。滿洲取中五十名。

殿試一甲麻勒吉等三名。二甲楊官等七名。三甲賽花等四十名。漢人取中四

百名。○十二年乙未科。滿洲取中五十名。試一殿

甲圖爾賓等三名。二甲董色等七名。三甲得木  
國等四十名。謹案此二科滿漢分榜。蒙古八滿  
洲榜。漢軍。漢人取中四百名。○十五年戊戌科。  
取中三百五十名。又

欽賜殿試一名。○十六年己亥。平雲貴。再行會試。取中

三百五十名。○十八年辛丑科。取中四百名。○

康熙三年甲辰科。取中一百五十名。是科停止

論表判。○六年丁未科。取中一百五十名。○九

年庚戌科。取中三百名。是科仍用八股。○十二

年癸丑科。取中一百五十名。○十五年丙辰科。

取中一百九十五名。○十八年己未科。取中一

百五十名。○二十一年壬戌科。取中二百名。○

二十四年乙丑科。取中一百五十名。○二十七

年戊辰科。取中一百五十名。○三十年辛未科。

取中一百五十名。○三十三年甲戌科。取中一

百五十名。○三十六年丁丑科。取中一百五十

九名。○三十九年庚辰科。取中三百名。○四十

二年癸未科。取中一百五十九名。又

欽賜殿試三名。○四十五年丙戌科。取中三百名。○四

十八年己丑科。取中三百名。○五十一年壬辰

科。取中一百七十七名。又

欽賜殿試十五名。謹案康熙五十一年以前。惟○五十

二年癸巳

恩科。取中一百八十六名。謹案會試分省定額。自是科

名。直隸二十二名。奉天一名。江南三十名。浙江

二十名。湖廣十二名。江西十三名。福建八名。山

東十五名。廣西六名。雲南四名。廣西三名。貴州三

名。四川三名。○五十四年乙未科。取中二百名。滿

州蒙古共四名。直隸二十四名。奉天一

名。江南三十名。浙江三十名。湖廣十三名。江西

十四名。福建十三名。山東十五名。山西十二名。江

南十三名。陝西九名。四川五名。廣東六名。雲

南四名。廣西二名。○五十七年戊戌科。取中一百

七十四名。滿州蒙古共四名。江南二十三名。浙江

二十名。湖廣十一名。江西十四名。福建十二名。

山東十四名。山西十一名。河南十二名。陝西九

名。四川四名。廣東七名。雲南  
○六十年辛丑科。

取中一百七十四名。滿州蒙古共四名。漢軍二

名。山東十五名。山西十一名。河南十二名。奉天一

名。江南十三名。浙江二十名。湖廣十三名。江西

八名。江蘇十九名。福建十二名。廣東七名。四川

四名。雲南三名。廣西二名。貴州二名。又

欽賜殿試二名。○雍正元年癸卯

恩科。取中一百八十八名。滿州蒙古共七名。漢軍二名。直

隸二十名。山西十名。河南十名。陝西七名。江南十

二名。浙江二十名。江西十五名。湖廣十三名。福

建十四名。廣東八名。廣西一名。○二年甲辰科。

四川三名。貴州二名。雲南五名。○二年甲辰科。

取中二百十三名。滿州蒙古共九名。漢軍二名。山



福建十四名。廣東九名。江西五名。廣西五名。四川九名。貴州七名。雲南九名。五經卷自是科停止。取中。

○十七年壬申

恩科。取中二百三十五名。直隸二十名。蒙古共七名。漢軍一名。東三省十三名。山西十五名。河南十名。陝西十二名。山東十一名。江西十三名。浙江十一名。湖北九名。湖南八名。福建十四名。廣東十四名。廣西七名。雲南七名。○十九年甲戌科。取中二百四十一名。共滿洲蒙古軍一名。直隸二十二名。奉天一名。山東十四名。山西十六名。河南十一名。陝西十三名。江西十三名。浙江十二名。湖北九名。湖南八名。福建十四名。廣東十五名。廣西十名。雲南七名。○二十二年丁丑科。取中二百三十五名。滿洲蒙古共六名。漢軍一名。直隸百三十五名。奉天一名。山東十三名。山西

西六名。河南十一名。陝西十四名。江西十三名。浙江十三名。湖北十二名。湖南十三名。福建十五名。廣東十五名。廣西十五名。雲南八名。○二十年庚辰科。取中一百九十一名。滿洲蒙古共三名。漢軍一名。直隸十五名。奉天一名。山東十三名。山西十名。河南九名。陝西九名。湖北八名。湖南八名。貴州六名。福建九名。廣東八名。廣西四名。雲南五名。○二十六年辛巳

恩科。取中二百七名。滿洲蒙古共四名。漢軍二名。直隸三十名。河南十名。陝西十名。江西十名。浙江十名。湖北八名。湖南八名。福建九名。廣東九名。廣西七名。雲南五名。○二十八年癸未科。取中一百八十七名。滿洲蒙古共三名。漢軍一名。直隸十六名。

奉天一名。山東十一名。山西十名。河南九名。陝西八名。江西七名。湖南四名。浙江九名。廣東九名。廣西四名。四川六名。貴州五名。雲南四名。○三十一年丙戌科。取中二百六名。滿洲蒙古共三名。直隸十八名。奉天一名。山東十三名。江西十三名。河南十二名。陝西九名。湖北九名。湖南八名。福建十名。廣東九名。廣西四名。雲南四名。○三十四年己丑科。取中一百四十三名。滿洲蒙古共三名。漢軍一名。直隸十三名。奉天一名。山東十名。山西八名。河南八名。陝西五名。江西四名。浙江四名。湖北四名。湖南三名。福建七名。廣東四名。廣西四名。雲南一名。○三十六年辛卯

恩科。取中一百六十一名。直隸十四名。奉天一名。山東十一名。山西九名。河南十名。陝西六名。江西二名。湖南四名。福建八名。廣東五名。廣西二名。雲南二名。○三十七年壬辰科。取中一百六十九名。滿洲蒙古共三名。直隸十五名。奉天一名。山東十二名。山西九名。河南十一名。陝西六名。湖北五名。湖南五名。貴州三名。福建五名。廣東五名。廣西三名。雲南二名。○四十年乙未科。取中一百五十一名。滿洲蒙古共三名。漢軍一名。直隸十五名。奉天一名。山東十二名。山西九名。河南十一名。陝西六名。湖北五名。湖南五名。貴州三名。福建五名。廣東五名。廣西三名。雲南二名。○四十二年戊戌科。取中一百五十六名。雲南一名。又

欽賜殿試二名。○四十二年戊戌科。取中一百五十六名。雲南一名。又

名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

欽賜殿試二名。○四十五年庚子

恩科。取中一百五十八名。滿洲蒙古共三名。漢軍一名。山東一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

年辛丑科。取中一百六十八名。滿洲蒙古共三名。漢軍一名。山東一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

○四十九年甲辰科。取中一百十五名。滿洲

共三名。漢軍一名。直隸十三名。奉天一名。山東一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

欽賜殿試一名。○五十五年庚戌

恩科。取中一百二名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

取中一百二名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

恩科。取中一百十四名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

自是科始。○嘉慶元年丙辰

恩科。取中一百四十八名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

分取。○四年己未科。取中二百九名。滿洲蒙古

名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

欽賜殿試一名。○六年辛酉

恩科。取中二百七十名。滿洲蒙古共三名。漢軍一名。直隸十五名。奉天一名。山西九名。河南十名。陝西五名。江西四名。浙江九名。廣東四名。廣西二名。湖南三名。湖北四名。福建九名。四川二名。貴州三名。雲南二名。又

十名。又  
雲南一名。又  
江蘇二十名。山西十四名。河南十四名。陝甘十二名。江西十八名。湖北十一名。湖南九名。福建十七名。廣東十四名。廣西七名。四川十名。貴州八名。雲南一名。又

欽賜殿試一名。○七年壬戌科。取中二百四十五名。滿洲

七名。蒙古二名。漢軍三名。直隸二十三名。奉天一名。山東十七名。山西十二名。河南十二名。陝甘十一名。江西二十名。安徽十四名。浙江十二名。福建三名。江蘇二十名。湖北十一名。湖南九名。福建十名。十六名。廣東十二名。廣西六名。○十年乙丑科。取中二百三十三名。滿洲八名。蒙古二名。漢軍二名。山東十九名。山西十二名。河南十二名。陝甘十名。江蘇二十名。安徽十四名。浙江十二名。福建一名。江西十八名。湖北十一名。湖南八名。福建十名。廣東六名。廣西四名。四川五名。貴州九名。

雲南一名。○十三年戊辰科。取中二百五十九名。滿洲十名。蒙古二名。漢軍三名。直隸二十八名。奉天八名。山東二十名。山西十三名。河南十三名。陝甘十一名。江西二十名。安徽十四名。浙江十二名。福建十三名。江蘇二十名。湖北十一名。湖南九名。福建十名。十四年己巳

恩科。取中二百四十一名。滿洲八名。蒙古二名。漢軍三名。山東十九名。山西十二名。河南十二名。陝甘十一名。江西二十名。安徽十四名。浙江十二名。福建十三名。廣東十九名。廣西六名。四川七名。貴州九名。雲南一名。○十六年辛未科。取中二百三十七名。滿洲

一名。○十六年辛未科。取中二百三十七名。滿洲一名。蒙古二名。漢軍四名。直隸二十三名。奉天二名。陝甘二十名。山東十九名。山西十二名。河南十二名。陝甘十一名。江西二十名。安徽十四名。浙江十二名。福建十三名。廣東十九名。廣西六名。四川七名。貴州九名。雲南一名。

名。江蘇二十名。山西十四名。河南十四名。陝甘十二名。江西十八名。湖北十一名。湖南九名。福建十七名。廣東十四名。廣西七名。四川十名。貴州八名。雲南一名。○十九年甲戌科。取中二百二十五名。滿洲七名。蒙古二名。漢軍四名。山東十七名。山西十二名。河南十二名。陝甘十一名。江西二十名。安徽十四名。浙江十二名。福建十三名。廣東十九名。廣西六名。四川七名。貴州九名。雲南一名。○二十年丁丑科。取中二百四十九名。滿洲

欽賜殿試一名。○二十四年己卯  
八名。蒙古二名。漢軍四名。直隸二十三名。奉天一名。山東十九名。山西十二名。河南十二名。陝甘十一名。江西二十名。安徽十四名。浙江十二名。福建十三名。廣東十九名。廣西六名。四川七名。貴州九名。雲南一名。○二十年丁丑科。取中二百四十九名。滿洲

恩科。取中二百二十二名。滿洲八名。蒙古二名。漢軍四名。山東十六名。山西十一名。河南八名。陝甘九名。江西七名。湖北九名。安徽十四名。浙江九名。福建十三名。廣東七名。廣西六名。四川八名。貴州九名。雲南十名。又

欽賜殿試一名。○二十五年庚辰科。取中二百四十一名。滿洲八名。蒙古二名。漢軍四名。直隸二十三名。奉天二名。陝甘二十名。山東十九名。山西十二名。河南十二名。陝甘十一名。江西二十名。安徽十四名。浙江十二名。福建十三名。廣東十九名。廣西六名。四川七名。貴州九名。雲南一名。○道光二年壬午

恩科。取中二百二十三名。滿洲九名。蒙古三名。漢軍五

<p>欽賜殿試一名。○九年己丑科。取中二百十四名。滿洲 蒙古四名。漢軍五名。直隸二十二名。奉天二名。江 山東十八名。安徽十四名。河南二十名。陝甘八名。江 蘇十八名。湖北十名。湖南八名。浙江十一名。廣東九 七名。廣西五名。四川六名。雲南九名。貴州八名。廣 ○三年癸未科。取中二百四十名。滿洲九名。漢軍 五名。直隸二十二名。奉天二名。山東十九名。山 西十一名。河南十二名。陝甘九名。江蘇十九名。湖 安徽十五名。浙江十一名。福建十三名。江西十九名。湖 十一名。廣西六名。貴州七名。○六年丙戌科。取中二 百五十七名。滿洲九名。蒙古四名。漢軍六名。直 名。山西十二名。河南十三名。奉天二名。山東二十 十名。安徽十五名。浙江十二名。陝甘十名。江西二十 湖北十一名。湖南十名。福建十四名。江蘇二十名。湖 廣東十一名。廣西七名。四川九名。雲南十一名。貴 貴州又</p>	<p>恩科。取中二百三名。滿洲八名。蒙古三名。漢軍五名。直 名。山西九名。河南九名。陝甘六名。江蘇十七名。湖 安徽十二名。浙江九名。福建十一名。江西十六名。湖 西六名。四川六名。雲南七名。貴州五名。○十三 年癸巳科。取中二百二十二名。滿洲八名。蒙古三名。直 直隸二十一名。奉天二名。山東十八名。山西十四 名。河南二十名。陝甘八名。江蘇十八名。安徽十四 七名。浙江二十一名。廣東十八名。廣西五名。四川八</p>
--	--

<p>恩科。取中二百七十四名。滿洲七名。蒙古三名。漢軍六 東十六名。安徽七名。浙江七名。河南七名。陝甘六名。江蘇 十五名。湖北五名。福建七名。廣東七名。江西十六名。湖 西五名。四川六名。雲南六名。貴州五名。○十 八年戊戌科。取中一百八十二名。滿洲七名。漢軍 五名。直隸十九名。奉天一名。山東十七名。山西 八名。河南九名。陝甘七名。江蘇十七名。安徽八</p>	<p>恩科。取中二百九十九名。滿洲六名。蒙古二名。漢軍五名。直 名。山西九名。河南九名。陝甘八名。江蘇十八名。湖 西九名。浙江九名。廣東八名。江西八名。湖北八名。湖 八名。福建八名。雲南七名。貴州六名。○二十四 名。四川七名。雲南七名。貴州六名。○二十四 甲辰科。取中二百二十九名。滿洲六名。蒙古二 名。河南十一名。奉天二名。山東二十三名。山西十一 名。浙江十一名。陝甘十名。江蘇二十三名。安徽九</p>
--	--

名浙江二十二名。江西十九名。湖北八名。湖南七名。福建十名。臺灣一名。廣東十一名。廣西七名。四川八名。雲南七名。又

欽賜殿試一名。○二十五年乙巳

恩科。取中二百十二名。滿洲六名。蒙古二名。漢軍四名。直隸二十名。奉天二名。山東十名。山西十名。安徽九名。河南十四名。陝甘十三名。江蘇十六名。湖南八名。福建九名。江西十六名。湖北九名。四川八名。雲南八名。貴州七名。廣西七名。○二十七年丁未科。取中二百一十一名。滿洲六名。蒙古二名。漢軍五名。直隸二十名。奉天二名。山東十七名。山西九名。河南十五名。陝甘十七名。江蘇十七名。安徽十名。浙江十八名。江西十七名。湖北九名。湖南八名。福建九名。廣東十名。廣西七名。四川八名。雲南八名。貴州七名。○三十年庚戌科。取中二百七名。

恩科。取中二百四十四名。○咸豐二年壬子

滿洲六名。蒙古一名。漢軍五名。直隸十八名。奉天二名。山東十五名。山西七名。河南十七名。江蘇十八名。安徽十六名。浙江十四名。江西十七名。湖北八名。湖南七名。福建九名。廣東十一名。廣西七名。四川八名。雲南七名。貴州六名。○咸豐二年壬子。取中二百四十四名。直隸二十二名。奉天三名。山東十八名。山西十名。河南十一名。浙江十一名。江西十名。湖北八名。湖南七名。安徽十名。四川十名。雲南十名。貴州七名。○三年癸丑科。取中二百三十七名。滿洲六名。蒙古二名。漢軍三名。直隸二十二名。奉天三名。山東十七名。山西十一名。河南十二名。浙江十二名。江西十二名。湖北十二名。湖南十二名。安徽九名。福建十一名。廣東十一名。廣西十二名。四川十二名。雲南十一名。貴州八名。○六年丙辰科。取中二百五十二名。滿洲六名。蒙古二名。漢軍五名。直隸二十四名。奉天三名。山東二十一名。山西十一名。河南十一名。浙江十一名。江西十一名。湖北十一名。湖南十一名。安徽十一名。福建十一名。廣東十一名。廣西十一名。四川十一名。雲南十一名。貴州十一名。

中一百九十一名。滿洲六名。蒙古一名。漢軍二名。直隸二十名。奉天二名。山東十五名。山西十名。河南十七名。江蘇十九名。安徽十三名。浙江十七名。江西十七名。湖北八名。湖南七名。福建十一名。廣東五名。廣西七名。四川九名。雲南七名。貴州五名。又

欽賜殿試一名。○九年己未科。取中一百九十一名。滿洲六名。蒙古一名。漢軍二名。直隸十八名。奉天二名。山東十五名。山西九名。河南十四名。陝甘十二名。江蘇十六名。湖南八名。福建九名。江西十六名。湖北九名。四川八名。雲南八名。貴州七名。廣西七名。○十年庚申。取中一百九十名。直隸十九名。奉天一名。漢軍二名。山東十六名。山西九名。河南十七名。陝甘十九名。江蘇十六名。安徽十名。浙江十八名。江西十七名。湖北九名。湖南八名。福建九名。廣東十名。廣西七名。四川八名。雲南八名。貴州七名。○同治元年壬戌科。取中一百九十六名。滿洲六名。蒙古一名。漢軍三名。直隸二十名。奉天二名。山東十六名。山西十一名。河南十一名。浙江十一名。江西十一名。湖北八名。湖南七名。安徽十名。四川十名。雲南十名。貴州七名。○二年癸亥。取中一百九十七名。滿洲七名。蒙古二名。漢軍五名。直隸二十二名。奉天三名。山東十八名。山西十名。河南十二名。浙江十二名。江西十二名。湖北十二名。湖南十二名。安徽九名。福建十一名。廣東十一名。廣西十二名。四川十二名。雲南十一名。貴州八名。又

欽賜殿試一名。○同治元年壬戌科。取中一百九十六名。滿洲六名。蒙古一名。漢軍三名。直隸二十名。奉天二名。山東十六名。山西十一名。河南十一名。浙江十一名。江西十一名。湖北八名。湖南七名。安徽十名。四川十名。雲南十名。貴州七名。○二年癸亥。取中一百九十七名。滿洲七名。蒙古二名。漢軍五名。直隸二十二名。奉天三名。山東十八名。山西十名。河南十二名。浙江十二名。江西十二名。湖北十二名。湖南十二名。安徽九名。福建十一名。廣東十一名。廣西十二名。四川十二名。雲南十一名。貴州八名。又

恩科。取中一百九十七名。滿洲七名。蒙古二名。漢軍五名。直隸二十二名。奉天三名。山東十八名。山西十名。河南十二名。浙江十二名。江西十二名。湖北十二名。湖南十二名。安徽九名。福建十一名。廣東十一名。廣西十二名。四川十二名。雲南十一名。貴州八名。又

欽賜殿試一名。○四年乙丑科。取中二百五十二名。滿洲六名。蒙古二名。漢軍五名。直隸二十四名。奉天三名。山東二十一名。山西十一名。河南十一名。浙江十一名。江西十一名。湖北十一名。湖南十一名。安徽十一名。福建十一名。廣東十一名。廣西十一名。四川十一名。雲南十一名。貴州十一名。

七名。蒙古二名。漢軍五名。直隸二十四名。奉天三名。山東二十一名。山西十一名。河南十一名。浙江十一名。江西十一名。湖北十一名。湖南十一名。安徽十一名。福建十一名。廣東十一名。廣西十一名。四川十一名。雲南十一名。貴州十一名。





欽定大清會典事例卷三百五十一

禮部

貢舉 覆試

覆試○順治十四年

諭國家登進才良。額設科目。關係甚重。况京闈乃天下觀瞻。必典試各官。皆夫公天慎。嚴絕弊竇。遴拔真才。始不辱求賢大典。今年順天鄉試發榜之後。物議沸騰。同考官李振鄴等。中式舉人田耜等。已經審實正法。其順天鄉試中式舉人。速傳來京。候朕親行覆試。不許遲延規避。○十五年

諭項因考試不公。故茲親加覆閱。爾等皆朕赤子。其安心各抒實學。毋畏朕非好為此舉。實欲拔取真才。不獲已爾。○又

諭前因丁酉科順天中式舉人。多有賄買情弊。是以朕親加覆試。今取得米漢雯等一百八十二名。仍准會試。蘇洪濟等八名。文理不通。俱著革去舉人。爾部傳諭行。○又議准。項因御史疏參江南榜發。噴有煩言。應照京闈事例覆試。以覈真偽。所有江南新科舉人。暫停其會試。○又

諭前因丁酉科江南中式舉人。情弊多端。物議沸騰。屢

見奏。朕是以親加覆試。今取得吳珂鳴三次試卷。文理獨優。特准同今科會試中式舉人一體殿試。其汪溥勳等七十四名。仍准作舉人。史繼佚等二十四名。亦准作舉人。罰停會試二科。方域等十四名。文理不通。俱著革去舉人。爾部即傳諭行。○十六年

諭此次覆試之江南丁酉科舉人。第一名葉芳。謫至第七十名程稭。俱准作舉人。內陳溯潢。潘之彪。曹漢揚。北皋。洪濟。楊大鯤。黃樞。萬世俊。黃中。何亮。工。何炳。沈。鵬。舉。張。允。昌。前經罰科。今俱免罰。准其會試。第七十一名王克。輩。至第九十名杜瑜。亦准作舉人。內許允芳。秦廣之。馬振飛。史爽。周篆。許鳳。謝全。章。史繼佚。仍照前罰停會試二科。吳維駿。董粵。固。宗。書。俞。振。奇。詹。有望。李。煜。張。仲。馨。韓。揆。策。王。高。中。朱。扶。上。亦准作舉人。俱著罰停會試二科。○康熙三十八年。磨勘順天鄉闈試卷。奉

旨。此科考試不公已極。且聞代倩之人。亦復混入科場。大典豈容如此。著將所取舉人。通行齊集。內廷覆試。如有託故不到者。即行黜革。○三十九年

諭此科中式舉人。因有情弊。為人指參。朕亦聞外議紛。紛。故行覆試。以驗其實。朕親命題。特命皇子重臣侍

衛嚴加監試。朕初謂必有不能終卷者。及閱各卷。俱能成文。尚屬可矜。至於落第者。在外怨謗。勢所必有。馬能杜絕。諸臣所擬三等以上者。皆可觀。有在三等。朕拔置二等者。亦有在四等。朕拔置三等者。四等果屬不堪。著令黜革。三等以上者。仍令其會試。○五十年

諭。去年順天解元。以科場事發脫逃。朕心甚疑。今中式進士內。或有不能作文。令人頂替者。亦未可定。著於二十日。齊備試卷。令赴暢春園。朕親加覆試。○又

諭。趙申喬題請雲南貴州廣西三省中額量增數名。今覆試中式進士。可令趙申喬將所取三省備卷舉人。亦帶來考試。邇來浙江江南人。冒直隸等處北籍。及代人考試者甚多。十三省語音。朕悉通曉。觀人察言。即可識辨。著出示徧曉中式進士等。其中有冒籍替代等項。俱赴部自首。覆試之日。朕前亦許面奏。儻隱蔽不發。朕一查出。悔之無及。○乾隆九年奏准。欲清科場之弊。莫如覆試一法。各省故榜後。例於一月內。中式者俱赴省填寫親供。若乘此便。令本省巡撫會同學政。在撫署內當面出題覆試。真偽可以立分。如有文理荒謬。以及不能完卷者。

即時訊得實情。分別辦理。其並無情弊之人。即給咨赴部會試。並將覆試卷一併解部。聽候磨勘。儻巡撫學政仍有瞻徇。則外而同省大臣。內而九卿科道。皆得隨時舉發。○又

諭。昨順天府尹將炳條陳外省中式之人。應於榜後覆試一事。朕已降旨允行。但如何覆試之處。未曾奏及。各省難以奉行。必至參差不一。亦屬非體。從來科場取士。首重頭場四書文三篇。士子之通與不通。總不出四書文之外。今應令中式之人。填寫親供時。在巡撫衙門內嚴行防範。該撫會同學政出四書間冷二題。不在擬議之內者。當面考試。聽其盡一日之長。試畢。即將原卷與中式卷一併解部。聽候磨勘。如有文理荒謬。及不能完卷者。該撫該學政不得瞻徇。即行舉出。另行奏聞。候朕降旨。○十二年

諭。國家三載賓興。所以旁求俊乂。關係甚重。向因不肖士子。陋習相沿。臨場專事懷挾。舞弊營私。希圖邀幸。是以上科順天鄉試。特派大臣侍衛等嚴加按檢。彼時外省傳諭未到。恐其中有夾帶冒濫中式者。因令於榜後覆試。冀得真實學問。以培養人材。本年又當鄉試之期。聞士子頗知愧悔。不敢自罹罪譴。奮勉下

惟以圖上進。向來講求巧挾之弊頗斂。而閉戶讀書。精研場課者有之。朕嘉悅焉。但若因此稍弛別弊之令。恐復蹈故轍。著各該監臨等官。臨時加意梭查。不許攜帶片紙隻字。務令諸弊悉除。使場規整肅。以收得人之效。至上次覆試。原因場期已近。不及嚴查。今既一體嚴行梭檢。其覆試之處著停止。○三十年

諭。名山奏據廣昌縣知縣李振文稟稱。本年鄉試薦中第一名吳光槐。頭場首藝係鈔襲江南省夏秉衡觀風考作等語。已批交部嚴察議奏。但思此案情罪。專在吳光槐。或係懷挾漏網。或係鈔襲倖中。必須向吳光槐徹底查究。分別辦理。此時即交部察議。該部亦無從查辦。此摺且不必交部。著該撫將吳光槐親提嚴訊。究其因何鈔襲之故。及有無夾帶情弊。該生於此等刻文尚能成誦。其胸中記憶必多。即可令其默寫他文數篇。以別真偽。再嚴加覆試。視其文理何如。兩者俱不能。即為懷挾無疑。自當照例治罪。縱使實無情弊。而錄舊文中式。亦應褫革。該撫於審明日另行具摺奏聞。再交部辦理。至闈中校閱文字。止憑文去取。雖有鈔襲之卷。試官豈能徧查來歷。所有取中吳光槐之主考官。俱可毋庸議處。欽此。遵。

旨查明。吳光槐頭場首藝全錄舊文。若照罰停會試二

科之例。不足示懲。應將吳光槐革去舉人。○五十二年覆准。由俊秀報捐貢監生中式舉人者。應行覆試。通查禮部題名錄。前三科北闈中式之蘇揚廣東山西俊秀貢監各生。通計二十二人。除已登仕版及業經中式進士者毋庸議外。應交禮部查明於會試十日前奏請。

欽派親信大臣。在

文華殿試以制藝一篇。排律一首。恭候

簡派閱卷大臣秉公甄別。至此內各生。如有文理全不

通順及不能完卷者。應即行斥革。其有疵類辭句。即照磨勘例分別罰科。至此內有丁憂患病事故者。俟下科會試前再行奏請覆試。未覆試以前。遇有教習謄錄各項考試。概不准與考。○五十三年

諭。鄉會試為掄才大典。士子讀書明理。惟應奮志積學。各安義命。以端始進。考官等仰邀簡用。尤應公慎自矢。杜絕干營。為國家選拔真才。方為不負任使。近日士子趨向不端。每遇考試。輒百計鑽營。黃緣關節。其舞弊伎倆。愈出愈巧。而考官等聽受請託。曖昧營私。

甘心軌法無所不至。節經降旨訓飭。不啻至再至三。前錢澧條奏科場事宜一摺。請將順天鄉試。毋庸分別南北中。會試亦毋庸分別省分。概憑文藝取中。以防查認關節之弊。昨又據吳省欽條奏。殿試朝考散館大考。俱請給發內務府圖章。又監試王大臣將試卷逐加鈐記。以防抽換試卷之弊。已批交原議大臣一併議奏。因思科場條例。於一切防弊之法。本為詳備。上年復經大學士九卿等申嚴例禁。設法防閑。纖悉具備。其杜弊之方。幾至等於穿窬竊劫。稍有人心者。亦應激發愧恥。爭相砥礪。一洗從前卑鄙錮習。今錢澧奏請鄉會試不必分別南北中。及分省中式一節。因為剔除關節積弊起見。但國家取士。博採旁求。於甄錄文藝之中。原寓廣收人才之意。且各省文風高下。互有不齊。若如錢澧所奏。勢必至江浙大省。取中人數居其大半。而邊遠小省。或竟至一名不中。殊非就地取才之意。錢澧係雲南人。所奏尚無別故。若伊籍隸江浙等省。則迹涉阿私。必至有干吏議矣。又如吳省欽奏。請頒發內府圖章鈐記試卷一節。意在防範抽換。但內府所貯寶章。乃御用之件。即係尋常閒散圖篆。亦不值於試卷紛紛鈐用。已有旨令

監試大臣逐卷畫押以作標記矣。夫繁設科條以杜弊竇。不如嚴飭法紀以絕弊源。士子及試官等。俱身列衣冠。乃通同舞弊。罔顧廉恥。今防範諸法。亦已無微不至。在知愧知奮者。自必痛改前非。若不肖之徒。冥頑無恥。即多其條目。日事防閑。而防弊之法。有盡舞弊之術。無窮。或仍思行險徼幸。希冀苟免。此不在增設科條。而在嚴示創懲也。士子與試官。向通關節。國初年間。有問擬腰斬者。立法至為嚴峻。其後賄賣生童。如俞鴻圖。喀爾欽。及科場交通關節之蔡時田。曹詠祖等。節次破案。無不立時伏法。覆轍具在。可為炯戒。朕意節經整頓之後。場屋諸弊。自必漸次廓清。乃近日鄉會試種種弊端。復又漸作。諸臣所奏防弊之條。層見疊出。閱之實深愧歉。士子等涵濡教澤。百有餘年。不為不久。今作姦犯科之徒。蕩檢踰閑。罔知儆畏。朕既道之以德。尤不得不齊之以刑。嗣後鄉會試榜發後。朕當特派親信大臣。於城內乾清宮圓明園正。大光明殿覆試。如有文理不通。筆迹不對。較取中原卷大相懸絕者。即立行斥革。嚴究。儻有賄賣關節等弊。即將該生及主考官立正典刑。如究出係槍信傳遞者。亦分別從重治罪。決不稍貸。所有錢澧

吳省欽條奏除謄錄對讀入場不准先給筆硯等物及試卷添用稿紙停止恩賞飯卓仍照所請行外餘俱著毋庸議將此通諭知之○又

諭前因諸臣條奏科場弊竇者紛紛特降旨嚴定覆試之例其時軍機大臣擬寫諭旨鄉會試榜後特派親信大臣嚴行覆試措語本未明晰朕亦未經看出今歲順天鄉試榜發屆期應照新例舉行覆試第思各省鄉試中式人數眾多順天取中各生尚不難調集覆試若各直省道里殷遙省分甚多安能揀派如許大員於榜發後徧行覆試嗣後鄉試榜後覆試一節

著不必行至明歲會試各士子雲集京師除未經中式者聽其各回本籍外其中式舉子著於會榜揭曉之後未經殿試之前該部奏請揀派大臣將中式舉子嚴行覆試屆期除實有事故者豫行報明該部外儘有心懷規避託故不到者即將該舉子立行斥革如覆試之卷較取中原卷懸殊必即從嚴究辦一惟該主考官是問至明歲舉行覆試後亦不必著為常例著該部每屆會試榜發將應否覆試之處奏請定奪候朕臨時降旨○又

諭前定科場條例令各省中式舉人覆試朕念各省人

數衆多難以徧行覆試已降旨俟明歲會試發榜後將中式者復考一次未經中式者聽其各回本籍但前此吳省欽條奏丙午以前三科由俊秀報捐貢監生中式舉人籍隸蘇揚廣東山西者覆試一摺業經大學士九卿議准仍應照舊辦理惟吳省欽所指四處尚未周到著將江蘇安徽江西山西廣東浙江六省三科以前由俊秀報捐貢監生中式舉人者俱於來年會試前在圓明園正大光明殿先行覆試再准入場如遇有事故未能來京應試者著照原議下科補行覆試此六省未經覆試之人不得赴會場考試

亦不准赴吏部截取銓選○五十四年

諭將來會試榜發後再將榜內各省中式者通行嚴加覆試儘有文理不通與原卷迥殊及原卷本有疵類者其弊不在內簾即在外簾不難逐一根究從嚴辦理其或有文風平常省分就卷錄取者亦當將該省落卷調齊比較如落卷文理轉比中卷為優是考官衡鑒不公亦應查究○又

諭昨覆試新進士文義均屬清順惟單可虹一名詩句平仄不調錯誤較多考不入等因令軍機大臣復加嚴試所作詩句仍復失粘且有屬對未工用字訛舛

之處。及調查閣中硃墨原卷。字句平妥。尚係堪以取中之卷。與覆試之詩。前後如出兩手。可見單可虹學問本屬平常。會試之卷。或有傳遞代倩情弊。或係同號舉子代為潤色。均未可定。應拏交刑部徹底根究。朕向來不為已甚。姑念此次甫經舉行覆試。單可虹尚係初犯。著即全行斥革。從寬免其究辦。看來會試後。必須嚴行覆試。方可甄拔真才。創懲倖進。是覆試一事。竟不可少。嗣後如有詩文荒謬。與中式原卷迥殊者。即可嚴切審訊。究出舞弊情節。將代倩傳遞之人。俱立置重典。以示懲儆。斷不能再邀寬宥也。○又

諭。前經大學士九卿議覆吳省欽條奏。請將江蘇安徽江西浙江廣東山西六省。丙午以前三科。由俊秀貢監生中式舉人俱行覆試。今據禮部查覆此三科應行覆試者。共七十餘名。除丁憂事故外。現在到部者四十五名。因派大臣覆加考試。內萬應馨等四十三卷。文理俱皆清順。惟王丕融薛載熙兩卷。詩句粗率。而四書文尚無大疵。朕思舉人覆試。必須於揭曉後舉行。方可鑒別優劣。其中如有文理疵謬者。即可調驗原卷。互相覈對。情弊無難立見。若將舊科舉子補行覆試。則相隔日久。舉業荒疏。亦在所不免。且此等

舉人。皆係上數次會試落第之人。其文藝平常可知。如果所業不進。即此次會試仍難入彀。是以上年秋間。曾明降諭旨。將鄉試覆試之例停止。惟於會試中式後舉行覆試。茲因吳省欽條奏。於未經會試以前。將上三科由俊秀中式者。先加考試。殊覺多此一舉。所有此次覆試之舉人。萬應馨等四十三名。均著准其會試。即王丕融薛載熙二名。詩句雖屬粗率。亦著免其停科。一體准予會試。即不得中。彼亦無所怨。至此次不到之舉人。除患病等項事故。恐有規避者。仍著以下三科為限。補行覆試外。其查係丁憂並非託故不到者。概毋庸補行覆試。○又

諭。前因各省鄉試中式人數較多。若等候各舉子齊集京師。已屆會試之期。是以將鄉試覆試之例停止。但思各省鄉試。俱係本省諸生應考。尚不致滋生弊端。順天為五方輻輳之區。其應試之人。又係俊秀監生居多。未免良莠雜處。現據順天府查奏。萬治庭頂情。情事。看來順天鄉試。榜發後不可不嚴加覆試。以覈真才而清弊竇。所有順天中式舉人。著於此科為始。舉行覆試。其有託故不到者。仍照舊例辦理。○又

諭。順天應試之人。五方輻輳。且俊秀監生居多。現又查

出項名代倩聯號諸弊業經降旨於此科為始順天鄉試榜發後按名嚴加覆試但恐此次中式諸生於未經降旨之先多有出京回籍者一時未能趕到姑再寬期限於明年二月初一日以前齊集京師聽候示期覆試除實有父母事故不能赴考取結報明外如有託故不到者明係意存規避俱著革去舉人不准與試以清科場而示懲儆○五十五年

諭昨覆試已酉科順天鄉試中式舉人特派大臣嚴行校閱分別等第進呈朕親加披覽列入一二等者文理尚俱清順其三等前列之卷辭意亦無大疵惟三等十五名以後語多疵類其四等不入等各卷竟至

文義荒謬詩句不通可見該舉人等學業庸劣俾弋科名考試或有傳遞代倩等弊均未可定本應照問卷大臣所請拏交刑部嚴審辦理但朕向來不為已甚且本年朕屆八旬萬壽特命開設恩科嘉惠士子不忍因數人倖獲輾轉株連遽興大獄著將不入等之王蕃舒錦吉文增福張澐王文鱗全行斥革從寬免其訊究列入四等之陳侍廷傅大鵬魁亮謝鳳翥唐古泰著革去舉人仍加恩予留生監准其應試列入三等之張寶鑑等十五名俱罰停會試一科以示

薄懲其三等之聶思聰等九十二名俱加恩免其停科至監臨等場規不肅有意沽名雖有應得之咎但前因萬治庭頂名聯號一案業經降旨將伊齡阿汪承需降調著加恩免其再行議處其主考同考官等一併免其交議○五十八年

諭昨於正大光明殿補行覆試順天等省鄉試中式舉人鄧榮春等八名經軍機大臣公同閱看擬以准其會試者一卷罰停一科者二卷兩科者一卷三科者二卷斥革者二卷分別進呈朕逐加披閱內廣東舉人鄭綱溫觀威二卷詩文疵謬字畫模糊草率軍機

大臣調驗原卷比對竟如出兩手其中情弊顯然但彼時取中原卷詩文明順在主司等憑文取士自與無涉而監臨關防不嚴致有代倩傳遞等弊各無可辭除三科以上年分較遠者免其追究外其在三科以內現擬罰科在順天中式者即將派出之監臨議處在本省中式者將該省監臨之巡撫議處其斥革諸卷監臨之咎更重著交部嚴加議處以示懲儆至覆試之例前經吳省欽條陳廣東山西等省及順天俊秀貢監鄉試中式者應行覆試現在准會試及順天鄉試榜後方舉行覆試而各省業經停止因思舉



人一途。即使會試不能中式。無論經截取大批。即按班次亦可選授知縣。補用教職。或身膺民社。或職司秉鐸。並有從此漸躋臚仕者。其出身之途。甚關緊要。非如諸生之不得中式。僅以頂戴榮身者可比。豈容以文理庸劣冒名頂替之徒。濫膺其選。是各省鄉試後。亦不可不普行覆試。但各省人數衆多。若概調集京師。恐邊遠省分。長途跋涉。未免資斧維艱。亦非體恤寒畯之道。嗣後各省如督撫同在一處者。仍令巡撫監臨。著於榜後交與總督嚴局覆試。其止有巡撫省分。著派布政使會同鄰近提鎮一員監臨。榜後交

與巡撫覆試。一經覆出。與原卷文理字迹不符者。即行據實究辦。嚴參將該監臨及本生分別嚴處治罪。所有各省覆試卷。仍統行解京。候朕欽派大臣翰林等一併覆勘。儘勘出情弊。惟覆試之督撫是問。如督撫等覆試未能究出情弊。至會試中式覆試有詩文荒謬者。除知貢舉照例嚴處外。並將該省覆試之督撫一併嚴處。○又奏准。凡各省鄉試中式後覆試。原以數對文義字迹。與原中式卷是否相符。如文義字迹與原卷大相徑庭。比對如出兩手。顯係冒名頂替。以及傳遞代倩等弊。責在外廉。應將

本生究辦。訊出實在情弊。將不能查出之監臨。監試提調等官。照例議處。其內廉官。惟知憑文取士。無從查察。應毋庸議。如原中卷內文義亦復荒謬。將主考官官一併議處。○五十九年議准。中式士子年貌籍貫履歷廩增字樣。俱經鄉試墨卷填明。覆試卷面。止應填寫該生姓名及中式名次。俟交卷後。彌封。交派出道府等官校勘。覆試既歸巡撫辦理。其試卷應令藩司豫備申送巡撫。於正面背接縫鈐用關防。校閱覆試試卷。應先儘進士出身者。派三四員校閱。不敷

於舉人出身人員。添派校閱。仍照順天覆試例。不加圈點。再覆試人數無多。即於督撫衙署局門編號。督同監場官員稽察。其各省中式硃墨卷。揭曉後。由監臨即日鈐送督撫。覆試數對後。一同解部。覆試卷彌封。俟勘畢。督撫秉公定擬。再行拆封。○又

諭。前因鄉試中式舉子。恐有頂替槍冒情弊。是以令各省督撫於榜後通行覆試。其止有巡撫省分。派布政使會同提鎮監臨關務。巡撫專辦覆試。原係嚴防弊竇之意。今思中式舉人均須會試。文理庸劣者。未必

能屢次獲雋。即或倖捷禮闈。而會榜後尚當嚴行覆試。已足以遠拔真才。清釐冒濫。設有情弊。儘可一併褫革。將鄉試小考如何槍替弋獲之處。徹底究辦。則各省可不必疊加覆試。致涉紛繁。且止有巡撫省分。因覆試之事。另調提鎮監臨。辦理恐不能妥協。所有覆試一事。除會試後仍著嚴行覆試外。其順天並各省鄉試榜後覆試及覆勘之例。均即停止。如有事故。尚未覆試者。亦著免其補覆。其各省監臨之例。仍著照舊例辦理。○嘉慶四年奏准。榜後覆試。但取比對文理字迹。一文一詩。儘可辨別真偽。向例兩文一詩。為時太迫。應改為一文一詩。以昭簡易。至閱看覆試卷。如果文理荒謬。與原卷大相徑庭。自應從此根究其正場如何代倩舞弊。按律問擬。以正傲幸科名之罪。若字句偶爾失檢。文章一日之短長。原屬無關弊竇。近科以來。或指詩文一句之疵。或因一時繕寫違式。罰停一科。至二三科不等。每次榜發。必有被議多人。亦與政體未協。自應略其小節。毋庸更議停科。又向例凡覆試士子停科。並將考官按名議處。但考官聞中校閱。止憑現在之文。安能保所取士子中

式後所作詩文。盡成佳構。况榜發磨勘原卷。如有疵類。將主考官議處。有降級革職等條。定例已不為不嚴。若因覆試。又將原取之考官牽連議處。實非情理之平。應均予寬免。以昭公允。○六年

諭。四月十四日覆試新進士。本令在乾清宮考試。惟念本科中式人數較多。天氣漸熱。恐不免擁擠。著在保和殿覆試。此後即著為定例。○十年奉

旨。覆試中式舉人三等一百四十三名之王愀。文理平常。字多錯誤。著罰停殿試一科。○十六年。

聖駕巡幸五臺。會試中式貢士。於四月初三日在

乾清宮覆試。○二十五年

諭。御史陳鴻奏嚴禁殿廷考試閱卷之弊一摺。據稱近日庶吉士散館。貢士覆試朝考。每於試竣後。向素識之大員分送詩片。冀圖暗中關照。請飭各大臣毋許收閱詩片。倘有私行送閱者。立即參辦等語。所奏是。每逢考試。私送詩片。朕所素知。此即係營求囑託。自應嚴行禁止。覆試朝考散館。在適。倘有私送詩片之人。立即指明參辦。以杜鑽營。○又奉

旨。本科貢士鄒鳴鶴覆試時。誤將書信舊紙界畫墨格

夾入卷內。著附於三等之末。仍罰停殿試一科。○道光二年議奏。嗣後無論何項考試。在

保和殿考試時。於

前左門外唱名。

中左門階下散卷。

乾清宮考試時。於

中左門外唱名。門內井亭邊散卷。

圓明園正大光明殿考試時。於

大宮門外階上唱名。門內橋以南散卷等因。奉

旨。嗣後宮廷考試。著照大學士御前大臣軍機大臣所

議章程辦理。其唱名散卷。並令承辦衙門堂官一人

按照議定處所。在彼看視預考人員。領卷後依次而

入。不得前後參差。直宿之前鋒護軍統領。管理圓明

園官兵大臣。當認真稽察彈壓。毋任送考人員闖入

如有不遵定制。凌躐喧呶者。著該承辦衙門堂官及

管門之大臣。據實指名奏。其進至禁門有干功令

者。著監試王大臣即行參辦。以昭嚴肅。○六年奉

旨。本科貢士羅天衡覆試卷內。誤寫御名實屬違式。著

照鄉會試之例。罰停殿試三科。○十三年奉

旨。本科貢士蕭騰漢覆試卷內。於

廟諱未敬謹缺筆。實屬違式。著照鄉會試之例。罰停殿

試三科。○又

諭。嗣後凡遇各項考試。派出閱卷大臣。試卷內如有違

式錯誤等處。俱著黏籤註明進呈。○十五年奉

旨。本年順天鄉試取中舉人。著於本月二十一日在圓

明園正大光明殿覆試。並著國子監順天學政查明

各該生錄科原卷。封送軍機處。以備派出之閱卷大

臣查對筆迹。其磨勘籤出應議之卷。仍著該部照例

辦理。嗣後每遇鄉試。應否舉行覆試。於揭曉後臨時

請旨。○又奉

旨。本年順天鄉試取中舉人。昨降旨著於本月二十一

日在圓明園正大光明殿覆試。著該部即仿照會試

覆試例。趕緊辦理。並著傳知該舉人等。取具同鄉京

官臨場識認印結。送部覈辦。聽候覆試。其未經奉旨

之先。如有出京回籍者。一時未能趕到。著該部查明

人數。奏明請旨。酌予期限。行知各省。飭令赴部齊集

聽候。示期覆試。其實有患病等項事故。不能赴考。取

結報部。仍著照舊例。以下三科為限。補行覆試。如有

託故不到。三科內並未覆試者。顯係意存規避。著永

遠不准赴會場考試。亦不准赴吏部截取銓選。○又

奏准本科覆試未到各舉人。人數尚多。道路遠近不一。仿照乾隆年間舊例。於會試十日前奏請覆試一切事宜。照本年覆試例辦理。○又

諭。昨於正大光明殿覆試本年順天鄉試舉人。特派大臣嚴行校閱。分別等第進呈。並令將原卷逐細磨對。朕親加披覽。其列入一等二等三等。俱著准其中式舉人。照例會試。其列入四等之王敬承田惠中向人熾歐陽全理周錫鈞。俱著罰停會試三科。列入四等未之章昇樹及不入等之伊昌阿孫謙。俱著革去舉人。其筆迹不符之葉卓桂。文理不符之載頤承恩。文

理筆迹均不符之珠隆阿。俱著革去舉人。派大學士軍機大臣會同宗人府刑部嚴行審訊。○十六年奉旨。昨於正大光明殿覆試上年順天鄉試取中舉人。特派大臣嚴行校閱。分別等第進呈。並令將原卷逐細磨對。朕親加披覽。其列入一等二等三等者。俱著准其照例會試。列入四等之廣壽韓慶紱。俱著罰停會試二科。○十七年奉

旨。本科順天鄉試中式原卷及覆試卷。前經降旨著派出之磨勘官覈對。其科試錄科各卷著一併交磨勘官覈對筆迹。毋庸封送軍機處。所有上屆未經覆試

之舉人。准其歸入此次一體覆試。○二十二年

諭。進呈試卷面黏貼黃籤擬定名次。仍應於卷尾用墨筆填寫名次。以防卷有更換。○二十二年奏。未覆試

舉人陳烜之。可否照已革舉人之例。加倍捐復原資。另捐官職。奉

旨。陳烜之著准其加倍捐復舉人。另捐直隸州州同。仍不准再應會試。亦不准以舉人原資截取揀選。○二十三年奉

旨。此次覆試順天鄉試取中舉人。其中式原卷添註塗改字數不符在百字以外之桂祥蔣道軫二卷。著交

覆勘大臣查辦。桂祥蔣道軫著交該旗看管。聽候傳

訊。○又議准。嗣後各省新中舉人。於會試年二月初十日前全行到京。取具同鄉京官識認印結。送

部聽候覆試。先期具奏覆試事宜。於二月十四日。奏派閱卷大臣。恭請

欽命四書題詩題各一道。封固發交禮部堂官。送至貢院。由內廉刊刻。十五日入場考試。頒給題紙。

當日交卷出場。閱卷大臣分擬等第。黏貼黃籤。於二十日以前全行進呈。得

旨。後交磨勘官及覆勘大臣。覈對原中各卷。文理筆

迹。於二十六日以前具奏。交部辦理。禮部即於二月三十日以前奏結。除內外廉監試受卷等官。例應奏派外。其外場按檢點名及至公堂查察督辦各官。即用會試派出之按檢王大臣知貢舉提調。甄門巡牆科道等員。嚴密將事。所需供給。照考試教習例。交順天府酌辦。儻士子有因道路遙遠逾期始到者。歸入順天補行覆試內。一體考試。若逾補試之期。即扣除不許會試。仍照順天覆試例。歸入下三科辦理。如三科內並未覆試者。顯係意存規避。永遠不准會試。亦不准赴吏部銓選。○二十四年

諭。嗣後會試中式貢士。均著於圓明園正大光明殿覆試。○又

諭。嗣後閱看順天鄉試覆試卷之次日。即將頭二三場墨卷。交派出之覆試閱卷大臣。磨對筆迹。○二十五年

諭。此次覆試甲辰科各直省鄉試舉人。經閱卷大臣分別等第進呈。朕詳加披覽。其列入一等之馮譽聰等三十七名。列入二等之許壽身等一百六十三名。列入三等之張吉元等五百八十一名。俱著准其一體

會試。列入四等之汪濬川。陳崇祕。鈕思庸。高集。祥梁。可疑。鳳笙。李玉樹。楊春元。鄭琢之。鄧林。選宮步月。白殿傑。李向榮。俱著罰停會試二科。○又奉

旨。上年順天及各直省鄉試。並癸卯科順天未經覆試舉人。均著於本月二十六日在圓明園正大光明殿補行覆試。所有中式原卷。著派出之覆試閱卷大臣。於次日磨勘筆迹。○又奉

旨。上年順天及各直省鄉試。未經覆試舉人。並癸卯科順天未經覆試舉人。著改於本月二十七日在圓明園正大光明殿補行覆試。○又

諭。此次補行覆試順天及各直省鄉試舉人。所有列入一等之周星垣等十名。列入二等之楊書香等四十六名。列入三等之何肇楨等一百三十名。俱著准其一體會試。列入四等之黃覺。著罰停會試一科。陳祖烈。林嵩年。朱允。溇熊士。超。俱著罰停會試二科。○二十七年。咨准。此次覆試士子。如有迴避。俱歸入順天補行覆試內。一體考試。至曾充順天正副考官。並無應行迴避之例。所有各堂銜。仍行開列。○三十年。奏准。本年會試中式貢士。在保和殿覆試。○咸豐元年。奏准。所有順天及各直

省新中舉人覆試均除去本科不計以下三科為限除實在丁憂另行展算外至呈報患病等項事故一概不准展限○又覆准順天自道光乙未科始舉行覆試除本科不計外以丁酉己亥庚子為下三科各省自甲辰科始舉行覆試除本科不計外以丙午己酉辛亥為下三科此後凡云下三科皆照此推算○二年奏准本年壬子科順天鄉試舉人於九月十三日在保和殿覆試正值

聖駕恭謁

東陵未經

回鑾一切事宜仿照本年二月順天及各省舉人補行覆試恭值詣

陵成案辦理所有閱卷大臣即由未經隨扈之進士出身滿漢大臣內奏派監試王大臣由侍衛處先期奏派至日覆試試卷由監試王大臣彙收揭去卷面浮籤封固交留京辦事王大臣嚴密收存俟奏派閱卷大臣由報發回後在上諭館交閱卷大臣公同校閱分擬等第隨報進呈恭候試卷發回由部拆封仍交閱卷大臣在

上諭館與中式原卷磨對筆迹按照名次繕單恭呈御覽至

欽命題目亦於

啟鑿前豫為封固發交留京辦事王大臣嚴密收存屆日交監試王大臣拆封傳示試畢即由監試王大臣隨報恭繳○四年議准山東已革舉人田玉止因默寫次篇舊文律中尚非行止有虧准其捐復舉人原資歸入下屆一體覆試○六年覆准內閣咨送閱卷堂銜之大學士賈慎因胞姪覆試雖據聲稱迴避仍應開列○七年議准嗣後三科限滿不准覆試各舉人如有情殷報效者照捐復舉人原資銀數減半報捐由戶部隨時知照俟屆各省舉人補覆場期令其取結覆試仍查其文理筆迹與原卷相符一體准其會試報捐如不相符照例辦理其補覆期限於報捐後以一科為斷除遇有丁憂等項事故仍准扣展外如逾限未經覆試即照三科限滿例辦理以示限制至軍務省分未覆試舉人尚在三科例限以內者如實有在籍團練等事不能按期覆試准由該督撫先期咨部存案俟屆三

科限滿時。再由該督撫聲明咨部的數情節。准其再展一科。仍不得於已滿三科始行咨請展限。○九年

諭。福建臺灣舉人王獻瑤。前次會試。因道路梗塞折回。今又航海遭風。以致遲誤。雖已滿三科。覆試例限。惟遠隔重洋。事出有因。著准其明年補行覆試。○十年

諭。山東舉人劉楨。尚未覆試。茲因山東辦理團練。首先倡捐銀五千兩。以充經費。尚屬急公。著免其覆試。作為舉人。准其一體會試。嗣後不得援以為例。○又

諭。所有江西舉人歐陽銜等。及廣西舉人梁嶸春。到京已逾覆試之期。實以道路梗塞。事出有因。著准其補行覆試。嗣後不得援以為例。○同治元年奏准。上年

廣東鄉試。於十月舉行。十一月揭曉。其中式之硃墨卷。按限應於本年二月中旬解到。所有該舉人等。自應先行覆試。俟硃墨卷到部時。比照貢院覆試。交磨勘官數對筆迹。如解到在會試以後。有磨勘被議。應行罰科。而業經中式貢士者。即罰停

殿試。未經中式者。即罰停下科會試。○又  
諭。向來簡派殿廷考試閱卷。均於即日閱畢。分別等第

進呈。昨所派出閱看各省舉人補行覆試試卷之大。臣賈楨等。於所閱試卷。盡日之力。直至酉刻。尚未閱竟。徑行請旨先散。因為時已晚。不能不姑允所請。該大臣等。於欽派閱卷。例應嚴密。何以遲至次日始行閱竣。殊非慎重關防之道。賈楨瑞常朱鳳標。阜保董恂。吳存義。靈桂。石贊。清。張之萬。均著交部議處。嗣後殿廷考試。派出閱卷大臣。仍各敬謹將事。將派閱試卷。務於即日閱竟。以符舊制。○又

諭。本年壬戌科會試。場期已近。各省來京舉人。有因道路梗塞。阻到京遲誤。未與覆試者。照例不得會試。惟念該舉人等。志切觀光。遠道跋涉而來。或因經過水陸阻滯。並非有心遲誤。若照例不准入場。未免向隅。所有各省到京未與覆試之舉人。著加恩准其先行一體會試。俟場後再令補行覆試。其中如有應行罰停會試者。由禮部知照。知貢舉。將試卷扣除。並著禮部。即日出示曉諭。於卷箱未經封送以前。迅速辦理。俾得同霑嘉惠。此係因各省軍務未竣。道途多梗。用特格外加恩。嗣後不得援以為例。○又

諭。此次先行會試。再補覆試舉人。列入二等之鮑功。杖等四名。三等之葉步月等五名。業經加恩先行會試。

准其與本屆會試舉人一體辦理外。其列入四等之黃綸閣一名。著禮部遵照前旨。知會知貢舉將該卷扣除。再著罰停會試一科。○又議准。嗣後未覆試舉人。有本籍係軍務省分。或經過地方。遇有軍務者。由該督撫給咨時。於文內聲明。如果事出有因。不必計算科分。准其一體補覆。俟各省軍務完竣。再行照舊辦理。至完善之區。未京無須繞道。未便任其託故遲延。應仍以三科為斷。如逾限始到者。令其在戶部報捐後。再行補覆。以昭區別。○二年奏准。嗣後

殿廷覆試人數。如在四百名以上。酌分數省。先考一次。其餘奏請

欽定日期。再行覆試。儻人數僅四百名。或四百名以外。零數無多。仍應併場考試。○又

諭。江西舉人臧雅淵等。於去歲十二月。由本籍起咨赴京覆試。本年二月二十八日始行到京。已逾覆試之期。係因道路梗阻。並非有心遲誤。所有江西舉人臧雅淵等。著仍照上年成案。准其先行一體會試。俟場後。再行補行覆試。如其中有罰停會試者。即由禮部知照。知貢舉將該卷扣除。此外各省如有續到者。均

准一體辦理。嗣後道路疏通。仍不得援以為例。○又奏准。覆試罰科舉人。仿照磨勘罰科之案。准其捐免。行知禮部查照。○四年奏准。江南等省舉人。因道途梗阻。未經覆試者尚多。仍照成案。先行會試。出場後。再行奏請補行覆試。○又奏准。福建己未科舉人。限滿未覆試者。尚有五十八名之多。現在軍務告竣。除領有咨文聲明逾限緣由者。照奏定章程補覆外。其未經領咨取結呈明者。由部覈其情節。分別准駁。於場後彙案具奏。以歸簡易。○又奏准。駐防文舉人覆試。應行考驗騎射。如路途梗阻。已逾覆試之期。准其先行會試。俟場後。遇兵部考驗各項人員之便。補行考驗。○五年

諭。御史王師曾奏請停止捐免罰科等語。鄉會試覆試。定例甚嚴。近日章程。准以銀兩捐免覆試。幾同虛設。殊於政體有礙。嗣後鄉會試覆試。罰科。令停科。停殿試者。概不准援案捐免。○十三年奏准。各省舉人覆試。其詩文內字句疵謬。及詩內應擡不擡。或失黏。出韻者。均罰停會試一科。若詩內失黏。不應擡而擡。及字句疵謬。或詩文內有它補字。迹者。均



罰停會試二科。如詩文內疵謬太多或卷頁越幅者。罰停會試三科。○又咨准近年軍務告竣。道路疏通。各省舉人。照例於二月十五日在貢院覆試。其實因道路遙遠。逾期始到者。歸於順天補行覆試。內補覆一次。此後不再奏請覆試。如人數過多。卓張不敷。安設先儘順天舉人覆試。將各省後到者扣除。○又

諭本年補行覆試日期較早。各省續到之未經覆試舉人。不能一體會試。未免向隅。自應量為變通。以示嘉惠。士林至意。著禮部查明此次未經覆試舉人。准其先行會試。俟會試後。再令補行覆試。僅覆試時。有應行罰科等事。仍著該部知照。知貢舉。照例辦理。此係破格加恩。嗣後不得援以為例。○又

諭前因桑春榮等奉派覆覈已革舉人謝煥章覆試卷。與禮部意見不同。分別覆奏。當經諭令九卿會議。茲據奏稱。查閱謝煥章試卷。用意叢深。語多晦塞。致被擯斥弗錄。不為無因。禮部因係不列等。擬以斥革。係照成案辦理。惟卷內有未妥之句。尚非文理不通等語。謝煥章著仍照桑春榮等所議。開復舉人。罰停會試一科。嗣後禮部於科場事宜。仍當恪遵舊章。秉公

辦理。此次係屬破格施恩。不得援以為例。○光緒元年九月恭遇

聖駕謁

陵。此次順天中式舉人。於十月初四日在

保和殿覆試。○二年

諭御史吳鴻恩奏。未經覆試舉人。請再先准會試等語。上屆甲戌科。各省舉人有到京遲誤覆試者。曾奉

特旨。准令會試後。補行覆試。原屬破格殊恩。並

諭令嗣後。務當依限到京。不得援以為例。各該省舉人。自當先期早到。何得任意遲延。該御史所請本科。尚有未覆試舉人。懇仍准會試後。再補覆試之處。著毋庸議。○又議准各省舉人。來京覆試。已逾期限者。於揭曉前。令其補行覆試。不准會試。○六年奏准。此次覆試。籤出之卷。共一百餘卷之多。除四等不列等。照例分別辦理外。其考列三等者。照嘉慶四年成案辦理。毋庸更議停科。○又奏准。嗣後舉人覆試。已滿三科之限者。毋庸補行覆試。仍照例永遠不准會試。亦不准赴吏部

銓選。並將光緒三年湖南舉人熊隸良補覆之。案註銷。嗣後不得再援咸豐九年王獻瑤成案辦理。○十二年奏准各省續到未經覆試舉人。仍於會試揭曉前補行覆試。

欽定大清會典事例卷三百五十二

禮部

貢舉榜錄 下第

榜錄。○順治二年定。闈中閱卷。須立程限。計自分卷以至撤棘。約可半月。以八日完前場。以七日完後場。草榜填號。外簾皆不得與。草榜已定。臨填榜時。方延入監臨等官。公同拆卷對號。拆號既畢。填寫已完。正副二榜同貼。不得先貼副榜。致妨勘對。亦不許過時方貼副榜。致滋弊竇。○又定。會試題名榜。上年月及界縫處。應用禮部堂印鈐蓋。發榜前一日。禮部堂官一員。滿漢司官各一員。攜印入場鈐榜。其禮部堂官職名。開列具題。

欽派滿漢司官各一員。由部揀委。○又定。會試揭曉日期。由主考官公同議定。移送禮部奏聞。○又定。揭榜以後。刊刻試錄登科錄。

皇太后

皇帝

皇后前。各進呈一本。○又定。鄉試正副主考內。如有丁憂事故。不獲入場者。試錄後序。用同考官內

居首一人銜名撰刻。止許撰序。不許干預主考之事。○十二年

諭。朕惟人臣事君。勿欺為本。近來進呈登科錄。及鄉會殿試等卷。率多隱匿年歲。以老為壯。以壯為少。國家開科取士。本求賢良。進身之始。即為虛偽。將來行事可知。更有相沿陋習。輕聯同宗。遠託華胄。異姓親屬。混列刊布。俱違正道。朝廷用人。量材授任。豈論年齒家世乎。今科進士登科錄。及以後各試卷。務據實供寫。其餘陋風。悉行改正。毋負朕崇誠信重廉恥至意。○十五年題准。不許場內刊刻錄條。止許繕寫

進呈。出至衙門。方許刊錄。如有盜錄飛報。在內五城御史。在外撫按及地方官。嚴拏重究。被索之家。許首告。○康熙八年奉

旨。各省取中舉人。有將題名錄進呈者。有並未進呈者。例未畫一。著察議具奏。欽此。遵

旨。議定。嗣後鄉試題名錄。令該督撫自行恭進。各直省一體遵辦。○又咨准。嗣後各督撫咨送題名錄。務將三場題目。一併開錄。以便磨勘。及存部備查。○二十三年

諭。凡人精神有限。卷牘浩繁。豈能一一徧閱。竟有試卷

未經考官點閱者。儻致實學淪棄。豈不可惜。况弊之有無。亦不在發榜之遲速。宜令展寬日期。細加校閱。以無虛國家求才至意。○二十四年定會試三場畢。主考等官遴選試卷十本。繕錄進呈。御覽。自第一名至十名。皆由

欽定名次。仍送場內拆號填榜。順天鄉試亦照此例。○二十六年覆准。會試及大省鄉試。寬期於三月九月初五日揭曉。○又題准。各省鄉試。主考官出闈之後。刊刻試錄。許住省一月。無故逾限者。各該衙門查參。○三十六年

諭。鄉試為掄才大典。出題理宜詳慎。今覽各省所進題名錄中。其題目多有未當。如福建三場策問。臺灣事宜一道。於地方情勢。毫未通曉。乃茫昧命題。殊為悖謬。其餘各省亦未盡當。爾等將各省呈覽題目及題名錄。詳加檢閱。若有悖謬最甚者。查出參奏。欽此。大學士等遵

旨。察看福建雲南河南三省第三場策問。命題辭義多有未當。均屬悖謬。將主考等分別各降級調用。○五十年

諭。直隸各省生員舉人增額既多。赴試者較前倍眾。考

試官不能細心徧閱。草率錄取。以致遺失佳卷。此皆因出榜之期太近故耳。如出榜多展數日。則考試官得以詳閱試卷。不致有遺珠之歎。欽此。遵。

旨議定。嗣後會試揭曉。寬期於三月十五日內。鄉試揭曉。大省寬期於九月十五日內。中省寬期於九月初十日內。小省寬期於九月初五日內。直隸江南浙江鄉試人數倍於他省。照會試例。加用房考官二員。限期既寬。主考官除閱薦卷外。餘卷亦令徧閱。庶不致遺失佳卷。○雍正元年覆准。除順天鄉試錄該府尹恭進外。其各省鄉試錄。移送禮部彙齊恭呈。

御覽。○二年

諭。每科會試及順天鄉試。例於揭曉前先進元魁十卷。但止頭場文字。嗣後將二三場一同繕錄進呈。○七年覆准。直省鄉試及會試試錄前後序文。均應用小字書刻。以昭敬謹。其序文雖不用駢體。而既係進呈。自應遵照入告之體。不得仍用浮套陋習。於陳奏中忽作誥誡士子之語。徒事鋪張。有違敬謹之義。○八年

諭。據大學士蔣廷錫奏。會試向來填榜之例。俱於揭曉

前一日巳午之間。鈐榜官帶印入闈。監試官封門後。拆號填榜。今蒙特恩廣額至四百名。較之每科加多一倍。懇請特諭鈐榜官。於初九日黎明時帶印入闈。庶填榜方得從容等語。著照所請行。○十年定。各省鄉試題名錄。除恭進

御覽外。再繕寫三場題目。並題名錄十本。隨副本一同送部。以憑磨勘。○又定。

御覽題名錄。照例於揭曉日在場中繕寫。隨本進呈。其分送各衙門題名錄。應於出場五日內。將監臨提調監試主考各所等官籍貫姓名。並三場

題目。及中式名次。即速繕寫備載錄內分咨。其禮部衙門題名錄。因九卿磨勘試卷查閱不敷。應繕寫十本送部。○又定。直省每科所送題名錄。有銷算水脚酒席坊銀以及銓選時數對中式科分名次數目之用。若不鈐蓋印信。難成信案。嗣後各直省督撫除進呈

御覽之題名錄。仍照舊敬謹辦理外。其餘送部題名錄。俱鈐印信。以備查覈。○乾隆六年

諭。各省進呈鄉試題名錄。向例將中縫黏連。裁口向外。雖係舊式相沿。然單篇背幅。頗不便於翻閱。今湖南

巡撫許容所進試錄。用書本裝法。於披覽為宜。嗣後各省俱照此式進呈。○十年奏准。會試及順天鄉試擬中元魁卷。如恭遇

巡幸。免其進呈。即令考官酌定填榜。○又定。會試改期三月。嗣後於四月十五日內揭曉。○十二年

諭各省進呈題名錄內。開列各官銜名。止應開註籍貫履歷。乃有兼寫表字別號者。殊非進呈之體。著通行傳諭禁止。○又定。各省鄉試中式人員。除照例將題名錄咨送吏部外。俱令呈明現任候補及就職議敘捐納等項情節。由該督撫咨報吏部銷冊。

至各省會試人等。應令各督撫將本人原係候補及曾經揀選就職捐納議敘記名。凡有關選補之處。於咨內聲明。俟中式後。吏部行文禮部查明開送銷冊。○十七年

諭軍機大臣等。據阿思哈奏報山西鄉試於二月二十八日揭曉。辦理殊屬草率。各省鄉試發榜日期。久有定限。此次鄉試。山西省分。應在三月初十以內揭曉。庶試官得以盡心校閱。遴拔真才。不負士子三年攻苦。前阿思哈以有查勘穆納山之事。奏明趕辦場務。惟應將士子入場一切弊竇詳細釐剔。查辦清楚。於

三場事竣後。派委司道大員入闈監臨。至於內場典試各官。仍聽詳晰校閱。按期揭曉。方為妥協。乃將內場諸務。一併催促。剋期發榜。止圖草率完竣。甚屬錯誤。從前看阿思哈。尚望其能奮勉辦事。近來所辦。不過浮淺搪塞。全無實際。著傳旨申飭。令知所悔改。○

又

諭賓興大典。務得真才。惟在衡鑒精詳。庶不致有遺珠之歎。從前發榜日期太速。後經按省分之大小。分別展限。原因士子寒窗攻苦。決得失於風檐寸晷之中。俾東文衡者從容研覈。去取詳審。不為魚目所混。近

來監臨因有經理地方之事。如山西省即於二月二十八日揭曉。為期迫促。未免草率竣事。嗣後主試務按照定限。寬限閱卷。加意精覈。不得匆促趨辦。以副籲俊旁求。鑑拔真才大典。○二十三年議准。各省鄉試填榜定例。久經載入科場條例。日久廢弛。容有但取速完。不行查對硃墨卷者。應再通行直省。務令遵照辦理。不得仍前草率。儻解卷到日。經磨勘官對出硃墨不符。將監臨等官一併議處。○二十六年奏准。歷科會試及順天鄉試例。將擬中前十名元魁卷。豫期進呈。恭候

欽定。發出填榜。向來主考官。每於三場硃卷。騰送內  
簾之後。即向外簾取善書。騰錄生數名。進內簾。  
另將原卷。騰寫封進。行之日久。恐有不肖。騰錄  
生。從中暗通消息。其滋弊不可勝言。所有本年  
會試主考。擬中元魁十名。即將硃卷。封固進呈。  
其向外簾取騰錄生。進內簾。另騰之例。永行禁  
止。○又議准。每科

殿試題名。係坊間市賣。籍貫名次。傳寫多訛。恐滋  
別項弊端。應於

殿試後。將金榜。知照各省藩司。留為案據。至新進  
士錄用之後。吏部將用過幾員。歸班候選幾員。  
亦按照省分開列名單。咨行各省藩司立案。再  
順天鄉試中式舉人。除北貝外。南北中四貢監  
生中式者。各省藩司。並無案據。嗣後於順天鄉  
試榜後。行令順天府尹。將各省中式舉人副榜。  
按照省分。開明籍貫名次。通行直省藩司立案。  
又拔貢朝考後等第名次。知照各學政外。亦行  
知直省督撫存案。○二十八年奉

旨。今日閱禮部所進會試登科錄本內。俱有恭進  
皇太后及皇后一本等語。此係沿襲具文。非事關典禮

者可比。如慶賀表箋及進春進時憲書等類。自應遵  
循舊例。至若會試登科錄。部本原稱交內閣照例收  
貯。此不過循例進呈。在朕尚不必親加披閱。况我朝  
宮闈肅穆。不惟一切政務。從不與聞。即尋常細事。亦  
無絲毫干預。似此相沿舊套。徒費鈔寫。自應停止。此  
外尚有類此繁文縟節。未經更正者。並著大學士會  
同該部詳查。更定妥議具奏。欽此。遵

旨議定。所有每科文武

殿試。小金榜。每科會試。順天鄉試。揭曉日。場中繕  
寫題名錄。各省鄉試錄。向俱恭進

皇太后

皇后各一本。嗣後即一併停止。○三十年議准。順天  
鄉試。由府尹出榜。向用該府尹印信。會試。由禮  
部出榜。亦用禮部堂印。嗣後外省出榜。列銜。及  
鈐用關防。均歸巡撫。○三十三年

諭。昨據順天府奏。本年鄉試。取中美二十號硃卷。誤將  
美十二號吳嗣德名。姓填寫發榜。請將吳嗣德除名。  
其美二十號之卷。毋庸議等語。吳嗣德既係誤中。自  
應於榜內除名。至原取中之美二十號。其硃卷既經  
主司評閱取中。填榜時。未將紅號詳對。以致錯誤。填

寫其各自在主司。與該生無涉。若因此竟為棄置。未為平允。著禮部查對墨卷係何姓名。加恩准作舉人。

○三十五年

諭本日閱順天府進呈恩科鄉試錄。內有中式舉人名姓。與已故尚書張照全同者。其人籍隸宣化。該處為直隸邊境。見聞僻陋。或偶然適合。亦未可知。但張照係舊日大臣。且其學問字法。近所罕有。豈新進後生所能幾及。即使心存慕藺。亦不應矜妄若此。又旗人名。有名乾元者。不知此二字著於易義。豈臣下所宜命名。均著禮部查明。即行更名註冊。○三十九年題准

山東山西四川貴州等省鄉試錄內。執事字樣單擡。又貴州鄉試錄後序。副主考漏書銜名。均應將該考官等交部察議。○四十三年奏准。填榜放榜之日。外簾自知貢舉以下。外監試提調。俱集聚奎堂。共襄開榜。供給等官。率廚匠。早役亦並入內龍門。人數既眾。禮部鈐榜官到時。護印護榜送錄領卷官。並欽天監候時官等。下至書吏家人。一擁而入。向未設有彈壓之員。應令原派之副都統二員。於填榜日早赴貢院。至公堂前。會同外簾巡察御史。查驗覈實放入。臨期

同入內龍門。在聚奎堂外。仍分兩翼。各帶兵數名。彈壓巡查。其內龍門外。即督率所屬將備二員。帶兵十餘名。兩邊巡邏。如有窺探門戶。登跳牆屋者。即行拏住。於開門時。回明本官究治。放榜時。即令將備等護送至張挂處所。禁約搶攘擁擠。○四十五年。福建巡撫進呈題名錄。奉

旨。這鄉試題名錄。五道策問第二行以後。俱未低一格。寫違式不合。所有該省主試監臨提調等官。著交部察議。○又

諭本日内閣進呈山西鄉試題名錄。經朕繙閱。見第三題疆而後可。疆字書作疆字。錯誤顯然。該省主試及監臨提調等官。率行呈進。所司何事。通政司既未經揭出。內閣亦未稟擬申飭。豈此錄均未寓目耶。所有內閣及通政司。並該省主試監臨提調等官。並著交部察議。○四十八年奏准。本月初九日。內簾拆封填榜。有中式二十七名。李照書。頭場紅號係性八。其二三場與墨卷不符。因查明李照書二三場卷。誤封入性九。隨將李照書二三場卷送房考主考校閱。俱稱二三場與頭場相稱。可以中式。即將李照書仍填榜中式。○五十一年。湖南奏

到鄉試題名錄內。將四書文承題起講限用夫  
蓋且夫今夫等字樣。一併錄入冊內進呈奉

旨。嗣後各省鄉試題名錄。止應照常繕寫。毋庸將此等  
限用字樣一併錄入。○五十九年議准。填榜鈐印。仍  
令巡撫監視題名錄。仍由巡撫疏題。分咨部院  
科道。其進呈時。應將巡撫銜名。列為鈐榜官首  
行書寫。○又奉

旨。各直省鄉試題目。止應照向例於進呈題名錄內。開  
載三場各題。毋庸於監臨事竣時。先行開單具奏。以  
省煩複。○嘉慶四年題准。戊午科各省鄉試錄。山東

等十四省。已據陸續咨送到部。惟湖北省尚未  
送到。現屆會試期近。照例先送內閣收存。其湖  
北鄉試錄。俟送到時。再行補送。所有辦理遲延  
職名。即查取吏部察議。○八年奏准。現任教  
職。會試中式錄條。漏註某縣教職。以致吏部漏  
未開缺。應將正副考官。知貢舉暨提調等官。一  
併交部議處。其

殿試錄。訛寫籍貫。該提調亦照例議處。○九年定  
新例。各省中式題名錄。均於姓名下註明年歲。  
所有恭呈

御覽題名錄。自應開載年歲。繕寫進呈。嗣後送部題

名錄及鄉試錄。亦應詳細開載。以昭畫一。○十  
年奏准。福建省解送鄉試錄。因在途覆舟浸溼。  
齋回另行備送。該省辦理遲延職名。事出有因。  
免予議處。○道光五年奏准。拆號填榜。有墨卷  
紅號。交互錯印。以致硃卷兩相舛誤者。查明即  
時更正。將彌封官職名送部議處。○十一年

諭。魏元烺奏。中式舉人名字填寫錯誤一摺。福建第十  
四名舉人葉漱芬。前經禮部奏稱。該省硃墨卷均係  
葉漱芬。題名錄與硃墨卷不符。請旨飭查更正。茲據

該撫查明。詳檢紅號簿及點名冊。並無葉漱芬士子  
進場。實係芬芳二字繕寫舛錯。著該部查明更正。其  
例有處分。著一併查明分別議處。○十七年議准。嗣  
後考官於填榜時。務遵定例。嚴對硃墨卷紅號  
相符。即行填榜。其墨卷有無疵謬。考官不得擅  
自磨勘。亦不得將硃墨卷修改。規避處分。○二  
十四年咨准。會試鈐榜大臣。屆期遇有事故。由  
禮部知照軍機處代奏改派。○二十六年

諭。林則徐奏。鄉試揭曉後。查出中式副榜內有硃墨不  
符。據實檢舉。請旨更正一摺。本年陝西鄉試。中式第



十名副榜之誠字七十五號與實在取中之成字七十五號紅號錯誤以致硃墨卷不符著該部查明更正監臨官林則徐正考官陳寶禾副考官青麀未能詳細查對均著交部議處提調監試等官著一併查取職名交部議處○咸豐十年

諭本年會試中式貢士題名錄於揭曉次日始行呈遞實屬遲誤所有知貢舉侍郎靈桂楊式毅著交部議處其會試提調著查取職名一併交部議處○同治

十二年議准嗣後順天鄉試及會試前十本試卷均由考官定期於揭曉前五日進呈至揭曉

日期仍由考官遵照定例於逾月十五日內擇期不推奴促趕辦以昭慎重○光緒八年奏准

題名錄暨硃卷卷面將中式舉人之名漏寫一字應即更正將各該管官職名送吏部分別議

處○十三年覆准江南鄉試向照大省例於九

月十五日內揭曉嗣後再寬限十日於九月二十五日內揭曉俾考官得以從容校閱該二省

係合闈考試他省不得援以為例

下第○康熙十八年覆准各房落卷發榜之後即行封交禮部出示於十日內令本生領取原

卷閱看毋得藏匿勒索○雍正二年

諭上年天下舉人會試來過一次今年會試者甚多恐

往返道路及在京守候盤費均難接濟特加恩賞將

入場之雲南廣東廣西貴州四川五省舉人每名賞

銀十兩福建浙江江南江西湖廣陝西六省舉人每

名賞銀七兩直隸山東河南山西四省舉人每名賞

銀五兩禮部務按進場舉人名籍給予俾得均霑實

惠即於明日出榜時一同出示曉諭毋致稽遲遺漏

○又覆准向例會試下第舉人給予路引以便

下科起文會試發榜後禮部即劄行順天府並

發直省點名原冊令照例逐名給發嗣後下第

舉人免給路引不必在京守候令各省督撫轉

飭布政司凡舉人即與起文赴都毋得留難○

五年

諭會試下第舉子著每人賞給銀五兩○八年議准賞

賜下第舉人盤費銀兩雲南貴州二省每人七

兩四川廣西二省每人六兩江南江西福建浙

江湖廣陝西六省每人五兩山西河南山東三

省每人四兩直隸每人三兩其在京中書舉人

等不必賞賜○乾隆十年覆准各省教職領咨

赴京會試者。禮部例於揭曉後。查明未經中式之員。給發批文。令其回任。但向未定有限期。嗣後會試未經中式之教職。由部於揭曉日除給發批文外。令該教職等於揭曉後五日內赴部領照。即起程回任。仍令該督撫將教職回任日期。報部查覈。○三十六年議准。教官會試回任。雖有揭曉後五日領照之限。恐出京後。或稽留親友任所。或乘便回籍。應酌定限期處分。以杜遷延。嗣後教官會試回任限期。及違限處分。俱照回任官員例辦理。禮部於給發執照內。按照

省分遠近。填明限期。該員回任後。該督撫將原領執照咨繳禮部查覈。若有遲逾。咨送吏部察議。順天限十日。奉天限三十日。直隸限二十日。江蘇省。江甯常州鎮江限四十五日。淮安揚州徐州海州限四十日。蘇州松江通州限五十日。太倉限五十五日。安徽省。安慶甯國滁州六安和州限五十五日。池州太平廬州泗州限五十日。徽州限六十日。鳳陽限四十日。潁州限四十五日。廣德限六十五日。山東省。濟南兗州東昌青州泰安武定限三十日。登州萊州沂州限四

十日。曹州限三十五日。山西省。太原潞安汾州大同甯武朔平遼州沁州忻州保德州平定州代州限三十日。平陽澤州霍州隰州限三十五日。蒲州解州絳州吉州限四十日。河南省。開封歸德彰德衛輝限三十日。懷慶河南陳州許州汝州限三十五日。南陽汝甯限四十日。陝州光州限四十五日。陝西省。西安延安同州商州鄜州限五十日。鳳翔漢中邠州乾州限五十五日。榆林綏德限四十日。興安限六十五日。甘肅省。平涼鞏昌蘭州階州限五十五日。慶陽甯夏臨

洮限六十日。西甯涼州甘州限七十日。秦州限五十日。肅州限八十五日。安西限一百日。哈密限一百十五日。巴里坤<sub>今改庫</sub>限一百二十日。烏魯木齊<sub>今改庫</sub>限一百四十日。浙江省。杭州紹興甯波限五十五日。湖州嘉興限五十日。金華衢州嚴州限六十日。温州處州台州限六十五日。江西省。南昌饒州廣信建昌南康撫州臨江瑞州袁州限六十日。九江限五十五日。吉安限六十五日。贛州限七十日。南安限七十五日。甯都限七十五日。福建省。福州興化泉州邵武限八十日。延平

建甯汀州限七十日。漳州福甯限八十五日。臺
灣限一百十日。永春限九十日。龍巖限一百日。
湖北省。武昌漢陽德安襄陽限五十日。安陸鄖
陽黃州荊州限五十五日。宜昌限七十日。施南
限八十五日。湖南省。長沙常德限七十日。岳州
澧州限六十五日。寶慶永州永順限八十日。衡
州辰州限七十五日。沅州桂陽郴州限八十五
日。靖州限九十日。四川省。成都潼川綿州限八
十日。甯遠夔州眉州邛州茂州限八十五日。順
慶嘉定資州限九十日。敘州重慶瀘州限九十
五日。保甯限一百日。雅州限一百五日。龍安限
一百十日。忠州達州。 <small>今改定</small> 限一百十五日。酉陽
限一百二十五日。廣東省。廣州肇慶限九十日。
韶州南雄限八十日。惠州限九十五日。高州限
一百日。廉州雷州羅定限一百五日。潮州瓊州
嘉應連州限一百十日。廣西省。桂林平樂限一
百日。柳州慶遠梧州潯州限一百五日。思恩南
甯太平泗城限一百十日。鎮安限一百三十日。
鬱林限一百二十五日。雲南省。雲南臨安楚雄
澂江廣西曲靖武定東川昭通限一百十日。大

理景東順甯鶴慶蒙化永昌永北元江開化限
一百十五日。廣南麗江威遠鎮沅普洱限一百
二十日。貴州省。貴陽思南鎮遠都勻平越安順
南籠。 <small>今改遵義</small> 限一百日。思州限九十五日。石
阡黎平限八十日。銅仁限九十日。大定限一百
十日。威甯限一百五日。○咸豐六年覆准。嗣後
教職會試未第。在京捐升他官者。毋庸請領回
任執照。○光緒七年覆准。外省教職於會試揭
曉後即行回省。不候領照者。照例議處。○十年
覆准。教職於選缺後尚未領憑到任。會試落第。
毋庸請領回任執照。

欽定大清會典事例卷三百五十三

禮部

貢舉明通榜 中正榜 批勝錄 考取教習 舉人大批

明通榜。順治初年定。舉人中副榜者。免其

廷試。禮部咨送吏部授職。雍正五年議准。各省

教職。衰老荒疏。嗣後將各省會試下第舉人落

卷。取出檢閱。如文理明順。交與吏部帶領引

見。恭候

簡用。令回本籍候補。各該撫會同學政。將本省現任

學正教諭。詳加甄別。如內有文藝不通。年力衰

憊者。照例令其休致。所遺員缺。即將此項舉人。

照依科分名次。題請補授。其升任丁憂事故等

員缺。亦先儘此項舉人題補。在任六年。果能董

率士子。著有成效。該督撫照例題請議敘。其有

志上進者。仍准會試。若先經驗看。以知縣註冊

之員。遇伊等截取應選之年。免其離任投供。仍

按各科名次掣補後。行文調取引

見。十一年

諭雲南貴州廣東廣西四川福建六省舉人。赴京會試。

路途遙遠。非近省可比。朕意欲於落卷中。擇其文尚

可觀而人材可用者。添取數人。候旨錄用。以昭朕格

外。加恩之意。著傳諭主考官。於六省試卷。遵旨取中

外。其次等可取之卷。不拘數目。秉公選出。俟發榜後。

朕另派大臣會同主考官。驗看人材。再加遴選。奏聞

請旨。再六省落第舉子內。其願於下科會試者。不必

報名外。若有情願小就。以圖即行錄用者。著在禮部

報名。一併交與派出之大臣主考官。揀選奏聞請旨。

該部豫行出示曉諭六省舉子知之。又

諭雲南等六省選出之卷。著彭維新莽鵠立韓光基會

同正副主考官。將本生傳齊。秉公驗看。看其中人文

二者俱屬可取。或有一可取者。一一分別開寫奏聞。

再六省落卷舉子內。有情願小就以圖即行錄用者。

亦著會同驗看。將人材可用者。秉公選出奏聞。欽此。

遵

旨將雲南等六省選出五十卷。分別奏

聞奉

旨。此內人文俱屬可取之時。餘等十名。准其一體殿試。

其人可取而文稍次之。趙繩其等。著於揀選六省舉

人時。一併奏聞。又將雲南等六省情願小就之舉

人。奏請帶領引

見奉

旨。今年朕加恩遠省落第舉子。特令大臣揀選引見。將其中人材可用者。交與吏部記名請旨。年老者以教職補用。此乃格外偶然舉行一次之恩。後豈可以為例。恐各省年老舉人。本不欲會試者。見此次恩旨。於下次勉強赴試。希圖得官。空多往還。著該部傳旨諭令知之。○乾隆元年

諭雲南貴州廣東廣西四川福建六省舉人。赴京應試。未經中式者。著照雍正十一年之例。揀選奏聞請旨。

○二年議准。此次會試之後。遵照雍正五年之

例。揀選下第舉人文理明通者。大省四十人。中省三十人。小省二十人。引

見

欽定。令回本省。以學正教諭即用。○七年議准。此次會試落卷。令正副考官於正榜中額外。將各房所有薦卷。照乾隆二年所定大中小省額。錄取明通者。如有不敷。將備卷內文尚清妥者補足。於會榜揭曉後。交禮部拆號填書姓名籍貫。知會吏部請

旨命王大臣驗看揀選引

見照例補用。○十年。擇取落第舉子明通之卷。補用教

職。與七年例同。○又奏准。嗣後吏部議定各省應取明通數目。即咨禮部。于知內廉考官。於正榜外。再取明通為一榜。○十九年

諭會試榜後下第舉人。歷科以來。間有格外加恩之典。今科會試所有下第舉子。亦著加恩於薦卷內選取文理明通者。驗看揀選帶領引見。畀以司鐸之任。其奏請簡派大臣閱卷驗看。及按省酌定員數分班選用之處。該部查例具奏。至年七十以上者。著該部帶領引見。酌量給予職銜。以示優惠。欽此。遵

旨議定。各省薦卷中數目多寡不等。若按大中小省六十四三十三之例選取。難以允協。請交派出之閱卷大臣。就各省薦卷中擇取佳卷。多者毋過四十名。少者務足十五名。其薦卷僅足十五名之四川。及不足十名之廣西貴州。酌量擇取數名。均由禮部拆號填榜。移送吏部照例辦理。中正榜。○乾隆二十六年議准。向例考試中書。閱字與閱文並重。惟本人書寫迹涉嫌疑。嗣後即於會試薦卷中挑取。以四十名為額。再備取二十名。主考同知貢舉各官。將擬取之卷進呈。

交與禮部轉交該衙門傳集隨同新進士帶領

引

見恭候

欽定。交與吏部照例選用。凡會試之年。儻內閣需人。

即咨明禮部照例辦理。○又議准。學正額設四

缺。學錄額設二缺。從前係九卿保舉引

見補用。嗣經奏准照中書之例。請

旨考取記名。以次補用。今中書既於會試落卷內取錄。

則學正學錄自應一體辦理。嗣後取錄中書名

數已有六十名。其餘贖人員。年力老成。與課士

相宜者。即於此內量用數員。交與吏部遇學正

學錄缺。挨次補用。嗣後遇會試之年。如國子監

正屆需人。先期咨明禮部奏請辦理。○又奉

旨。禮部原議此次會試所取中書內有原係中書者。扣

除引見。但念該員等既經備選。何必獨令扣除。著准

其一體帶領引見。欽此。遵

旨。帶領會試取中。以中書學正學錄用之舉人湯上選

等引

見奉

旨。湯上選。姚士煊。章棠。陳彬。戴觀。余瑚。吳襄。王宸。李調

元。王文湧。凌家梧。胡子襄。徐天驥。劉鳳翔。孫麟徵。沈

世燾。董潮。阮葵生。張梅。朱光星。李廷欽。徐廷第。蘇去

疾。金以埤。韓朝衡。汪大榮。梁景陽。陳觀光。葉文馥。丁

履仁。沈杰。王嵩柱。倪昭。麥佑。蔣國莘。甘澍。王仲芬。周

延祜。劉光第。王家賓。張廷元。高英。張秉謙。俱著以中

書學正學錄遇缺補用。如有願回籍者聽。缺出時。如

應補之人已經回籍。即以其次挨補。所有回籍人員。

遇別項考試。仍准一體赴考。○三十三年議准。中書

一官。向來為舉人進士兩項進身之路。嗣後每

科新進士

簡用庶吉士等官外。令內閣翰林院將所有

朝考入選未經

簡用人員。另行帶領引

見恭候

欽定記名。交部按照名次進士舉人相間錄用。其應

用人數多寡。吏部屆期知會內閣翰林院奏明

辦理。○三十四年奏准。嗣後會試薦卷內挑取

中書。於發榜日。主考官官填榜後。先行出場。知

貢舉及內廉監試。率同彌封官。將各房薦卷查

出墨卷。逐一彌封。共計若干。用印封固。即日奏

請

欽點大臣閱取。共若干卷。先行奏明。俟

朝考引

見後。一併挑足。帶領引

見。

欽定名數。挨次錄用。○三十六年奏准。舉人中書一

項。向於

朝考館選後。奏派大臣。在薦卷內錄用。嗣改為發

榜日。主考等官出場。知貢舉將薦卷彌封。即行

奏派大臣閱取。惟各房薦卷。原以硃卷為憑。字

畫之工拙。本不能知。多有落卷內字畫。堪以錄

用。因一二文藝小疵。未經呈薦者。今僅將薦卷

一項挑取。殊覺未盡。嗣後各舉人墨卷。應不分

曾否呈薦。俱交知貢舉彌封。省分紅號。一併交

閱卷大臣選取。即令主考官於出場次日。仍行

入闈。將各墨卷校閱。按數選取。其所取卷數。編

定次序。先行具奏。即行揭示。繕寫名單。移交禮

部。轉行內閣翰林院。俟進士

朝考畢。一同帶領引

見。恭候

欽定。交部錄用。○又奉

旨。嗣後遇有會試。後應行的取中書等卷。仍著同考各

官在闈。隨同正副考官。分校錄取。以昭慎重。○三十

七年奏准。嗣後會試揭曉。後錄取中書學正學

錄時。將現任及候補候選之小京官等卷。逐一

查明扣除。毋庸封送內簾。○又奉

旨。此次應取中書學正等卷。著交主考官閱取。所有同

考官均毋庸在闈分閱。其應行的留官役人等。仍著

軍機大臣會同該部定議具奏。欽此。遵

旨。議定。內簾酌留監試御史二員。收掌官一員。外簾酌

留至公堂監試御史二員。提調官一員。彌封官

二員。以資辦理。其餘各員俱令出闈。所有駁門

御史四員。亦毋庸復往外闈。其大門外封閉事

宜。即交順天府尹管理。至書吏人等。於內簾酌

留供事四人。至公堂酌留書吏六人。其彌封書

手。令知貢舉酌留十數名在闈應用。○四十九

年奏准。此次會試挑取學正學錄。恭遇

聖駕南巡。所有試卷免其進呈。○五十五年

諭。前經禮部奏。內閣中書一項。據吏部咨稱。現在候補

者僅有七員。自本年。至下屆癸丑科。三年之內。恐不

敷用。請照例於會試落卷內錄取三十名等語。向例錄取中書。係於會試揭曉後。將未經中式墨卷送入內簾。交主考閱取。朕思移送落卷時。折閱彌封。查對紅號。恐有漏洩情弊。而考官閱看墨卷筆迹。亦易於認識。其時會闈已經撤棘。復行甄錄中書。尤非慎重關防之道。向來定例本未周密。況中式進士引見歸班者。十年方能銓選知縣。而落第者錄取中書。轉可即日得官。補缺後六年俸滿。又可內用主事。外用同知。比縣令階級轉大。實未平允。著將落卷內錄取中書及學正學錄之例。即行停止。俟帶領覆試合式之

新進士引見後。除已經錄用之庶吉士部屬即用知縣外。其餘歸班進士。再交吏部按照甲第名次。通行帶領引見。候朕記名二三十人。以中書錄用。不記名者。仍行歸班。如此則考官無從滋弊。而歸班進士。添一錄用之途。實屬兩有裨益。所有本年會試落卷。如未經挑取。竟可毋庸辦理。即已經錄取。亦可不必。嗣後如挑取學正學錄。亦照此辦理。謹案此後中書學正均改內吏部專

場考試。停止中正榜。

挑騰錄。○乾隆四十二年

諭。辦理四庫全書並薈要二處。所用騰錄計六百餘名。

而應行繕錄之書籍甚多。上屆甲午科京闈鄉試。曾於落卷中挑取補用。現在又屆鄉試之期。而明年騰錄中。即有五年期滿。應行議敘開缺者。均須隨時頂補。豫為籌備。著於發榜後。將未經取中之南北中四及貝字號墨卷彌封。詳慎緝閱。擇其字畫勻淨。可供鈔錄者。四字號挑取八百卷。貝字號挑取六百卷。交與吏部按照名次折卷填註。此內如有本係騰錄。即行扣除。餘俱出榜曉示。註冊挨補。其有本生告假。或不願充當者。亦聽其便。至應派之閱卷官。俟臨時再降諭旨。○嘉慶三年奏准。今方略

國史二館。辦理書籍。所有考取騰錄。除告假等項外。俱已咨送用完。茲屆本年戊午科鄉試之期。即在順天鄉試薦卷內。調取墨卷。令正副考官率同房官。於南北中四。並貝字號內。秉公校閱。擇其字畫勻淨。可供鈔錄者。酌取一百二三十名。於墨卷面上擬定名次。交與吏部拆卷。按名填榜。出示曉諭。註冊挨補。○四年議准。騰錄向係舉人貢監考試。前於戊午科順天鄉試內挑取。止係貢監生員。舉人一項。未免向隅。且現在

恭纂



高宗純皇帝實錄及補行恭繕

五朝實錄。並各館在在需人。應即在本年會試薦卷內。

先將硃墨卷省分彌封。再照戊午科鄉試挑取之例。令正副考官率同房官。擇其字畫端楷者。秉公挑取。於墨卷面上擬定名次。咨送吏部。拆封註冊。至舉人議敘。例以知縣錄用。會試人數較之鄉試多寡懸殊。應照鄉試人數。減為三分之一。挑取四十名。以昭慎重。再舉人貢監生。均係應考騰錄之人。此次既補挑舉人。自應與鄉試挑取生監合為一班。舉人名數較貢監止三分之一。嗣後遇各館需人。按其名次將生監咨送三人。舉人咨送一人。庶將來議敘班次。不致有壅滯積壓之患。嗣後每屆鄉會試時。吏部查明候補騰錄人數多寡。應否挑取。請

旨遵行。○咸豐六年奏准。舉人騰錄。現在不敷咨送。茲屆本年會試。即在薦卷內。將硃墨卷首彌封。令正副考官於滿洲蒙古漢軍漢人未經中式薦卷內。秉公校閱。擇其字畫端楷者。酌取四十名。於墨卷面上擬定名次。交與吏部覈對拆卷。按照名次填榜。

考取教習。○乾隆元年奏准。八旗廢員及告退筆帖式。並從前效力軍前年老有疾就閒之人。有精於繙譯而人品老成者。令與八旗舉貢生員。一併考試滿洲教習。○又奏准。凡考試滿洲教習。由部行文八旗。咨取繙譯進士舉人生員。並恩拔歲副貢生。通曉繙譯願考者。年逾三十以上。造冊送部。奏請

欽命大臣。在

午門內請題考取。挨次補用。○八年奏准。嗣後禮部考試各處教習。照考試中書例。悉歸貢院糊

名考試。○十年奏准。嗣後八旗廢員等。止解國語清書。不能繙譯者。不准考試教習。○二十八年議准。國子監八旗教習與各處教習。俱在午門內朝房考試。以慎關防。其試卷為數無多。

欽派大臣足資辦理。國子監堂官無庸會閱。○三十一年議准。考試各項漢教習。照現在拔貢

朝考之例。用四書藝一篇。五言八韻詩一首。仍照例奏請

欽命題目。○三十二年奏准。嗣後內務府現任筆帖式。概不准考試教習。○三十四年議准。考試教

習等項。人數在五十名以內。仍在

午門考試。若人數至五十名以外。於貢院內聚奎堂。清排號次。列坐考試。○三十五年議准。各學滿洲教習。應考人員。嗣後俱歸併考試。由禮部奏請

欽點閱卷大臣一體閱取。覆試後。會同監試御史酌量各處教習應用人數。照彌封坐號掣籤分項。將試卷進呈。交部按名補用。○三十八年奏准。嗣後考取各學教習。八旗恩監例監。俱一體送考。○四十三年議覆。嗣後捐納貢監生。均不准

其考試教習。○四十八年議覆。嗣後考試滿漢教習等項。統在

午門內外朝房辦理。考試日。

欽派御史二員監試。先期行文

景運門護軍統領。屆期多派護軍參領。帶領護軍校護軍往來巡邏。嚴禁一切閒雜跟役人等行走。以肅場規。監試御史於黎明點名給卷。令諸生自備卓檯。排次列坐。勒限於日入前全行交卷。不准繼燭。至取定後。嚴行覆試。令原派御史加謹監看。並令巡邏官兵。來往稽查。以杜弊竇。

○又奏准。

朝內考試。人數在一百名以內者。仍用監試御史二員。若在一百名以外者。請

旨。九卿議覆。御史梁景陽條奏。滿漢雜項考試。應酌歸貢院一摺。內稱。嗣後各項考試。人數在五百名以內。仍在午門內考試。如五百名以上。應歸貢院等語。所議未為允協。午門為朝會之所。考試人數較多。不但稽查難周。且於觀瞻有礙。嗣後人數在二百名以內。仍在午門考試。如逾二百名。即歸貢院考試。著為令。

○五十五年議覆。嗣後舉場內一切考試。俱照考試八旗生童之例。奏派按檢大臣數員。彈壓副都統一員。嚴行按檢。令其魚貫而入。歸號後。該副都統即會同監試御史。在至公堂彈壓。前一日午後點名按檢。次日黎明出題。俾盡一日之長。不准繼燭。○五十六年奏准。嗣後考試滿漢教習。除酌派司員帶同書役數名入場。以便繕冊散卷等事外。其應用廚卒夫役及備辦飯食供給等項。俱照吏部考試筆帖式等官之例。交順天府派委委員辦理。照例奏銷。○嘉慶十

二年議准。考試漢教習。統於正科

殿試後舉行。○又議准。嗣後每逢考試。由部查明各學舊班未補人數。擬定應取名數。於定額之外。酌餘數名。以備各項事故補用。至多仍不過倍。臨期移會閱卷大臣查照甄錄。現在各學候補教習。間有多至十數名者。經明年考取新班教習之後。該士子等概為舊班。得缺較遲。嗣後改為一新兩舊。輪流序用。以示調劑。俟下屆考試時。舊班人數無多。仍照例開補。○十七年議准。

咸安宮學漢教習九缺。仍照向例兼用進士舉人。宗學漢教習八缺。覺羅學漢教習十五缺。

景山學漢教習十二缺。共計三十五缺。則專用舉人。八旗官學漢教習共三十二缺。仍專用貢生。凡例貢及廩生捐貢均不得與。嗣後每屆鄉試之年。由部行知順天府。於備辦試卷時。將恩拔副歲優貢生五項墨卷尾後印一正字。以為標識。並知照監臨官。另備空白紅號簿一本。於第一場彌封時。交彌封官查係有正字卷之紅號。仍將紅號戳印空白簿內。不書姓名。封固送交

監臨官收存。揭曉前期。由部酌定八旗官學教習應取名數。移會至公堂。至填榜後。監臨官將空白紅號簿及酌取教習名數。移交內廉監試御史。將各房薦卷查對。與簿內紅號相同者。另歸一束。由正副考官照依酌定名數。秉公選取。將原卷進呈後。交禮部拆號填榜。然後照例挑取謄錄。至會試薦卷。均係舉人。毋庸多立空白紅號簿。止將

咸安宮學宗學覺羅學

景山學應取若干名。先期行文知貢舉。揭曉時。由知貢舉移會內廉。照依鄉試辦理。儻所取教習內。有曾經取過教習謄錄。及現任七品以下官。及現在衙門行走者。由部於拆號時照例扣除。再歸班甲第在前之進士。照依應取名數。由部奏明註冊。以教習補用。列在會試所取舉人之前。其有不願充當者。准其呈請註銷。所有

咸安宮學漢教習九缺。應將進士擬取十分之三。舉人擬取十分之七。○十八年議准。本年癸酉科順天鄉試薦卷內。應行挑取八旗官學漢教習。於備辦試卷時。將恩拔副歲優貢生五項墨

卷尾後印一正字。以為標識。國子監順天學政錄科時。將各省恩拔副歲優貢生。及由廩增附加捐貢生。由俊秀捐納貢生。錄科冊內。一體詳細分別註明造冊。移送順天府查覈辦理。順天府於各生填寫卷面時。亦俱分註。不得將廩增附捐納貢生一概填寫歲貢。再直省新選拔諸生。及上屆未經朝考之拔貢優貢。例不得考取教習。遇錄科時。除已經朝考之拔貢優貢。仍照例辦理外。並驗明優貢內未經換給部照者。即係未經朝考。其由廩增附舉優者。卷面即填寫優廩增附生字樣。至拔貢例不換照。赴部朝考時。禮部將學政所給執照內。標一驗字。如無驗字。即係未經朝考。卷面止填選拔生字樣。其或已經驗到。因人少尚未補考者。臨時由禮部知照。一併填寫選拔生。均不得稱為優貢拔貢。以杜混淆。○又奏准。嗣後恭遇聖駕駐蹕熱河。所有挑取教習試卷。免其進呈。○十

九年覆准。嗣後禮部於教習填榜時。按照取定名次。通出一榜。毋庸先扣。仍行查吏部國子監將所取教習姓名內。有無京官及各衙門行走。並謄錄校錄。已補未補。詳細咨覆。由禮部查明京官及行走人員。已補謄錄校錄。並先經取過教習各生姓名。再行出示扣除。其未補之謄錄校錄。不必扣除。俟將來應補教習到班。禮部即傳補教習。行吏部國子監。將謄錄校錄註銷。應補謄錄校錄到班。吏部國子監。即傳補謄錄校錄。行禮部將教習註銷。○二十年議准。八旗官學及咸安宮學宗學覺羅學。景山學各漢教習。俱照舊例另場考試。並照十二年議准之案。統歸正科殿試後考取。○二十二年議准。考試教習。加派滿漢御史各一員。共六員。責成該御史等。於士子領卷後。令各歸東西本號。御史等親身入號。按名查對相符。即將號口柵欄封固。如有不歸本號之人。查係認號錯誤。並無別項情弊者。照例扶出。倘係有心亂號槍冒。立行究辦治罪。若未

行查出別經發覺即將該御史照例議處。○道光十二年議准考試教習覆試文字不符應將錄取之人斥革嚴審。僕訊非本人入場出結識認官知情徇隱交部嚴加議處。○又議准貢院內考試教習嗣後五城五營於例派捕役外多派十餘名以備嚴控。○又議准嗣後各學教習仍照例專場考試責成出結識認官於散卷處逐名識認如有槍代立即懲辦其有出結識認官不到者將士子扣除入場其錄取各士子於覆試日令原出結官再行當堂識認如出結等官未到仍將該士子扣除至覆試文字不符即將錄取之人褫革嚴審僕訊非本人入場出結識認官知情徇隱並將各該員交部嚴加議處。○又

諭前據昇寅奏考試教習士子抗不聽點請整飭場規並請每屆順天鄉試於貢班薦卷中挑取數十名會試後於舉人薦卷中挑取數十名當交禮部覈議具奏茲禮部查明鄉會試薦卷中挑取教習格礙難行著仍照例辦理惟士子等不肯按名聽點總由槍代人等希冀蒙混嗣後入場之期著步軍統領衙門於

點名處添派員役彈壓其有抗不聽點者即行嚴拏懲辦士子領卷後即令認明坐號各自歸號毋許稍有紊亂封門後監試御史逐號查察如有亂號之人照例究治以肅場規。○十八年

諭御史巫宜禊奏考試漢教習屆期請整飭場規一摺此項考試原為教習各官學生培養人材關係甚重如該御史所奏近日考試每有雇倩槍替換卷傳遞代書代作等弊若不亟加整頓何以拔真才而資師範本年考試屆期辦理收卷仍憑同鄉官印結其正場及覆試出結官均著赴點名處識認並著承辦衙門先期傳知不准託故不到如無識認官即將該士子扣除點名所有託故不到之識認官應得處分禮部覈議具奏該監試御史務於士子進場後率同禮部司員嚴密關防查對卷面坐號逐號稽查如有亂號槍替等弊立即嚴拏懲辦毋得視為具文。○又

諭考試教習非若鄉會試有監臨知貢舉等官稽查弊竇全在派出御史嚴行查察場規肅清則真才自出所有此次考試著責成該御史等實力稽查務除從前積習儻有弊端別經發覺惟該御史等是問嗣後每屆考試教習之期著禮部於請派監試後即恭錄

此次諭旨。傳知派出之監試御史。實心辦理。庶不至日久視為具文。○十九年覆准。貢院尋常考試章程。提調外廉及入場辦考之司員。照鄉會試外廉之例。凡有子弟宗族姻親考試者。一體令其迴避。○二十四年奏准。凡現任小京官及各衙門行走人員。大挑一等舉人。並已取過之教習。無論已補未補。均不准與考教習。其大挑二等及考取膳錄校錄。未經傳補。並由舉人正途貢生就職考職議敘。捐納從六品以下職銜。均准考試。俱令於同鄉官印結內聲明收考。其由各館得有議敘者。不准考試。如係已補膳錄校錄之員。蒙混投考。雖經錄取。查出後仍行扣除。○光緒七年覆准。嗣後各學教習。仍照例於正科年分。專場考試。責成出結官及該管助教等。臨場識認。如有槍替。立即指拏懲辦。其有出結識認官不到者。將該士子扣除。出結識認各員。交部議處。士子入場後。一切換卷亂號等弊。即由監試御史嚴密巡查。並令閱卷大臣秉公披閱試卷。詳校文理優絀。以定去取。如有字迹相同之卷。概置不錄。僅覆試文字不符。將錄取之人斥

革審辦。出結識認官知情徇隱。一併交部嚴議。

○九年

諭。御史丁振鐸奏請飭嚴杜頂替一摺。向來考試教習膳錄。原所以廣羅寒畯。俾少棄才。若如所奏。近年每屆考期。倩覓槍替。弊端百出。殊屬不成事體。著該部申明定例。責成出結官認真查覈。嗣後如有頂替情弊。定當嚴行懲辦。

舉人大挑。○凡會試後奉

旨舉行大挑。禮部查造清冊。咨送吏部。奏請

欽派王大臣。於各省舉人內。公同揀選。一等者以知

縣試用。二等者以教職銓補。○乾隆十七年

諭。今歲

萬壽恩科。各省計偕雲集。而中額例有定數。其下第舉子中。有年力才具。可以及時錄用者。特予格外加恩。揀選引見。分別以知縣試用。教職銓補。俾得早列仕版。目今巡幸塞外。若俟回鑾再行揀選。未免守候需時。著在京總理事務王大臣。及協辦大學士阿克敦。尚書舒赫德。劉統勳。孫嘉淦。於會試揭曉後。即行會同揀選。大省四十人。中省三十人。小省二十人。候朕回鑾。以次引見。其年七十以上。難以復圖進取者。並

著該部查明具奏。候朕酌量加恩。仍豫期曉諭各舉子知之。○二十六年

諭本年恭遇

皇太后七旬萬壽。數天同慶。特開

萬壽恩科。所有未經入殼舉子。應照前例一體加恩。按其科分名次先後為序。派出大臣。詳慎簡選。擇其年力壯盛。可以及時錄用者。大省四十人。中省三十人。小省二十人。帶領引見。分別以知縣試用。教職銓補。不得專取少年新科之人充數。並著軍機大臣會同該部查明應試舉子中。有年在七十八十以上者。於揭曉後列名具奏。候朕加恩降旨。以普

慈恩而光盛典。○三十年奏准。本年大批。大省一百八十名。中省一百二十二名。小省七十六名。○三十一年

諭前以歷科舉人積次壅滯。思所以籌辦疏通。俾得及鋒而試。特降旨。令於會試時及時揀選引見。候朕分別錄用。乃朕嘉惠寒賤。格外加恩。與尋常揀選下第者不同。現在士子聞風踴躍。雲集京師。視歷科應試者為數倍多。若循例於榜後始行揀選引見。則伊等守候需時。未免艱於旅食。朕心深為軫念。莫若即於

月內定期揀選。列為三等。其應行引見者。候朕於

時饗

常雲齋戒進宮時。即行分次帶領引見。亦省其赴圓明園車馬往來之費。其入選人員內。榜發中式進士者。原有簡擢甄錄之途。而挑選未入者。下第後即得送程歸里。不致久滯都門。於寒士尤為有益。至前經大學士九卿等議奏。按省分之大小。酌定人數多寡。雖比較向例量為加增。而數計止七百餘人。尚覺限於成格。為數無多。並著廣為挑選。其列在一二等者。統以二千人為率。分別簡用。其年逾七十以上者。著查

明具奏。候朕酌量加銜。俾得普被殊恩。各遂其彈冠慶幸之志。副朕體恤士林樂育羣才至意。著派簡親王裕親王誠親王和親王劉統勳阿里衮陳宏謀託恩多李侍堯福隆安公同遴選。該部遵諭速行。○三十七年奏准。本年大批。照截取舉人分別遠近省分之例。直隸江南山東山西河南陝西浙江江西湖北等省。挑取十分之五。四川廣東廣西福建湖南貴州雲南等省。挑取十分之六。其入選之員。無論遠近省分。俱酌取一等四分。二等六分。引

見錄用。○四十六年

諭各省大挑舉人。分發試用。原以疏通壅滯。俾得及時自試。向例以省分大小酌定挑數。自乾隆三十七年壬辰大挑。部臣始以遠省挑十之六。近省挑十之五。定例請旨。固為邊遠士子跋涉較難。格外優恤起見。而未思及近省中式者本來人多。遠省本來人少。茲朕閱本年各省大挑舉人名單內。所挑近省舉人科分。有遠至三十五六年者。而遠省科分。最久總不過二十餘年。揆其所以。蓋因直隸江浙等近省。係中式舉人會試三科後。始行揀選。而雲貴川廣等遠省。會試一科後。即行揀選。是以遠省科分略深者。業已揀班選用。其得官已較近省為優。今大挑舉人。若再按五六分挑取。則大省科分較深之舉人。轉多壅滯。於一視同仁之道。未為平允。除本年已經辦畢毋庸再議外。至乾隆五十二年丁未科。再加恩舉行大挑時。無論省分遠近。但就人數多寡。均勻挑取。俾遠近士子。均得乘時自效。以示朕加惠寒畯之至意。○五十二年

諭向來大挑舉人。俱於會試榜後。該部定期奏請揀選。但念各省會試舉人。旅食京師。若俟榜後再行挑選。

未免又需時日。此次大挑舉人。著即在榜前辦理。以示體恤。○五十八年

諭直省舉人大挑。於六十年會試後。該部奏請辦理。○嘉慶五年

諭各直省舉人。自乾隆六十年乙卯

恩科大挑後。至明歲會試。又閱六載。著於辛酉恩科會試後。該部屆期查照向例奏辦。○又

諭大挑各省舉人。業經降旨。於明年會試後舉行。原以疏通寒畯。及時自效。俾各省膺民牧者。多讀書人。於吏治民生實有裨益。近年定例。將近四科舉人扣除。不挑。是應挑者皆係遠科。恐人數過少。難以甄錄。若將近科概行與挑。又恐挑取者多係新進。而科分較深者。仍致淹滯。所有明歲大挑舉人。著將近年乙卯戊午庚申三科舉人扣除。其甲寅以上各科舉人。俱准一律與挑。○十二年

諭各省舉人。自嘉慶六年辛酉科大挑後。至明歲會試。又閱六載。著於戊辰科會試後。該部照上屆之例。將近辛酉甲子及本年丁卯三科舉人扣除。其庚申以上各科舉人。俱准一律與挑。該部屆期查照向例奏辦。○又覆准。嗣後每遇大挑。屆時由吏部行文禮



部。咨取會試龍門冊籍。覈對年歲。並於挑選單內註明。以憑考覈。○十三年

諭。所有此次大挑舉人。著於每兩班二十人內。挑取一等三名。二等九名。以示體恤寒畯之至意。○十八年諭。吏部奏各省舉人自十三年戊辰科大挑後。至明歲甲午科已閱六載。應否舉行挑選請旨等語。各省舉人。從前

皇考高宗純皇帝加恩寒畯。特予大挑。俾多士及時自效。朕親政以來。每閱六年。按次舉行。惟現在分發各直省者為數過多。該舉人等挑選以後。補缺無期。省垣需次。資斧維艱。此次若再照例挑選發往。更形壅滯。轉非體恤寒士之意。所有明歲大挑。著暫緩一科。於丁丑科會試後舉行。並著嗣後每屆四科。奏請大挑一次。仍照例扣除近三科舉人。俟各省挑往人員漸次疏通。該部即奏明再行照舊辦理。○道光二年諭。明歲各省舉人屆應大挑之年。惟現在各省及河工候補各員。人數壅滯。所有癸未科大挑。著暫緩一科。於丙戌科會試後舉行。○五年覆准。滿洲蒙古漢軍舉人一體大挑。○二十三年奏准。各省駐防。從前中式及本科中式之文舉人。一體改應繙譯

會試。是該舉人等於貢院點名冊內。未經列名。未便一體入挑。○二十四年

諭。現在各省駐防旗人。一體改試繙譯。其已中之文舉人。因未與文闈會試。遂議定不准大挑。惟念該舉人別無進身之階。未免向隅。著各該將軍副都統城守尉等。於各該駐防前經中式之文舉人。科分在近三科以前。例准大挑者。詢明情願赴挑。即由該將軍等給咨送部。聽候欽派。王大臣照例大挑。如有不願赴挑者。仍聽其便。

欽定大清會典事例卷三百五十四

禮部

貢舉

恩賜

恩賜○康熙四十二年

諭舉人汪灝何焯蔣廷錫學問優長今科未得中式著

授為進士一體殿試○六十年

諭此番應試之人有學問優長不得中式以致抱屈者

朕亦無從而知即有人奏聞亦難深信如舉人王蘭

生學問南人中或有勝彼者若直隸人則未能及之

前周易折中性理精義朱子全書魏廷珍王蘭生等

在朕前晝夜校對五年不遺一字讀書人少全讀性

理者王蘭生甚為精熟學問亦優屢試未中或文章

不佳抑別有故耶再滿洲舉人留保學問好滿洲蒙

古漢軍中罕有及者即翰林中諒如彼者亦少此在

朕前行走之人朕深知之非屬偏向也王蘭生留保

俱賜進士一體殿試○雍正四年

諭近來試官多以四書文為主而於經藝不甚留心士

子讀書制行之道首在明經其以五經取中副榜者

必係有志經學之士著將今年各省五經取中副榜

之人俱准作舉人一體會試再今科各省所中副榜

內有兩次中式副榜者亦准作舉人一體會試以上  
二項俱係特恩後不為例○七年

諭大學士尚書侍郎都御史副都御史各大臣有子在

京聞及本省鄉試未經中式年二十以上者著各舉

文理通順可以取中者一人開送內閣欽此遵

旨開列大學士蔣廷錫子蔣溥吏部尚書嵇曾筠子嵇

璜左都御史唐欽玉子唐少游吏部左侍郎史

貽直子史奕簪戶部右侍郎王廷錫子王鏐禮

部左侍郎錢以墜子錢蓋禮部左侍郎鄂爾奇

子鄂倫兵部左侍郎楊汝毅子楊綏刑部左侍

郎繆沅子繆樸工部右侍郎張大有子張鴻運

侍郎署理倉場事務涂天相子涂士炳副都御

史王寵子王謝升等具奏奉

旨俱賜舉人戶部侍郎劉聲芳之子劉俊邦因病未應

鄉試亦准作舉人一體會試○又廣東巡撫傅

秦奏連州生員陳錫等首告朱振基私置逆賊

呂留良牌位奉祀等由

諭連州生員陳錫等深明大義不為邪說所惑據實出

首以彰名教具見該州士習之淳良甚為可嘉著將

今年該州應試完場之舉子交與該學政秉公遴選

學問優通者四人。賞作舉人。送部一體會試。以示恩獎。如今科所取副榜內有連州生監。亦准作舉人。○八年。

賜江南舉人顧成天一體殿試。○又賜廣東舉人盧伯蕃一體殿試。○乾隆元年

諭昨據尚書傅鼐奏稱。各省來京會試舉人內。有年歲七十八十以上者四十餘人。志切觀光。可否酌量加恩錄用。朕因令查看落卷之大臣等一併簡閱。續取中式五人。其餘未取者俱交與禮部驗看。酌量分別作何賞給職銜之處。妥議具奏。此等年老舉人。朕格外加恩。乃一時之曠典。在伊等無心遭遇。則可。若心存希冀。強赴公車。以致皓首寒儒。跋涉辛苦。既啟倖進之心。亦非朕愛士恤老之意。此事後不為例。著禮部通行曉諭知之。○十年。禮部帶領會試下第八十以上之舉人董一世等引

見奉

旨。董一世張虬陰章著賞給中書職銜。張搗謙徐文靖劉體禮著賞給學正職銜。董一世張虬陰章各賞緞二疋。張搗謙徐文靖劉體禮各賞緞一疋。○十七年諭協辦大學士吏部尚書梁詩正之子舉人梁同書著

加恩准其一體殿試。○又

諭今年舉行

萬壽恩科。禮部會試士子雲集。其中有年臻耄耋。尚與觀光者。雖未經入彀。而龐眉鶴髮。偕試禮闈。亦場屋中人瑞也。所有八十以上之徐文靖侯勤王壓周中規。皆給予翰林院檢討職銜。七十以上之張簡杜繼行。任湖趙居祿。卞周士梁張明極。何魯李熙。鐸林玉藻。俱給予國子監學正職銜。現任學正王延年。著該部引見。再降諭旨。用賁殊恩。以光盛典。○十八年諭內廷行走之縣丞張宗蒼。監生徐揚楊瑞蓮。效力皆已數年。甚屬黽勉。安靜。張宗蒼年已及暮。著加恩賞給戶部額外主事。徐揚楊瑞蓮著加恩賞給舉人。一體會試。○十九年。禮部查明年歲七十以上之舉人六名。帶領引

見奉

旨。任湖卞前已加恩。王問政安學曾應露李勉俱著賞給國子監學正職銜。○二十五年。

賞原任吏部尚書汪由敦之三子承霽舉人。一體會試。○二十六年

諭本年恭逢

聖母皇太后七旬萬壽。普天同慶。特開

萬壽恩科。所有應試舉子。年在七十八十以上者。雖未經入彀。而者年宿學。恭遇

盛典。宜沛渥恩。以廣

慈福。八十以上之李勉。王問政。張揆。紫麥。國樹。黃賢。瑚。王浩。戴玉。訓。俱著賞給翰林院檢討職銜。七十以上之盛大業。陳士玉。張敬。李珩。胡寶。璠。王大權。謝敦。典。桂。繼。良。周。維。邁。黃。師。圖。楊。步。青。孔。傳。柱。呂。烜。王。玠。黃。淑。尼。張。雄。圖。程。秉。禮。魏。需。牧。俱著賞給國子監學正職銜。○二十七年

諭原任左都御史梅穀成。以康熙年間舊人。服官有年。休致在籍。今前來接駕。雖齒踰八袞。而神明不衰。居鄉亦復安靜。洵屬昇平耆瑞。念其家計清素。諸子內亦無通籍之人。著加恩將伊長子梅銑。賞給舉人。一體會試。以示優眷。○三十年

諭沈德潛。錢陳羣。江浙耆宿也。並以卿貳予告里居。曩者省方東南。存問所及。特晉尚書階。優頒廩祿。茲時巡莅止。二臣咸扶杖迎謁。耄耄而神明不衰。惟國之瑞。朕甚嘉焉。其各加太子太傅。以寵異之。沈德潛之孫。錢陳羣之幼子。各一人。並賜舉人。一體應禮部試。

○又

諭舉人選用知縣。需次動至三十餘年。其壯歲獲售者。既不得及鋒而用。而晚遇者。年力益復就衰。每為軫惜。朕常中夜思維。籌所以疏通壅滯之法。因查每科中額一千二百九十名。統十年而計。加以恩科。則多至五千餘人。而十年中所銓選者。不及五百人。除各科會試中式外。其曾經揀選候選者。尚餘數千。經久愈多。遂成壅積。而直省知縣員缺。本止有此數。即使一時概行銓選。亦屬缺少人多。不能使人人皆紆墨綬。此固必然之勢也。至向來吏部截取舉人。例由各省督撫咨送。往往意存姑息。不加甄別。及至部選得缺。經九卿驗看。始以衰庸改補教職。是督撫徒欲博寬厚之名。使此等衰邁之人。僕僕道途。終歸無益。所謂愛之適害之也。嗣後各該督撫於舉人截取領文時。留心驗看。如果實在年力已衰。難膺民社者。或該員情願就教。即於本省呈改。以省跋涉之勞。其有自揣耄齡。不願就銓選者。並令彙冊咨部。請旨酌給職銜。以慰其寒窗績學之志。明歲丙戌春闈。各省舉人雲集。當於會榜後。特派大臣分別挑選引見。量其年力才具。及時錄用。其有科分已深。非因丁憂事故。自

分年老才庸。不願赴京會試者。亦聽其自便。其作何給予職銜。如何挑選錄用。及選班中更有如何可以疏通之處。著大學士九卿會同詳議以聞。副朕體恤寒峻及時登進羣材至意。欽此。遵

旨議准。嗣後截取舉人時。令各督撫於接到部文之日。為始。定限一年內。行文各州縣調取。秉公驗看。其年力尚健。堪膺民社者。給咨赴部候選。如果精力已衰。情願就教者。准其在本省呈改教職。至年屆七十以上。衰邁已甚。自分不堪供職者。免其調取驗看。具呈本地方官。轉詳督撫覈實。查明開列姓名年歲造冊具題。恭候

恩旨賞給職銜。○又  
賞原任吏部尚書王安國之子生員念孫舉人一體會試。○又

賞原任禮部侍郎蔡世遠之子長訥。原任江蘇巡撫邵基之孫洪舉人一體會試。○又

諭前因歷科舉人銓選壅滯。特命揀選分別錄用。廣為疏通。其年齒衰邁。難以服官任事者。並令查明奏請。量予職銜。以慰其寒窗攻苦之志。今據王大臣等奏。各省舉人內驗看及自呈實在老邁龍鍾不堪民牧

並不能司鐸者。共六十餘名。此內八十以上者。著加恩賞給六品京銜。七十以上者。著賞給七品京銜。六十以上及雖未及六十而驗係實屬衰頹者。著賞給八品京銜。俾頹齡寒峻均沐殊恩。以副朕格外優恤至意。欽此。遵

旨議定。揀選舉人內。有年在七十以上精力已衰者。於六品內酌定都察院都事。經歷。大理寺寺丞。光祿寺署正。七品內酌定大理寺評事。太常寺博士。國子監監丞。中書科中書。八品內酌定國子監學正。學錄。翰林院典簿。國子監典簿。將此數項作為賞給舉人職銜。按其年歲分別掣予。至將來截取各舉人內。有年實衰老不勝縣令教職者。准其就近具呈本地方官。轉詳督撫覈實造冊。概以八品京銜題覆。請

旨賞給。○三十五年

諭今科順天鄉試諸生內。有八十五歲者一人。八十歲者一人。本年為萬壽恩科。此等年臻耄耋。尚來赴試。不無望恩之意。壽考作人。亦盛典也。著禮部順天府查明此二人。如未能中式。即將姓名籍貫奏聞。特賜舉人以滿其志。又聞入場時尚有年僅十一十三者

二人如此髫齡志學。果能即賦鹿鳴。固亦科名佳話。如未能入彀。原不妨策其精進。以待將來。自毋庸一體加恩。遂其速成之願。此亦因材樂育之道也。並將此諭衆知之。○又本年

恩科鄉試。江西九十九歲生員李煒。廣東九十四歲生員張次叔。俱

賞給舉人。○三十六年

諭本年恭逢

聖母皇太后八旬萬壽。慶洽敷天。茲當順天鄉試。士子踴躍偕來。其中皓首龐眉。較上科倍盛。榜後雖未獲

售。念其老年尚赴場屋。壯志足嘉。而

福錫儒林。益徵上瑞。著加恩將應試諸生。年在八十以上之張文達。蘇之洙。張靜深。七十以上之邵無逸。張淑瑗。李峯。段名時。張純仁。戈熙勳。沈岱石。震張淑琪。趙彥美。楊昱。及前日奏到山西八十三歲入場之喬玉柱。本日奏到河南八十歲之甯維祺。俱賞給舉人。一體會試。○又

賞江南年老貢生朱桓。翟天衡。舉人。一體會試。○又

賞山東年老諸生董書。宗郭毓麟。孫斐。舉人。○又

賞陝西年老諸生張溟。楊生華。舉人。○又

賞湖北年老貢生魯道傳。舉人。一體會試。○又本年會

試舉子年登百歲之李煒。

欽賜國子監司業銜。其八十以上之李珩。周燮榮。胡寶

璿。傅夔。張大章。王旭。鄧峯。褚書。黃業。忻。盛大業。

謝教典。張芬。王志宗。秦淳。趙銘。王玠。劉應薦。吳

觀。俱

欽賜翰林院檢討銜。七十以上之丁福隆。胡昭。楊宣猷。

新增王熊。應溫。瑗。何孫。詒。許進益。張士。最。閻循。

中。徐。閔。章。徐。勉。吳。光。昇。葛。涵。高。宏。謨。溫。朝。榮。俱

欽賜國子監學正銜。○四十年。

賞原任工部尚書。袁曰修之子。行簡。內閣中書。並准其

一體會試。○四十一年。

賞原任直隸總督。方觀承之子。維甸。內閣中書。並准其

一體會試。○四十三年。

諭國子監助教。吳省蘭。助教銜。張義年。學問尚優。且在

四庫館校刊羣書。頗為得力。俱著加恩。准其與本科

中式會試。舉人。一體殿試。○又本年會試。年老舉人

郭毓麟。

欽賜國子監司業銜。魯道傳。鄭兆球。

欽賜翰林院檢討銜。石震。趙彥美。張廷謨。萬邦獻。朱鏡。

欽賜國子監學正銜。○四十四年。己亥科順天鄉試年

老諸生王景績李遠張廣基李天民董斌許祖  
健康銑李成俱

賞給舉人一體會試。○又

賞福建年老諸生郭鍾岳陳應騰宋耀謝士豪陝西郭

元標劉夢花馮書佐徐常瀟牛文連貴州章彥

舉人一體會試。○又

賞江西奉新縣歲貢生王聘舉人一體會試。○又

賞湖北年老諸生李蔚李作朋舉人一體會試。○又

賞河南年老諸生劉堯學李欽元索止任張龍光舉人

一體會試。○又

賞原任大學士劉統勳之孫鏗之舉人一體會試。○又

諭原任尚書王際華之子王朝梧。昨歲已降旨賞給中

書。著加恩准其一體會試。○四十五年。

賞湖南年老諸生王繼梁文人朱瑞熊世炎王寅邱愨

舉人一體會試。○又本年庚子

恩科會試年老舉人李實生劉克柔王熊應馬士榮黃

鼎俱

欽賜翰林院檢討銜。劉堯學郭元標馮書佐劉夢花李

蔚索止任張廣基張純仁李遠王景績康銑李

天民許祖健康李欽元謝士豪徐常瀟李作朋董  
斌李成章彥吳兆魁周中連宋瑞孫凌雲毛肇  
俱

欽賜國子監學正銜。○四十七年

諭監生趙秉冲在懋勤殿行走已經四年。著加恩賞給

內閣中書。遇缺即補。仍准其一體會試。○四十八年。

癸卯科鄉試順天年老諸生田集盛等三名。山

東焦會塗等六名。河南許錫桓一名。江南鄭應

鳴等五名。浙江張本等六名。俱

賞給舉人。○四十九年

諭莊存與奏本年會試各省舉人年屆九十者一名。八

十以上者二十名。七十以上者五名。皆三場完竣未

經中式等語。此次年老舉人應試者至二十六名之

多。皆年躋耄耄。志切觀光。允為昇平人瑞。著交吏部

查照向例。分別賞給京銜。以示朕引年勸學加惠士

林之至意。○五十一年。

賞浙江年老諸生章宸衛張啟瀟任際泰周岸登舉人。

一體會試。○又丙午科鄉試順天年老諸生侯

鏜等五名。河南王協恭等七名。山東李宏道等

七名。江西涂紅鵬一名。廣東彭一猷等二名。陝

西房彥貴等二名。湖南葉有聲等三名。江南趙有為等六名。福建林復發等二名。四川彭省非等二名。貴州孫彥等三名。俱

賞給舉人。○五十二年。丁未科會試。年老舉人李宏道。

欽賜翰林院編修銜。彭一猷等。

欽賜翰林院檢討銜。項朱等。

欽賜國子監學正銜。○五十三年。戊申科鄉試。順天年

老諸生趙峯等三名。山東李發枝等五名。江西

鄧岳一名。福建王奕年等三名。湖南李洪福一

名。浙江徐愛蓮等六名。鹽井學貢生袁旻一名。

廣東羅舜臣等四名。貴州游鑑乾等三名。江蘇

湯振等五名。安徽王聖際等三名。湖北吳梅等

二名。廣西貢生唐熙一名。陝西張夢熊等二名。

俱

賞給舉人。○五十四年

諭本年會試舉子。除七十以上之姜价等。業於上次會

試後賞給國子監學正職銜外。所有年屆九十以上

之李發枝等。八十以上之張夢熊等。俱著賞給翰林

院檢討銜。七十以上之洪學源等。俱著賞給國子監

學正銜。其九十以上者各加賞緞三尺。八十以上者。

各加賞緞二尺。七十以上者。各加賞緞一尺。並年在七十以上前經賞銜之姜价等。亦著一體賞給。○又

本年己酉科鄉試。順天年老諸生左昌宗等十

名。江南胡椿等十七名。江西黃景亮等四名。浙

江方宗華等六名。福建吳維新等三名。湖北劉

化鯤等四名。湖南劉豐年等七名。河南馮希賢

等七名。山東王有年等五名。山西李文明等六

名。陝西張大烈等五名。四川潘履謙等六名。廣

東李賴子等七名。雲南湯祚昌等二名。貴州楊

宜科等五名。俱

賞給舉人。高日新等八十七名。俱

賞給副榜。○又

諭李世傑之孫李再瀛。本年會試未經中式。李世傑係

總督中得力之人。李再瀛著加恩准其一體殿試。○

五十五年

諭本年會試舉子。除九十以上之段三連。業經賞給都

察院都事職銜。八十以上之曹京。賞給國子監典簿

職銜。七十以上之姜价。項朱。柴杰。邵利達。賞給國子

監學正職銜。吳澄。賞給翰林院典簿職銜外。所有年

屆九十以上之劉湘。胡椿。陳鳳翔。八十以上之吳霖



等七十二名。俱著賞給翰林院檢討銜。七十以上之董繼允等十八名。俱著賞給國子監學正銜。其九十以上者。各加賞緞三尺。八十以上者。各加賞緞二尺。七十以上者。各加賞緞一尺。並年在九十八七十七以上前經賞給職銜之段三連等七名。亦著一體分別賞給緞尺。○五十七年。壬子科鄉試。順天年老諸生鄭元謀等十名。山東劉家修等五名。河南張丕顯等六名。湖南黃佑啟等六名。山西宋守祀等五名。貴州杜大章等三名。江南周經等六名。福建陳際成等五名。陝甘王棟等八名。廣西梁如炯一名。浙江來壽昌等十一名。雲南舒聯元等四名。廣東張寬等三名。四川趙之雋等七名。俱

賞給舉人。李枝桂等二十四名。俱

賞給副榜。○五十八年

諭本年會試各省年老舉人馬元倬等五十二名。著賞給翰林院檢討銜。各加賞緞二尺。穆彬等十二名。著賞給國子監學正銜。各加賞緞一尺。○五十九年。甲寅科鄉試。順天年老諸生蔣子定等二十三名。江南朱楷等十七名。江西劉大知等九名。浙江

溫大鶴等五名。福建林廷對等十名。湖北鄭泳等十二名。湖南盧山等八名。河南李滋等五名。山東楊乃依等五名。山西薄文龍等二名。陝西郝振甲等十二名。四川曾世榮等九名。廣東范拱北等八名。雲南郝瑄等六名。貴州呂文周等五名。俱

賞給舉人。陳旭等四十九名。俱

賞給副榜。○又

諭孫士毅奏川省鄉闈榜發。查明三場完竣未經中式年老諸生甚多。選其年力尚強者。開單進呈等語。所奏是。各省年老諸生。因其皓首窮經。尚能踴躍觀光。榜發未經獲售。是以於該督撫奏到時。特加恩分別賞給舉人副榜。用彰壽世作人之化。然因有此恩旨。而遂不加甄別。使名器得以濫邀。亦非覈實之道。各省辦理。俱未免有意見好。今孫士毅將例監及入學年分較近。並精力衰邁不能進京會試者十六名。概行汰去。甚為得當。本年鄉試早經榜發。近省已陸續奏到。不及再加選擇。著傳諭各督撫於下屆鄉試時。務照此慎選具奏。毋得仍前概行臚列。致滋冒濫。○

六十年

諭本年會試舉子九十以上之趙象觀業經賞給大理寺寺丞銜著賞給國子監司業銜周經等一體賞給國子監司業銜八十以上之楊士元等前均經賞給國子監學正銜著賞給翰林院檢討銜駱存智等俱著賞給翰林院檢討銜七十以上之王世錦等俱著賞給國子監學正銜內有現任教諭俱著以加銜留任其凡九十以上者再各加賞緞三尺八十以上者各加賞緞二尺七十以上者各加賞緞一尺以示朕加惠者年壽世作人至意○又

諭據欽派大臣將覆校會試薦卷內文理較優者三卷進呈朕披閱之下詩文俱為清妥未經中式不免屈抑除正副考官等業經交部嚴議外所有選取之直隸舉人徐炘浙江舉人傅淦山西舉人李端俱著加恩賞給內閣中書與考取候補人員挨次補用以示朕選拔遺才恩施寒畯至意○又本年乙卯科鄉試順天年老諸生韓士勵等八名江南趙銘等十三名江西吳志岳等六名浙江趙概等六名福建甘偉元等十三名湖北張泉等十三名湖南黃日修等十六名河南李芳淑等五名山東鄭日唯等六名山西陳萬年等七名四川陳任等

四名廣東賴興發等七名雲南楊世溥等六名貴州李荷龍等五名陝甘尚履坦等二十一名俱賞給舉人劉清等一百十名俱賞給副榜

欽定大清會典事例卷三百五十五

禮部

貢舉

恩賜二

嘉慶元年丙辰科會試年老舉人鄭泳等三名俱

欽賜國子監司業銜汪錫等一百四名俱

欽賜翰林院檢討銜謝煦等十四名俱

欽賜國子監學正銜○三年戊午科鄉試順天年老諸

生于江元等三十二名江南陳榮起等三十名

浙江林與庚等十一名江西周大起等二十六

名福建張觀法等七名湖北曾夢張等九名湖

南唐綰傳等十八名河南蕭宗思等八名山東

朱克謙等五名山西李晚榮等九名陝西魏夢

龍等九名四川謝錦等七名廣東劉學藻等六

名廣西黎晃一名雲南省苗世溥等四名貴州

白猶龍等二名俱

賞給舉人馮士甄等一百六十六名俱

賞給副榜○四年

諭本日召見朱珪詢問蔡新之子曾否在京會試據奏

蔡新有子蔡本俊係內閣中書現在入場未經中式

等語蔡新在尚書房行走有年老成謹慎以大學士  
予告在籍年已九十有三伊子蔡本俊著加恩一體  
殿試○又原任大學士朱軾元孫朱振聲朱景華引  
見奉

旨朱振聲朱景華著賞給舉人准其一體會試○又已

未科會試各省年老舉人周大器等三名俱

欽賜國子監司業銜陳可久等九十五名俱

欽賜翰林院檢討銜張玉柱等二十四名俱

欽賜國子監學正銜○五年

諭本年順天鄉試尚書朱珪之孫朱涂入場應考未經

中式因將伊硃墨卷取閱其制藝詩策俱屬平平原

難入選同考官未經呈薦而主考亦未按錄校閱本

為公當但念朱珪前在尚書房行走曾授朕詩文且

數歷有年恪共厥職現在伊孫止有朱涂一人其試

卷文理亦無大疵朱涂著加恩賞給舉人一體會試

○又

諭謝啟昆奏廣西省鄉試未經中式年老諸生一摺該

省鄉試年老諸生該撫於榜發後自應即時查明具

奏候朕降旨加恩乃廣西省自九月揭曉後直至十

一月始行具奏此數月中該撫奏事摺便甚多何難

早為附入。該省又無別項緊要事件。何以遲滯。乃爾至陝甘貴州兩省年老諸生。至今亦未奏到。此等循例具奏事件。有何難辦。若實無年老諸生。亦應及早附摺陳明。乃遲延至今。可見外省於地方事務。辦理延玩。大率類是。除謝啟昆先行傳旨申飭外。所有陝甘貴州原辦之監臨官。亦著傳旨申飭。其廣西年老諸生。俟陝甘貴州兩省奏到。再降恩旨。○又庚申

恩科鄉試。順天年老諸生曠大澄等四十九名。江南汪

步南等九名。江西彭出圖等四十七名。浙江康辰等十一名。福建謝其昌一名。湖南胡德盛等

十七名。河南高登俊等十四名。山東尹秀生等六名。山西孫百齡等七名。四川鮮文美等五名。廣東黎道新等十五名。雲南向舒等十三名。廣西謝天惠等二名。陝西王怡體一名。俱

賞給舉人。遂廷獻等一百三十九名。俱

賞給副榜。○六年辛酉

恩科會試。各省年老舉人尹秀生等俱

欽賜國子監司業銜。吳涵等俱

欽賜翰林院檢討銜。郝騰龍等俱

欽賜國子監助教銜。張良純等俱

欽賜國子監學正銜。○又原任大學士田從典之孫田

玉麟。原任大學士李光地元孫李維翰。原任大

學士王熙曾孫王元洪。原任大學士吳璵四世

嫡孫吳沆。原任禮部尚書楊名時曾孫楊景曾。

原任刑部尚書魏象樞六世孫附生魏煜。原任

工部尚書湯斌四世孫生員湯念曾。原任江蘇

巡撫徐士林之孫徐從旭。原任福建巡撫潘思

渠曾孫潘福寶。節次引

見奉

旨。俱著賞給舉人。准其一體會試。○又

諭。朕因原任大學士蔡新宣力年久。在籍身故。特降旨令該省巡撫於伊孫中選擇一二人。送部引見。嗣經吏部將蔡新之孫舉人蔡行達帶領引見。因其現屆會試。本欲俟伊中式後再行錄用。茲已揭曉。未經取中。著加恩賞給進士。准其一體殿試。○又

諭。吉慶等奏。拏獲海康縣糾眾結盟首夥各犯。其縛送會匪多名之貢生歐賢星。監生游世傑。均屬出力。著加恩賞給舉人。准其一體會試。○又

諭。朕此次回京。有山西已革舉人薛載熙。在燕郊接駕。朕記其名姓。係屢經接駕。且曾經考試。詩句平常。飭

令回籍者。復命以詩題。再行考試。所限官韻甚窄。並令軍機大臣派員監考。所作詩句。較前稍勝。薛載熙著加恩賞還舉人。下次准其一體會試。○又

諭。向來年老諸生。有志觀光。三場完竣者。經監臨查明。奏聞後。均降旨分別八十七十以上。賞給舉人副榜。原以加惠耆儒。用昭作人雅化。本年辛酉科鄉試。順天及各直省先後奏到。朕披閱單內所開諸生年歲。有由七十以上開列者。有由八十以上始行開列者。及有扣出近年入學者。亦有並未聲明者。辦理殊未畫一。本日阮元奏到浙江年老諸生摺內。則係查明

諸生入學年分在三十年以前至六十年者。始行開列。其餘近年入學。浮開年歲者。悉行扣除等語。應試諸生。年歲原應覈實開報。其浮開年歲者。自應扣除。以杜冒濫。但該撫必拘定入學自三十年至六十年者。始行開列。則諸生入學時。或已屆五六十歲。豈復能仰邀恩賜。未免向隅。辦理殊為過當。此事止須查明該生實在年歲。果係八十以上七十以上者。奏明酌量加恩。各省一律辦理。以期無濫無遺。轉不必拘定入學年分。其應如何分別章程。使各省一體遵行之處。著大學士會同禮部妥議。速奏。所有本年各監

臨奏到年老諸生。俟奏准後。照新例辦理。欽此。遵旨議奏。年老會試舉人

賞給職銜。始於乾隆元年。年老鄉試舉子

賞給舉人。始於乾隆三十五年。其分別八十歲以上

賞給舉人。七十歲以上

賞給副榜。始於乾隆五十四年。該生等原以年老蒙

恩。以詳查年歲為本。舊例相沿。各學政報部生童名

冊。及各省送到舉人副榜題名錄。均未註明年

歲。部冊無可稽查。嗣後各學政報部名冊。及各

省題名錄。均於姓名下註明年歲。俟鄉會兩場

具奏年老舉子之時。

敕交禮部覆覈相符。再行具奏請

旨。所有會試舊科舉人。向無年歲底冊者。以地方官

印文為憑。其俊秀貢監。雖學冊無名。而戶部執

照。亦各註年歲。令各學政於錄科時。驗明執照。

造冊彙送監臨。於具奏單內聲明。年歲先有根

據。舉子自不能冒濫。至此次外省有以新進扣

除者。以年在七十以上扣除者。以入學三十年

六十年為斷者。辦理未能畫一。通飭各該督撫

一體查明補奏。以免向隅。

謹案鄉會試具奏年  
老諸生。先  
敕交

禮部覆載年歲相符。○又再行請旨始此。

諭前因各省奏到年老諸生單內。其所開諸生年歲及有無入學年分。均未畫一。特降旨交大學士禮部會議辦理。昨據大學士禮部會議具奏。已照議准行。本日全保奏對湖北年老諸生摺內。恭錄乾隆五十九年原奉

諭旨一道。因係孫士毅所奏年老諸生。將例監及入學年分較近。並精力衰邁不能進京者。概行刪去。曾傳知各督撫遵行。現在各督撫奏到年老諸生摺內。並未一體恭錄。昨大學士禮部會議時。亦疏漏未敘。其議定章程。與前奉

諭旨。尚未盡合。自應再行妥議。令各省畫一辦理。著仍交原議之大學士禮部詳細妥議具奏。欽此。遵旨議定。嗣後各省辦理年老諸生。如果三場完竣。即一

體奏請

施恩。其進京與否。悉聽其便。至俊秀例監內有年屆七十八十始行捐監入場者。所開年歲先不可信。應查明扣除。以杜冒濫。但亦有係少壯捐監。早經應試者。年歲既載明執照。無可假託。迨年老未邀中式。其場屋之苦。與諸生相同。嗣後查

明各省例監。其捐監在十科以前曾經應試者。即照生員等七十八十歲數之例。一體奏請

賞給。至近年入學諸生。自不必拘定入學年分。如入學雖久。而覈對學冊。浮開年歲。即應扣除。如甫經入學。而年歲若干。業經廩保出結。並同時應試童生出有互結者。是其中本無捏冒。仍照例賞給。○是年辛酉科鄉試。順天年老諸生李咸賓等

五十名。江南吳思齊等四十二名。江西汪瀾等二十四名。浙江沈振麟等十名。福建陳開泰等八名。湖北盧薰等九名。湖南艾卓雲等二十名。

河南趙洽等十名。山東劉鏗等十六名。山西李義交等十二名。陝西康注等二名。四川楊名遠等二名。廣東朱鈺等二十二名。廣西李伸等十名。雲南王來培等六名。貴州劉攀雲等二名。俱

賞給舉人。黃廷楷等二百三十九名。俱賞給副榜。○七年。壬戌科會試。各省年老舉人李東耀一名。

欽賜國子監司業銜。劉珩玉等五名。俱欽賜翰林院編修銜。孫錡等一百一十一名。俱

欽賜翰林院檢討銜。呈蘊等八名俱

欽賜國子監助教銜。李吉昌等五十四名俱

欽賜國子監學正銜。○八年。原任大學士蔡新之子監

生蔡本份引

見奉

旨。蔡本份著賞給舉人。准其一體會試。○九年

諭。前因玉德李殿圖奏甯化縣生員李紹基等。鄉耆黎

朝繼等。各獲送匪犯多名。懇請鼓勵。摺內並未將實

在出力之生員鄉耆等姓名數目聲敘明晰。諭令據

實覆奏。再行降旨。茲據奏稱生員李紹基邀同鄉民

李天祿李懋彭官希文將從逆為匪之僧智明等八

名拏獲等語。李紹基能將此等從逆潛逃要犯拏送

到官。尚知大義。著加恩賞給舉人。准其一體會試。

○又奏准。各省老生。於前科業蒙

恩賞副榜。本年又赴鄉試。現年八十以上者。照例請

旨加賞舉人外。現年在七十以上之老生。亦一體

賞給舉人。○是年甲子科鄉試。順天年老諸生張桐等

三十四名。江南查樹德等四十六名。江西陳金

瑞等八十八名。浙江翁作楷等三十一名。福建

高世泰等三十二名。湖北蕭成等十九名。湖南

翁啟暉等十八名。河南謝景啟等十二名。山東

李敦知等二十四名。山西高發魁等十五名。陝

西黎愷等十五名。四川苟世英等三名。廣東蘇

友參等五十七名。廣西歐顯宗等十二名。雲南

張燦華等十名。貴州黃維城一名。俱

賞給舉人。許喜榮等四百二十八名。俱

賞給副榜。○又奏。本年各省鄉試年老諸生。順天及山

東山西所奏摺內。均未照嘉慶六年奏准章程。

將各生年歲聲敘明晰。嗣後各省於奏摺內。均

須畫一聲敘。○十年。乙丑科會試。各省年老舉

人張泳祚一名。

欽賜國子監司業銜。張維新等九名。俱

欽賜翰林院編修銜。張良純等一百四十八名。俱

欽賜翰林院檢討銜。任煊耀等十二名。俱

欽賜國子監助教銜。陳震等九十九名。俱

欽賜國子監學正銜。○又奏准。向例上次

欽賜副榜。應本年鄉試三場完竣。仍在七十以上者。

與七十以上之恩拔歲副優貢生一體開列。貴

州甲子科鄉試年老諸生內黃維城。前次蒙

恩賞給副榜。現年未屆八十。仍行照例開列。○又議准。

老生入學後應鄉試者例得邀

恩。其既經入學以後。未應鄉試以前。責成地方官會同該學教官詳加查覈。如有虛捏年歲者。即行舉發。將本生同廩保一併斥革治罪。並於每科鄉試造冊錄科時。出具並無老生捏報年歲彙結。申詳督撫學政衙門存案。如該地方官暨教官有徇庇等情。致令該生捏報年歲。濫邀恩賞。嚴行參處。以示懲儆。○十一年。

賞前著直隸總督袁行簡之子元善舉人一體會試。

又

諭本日方維甸奏審辦延安惑眾糾謀匪徒高種秋等

一案。生員王樸於該犯聚談招人謀為不軌之處。一經聽聞。即能立時首報。得以破案全獲。深明大義。甘泉縣附生王樸著加恩賞給舉人。准其一體會試。○十二年。丁卯科鄉試。順天年老諸生齊養浩等四十八名。山東張遵健等三十一名。山西趙世綬等十名。河南呂國華等十八名。江西周鼎元等三十八名。江蘇郝才等十七名。安徽汪夢澤等十八名。浙江祝日亨等二十六名。湖南歐陽价等二十名。湖北王捷中等十三名。福建柯生

等三十一名。廣東省梁燦等六十三名。廣西周遐等十八名。四川熊光祖等八名。雲南張世麟等十五名。貴州羅模一名。陝甘張在宴等十三名。俱

賞給舉人。魏聰等四百九十一名。俱

賞給副榜。○又奏准

恩賜內閣中書戴嘉穀一體會試。○十三年。戊辰科會

試。各省年老舉人葉芷銜珽二名。俱

欽賜國子監司業銜。呂國華等九名。俱

欽賜翰林院編修銜。劉世祐等九十九名。俱

欽賜翰林院檢討銜。王文炳等十三名。俱

欽賜國子監助教銜。東鵬飛等一百六名。俱

欽賜國子監學正銜。○又

諭。本科會試中式新進士王服經年八十五歲。殿試三

甲。文理清通。引見時看其精神尚健。洵為熙朝人瑞。伊即未經中式。亦例邀恩賞給翰林院檢討銜。今若改用庶吉士。令其在館學習。伊已耄耋。詞賦之學。或非所長。且散館轉需時日。王服經著加恩即授為翰林院檢討。以示加惠耆儒至意。嗣後如有中式進士年在八旬以外者。均著照此例行。○十四年。己巳



恩科會試各省年老舉人孫宗承等八名俱

欽賜國子監司業銜邱天成等十二名俱

欽賜翰林院編修銜齊養浩等一百十七名均

欽賜翰林院檢討銜東鵬飛等二十九名俱

欽賜國子監助教銜高金聲等二百六名俱

欽賜國子監學正銜。又原任安徽巡撫荆道乾孫杖

引

見奉

旨。荆杖著賞給文舉人。又奏准嗣後凡老生年歲業

在合例以上。檔內無細數可覈者。准其先取具

同鄉京官切實印結。聲請辦理。仍俟該省續報

到日。詳加覆覈。如有虛捏情弊。照例懲辦。○又

諭。本年萬壽會試恩科。各省年老舉子。皓首窮經。觀光

踴躍。三場完竣者。有三百七十餘名之多。實為壽宇

祥徵。本日降旨已分別加銜。並此內曾得編修檢討

銜者。亦一體遞予加銜矣。因思伊等衰年望澤。勵志

風檐。固宜廣被榮施。慰其暮景。而恩施亦當定以限

制。不可過濫。且編檢係詞垣清秩。自不應再赴禮闈。

嗣後年老舉子。止得學正助教銜者。仍准其會試。若

未經中式。加銜檢討。其已得檢討銜者。即不必再行

會試。著為例。至九十以上者。年近期頤。非尋常年老

舉子可比。來京會試。向來有賞給司業銜之例。並不

因曾經賞銜。以次遞加。可照舊辦理。此外年老給銜

者。如遇有祝慶迎鑾。陳獻詩冊。屆期原可酌量加恩。

不拘成例也。○又

諭。吉綸奏查明故員李毓昌族姪李希佐承繼為嗣一

摺。李毓昌前次委查山陽賑務。居心公正。立品端方。

慘遭毒斃。情殊可憫。除已疊加恩卹外。其繼子李希

佐。並著加恩賞給舉人。准其一體會試。○十五年。雲

貴總督伯麟等奏。貢生劉浩首報川省餘孽陳

老么。在賓川州地方聚眾滋事一案。奉

旨。此次該犯等謀逆破露。係由貢生劉浩首報。劉浩之

姪劉宗。已被糾約。劉浩並不因此容隱。頗知大義。劉

浩著賞給文舉人。准其一體會試。○是年庚午科鄉

試。順天年老諸生張溥耀等二十八名。山東李

品重等五十九名。山西薛鋒如等十名。河南魏

景舒等二十三名。陝西馬錫壽等十九名。江蘇

陳學庠等二十八名。安徽桂林榮等二十七名。

浙江張純熙等六名。江西胡元凱等二十九名。

湖北盧承璧等三十名。湖南何同佐等九名。福

...

建高元猷等二十九名。廣東宋維彬等一百九名。廣西吳斯垣等十七名。四川劉時舉等四名。雲南段玉堂等六名。貴州馬鉞等四名。俱

賞給舉人。李正辭等五百二十名。俱

賞給副榜。○十六年。辛未科會試。各省年老舉人李菁等十七名。俱

欽賜翰林院編修銜。孫錦等六十八名。俱

欽賜翰林院檢討銜。侯元勳等四十二名。俱

欽賜國子監助教銜。李仲等一百六十一名。俱

欽賜國子監學正銜。○又

賞原任大學士戴衢亨子嘉端舉人。一體會試。○十八

年

諭直隸省南各州縣。因缺雨歉收。該紳士誼殷桑梓。捐

銀買米。設廠煮賑。南宮縣廩生齊如驥捐銀一萬二

千兩。急公好義。尤為可嘉。齊如驥著加恩賞給舉人。

准其一體會試。○又

諭生員鮑廷博。於乾隆年間恭進書籍。其藏書之知不

足齋。仰蒙

高宗純皇帝寵以

詩章。朕於幾暇。亦曾加題詠。茲復據浙江巡撫方受疇

代進所刊知不足齋叢書第二十六集。鮑廷博年逾八旬。好古績學。老而不倦。著加恩賞給舉人。俾其世行書香。廣刊秘籍。亦藝林之勝事也。○又奏。年老各

生

恩賞。凡遇

恩科慶典。一體舉行。其餘正科。概行停止。除年屆九

十以上各生。仍照成例開列外。八十七十向係

合例各生。請加五歲。以八十五歲七十五歲以

上為率。方准入單具奏。奉

旨。歷科鄉會試後。查明年老諸生三場完竣者。分別加

恩。用以加惠耆儒。行之已久。未便遽爾停止。著每科

仍照舊查辦。惟浮開年歲。人數冒濫。其弊不可不除。

著照舊例遞加十歲。方准列入。如有捏報蒙混情弊。

將該生斥革治罪。所有造冊出結各官。查明交部分

別議處。○是年癸酉科鄉試。順天年老諸生周尚瀄

等三十八名。山東周汝浩等五十八名。山西曹

致遠等十二名。河南呂榮菴等二十名。陝西史

宗丑等十四名。江蘇李穎等三十名。安徽江芳

等二十八名。浙江周湛等二十名。江西楊耀等

四十四名。湖北石可崧等二十三名。湖南許太

一等二十八名。福建張錫朋等二十八名。廣東陳彭等七十九名。廣西劉宗莊等十九名。四川石漸鴻等四名。雲南陳壯猷等二十六名。貴州宋潤一名。俱

賞給舉人。傅端揆等五百九十一名。俱

賞給副榜。○十九年

諭。同興奏查明山東各州縣團練防獲倡首之紳士據實保奏一摺。金鄉縣生員李九標首先呈報逆謀匪徒因此破案。伊家被賊戕害。停柩亦遭焚毀。該生仍幫同擒獲逆匪。尤堪嘉憫。該撫將該生與單開各生

員一例請賞給七品職銜。不足示獎。李九標著加恩賞給舉人。准其一體會試。○又

賞大學士盧蔭溥子監生本舉人一體會試。○又

賞河南滑縣殉難知縣強克捷子望泰舉人一體會試。

○又原任廣東陽江鎮總兵官黃飛鵬子監生泰鏗引

見奉

旨。黃泰鏗著賞給文舉人。○又

諭。汪志伊奏懇將緝獲結會首犯之生員縣令等量加鼓勵等語。熊毛一犯在閩省地方屢次糾眾結會。日

久逃逸未獲。生員李玉衡能知大義。率同勇士吳東波尋蹤數百里。躡緝半年之久。探知該犯潛匿建陽縣山寮。稟知該令周珩設法拏獲。洵屬認真出力。生員李玉衡著加恩賞給舉人。准其一體會試。○又甲戌科會試。年老舉人齊殿楹等四名。

欽賜翰林院檢討銜。母體運等五名。

欽賜國子監助教銜。王懷業等五十名。

欽賜國子監學正銜。○二十年。

賞前任閩浙總督方維甸子舉人傅穆進士一體

殿試。○二十一年

諭。本年順天鄉試。據監臨常英甘家斌將年老諸生三場完竣者開單具奏。其年歲相符之八十以上歲貢生現任訓導劉會。著加恩賞給舉人。准其一體會試。馬承平業於前科賞給副榜。毋庸再行加恩。○又奉旨。嗣後各省年老諸生賞給舉人副榜。著俟有十省八省到日。該部再行彙奏。毋庸分省具奏。○又

諭。衡齡奏審明邪匪葉生寬等分別定擬一摺。廩生衛君選偽投入教。探聽得實。到官呈首。甚屬可嘉。著加恩賞給舉人。准其一體會試。○又丙子科鄉試。河南省年老諸生李儉一名。

欽賜舉人白凝一等三十三名俱

欽賜副榜。二十二年

諭十八年九月逆匪林清山結李文成滋事。經滑縣知縣強克捷先期訪破逆謀。將李文成獲案夾訊。刑傷甚重。該逆黨因而乘夜在滑城劫獄起事。李文成不能率眾北來。與林清會合。及遁出滑城。又不能乘騎行走。得以迅就殲戮。強克捷之功甚鉅。其全家被害。尤為可憫。前疊經降旨褒卹。忠蓋強克捷長子強逢泰以騎都尉世職改授主事。其次子強望泰賞給舉人。本科會試未經中式。強望泰著再加恩賞給進士。准其一體殿試。又丁丑科會試年老舉人李儉一名。

欽賜翰林院檢討銜劉會等四名。

欽賜國子監學正銜。又奏准本年會試未經中式之

年老舉人。其前次會試年在八十以上。已蒙

恩賞學正助教等銜。此次仍在八十以上者。遵奉上年

諭旨。比照馬承平之例。不再請

加恩。二十三年戊寅

恩科鄉試。順天年老諸生梁廣有等二名。福建陳望恩

一名。四川門珠一名。廣東李耀燦一名。廣西韋

日畦一名。安徽劉榮朝一名。江西鄺運振一名。俱

賞給舉人。鄭振邵等三十二名。俱

賞給副榜。二十四年己卯

恩科會試。年老舉人劉榮朝一名。

欽賜翰林院檢討銜張養心等十三名。俱

欽賜國子監學正銜。又是年己卯科鄉試。順天年老

諸生熊清泰一名。河南宋炳一名。俱

賞給舉人。趙鵬年等三十七名。俱

賞給副榜。二十五年

諭本年會試年老舉人。所有九十六歲之熊清泰。著加

恩賞給翰林院編修銜。其九十以上之宋炳陳望恩

著加恩賞給翰林院檢討銜。八十以上之閻式閻時

棠牛培基尹廷鐸。著加恩賞給國子監學正銜。嗣後

會試舉人年至九十五歲以上者。俱照此例賞給編

修銜。至百歲以上者。俱賞給國子監司業銜。用示朕

壽考作人至意。又

賞原任侍郎萬承風子監生方熙舉人一體會試。

欽定大清會典事例卷三百五十六

禮部

貢舉 恩賜三

道光元年吏部尚書劉鏞之身故。

賞伊次子華海舉人一體會試。又原任侍郎溫汝适身故。

賞伊子舉人承悌進士一體殿試。是年辛巳

恩科鄉試福建年老諸生林芳春一名河南傅靈瑞一

名江蘇劉遇恩等二名俱

賞給舉人趙泰等四十八名俱

賞給副榜。二年壬午

恩科會試年老舉人劉遇恩等二名。

欽賜翰林院檢討銜陳垂聲等四名。

欽賜國子監學正銜。是年壬午科鄉試山東年老諸

生鄒廷顯一名福建李步雲等二名河南荀月

桂一名廣東余普一名俱

賞給舉人齊介眉等五十名俱

賞給副榜。三年內閣學士徐頌身故。

賞伊子四品廕生綸舉人一體會試。又

賞原任大學士朱珪曾孫甘霖舉人一體會試。是年

癸未科會試年老舉人李步雲一名。

欽賜翰林院檢討銜王桂等四名。

欽賜國子監學正銜。四年以

仁宗睿皇帝聖訓實錄告成。

賞大學士曹振鏞子恩浚舉人大學士戴均元孫嘉秀

舉人尚書汪廷珍孫承佑舉人均一體會試。

五年乙酉科鄉試山東年老諸生孫得申等二

名湖南王芳槐一名福建莊人瑞一名河南徐

修道等三名廣東李基等三名江蘇王瑄光一

名廣西陸瑞呈一名安徽丁茂燦等三名江西

章名揚一名俱

賞給舉人間全德等一百名俱

賞給副榜。六年。

賞原任江南河道總督黎世序子學淵舉人一體會試。

學澄副榜一體鄉試。是年丙戌科會試年老

舉人陸雲從一名。

欽賜國子監司業銜李瑞徵等七名。

欽賜翰林院檢討銜王毓書一名。

欽賜國子監學正銜。八年戊子科鄉試順天年老諸

生姚珮等二名山東張圖南等三名湖南李芬

等二名。福建葉日春一名。河南張耀彩等四名。陝西王家棟一名。廣東楊松筠等四名。江蘇吳振清等二名。廣西梁盛楚一名。安徽唐焄等二名。浙江葉維挺一名。江西項鵬等二名。俱

賞給舉人。楊天錫等一百三十五名。俱

賞給副榜。又原任山東曹州鎮總兵劉清身故。

賞伊孫生員瑩舉人一體會試。又

諭。阮元等奏查出謀刻石篆並寫造逆詞之匪犯。分別緝拏。審明辦理一摺。生員李宗唐舉首可嘉。著加恩賞給舉人。准其一體會試。又

賞參贊大臣楊芳子承注舉人一體會試。九年奉

旨。耆英等奏查明年老諸生曾經奉旨賞給副榜之麥鳳榮一名。因內閣發鈔時遺漏繕寫。業已據實檢舉。麥鳳榮著仍遵前旨賞給副榜。該部即照例補行辦理。是年己丑科會試。年老舉人梁履端一名。

欽賜翰林院編修銜。廖漸達等七名。

欽賜翰林院檢討銜。姚珮等三名。

欽賜國子監學正銜。十年。以捐建石隄。修築堅穩。

賞廣東南海縣廩貢生伍元徽舉人一體會試。十一年。辛卯

恩科鄉試。順天年老諸生趙鵬遠等三名。山東韓其震

等七名。湖南曹何器等二名。山西魏中和等二名。福建杜大齡等二名。河南魏闕等九名。四川黃桂新等二名。廣東高有為等三名。江蘇史劍鋒等三名。廣西曾斯義等二名。安徽李淦等二名。貴州梁化龍一名。江西彭作哲等三名。俱賞給舉人。劉繼賢等一百四十四名。俱

賞給副榜。十二年。閩浙總督孫爾準身故。

賞伊子舉人慧悖進士。服闋後一體殿試。又

諭。朕沖齡就傅時。原任侍郎贈禮部尚書銜萬承風。原

任翰林院侍講學士加三品卿銜秦承業。先後在上

書房課讀。盡心講貫。深資啟沃。即朕之今日。尚能兢兢自守者。皆兩師傅之功也。眷懷舊學。特沛恩施。萬承風著晉贈太傅。其子童生萬方楹。著賞給舉人。准其一體會試。秦承業著晉贈禮部尚書銜。其嗣子監生秦象曾。著賞給舉人。准其一體會試。是年壬辰

恩科會試。年老舉人馬秉鈞一名。

欽賜國子監司業銜。司代傳等二名。

欽賜翰林院編修銜。張統先等七名。

欽賜翰林院檢討銜。李思等七名。

欽賜國子監學正銜。○是年壬辰科鄉試。山東年老諸

生王世芳等三名。湖南丁運亨一名。河南李拔

一等三名。四川翁永錫等二名。廣東黃璇光一名。

江蘇阮順章等二名。安徽查杰等二名。江西曾

瓊山一名。俱

賞給舉人。翟元勳等六十六名。俱

賞給副榜。○十三年。

賞原任兵部侍郎上書房行走陳萬全孫汝楨舉人。一

體會試。○又以輸誠助賑。

賞刑部額外郎中潘士誠舉人。一體會試。○又議准。捐

賑一萬七千兩之戶部額外郎中黃立誠。兵部

郎中喬佐洲。捐賑二萬兩之即用郎中黃錫慶

黃錫元。刑部額外郎中張映閣。都察院經歷孫

安昌。均

賞給舉人。一體會試。○又

諭。嗣後各直省督撫及順天府尹等。偶遇水旱偏災。如

有抒誠捐輸。應須嘉獎之處。在士庶或酌給扁額。或

議敘職銜。在官紳或准其加級。或予以升途。概不准

請賞舉人。○是年癸巳科會試。年老舉人王家棟一

名。

欽賜翰林院編修銜史劍鋒等七名

欽賜翰林院檢討銜李樸等二名

欽賜國子監學正銜。○十四年

諭大學士曹振鏞由乾隆年間供職詞垣。嘉慶年間游

擢至大學士。朕親政之初。簡授軍機大臣。久贊綸扉

倍加勤慎。現在年登八秩。精神強固。朕心實深嘉悅

允宜特沛殊恩。以昭懋眷。伊孫曹紹楨。著加恩賞給

舉人。准其一體會試。○是年甲午科鄉試。安徽年老

諸生周兆熊等二名。廣東馬赴堂等六名。山東

石繡文一名。湖南羅經盤一名。順天王緒等二

名。江蘇張金鏞一名。廣西梁樹翰一名。俱

賞給舉人。韓斗瞻等七十五名。俱

賞給副榜。○十五年。大學士曹振鏞身故。

賞伊孫紹桐舉人。一體會試。○又原任四川提督桂涵

之子桂文奎等引

見奉

旨。文生員桂文籍。著賞給副榜。○是年乙未科會試。年

老舉人周兆熊等二名。

欽賜翰林院編修銜。胡俊升等十一名。

欽賜翰林院檢討銜。朱泰恆一名。

欽賜國子監學正銜。是年乙未

恩科鄉試。山東年老諸生曹宗湘等二名。江蘇戴禮一

名。安徽陳清等二名。湖南李效梁一名。廣東陳

世惠等二名。順天蘇錫圭一名。河南趙中和一

名。江西劉江等三名。四川劉應選等二名。福建

張振南一名。俱

賞給舉人。陳玉樹等六十八名。俱

賞給副榜。十六年議准。嗣後年老舉人業經

欽賜翰林院職銜者。不必再行會試。是年丙申

恩科會試。年老舉人彭友林等八名。

欽賜翰林院檢討銜。蘇錫圭等二名。

欽賜國子監學正銜。十七年。戶部右侍郎程恩澤身

故。

賞伊子德威舉人。服闋後一體會試。是年丁酉科鄉

試。山東年老諸生苗繼光等五名。湖南劉大階

等二名。四川文運昌一名。廣西黃應龍一名。廣

東古恆森等七名。順天曹師冉等二名。山西張

五射等二名。江西蕭經濟等三名。陝西王焯一

名。河南孫日安等四名。江蘇周長泰一名。浙江

丁殿金一名。湖北阮秀松等二名。福建林耄英

一名。俱

賞給舉人。王筆川等七十五名。俱

賞給副榜。十八年。戊戌科會試。年老舉人王常祿等

七名。

欽賜翰林院檢討銜。張廷欽一名。

欽賜國子監學正銜。十九年。致仕大學士盧蔭溥身

故。

賞伊孫光燮舉人。一體會試。又署理兩江總督。江蘇

巡撫陳鑾身故。

賞伊子慶涵舉人。一體會試。是年己亥科鄉試。山東

年老諸生鄧際熙等七名。四川傅元勳等二名。

廣東葉榮彩等七名。廣西朱昌元一名。江蘇張

廣志一名。安徽朱條等二名。山西陳晚過一名。

河南常以辛一名。湖北胡先佑一名。浙江張聯

奎一名。俱

賞給舉人。陳鏞等一百八名。俱

賞給副榜。二十年。河東河道總督栗毓美身故。

賞伊子耀進士。服闋後一體殿試。又原任廣東巡撫

朱桂楨身故。

賞伊子鎮舉人。俟及歲時一體會試。又覆准鄉試年



老諸生。由俊秀捐監已滿十科。曾經應試三場。完竣者。照生員例。一體奏請。

恩賞。○是年庚子科會試。年老舉人葉蘭一名。

欽賜翰林院編修銜。鄧際熙等八名。

欽賜翰林院檢討銜。韓以仁等三名。

欽賜國子監學正銜。○是年庚子

恩科鄉試。湖南年老諸生余會來等四名。山東韓程周

等三名。四川楊永新等六名。山西馮子安一名。

廣東黃以鄰等四名。江西祝三壽等三名。河南

邊良坊等四名。湖北白宇一名。福建林如玉等

三名。浙江蔣明光一名。俱

賞給舉人。馬鳴鑣等一百十五名。俱

賞給副榜。○二十一年。原任浙江巡撫帥承瀛身故。

賞伊孫拔貢生遠燁舉人。一體會試。○又

賞已故吏部尚書朱士彥子百行。百谷舉人。一體會試。

百城百梅副榜。一體鄉試。○是年辛丑

恩科會試。年老舉人余會來一名。

欽賜國子監司業銜。湯九齡等十二名。

欽賜翰林院檢討銜。賴天佑等二名。

欽賜國子監學正銜。○二十二年。

賞浙江陣亡定海鎮總兵官葛雲飛子以簡舉人。處州

鎮總兵官鄭國鴻孫銛。錫舉人。一體會試。○又

賞已故安徽壽春鎮總兵官王錫朋子承泗。承瀚舉人。

一體會試。○又

賞原任江南提督陳化成子廷榮舉人。一體會試。○二

十三年。癸卯科鄉試。順天年老諸生信名賢等

五名。山東馬海泉等八名。安徽孟運昌一名。廣

西張德琳一名。四川張時珩等二名。浙江鄭世

烟一名。福建蔣以權等六名。江西劉定暢等七

名。湖北廖任巨等二名。廣東梁大年等十二名。

河南李肇文等十一名。四川夏益壯一名。山西

薛灼一名。俱

賞給舉人。韓師平等一百五十八名。俱

賞給副榜。○二十四年。甲辰科會試。年老舉人吳人瑞

一名。

欽賜國子監司業銜。張毓秀等十四名。

欽賜翰林院檢討銜。羅碧香等三名。

欽賜國子監學正銜。○是年甲辰

恩科鄉試。山東年老諸生劉芳霞等四名。江蘇楊宣等

二名。安徽汪湘等二名。廣東陳文燦等五名。廣

西吳滿宇等二名。貴州羅深秀一名。四川先甲  
三一名。河南牛純修等五名。福建陳百鍊等三  
名。浙江周詩一名。山西梁佩馨一名。江西歐陽  
怡等二名。雲南陳富五一名。湖北李心堂等二  
名。俱

賞給舉人。武金聲等九十九名。俱

賞給副榜。二十五年。

賞原任廣東副將陳連升子起鵬舉人。一體會試。是  
年乙未

恩科會試。年老舉人李肇文一名。

欽賜翰林院編修銜。楊中等八名。

欽賜翰林院檢討銜。廖明珠等三名。

欽賜國子監學正銜。二十六年。丙午科鄉試。順天年  
老諸生陳鏞等二名。廣東鍾萬受等六名。廣西  
蔣廷智等二名。江西王金聲等四名。安徽朱璽  
等二名。浙江楊見青一名。江西尹昌期等五名  
福建藍恆春等十三名。四川吳浩然一名。湖北  
吳爾強等二名。山東馮維坊等四名。雲南趙侶  
鼎一名。俱

賞給舉人。劉桂馨等一百八十九名。俱

賞給副榜。二十七年。丁未科會試。年老舉人先甲三  
一名。

欽賜翰林院編修銜。于安榮等十七名。

欽賜翰林院檢討銜。譚之璿一名。

欽賜國子監學正銜。二十八年

諭。大學士潘世恩。由乾隆年間供職詞垣。嘉慶年間游  
擢尚書。經朕簡任大學士軍機大臣。充上書房總師  
傅。襄贊綸扉。宣勤日懋。現在年登八秩。精神強固。朕  
心嘉悅。實深。允宜特沛恩施。以昭優眷。伊孫潘祖蔭  
著加恩賞給舉人。准其一體會試。二十九年。協辦

大學士陳官俊身故。

賞伊孫厚鍾舉人。一體會試。又

諭。前因原任山西巡撫吳其濬。裁革鹽規。潔己奉公。當  
降旨令原籍巡撫查明該故員現有子孫幾人。茲據  
護理巡撫嚴良訓查明覆奏。自應特沛殊恩。以昭清  
潔。所有吳其濬四子監生吳承恩。五子監生吳洪恩。  
及長孫吳搏讓。均著加恩賞給舉人。准其一體會試。  
○是年己酉科鄉試。山西年老諸生董振文一  
名。山東于仲業等十四名。湖南高導相等五名。  
廣東黃昂等十二名。貴州齊聖淵一名。陝西焦

賡颺一名。廣西葉大觀一名。江蘇虞澤等六名。安徽王麟趾等二名。江西漆巨光等八名。浙江張璇等三名。福建王為邦等二名。湖北熊時榮等六名。河南張達三等四名。四川伍國鈞一名。俱

賞給舉人。沈華年等一百五十三名。俱

賞給副榜。三十年。庚戌科會試。年老舉人劉璋等六名。

欽賜翰林院編修銜。莊郁文等十四名。

欽賜翰林院檢討銜。皮秉粹等五名。

欽賜國子監學正銜。咸豐元年。辛亥

恩科鄉試。順天年老諸生張霄翀等四名。江蘇張奉璋

等四名。安徽王大成一。山東葛甲申等六名。

廣東李夢元等八名。湖南瞿希泰等四名。俱

賞給舉人。楊用中等九十九名。俱

賞給副榜。二年。壬子

恩科會試。年老舉人黃增慶一名。

欽賜國子監司業銜。王金聲等六名。

欽賜翰林院編修銜。焦賡颺等四名。

欽賜翰林院檢討銜。熊耀魁等四名。

欽賜國子監學正銜。又協辦大學士杜受田身故。

賞伊孫庭琛庭珺庭珵舉人。一體會試。又禮部尚書

何汝霖身故。

賞伊孫承禧舉人。一體會試。又議准。嗣後各省辦理

年老諸生

恩賞。由各學政錄科時。將該老生等何年入學。何年

報捐貢監。何年應試。現年若干歲。分別查明。詳

晰登註。榜發後。即行一。面具奏。一面逐細造冊

送部。以備覆覈。是年壬子

恩科鄉試。順天年老諸生于學乾一名。江蘇狄鴻度等

二名。安徽王國楨等二名。江西萬杰等十二名。

浙江王昌樹一名。福建張凌雲等十名。湖北程

光鼎等七名。河南徐金章等六名。山西南入觀

一名。陝西李震陽等六名。四川吳學灝等七名。

廣東鄭士珩等八名。雲南楊國恩一名。俱

賞給舉人。孟一飛等二百三十六名。俱

賞給副榜。三年。以捐輸軍餉。

賞前任兩江總督李星沅子概舉人。一體會試。是年

癸丑科會試。年老舉人陳東藩一名。

欽賜翰林院編修銜。潘元詰等五名。

欽賜翰林院檢討銜魏圓璧等二名

欽賜國子監學正銜。又

賞于告大學士重赴恩榮燕潘世思孫祖同舉人一體

會試。又以倡捐軍餉

賞浙江巡撫黃宗漢子貽楫舉人一體會試。又以巡

防京師隨營獲犯出力

賞鑲黃旗蒙古生員存孚舉人一體會試。四年于告

大學士潘世思身故

賞伊孫祖同進士一體殿試祖保舉人一體會試。又

以疊捐軍餉

賞廣東職員伍崇曜于紹棠舉人一體會試。又以捐

輸軍餉

賞浙江烏程縣附生吳仕銓鎮海縣監生王際昌舉人

一體會試。又以捐輸軍餉。並捐辦米石運津

賞福建龍溪縣貢生陳宗器舉人一體會試。又以捐

輸軍餉

賞福建在籍兵部學習郎中劉齊昂舉人一體會試。

又雲貴總督羅繞典身故

賞伊孫清湜舉人一體會試。又以捐輸軍餉

賞浙江監生朱思詔舉人一體會試。五年以捐輸軍

餉

賞直隸候選郎中郝開周舉人一體會試。又以捐輸

軍餉

賞陝西監生劉維潮舉人一體會試。又以捐輸軍餉

賞陝西增生劉彩翰舉人附生姚浚舉人均一體會試

。又以捐輸軍餉

賞浙江鎮海縣監生王福昌舉人一體會試。又大學

士卓秉恬身故

賞伊孫景濂景洵舉人一體會試。又原任總兵官董

光甲子國良引

見奉

旨董國良著賞給舉人准其一體會試。是年乙卯科

鄉試順天年老諸生劉宗渭等四名。江蘇許聲

鏞一名。浙江王文治一名。福建潘鴻恩等八名。

湖南徐顯智等四名。山東張荇浦等六名。山西

閻昭一名。陝西張燕綬一名。四川劉欽簡等六

名。廣東李芹等十名。俱

賞給舉人李清等一百一十一名。俱

賞給副榜。六年以捐輸軍餉

賞山西太谷縣監生員億祁縣監生孫中倫舉人一體

會試。○又以捐輸江南紅單船經費。

賞候選道工部行走郎中陳焯之。戶部行走郎中龍景

韶附生陳國英舉人。一體會試。○又原任雲貴

總督林則徐子聰彝拱樞引

見奉

旨。俱著賞給舉人。准其一體會試。○是年丙辰科會試。

年老舉人鄭士珩一名。

欽賜翰林院編修銜劉宗渭等九名。

欽賜翰林院檢討銜董瑞一名。

欽賜國子監學正銜。○又殉難道員王壽同子恩錫等

見奉

旨。王恩錫王恩炳著賞給舉人。准其一體會試。○又原

任江西九江鎮總兵官馬濟美子映奎等引

見奉

旨。馬映奎馬映璧馬映斗著賞給舉人。准其一體會試。

○又原任山東巡撫李德之子啟訥等引

見奉

旨。李啟訥李啟恩均著賞給舉人。准其一體會試。○又

以捐輸軍餉。

賞江蘇上海縣附貢生分部學習員外郎郁熙源舉人。

一體會試。○又以捐輸軍餉。

賞山西太原汾州二府紳士常憬許慶蕃舉人。一體會

試。○又殉難道員王東槐之子貢生宜勳等引

見奉

旨。王宜勳王宜勤王宜總王宜劬俱著賞給舉人。准其

一體會試。○又以

宣宗成皇帝聖訓實錄告成。

賞兵部尚書周祖培子監生文翰舉人。吏部尚書翁心

存孫監生曾源舉人。均一體會試。原任協辦大

學士杜受田孫舉人庭琛貢士。一體殿試。○七

年。以捐借兼行。

賞山西監生顏再揚舉人。一體會試。○又以捐輸軍餉。

○又以捐輸軍餉。

賞廣東紳士陳其英舉人。一體會試。○又以捐輸軍餉。

賞江蘇監生潘誦誥潘誦銘程仁柱貢生汪熙周贊襄

舉人。一體會試。○又以倡捐軍餉。

賞廣東從化縣在籍候選道李仲良子長華舉人。一體

會試。○又以捐款完竣。

賞江蘇江陰縣監生吳德培舉人一體會試。又以續

捐軍餉。

賞山西議敘員外郎孫富年議敘運同孫永年舉人一體

會試。又前任戶部尚書孫瑞珍身故。

賞伊孫監生桐樟舉人一體會試。又以捐輸軍餉。

賞寄籍江蘇吳江之浙江秀水縣貢生王偉楨舉人一體

會試。又原任協辦大學士吏部尚書陳官

俊孫厚滋引

見奉

旨。陳厚滋著賞給舉人。准其一體會試。又禮部尚書

徐澤醇身故。

賞伊孫承烜舉人一體會試。又以捐輸銀兩。豫備京

倉買米。

賞陝西督糧道王承基弟承錄舉人一體會試。又以

捐輸軍餉。

賞福建紳士林國芳林維讓舉人一體會試。又以捐

輸軍餉。

賞江蘇南匯縣附生奚淵鏡舉人一體會試。是年戊

午科鄉試。順天年老諸生任欲貴一名。江蘇任

麟元一名。安徽江本培一名。浙江韋肇唐等三

名。湖南蕭承露一名。湖北梅甲等十七名。河南

馬駿圖等十二名。山東崔丹華等六名。山西薛

价等六名。陝西梁作舟等五名。四川鄔九如等

三名。俱

賞給舉人。傅景唐等一百四十三名。俱

賞給副榜。九年己未

恩科會試。年老舉人馬森一名。

欽賜國子監司業銜。吳宗元等三名。

欽賜翰林院編修銜。傅錫金等十一名。

欽賜翰林院檢討銜。孫其匯等四名。

欽賜國子監學正銜。又前任戶部右侍郎何彤雲身

故。

賞伊子逢孫舉人一體會試。又以捐輸軍餉。

賞直隸天津縣職員張錦文孫鴻壽舉人一體會試。

又殉難光祿寺卿馮培元子監生學瀚等引

見奉

旨。馮學瀚馮學澧著賞給舉人。准其一體會試。又以

捐製軍械。並捐助軍餉。

賞前署福建水師提督已故總兵官邵連科子鴻禧舉

人一體會試。是年己未

恩科鄉試。江蘇年老諸生王金榜等五名。安徽杜維崧一名。江西蕭斯馨等七名。福建尤賡歌等十名。湖北夏炳煌一名。河南段良田等二名。山東趙希理等三名。四川周照久等五名。俱

賞給舉人。李會雲等五名。俱

賞給副榜。○十年庚申

恩科會試。年老舉人孫中田等四名。

欽賜翰林院編修銜。潘光烈等七名。

欽賜翰林院檢討銜。王泰東等五名。

欽賜國子監學正銜。○又以捐輸軍餉。

賞道員吳煦子宗麟舉人。一體會試。○又以捐輸軍餉。

賞江蘇江甯府督糧同知俞斌子監生棟舉人。一體會

試。○十一年。湖北巡撫胡林翼身故。

賞伊子子勳舉人。一體會試。○又以捐修熱河

園庭工程。

賞成都將軍崇實子嵩申舉人。一體會試。○是年辛酉

科鄉試。順天年老諸生邢恩榮等五名。俱

賞給副榜。○同治元年。協辦大學士兵部尚書麟魁身

故。

賞伊子候選員外郎恩壽舉人。一體會試。○是年壬戌

科會試。年老舉人王金階一名。

欽賜翰林院檢討銜。○又署陝甘總督沈兆霖差次被水冲歿。

賞伊子雲驥舉人。一體會試。○又大學士銜管理工部事務翁心存身故。

賞伊孫舉人曾源進士。一體殿試。監生曾榮舉人。一體會試。○是年壬戌

恩科鄉試。順天年老諸生常華國一名。江西羅夢恆等

十二名。浙江周熾盛等二名。福建蘇松齡等十

三名。湖南劉荆山等九名。湖北何鳳鳴等十二

名。河南陳鹿鳴等五名。山東于代榮等六名。廣東李發塏等十四名。廣西蔣廷楷一名。俱

賞給舉人。張玉潤等二百二十七名。俱

賞給副榜。○二年奏准。癸亥

恩科會試。河南年老諸生。應上年壬戌科本省鄉試清

冊尚未到部。開具年貌清單。取同鄉京官印結。

呈請會試。查與歷屆學冊年貌相符。所有九十

以上之

恩賞副榜薛乾一。張逢春。九十以上之附生田公養周

勤袁柳衣李昱明。六名。均

賞給舉人一體會試。○是年年老舉人陳大年一名。

欽賜國子監司業銜田公養等三名。

欽賜翰林院編修銜宋黼臣等三名。

欽賜翰林院檢討銜。○三年以捐輸軍餉。

賞陝西候補道勞文翹子一品廕生啟捷舉人一體會

試。○是年甲子科鄉試順天年老諸生杜天煦

等三名。江蘇魏乾三等五名。江西康遇春等九

名。福建邱必鵬等四名。湖南龍邦華等二名。湖

北陳本升等七名。河南白贊卿等十六名。山東

李敦禮等十三名。山西郭向午等四名。四川聶

正中等十八名。廣東蘇建仁等五名。廣西梁漢

等五名。俱

賞給舉人潘玉峯等一百八十二名。俱

賞給副榜。○四年乙丑科會試年老舉人鄔九如等二

名。

欽賜國子監司業銜黃錫爵等八名。

欽賜翰林院編修銜劉葆茶等二十四名。

欽賜翰林院檢討銜秦文蔚等二名。

欽賜國子監學正銜。○五年以捐輸軍餉。

賞山西捐納郎中劉松茂舉人。道員楊坊子寶鎔舉人。

均一體會試。○又覆准嗣後外省再有奏請給

子舉人。交部覈議者。另覈請獎。○又予告大學

士祁寯藻身故。

賞伊孫友慎舉人一體會試。○又署禮部左侍郎內閣

學士許彭壽身故。

賞伊子戶部學習主事之俊舉人一體會試。○六年都

察院左都御史汪元方身故。

賞伊子樹屏舉人一體會試。○是年丁卯科鄉試順天

年老舉人馬子林等二名。江蘇潘倬等七名。安

徽馮相等三名。江西李晚成等九名。浙江俞慶

恩等六名。福建林佐陽等五名。湖南梁正岱等

四名。湖北許利莖等十二名。山西馬恩溥等六

名。四川李秉真等十一名。廣東羊海等三十一

名。廣西戚兆楨等四名。俱

賞給舉人陳應麟等二百七十五名。俱

賞給副榜。○七年奏准戊辰科會試廣東年老諸生應

上年丁卯科本省鄉試清冊尚未到部。取具同

鄉京官印結。並投遞本省巡撫咨文。呈請會試。

查與歷屆學冊年貌相符。所有九十以上之

恩賞副榜容斐如。附生鄧祥中。均



賞給舉人一體會試。○又年老舉人黃鳳翔等二名。

欽賜國子監司業銜石逢春等四名。

欽賜翰林院編修銜狄俊等十三名。

欽賜翰林院檢討銜梁煥五等二名。

欽賜國子監學正銜。○八年陝甘貴州補行壬戌

恩科甲子科鄉試陝西年老諸生劉劇雋等六名俱

賞給舉人准長庚等九名俱

賞給副榜。○九年庚午科鄉試順天年老諸生周桂森

等三名江蘇杜鳴岡等七名安徽吳麟一名江

西應見龍等十二名浙江朱俊等四名福建江

河龍等十四名湖北李光景等七名河南胡藻

江等二十一名山東楊圖南等十八名山西周

量遠等三名四川甘泉等二十三名廣東楊祚

長等二十名廣西莫如瑗等二名俱

賞給舉人楊德潤等三百七十五名俱

賞給副榜。○十年辛未科會試年老舉人力卓等二名

欽賜國子監司業銜李嘉樹等十五名。

欽賜翰林院編修銜潘煒等四十二名。

欽賜翰林院檢討銜李臨川等四名。

欽賜國子監學正銜。○又大學士倭仁身故。

賞伊孫衡瑞舉人一體會試。○十二年癸酉科鄉試順

天年老諸生曲鶴田等四名江蘇宋步梁等十

四名浙江吳子申等六名江西葉益堅等二十

一名福建倪松年等四名湖南鄭壽熙等五名。

湖北吳鳳立等十九名河南張百川等三十九

名山西高蘭清等十四名山東豈式玉等四名。

陝西毛逢辰一名四川文治等四名廣東徐壽

彭等十名廣西顧錫光等九名俱

賞給舉人馬德等三百七十二名俱

賞給副榜。○十三年甲戌科會試年老舉人劉及鋒一

名。

欽賜國子監司業銜陳樂天等十二名。

欽賜翰林院編修銜邱萬選等四十九名。

欽賜翰林院檢討銜王士鎔等四名。

欽賜國子監學正銜。○光緒元年乙亥

恩科鄉試順天年老諸生馬德等三名江蘇劉馥亭

等四名安徽左延年等五名浙江夏莊及等二

名江西李寵等六名福建鄭瀚等二名湖南曾

光德等三名湖北李宗匯等十二名河南師清

山等九名山東楊廷佐等十五名山西史從龍

等九名。

等三名。陝西劉紹漢一名。四川張崇燧等八名。廣東謝佩熙等十六名。廣西林中興等六名。貴州張成肅一名。俱

賞給舉人。王壽彭等二百一十六名。俱

賞給副榜。○二年。丙子

恩科會試。年老舉人元應乾等二名。

欽賜國子監司業銜。羅法點等十名。

欽賜翰林院編修銜。劉宜教等二十八名。

欽賜翰林院檢討銜。○又丙子科鄉試。江蘇年老諸

生方名峙等四名。安徽汪際虞一名。浙江俞汝

亨等四名。江西吳坤維等十一名。福建陳玉元

等四名。湖南曾毓資等四名。湖北李廷珍等十

五名。河南薛兆祥等三名。山東胡養齡等十一

名。山西李國祥等三名。陝西劉鳳翔等二名。四

川駱驥德一名。廣東林應泰等二十六名。貴州

王蘭馨一名。俱

賞給舉人。○三年。丁丑科會試。年老舉人賴子中等

五名。

欽賜翰林院編修銜。陳蘭等二十八名。

欽賜翰林院檢討銜。齊其儀等四名。

欽賜國子監學正銜。○又湖北巡撫翁同爵身故。

賞伊孫廕生奎孫舉人。一體會試。○四年。江蘇學政

翰林院侍讀學士林天齡身故。

賞伊子開茶舉人。一體會試。○五年議准。鄉試年老

諸生。查係三科以前者。方准具奏。其有甫經入

學。並入學在三科以內者。雖年例已符。概不准

其開列。至從前由生員年屆八十以上。得邀副

榜者。即屬已經出學之人。年屆九十後。即一體

奏請

恩賞舉人。毋庸再查入學年分。○又議准。老生入學

後所歷正科

恩科鄉試。一併計算。比照捐納貢監之例。已滿三科。

即行奏請。以歸畫一。○是年己卯科鄉試。順天

年老諸生。平天甲一名。江蘇楊濟川等九名。安

徽朱桂芬一名。浙江鄭岡陵等三名。江西陳孚

尹等六名。福建林利賓等六名。湖北程際雲等

五名。河南王贊等四名。山東鄭召南等十五名。

四川牟廷椿等十名。廣東李堯封等十一名。廣

西謝興邦等三名。俱

賞給舉人。梁起鳳等一百四十五名。俱

賞給副榜。○六年庚辰科會試。年老舉人張鳳梧一  
名。

欽賜國子監司業銜李國祥等四名。

欽賜翰林院編修銜王蘭馨等二十二名。

欽賜翰林院檢討銜李力銳等二名。

欽賜國子監學正銜。○又吏部右侍郎夏同善身故。

賞伊子刑部候補主事敦復舉人一體會試。○又奏

准補行查出九十以上之廣東附貢生趙春魁。

賞給舉人八十以上之湖北附生胡雲楫。

賞給副榜。○八年兵部尚書毛昶熙身故。

賞伊孫慈望舉人一體會試。○又壬午科鄉試順天

年老諸生孫英傑等五名。江蘇何向榮等八名。

安徽韓潮一名。浙江謝麟萼等四名。江西鄭漢

庭等八名。福建莊松年等四名。湖南楊學優等

六名。湖北夏構章等六名。河南劉行五等六名。

山東王金鐘等七名。四川林厚等十名。廣東梁

起鳳等十一名。廣西黃元亮等二名。貴州祝先

澤一名。俱

賞給舉人岑悌等一百三十三名。俱

賞給副榜。○九年癸未科會試。年老舉人張金第等

八名。

欽賜翰林院編修銜楊儒冠等十九名。

欽賜翰林院檢討銜羅文蔚等五名。

欽賜國子監學正銜。○又議准嗣後年老例貢監生

應試錄科。即照年老生員例。大學用廩生六名。

小學用廩生五名。公同具保。其廩額不及五名

之學。准取具增附生識認甘結。呈由州縣官驗

明執照。年貌相符。加具查無頂替印結。申送考

試。監學查驗無訛。始准收考。如有頂冒情弊。一

經發覺。除將頂冒暨借給執照之人治罪。並將

出結之生員等。照認保廩生濫保槍替例斥革。

知情受賄者。分別治罪。不行詳查之起送地方

官暨收考官。均交部議處。至年老貢監生奏請

恩賞時。將原捐各照送部查覈報捐年分。應過鄉試

次數。奏准蒙

恩賞給後。原捐執照無須發還。即由部分送戶部國

子監查銷。○十一年乙酉科鄉試。順天年老諸

生王良貴等七名。廣東岑悌等二十三名。山東

于冲霄等四名。廣西甘子璠等二名。湖南張時

馥等五名。福建薛心等四名。四川陳世英等二

名。

名。江西熊望昆等八名。浙江張儒珍等四名。湖北胡柏林等八名。河南王懋等四名。陝西吉長庚一名。安徽倪元達一名。江西戴德淵等四名。俱

賞給舉人。李淑元等一百七十四名。俱

賞給副榜。又大學士左宗崇身故。

賞伊子廩貢生孝同舉人。一體會試。又吏部右侍郎張家驥身故。

郎張家驥身故。

賞伊子有培舉人。一體會試。十二年丙戌科會試。

年老舉人莫如瑗等二名。

欽賜國子監司業銜。梁汝霖等八名。

欽賜翰林院編修銜。郭忠義等十八名。

欽賜翰林院檢討銜。馬醇等四名。

欽賜國子監學正銜。

欽定大清會典事例卷三百五十七

禮部

貢舉

召試

召試。康熙四十二年。

聖祖仁皇帝巡幸江浙。

御試士子。中選者

賞白金。令赴京錄用有差。四十四年。

聖祖仁皇帝巡幸江浙。

諭江南江西總督阿山等。內廷供奉諸翰林。雖皆善書。

但朕勤心典籍。卷帙繁多。現在供奉人員。繕寫不給。

爾等出示傳諭安徽江蘇舉貢生監等。有精於書法。

願赴內廷鈔寫者。赴爾等衙門報名。至浙江亦照此。

傳諭。朕親加考試。特諭。是年。考取舉貢生監等詩。

字。浙江顧祖雍顧甯遠二人。蘇州汪泰來等五。

十三人。江甯錢榮世等五人。均記名錄用。並給

白金有差。謹案康熙四十二年。四十四年。

雍州顧甯遠。聖駕南巡。兩次考取士子。自顧祖  
長洲徐葆光。周鼎。錢元。董永。朝。陸。顧。顧。顧。  
沈。經。錢。阿。瑛。汪。俊。吳。縣。吳。士。玉。許。德。顧。顧。顧。  
位。金。珙。崑。山。秦。培。王。維。淮。錢。金。聲。王。維。漢。常。張。  
部。元。斗。吳。景。果。潘。東。均。陳。王。謨。郭。頌。吳。學。  
禮。吳。縣。王。新。吳。光。睿。馮。守。禮。華。亭。王。時。鴻。高。不。  
楊。祖。球。莊。梅。趙。同。敬。無。錫。杜。詔。楊。布。曾。宜。興。儲。

在文。吳元豐。丹徒張宏敏。劉上。范聖文。鄒維新。金壇于樹範。于枋。山陽楊開沅。張育。鄧起元。江都楊清。方觀。吳從龍。李同聲。郭元。洪聲。泰州宮鴻烈。沈寅。俞楷。田廣運。宮懋諒。大舍。楊慶。周旋。嘉定。沈。高。位。張。乾隆十六年。大受。江。宏。文。王。敬。銘。有。陽。吳。襄。

高宗純皇帝巡幸江浙

諭朕省方觀民。南巡江浙。羣黎士庶。踴躍趨迎。就瞻恐後。紳士以文字獻頌者。載道接踵。愛戴之忱。有足嘉者。朕已疊沛恩膏。隨時賞賚。緬昔

皇祖聖祖仁皇帝時。巡所至。優獎士類。一時碩學通才。多蒙

鑒拔。方策所載。稱盛事焉。茲之于于而來。皆棧樸作人

久道所貽也。夫膠庠之秀。志切近光。其積學有素。文采穎異者。加之甄錄。良合於陳詩觀風。育才造士之道。願工拙既殊。真贗錯出。理應試之。無使魚目混珠。得混珠玉。其如何分別考試。著大學士傅恆。協辦大學士梁詩正。侍郎汪由敦。會同該總督學政。詳議具奏。欽此。遵

旨議准。江南省自入境以後。江蘇各屬進士舉人生監人等。陸續進呈詩文。業經學政莊有恭。遵

旨詳閱奏

聞。共二十九名。並蒙

御覽賞給緞疋之翁。照陸遵書陸授詩等。俱令與考。其安徽各屬進獻詩賦之生監等。亦令該學政分別去取。入選者與江蘇獻詩人等。俱在江甯恭候

駕到時一體考試。至現在浙江省士子進獻詩文。應交學政雷鉉分別去取。彙齊開單進呈。所有應考士子。即令在杭州省城靜候考試。於

駕至杭州及江甯日。會同酌議日期奏

聞請

旨命題。並派監試大臣侍衛護軍人等。監視稽查。以昭

嚴肅。○又

諭此次考中之謝墉。陳鴻寶。王又曾。皆取其最精者。且人數亦不多。著加恩特賜舉人。授為內閣中書。學習行走。令其與考取候補人員。一體補用。並仍准其會試。○又

諭此次考中之蔣雍植。錢大昕。吳煊。褚寅亮。吳志鴻。著照浙省之例。特賜舉人。授為內閣中書。學習行走。與考取候補人員。一體補用。其進士孫夢達。著授為內閣中書。遇缺補用。○二十二年。

高宗純皇帝巡幸江浙

諭浙江進獻詩賦考取一等之童鳳三。陳華組。顧震。錢受毅。著照乾隆十六年之例。俱特賜舉人。授為內閣中書。學習行走。與考取候補人員一體補用。其二等之沈初等十二名。著各賞緞二疋。○又

諭江蘇安徽二省進獻詩賦考取一等之進士王昶。著授為內閣中書。遇缺即補。曹仁虎。韋謙恆。吳省欽。褚廷璋。吳寬。徐曰璉。俱著特賜舉人。授為內閣中書。學習行走。與考取候補人員一體補用。其二等之劉潢等十四名。著各賞緞二疋。○二十七年。

高宗純皇帝巡幸江浙。

諭浙江進獻詩賦考取一等之進士孫士毅。舉人汪孟錡。俱著授為內閣中書。遇缺即補。沈初。王鑾。俱著特賜舉人。授為內閣中書。學習行走。與考取候補人員。挨次補用。其二等之李旦華等十三名。著各賞緞二疋。○又

諭江蘇安徽進獻詩賦諸生。考取一等之進士吳泰來。陸錫熊。郭元濬。俱著授為內閣中書。遇缺即補。程晉芳。趙文詰。嚴長明。徐步雲。錢襄。俱著特賜舉人。授為內閣中書。學習行走。與考取候補人員。挨次補用。其考列二等之劉潢等十四名。著各賞緞二疋。○三十

年。

高宗純皇帝巡幸江浙。

諭浙江進獻詩賦考取一等之進士張培。馮應樞。舉人吳壽昌。俱著授為內閣中書。遇缺即補。陸費墀。著特賜舉人。授為內閣中書。學習行走。與考取候補人員。挨次補用。其二等之黃瀛元等十四名。著各賞緞二疋。○又

諭江蘇安徽進獻詩賦諸生。考取一等之舉人鄭澐。張熙純。俱著授為內閣中書。遇缺即補。鮑之鍾。金榜。秦潮。周發春。吳楷。洪朴。陳希哲。蔣寬。劉種之。俱著特賜舉人。授為內閣中書。學習行走。與考取候補人員。挨次補用。其二等之程世錞等二十一名。著各賞緞二疋。○三十六年。

高宗純皇帝巡幸山東。

諭此次考試山東省進獻詩賦之生員初彭齡。監生竇汝翼。俱著加恩賞給舉人。准其一體會試。○三十八年。

高宗純皇帝巡幸天津。奉

旨。朕因永定北運兩河工程告竣。莅省成事。臨幸天津。直省士子夾道歡迎。輸誠蹈詠。進獻詩冊者甚多。爰

照從前巡幸江浙山東之例。命題考試。就其文義高下。量加錄取。所有列在一等之生員。顧楚。李廷敬。貢生。閔思毅。陸伯焜。俱著賞給舉人。其舉人杜兆基。著以內閣中書補用。其列在二等之進士。張虎拜。舉人張方理。秦櫟。邱桂芬。謝肇洄。吳裕德。祝堃。生員陸荅。邱桂山。劉祖志。貢監生邱人龍。楊焄。李憲喬。趙珍。俱著賞緞二疋。以示省方觀風。加惠譽髦之至意。○四

高宗純皇帝巡幸山東

諭。朕因平定兩金川。集勳奏凱。巡幸山左。告成。泮林。山

東及各省士子。聯袂迎鑾。抒誠忭頌。進獻詩賦者甚多。因照從前巡幸之例。命題考試。就其文義。量加甄錄。所有列在一等之貢生。黃道甦。李憲喬。監生蔡廷衡。俱著賞給舉人。舉人竇汝翼。秦瀛。著以內閣中書補用。其列在二等之舉人。貢監生員。李佩鸞。黃玉瑚。王所擢。汪長齡。朱熊光。薛侃。丁慎樞。袁守佶。嚴守田。戴元章。施福元。王寰。劉召揚。范廷謨。史國華。汪彝銘。俱賞給緞二疋。以示偃武修文。慶惠士林之至意。○是年。

高宗純皇帝巡幸天津

諭。朕因平定兩金川。告成。

闕里。回鑾。舉行郊勞盛典。蹕塗經過津門。直隸及各省士子。祇迎道左。忭頌抒誠。進獻詩賦者甚多。因照此次在東省召試之例。就其文義。量加甄錄。所有列在一等之進士。舉人邱桂山。祝堃。洪榜。戴衡亨。閻槐。俱著以內閣中書補用。萬年。方起莘。張曾太。俱著賞給舉人。其列在二等之周光裕等十九名。俱著賞緞二疋。以示慶惠士林之至意。○四十五年。

高宗純皇帝巡幸江浙

諭。浙江進獻詩冊。考取一等之馬履泰。沈颺。李彤。沈叔

埏。著特賜舉人。授為內閣中書。學習行走。與考取候補人員。挨次補用。其二等之吳純等十三名。俱著賞緞二疋。○又

諭。江蘇安徽進獻詩冊。諸生考取一等之舉人汪履基。著授為內閣中書。遇缺即補。呂光復。洪梧。趙懷玉。楊揆。董教增。朱文翰。盛惇大。言朝標。金廷訢。江連。俱著特賜舉人。授為內閣中書。學習行走。與考取候補人員。挨次補用。江西省考試一等之蔣知讓。袁元復。著照直隸山東召試之例。賞給舉人。准其一體會試。其江蘇安徽江西三省考列二等之葉恩紱等二十三

名。著賞緞二疋。○四十九年。

高宗純皇帝巡幸江浙。

諭。浙江福建進獻詩冊考取一等之張師誠。費錫章。何金。姚祖同。俱著特賜舉人。授為內閣中書。學習行走。與考取候補人員。挨次補用。浙江省考列二等之吳純等十七名。福建省列為二等之鄭光策等三名。俱著賞緞二疋。○又

諭。江蘇安徽進獻詩冊考取一等之進士莊選辰。著授為內閣中書。遇缺即補。劉召揚。鄭宗洛。黃文輝。汪彥博。司馬。曹。葉銓。孫一元。繆炳泰。莊復旦。程振甲。張曾獻。鮑勳茂。金應琦。朱承寵。俱著特賜舉人。授為內閣中書。學習行走。與考取候補人員。挨次補用。江西省考取一等之譚光祥。吳本。著照上屆之例。賞給舉人。准其一體會試。其江蘇安徽江西三省考列二等之周愛蓮等三十五名。著各賞緞二疋。○五十三年。

高宗純皇帝巡幸天津。御史馮應榴奏。向來天津

召試一等者。舉人進士

賞給中書。貢監生員

賞給舉人。在送考之學臣。閱卷之大臣。均係欽命大員。必皆秉公自矢。惟考試之地。既非

殿廷貢院可比。易於傳遞代倩。所考之人。又皆各

省雜湊。學臣向俱一體送考。不加甄別。其中設有冒名頂替。即監考大臣。亦無由查察。並恐有豫購重卷。臨期探聽題目。倩人代作代謄。防閑稍疏。即乘機傳換。以致閱取之佳卷。不盡出於本人之手筆。現在舉行期近。請

旨飭下順天學政。將此次恭獻詩冊之應

召試諸生。詳加確覈。毋令混冒。其需用試卷。按照人數

慎密鈐印。不許吏胥私行多備。並令監考大臣。

嚴禁隨從及閒雜人等出入。並仿照科場新例。

不准換卷。至取入一等者。不過數人。試卷進呈

欽定發下。折開彌封後。交軍機大臣。公同監看本生。當

面覈對文理筆迹。與原卷相符。方准引

見邀

恩。如有不對。即奏明扣除究治。○又

諭。御史龔駿文奏。此次天津恭獻詩賦士子。有由三分

四庫全書總校賞給舉人者。又有兩侍郎一巡撫兩

藩司親子。及京堂翰詹科道子弟。遇鄉試之年。例入

官卷者。應逐一查明。嚴加防範。以祛替倩等語。朕向

來省方觀民。清蹕所臨。士子迎鑾獻賦。舉行召試。量



才錄取。分別賞給中書舉人。原以振拔單寒。為苦志力學者勸。若此等士子。因其父兄已登仕籍。均得邀恩。以官卷入場。應試。則自有出身之途。又何必於巡幸時進獻詩賦。冀圖錄取。侵占寒畯之路。至由三分四庫全書總校議。敘賞給舉人者。伊等以離校微勞。得廁舉科。已為傲幸。若又應召試。復思倖獲。尤屬不知止足。豈朕加惠寒素。勸勵績學之意。所有此次進獻詩賦士子。內而京堂。外而督撫藩臬及翰詹科道子弟。並校書賞給舉人。及由俊秀報捐貢監生者。竟著毋庸考試。嗣後巡幸各省。設有召試之典。即以此為例。○又御史龔驂文奏稱。大臣子弟及總校等有刀之家。業經奏請嚴加防範。茲續查有隨駕軍機司員汪日章。張師誠。親兄親子。及此外有無期親服屬者。亦應一體查明。入於前項士子辦理。奉

旨。所奏甚公。交軍機大臣查明辦理。欽此。遵旨。奏准。直隸省及各省迎

鑾進獻詩冊士子。現據順天學政金士松。將該生等有父兄及期親服屬曾登仕版者。逐一開送前來。謹另繕名單呈

覽。即照該御史所奏。此等士子。概行扣除。不准考試。仍將所獻詩冊進呈。並各賞甯綉一件。令其毋庸守候。即行各回原籍。○又

諭。此次巡幸天津。直隸及各省士子迎鑾獻賦。因令分別考試。所有考試一等之舉人陳煜。著賞給內閣中書。與考取候補人員。照例挨次補用。貢生王蘇。王芑孫。生員吳鎔。著賞給舉人。准其一體會試。其考取二等之劉寶梧等四名。俱著各賞緞一疋。○五十五年。

高宗純皇帝巡幸山東。諭。此次東省及各省士子迎鑾獻賦。特加考試。其考取一等之貢生杜瑒。生員程拱宇。俱著賞給舉人。准其一體會試。其考取二等之元保等八名。俱著各賞緞一疋。○五十九年。

高宗純皇帝巡幸天津。諭。此次直隸及各省士子迎鑾獻賦。因令分別考試。所有考取一等之浙江舉人姚文田。著賞給內閣中書。與考取候補人員。挨次補用。其考取二等之江蘇生員汪廷楷。浙江舉人周嘉猷。江蘇生員袁廷極。順天舉人俞恆煥。生員黃焜望。俱著各賞緞二疋。其八十歲完卷之山西生員范大齡。亦著賞緞一疋。銀牌

二面。至不完卷並鈔襲詩句之湖北貢生吳煥章。著即斥革。以示服壽考作人懲勸儒林至意。○嘉慶十三年。

仁宗睿皇帝巡幸天津。

諭。此次巡幸天津。直隸及各省士子迎鑾獻賦。蹈詠抒誠。因命題考試。就其文義高下量加錄取。所有列在一等之安徽廩生龍汝言。安徽貢生齊彥槐。唐人最直隸廩生李大壯。安徽增生方士淦。順天附生許春頤。俱著賞給舉人。准其一體會試。至龍汝言昨日所進冊賦。恭集御製之疊上下平韻。俱能穩愜。著加恩賞給大緞二疋。其考列二等之張廷選等十二名。各賞大緞二疋。其中有願在文穎館效力者。准其在館行走。俟有騰錄缺出。即令充補。以示省方觀風加惠儒林至意。○十六年。

仁宗睿皇帝巡幸五臺。

諭。周系英奏辦理召試章程。請旨遵行一摺。向來迎鑾士子。加恩召試。雖經辦有成案。但未明定章程。辦理未能畫一。自應以其父兄官職之大小。為子弟應試之限制。此次朕巡幸五臺。所有應行召試士子。京官除現任京堂。及翰詹科道。軍機章京。外官除督撫藩

臬。及道府以上之親子姪兄弟。俱著迴避。毋庸與試。仍准其進冊。其業經病故離任緣事在籍。及其餘京外各官之親子姪兄弟。俱准其與考。嗣後巡幸各省。設有召試之典。即照此例行。○又

諭。本日召試山西及各省迎鑾士子。就其文義高下分別錄取。所有列在一等之安徽舉人龍汝言。四川舉人張斐然。浙江舉人楊鎮源。俱著賞授內閣中書。照例補用。山西附生李堂棟。拔貢生雷百里。廩生段可傳。郝臺魁。田賀年。安徽副貢生崔墳。俱著賞給舉人。一體會試。其考列二等之郭安鈺。亢勳。孟垣。劉登鼈。魏宣教。劉廷輔。張之煦。張湘任。曹鳴鑾。詹英。俱各賞小卷緞二件。令充文穎館騰錄。以示朕省方設教樂育人材至意。

欽定大清會典事例卷三百五十八

禮部

貢舉 解卷 磨勘處分一

解卷。順治二年定。鄉試填榜拆號之日。將硃墨卷並粘。硃卷大書姓名。墨卷大書名數。監臨隨督同外。簾官將硃墨卷逐一查對。硃卷字號無差。及文字內無關節可疑字樣。即用印鈐蓋。差人星馳解部。以憑磨勘。又定。鄉試出榜後。各省解送試卷。山東。山西。河南。陝西。限九月到部。江南。江西。浙江。湖廣。限十月。福建。四川。兩廣。限十一月。雲南。貴州。限十二月。遲延者聽部糾參。八年題准。直省取中舉人硃墨卷。令主考監臨布政使知府等官。於出榜日公同。在場包裹。每十卷為一封。各用印信。是日即起程解部。定限順天。出榜次日到部。後改為即日。到部。會試墨卷。揭曉日。山東。山西。河南。限二十日到部。江南。陝西。限四十日到部。江西。浙江。湖廣。限五十日到部。福建。限七十日到部。雲南。貴州。廣。限九十日到部。如違限十日者。府尹布政使罰俸一月。解送官議處。康熙十五年議准。順天府尹各省布政使

解卷遲延。每遲十日者。罰俸兩月。仍覈明原文起解月日。係本官遲延者。責在本官。如係解役耽閣者。行該督撫從重治罪。與本官無涉。○三十九年題准。各省鄉試監臨官。務於出場次日。即將硃墨卷用印封固。作速差人星馳解部。如有遲延。禮部及禮科覈參。交與該部從重議處。○乾隆六十年定。嗣後硃墨卷解部。務用箱隻裝好。加封粘貼印花。專委妥當員役赴部投遞。毋得草率。致滋貽誤。通行各省一體查照。○又奏准。雲南。貴州。廣。各省試卷。定限於年內磨勘完竣。今貴州試卷。於十二月十七日始據解送到部。現已封印。展至明年再行磨勘。其解卷遲延職名。查取交部察議。○嘉慶五年奏准。雲南試卷。於本年十二月十九日始據到部。因封印在遞。展至明年磨勘。其解卷遲延職名。查取交部察議。○十六年定。各省解部親供。並試卷履歷內。有曾經填註三代者。亦有未經填註三代者。辦理未能盡一。嗣後凡中式舉人卷面及親供內。均令該士子等將三代填註。照貴州省之例。每科仍於所送親供外。將新中舉人年貌三代

另造清冊一本解部存案。二十三年奏准本年江西省試卷於十一月二十八日始據委員李鈺解到並據呈稱行至景州地方馬驚車翻將卷箱掀入水溝致被浸溼等語查驗印花卷包均無損壞惟試卷浸溼難以遽行揭開瞭乾整理尚需時日除將江南等省五省試卷先行磨勘其江西試卷歸入下次雲南貴州等省一體磨勘承解試卷委員交部議處。道光十二年奏准壬辰科湖南試卷於閏九月二十七日起程赴部交投距該省揭曉將及五十日之久始行起解實屬有違例限查取職名送部議處。十五年議准甲午科雲南鄉試試卷解送遲延經禮部將解卷遲延職名奏請交部議處該撫稱委員係因風冰結所致可否免其查議因係奉

旨查取之件未准免議。十七年議准嗣後各省試卷責成監臨等官遵例於揭曉日委員迅即解部不得任聽考官修改致稽時日如有遲延逾限由部查明參處。同治八年議准丁卯科貴州鄉試解卷委員林壩遲至七年九月十三日始

行解送到部逾限八月之久行文查取職名送部議處據該撫文稱貴州係軍務省分該委員前因道路阻塞後因患病以致稽延沿途地方官詳咨有案所有委員解卷遲延處分准予免議。光緒二年覆准甘肅分開鄉試所有該省中式硃墨卷由甘肅布政使起解另行覈定照四川九十日期期立案。

磨勘處分。順治二年定前場文以明理會心不愧先程者為合式後場以出經入史條對詳明者為合式各卷解到之日由部會同禮科磨勘如決裂本題不遵傳註引用異教影合時事摭入俚言諧語及小結大結不分明甚至作全不可解之語並後場空疏五策原問十不憶五者酌量所犯重輕覈參首嚴弊倖次檢瑕疵此外字句偶疵念係風檐寸晷不妨寬貸。八年定鄉試中式舉人提學於出榜後十日內傳集令親書籍貫花名送部以憑磨對其到部限期俱照各省解卷例。又定舉人磨勘出文體不正及字句可疑者斥革其不諳禁例者罰停會試三科錯落在題目上者罰停會試二科。十

五年定各省咨送題名錄時。並將三場原刻題目紙送二十張。以便磨勘及存部備查。又題准。磨勘試卷內有字句可疑者。正副主考官。一卷罰俸九月。二卷一年。三卷降一級。四卷降二級。五卷降三級。皆調用。六卷革職。七卷革職提問。如有經書文理悖謬。不遵小註。及論內文理悖謬。表判不合題策內所對非所問。皆為文體不正。一卷罰俸六月。二卷九月。三卷一年。四卷降一級。五卷降二級。六卷降三級。皆調用。七卷以上革職。如字句疵蒙謬類。及不諳禁例者。每蒙謬類。及不諳禁例者。每卷罰俸一年。舉人磨勘出文體不正。及字句可疑者。斥革。字句疵蒙謬類等項。罰停會試二科。其不諳禁例者。停會試三科。如行文內筆誤二字。不礙禁例者。停會試一科。錯落題字者。停會試二科。同考官未經抹出者。罰俸一年。又定場中取中各卷房

考藍筆未經點到者。降一級調用。主考官失察者。罰俸一年。其副榜雖係不中之卷。亦應藍筆全點。如有不全點者。罰俸一年。主考官各罰俸九月。中式硃卷上應先填名次。後填姓名。墨卷面雖有原舉子姓名。亦應填寫名次。如硃卷有止填名次不填姓名。及墨卷因有本生姓名在上。不填名次者。主考官各降一級調用。又題准。墨卷錯落題字。及文內失格違禁。後場違式。真草不全等項。受卷失察。應貼不貼者。降一級調用。不應貼而貼出者同。十七年議准。同考官不許分註批語。止列職名。其同考官俱照品級敘列。如有違式不列。及署名顛倒者。責歸主考官。各降一級。又議准。試藝雷同。勦襲。偶然倖中者。磨勘得實。立行黜革。康熙七年題准。四書五經文章策論表判。有全篇雷同。勦襲者。正副主考官。一卷罰俸六月。二卷九月。三卷一年。四卷降一級。五卷降二級。六卷降三級。皆調用。七卷以上革職。同考官。一卷罰俸九月。二卷一年。三卷降一級。四卷降二級。五卷降三級。皆調用。六卷以上革職。舉人罰停會試二科。

○又題准。卷面籍貫不明。收卷官不行詳查駁回者。罰俸六月。○又定。墨卷題內字及文字內錯誤。謄錄不照原字。謄錄自行改正。對讀官不行對明。徑送內廉者。一卷。謄錄對讀官。各罰俸九月。二卷一年。三卷降一級。四卷降二級。五卷降三級。皆調用。六卷以上革職。舉人罰停會試二科。謄錄對讀生。發該地方官責革。其內廉主考同考官。係憑硃卷棄取。應行免議。至墨卷內本未錯落。硃卷內謄錄遺句。主考官抹出。同考官未經抹出者。罰俸六月。○又題准。正副考官遺批取中字。同考官遺批薦字。罰俸六月。○十八年議准。舉子黜革一名者。同考官革職。黜革二名以上者。同考官革職。提問。正副主考官。於舉子黜革一名者。降二級調用。二名者。降三級調用。三名以上者。革職。其舉子罰停會試三科者。每一名同考官降一級調用。正副主考官罰俸一年。罰停會試二科者。每一名同考官降一級留任。正副主考官罰俸九月。罰停會試一科者。每一名同考官罰俸一年。正副主考官罰俸六月。○二十年題准。前場文字有逾六百五十

字者。不准謄送。如有謄送。俸中者。將受卷及主考同考各官。分別處分。其舉人。照不諳禁例。罰停三科。○四十年題准。直省鄉試解卷到部者。由部即奏請。欽點九卿翰詹科道等官。會同磨勘。如有餽送需索。事發。按律從重治罪。○五十三年覆准。各省放榜後。地方近者限一月。遠者限兩月。京師限十日。均令本生到學政衙門填書親供。順天鄉試。赴府尹衙門填寫親供。不許私發州縣填寫。送部交與磨勘。試卷九卿對墨卷細驗筆迹。其不填寫親供舉人。不准會試。至親供送部限期。以試卷解到之日為始。遠者限兩月。近者限一月。京師限十日。送到。如逾限不即送部者。禮部將學政題參。照例議處。○六十年議准。直隸各府鄉試生監中式後。取具同鄉京官印結。及各生連名保結。方准赴順天府填寫親供。○雍正九年覆准。考官若出熟習擬題。交部議處。○十三年覆准。主考衡文務必三場並送。分閱分薦。三試皆合而後取。儻主司遺棄佳卷。雷同濫竽。雜然

並登。令九卿嚴加磨勘。主司舉子並行處分。○乾隆元年覆准磨勘鄉試卷。應令都察院科道五品以上科甲出身之京堂。及中贊以上之翰詹官。會同磨勘。○三年覆准場屋文字。務取清真雅正。久經著為令甲。第恐舉子或希心詭遇。撫拾僻書。故襲茁軋之詞。以誇淵博。若磨勘官不嚴為甄別。勢必翕然尤而效之。其於士習文風。關繫不小。嗣後磨勘官。惟當認真校閱。毋稍徇隱。遇有好為怪異文字。即行指摘。除將濫取之考官據實奏外。並將該舉子分別議處。以示懲儆。○六年議准每科鄉試中式之卷。固有成數。而各衙門磨勘之人。難以豫定。嗣後定為按衙門分股之法。由部行知各該衙門。將各職名移送過部。酌量人數多寡。分定磨勘卷數。行知各衙門照數辦理。遇有升遷事故之人。該衙門自行均攤代辦。至題結之期。北五省試卷。定於十一月或十二月。江南等省。定於十二月。其最遠省分。正月開印後題結。如磨勘已完而遲延不行題結。即將承辦之人。照事件遲延例。參處。○又議准直省鄉試。硃墨卷解到。禮部具題

請

旨。令翰詹科道及五品以上京堂之科甲出身者。咸集

朝房磨勘。其中有違式者。該員即夾籤指出。禮部

照例題參。分別議處。禮部每日輪派司員。以司

收發登記之事。不得假手書吏。禮部堂官仍不

時稽察。○九年

諭。今年磨勘。不得照往年之例。著該部臨時請旨。朕另

派官員磨勘。○又奉

旨。今年外省取中之舉人。朕允蔣炳所請。令在本省覆

試。將試卷解部。朕另派官員磨勘。今禮部請派官員

磨勘闈中硃墨卷。乃錯會朕旨。仍著照舊例行。俟各

省覆試卷解到。再行請旨。○十年

諭。向來各省鄉試磨勘。不過虛應故事。去年朕特派大

臣將覆試卷精加磨勘。而各省主考學政。遂致皆罹

參罰。此固若輩平日不肯實心。玩愒成習。罪有應得。

而朕念伊等俱係寒素之員。原藉俸銀養贍。若領俸

之日。全行扣除。用度難免拮据。著將罰俸一年者。展

限三年扣除。其多寡不齊者。均照此計之。今當春季

領俸之時。該部即遵諭行。○十五年議准嗣後官卷

內如無佳文。可缺毋濫。仍以民卷取足。不得勉強充額。屆磨勘時。若所取之官卷。較民卷優劣懸殊者。令磨勘官員舉出。照例題參。將該考官嚴加議處。○又覆准磨勘鄉試卷。凡直省之正副考官。順天同考官。及有親子弟中式者。俱令一體迴避。毋庸入班磨勘。○二十一年

諭。向例各省鄉試。硃墨卷解送到部。即命翰詹坊局以上。及京堂科道等。公同磨勘。所以慎重科場。稽察弊竇。典至重也。其磨勘諸臣。不過按數按省分派。若不於卷面註明某官某人磨勘字樣。以專責成。則已經夾籤者。尚知為某人摘出。其未夾籤者。或不過虛應故事。陽博寬厚之名。陰省校閱之煩。而盡心乃事者。轉不無觀望。殊失磨勘本意。著以下科為始。磨勘硃卷。皆於卷面填寫銜名。俟該部彙卷後。朕別簡人於每束內量取數卷。特交大臣再詳加校勘。呈覽。朕仍於此中復行抽閱。如有草率從事者。即交部照例分別議處。則磨勘各官。及特簡大臣之是否詳慎。均難逃朕之洞鑒矣。著為例。○又

諭。鄉試磨勘一事。前已有旨。令於下科為始。將來詳加覆勘。自不致視為具文。惟是三場試藝。篇幅繁多。士

子風檐寸晷中。檢點偶疏。輒干指摘。其以磨勘獲咎者。轉得有所藉口。且設科立法程材。無取繁文虛飾。今士子論表判策。不過雷同勸說。而閱卷者亦止以書藝為重。即經文已不甚留意。衡文取士之謂何。此甚無謂也。三場試以書藝經文。足規素養。繼之五策。更可考其抱負之淺深。又何庸連篇累牘為耶。嗣後鄉試第一場。止試以四書文三篇。第二場經文四篇。第三場策五道。其論表判概行刪省。至會試則既已名列賢書。且將拔其尤者。備明廷制作之選。淹長爾雅。斯為通材。其第二場經文之外。加試表文一道。即以明春會試為始。鄉試以己卯科為始。著為例。如此則士子聞中不得復誣之於日力不給。而主試者亦可從容盡心詳校。無魚目混珠之混。且鄉試第二場止經文四篇。斯潦草完篇者當在所黜。專經之士得抒夙學。而淺陋者亦知所奮勵。去浮文而求實效。斯足稱國家賓興大典。可傳諭該部遵行。再向來會試例不磨勘。未昭慎重。亦著寬至庚辰春榜後。奏請一例委員磨勘。○又覆准查向例五經取士。經旨悉遵用先儒傳註。今學宮頒行

御纂四經



欽定三禮博采諸儒之說折衷至當集古今之大成嗣

後考校經文應遵奉

聖製及傳註者為合旨其師心自用與泥俗下講章一  
無稟承者久經申禁磨勘時尤當細心考證違  
者即指參議處○二十三年覆准向來磨勘之  
法原極簡明惟筆誤二三字停止會試一條與  
字句偶疵不妨寬貸一條前後互異未昭畫一  
易啟磨勘官任意輕重之弊嗣後應將字句疵  
謬之卷定為罰停會試一科其餘無心筆誤無  
關弊竇者應從免議至外省士子及內外廉官

原未能熟悉條例此後鄉試年分應令各省提  
調場務之員將磨勘條例刊刻一紙先期頒發  
學校曉諭士子臨期給執事各官俾知遵守○  
又議准江浙大省人文稍多但其所作文字闕  
入于史文集每不合經書立言之旨各省轉相  
仿效漸失本意曾奉

聖旨申飭尚未見考官實力釐正嗣後直省鄉試俱令

監臨官恭錄乾隆十年四月內欽奉

上諭一道謹案移知內簾考官務取清

真雅正之文凡有乖於理法者概不得取中儻

或奉行不實經磨勘官指參將考官照例議處

○二十四年

諭向因磨勘一事視為具文是以特派大臣詳加校閱  
但今科二場初試律詩若竟與制藝一體逐加校勘  
各省士子於聲韻之學未必盡嫻而考官處分者亦  
眾其試帖一項此時尚可稍為寬假酌量俟數科後  
再照定例行惟制藝為應試諸生本分應習之事既  
經入彀自不當復有疵謬務須秉公磨勘以副掄才  
鉅典如有疏漏經朕指出惟特派諸臣是問○又

諭此次磨勘江南等六省鄉試卷經派出大臣彙單進

呈其中文義支離疵類者不可更僕數皆由學政不  
能造就於平日而考官復不能決擇於臨時致士子  
習為庸腐謬悠之談希心詭遇昨已降旨諄切訓諭  
第念向來司磨勘者京堂翰詹科道各員因無覆勘  
之人往往虛應故事且未定有議敘處條例何以  
示之懲勸嗣後有特派大員覆勘指出而原勘京堂  
等全未磨出者應查明原勘疏漏之員交部嚴加議  
處有原勘籤出一二而大臣覆勘尚多罣漏者亦應  
查明交部議處有能悉心校閱秉公逐一舉出覆勘  
無遺者並將該員交部議敘至現在派出大臣等俱

屬詳慎從事。著即交部議敘。將來覆勘試卷。或經朕抽閱。尚有不盡之處。則應將特派大臣加以處分。如此庶文體益就雅馴。而司衡愈歸允當。○二十五年諭御史朱丕烈。奏覆勘試卷大臣秦蕙田等瞻徇不公一摺。經朕詳悉面諭。並特派大臣等會同軍機大臣。提取各原卷逐一詳加覈對。今據覆奏。有該御史原經籤出。而覆勘大臣誤行指駁者一卷。未經列入奏單者二卷。秦蕙田等既經司事覆勘。乃未將原勘官籤出各條。應存應駁及應行聲明之處。悉心分別查辦。各本難辭。至摺內所稱瞻徇考官鄉情世好。為本生巧為開脫。不能無疑之處。則現在細覈各卷。如考官錢維城。王鳴盛。錢載等。勘過試卷。其處分已有部議。應行降調。及罰俸數年者。即增入摺內所指各條。亦並無所加損。是該御史所參。俱無確據。經朕復召入面詢。該御史亦不能更指其非。此其涇渭較然。固非此次派出大臣所能偏袒。並調停中立。如和事老人之為也。但磨勘一事。向來視為具文。以致士子應試。考官衡文。無由大彰懲勸。近因士子習尚紛歧。罔識行文正鵠。不得不亟為釐正。是以詳定磨勘條例。然舉行伊始。朕本意實不過欲去其太甚。俾知儆

覺提撕。豈必逐字逐句。加意吹求。致獲售者無一自全。而典試者盡干吏議。斯不已太甚乎。然考官銜命掄才。既優其廩餼路資。又復獲爾許桃李。即試卷有疵。若罰俸停升之類。實所應得。設致罷官降調。朕必曲宥。此中自有權衡。若官官相護。即此罰一年兩載之俸。亦必冀為開脫。則不獨覆勘者罰所難容。即考官等朕亦豈能輕貸。今秦蕙田等既無此等情弊。則疏漏各條。所謂公過。非朕所深惡矣。朱丕烈以心疑。或然之語。彈劾屬虛。朕亦不能為之匿其所短。正所謂瑕瑜各不相掩者也。所有覆勘疏忽之秦蕙田。觀保錢汝誠。著交部議處。御史朱丕烈所奏不實。亦著交部議處。然若因其參劾大臣。而該部遂有意從嚴。思以箝制言官之口。更難逃朕洞鑒。將此通行傳諭。中外知之。○又

諭鄉會磨勘試卷。蓋以防弊竇。正文風所關甚重。前降旨敕部定議實力奉行。司事者勸懲既明。持衡者去取自慎。其剽竊支離。穿鑿險僻。希心詭遇之士。諒不敢濫登選格。自取糾彈。第矯枉無取失中。而掄才務崇大體。經義之制。原以見理明通。措詞爾雅。為正果能理明詞達。有大醇而無小疵。固稱上選。若學識才

情大端確有可取。即一二字句失檢。無妨棄瑕採錄。蓋風檐寸晷中。一日校藝。即學問優通者。亦不能必無疵類。要不足為全璧之玷。為考官者。儻意在求免。吏議因而吹求。擯棄。轉謂平庸膚淺之文。似是而非。無可指摘。遂致燕石冒玉。魚目混珠。則救弊實以滋弊。殊非慎重磨勘本意。况疵蒙謬類。與不諳禁例。迥別。是以所得處分。舉子不過停科。考官不過罰俸。使懲羹吹齏。而於文體真偽所繫。概置毋論。何以杜弋獲而示正鵠耶。嗣後鄉會典試諸臣。務擇清真雅正文義兼優之作。為多士準繩。不得為磨勘周詳。反以庸才塞責。更不得因有此旨。遂藉口瑕瑜不掩。怠忽從事。負朕崇實黜浮至意。又題准山東鄉試第二十七名齊繼呂墨卷空白十二字。罰停會試三科。又議准嗣後每科磨勘試卷。禮部於事竣通行覈算。移咨吏部查辦。凡京堂翰詹科道各官。有能悉心檢閱。秉公逐一舉無遺漏者。特派大臣覈實具奏。交與吏部議敘。准其紀錄二次。或大臣覆勘尚有不盡之處。經御覽指出。將覆勘大臣照失於查察例。罰俸一年。其覆勘大臣。果能詳慎從事。並無遺漏者。准紀錄

二次。其磨勘官遇有事故。於應勘各卷未經過半者。雖無罣漏。亦不准其議敘。又議准鄉會試磨勘定例。用翰林讀講以上。詹事府中贊以上。及京堂科道入班分閱。員數本屬敷用。惟因內中有出差事故。及應行迴避者。臨期扣除。或致短少。雖上年禮部分作三次題結。並未逾限。而天寒晷短。辦理不無忙促。惟編修檢討與開坊以上。體制無殊。職業最簡。應令一體入班磨勘。即從本年庚辰科鄉試為始。將來會試亦照此辦理。且添派編修等。因為人眾集事起見。而通計到班者。不下七八十員。若不嚴定責成。則名為添員。轉因人眾難以稽察。來去無常。作輟不定。致開託故推卸之弊。嗣後凡應行入班官員。及新增之編修檢討。先期禮部行文各衙門。將職名開送。禮部繕本夾單。恭請欽點四十員。仍照定例。按各直省卷數分派。每日赴朝房校勘。責成更專。愈可剋期竣事。又議准嗣後中式舉子。如經磨勘出文理荒謬。應斥革者。除將主考官照例議處外。仍令該學政將原取科舉之卷解部。交與原派大臣覆勘。如亦係荒

謬將該學政照主考例議處。若不過尋常文理，應得免議。又議准庚辰科會試榜後，應遵旨磨勘。但從前未經定有條例，將中式舉人及主考同考外簾官應行議處者，均照鄉試磨勘例辦理。具有應行停科者，改為罰停殿試，永遠遵行。又議准磨勘官於指籤內，並註明主考同考官已抹未抹字樣。又覆准疵蒙謬類之卷，或係一二句，或係數字，而於通體文義無礙，其主考同考應行議處者，仍照例分別已抹未抹辦理。又議准嗣後磨勘各官，照禮部分定卷數，悉心磨勘。其試卷內有應行指出者，務按照處分定例字樣，註明黏籤，不得隨手標指。作可輕可重之語，並於各表面親筆註明。應議幾籤，免議幾籤，並無籤可指者，亦一併註明。勘畢彙卷後，禮部照籤造冊，送覆勘大臣覆勘。據所指各籤，分別應存應駁，及並未指出有無罣漏之處，一併註明開單進呈。

俸一年例議處。仍責令磨勘完竣。其有出差丁憂等項事故，於應勘各卷未經過半者，雖無罣漏，亦不准其議敘。又議准嗣後每科磨勘試卷，禮部於事竣通行覈算，移咨吏部查辦。凡京堂翰詹科道各官所分應勘各卷，於疵謬之處，全未勘出，特派大臣覆勘指出者，原勘疏漏之京堂各官，照試卷錯落題字及文內失格違禁違式等項，應貼不貼例，降一級調用。若原勘官於所勘各卷，將疵謬之處，已籤出一二，經特派大臣覆勘尚多罣漏者，照舉人行文筆誤未經抹出例，罰俸一年。謹案乾隆三十七年議准，原勘官照例議處。又題准舉子於策內檯頭不合，係照題紙誤寫者，將主考官罰俸三月。又議准嗣後如係主考捺出之卷，同考虛心悔悟，仍用薦條。毋庸置議。其有自執己見，不願呈薦，經正副考官公同研覈，係理明詞正，應中之卷，將緣由於卷內批出，仍行取中。俟硃墨卷到部，交磨勘官平心詳閱。其有干例議者，專坐主考官。於同考無涉。僅所捺允當，無可訾議，應將不行呈薦

之同考官。照例嚴加議處。○又覆准。嗣後如舉子於試卷內有不避

廟諱

御名

至聖諱及失格違禁應照不諳禁例議處者。此等所犯較重。本非應中之卷。雖經抹出。仍將主考同考官一體議處。該生照不諳禁例。罰停會試三科。其擡頭不合者。照行文疵謬例。罰停會試一科。至卷內疵蒙謬類之處。若論各考官閱卷原應盡選醇雅完善之篇。但文無定格。儘有通

體本佳。而偶或一二句。或數字。未能檢點。考官憚於處分。勢必至概行擯棄。轉將平庸膚淺之文。入彀充數。嗣後疵蒙謬類之卷。或係一二句。或數字。而於通體文義無礙。其主考同考應行議處者。仍照例分別已抹未抹辦理。○二十六年

諭會試揭曉後。中式舉子。應赴廷試。近以試卷到部磨勘。覆勘有需時日。是以酌量展期。但念午節向炎。多士挾策殿墀。典制未為適協。計會試中卷。不過二百餘名。若於榜發次日。即令京堂科道翰詹等官。及覆

勘大臣。於朝房各分坐處。同時接遞檢閱。隨勘隨覆。自當剋日就理。不致稽延。所有一切事宜。各該衙門速行豫備。於四月二十日。或二十五日。可以傳臚竣事。其請派各員職名。該部即速開列具奏。不必俟發榜。欽此。遵

集

朝房校閱。約計四月二十日以前。磨勘事宜俱可

完竣。謹案。近科會試。有覆試之例。先於揭曉次日。將中式。殊墨。卷派官磨勘。俟覆試畢。再

行覆。○二十七年議准。本年磨勘江西省舉人

姚近卷內有二臨字。未經重寫。僅從兩點省文。向例無議處明文。嗣後試卷行文重字。如有率用省筆作兩點。謄寫者。雖非題字。亦將舉子議處。○又題准。磨勘順天等省試卷內。岳履泰墨卷塗改雙擡字樣。本生應照不諳禁例。罰停會試三科。受卷所官應貼不貼。應交部議處。○二十八年議准。謄錄不照原字。謄寫有心作弊。該管官知情容隱。並應從重究擬。若一二不符。原無弊竇。及草率錯落。謄錄對讀官每卷照疏。忽例罰俸三月。又墨卷錯落題字。及文內失格

違禁後場違式真草不全等項受卷官失察應貼不貼者罰俸一年。彌封所錯印應編字號無心疏忽罰俸三月。謄錄所見彌封所失印條記不行呈明另補私自差役遞送。經管官罰俸三月。書手姓名誤寫卷皮內者。經管謄錄官不行查出及呈明者各罰俸三月。三十年。

諭榜後填寫親供校對試卷筆迹是否相同以稽頂替代倩立法至為周密乃相沿日久視同具文犯法者無所忌憚嗣後鄉試中式舉人務令當堂填寫親供並默寫闈中首藝七八行該府丞等親加封固彙齊奏聞候朕另派大臣逐卷校勘如有筆迹不符之處即舉出請旨交部嚴訊以示炯戒儻覈對時草率疏漏別經發覺惟派出之大臣是問。又

諭陳宏謀等奏覆勘順天山東山西河南陝西等五省中式試卷分別應議免議一摺著照所擬交部辦理科場取士原以文體為重即如單內所舉疵蒙各句於文風大有關係此等句無論唐之韓柳文章大家固所積棄弗道即前明歸有光黃澍耀等為制藝專門亦斷不肯掉以輕心淺率為此諸生為文惟當根柢經史發揮義理一以清真雅正為宗旨不致涉筆

動多瑕類試官等亦當精心甄別毋使魚目混淆試卷中果有詞句多疵者自應逐一籤出按例議處至摺內所稱盛世玉案等字原磨勘官因雙單擡寫之處與程式不符俱行籤出經伊等聲請免議止就現在試卷而言其實科場禁例凡遇

廟諱字面理應恪遵敬避加意檢點如有違錯自難貸其處分至擡頭小誤既無關於弊竇且於文體毫無干礙而條例所定字樣甚多如必斷斷較量曲為指摘何異吹毛求疵况擡頭格式本無一定即詞臣所進詩文尚不能悉合朕亦從不與之計較又豈肯於草茅下士風檐寸晷中過為苛責乎嗣後此等煩瑣小節俱著刪除所有條例內應加刪正之處並著大學士會同該部詳悉定議具奏欽此遵

旨議定舊例內有文體不正者斥革疵蒙謬類者罰停會試一科等語文體不正或係顯違格式或係引用怪僻或係書理全訛自屬易見其疵蒙謬類四項多有影響近似者在考官固當精加揀擇而磨勘官尤宜慎重別裁至引用經傳之外有出於諸史子集者固務以平正切當為宗但語似有本即應體玩文氣廣為諮詢不得輕加

嘗議嗣後令磨勘官虛衷辦理又舊例所載

廟諱

御名

至聖諱有應避者有應減筆者俱應敬謹遵奉其例  
載

列聖

郊

廟

皇上

聖主各字樣事係實用俱應分別三擡雙擡書寫此

類如有犯者仍以違式論至例內

恩膏

德意等類士子果知雙擡自為得體若偶失檢點誤

寫單擡原非玩爽應概予免議此次覆勘大臣

所奏盛世玉案等字業經奉

旨免議嗣後試卷內有字面類此者應令考官遵奉辦

理○又奉

旨磨勘各官有無遺漏經覆勘大臣指出分別議處議

敘自屬允當至覆勘大臣所閱各卷再派大臣檢閱

亦難保其必無罣漏但以覆勘為不足憑更復需人

詳看輾轉吹求勢將何所底止今覆勘大臣既無人

覆加覈看其中即有罣漏亦何由而知是功與過皆

無可論既無議處則何必予以議敘耶嗣後覆勘大

臣議敘之例不必行○又覆准嗣後刊刻進呈試錄

凡策內執事二字俱一直書寫其士子墨卷仍

照舊式單擡一字通行各省督撫順天府尹於

下屆鄉試為始遵照辦理至二場詩內間有用

朗鑒哲匠等字者與執事二字用以敘入原問

者不同此等字面不過隨題引用毋庸磨勘但

不得另行擡寫○又議覆御史戈濤條奏題目

字畫小差擡頭雙單小誤量從寬宥有一款應令

外廉所官除有干禁例者仍行貼出外其餘俱

照條例辦理不得苛求○三十一年奏准本年

會試磨勘試卷大臣官員仍照舊例豫期奏請

即於揭曉次日將新中貢士傳集赴部填寫親

供並默寫首藝七八行當堂封固一併交磨勘

大臣辦理儻或卷內文理疵謬並筆迹不符者

俱令磨勘大臣奏

聞後禮部照例辦理○三十三年

論嗣後校對順天闈墨筆迹不必另請派人即着派出

大臣磨勘時一併校對。○又議准。直省新中舉人。照順天例。發榜後赴學政衙門填寫親供。即令默寫首藝七八行。一同封固送部。俟各省送齊。即行奏。

聞。交原派磨勘大臣一併校對。如有筆迹不符。由磨勘大臣奏明。照例交部辦理。○又議准。墨卷完補。照文義疵謬例。罰停會試一科。受卷官如遺漏不貼。照例議處。又墨卷內。如有紫筆代填之處。照謄錄不照原字謄寫之例。將對讀官交部議處。對讀生發地方官責革。○又議准。硃卷內

詩頂格寫。擡頭出格。照硃卷作字草率例。將謄錄官交部議處。謄錄發地方官責革。○又議准。卷內同考官句股錯誤。正副考官均未改正者。照不將錯誤之處查明例。罰俸六月。同考官照遺漏舛錯例。罰俸一年。○又奉

旨。所有未經指出之原勘官。著交部照例察議。至覆勘大臣摺內。何以不將原勘官應議之處一併聲明。亦著交部察議。○三十四年

諭。會試中式第二十名梁泉一卷。經磨勘官籤出疵謬處多至四十餘籤。請旨罰停殿試二科。磨勘停科。原

指尋常疵類而言。今閱梁泉卷。疵謬之處層見疊出。而文亦不佳。本不應中。此而濫中。則佳文致遺落者反多。如此衡文校士。誰則不能。梁泉著革去進士。仍作為舉人。所有閱薦之同考官張曾敬。著交部嚴加議處。其正副主考官劉綸德保。俱著交部察院議處。御史王顯曾悉心磨勘。據實指出。尚屬認真。著交部議敘。其劉文徽卷。文義疵類及策題錯誤之處。所有應議之舉子考官及原磨勘官。並交各該衙門照例察議。○又奉

旨。禮部奏磨勘會試卷一摺。請將磨勘官照例議敘之處。尚未允協。從前磨勘官定有交部議敘之例。原為其實能詳慎從事。秉公糾舉者而言。若僅隨班塞責。而於卷內全無籤摘。亦得一體濫等。俸邀敘錄。不足以示獎勵。著軍機大臣會同吏禮二部另行詳悉定議具奏。其摺內應議之舉子主考同考及原勘官。均交該衙門照例察議。欽此。遵

旨。議定。定例內磨勘試卷各官。如能詳慎從事。全無罣漏者。准其紀錄二次。會試卷數無多。其全無罣漏之磨勘官。准其紀錄一次。原以各士子中式。硃墨卷例。應詳加磨勘。實心校覈。如此予以議



敘方足以示勸懲。若僅隨班塞責。而於卷內全無籤摘。自不應一體濫邀議敘。嗣後磨勘鄉會試卷各官。全無籤摘。及籤摘不當。塞責了事者。概不准予議敘。果能詳慎從事。秉公糾舉。經覆勘大臣校勘俱各允當。奏准。

鑒定者。事竣交禮部移咨吏部議敘。准其紀錄一次。若奉

特旨交部議敘者。准其加一級。○又議准。磨勘試卷。如有干犯規條。應行褫革進士舉人者。即將其本身生監一併全行褫革。著為定例。俾免辦理

紛歧。其本科由訓導中式之福建舉人林元桂。文內用衣鉢二字。照文體不正例。革去舉人。應將訓導歲貢一併褫革。○又議准。查定例中式試卷。同考官藍筆未經點到者。降一級調用。主考官不能覺察者。各罰俸一年。至主考官墨筆未經點到。例無明文。嗣後取中之卷。主考官墨筆未經點到。照同考官藍筆未經點到例。酌為降一級留任。○三十五年議准。福建舉人甯時鈞策內。

廟諱上一字旁有火字者。硃卷未照墨卷缺筆。非尋常

不照原字謄寫。可比應比照受卷官應貼不貼例。將謄錄對讀官交部議處。其書手及對讀生發地方官責革。主考同考未經指出。比照舉人不諳禁例。取中一名例議處。○三十六年題准。對讀擅改墨卷。雖無弊竇。對讀生發學戒飭。該管官照例議處。○又議准。鄉會試發策。不得以本朝臣子學問人品策問。士子對策。亦不得泛引涉及。違者分別議處。至策題每問不得逾三百字之數。逾額者將該考官參處。○三十七年

諭。今日禮部奏會試磨勘試卷一摺。請將籤摘允當之

原勘官照例議敘。自所宜然。至以原勘遺漏之員交部察議。而置全無籤摘之員於不問。定例殊未允協。試卷派員磨勘。又派大臣覆閱。立法雖已周詳。若原勘官於疵謬之卷。並未加籤。經覆勘大臣察出。其遺漏處分。原屬應得。但覆勘大臣。豈果能逐卷繙閱。不過就有籤之卷。重加評覈。而無籤者。即不復寓目。人情好逸而惡勞。孰不樂於省事。此亦無足為怪。第以有籤之卷。復指摘一二。以為墨漏。是盡心磨勘者。竟以有籤招議。而不置可否。草率了事之員。轉得倖免處分。既不足以服人。亦非覈實辦公之道。嗣後凡原

勘官已經籤出者。雖覆勘另有增易。毋庸復行交議。至各員內有派辦兩科並未籤摘一卷。則其人全不以事為事。疏漏實所難辭。照例子以處分。庶足示儆。所有此次會試磨勘無籤各員。著該部存記。俟下科磨勘時彙覈查辦。如此準情定例。則功過皆得其平。而公事益昭詳慎。著為令。○三十九年奉

旨。此次磨勘進呈雲南省何源卷內詩句疵謬。經覆勘官指駁。所有已經指出仍籤免議之原勘官。著交部察議。又題准。浙江第四十二名馬緯雲用兩房考薦條。查歷科磨勘條例內。並無此項。未經議及

今既據覆勘大臣奏明。違例之同考官及內簾監試官。均交部議處。○又議准。磨勘各官。除派辦兩科並未籤摘一卷。及原勘有籤改為應議者。應欽遵乾隆三十七年

諭旨。分別辦理外。其原勘無籤之卷。覆勘應議者。原勘官照例議處。○四十年

諭。據程景伊等奏。磨勘試卷請將第一題文引用錯謬之許士煌交議等語。首題既入成湯語氣。即不應用及周公孔子及彖武王泰誓篇中語。此等援引錯謬之卷。考官等不應取中。所有閱卷之同考官著交部

嚴加議處。正副主考官俱著交部議處。至原勘官未能指出。亦屬疏漏。並著交部察議。○四十二年

諭。據曹學閔奏。磨勘試卷詩內間有平仄失黏例。應罰科者。大抵北五省及雲貴等小省之人居多。請將一二字偶然失黏者。姑免置議。一摺。所見亦是。北省及邊省士人。語音限於風土。試帖內平仄未能悉叶。自所不免。若因此即行停科。致伊等往返徒勞。情亦可憫。但試帖著於功令。且詩韻俱在。士子如果留心學習。斷無終於不能之理。曹學閔僅請將本科免議。尚恐未能遽改。著從寬予以十科之限。令此等省分科舉之人。於聲韻加意講求。以期通曉。俟十科後仍有失黏者。照大省一體停科。計十科已閱三十年之久。如此寬其程限。若再不能改。則是伊等故違功令。終於不學。其處分實所自取。不能復為之原諒。加恩矣。將此通諭知之。○又奏准。鄉會試磨勘試卷。向未設有查班御史。專司稽覈。誠恐分卷之時。磨勘各官。或有指名索取某卷。或不由司員分給。自行擇取。種種情節。其中不無囑託瞻徇等弊。查常朝會議。秋審請大典。俱經奏明。設有查班滿漢御史到班稽察。今磨勘屆期。應照常朝會議之

例。每日分派滿漢御史各一員。輪流上班。即於分卷處。眼同司員。照例每名挨次分給。如有前項情弊。即行據實查參。庶於磨勘益昭慎重。○又題准。江南第四名李光裕。硃卷第一場。重用第五房印記。應議之處。例無明文。查磨勘條例內載。應印舉子卷號。經管官將號印重印者。罰俸三月。今李光裕卷重用第五房印記。應比照號印重印之例。將該管官交部議處。○又題准。稽察分卷之滿漢御史各二員。分為二班。每日以滿漢各一員到班稽察。○四十四年題准。硃

卷面對讀官倒印條記。或順天鄉試卷面彌封官漏印滿蒙合四等字號。該管官照外簾失印條記例議處。硃卷尾未填謄錄姓名。該管官議處。書吏責革。○又題准。長章題偶犯下文一字而不犯意者。尚屬可原。免議。墨卷謄寫越幅。仍寫前文。複行塞白。以符格式者。照墨卷失格。應貼不貼。而俸邀中式例。罰停會試三科。受卷官照例議處。墨卷點題處。舛錯誤寫者。照字句疵謬例。罰停會試一科。通場硃卷。對讀生誤用紫筆。對讀官議處。監臨提調監試等官。失於

查察。一併交部察議。硃卷文內誤作低格寫。策內誤作頂格寫。或高一格寫者。謄錄官照作字草率例議處。○四十五年奏准。磨勘順天鄉試卷。即照會試之例。未發榜以前。先行題請派員揭曉。次日。即行磨勘。其各省試卷。仍照例分作三次題結。應令監臨提調發榜後。即將試卷封解。毋得遲延逾限。○又議准。第一場三藝純用排偶。於文體有關。雖屬通順。易開浮華之習。罰停三科。考官交部議處。○四十八年議准。試卷硃墨不符。至十餘處者。革去舉人。謄錄對讀各官察議。○又議准。二場硃卷倒置在第三場後。黏連墨卷用印。承辦官照錯印前後場號印例。罰俸三月。○五十一年議准。卷內主考官墨筆浮籤未去。照疏忽例察議。同考官圈破句。照考官句股錯誤例察議。○又議准。策文原不限字數。但不滿三百字者。罰停一科。○五十三年議准。題內字謄寫。並文內用題字。亦謄寫至數處。照疵謬例。罰停一科。硃卷對讀生點句不全。照謄錄謬錯例處分。又士子默寫頭場文字。字點題處。將題目內字謄錯。如者與誤作矣乎之類。應

照疵謬例罰停一科。又議准。士子於試卷每篇末填寫添註塗改字數。原恐所改字數過多。是必令註明。豫防謄錄代改情弊。因向例並未設立簿冊登記。以致謄錄得代為改寫。掩其改竄文字之弊。應令士子於每場試卷之末。合計每篇添註塗改字數。填寫通共添註塗改若干字。並令收卷時登記簿冊。並於簿面註明受卷官某人。以便稽覈。即於登記完竣後。將簿冊用印密加封固。於榜後送磨勘官詳加覈辦。如有不符。即將登記簿冊之受卷官傳訊參究。

又議准。對讀點句不全。及誤行添註。均應行議處。五十五年覆准。士子榜後填親供時。默寫首藝。原以備校對筆迹。嗣於乾隆五十三年。議令本生二場卷內摘默頭場文字。較之填親供時所寫更為真確。應將榜後默寫首藝之例停止。以免重複。其填寫親供。仍照例辦理。又奏准。嗣後科場制義。於五經外徵引詭僻者。雖出古書。概不取錄。再三場策題。飭令主考親出。毋庸假手房考。以杜揀擬洩露之弊。其闈中以三場取中者。並令主考將合校頭場之處。批明卷

內聽候磨勘。不得濫列前茅。五十七年議准。二場經題。不得以禮記列於春秋前。違者議處。○六十年

諭朕辦理庶務。往往

天牖朕衷。幾先洞燭。本年會試榜發。第一名王以銛係浙江人。二名王以銜亦係浙江人。朕披閱之下。以各省應試舉子不下數千人。豈無真才足拔。茲據欽派大臣將覆試各卷分別等第進呈。第二名王以銜列在二等第四。高下尚不相懸。其王以銛竟列在等七十一名。朕親加批閱。疵類甚多。派出大臣校閱。甚為公當。且據磨勘大臣奏稱。王以銛會試中式之卷。第二藝參也。曾比內用一日萬幾一夜四事等字樣。於先賢身分。尤為引用不切。似此庸庸失當之卷。何以拔置第一。且所擬策題。紕謬處甚多。該考官等於掄才大典。漫不經心。殊非慎重衡文之道。除副考官劉躍雲。糊圖禮及薦卷不當之同考官等。即照所擬交部嚴加議處。餘著照所擬分別辦理。

欽定大清會典事例卷三百五十九

禮部

貢舉 磨勘處分二

嘉慶四年覆准。同考官誤用紫筆。同考官並內  
監試均照舛錯例罰俸一年。五年

諭。本日未珪等。將磨勘順天鄉試各卷進呈。朕詳加批

閱。內御史辛從益籤出策題應磨勘者八條。經覆勘  
大臣公閱。惟第五問建武年號。辛從益籤出。宋孝武  
改元孝建。並無建武年號一條。實係策題書寫舛錯。  
其餘如神農之貨布。黃帝之金刀各條。係引用西清

古鑑。有何可議。乃辛從益一一籤出。並指為荒謬蒙  
混。杜撰紕謬。大加批斥。殊屬非體。又戴璐名下分得  
七卷。惟白日華一卷。頭場次藝。用天地萬物犯下。應  
議。其餘不過字畫錯誤。無甚關礙。至周庭謹一卷。頭  
場次藝。引用周禮聖義忠和。而戴璐籤出忠和二字  
犯下。不惟該生原卷忠字。本與下文無涉。且周禮原  
文本係忠字。豈戴璐未肄業及之耶。此皆有意苛求。  
殊未平允。前日發榜後。召見彭元瑞。據稱此次順天  
鄉試。江西士子中式一名。江西係屬大省。今科取中  
僅止一人。而辛從益籍隸江西。即將主考策題。有心

指摘。顯係挾私。又聞戴璐之子入場未中。伊奉派磨  
勘。遂爾吹毛求疵。均非秉公覈實之道。况每科鄉會  
試。總裁主考官。及派出磨勘試卷者。皆係科甲出  
身人員。此次磨勘之員。安知下次不令其入闈校士。  
而此次總裁主考官。又安知下次不派令磨勘試  
卷。彼此各懷私意。互相報復。成何事體。且衡文者。若  
因磨勘過刻。懼干處分。必有預為請託。或被人挾制。  
交通照應之事。於掄才大典。殊有關繫。辛從益戴璐  
著撤出磨勘班。並傳旨申飭。又題准。同考官漏書  
批語。比照遺批薦字例議處。墨卷應填名次之

處。填寫紅號。比照主考遺批取中字例議處。  
六年奏准。嗣後墨卷內有空白者。均定為罰停  
一科。草稿題目。如係脫一二字。及筆誤一二字。  
均免議。如脫寫全題。雖無弊實。究屬違式。定為  
罰停一科。添註塗改字數。或寫雙行。或用夾註。  
或行款高低。均無關於弊實。嗣後此等俱免貼  
出。並免磨勘。惟添註塗改字數。原以防謄錄對  
讀私改之弊。若並字數添改。則迹涉可疑。仍應  
貼出。磨勘官指出。仍罰停兩科。又嗣後擡頭塗  
抹者。改為罰停二科。正文之外無故塗字者。以

空白論。改為罰停一科。○又議准。俊秀貢監由監錄科後。即將原卷送部。俟榜後磨勘之日。凡由俊秀中式者。查出錄科原卷。夾於中式試卷之中。覈其筆迹文理。有迥不相符者。即舉出究辦。○又題准。文後遺寫添註塗改字數者。照遺漏點題例罰停一科。○又

論。達椿等奏覆勘嘉慶五年四川廣東廣西雲南貴州等省中式試卷一摺。已交該部照例辦理矣。至附片奏各省試卷內有填用卦畫及書寫古篆者。緣磨勘條例。向無議處明文。是以未經籤出等語。鄉會試卷文字。引用經傳語句。本有取裁。其隱僻子書等項。即不應濫行摭拾。若似此書寫卦畫及古篆字樣。尤非應試文體。且易啟記認關節之弊。除此次中式各卷。因向無禁例姑免置議外。嗣後鄉會試場。著禮部通行知照。知貢舉監臨出示曉諭。如試卷內有書寫卦畫及篆體者。即照違式例貼出。其有違例中式者。將本生罰停一科。考官及應貼不貼之外。廉各官分別議處。以示懲儆。○八年奏准。默寫頭場互異在十字以內者。方准免議。○九年題准。詩內結句輕銜押韻不穩。平仄不調。比照字句疵謬例罰停一

科。○十二年題准。彌封未詳查人名籍貫。致二場硃墨卷舛錯。彌封官罰俸三月。主考官未查對頭場起講。罰俸三月。同考官違例密點。照例察議。○十三年題准。草稿詩題下未註得某字。五言八韻。及雜湊不成句。或一聯不對且費解者。各罰停一科。○十八年奏准。二場題前後錯誤。主考出示更正。該生照原給題紙書寫。未遵照更正。酌減為罰停會試一科。主考官雖自行檢舉。試卷錯誤。未經查出。罰俸六月。同考受卷官。各罰俸一年。○二十三年題准。添註塗改數目字。應書壹貳等字。如誤寫一二等字。罰停會試一科。受卷官罰俸一年。謄錄無故雙行。顯違格式。謄錄責革。謄錄官罰俸六月。○道光二年題准。真草不對。罰停會試三科。受卷官應貼不貼。罰俸一年。○五年奉

旨。科場為檢才大典。鈔錄舊文倖中者。本生斥革。例有專條。今徐晉雖訊無槍情。別項情弊。安知非慮人告發。始行自首。以為避重就輕地步。且恐將來傲幸之徒。得以援案檢舉。尤不可不防其漸。徐晉著革去舉人。將監生照例一併斥革。嗣後如有錄舊中式之事。

該部仍照定例辦理。以符舊制而杜倖進。○又題准。通省硃卷正副考官列銜倒置。取中字刻印。同考官批語在考官批語後。照違式例。各罰俸九月。通省硃卷取中字用刻印。又用墨筆批寫。主考官各罰俸九月。○六年題准。塗改字數不符。在十字以內。罰停會試一科。受卷官免議。添註塗改過百字。且字數與所註不符。罰停會試三科。硃卷藍筆誤行畫押。罰俸九月。通省硃卷內止第一頁鈐用彌封官關防戳記。彌封官罰俸九月。○十一年題准。策內引用

本朝從祀

文廟人名。照引用後世事例。罰停一科。主考官罰俸半年。同考官罰俸一年。三場草稿頂格寫。罰停一科。○十四年奏。嗣後考官誤用藍墨筆。同考官批語誤用墨筆。均定為罰俸一年。硃卷內有墨筆添改。照例將主考官降三級調用。其因卷內脫落一二字。用墨筆代為添註。罰俸一年。文內字句有疵者。罰停一科。擡頭空補。罰停二科。卷內漏填對讀生。謄錄書吏姓名。照例將該書吏責革。謄錄官罰俸。又應擡字樣不行擡寫。罰

停一科。其雙單擡偶誤者。予以免議。奉

旨。禮部奏酌改科場條例六條。詳閱單內。請將空補擡頭者。定為罰停二科。朕思該士子等草茅新進。體例未必盡諳。若以無心錯誤。概予從嚴。殊非愛惜人才之意。嗣後中式墨卷。有於擡頭處空補者。著仍照空補數字之例。罰停一科。○十五年

諭。禮部奏鄉試親供解部。酌定校對章程。各直省鄉試揭曉後。中式舉人。例應填寫親供。與試卷一併送部。交磨勘大臣校對。此次順天鄉試親供。已由該部劄催順天府尹。迅速解部。惟各省程途遠近不一。著按

照例限嚴催。其業經填寫者。全行送部。以憑送覆勘大臣覈對。其實有程途較遠者。著迅速飭催填寫送部。以次歸入下屆校對。如第四次磨勘時。仍未送到。著各該學政聲明情節。統於會試前期咨送禮部。轉送覆勘大臣。補行校對。至遇有事故。不克填寫親供者。迨經補填解部。往往先後不齊。所有各直省陸續補送親供。屆時毋庸交覆勘大臣。即著禮部隨時詳細覈對。○又題准。硃卷多謄數行。主考官同考官不照例抹出。輒用筆刪截。降二級留任。○又奏准。各省由俊秀貢監中式者。即由該學政。將科試及

錄科原卷封固用印。與中式硃墨卷。一同解部。以憑覈對文理筆迹。並於磨勘日。將現行磨勘條例。刷印粘單。與各省送到題目。一併貼於磨勘班壁上。俾磨勘官詳細閱看。以免歧誤。○十七年

諭。向來鄉會試年分。該部奏請派員磨勘試卷。凡文理訛謬。筆迹不符。均應籤出。照例懲辦。蓋欲拔取真才。必須嚴絕弊端。故不得不加詳慎。近來磨勘等官。往往意存寬厚。僅於字句微疵。略加指摘。而於文理訛謬筆迹不符等弊。或致草率顛覆。例禁一弛。倖進多而真才屈。甚非朕振興文教之意。本年宗室鄉試。順天鄉試原卷。及中式覆試各卷。著派出之磨勘官等。公同校閱。認真覈對。如仍前玩泄。視為具文。日後別經發覺。惟該磨勘官等是問。○又奏定。順天鄉試。於揭曉次日。將中式硃墨卷。交原勘官覈對。再由覆勘大臣。公同校勘。如有患病事故。未及覆試者。除先將硃墨卷。照例磨勘外。俟補行覆試後。另行覈對。○又

欽定大清會典事例 卷三五九

磨勘官覈對筆迹。毋庸封送軍機處。謹案。向例。順天鄉試。揭曉後。由國子監。順天學政。將科試錄科各卷。查明封送軍機處。備文覆試之閱卷大臣。查對筆迹。○又奏定。全篇錄舊倖中。點革。勒襲舊作十餘句。罰停二科。偶與前人相同數句。且有增易之字。免議。○十九年。奏准。謄真草率。比照書寫卦畫篆體之例。罰停一科。○又

諭。鄉會試為抡才大典。多一倖進。即少一真才。近來荒疏之士。每將舊文鈔錄。勒襲。無人告發。參劾。竟得濫列科名。不可不嚴行查禁。著各直省督撫。學政。嗣後鄉試士子。凡有勒襲錄舊倖中者。一經聞知。即行詳細查明。據實參辦。至順天鄉試中式士子。有覆試之文。可以覆校。如有勒襲情弊。即由府尹。順天學政。及磨勘官。並科道等。查明指參。會試文場。如有前項情弊。亦由磨勘官及科道等。查明參奏。以杜倖進而拔真才。○二十三年。奏准。重寫通共。添註塗改字數。與不應擡而擡。各罰停一科。○二十四年。奏准。廟諱未能敬避。雖經缺筆。仍罰停三科。硃卷改寫恭代字。主考同考等官。免議。○二十九年。奏准。墨卷加藍筆數處。係抹出並未添改。同考官降三級留任。○咸豐元年。奏准。墨卷詩後塗改字數。用



監筆改易。同考官降三級留任。○四年

諭。何彤雲奏請推廣捐輸條款等語。向來各省舉人貢士磨勘後。罰停會試殿試者。皆因試卷違式。或文理有疵。原以慎重科場。嚴防冒濫。若准其捐免。殊乖覈實掄才之意。近因軍餉浩繁。捐例已遞加推廣。至考試為取士大典。豈容擅改成例。致開徼幸之門。所奏者不准行。○八年

諭。本年鄉試主考同考官荒謬已極。覆勘試卷。應訊辦查議者。竟有五十本之多。該考官等。朕聞其中亦尚有不敷昧良者。除同考官有無情賄。逐案查訊外。

其正考官柏後著先行革職。聽候傳訊。副考官朱鳳標程庭桂著暫行解任。聽候查辦。○又奏准。五策均未點句畫段。與引用後代年號者。罰停一科。○

九年奏准。河南硃卷。無騎縫關防。經管官從重罰俸九月。○同治二年奏准。墨卷內添註塗改過額。罰停會試三科。違式者罰停會試一科。○又議准。塗改小疵磨勘停科者。照七品官捐一級之例。銀二百十兩。仍照現在捐銅局捐級章程。減四成遞減二成。折足正項銀一百一兩。一半實銀。一半銀票。赴局交捐。其罰停一科者。准

其捐一級抵銷。罰停二科以上者。均令各捐一級。抵銷一科。○三年奏准。江南停科十二年。多士荒疏已久。明年試卷解部磨勘時。從寬辦理。○五年

諭。御史王師曾奏請停止捐免罰科等語。所奏不為無見。鄉會試磨勘。定例甚嚴。近日章程。准以銀兩捐免。磨勘幾同虛設。殊於政體有礙。嗣後鄉會試磨勘。罰令停科。殿試者。概不准援案捐免。以肅功令。○九年奏准。本年庚午科順天舉人李璜。錄寫成文。自行檢舉。實係冒雨致病。並無別項情弊。仍

將舉人並增生一併斥革。准其以原名就應童試。主考同考均免議。○十二年

諭。禮部奏議結磨勘處分。請旨更正。並自行檢舉一摺。本年順天鄉試中式舉人徐景春試卷。文理荒謬。經磨勘官籤出。照例斥革。正副考官同考官均有應得處分。著照該部此次所議。正考官全慶副考官胡家玉童華潘祖蔭均著降二級調用。同考官即行革職。○又奏准。添註塗改以少報多。不符在十字以外。罰停一科。受卷官罰俸一年。○十三年

諭。鴻臚寺少卿梁曾寶奏。磨勘鄉試中卷。應議過多。請

飭申明定例一摺。磨勘試卷。關係甚重。近來往往視為具文。上年癸酉科各省鄉試中卷。經磨勘官及覆看大臣。指出疵謬甚多。國家設科取士。原期甄拔真才。豈容以疵謬之文。濫竽充數。嗣後鄉會試考官。務宜細心校閱。認真去取。毋得草率從事。並著禮部於磨勘時。查照向章。將科場條例及磨勘處分各條。詳細申明。認真辦理。另片奏科場條例內磨勘各條。有未盡周密者。共擬十一條。請飭部妥議等語。著禮部議奏。欽此。遵

旨議准。嗣後鄉試磨勘官。再增二十員。定為六十員。會

試卷數較鄉試本少。應毋庸議。又向例鄉試磨勘官。止迴避本籍。其餘順序攤分。至每人專勘一省。易啟請託之弊。嗣後除迴避外。其餘無論幾省。統數勻攤。鄉會試卷。按中式名次。每人一卷。周而復始。又考官向磨勘官分送闈墨。磨勘官竟行收受者。均照不應重私罪律。議以降三級調用。又磨勘官於應議之籤。按照定例註明。不得作可輕可重之語。如有未經註明者。即由部知照該衙門。令該員補行聲明。再行覈辦。又覆准。全篇鈔錄舊文倖中者。本生黜革。如無

雷同。主考官免議。雷同非在一房者。同考官免議。○又覆准。嗣後如中式卷全篇未經點到。照原例議處。其僅止數行或數句。藍筆未經點到者。同考官每卷降一級留任。失於覺察之主考官。罰俸九月。墨筆未經點到者。主考官每卷罰俸一年。○又覆准。引用後世事暨書名者。罰停二科。○又覆准。墨卷內字畫偶有小疵。照例免議。錯誤過甚。分別議處。至不成字及一字分寫數格。非尋常筆誤可比。均定為罰停二科。○又覆准。向例磨勘官於所分各卷。全無籤摘。係專指應議之籤而言。非指筆誤免議之籤。嗣後每科磨勘事竣。由禮部覈明。磨勘官於所分各卷。如無應議之籤。即將該員存記。若下科再派磨勘。仍未籤摘一卷者。議以罰俸一年私罪。知照吏部辦理。○又覆准。試卷勒襲雷同者。罰停二科。正副考官各罰俸九月。如同在一房。同考官降一級留任。○又

諭。鄉會試考官。當認真校閱。務取清真雅正。不得以空疏之卷。濫竽充數。亦不得因字句小疵。將佳卷屏斥不錄。致屈真才。磨勘各官。仍當留心校勘。除實有疵

謬照例籤出外。毋得有意吹求。轉形苛刻。○光緒元年

論科場文字。總以清真雅正為宗。其無關文理弊竇者。自應從寬免議。嗣後派出磨勘各員。務當一秉

至公。不得含混塞責。亦不得有意吹求。致形苛刻。

○又奏准。鄉會試中卷。頭場批語下。再書經策批語四字。共成八字。○又奏准。本年乙亥

恩科甘肅分闈鄉試。事屬草創。關內地方。多係新復之區。受卷各員。於議貼各卷。應稍與通融。試卷

解部磨勘時。毋過拘成例相繩。○二年咨准。甘

肅解送試卷限期。照四川九十日之限立案。所

有該省硃墨卷。與四川廣東廣西雲南貴州五

省。一同磨勘。詳見卷門。○十年

諭。科場磨勘。功令最嚴。自應秉公辦理。嗣後派出磨

勘各員。於應籤不應籤之處。務當悉心酌覈。不得

稍涉徇徇。如有挾嫌報復情弊。著覆勘大臣據實

奏。以昭公允。○又覆准。鄉會試未經中式各卷

如查有雷同錄舊。應比照磨勘中卷之例。將勒

襲雷同罰停二科。全篇鈔錄舊文者。斥革。並令

考官於閱卷查出後。即將某號與某號雷同。及

鈔錄舊文。概於硃卷面。分別註明。另為一束。俟

揭曉日。會試由知貢舉。鄉試由監臨。查檢墨卷。

拆去彌封。開具姓名籍貫清單。連硃墨卷一併

送部。分別辦理。○十一年覆准。勒襲雷同全篇

錄舊之卷。經覆勘指出者。其雷同之卷。同在一

人名下。而原勘漏未籤出。仍照磨勘本例。查明

有籤無籤。分別辦理。○又奏准。第三場默寫二

場經文。起講格式。二場經文。原係頂格。謄寫。默

寫在三場五策之後。亦應頂格。以歸畫一。○又

議定。策內引用

國朝人名。罰停二科。同考官降一級留任。主考官

各罰俸九月。對策不合語氣。罰停一科。同考官

罰俸一年。主考官各罰俸六月。引用

本朝人私集。罰停一科。同考官罰俸一年。主考官

罰俸六月。○十三年奏准。嗣後試卷內。如遇

廟諱

御名偏旁字樣。未經缺筆書寫者。定為罰停一科。考

官於硃卷內未指出者。同考官降一級留任。主

考官各罰俸六月。○又定。試卷錯落題目字句。

未經添改。罰停二科。禮部前修條例。將二科誤

書三科。致有前後罰停有三科二科一科之殊。嗣後錯落題目字句。未經添改者。罰停二科。○又定。遺漏全題。於夾縫添註者。罰停三科。脫寫題目改寫跳行者。罰停二科。不得以無關弊竇。故為邀免。○又定。添註塗改脫寫一二字。非數目字。無關弊竇查覈者免議。若並字數添改。迹涉可疑。添註塗改字數。復行添改者。仍照例罰停二科。○又定。添註塗改字數不符。罰停一科。受卷官應貼不貼。罰俸一年。其不符在十字以內。與答干貼出者有間。受卷官免議。○又定。嗣後中式試卷。如硃卷未填姓名。墨卷亦未填名次。考官仍照例降一級調用。若墨卷已填名次。硃卷已填姓名。僅漏填名次。或硃卷已填名次。姓名。僅墨卷漏填名次。均照遺漏舛錯例罰俸一年。○又定。嗣後中式墨卷內。如有藍墨筆抹出及改易之處。主考同考官均降三級留任。其硃墨卷內用藍筆添改者。各照本例。將主考同考官降三級調用。○又定。試卷句股錯誤及圈點錯句者。同考官照遺漏舛錯例罰俸一年。主考官未經改正者。罰俸六月。係墨筆錯誤。主考

官罰俸一年。

欽定大清會典事例卷三百六十

禮部

貢舉供具

供具。○順治二年定貢院須用物件。由工部備辦。○又定凡會試需用匠作人夫。並置辦筆墨等項。由部咨取戶部銀五百兩。交提調官酌量支發。有餘繳回戶部。○又定會試由提調支領戶部銀二百七十兩。給發內外委官。以備場中應用器皿。並發刷印刻字匠工價等項。其用過銀數。由部題銷。○又定會試供給。照例劄行順

天府。取大宛二縣稅銀二千三百餘兩。解部之日。令兩縣內外委官具印領。辦買供給。事竣後。委官造冊報部。其用過銀。由直隸巡撫總督題銷。○十六年覆准。膳錄對讀飯食。責成供給。官親驗。務令鮮潔。按時給發。有給發不時不潔者。聽該所官呈知貢舉究處。○康熙十年題准。將承辦過會場器皿旗牌等項。交順天府收存。遇會試之年。由部行順天府取用。○五十一年奏准。會試揭曉寬限十天。增支領銀四十兩二錢有奇。共領銀三百十兩有奇。○雍正元年覆准。

順天鄉會試場內所用筆墨紙及竹木器。於考畢日。交所司官收存。照卓椅之例。至筆墨紙張等項。日銷之物。嗣後於科場供應銀內。一例奏銷。○又覆准貢院內應用卓椅器物。向係工部承辦。順天府收存日久廢弛。器物不齊。多向五城借用。嗣後令順天府支用工部錢糧。備造應用。試畢。交大宛二縣收存。貢院僅有遺失損壞者。著落賠補。數年後。果係不堪應用。題明補造。○六年覆准。每逢會試之年。遴選賢能司官辦理供給。發銀之時。禮部堂官一員。會同順天府尹。傳集內外委官。當堂給發。務令各行戶實領。如有官吏藉端需索。行戶等呈告。該堂官立行題參。交部照例嚴加議處。其有能辦事節省錢糧者。該堂官即會同順天府據實奏聞。○七年奏准。鄉會兩試。外場應用器皿。責令五城兵馬司。於入簾之時。將所備器皿。詳開一單。移送外監試。撤闈之日。該監試御史照單發還。令兵馬司敬謹收存。接任時交代明白。儻有擅取一物者。照毀棄官物律治罪追賠。○又覆准。科場應用膳錄銀硃。向係順天府備辦。書寫濃淡。

不一。行令順天府。嗣後鄉會場供應銀硃。務令作成錠子。俾得書寫勻緻。不致模糊。○八年諭會試舉人等。每人各賞給科被一件。任其披蓋。均屬有益。○又

諭賞給舉子科被。原係好事。但恐不肖之徒。串通成衣等人。致生夾帶之弊。亦未可定。著禮部堂官。派委賢司官筆帖式。前往貢院料理妥協。○又奏准外場監試。有彈壓巡查之責。揭曉後仍駐紮文場。俟主考等官起身時。將各官行李驗明放出。率領地方官進內。將備用官物。並供給所內存贖物件。逐一公同細加稽察。其中有無毀壞及存贖多寡之處。均令經手各官。出具收管行文。各該處交明存儲。以備來科之用。○又覆准嗣後科場。由部會同順天府尹。豫將科場內外各官供給。列為三等。並書役人數口糧食物。分別多寡等次。每遇科場。刊刻清單。於初次筵燕時分給各官。入場閱對支給。並令內外監試御史一同稽察。將逐日出入供給物件。各登一冊。揭曉之日。即令交部。俟辦理供給官造冊到日。一併校對。會同順天府尹題銷。○十一年題准順天府照

磨一官。移居貢院就近撥給官房一所居住。令其掌管貢院。並經管存儲號板桌椅牀架錫器等件。每遇科場及別項考試。該員亦封入場內稽察料理。如有作踐官物者。許該員稟明該管官究處。其非係考試之時。有進內作踐者。輕則聽該員自行懲治。重則拏送順天府嚴究。仍驗明立案。修葺報部。儻該員平時不加謹照。將官物致有損失。該府尹題參議處。○又題准場內官員應用桌椅等項。照供給之例。每官一員應用若干。議定額數。臨期照數鋪設。不得短少。事竣之日。開單交與順天府照磨經管。場內官員各遵定額。不得縱容僕從於額外濫取。○十三年

諭向來文武科場需用器皿食物等項。定例皆係順天府委大宛二縣動用錢糧分發各行戶備辦。近聞承辦之人。不能料理妥協。以致各行戶未領銀之先。吏胥有折扣價值需索規禮之弊。及至發價之時。又復任意短發。扣剋中飽。著順天府尹嚴飭大宛二縣。將前項情弊。立即革除。儻仍蹈故轍。一經發覺。定將該管各官一併議處。○乾隆元年覆准鄉會場期。令大

宛二縣先按場內應需食用等物。照依時價。造具細冊。鄉試申送順天府。會試呈報禮部存案。其承辦之官。即照所報時價。應需銀兩。轉行直隸布政使司。於司庫內支取應用。不足者。仍於司庫補領。有餘繳還司庫。○又覆准三場舉子飯食所需之米。應視人數增減。嗣後場內舉子食用之米。照依六千舉子每場給十石之例。按數加增。○又覆准場內供給。雖有定額。而增取物件。向無印票為據。恐有濫取冒支情弊。嗣後將場內支取什物。開具某處取用某物若干清單。送提調官鈐蓋關防。內委官登號辦繳。仍令內外監試察驗。交總理供給所收發。○又覆准向來大宛兩縣承辦科場供具。專派兩縣縣丞為內委官。兩縣典史為外委官。但兩縣丞一併入場。又恐呼應不靈。嗣後改調縣丞一員在外督催供給。仍移調典史一員進場內協同辦理。毋使領價各行戶任意違誤。○二年覆准自今科會場為始。場內夫匠人等所領小米。皆改老米。行文戶部支領。永著為例。○又覆准不肖官吏將科場需用等項。攤派擾民。由順天府及各

省督撫嚴行禁止。儻經發覺。係官該督撫等即行題參。係吏嚴拏究處。計贓照因公科斂律分別治罪。如該管上司徇隱不報者。該督撫查出。一併題參議處。○四年

諭士子入場者。定例給予粥飯。近聞辦理草率。不堪充食。士子等不能均霑實惠。著提調官加意料理。務期妥適周徧。並令監場副都統等留心察看。毋得疏忽。○又議定。凡入場士子。除照例賞給布棉襪。及薑湯茶餅外。仍按名給予木炭。並准攜帶手鑪。○又奏准頒發

御纂周易折中。

欽定書經詩經春秋傳說彙纂。

御註孝經。

御批資治通鑑綱目全書。

欽定大清律。康熙字典。律書淵源。周易義例啟蒙附論。

性理大全。孝經行義。

日知會說。

樂善堂全集。仿刻宋板四書。至四書大全。請

敕部購備應用。其續纂經書。於纂輯告成。再請頒發。以

上等書。各發二部。分交禮部順天府收存。俟鄉

會兩場之期。移送內簾應用。○九年覆准鄉會試給諸生官燭頭場四條二三場各三條均用淨蠟每條計重二兩照蠟值每名定價六錢二分令士子同卷價交納。○十年

諭雍正八年會試曾蒙

皇考特恩派出大臣監看舉子飯食並於常例外每場賞飯一次及餅餌茶炭之屬今當三月會試之期天氣正長應照雍正八年例添賞飯食等物俾舉子充飽從容應試知貢舉即察例辦理。○十一年奏准士子納燭價時止令每場納價六分備重蠟蓋面

油燭於點名時同試卷散給如燭不堅好即將承辦官參處。○十四年議准定例各省府道派委監試提調嗣後科場條例於頒發督撫布政使外每省各添給四部存儲藩庫於應用時令該布政使照例給發。○十五年奏准貢院器皿什物等項飭令直省督撫及順天府府尹各責成首縣掌管遇該員升遷離任時令其造冊交代如有殘缺應需添補者亦於冊內註明以備查考。○十六年議准會試供給所除題定筵燕酒三百八十斤其執事各官需用料酒豫備一

百斤應用刻字匠潤板調和紫粉藍靛等項豫備一百斤應用官役人等或因病怯寒間有需用藥酒火酒者原非每日每人必用之物豫備二百斤應用此外毋許供給所行取。○十八年奏准五城三營所派捕役自頭場起至三場止每日發給制錢四十文以資飲食造入科場供給項下報銷。○十九年奏准會試舉人賞給科被自今科為始將科被先送入至公堂俟士子按檢完畢領卷歸號後禮部司員按號給發交卷時並交至公堂所有內務府領出之科被並

禮部司員由近信大臣於貢院門外驗明放入。○二十年奏准每逢鄉試之年禮部豫期題請將科場條例刷印頒發典試各官及各省督撫藩司遵照辦理惟刊刻至乾隆十二年為止應將乾隆十二年以後議准更定條例由禮部續增刊刻於下科鄉試時頒發各省遵照其前次已頒舊例毋庸重給至屆鄉試年典試各官仍行頒給以便遵行。謹案現行例每逢鄉試禮部先期題請將本科以前欽奉事宜未經開裁者隨行刊刻頒發。○又議准鄉試時各省提調場務之員將磨勘條例刊刻一



紙先期頒發學校。曉諭士子。臨期給執事各官。俾知遵守。○二十五年

諭據鐘音奏鄉試動用銀兩。原係覈定章程之數。今歲思科。係連年舉行。其一切修理及器具等項。自必較往科減少。飭令樽節辦理。事竣造冊報銷等語。所見甚是。上年辦理正科。至今歲思科。甫及一年。所有貢院號舍。不過量為黏補。毋庸大加修葺。一切器具。可以存用者尚多。亦不必通行置辦。較之三年一次章程。原可節省。司場務者。均當據實支用。毋任經手員役。藉口成規。恣行浮開。糜費帑項。將此傳諭各督撫。並順天府一體遵照辦理。○又議准

殿試讀卷及執事各官。每日供給。例係光祿寺備辦。應令派出員役。運送卓飯。以省人役出入之煩。其閱卷處所需一應器皿什物。交工部辦理。○二十七年

諭閣中舊存書籍。殘缺不完。試官每移取坊間刻本。大半魯魚亥豕。自命題發策。以及考信訂論。迄無裨益。應將鄉會兩試需用各書。彙列清單。就武英殿請領。內府官本。鈐用該衙門印信。備貯應用。該管官前後檢明入冊交代。欽此。隨頒發京聞。

御纂周易折中書經傳說彙纂詩經傳說彙纂春秋傳說彙纂三禮義疏性理精義資治通鑑綱目康熙字典。古文淵鑑唐宋文醇唐宋詩醇淵鑑類函。佩文韻府。佩文詩韻。十三經註疏文獻通考。史記前漢書後漢書。仿刻宋板四書五經各一部。○三十年奏准貢院現存項內。損壞各件。仍飭大宛二縣照例分別修理。詳報工部。其缺少之件。令原辦未經交明之大宛二縣賠補。不必令照磨經管。即交大宛二縣入於交代冊內。仍造具新舊全冊。送順天府稽察。至號板此次添置齊全。亦飭大宛二縣經管。加謹收存。○又議

准鄉會兩試供給。俱責成大宛二縣知縣辦理。事竣由兩縣造冊報銷。其丞尉等員。有應代司收發者。聽該員自行派委協同辦理。○三十一年。知貢舉參奏所官家奴索物滋事。奉

旨。生事家奴著交刑部問罪。貢院各所官家人。例不准其擅至別所。知貢舉監試等。在內彈壓稽察。自應嚴加約束。何至容此等生事家奴。私赴供給所索物爭鬧。致滋事端。程巖等所司何事。著一併交部察議。且供給試官。日用食物足矣。何須煙酒檳榔之類。此所

謂慢藏誨盜者也。著交軍機大臣按冊查覈。又議定考場備辦供給。查取該部上科奏銷底冊。及內外簾每日供給單。逐一查覈。內如豬肉開銷一萬餘斤。嗣後減去二千斤。其羊肉一項。非必需之物。全行裁除。至冊內所開果品海參等項。俱非供給所應有。毋庸備辦。雞隻係合造粉湯所用。何至開銷一千八十隻之多。茶葉既備有松蘿茶一百斤。無須更備高茶二種。以上各項。俱應裁節。至三場會題燕點名等燕。止將實在必需之豬肉雞隻飯食等項。覈實備辦。冊內所開備用黃酒及果品火燄雜項等物。概行刪除。惟刷板調粉所用火酒。係刷印題紙所必需。酌留五十斤。餘俱裁節。按檢大臣飯食。一併裁去。至備辦煙酒檳榔等物。原非供給內所應有。此次會試。不准開銷。其餘應裁各項。交與該衙門遵照刪除。嗣後鄉會兩試。俱畫一辦理。○三十年議准順天鄉試及會試。自乾隆二十七年。欽頒書籍以後。內簾並無移取坊間書籍之事。嗣後將考官移取坊間書籍之例。永行禁止。至試題舊文。考官平日博覽難周。士子記誦鈔寫。無由覺

察。或至倖邀取中。轉無以重遴選而別真才。仍按題移取備查。如有勦襲之卷。擯置不錄。再武英殿修書處所有

欽頒順天鄉闈書內。資治通鑑綱目康熙字典原板。尚不存該處。應聽各省自行購辦外。其餘各書。由該處刷印裝潢十五分。交禮部鈐蓋印信。頒發江南等省。布政使司儲庫。屆期送內簾檢閱。事竣加謹收存。造入交代冊。如有損失。著落賠補。其紙張工價。由修書處開單。禮部行文各省。即於本年鄉試科場經費項下。酌量撥解歸款。○

四十三年奏准。歷科會試。應用各項紙張。均未據報有贏餘及賸紙繳庫之事。自本科為始。交禮部堂官查覈實用確數。如有贏餘。按數歸繳。○嘉慶四年議准。科場例有禁取坊間書籍之條。嗣後將向外移取官書之事。一併永遠停止。其闈中應用書籍。或有不全不備之處。由禮部再行詳細覈明。凡有關科場者。開單行文武英殿刷印裝釘鈐印。備儲順天府及禮部。以便臨時取用。並將主考攜帶出題書籍舊例刪除。以歸畫一。隨經行文

武英殿移取三國志晉書魏書宋書南齊書北齊書梁書陳書北周書南北史隋書新唐書舊唐書五代史舊五代史宋史遼史金史元史明史鄭樵通志杜佑通典子史精華

御製評鑑闡要

御批通鑑經典釋文

日講春秋解義

欽定四書文性理精義周易述義釋史韻府拾遺綱目

三編朱子全書四庫全書總目三禮圖各二部

一分存禮部一分存順天府屆鄉會試時送聞

中備用○六年

諭御史費錫章奏本年鄉試改期九月請仿會試之例散給棉布科被一摺所奏尚是現在天氣驟涼進場士子未免禦寒無具著加恩即照所請每人給棉布科被一件以示體恤○道光元年

諭此次考試繙譯中書大興宛平兩縣辦理供給草率不堪以致內簾各官紛紛自向家中取物傳送實屬不合大興縣知縣潘勤宛平縣知縣吳承寵俱著交部議處劉鏞之申啟賢失於查察著交部察議內簾各官違例取物勢非獲已御史朱鴻業經據實奏

均著免其議處嗣後一應考試該府尹務督率所屬妥協辦理毋得仍前草率致滋弊竇○又

諭本年順天鄉試改於九月舉行其時氣候較涼著內務府查明舊存科被屆期交順天府儘數領運場內散給士子以示體恤○五年

諭將攸銛等奏京縣承辦鄉會試科場請籌加津貼一摺順天貢院辦理文鄉會試一切供給器具向由直隸藩庫地糧項下給發大興宛平兩縣分領承辦作正開銷惟需用浩繁近年物價昂貴例銷銀兩不敷若由該二縣挪移墊用易滋虧缺之弊該督等奏請

籌加津貼俾得經理裕如著照所請除繙譯及武鄉會試並各項考試均有例支正項毋庸津貼及文鄉會試科場例銷一切仍舊支領毋庸加增外嗣後准於初次鹽斤加價水利生息項下犒賞兵丁餘賸銀兩每屆文鄉試津貼銀四千兩文會試津貼銀二千兩如遇接辦恩科文鄉試酌減為三千兩文會試酌減為一千五百兩飭令大宛兩縣各半分領即自本年乙酉科為始撥給備辦此係在外不報撥之款著毋庸造冊報銷○十七年議准會試應用書籍歷年久遠間有殘缺之處應出具印文知照

武英殿補行刷印。以備闈中查閱。二十四年。裁汰散給會試士子科被。三十年定會試向例。初九十二十五等日。不進供給。初八十一十四等日。進雙供給。嗣後改於初七初十三等日。進雙供給。其初九十二十五等日供給。俱於初八十一十四日點名已畢。放進鄉試。亦照此辦理。又議准本科會試正值。

宣宗成皇帝大事百日内。所有公案旗幟。仍酌用紅色。

○咸豐八年

諭瑞常等奏遵旨查明鄉闈辦理不善各情。請分別審

訊議處一摺。此案順天府大興宛平二縣。辦理鄉闈供給。任意草率。既據查明有發價折扣情事。猶復供詞歧異。顯有需索抑勒情弊。所有該二縣經手家丁吏役。著交刑部查傳。嚴行審訊。大興縣知縣賀廷鑾。宛平縣知縣毛慶麟。應得處分。俟刑部訊明後。照例覈辦。糧馬通判蕭鼎禧。既有胞弟。應試例應迴避。乃託病告假。不肯入場。實屬取巧規避。著先行交部議處。其有無營私肥己等弊。著俟刑部訊明後。照例辦理。委員李光瀾。李建中。催辦遲延。試用府經歷潘瀄。臨期不到。治中蔣大鏞。辦理卷冊錯亂。均著交部議

處。委員蕭履中等。著吏部查取職名。一併議處。順天府府尹梁同新。身任監臨。總司場務。於派委各員。既不能詳慎於先。以致疲玩草率。種種延誤。甚至於規避不到之員。均未指名參辦。尤屬有心徇庇。梁同新著照吏部原議。降三級調用。以示懲儆。同治五年。諭嗣後每遇鄉試年分。著禮部將科場條例。及續增事宜。先期頒發各省。該提調監試房考各官。務當恪守成規。力杜關節。以副朝廷拔擢真才至意。

欽定大清會典事例卷三百六十一

禮部

貢舉

殿試

朝考

進士留京教習

殿試。順治元年。

詔以三年夏四月初一日殿試。初五日傳臚。二年定。

殿試用時務策一道。是年內三院奉

旨。今科殿試較往年更宜虛懷詳慎。一秉至公。茲命爾

等讀卷務體朕求賢若渴至意。各官所閱試卷黏貼

浮籤。止書次第。不必書各官姓名。以除師生陋習。其

各擬首卷密封進覽。恐九卿等官取卷好尚不同。爾

等仍通加詳閱。期拔真才。用光大典。十五年奏准。

自元年以來。會試中式舉人俱在

天安門外考試。嗣後改於

太和殿前丹墀考試。又題准。讀卷官由內三院

詹事府。吏戶兵刑工五部。都察院。通政司。大理

寺各衙門堂官通行開列。恭請

欽點十四員。提調用禮部堂官。監試用御史。受卷彌

封掌卷用內院侍讀學士以下禮部司官。六科

給事中。內院典籍。撰文辦事中書等官。印卷用

禮部司官。巡綽用鑾儀衛。供給用光祿寺禮部

司務等官。寫榜用內院禮部等官。又定禮部

堂官除提調外。亦准開列讀卷。又題准。先期

一日。鴻臚寺官設策題黃案於

太和殿內東旁。又設黃案一於

丹陛上正中。光祿寺備試卓於東西閣檐下。至日

早鑾儀衛設鹵簿

大駕於

太和殿前。設樂如常儀。禮部鴻臚寺官員貢士至

太和殿丹墀內兩旁排立。單名者居左。雙名者居右。王以下文

武百官各具朝服。王以下公以上在

丹陛上排立。各官在丹墀內兩旁排立。禮部鴻臚

寺官奏請

升殿。

皇帝具禮服御太和殿升座。作樂鳴鞭。內閣官於東

旁黃案上取策題授禮部官。禮部官跪受。至

丹陛上正中跪設黃案上。行三叩禮畢。禮部官舉

案於殿前左階降至丹墀。設

御道正中。讀卷官及執事各官北嚮序立。鳴贊官

贊行三跪九叩禮。次各貢士北嚮序立。鳴贊官

贊行三跪九叩禮。各分東西侍立。鴻臚寺官奏

禮畢。鳴鞭。

皇帝還宮。讀卷執事等官各歸所司房內。王以下文武百官皆退。鑾儀衛軍校舉試卓列於丹墀東西俱北嚮。禮部官散題。貢士列班跪受畢。鳴贊官贊行三叩禮。各就試卓對策畢。受卷掌卷彌封等官俱於左廡檐下收封。用箱盛儲送進。候分派讀卷官閱。是日如遇雨雪或大風。如移設試案於東西兩廡。如聖駕不升殿。王以下各官不會集。不設鹵簿。餘儀均同。

殿試後三日早。

皇帝御中和殿。讀卷各官至丹墀行一跪三叩禮。入

殿內東西序立。讀卷官居首者執卷至

御前跪讀畢。禮儀監官接卷置

御案。讀卷本官三叩興。復班立。各讀卷官以次進讀

如前儀。讀三卷畢。如奉

旨免讀。各官即執卷同至

御前跪。禮儀監官以次接卷。俱置

御案。各官三叩興。復班即退出。候

欽定試卷。

御批第一甲第一名。第一甲第二名。第一甲第三名

畢。其餘各卷發內閣官領收。

皇帝還宮。是日讀卷官將第二甲第一名以下拆卷填寫黃榜。讀卷後一日早。鑾儀衛設鹵簿

大駕於

太和殿前。王以下文武各官俱朝服侍班。各進士俱具公服。冠三枝九葉頂冠。侍立丹墀東西班末。禮部鴻臚寺官設黃榜案於

太和殿內東旁。復設黃案於

丹陛正中。設綵亭於

午門外。禮部鴻臚寺官奏請

升座。

皇帝具禮服御太和殿升座。作樂鳴鞭。讀卷執事等

官北嚮序立。鳴贊官贊行三跪九叩禮畢。內院

官自案上取榜。奉至殿檐下授禮部官。禮部官

跪接。從殿中東旁下。跪置於

丹陛正中黃案上。行三叩禮興。鴻臚寺官導引各

進士以次入拜位立。鴻臚寺官贊有

制。贊跪。各進士皆跪。鳴贊官立於

丹陛東旁。傳

制。某年月日策試天下貢士。第一甲賜進士及第。第

二甲賜進士出身。三甲賜同進士出身。贊第一甲第一名某。接傳至班內令前跪。次贊第一甲第二名某。第一甲第三名某。並令前跪。贊第二甲第一名某等若干名。第三甲第一名某等若干名畢。鳴贊官贊行三跪九叩禮畢。退立兩旁。鳴贊官贊舉榜。禮部官舉榜出。由中路奉至午門前跪置龍亭內。行三叩禮。鑾儀衛校尉舉亭作樂。行至

長安左門外張挂於長安街。狀元及諸進士等俱隨榜出。鳴鞭。  
皇帝還宮。王以下百官皆退。順天府備繖蓋儀從。送狀元歸第。越五日。狀元率諸進士上表謝恩。先期一日。鴻臚寺官設表案於太和殿檐下之東旁。是日。鑾儀衛陳設鹵簿大駕於太和殿前。王以下文武各官會集排班如常儀。鴻臚寺官引狀元奉表置於案上。退立丹墀下東旁班末。諸進士各依名次序立。皇帝具禮服御中和殿。執事各官行三跪九叩禮畢。禮部鴻臚寺官奏請

升殿。

皇帝御太和殿升座。作樂鳴鞭。王以下公以上在丹陛上序立。文武各官在丹墀內序立。鳴贊官贊行三跪九叩禮畢。鴻臚寺官引狀元及諸進士入拜位序立。鳴贊官贊跪。贊進表。狀元諸進士皆跪。宣表官於案上奉表跪宣畢。鳴贊官贊行三跪九叩禮。鴻臚寺官奏禮畢。鳴鞭。

皇帝還宮。衆皆退。如

聖駕不升殿。鴻臚寺官設表案一於午門外正中。狀元率諸進士俱朝服從

長安左門入。狀元奉表跪置案上。行三叩禮畢。鳴贊官贊跪叩興。狀元率諸進士行三跪九叩禮畢。興退。禮部鴻臚寺官奉表送進內院。次日。狀元率諸進士詣先師廟行釋菜禮。易冠服。禮部題請立題名碑於大成門外。康熙四十二年。讀卷官等以殿試卷進呈

御覽。

諭。較定前後名次。必須憑文論定。若稍存私意。人心即不悅服。况爾諸臣從考試出身。回思當日考試之時。

本心更不可失。○五十二年

萬壽恩科。定以十月初九日

殿試。○又

諭爾等大臣多係進士出身。深知文字。凡文章書法。各有所習。一覽可知。朕適閱第二卷。未及拆封。早知為南省人。昭然不爽。聞來京應試之人。將伊等所作文字。各處投送。其應開考試官。悉令寓目。以博己之聲名。以求人之採取。爾等場中閱卷。當一秉虛公。略無私意。始稱厥職。○五十三年議准。

殿試登科錄內載

御製策題。○雍正元年。

恩旨開科。議定以十月二十七日

殿試。其甲辰正科之

殿試。於二年十月舉行。○又

諭今年殿試。天氣已寒。諸貢士若照舊例在丹墀對策。恐硯池冰結。難以書寫。著在太和殿內兩旁對策。再傳諭總管太監。多置火鑪。使殿內和暖。諸貢士得盡心作文寫卷。○又

諭前會試舉人已經中式者。除過犯黜革外。其有因殿試謄錄錯誤不合體式。及有事故不得考者。著禮部

覈實。准其再行殿試。○又定。

殿試後三日讀卷。讀卷後一日。

皇帝御殿傳臚。鴻臚寺宣

制。一甲三名

賜進士及第。二甲

賜進士出身。三甲

賜同進士出身。張挂黃榜於

長安左門外。○又定。傳臚後。狀元率諸進士上表

謝

恩。擇日狀元率諸進士詣

先師孔子廟行釋菜禮。易頂服。○二年

諭殿試舊例。俱在太和殿丹墀下。上年因天氣寒冷。著

在太和殿內考試。明日看天氣和暖。仍在丹墀下。若

天氣寒冷。著在殿內。將此交與禮部兩處豫備。○又

諭進士題名碑。始於唐時。新進士榜後於慈恩寺塔下

題名立碑。自宋明以至我朝。皆建碑於國學。按諸進

士甲第先後。刻姓名籍貫於上。凡所以重科名也。今

太學

聖廟戟門外。所立本朝歷科題名碑。自順治丙戌科起。至康熙戊戌科而止。考會典。諸進士釋菜後。禮部



題請工部給建碑銀一百兩。交與國子監立石題名。康熙三年。輔政大臣裁省此典。其每科皆諸進士捐資立石。我國家振興文教。凡鄉試會試。動用帑金數萬。朕即位之始。即開恩科。誠以科目一途。實用人取士之所繫。題名之典。豈宜遺缺。著工部動用正項錢糧。令國子監將雍正癸卯甲辰兩科題名碑記。即行建立。康熙辛丑科亦行補建。嗣後每科仍照舊例題請。庶士子觀覽此碑。知讀書之可以榮名。益勵其自修上達之志。○乾隆二年

諭新科進士。著總理事務王大臣驗看。分別三等具奏。

候朕親加揀選。○四年

諭向來新科進士於殿試之前。有呈送頌聯之陋習。近來此風又覺漸熾。夫士子進身之始。即從事於請託奔競。則將來服官。尚安望其有所樹立。以備國家之用。而大臣等亦宜清白乃心。絕請託之私。為國家培真材。著該部出示通行曉諭。嚴加禁止。倘有違旨仍蹈故轍者。經朕訪聞。或科道官員參奏。必將與受之人。一體從重治罪。○又

諭向來殿試策中皆用頌聯。以致士子得以豫先撰擬。分送請託。致滋弊端。况士子進身之始。即習為獻諛。

之辭。尤非導之以正。古人對策中無此體裁也。今當殿試之期。朕親製策問。不拘舊式。以免諸生豫先揣摩。諸生策內不許用四六頌聯。但取文理明通。敷陳切當。不必泥於成格。限於字數。此次試期已近。儻有不畫一之處。亦不必以此為去取。將來如何酌定款式。著大學士九卿會議具奏。欽此。遵

旨議定。嗣後各省學臣廣行曉諭。凡士子皆當取歷朝流傳誦習之文。奉為成式。如漢之晁錯。董仲舒。唐之劉蕡。宋之蘇軾。雖文字長短不同。要皆條對明切。古茂博暢。服習既久。規矩在心。對策時自必斐然可觀。再

殿試試卷。舊無橫格。嗣後貢士等果有通達治體學問淹通者。聽其發揮。不必限以字數。惟最長者亦必以千字為率。不及千字者。不得為入式。至於四六頌聯。並一應膚泛套語。概不准復用。其前幅策冒十四行。後幅空白十四行。原非古式。不必拘泥。惟承問逐條詳對。起處仍書臣對。臣聞字樣。訖處仍書臣草茅新進云云字樣。以昭畫一。○又奏准舊例補行

殿試之卷。例不進呈。以杜規避。其中丁憂服闋補

試者。原無情弊。嗣後凡補行

殿試人員。除從前告病有涉規避者。仍照舊例辦理外。丁憂服闋補試者。毋庸分別。○七年

諭。嗣後殿試傳臚。著滿鳴贊官宣制唱名。漢鳴贊官不必宣制唱名。○十年

諭。向來會試之期。在二月。則三月發榜。四月初開殿試。雍正五年。乾隆二年。會試改期三月。則四月發榜。五月初開殿試。朕思五月天氣漸熱。向改殿試之期者。因三月會試。乃偶一舉行之事。今三月會試已著為定例。則殿試之期。自應酌量變通。著自今科為始。於四月二十六日殿試。五月初一日傳臚。該部即通行曉諭知之。○二十五年

諭。廷試士子。為掄才大典。向來讀卷諸臣。率多偏重書法。而於策文。則惟取其中無疵類。不礙充選而已。敷奏以言。特為拜獻先資。而就文與字較。則對策自重於書法。如果文藝醇茂。字畫端楷。自屬文字兼優。固為及格之選。若其人繕錄不能盡工。字在丙而文在甲者。以視文字均屬乙等。可以調停入彀之人。自當使之出一頭地。況此日字學稍疏。將來如預館選。何難臨池學習。儻專以字進退。兼恐讀卷官有素識貢

士筆迹者。轉以藉口滋弊。非射策決科本義也。現在定例擬選十卷進呈。須俟引見始定名次。衡文尚待觀人。而閱卷時竟先抑文重字可乎。又向來讀卷官雖例不回寓。然皆各覓公所散住。地非鎖院。人得自由。在監試王公大臣等。既不能各分一員同居糾察。而讀卷諸臣從容退息。亦何不可遣人回家。潛通消息者。此而置之不問。則凡鄉會試之設法關防。又何取焉。且試策不過一二百卷。以十四人公閱。即一二日亦可竣事。乃遲至三五日始行進呈。晨集暮散。輾轉需時。於形迹尤為未協。著大學士九卿等將嗣後讀卷官如何參覈文字。務令取擇適中。並作何住居監察。剋期竣事之處。一併詳悉議奏。欽此。遵

旨議定。嗣後

殿試卷。除條對精詳。楷法莊雅者。儘登上選外。其有繕寫不能甚工。而援據典確。曉暢時務。即為有體有用之才。亦應列為上卷。若敷衍成文。全無根據。即書法可觀。亦不得充選。嗣後讀卷大臣。俱在文華殿閱卷。歇宿處所。即於文華殿兩廊。並

傳心殿之前後房間。令讀卷官及監察之王公大臣科道收掌等官一同住宿。自閱卷以後。其門上啟閉。交與

景運門護軍統領派撥護軍管理。又每科

殿試不過二百餘卷。舊例用十四人讀卷。量行裁

減六員。派用八員。其執事人員。除監試御史仍

用四員外。收掌官向用十員。亦減作四員。足資

辦理。再本年

殿試。改期於五月初六日舉行。初七初八日閱卷。

初九日拆卷進呈。帶領擬定十卷貢士引

見。初十日傳臚。庶剋期竣事。不致輾轉需時。○又奏

嗣後

殿試。仿照內場監試之例。於閱卷日請

旨。派王公大臣及科道官員監試。不與文字之優劣。

專察閱卷之情形。有無認識筆迹。以及爭執名

次之弊。至閱卷擬定十名後。讀卷官會同監試

拆去彌封。不得復行更調。至進呈之日。即將十

名帶領引

見。恭候

欽定甲第。仍於次日傳臚。奉

旨。殿試擬定十名。於傳臚前一日進呈。即於本日帶領引見。○又奏准。每科

殿試讀卷派用八員內

欽簡大學士二員。其餘六員。照會試總裁之例。將應

行開列人員具疏題請。○二十六年

諭。廷試為策士鉅典。上年因朱崧條奏。令讀卷官會集

文華殿悉心校閱。其制已為周備。因思諸臣讀卷。向

俱各加圈點。分別標識。其間即各有參差。不過如上

之適中。中之適下。品題不無互見。當不至相去懸絕。

其或相去懸絕者。必各存成見。有高下其手之弊。應

自本科為始。俟傳臚事竣。禮部即將讀過試卷。請旨

另派大臣復行察看。如有標識懸絕者。即行揀明進

呈候旨。庶諸臣不敢稍以私意抑揚。鑑別益昭公慎。

又讀卷官所進策目問條。向有由內閣豫擬之陋例。

漏洩揣摩。不可不防其弊。應一概禁止。屆期令讀卷

官密擬策問進呈。候朕裁定。發齊刊刻。著為令。○又

奏准。四月二十日以前磨勘。前後事宜。俱可完

竣。四月二十一日

殿試。二十五日傳臚。○又議准。嗣後每科進士題

名錄。於

殿試之後。將金榜通行知照各省藩司。留為案據。  
○二十八年奉

旨。嗣後進呈殿試十卷。不必豫拆彌封。候朕閱定後。再行按名傳齊帶領引見。○三十六年奉准。嗣後

殿試受卷官改十員為四員。彌封官改十二員為

六員。印卷官改四員為二員。填榜官改十八員

為十二員。題派時惟將各項執事應用員數。分

別請

旨。其聲明各衙門應用幾員之例。概行停止。至各項執事。有應用禮部筆帖式者。由禮部酌量委用。

毋庸一體開列。以符體制。○四十三年奉准。上

年酌定禮節單。有二十七個月內傳臚不

升殿一條。惟

殿試傳臚。係屬鉅典。所有本年文武

殿試傳臚

升殿。仍應照舊舉行。樂則設而不作。俟

命下。即將現在應行事宜。交該部照例題本。○四十

六年

諭。向來殿試新進士。有至次早始交卷者。雖伊等草茅新進。對揚之始。未免矜持。但考試繼燭。最滋弊竇。至

於連宵達旦。則更長人倦。防閑更未能周。且朝考例作四題。尚不過日入完卷。而殿試對策一道。窮日之力。寫作已可從容。何必焚膏繼晷。始得成章乎。况殿廷重地。尤宜謹慎。嗣後殿試交卷。至遲亦以日入為度。不得仍准繼燭。其不能完卷者。仍准列入三甲末。士子等各宜自勉。以副朕剔弊遴才之至意。○四十八年奉

旨。殿試內閣刊刻題紙時。著派護軍統領一員。帶領護軍校等。在彼嚴密稽查。著為例。○又議准。

殿試策草本。由禮部辦理給發。將應用一定款式。

開載明白。鈐用印信。與正卷一同散給。其有復

帶坊間草本。查出以夾帶論。完卷時交禮部堂

官會同監試御史收卷官查收。別行封固收存。

臚唱後。交察看標識大臣。一併查覈。再向來

殿試正卷式樣甚長。字體亦大。士子書寫不易。每

至次早始能交卷。前歲欽奉

諭旨。殿試以日入為度。不准繼燭。士子等草茅新進。或

轉因趕緊繕寫。以致潦草塞責。請將卷式照翰

林散館試卷式樣。字體略小。繕寫稍易。庶足以

盡士子一日之長。○又議准。嗣後

殿試讀卷大臣務取文理明通。其有泛寫套語。不准濫置前茅。後幅空白十四行。一併申明定例。不必限於字數。其有條對詳明篇幅充暢者。固不必繩以字數之多。即或言簡意該指陳切實者。亦不必斥其字數之少。但不及一千字者。仍以不入式論。○又議准。嗣後

殿試前士子撰擬策冒。先期分送請託之弊。嚴行杜絕。違者查出嚴加治罪。○又議准。

殿試士子有由中書及各館謄錄中式者。往往即在內閣

國史館等處住宿。恐有囑託探聽情弊。嗣後由各該管官於

殿試前詳細稽查。除各該處應行直宿官役外。僅有中式舉人在內私自住宿者。查出即行參奏。交部治罪。○五十二年奏准。嗣後

殿試於卷後彌封之外。列讀卷八人之姓。就卷標識。不用浮籤。庶免移換之弊。○五十三年

諭殿試朝考散館大考試卷。令監試大臣逐卷畫押。以作標記。○五十四年

諭新進士殿試。著在保和殿考試。所有豫備茶水等事。

不必護軍校尉人等伺候。即照正大光明殿之例。令太監等經管。光祿寺亦毋庸豫備飯食。朝考即照此辦理。○又議准。此次改於

保和殿殿試。令校尉代攜考具。送至殿內即行退出。仍於

昭德門

貞度門外候接。其在外巡查護軍。仍照向例辦理。向來派隨新進士護軍。毋庸派撥。○嘉慶四年奏准。四月二十五日。

聖駕不升殿傳臚。仍照例設黃案一於

太和殿丹陛上正中。備雲盤黃蓋於

丹陛下。設龍亭於

午門外。讀卷執事各官。照本年議定常朝坐班例。均補褂朝珠。新貢士均常服會集。屆時。內閣學士奉黃榜安設

丹陛上正中黃案上。鴻臚寺官引讀卷執事各官

暨新貢士。於丹墀內按班排立。不贊。行三跪九叩禮。禮畢皆退。禮部堂官進。就榜案前跪。行三叩禮。奉以興。降自中階。以雲盤承榜。導以黃蓋。由

太和門

午門各中門出懸

長安左門外。○又奏准。本年四月初八日欽奉

恩詔。會試文武舉人已經中式者。除過犯黜革外。其有殿試謄寫錯誤不合體式者。禮兵二部查明覈實。准其再行殿試。欽此。遵

旨查明乙卯丙辰二科會試。有因磨勘覆試罰停

殿試者。准予一體寬免。○八年奏准。

殿試卷尾。書寫草茅新進字樣。今宗室人員應試。

加以草茅二字。未為妥協。若僅將宗室卷換易

字樣。又恐易於識認。嗣後貢士

殿試卷尾。草茅新進字樣。一體改為末學新進。以

符體制。○十三年議准。新進士

殿試。凡應行執事人員。由禮部先備名冊。知照直

日護軍統領。於諸貢士點名放入後。一同隨進。

事畢即行退出。如有冒充執事官。以及事畢有

意逗遛者。聽監試御史查參。儻監試官有意徇

縱。及護軍統領有濫行放入情事。並聽監試王

大臣一併參處。即由監試王大臣。於每門分派

侍衛一員。眼同護軍嚴禁出入。用昭慎密。○十

九年奏准。嗣後

殿試各卷。讀卷官圈點。均於策尾空幅背面記認。以昭畫一。○二十四年

諭。殿試朝考。應行與考之貢士進士等。例不准在紫禁城內住宿。其無職事人員。於是日更不應至太和門左右掖門探伺。嗣後著直班護軍統領及稽查御史嚴行查察。如有違令者。據實糾參。○道光二年

諭。嗣後宮廷考試。唱名散卷。並令承辦衙門堂官一人。在彼看視。與考人員領卷後依次而入。不得前後參差。直宿之前鋒護軍統領。當認真稽查彈壓。毋任送

考人員闖入。如有不遵定制。凌躐喧呶者。著承辦衙門堂官及管門之大臣。據實指名參處。其進至禁門有干功令者。著監試王大臣即行參辦。以昭嚴肅。○

五年奏。都察院筆帖式議敘堂主事中式癸未科貢士麟魁。可否暫停銓選。奉

旨。麟魁著暫停銓選。俟明歲補行殿試引見後。再行照例辦理。○六年奉

旨。托津等奏。殿試試卷內。有一卷將首頁誤行彌封。著交吏部查取彌封官職名。照例議處。○又

諭。本科殿試及新進士朝考。開列讀卷閱卷銜名。除公

共應行迴避向不開列各員外。其有本員聲明迴避及宣旨之日。適值進班出班者。均著另單開寫。詳註緣由。一併呈覽。嗣後即照此辦理。○九年覆准。

殿試讀卷大臣。並無迴避會試同考官之例。其讀

卷堂銜。仍應一體開列。○十二年奉

旨。嗣後凡遇各項考試。該承辦衙門。務飭承辦司員。親自照料。不得僅派書吏。以昭詳慎。○十三年

諭。本日殿試新進士前十本進呈。經朕親定。已拆彌封

填寫名次矣。其餘二甲三甲進士卷。著原派之收掌官四員。在內閣嚴密關防。並著監試御史各二員。每

日輪流在內稽查。不許豫先宣洩。俟二十九日前十名帶領引見後。再行拆閱彌封。填寫金榜。○又奏准。

本年恭應

殿試諸貢士。五月初二日應

賜恩榮筵燕。係齋戒期內。照例停止。至狀元上表謝恩。並於

午門前頒

賞諸進士表裏。請於初二日舉行。其恭詣

先師孔子廟行釋褐禮之處。另行擇日辦理。○又奉

旨。此次新進士謝恩。狀元著穿補服。諸進士等緯帽常

服。其餘執事人員。均著緯帽常服。不挂珠。所有狀元衣帽等件。及諸進士表裏。著照例頒賞。○十五年

諭。嗣後新貢士覆試殿試朝考閱卷讀卷大臣。除本身有例應迴避者。仍照向例迴避外。其本科正副總裁知貢舉禮部堂官。均著一體開列。○十六年

諭。禮部等奏一甲三名進士蘇敬衡傳臚時。並未到班各摺。蘇敬衡著交部察議。○二十一年奉。本年係閏三月。請定本科

殿試

升殿傳臚各日期。奉

旨。本科會試中式貢士。著於四月二十二日殿試。朕於二十五日升殿傳臚。○二十四年

諭。此次殿試。著派護軍統領玉明珠勒亨在中左中右兩門認真稽查。當日分散題紙後。所有差使人員。一併散出。除校尉人等。應代攜考具。隨同士子出入外。其餘官員閒雜人等。一概不准擅入窺探。如有不遵法令私進禁門者。即行指拏。交刑部治罪。嗣後每遇殿試朝考。均著該部先期奏派護軍統領二人。在該二門專司稽查。○又議准。分發江蘇知州魏源。由候補內閣中書會試。中式貢士後。因磨勘停

殿試一科。嗣於江蘇捐輸議敘案內分發到省。准由江蘇巡撫於會試前確查。如未委署地方。即聲明給咨赴部補行。

殿試。二十七年奉

旨。卓秉恬奏。昨日升殿傳臚。遲誤未到。自請議處。並據連貴奏稱。因卓秉恬屆時未至。不揣冒昧。敬謹代為奉榜等語。升殿大典。禮儀攸關。卓秉恬遲誤未到。著交部照例議處。禮部侍郎連貴。因卓秉恬遲誤。代為奉榜。尚知大體。著交部議敘。三十年奏准。將向例刷印之對策款式副本。另行刊刷。於貢士納卷

時。人給一紙。令其敬謹遵照。咸豐十年

諭。此次殿試新進士前十名。著於本月二十七日。在圓明園由讀卷大臣帶領引見。二十八日。朕御正大光明殿傳臚。一切典禮。均著照太和殿豫備。是日執事及謝恩人員。俱著穿蟒袍補褂。又

諭。此次殿試新進士前十卷。著讀卷大臣於本月二十四日。在圓明園拆封。其餘二甲三甲卷。著派收掌官在內閣嚴密關防。監試御史輪流稽查。毋許宣洩。俟二十七日前十名新進士引見後。再行拆閱彌封。同治元年奏准。本年四月二十五日。係崇上

兩宮

皇太后尊號徽號。恭進

冊

寶之期。所有本年會試中式貢士。改於四月二十九日。欽派讀卷官恭擬

制策。五月初一日

殿試。初二三等日讀卷官閱卷。初四日帶領前十卷貢士引

見。初五日在

太和殿傳臚。又議准。嗣後

殿廷考試。所備空白試卷。不得過十本。如實有損壞墨汙及行款錯誤題字錯落等項。由監試王大臣查明無關弊竇者。准其更換。其有筆誤數字及書寫已過半幅者。概不准換。以示限制。二年奏准。貢士朱熙宇等罰停

殿試。經戶部奏准。准其恭應

殿試。惟係捐免罰科。仍照補行

殿試之例辦理。以示區別。七年議准。已革貢士

陳倬。於

殿試時懷挾斥革。其捐復原資之處。應毋庸議。



光緒元年

恩詔。會試文武舉人已經中式者。除過犯黜革外。其餘殿試謄寫錯誤不合體式者。禮兵二部查明覈實。准其再行殿試。○又

諭。御史張道淵奏。殿試交卷遲延。請旨嚴禁一摺。嗣後著監試王大臣等留心稽查。總以日暮為度。其不能完卷者。不准攜至中左門補寫。所有畫押標記。視卷內書至何處。即於何處標畫。以杜弊端。若時刻尚早。該王大臣等亦不得遽行撤卷。用副朝廷慎選人才至意。○二年

諭。御史樓譽普奏。風聞本年考試。試差人員。有分帶佩文韻府。進內檢查詩題出處者。飭部明定檢校章程等語。嗣後殿廷考試。著派出之監試王大臣。嚴行稽查。不得視為具文。所請明定檢校章程之處。著毋庸議。○三年

諭。殿廷考試。宜如何整齊嚴肅。謹守禮法。乃本年殿試。竟有貢士爭取題紙。任意喧譁。實屬不成事體。嗣後著禮部先期出示曉諭。務期恪遵功令。毋許再蹈故習。如有不守規矩者。即著指名嚴行參辦。

○五年奏准。嗣後

殿試。仍懷遵光緒三年

諭旨。先期出示剴切曉諭。並摘要刊刷。於各貢士納卷時。人給一紙。俾知定例森嚴。敬謹恪守。再由禮部屆期知照監試王大臣。認真彈壓。如有不遵功令。爭取題紙者。立將試卷扣除。指名奏參。嚴行懲辦。○六年覆准。

殿試

制策題紙。應由讀卷大臣。於二十日飭令匠役刊刷完竣。二十一日黎明時。由內閣官奉至保和殿恭設。每十張為一封。以便易於分給。○又

議准。嗣後

殿試。仍由監試御史認真稽查。交卷以日入為度。不准將未完之卷。攜至

中左門補寫。其逾限交卷者。受卷官會同監試御史另行存記。封送彌封後。仍由彌封官另行封送收掌官。轉送讀卷大臣。照不完卷例。附置三甲末。如受卷官於日入後所收試卷。並不會同識別。徑送彌封者。即由監試御史奏參。交部從嚴議處。儻監試御史扶同瞻徇。並彌封收掌等官。不另行封送者。亦照例議處。○九年議准。嗣

後

殿試受卷彌封處所。仍照例設於

中左門外。所有各貢士交卷。仍以日入為度。除准

其將草本自行攜出。交禮部司官會同監試御

史受卷官收受外。其正卷送令監試王大臣畫

押後。即援照鄉會試覆試優拔生

朝考成案。由監試王大臣查收。不准該貢士等自

行攜出。俟諸貢士淨場後。監試王大臣將所收

試卷。彙送受卷官點檢接收。轉送彌封。如因試

卷未完。出場補寫。由監試王大臣於覆

命摺內聲明。並知會受卷官等查明係何姓名。俟補

交時。於卷面註明補交字樣。知照讀卷大臣。附

入三甲之末。仍由受卷官等開具姓名。知照禮

部。照不諳禁令例罰停

朝考三科。所有派出之監試御史。於貢士淨場後。

即在受卷彌封處。輪流認真監視。如有向受卷

彌封處查閱試卷。該受卷彌封官執行檢付者。

據實參處。儻監試御史扶同徇隱。別經發覺。亦

一併交部議處。

朝考。雍正元年

諭。新科進士於引見之前。先行考試。知其學問。再行引

見。選拔庶人才。不致遺漏。考試題目。將詩文四六各

體出題。視其所能。或一篇。或二三篇。或各體皆作。悉

聽其便。乾隆六年覆准。嗣後新進士

朝考坐次。令監試王大臣臨期酌派。詩韻不准自

帶。以

武英殿本給發。三十六年奏准。鄉會科場及各

項考試。嗣後各遵定式。排律止賦一首。以肅成

規。而符體制。嘉慶二十二年

諭。向來新進士朝考。以論詔疏詩四項命題。其詔題多

係擬古。朕思士子文藝。試以論疏詩三項。其優劣已

可概見。擬作古詔。不過臨時強記。敷衍成篇。况可擬

古詔。本屬無多。歷科命題幾徧。嗣後新進士朝考。著

裁去詔一道。以論疏詩三項命題。著為令。二十五

年

諭。每逢考試。私送詩片。朕所素知。此即係營求囑託。自

應嚴行禁止。覆試朝考閱卷在邇。儻有私送詩片之

人。立即指明參辦。以杜鑽營。道光二十一年奉

旨。嗣後新進士朝考閱卷。著照覆試之例。擬定一二三

等進呈。同治元年奏准。本年新進士

朝考。改於五月初八日舉行。

進士留京教習。康熙五十一年

諭考取進士。除選庶吉士外。其餘挨次續補縣令。俱有刑名錢穀之責。未登仕前。不知事宜。仕時安有裨益。今歲進士。毋令回籍。交禮部選翰林院內學優品端者數人。教習文藝。從事典禮。如有纂修之事。令伊等纂修。每進士一名。月給銀三兩。有患病告假。丁憂終養等項。仍照例給假。其才力不及者。教習官題參行革。優長者。不拘科分名次。即行升補。平常者。三年滿日註冊。俱令歸籍候缺補用。○又獲准。教習進士。頒

發

御製詩集

御批通鑑古文等書。撥給內務府所存房舍開館。禮部

翰林院分派人役四名看守。每遇大朝之日。令進士隨現任官員班末行禮。以觀大典。○雍正元年。停止教習進士。

欽定大清會典事例卷三百六十二

禮部

貢舉

賜燕 重赴鹿鳴 貢燕

賜燕。凡會試出闈。筵燕之禮。揭曉翼日。本部司官朝服偕集。視設席。堂後楣。設主考官。知貢舉。監場副都統席。同行。前楣。設本部尚書侍郎席。同行。與主考官等席上下相嚮。每員上席一。堂左右。設同考官監試。監場參領。及本部執事司官席。均中席。收掌外簾四所官席。均下席。露臺左右。設鳴贊。醫官。監門。巡綽等官席。均下席。均重

集

行相嚮。設香案。露臺前嚮。主考以下官咸朝服

集

午門外。候宣

旨後。咸集於金水橋。少坐。候席備。本部司務廳官詣請赴燕。主考各官詣部。由中門入。主席迎於堂。檐下拱揖。鴻臚寺鳴贊官引至香案前。鳴贊官夾案立。贊排班。贊跪叩興。眾北面。望

闕行三跪九叩禮。畢。乃升堂。和聲署樂作。儀制司官分主考官同考官表幣。精膳司官分銀花。光祿寺官奉壺爵。尚書立揖。酌酒三。偕眾堂官揖

主考官就位。送酒。以次送知貢舉。副都統。光祿寺官分送同考以下各官。主考答送本部各堂。官酒徧。依次就席。光祿寺供饌燕畢。各官起席。徹鴻臚寺官仍引詣香案前行一跪三叩禮。各官退。官卑者前行。同考以下。二門外上輿。本部尚書侍郎送主考檐下上輿。又

殿試後

恩榮燕。傳臚翼日。露臺上望。

闕設香案。司官朝服視設席。堂後榻設主席大臣。席於正中。讀卷官鑿儀衛使席於左右。同行前

榻設禮部尚書侍郎席。同行與主席大臣等席。上下相嚮。均每員上席一。受卷彌封。收掌監試。護軍參領填榜印卷。各官席在堂左右。供給官席在露臺左。鳴贊官席在露臺右。相嚮。均二員。共上席一。一甲進士在供給官西。宗室進士在一甲進士西。少南。二甲第一名。三甲第一名。在宗室進士西。少南。均北嚮。各中席一。餘進士席露臺下。左二甲。右三甲。相嚮。均二人。共中席一。主席大臣各官朝服集金水橋。請進士集於部。以俟。席備。光祿寺官屬請金水橋。請赴燕。主席

大臣各官詣部。禮部尚書侍郎迎檐下揖。鴻臚寺鳴贊官引主席等官暨諸進士詣香案前。贊排班。贊行三跪九叩禮。畢。升堂。旅揖。儀制司官請簪花。精膳司官視席。和聲署樂作。序班引一甲進士至堂檐下。東面立。諸進士序立於後。向主席大臣四拜。後兩拜。主席官答揖。次拜讀卷官。禮部堂官鑿儀衛使如之。次拜執事官再拜。執事官答再揖。畢。主席出堂檐前立。光祿寺官奉壺注酒於爵。主席受爵。西嚮揖。酌酒三。授虛爵。光祿寺官復注酒。授一甲進士。一甲進士受爵。揖。立飲。卒三爵。凡三揖。主席答揖。復位。各官

就坐。諸進士咸就位坐。乃燕。和聲署升歌。啟天門之章。光祿寺官行酒供饌如儀。燕畢。各官出席。席徹。鴻臚寺官引主席等官及諸進士詣香案前。行一跪三叩禮。衆官退。送如初。迎禮。諸進士皆隨出。○順治二年定會試。正副主考官。二月初六日入場。於午門前行禮。赴禮部簪花筵燕。各給表裏二端。出場次日。行禮簪花筵燕如前。直省鄉試與會試同。○四年題准會試。主考各官入場赴部筵燕。

一次暨出場主考知貢舉禮部堂官同考官監  
試御史提調各執事官筆帖式四所官守門巡  
緝供給鳴贊醫官大使赴部筵燕一次。○十五  
年定。

殿試傳臚後三日。

賜恩榮燕於禮部。

欽命內大臣一人主席讀卷執事各官並進士皆簪

花教坊司承應。雍正年間  
改和聲署。○康熙三年題准會

試主考等官於

命下日即入場停止行禮筵燕。○十四年題准會試

出場次日考官照常行禮筵燕一次餘俱停止。

○二十三年題准鄉會試入場出場簪花筵燕

及入場給表裏俱照舊例舉行。○六十年議准

現因祈雨齋戒傳臚後停止筵燕。○雍正五年

定傳臚後

賜恩榮燕於禮部主席內大臣一人讀卷官提調官

鑾儀衛堂官監試官彌封官收掌官供給官填

榜官護軍參領鳴贊暨諸進士皆與。○七年議

准考官簪花筵燕該衙門派官專司其事凡吏

役從人不許擁擠上堂爭取餽饌如有翫法擁

擠者即行拏究監試御史將該管官指名題參

照約束不嚴例議處。○八年覆准新中舉人止

許榜下赴燕用鼓樂迎導外餘日概不得濫用

新中進士其旗杆禁刻龍虎等形至進士舉貢

等扁額凡有新中者除本家釘挂外其同宗通

譜之家一概不得釘挂違者許該州縣官申報

督撫學政指名題參。○乾隆二年議准現值祈

雨齋戒會試筵燕照例停止。○十年題准傳臚

後適值禮部興工修葺其本科

恩榮燕改於翰林院陳設。○二十八年覆准本年八

月初七日祭

社稷壇自初四日為始致齋三月初六日正值齋戒之

期所有本年文鄉試主考等官赴順天府上馬

筵燕應行停止。○二十九年

諭據御史喀爾崇義奏此次筵燕大臣所派護軍參

領並不嚴加管束一任不肖之徒擅將食物搶取請

將護軍參領交該部照例察議等語筵燕典禮攸關

所派護軍參領理宜加意管轄乃並不嚴加約束以

致搶取食物殊屬非是著將派出之護軍參領等交

領侍衛內大臣嚴加察議向來凡升殿及豐澤園大

筵燕。朕俱特派王大臣照料管理。此等雖係尋常筵燕，亦當一體派員管理。嗣後遇有筵燕，著該部將八旗護軍統領職名進呈，候朕特派一員，令其管束。所派護軍統領，即率該管之護軍參領妥協看管。儻再行疏懈，朕惟派出之護軍統領是問。三十年議准。各省鄉試賓興筵燕，向皆設於布政使司。嗣後改設巡撫衙門。惟江南鄉試監臨，係上下江巡撫每科輪直巡撫衙門與貢院不同城，仍照舊設燕公所，以巡撫主其事。三十九年奏准，禮部筵燕，早隸跟役以及轎夫人等，人數太多，不免混雜。令該衙門酌派能員，隨同派出大臣管束，更屬得力。凡遇筵燕，俱照此辦理。四十年奏准，酌定卓張數目。入場出場筵燕，總以一百張為定。內應設上等卓，正副考官四張，知貢舉一張。今改設副都統二張，禮部滿漢堂官四張，共十一張。每筵各隨二兩重銀花一對。應設二等卓，監試官十張，執門筆帖式一張。今同考官十八張，參領遊擊等官五張，提調官二張，造冊官一張，供給燒煙所官一張，漢本房官一張，筆帖式一張，滿檔房官二張，筆帖式二張，儀制司

滿漢官四張，筆帖式二張，精膳司滿漢官四張，筆帖式二張，司務廳官二張，筆帖式一張，光祿寺官二張，筆帖式一張，共六十二張。每筵各隨一兩重銀花一對。應設三等卓，外廉官十八張，監門官二張，巡綽官二張，醫官一張，鴻臚寺鳴贊官二張，內外供給委官一張，率領署史官並會同館大使鑄印局大使合一張，共二十七張。例無銀花。以上按數統計，應設卓筵一百張。嗣後凡遇入場出場筵燕，遵照辦理，不得過一百張之數。四十二年奏准，本年各省鄉試停止筵燕。考試等官及新中舉人，應給金銀花杯盤披紅綉緞，並給予舉人綵旗綉緞等項，概行停止。其應給舉人頂戴衣服，仍照舊例辦理。至戊戌科會試，所有給予考官等銀花表裏殿試給讀卷官等暨諸進士綵花，狀元銀花，亦與筵燕一同停止。其應給狀元朝冠鞞帶，及諸進士表裏等項，仍照舊例辦理。四十四年覆准，順天鄉試，所有給予主考等官金銀杯盤聘緞，並舉人銀花綵旗等項，俱由順天府支領直隸藩庫銀兩，委員造辦頒發。五十九年議准，入

闈及揭曉次日筵燕。新例藩司會同提鎮監臨。應令提鎮一體與燕。惟駐紮不在省城業經出闈回任者。揭曉後筵燕毋庸復與。○嘉慶四年奏准。己未科會試。庚申科鄉試。停止筵燕及花紅旗繖等項。舉人仍頒給頂戴衣服。進士仍頒給表裏。均照乾隆四十二年之例辦理。○二十二年

諭昨降旨令鄉會試考官同考官。於宣旨後即由午門徑行入闈。所有上馬燕。著永遠停止。其恩賞考官同考官金花表裏杯盞等件。會試由禮部派員。鄉試由

順天府派員。齋至午門前。宣旨後按名賞給。其出闈後恩榮鹿鳴二燕。仍照舊例行。○道光元年奏准。本年各省鄉試。停止筵燕。所有花紅旗繖等項。均照嘉慶五年之例停止。至壬午科鄉試。亦照此行。○十三年奏准。本年五月初二日

恩榮燕。正值齋戒期內。照例停止。○二十年奏准。本年會試。所有考官及新進士筵燕。概行停止。其銀花表裏等項。仍照例分別按名給發。○又覆准。本年殿試後狀元率諸進士。及繙譯進士。赴

先師孔子廟。釋褐行禮。係在

恩榮燕之後。所有狀元率諸進士筵燕。花紅。仍照常

舉行。鼓樂應行停止。○二十九年覆准。本年八

月初七日祭

夕月壇。自初五日為始。致齋二日。初六日正值齋戒

期內。所有鄉試入簾上馬燕等項。照例停止。○

咸豐五年奏准。本年乙卯科各省鄉試。停止筵

燕及花紅旗繖等項。至新中舉人。例給頂戴衣

服。照乾隆四十二年成案辦理。○十年奏准。本

年五月初一日。係齋戒期內。所有

恩榮筵燕。改於五月初四日舉行。○十一年奏准。本

年辛酉科各省鄉試。停止筵燕及花紅旗繖等

項。均照乾隆四十二年成案辦理。○同治元年

奏准。本年壬戌科會試。所有考官及新進士筵

燕。概行停止。其銀花表裏等項。仍照例分別按

名給發。○又奏准。本年壬戌科各省鄉試。停止

筵燕及花紅旗繖等項。至新中舉人。例給頂戴

衣服。仍照乾隆四十二年成案辦理。○光緒元

年奏准。本年乙亥科各省鄉試。停止筵燕及花

紅旗繖等項。均照乾隆四十二年成案辦理。○

二年奏准。本年丙子科各省鄉試停止筵燕。照乾隆四十二年成案辦理。○八年奏准。本年壬午科各省鄉試停止筵燕。照乾隆四十二年成案辦理。○九年奏准。本年癸未科會試。所有考官及新進士筵燕。概行停止。其銀花表裏等項。仍照例分別按名給發。  
重赴鹿鳴燕。○乾隆三十九年奏准。順天府在籍前任同知孟瑋。係康熙甲午科舉人。重與鹿鳴筵燕。○四十八年奏准。江西在籍前任知縣康定遇。係雍正癸卯

恩科舉人。重與鹿鳴筵燕。○五十四年

諭據諱尚忠奏雲南石屏州舉人賽璵。係雍正己酉科鄉試中式。曾任四川知縣。現年九十二歲。本年又屆舉行己酉科鄉試之期。請重赴鹿鳴筵燕等語。賽璵係前己酉科中式舉人。今重赴己酉科鹿鳴筵燕。洵屬儒林盛事。允宜特沛殊恩。用彰昇平人瑞。賽璵著加恩賞給進士。並著俟年屆百歲時。該省督撫再行奏聞。候朕另降恩旨。以示壽世作人。加惠耆齡。至意。○又奏准。河南前任學正紀昉。係雍正己酉科舉人。重與鹿鳴筵燕。○五十七年奏准。福建在

籍前任大學士蔡新。前任知縣陳材。邱理德。湖北在籍前任御史萬年茂。湖南在籍前任知縣譚昌明。石鵬翥。俱係雍正壬子科舉人。重與鹿鳴筵燕。○六十年奏准。浙江在籍前任御史馮浩。湖北在籍前任翰林院編修陳申龍。安徽在籍前任知州沈德馨。雲南在籍前任知縣孫似茗。俱係乾隆丙辰

恩科舉人。重與鹿鳴筵燕。○嘉慶三年奏准。順天府在籍前任郎中舒希忠。山東在籍前任知府王行緒。俱係乾隆戊午科舉人。重與鹿鳴筵燕。○十

二年

諭原任宗人府府丞徐績。鴻臚寺卿翁方綱。俱乾隆丁卯科舉人。茲者復屆賓興。例准重叨禮燕。徐績著加恩賞給二品頂戴。翁方綱著加恩賞給三品頂戴。以示朕恩褒耆宿。寵賚科名。至意。○又

諭浙江在籍翰林院侍講梁同書。係乾隆丁卯科舉人。原任大學士梁詩正之子。茲者周甲賓興。再逢禮燕。梁同書著加恩賞給翰林院侍講學士銜。重赴鹿鳴燕。以示朕加惠耆臣。至意。○十五年

諭前任貴州貴西道趙翼。刑部郎中姚鼎。均係乾隆庚



午科舉人。賓興際周甲之期。壽考叶吉庚之歲。趙翼著賞給三品頂戴。姚鼎著賞給四品頂戴。准其重赴鹿鳴筵燕。又奏准。浙江在籍前任知縣周春。係乾隆庚午科舉人。

賞給六品頂戴。重與鹿鳴筵燕。又正白旗漢軍前任知縣舒展。係乾隆庚午科舉人。

賞給六品銜。重與鹿鳴筵燕。又山西在籍翰林院檢討鄭岱鍾。係乾隆庚午科舉人。

賞給國子監司業銜。重與鹿鳴筵燕。又山東在籍前任知縣林培由。係乾隆庚午科舉人。

賞給六品頂戴。重與鹿鳴筵燕。又鑲黃旗漢軍前任知府施奕學。係乾隆庚午科舉人。

賞給三品頂戴。重與鹿鳴筵燕。又江西在籍前任知縣趙鳴岐。係乾隆庚午科舉人。

賞給六品頂戴。重與鹿鳴筵燕。十八年

諭。原任內務府郎中德元。係乾隆癸酉科舉人。原任尚書德保胞弟。現任侍郎英和胞叔。德元著加恩賞給三品卿銜。重與鹿鳴筵燕。又子吉太僕寺少卿銜康基田。係乾隆癸酉科舉人。

賞給三品卿銜。重與鹿鳴筵燕。二十一年奏准。江西

在籍前任主事凌廣赤。前任通政司經歷郭祚熾。係乾隆丙子科舉人。重與鹿鳴筵燕。又江蘇在籍前任知縣孫勳。係乾隆丙子科舉人。重與鹿鳴筵燕。又山東在籍前任知縣孫錫運。山西在籍前任國子監博士施璿樞。陝西在籍前任知縣段士傑。俱係乾隆丙子科舉人。均重與鹿鳴筵燕。又廣東乾隆丙子科舉人唐材。重與鹿鳴筵燕。又

諭。向來三品以上大員。無論現任在籍。其中中式科分。適遇花甲再周。應重赴鹿鳴燕者。該省大吏專摺陳奏。朕念其曾任大員。又年登耆耄。每加恩晉秩以彰人瑞。若尋常年老舉人。准其重赴鹿鳴燕。已足以彰恩澤。毋庸專摺具奏。嗣後除三品以上大員。仍准專摺奏請與燕外。其四品以下者。俱著該督撫咨報禮部。准令與燕。該部於科場事竣。彙總具題。道光二年奏准。浙江在籍前任翰林院侍讀余集。係乾隆壬午科舉人。

賞給翰林院侍讀學士銜。重與鹿鳴筵燕。又順天在籍前任知縣雷鐔。係乾隆壬午科舉人。

賞給六品頂戴。重與鹿鳴筵燕。又江蘇在籍前任主

事潘奕雋。係乾隆壬午科舉人。

賞給員外郎銜。重與鹿鳴筵燕。○又廣西在籍截取知

縣羅士聰。係乾隆壬午科舉人。

賞給六品頂戴。重與鹿鳴筵燕。○又四川在籍揀選知

縣邱之松。係乾隆壬午科舉人。

賞給六品頂戴。重與鹿鳴筵燕。○五年奏准。江南在籍

前任郎中楊護。係乾隆乙酉科舉人。

賞給四品頂戴。重與鹿鳴筵燕。○又江南在京就養休

致道員王念孫。係乾隆乙酉年

欽賜舉人。

賞給四品銜。重與鹿鳴筵燕。○又河南在籍前任知州

陳汝懋。江西原任訓導江炯。雲南在籍前任州

同李昆山。前任知縣陳河圖。俱係乾隆乙酉科

舉人。重與鹿鳴筵燕。○八年奏准。致仕大學士

戴均元。係乾隆戊子科舉人。

賞給御書扁額。重與鹿鳴筵燕。○又

諭前任兵部主事吳熊光。曾任督撫大員。雖於總督任

內獲咎。事尚因公。年近八旬。蒙榜重逢。著加恩賞給

四品卿銜。重赴鹿鳴筵燕。○又雲南在籍前任教授

楊嵩。貴州在籍前任同知趙式訓。俱係乾隆戊

子科舉人。重與鹿鳴筵燕。○十一年奏准。前任

御史孫球。係乾隆庚寅科舉人。

賞給四品銜。重與鹿鳴筵燕。○又前任通政司副使徐

如澍。係乾隆庚寅科舉人。

賞給三品卿銜。重與鹿鳴筵燕。○又題准。直隸在籍前

任鴻臚寺卿周光裕。江蘇在籍前任知州吳甸

華。前任知府洪其紳。前任知縣貴逢甲。福建在

籍前任知府李威。俱係乾隆庚寅科舉人。均重

與鹿鳴筵燕。○十四年

諭山東前任體仁閣大學士孫玉庭。因公錫職在籍。現

在年逾八十。再遇鄉科。著加恩賞給四品頂戴。准其

重赴鹿鳴筵燕。○又題准。山西前任教諭李養志。順

天府在籍前任郎中李銜。廣東前任教諭蔡繼

紳。俱係乾隆甲午科舉人。重與鹿鳴筵燕。○十

七年

諭色卜星額。奏職官重遇鹿鳴筵燕。一摺。安徽泗州學

正萬保廷。年逾七表。蒙榜重逢。著加恩賞給六品頂

戴。准其重赴鹿鳴筵燕。○又題准。四川在籍前任知

縣傅思任。江西在籍前任知縣陳玉森。江蘇在

籍前任同知呂榮。順天在籍前任直隸州知州

徐彬。俱係乾隆丁酉科舉人。重與鹿鳴筵燕。○  
又

諭禮部奏各省辦理重赴鹿鳴筵燕咨奏兩歧一摺。恭  
查嘉慶二十一年

諭旨。除三品以上大員。仍准專摺奏請與燕外。其四品  
以下者。俱著該督撫咨報禮部。准令與燕等因。業經  
該部纂入科場條例。通行在案。前據色卜星額奏安  
徽泗州學正萬保廷並非三品大員。何以該撫仍專  
摺奏請。色卜星額著交部察議。嗣後各直省督撫著  
仍遵照舊定章程辦理。以杜紛歧而昭畫一。○十九

年

諭河南前任尚書李奕疇。早年登第。中外宣勤。現在年  
躋耄耄。鄉舉再逢。著加恩賞給太子少保銜。准其重  
赴鹿鳴筵燕。○又

諭致仕大學士盧蔭溥。久贊綸扉。勤勞懋著。致仕後未  
曾回籍。現在年登八表。重遇鹿鳴。著加恩晉加太子  
太傅銜。准其重赴鹿鳴筵燕。○又題准。江西在籍前  
任知縣鄧賚。四川在籍前任知州朱倓。安徽在  
籍前任知州孫源潮。浙江在籍前任知州陳基  
高。俱係乾隆己亥

恩科舉人。重與鹿鳴筵燕。○二十年題准。浙江在籍前

任知府劉炳。廣東在籍前任州同劉振達。江西

現任教授詹錫齡。江蘇前任學正黃榮曾。四川

前任教諭許其昉。湖北前任教諭侯安國。俱係

乾隆庚子科舉人。重與鹿鳴筵燕。○二十六年

諭致仕大學士阮元。品端學醇。勳勤懋著。著加恩晉加

太傅銜。准其重赴鹿鳴筵燕。並在籍支食全俸。用示

朕篤眷耆臣至意。○二十九年

諭前任禮部侍郎杜瑯。由翰林洊躋卿貳。辦公勤慎。克

善貽謀。開缺後就養在京。現在年逾八表。重遇鹿鳴。

著加恩賞給頭品頂戴。並加太子太保銜。准其重赴

鹿鳴筵燕。○又題准。四川教授董承熙。係乾隆戊申

科舉人。浙江知縣孔龍章。安徽州同許邦寅。俱

係乾隆己酉科舉人。重與鹿鳴筵燕。○咸豐二

年覆准。護理山東巡撫劉源灝。前任福建興

化府知府王行慶。係乾隆壬子科舉人。適屆鄉

試中式周甲之期。數與重與鹿鳴筵燕成例相

符。惟王行慶並非三品以上大員。專摺具奏。與

例不合。除王行慶准其與燕外。劉源灝交部察

議。○又

諭致仕大學士潘世恩。歷事

四朝。洊登揆席。嘉謨碩學。望重綸扉。前於道光三十年。因老乞休。朕俯允所請。賞食全俸。令其在京就養。現在年逾八表。重遇鹿鳴。洵為熙朝人瑞。潘世恩著准其就近在順天府重與鹿鳴筵燕。○四年

諭前任吏部尚書協辦大學士湯金釗。現在年逾八表。重遇鹿鳴。著加恩賞加太子太保銜。並頒給御書扁額一面。准其於明年乙卯正科。就近在順天府重與鹿鳴筵燕。○又

諭前任兵部尚書特登額。係乾隆甲寅科舉人。現屆該員鄉舉之年。著加恩賞加太子少保銜。並頒給御書扁額一面。准其於明年乙卯正科。重與鹿鳴筵燕。○

八年覆准。四川總督王慶雲奏。致仕湖北督糧道邱煌。係嘉慶戊午科舉人。現在就養在川。適屆鄉試中式周甲之期。與就近重赴鹿鳴筵燕成案相符。惟邱煌並非三品以上大員。專摺具奏。與例不合。除邱煌准其與燕外。王慶雲交部察議。○又題准。河南前任訓導張方策。貴州在籍前任知府黃中位。湖北在籍前任知縣汪兆柯。山東在籍前任知縣楊兆基。俱係嘉慶戊午

科舉人。重與鹿鳴筵燕。○九年

諭致仕都察院左都御史沈岐。現在年逾八表。再遇賓興。著加恩賞加尚書銜。並頒給御書扁額一面。准其重赴鹿鳴筵燕。知州銜湖南新甯縣知縣宋翔鳳。年登耄耋。藥榜重逢。著賞給知府銜。准其一體重赴鹿鳴筵燕。○又題准。福建在籍翰林院編修林春溥。山東在籍前任同知陳述經。浙江前任教授陶慶麒。金衍宗。俱係鄉舉。再逢重與鹿鳴筵燕。○同治元年覆准。廣西前任教授唐仁。在籍前任知縣李敏賜。俱係嘉慶辛酉科舉人。重與鹿鳴筵

燕。○二年

諭尚書銜前太常寺卿原任工部尚書廖鴻荃。現在年登八表。再遇賓興。著加恩賞加太子少保銜。前光祿寺卿楊慶琛。早年獲雋。歷任清班。藥榜重開。年臻上壽。著加恩賞給二品頂戴。均准其一體重赴鹿鳴筵燕。○五年

諭前任江南河道總督潘錫恩。年登八表。再遇賓興。著加恩賞加太子少保銜。准其就近在山東重赴鹿鳴筵燕。○六年覆准。江西在籍前任知縣阮烜輝。係嘉慶戊辰

恩科舉人。重與鹿鳴筵燕。○又雲南龔綬係嘉慶戊辰恩科舉人。就養伊子平陽府知府龔嘉雋署。就近在山

西重與鹿鳴筵燕。○又湖北在籍前任知縣但文恭。係嘉慶丁卯科舉人。重與鹿鳴筵燕。○九年

諭前浙江布政使沈兆澐。年躋耄耄。鄉舉再逢。著加恩賞給頭品頂戴。准其重赴鹿鳴筵燕。○又題准。江西

在籍前任御史帥方蔚。河南在籍前任知縣郭鑑庚。浙江在籍前內閣中書張應昌。江西前任訓導鍾崇楫。四川在籍前任知縣彭光澤。河南

在籍前任知縣劉鐸。俱係嘉慶庚午科舉人。重與鹿鳴筵燕。○十一年覆准。前廣東候補道李宗沆。鄉舉再逢。就近在山東重與鹿鳴筵燕。○十二年

諭二品頂戴前太僕寺卿徐繼畬。現在年登耄耄。鄉舉再逢。著加恩賞給頭品頂戴。准其重赴鹿鳴筵燕。○

光緒二年

諭三品封典在籍廣東候補道史樸。早膺鄉薦。復屆賓興。著准其重赴鹿鳴筵燕。並加恩賞給二品頂戴。○又題准。直隸在籍前任同知張攀桂。係嘉慶

丙子科舉人。江西在籍前任知縣楊汝綬。朱振早。廣西在籍前任同知朱慶椿。俱係嘉慶戊寅恩科舉人。重與鹿鳴筵燕。○四年

諭協辦大學士刑部尚書全慶。現在年近八表。重遇鹿鳴。著加恩賞加太子少保銜。准其重赴鹿鳴筵燕。○又

諭前戶部右侍郎溫葆深。年近八表。鄉舉再逢。著加恩賞給頭品頂戴。准其重赴鹿鳴筵燕。○又

諭按察使銜前署福建汀漳龍道王廣業。年近八表。鄉舉再逢。著加恩賞給二品頂戴。准其重赴鹿鳴筵燕。○又

筵燕。○又

諭二品封職候補道王守毅。年近九旬。鄉舉再逢。著加恩賞給二品頂戴。准其重赴鹿鳴筵燕。○又

諭前內閣學士兼禮部侍郎銜李品芳。年屆八旬。鄉舉再逢。著加恩賞給頭品頂戴。准其重赴鹿鳴筵燕。○五年

諭李瀚章等奏休致光祿寺卿雷以誠。重赴鹿鳴筵燕。一摺。雷以誠。著賞還原銜。准其重赴鹿鳴筵燕。○又

諭前江蘇常鎮道周頊。著加恩賞加二品銜。准其在

江蘇省就近重赴鹿鳴筵燕。○又

諭道銜前署江西瑞州府知府王嘉麟。著加恩賞加

按察使銜。准其重赴鹿鳴筵燕。○又題准江蘇在

籍前任知州王廷楨。浙江在籍前任知縣朱東

瀚。湖北在籍前任知府胡岳。鑲紅旗滿洲郎中

桂聯。貴州在籍前任州同余懋勳。浙江前任教

諭柯汝霖。江西在籍前任知州陳樹豐。俱係鄉

舉再逢。重與鹿鳴筵燕。○七年

諭前任刑部尚書秦春榮。現在年逾八袞。鄉舉再逢。

加恩著賞加太子少保銜。准其重赴鹿鳴筵燕。○

又

諭前廣東巡撫黃恩彤。年逾八旬。鄉舉再逢。著加恩

賞加二品銜。准其重赴鹿鳴筵燕。○十年

諭前刑部員外郎武汝清。疊因在籍辦團勦匪出力。

賞加知府銜並三品銜。現在年近八旬。鄉舉再逢。著加

恩賞加二品銜。准其重赴鹿鳴筵燕。○十一年題

准。江西在籍前任知縣萬時若。四川在籍前任

知縣劉正慧。俱係道光乙酉科舉人。重與鹿鳴

筵燕。○十二年

諭頭品頂戴前雲南布政司宋廷春。現在鄉舉再逢。

著加恩賞給太子少保銜。准其重赴鹿鳴筵燕。

重赴瓊林燕。○乾隆十六年

諭前任詹事黃叔琳。以康熙辛未探花。年躋大耋。重遇

臚傳歲紀。洵稱熙朝人瑞。著從優加給侍郎銜。○二

十五年。庚辰科會試。大學士史貽直。再遇臚傳

歲紀。除重與

恩榮燕外。仍

御製詩以賜之。○五十五年

諭大學士嵇璜。係雍正庚戌科進士。服官有年。精神矍

鑠。茲當會試周甲之期。與新進士先後同年。實係人

文盛事。著照從前史貽直之例。重與恩榮燕。以為藝

林佳話。○嘉慶十九年

諭前任鴻臚寺卿翁方綱。係乾隆壬申科進士。年踰耄

耄。藥榜重逢。著加恩賞給二品銜。准其重赴恩榮燕。

○道光三年

諭前任通政司經歷郭祚熾。年逾八袞。會榜重逢。著加

恩賞給六品職銜。准其重赴恩榮燕。○九年

諭前任戶部主事潘奕雋。年躋九袞。藥榜再逢。著加恩

賞給四品卿銜。准其重赴恩榮燕。○十二年

諭前任四川銅梁縣知縣貴逢甲。年逾八袞。會榜再逢。

著加恩賞加知州銜。准其重赴恩榮燕。○十九年奏准。致仕尚書李奕疇。重與恩榮筵燕。○咸豐二年

諭。予告大學士潘世恩。著准其重與恩榮燕。並先頒給御書扁額一面。俟明年與燕時。再由禮部具奏。候朕加恩。○三年

諭。潘世恩由乾隆癸丑科一甲一名進士。歷事

四朝。洊登揆席。年逾八表。望重士林。洵為熙朝人瑞。茲屆咸豐癸丑科殿試之期。例得重與恩榮筵燕。業經朕親書瓊林人瑞四字扁額。先期頒賜。以示寵榮。茲

據禮部遵旨具奏。朕心深為嘉慰。潘世恩之孫潘祖同。著加恩賞給舉人。准其一體會試。○同治元年

諭。前任翰林院編修加五品銜林春溥。年逾八表。業榜重逢。著加恩賞給四品銜。准其重赴恩榮燕。○十年奏。辛未科會試。山東在籍紳士陳述經。適逢中式周甲之期。奉

旨。陳述經著賞給四品銜。○十三年

諭。二品頂戴前廣東候補道李宗沆。年登耄耄。業榜重逢。著加恩賞給頭品頂戴。准其重赴恩榮燕。○光緒三年題准。河南在籍前任知縣郭鑑庚。於本年

丁丑科會試。豫行重與

恩榮燕。○五年

諭。二品銜前江蘇常鎮道周頊。著加恩賞給頭品頂戴。准其重赴恩榮筵燕。○六年

諭。前任戶部右侍郎溫葆深。上年因鄉舉重逢。業經賞給頭品頂戴。現又重遇恩榮筵燕。加恩著賞給太子少保銜。准其重赴恩榮筵燕。○八年

諭。前署福建汀漳龍道王廣業。前因鄉舉重逢。業經賞加二品頂戴。現在重遇恩榮筵燕。著加恩賞給頭品頂戴。准其重赴恩榮筵燕。○又

諭。休致光祿寺卿兼署刑部侍郎雷以誠。現屆重遇恩榮筵燕。加恩著賞給頭品頂戴。准其重赴恩榮筵燕。○十三年

諭。頭品頂戴前雲南布政使宋延春。前因鄉舉重逢。賞加太子少保銜。現在年屆九旬。重遇恩榮筵燕。著加恩賞給太子少保銜。准其重赴恩榮筵燕。

賞資。○原定。直省鄉試中式舉人。各按名數給予旗扁銀二十兩。順天於戶部領取。各省於布政使司領取。會試中式者。各給旗扁銀三十兩。於戶部領取。

殿試一甲三名。加給銀五十兩。各於本省布政使司領取舉人公車。由布政使司給予盤費。各按該省人數多寡道路遠近。以為差。○順治九年定。每進士一名

賜銀十兩。其餘每科銀五兩。○十五年定。

殿試傳臚後五日。於

午門前領賞。

賜狀元六品朝冠朝衣補服帶鞞襪。進士各銀五兩。

次日狀元率諸進士上表謝

恩。○雍正元年定。

殿試進士二名以下所賞銀兩。改給表裏各一端。

○乾隆元年

諭仲春以來農事方興。雨雪時降。麥秋有望。殊屬可喜。

但羣士入闈。衣履未免露濺。在羣士學古入官。上焉

者可服在大僚。其次亦將膺民社之宰。自當以天下

之樂為樂。不以露濺為苦。而朕心不免軫念。著即發

庫帑。各賜白金三兩。為修整衣履之用。欽此。遵

旨查明是科會試入闈士子計四千三百有九名。按名

頒給。共銀萬二千九百二十七兩。○又覆准。鄉

試之年。各省中式舉子。概於赴省填書親供之

後。即將應領坊銀。當面給發。不拘名次。隨到隨給。毋得扣留抑勒。以滋弊竇。如有奉行不實。或令士子虛出領狀。或將公項蒙混報銷者。聽督撫題參議處。○三年

諭前據御史甄之璜條奏。各省鄉試中式舉人。例給坊

銀二十兩。而遠省遵行不實。如貴州則給發三分之

一。廣西則全行扣留。經部議令該省巡撫藩司確查

報部。迄今一載有餘。尚未結案。今朕訪聞得遠省新

中舉人。有應領之坊銀。每見主考長途跋涉。即以恩

賞之項。行其束脩之敬。而識見淺小之考官。亦遂收

納不辭。此風行之已久。今若追溯從前。一一清查。徒

滋索贖之繁。未免擾累。究於舉子無補。著從寬免其

查問。嗣後考官等各宜恪遵功令。不許收受此項銀

兩。該藩司亦必照數給發。不得絲毫扣留。務使中式

舉人。實霑恩澤。○四年

諭會試屆期。天氣尚覺寒冷。凡入場士子。除照例賞給

棉氅衣及薑湯茶餅外。著按名給予木炭。許其攜帶

手鑪以溫筆硯。禮部可即出示曉諭入場舉子知之。

○又奏准。鄉會試中式及

殿試一甲三名。皆例給坊價。舉人二十兩。在本省



支領進士三十兩。由戶部支領。而

殿試鼎甲加增坊銀五十兩。向於本省支領。嗣後照進士例一併在部給發。○七年覆准。中式後磨勘試卷筆迹不符。革去舉人。非別案褫革者可比。其所領坊銀例應追繳。○四十四年覆准。順天鄉試舉人。應領旗扁銀兩。八旗中式者。由各該旗出具印領赴戶部支領。各省中式者。由國子監赴戶部支領。直隸中式者。由順天學政赴戶部支領。惟奉天中式舉人。係奉天府丞錄送之人。嗣後由戶部劄令順天府就近支領。○

嘉慶四年覆准。諸進士彩花。狀元銀花。照乾隆四十二年之例。與筵燕一同停止。其披紅鍍金花。一體毋庸頒給。其應給扁額之處。聽順天府自行辦理。○五年覆准。江南省中式舉人。每名元素袍服紬一件。價銀九錢五分。藍羅裏每件價銀五錢。藍紬鑲領束帶。每條價銀一錢九分。計該共銀一百八十六兩九錢六分。其帽頂每箇重三錢七分。所用工料在此項開銷銀數之外。係該省自行辦理。動用銀兩。係於額編正項及協貼耗羨銀內動給。貴州省中式舉人。每名

衣服頂戴等銀五兩四錢三釐。在於地丁正項並耗羨等項銀內動支。湖北省中式舉人。每名銀帽頂一箇。重五錢。飄帶一副。價銀二錢二分。五釐。湖南省中式舉人。每名銀帽頂一箇。重三錢。飄帶一副。價銀二錢。其應給衣帽朝鞋等項。係工部覈銷。此二省科場經費。係動支額徵科舉銀兩。如遇

恩科。並無前項額徵銀兩。則於地丁耗羨銀內分別動支。浙江省中式舉人。每名青衫一件。價銀七錢。緞鞋一雙。銀三錢。紅纓緯帽一頂。銀三錢。忠孝帕一副。銀六分。披肩一塊。銀一錢二分。挺帶一條。銀一錢二分。披紅一塊。銀七分。雀頂一箇。銀九分。綵旗一對。銀六分。綠絹緞一把。銀三錢。錦帳一頂。並綵結。銀三錢。鑲銀花一對。銀一錢八分。折盞銀一兩。共銀三百三十八兩四錢。如係正科。在地丁額編項下支給。

恩科。係在地丁程費二款內湊給。廣東省中式舉人。每名給公服一件。銀九錢五分。絨帽一頂。銀四錢。雀頂一箇。工料銀三錢四分。係在地丁及田房稅羨。並本款存贖項下動支。江西省鄉試經

費銀兩。向於耗羨銀內動支。事竣造冊題銷。至舉人應支衣服頂帶等項銀兩。向係造報工部覈銷。四川省中式舉人。每名袍服一件。計銀二兩一錢九分零。共銀一百三十一兩四錢一分六釐。每名涼帽一頂。銀五錢。腰帶飄帶披肩三項。共銀九錢。帽頂一箇。銀三錢。鞋一雙。銀三錢。均於地丁銀內動支。廣西省中式舉人。每名衣服頂戴等銀四兩三錢六分六釐。在正項地丁銀內動支。陝西省中式舉人。每名銀花一對。鐘盤一副。帽頂一箇。軟帶一條。工料共銀三兩二錢四分三釐零。係動支耗羨。又青衣一件。帽一頂。鞋一雙。披紅紬帶飄帶各一條。魁扁一面。工料共銀四兩八錢一分三釐零。雲南省中式舉人。衣服頂戴銀兩。係動支地丁銀兩。每名給絨纓帽一頂。每頂銀六錢。雀頂一箇。重三錢。又每箇貼金箔十張。價銀一分五釐。緞鞋一雙。銀七錢。束帶一條。銀一錢五分。絹袍一件。銀一兩九分五釐。披領一箇。銀二錢四分二釐。山東省中式舉人。每名覈給花紅銀五兩四錢二分四釐。在地丁項下動支。○又覆准。江西省中式舉人。

每名燒金銀頂一箇。銀二錢五分四釐八毫二絲。銅花一對。銀三釐五毫。緯帽一頂。銀二錢。絹袍一件。銀七錢三分一毫二絲。絹披紅一塊。銀一錢三分五釐。錫環腰帶一條。銀八分。白布飄帶二條。銀二分八釐。布鞋一雙。銀一錢八分。紅布綵旗一對。銀三分四釐。以上統共每名物料銀一兩六錢四分五釐四毫四絲。湖南省中式舉人。每名絨帽一頂。銀二錢七分四釐。青絹衫一件。銀七錢四分五毫。絹披肩一件。銀一錢一釐六毫。青絹繖一把。銀五錢一分四釐。裁縫工銀一錢二分。朝鞋一雙。銀二錢五分。紅絹旗一對。銀一錢二分九釐。木扁一塊。銀一錢五分九釐三毫。絹飄帶一副。銀一錢六釐五毫。以上統共每名物料銀二兩三錢九分四釐九毫。湖北省中式舉人。每名帽一頂。銀四錢。青紬衣一件。銀一兩一分四釐。青紬披領一件。銀一錢四分九釐。紬披紅一塊。銀一錢五分。青紬繖一把。銀一兩三錢三分四釐。布鞋一雙。銀二錢四分。紬綵旗一對。銀二錢二分。牌扁一塊。銀二錢二分六釐四毫二絲。以上統共每名物料銀三兩七

錢七釐三毫二絲。又另給前五名舉人絀扁各一塊。每塊銀四錢五釐。又捷報扁五塊。每塊銀二錢二分六釐二絲。○二十二年

諭嗣後每科恩賞新進士表裏。著該部遴選司員赴庫承領。按名黏貼該司印封。派侍郎二員親自散給。毋得假手吏胥。以重恩賚而昭體制。○道光二十一年覆准。文會試中式進士。應領旗扁銀兩。由本部支領給發。○二十四年覆准。嗣後各省新中舉人。定於會試年二月十五日齊集覆試。自甲辰科為始。所有旗扁銀兩。俟覆試後。由部開單知

照各省再行開銷。未覆試者。不得支給。至駐防繙譯舉人旗扁銀兩。亦照文舉人之例辦理。○二十五年覆准。鄉試中式舉人。每名給牌坊銀二十兩。由巡撫轉飭藩司給發。並無另有旗扁銀兩名目。惟牌坊旗扁。各省稱謂不同。嗣後牌坊銀二十兩。照例於覆試後給發。其旗扁銀兩。概由戶部覈辦。○咸豐三年覆准。大學士潘世恩奉

旨重與

恩榮筵燕。該大學士係乾隆癸丑科第一甲第一名

進士。即照狀元之例。給予銀質金飾簪花一枝。由工部查照備辦。

欽定大清會典事例卷三百六十三

禮部

貢舉 繙譯鄉會試一

繙譯鄉會試。○順治八年定。凡遇應考年分。鄉試取中滿洲五十名。蒙古二十名。漢軍五十名。各衙門無頂戴筆帖式亦准應試。滿洲蒙古通漢文者。繙漢字文一篇。未能漢文者。作清字文一篇。漢軍文章篇數。如漢人例。會試取中滿洲二十五名。蒙古十名。漢軍二十五名。各衙門他赤哈哈番筆帖式哈番。俱准應試。滿洲蒙古通漢文者。繙漢字文一篇。作文章一篇。未能漢文者。作清字文二篇。漢軍文章篇數。如漢人例。○又定。順天鄉試。考試滿洲舉人。主考應用滿洲內院禮部官各一員閱卷。滿洲舉人止考一場。考畢。將文字送至禮部公同選取。考試漢軍舉人。聽漢主考官閱卷。至漢軍舉子試藝。本年鄉試。明年會試。第一場書藝二篇。經藝一篇。如未通經者。作書藝三篇。二場論一篇。三場策一道。自後試藝以次加增。順治十一年鄉試。十二年會試。第一場書藝三篇。經藝二篇。二場論一篇。

判五條。三場策三道。順治十四年鄉試。十五年

會試。第一場書藝三篇。經藝四篇。二場論一篇。

表一篇。判五條。三場策五道。○又定。順天鄉試。

滿洲蒙古生員筆帖式應同一榜。漢軍生員筆

帖式漢生員監生應同一榜。明年會試。

殿試。俱照此例。○十一年定。嗣後滿洲蒙古漢軍

會試。止准舉人應試。其在部院等衙門他赤哈

哈番筆帖式哈番等。俱不准應會試。○十四年。

停止八旗考試。惟繙譯未○雍正元年

經舉行。○雍正元年

諭八旗滿洲等。除照常考試漢字生員舉人進士外。在

滿洲等繙譯。武藝亦屬要緊。應將滿洲另考繙譯文

生員舉人進士。及武生員舉人進士之處。爾等會同

該部。將作何考試。並額數多寡。定議具奏。欽此。遵

旨議定。滿洲蒙古能繙譯者。三年之內。考取舉人一次。

進士一次。鄉會試別立一場。於子午卯酉年二

月鄉試。辰戌丑未年八月會試。取中舉人進士

額數。臨期視人數多寡。恭請

欽定。○又覆准。繙譯鄉試。於雍正二年十一月舉行。

會試。於三年二月舉行。

殿試於三月舉行。○又定。繙譯鄉試事宜及所用物件。交順天府辦理。會試事宜。交禮部辦理。一應科場揭曉事件。動用錢糧之處。俱照文鄉會試例酌量遵行。○又定。繙譯鄉試頭場將四書解義易經解義書經解義性理精義孝經行義大學行義古文淵鑑資治綱目等書。限二百字內出題三篇。二場漢主考官或判論或表策。自作二篇為題。三場於入場後取現到通本一道為題。其所用通本。鄉試順天府官赴通政使司親領封固。親身送至貢院門首。交提調官轉送內簾。監試主考官公同開閱。會試亦照此例。由禮部官齎送。

殿試題目。或古文及律詩詞賦等文內。由內閣奏請。恭候。

欽定。餘俱照文。

殿試例。○又定。繙譯鄉試禮部照例咨取滿洲由清漢出身之大臣官員職名。並漢大臣官員職名。開列具題。

欽點滿漢正副主考官各二員。滿洲同考官四員。○又定。繙譯鄉試以禮部滿洲侍郎一員為監臨。

官。會同順天府提調官。管理鄉場內外之事。會試以禮部滿洲侍郎一員為知貢舉。提調官一員。用禮部滿洲司官。先期揀選正陪引見點用。○又定。繙譯鄉會試監試官。禮部咨取滿洲御史題請。

欽點。其巡綽各官。行文兵部轉行文八旗酌量派用。○又定。繙譯鄉會試收掌受卷彌封等官。禮部咨取內閣中書大理寺太常寺光祿寺國子監所屬官員題請。

欽定。○又定。繙譯鄉會試督理稽查副都統照例行文兵部具題。

欽點。○又定。繙譯鄉試應考之人。不拘滿漢字貢監生員及現任筆帖式能繙譯者。俱照例考試馬步箭。咨送入場。其現在文舉人能繙譯者。亦准與繙譯會試。○二年定。繙譯鄉試照順天鄉試例。於初九日頭場。十二日二場。十五日三場。○又定。鄉試造點名冊。俱寫漢字。○是年。繙譯鄉試將迴避硃墨卷進呈奉。

旨發與主考官。○又定。繙譯鄉試入場拆號填榜。會同禮部堂官一人同進場。其鈐榜印信。亦照文鄉

試例行。謹案嗣後鄉試拆號填榜。○又定。發榜  
係順天府府尹入場辦理。揭曉俟主考定期。○又定。繙譯鄉試榜文兼寫清漢字。填榜之日。禮部派筆帖式二員。一同入場填寫。○又定。繙譯鄉試錄。照例刊刻進呈。○又定。繙譯刊刻試錄內。除三場題目仍用漢字外。其主考序文及各官職名中式舉人名次。俱兼寫清漢字。○又定。繙譯鄉試主考等官。照順天鄉試例。於初六日入場。○又定。繙譯鄉試除漢大臣不派外。於滿洲大臣內。派正考官一員。副考官一員。部院官員內。派同考官四員。○又定。繙譯鄉試進呈試錄內。該府尹職名。仍列為監臨。○又定。考試繙譯舉人。派內場監試御史二員。外場巡查御史二員。內簾監試御史二員。○又定。繙譯鄉試所有三場卷式。照順天鄉試舊例。令順天府治中造辦。其試卷草稿處。止留空白。不印直行。騰精處用紅色直行。不用橫格。書寫卷面用漢字。卷尾關防試卷印信。照文鄉試例。○又定。繙譯應試舉子。有滿漢字貢監生員及現任筆帖式。其書寫卷面。漢字生員書寫順天府儒學。八旗貢監並繙譯生員卷面。俱書

寫禮部現任筆帖式卷面。俱書寫各該衙門。○又定。繙譯鄉試三場卷式。草稿騰真之處。照小考定數。加一倍備辦。○又議准。繙譯鄉試落卷。令本生查閱。○又定。繙譯鄉試彌封紅印。貢監生用皿字號。生員用貝字號。筆帖式用聿字號。○又定。繙譯諸生分別官民字號。○又奏定。繙譯舉人至六十名。方准會試。○又定。考試繙譯舉人。其堪中式之卷。挑選呈覽時。再行定額。仍選備卷數本呈覽。○又

諭。禮部考試繙譯舉人。不必分作三場。止須一次考試。一日一夜。量其所能。或章奏一道。或四書或五經。酌量出一題。其優劣。便已可見。此考試。並無漢文。不必派漢大臣。再考試舉子。俱係八旗內人。其繙譯好者。眾所共知。即字迹亦最易識認。伊等試卷。應行騰錄。著於六部各衙門善書之筆帖式內。酌量足用。選取。令其騰寫。選中之卷。進呈時。再定額數。仍選備卷呈覽。其分校及巡查等員。亦俱照文鄉試例。派用。○又議准。繙譯試卷。嗣後於部院官員內。派收掌官二員。受卷官二員。彌封官二員。對讀官三員。令

兼管膳錄所事。○三年

諭。繙譯鄉試錄。嗣後不必刊刻。○四年。繙譯鄉試將迴

避硃墨卷進呈奉

旨不必迴避。將此卷發與場內揀選。以後八旗繙譯總

不用迴避。○又定。繙譯鄉試增添漢軍。其編號之處

照文場例。滿洲蒙古用滿字號。漢軍用合字號

○七年

諭。凡由舉人考試補用筆帖式者。俱准其與舉人一體

會試。其由貢監考試補用筆帖式者。亦准其考試。繙

譯舉人時。一同考試。至於由貢監生員考取小京官

筆帖式之員。若願就鄉試。俱准其與舉子等一同考

試。○九年

諭。看來蒙古旗下人。能蒙古語及能以蒙古字繙譯者

甚少。如是相沿日久。蒙古文字並蒙古語必漸至廢

棄。宜令蒙古旗下人。亦照考試滿洲繙譯生員舉人

進士之例。考取蒙古繙譯生員舉人進士。在理藩院

補用。如有讀習漢書。情願考試文生員舉人進士者。

令照常考試。著在別部院補用。如此則蒙古旗下人

俱各奮發勤學。蒙古文字並蒙古語不至廢棄。而理

藩院亦收得人之效。著大學士會同理藩院議奏。欽

此遵

旨議定。八旗蒙古人等。能繙譯滿洲蒙古文字者。照考

試滿洲繙譯之例。三年之內。考取舉人一次。進

士一次。鄉會試與滿洲繙譯合為一場。滿洲舉

子在東文場。蒙古在西文場。其舉人進士額數

令考官挑取中式之卷。並選備卷數本一併進

呈恭候

欽定。○又定。繙譯鄉會試。滿洲蒙古各為一榜。一同

張挂。○又定。考取蒙古繙譯鄉會試。各添派蒙

古主考官一員。蒙古同考官二員。由該衙門咨

取各部院蒙古大臣官員職名。開列具題

欽點。○又定。蒙古繙譯膳錄試卷。於各衙門善書蒙

古字之筆帖式內。咨取派用。○又定。蒙古繙譯

鄉會試題。於清字

日講四書內。照漢文限以三百字為首題。再用清字奏

章一道為次題。繙譯蒙古文二篇。○十年定。繙

譯鄉試卷。每本四十七幅。○又定。蒙古繙譯。編

為蒙字號。○十一年覆准。繙譯考試。照考試筆

帖式之例。於內閣編次漢字

上諭內恭擇一道。令其繙譯考試。嗣後毋庸再以通本

為題。乾隆元年議准。繙譯科場試題。嗣後令主考官於性理精義及小學內。擇選數條。俱不得過三百字。密封進呈。恭候

欽定。其蒙古繙譯鄉會試。亦於清文性理小學內。照例出題考試。○二年奏准。本年舉行

恩科繙譯鄉試。明年二月舉行正科繙譯鄉試。○又議

准。嗣後繙譯鄉會試。主考會同房官。於性理小

學每一題後。括其大義總論數語。令士子一同繙譯。○又覆准。繙譯鄉試卷。每本四十七幅。計

清漢字並草稿。膳真止需二十幅。再存空白十

數幅。共三十餘幅。儘足敷用。嗣後每本減去十

二幅。○又奏准。繙譯鄉試。除滿洲編為滿字號

蒙古編為蒙字號。漢軍編為合字號外。其蒙古士子考試。滿洲繙譯者。即編為滿蒙字號。○又

議准。嗣後繙譯鄉試。每一字號分坐十人。會試每一字號分坐三人。如應試人多。臨場按數分

派。務須均勻。仍於各號口柵欄之前。令監試提調官。於舉子進場時。查其非係本號者。立時押

入。應坐之號。俟舉子進畢。即行封號。營弁不時

巡查。○三年

諭。朕前降諭旨。滿洲現任職員。通曉繙譯者。准其在禮

部報名考試。今思八旗武職人員內。平時講習繙譯。亦不乏人。如有情願赴考者。准其報名。該部一體考

試。○又題准。繙譯鄉試。已歷六科。現在繙譯舉人。約有百餘名。於乾隆己未年八月舉行繙譯會試。

一切事宜。俱照定例辦理。○又覆准。繙譯鄉會

兩試。

欽定。繙譯一題外。再於清文四書內

欽命一題。令士子作清文一篇。○又定。清文體式。照

依漢文論體。○又議准。嗣後繙譯鄉試。內簾止

將擬取之硃卷進呈。毋庸取用墨卷。至發榜時。

始將墨卷送至內簾。公同按號拆名。會試亦照

此例。○又議准。凡遇繙譯鄉會試。除監臨監試

等官。照例開列

欽點外。再於御史內多點四員。令其入場。專司入號

不時密行巡查。儻諸生有彼此相商。倩人筆削

等弊。即行拏究。交部治罪。○又定。繙譯鄉會試

屆期。禮部行文各部院衙門。並修書各館。咨取

繙譯出身官員。仍令該堂官及總裁官。擇明通

之員。出具考語。開送禮部。具題



欽點。又覆准鄉會試題由正副主考官選擬數條。密封進呈。恭請

欽定。又題准繙譯試卷謄錄之員。如有草率從事。任意書寫。及對讀所不對出更正者。監臨查出。參奏。即照科場定例議處。又議准謄錄筆帖式入場之時。嚴加按檢。並令監臨監試等官不時稽查。如有夾帶筆墨私行改抹等弊。即指名參奏。交部按律治罪。○四年議准繙譯科場。除同考官止派滿洲人官員外。其監試各御史。照文場例。滿漢各派五員。以司稽查。○又

諭。今年繙譯會試取中二十二名。雖從前有照例殿試之議。但此科人數甚少。不必舉行殿試。俱著賜進士出身。吏部帶領引見。候朕酌量錄用。○又

諭。今年繙譯會試取中二十二名。其優者以六部主事即用。次者在主事上學習行走。該堂官照例題補。又次者照滿洲進士例選用。內有現任者即在任候升。不必出缺。○五年覆准嗣後

咸安宮官學繙譯教習。照漢教習之例。以繙譯歸班進士充補。現今歸班之繙譯進士九名。除已經補用一名。丁憂一名。差往兩淮一名外。僅餘

六名。今

咸安宮官學需用三員。尚應多備一二員。以為將來頂補之用。即將現在繙譯進士六名。按其中式次序。先將三員咨送

咸安宮充補教習。俟下科繙譯會試取中人數加多之後。再照漢教習例考試錄取。其充補教習員內。有現任筆帖式者。仍食原俸。如係閒散進士。亦照漢教習之例。每月給食三兩錢糧。俟三年期滿。該管官分別等第帶領引

見。上等者以主事即用。次亦以知縣即用。再定例通

政司漢字知事。翰林院典簿。詹事府主簿。光祿寺署丞。國子監監丞。博士。典簿等缺。不論雙單月。先將滿洲閒散進士挨科第名次補用。今乾隆四年中式繙譯進士傅森布等奉

旨俱著歸進士班照例選用。是此項繙譯進士。原係與文進士挨科第名次選用。通政司知事等小京官。與漢進士守候知縣者無異。其充補教習三年期滿銓用之處。應照漢進士教習之例。令該總管分別等第帶領引

見。或以主事即用。或以小京官即用之處。恭候

欽定。再歸班選用之繙譯進士內。有二員係漢軍。經吏部奏明選用知縣。如將該員充補教習。其期滿銓用之處。與漢進士一例辦理。○七年奏准繙譯會試。第一場試四書清文一篇。孝經性理清字論一篇。第二場試繙譯一篇。恭請

欽命題目。

殿試另請

欽頒繙譯題一道。一同殿試。○又奏准繙譯會試與文會試合為一場。所有試卷。仍照例令各部院衙門筆帖式謄錄彙

齊封送。照迴避卷例。請

旨別派大臣閱看。擬定進呈恭候

欽定。○又奏准繙譯會試於文會試時別編字號。合為一場。揭曉別出一榜。中式後別請

欽頒繙譯題一道。一同

殿試。即令滿洲讀卷官閱看。照例進呈。分定甲第。二甲者附於二甲之後。三甲者附於三甲之後。一體填入金榜。帶領引

見恭候

簡用。○九年定考試蒙古繙譯。其監臨提調等官。於

考試滿洲繙譯具題

欽點。毋庸特派。○十年定八旗滿洲蒙古繙譯會試。與文會試合為一場。所有受卷收掌。彌封謄錄。四所官。照例咨取內閣中書大理寺。太常寺。光祿寺。國子監。各屬官員到部。開列具題。至舉子坐號人數衆多。滿洲在東文場。蒙古在西文場。毋庸拘定三人編立一號。謄錄仍於各部院筆帖式內選用。○又奏准凡遇會試。八旗滿洲蒙古繙譯合為一場。事務更屬繁多。外場巡查御史。既先期往貢院大門外住宿。並請

簡大臣數員。以便協同稽查。○又定對讀筆帖式於

三月十六日入場。○又奏准繙譯進士。照文進

士例給發建坊銀兩。並給表裏各一端。謁

先師孔子廟。行釋褐禮。○十一年奏准嗣後九品筆

帖式。俟考取生員後。再准鄉試。至七八品筆帖

式。小京官。不由貢監出身者。其中不無留心滿

漢文藝繙譯明通之員。凡不由貢監生員出身

之現任七八品筆帖式。小京官。有能繙譯者。仍

照雍正元年定例。准其繙譯鄉試。○又議准嗣

後繙譯科考時。將舊有繙譯生員。豫先查明。造

冊咨送

欽點考試繙譯生員之大臣。於考試生員之前。定期入場分別考試。列在一二三等者。准其鄉試。其餘不准鄉試。蒙古生員亦照此例辦理。○十二年議准。嗣後將選取部院筆帖式充繙譯謄錄之處。停止。遇繙譯鄉會試之年。禮部酌定需用謄錄人數。行文八旗。於領催內揀選善寫清字。以及蒙古字熟練安分守法之人。造冊送部。轉送入場。如八旗蒙古領催內能寫蒙古字者。乏人。即於蒙古官學生內揀選補足。其對讀用筆帖式之處。仍照舊例遵行。○又議准。繙譯鄉試場內。需用各項夫匠人役。務須雇覓良民充役。不得希圖省費。雜以乞丐無賴之輩。仍令各該員於三日前。照例造具確實年貌花名細冊。加具印結。申送外場御史查點。儻與冊結不符。即將承辦之員。指名參處。至外簾各官跟隨人役。各帶二人。副都統各帶三人。參領章京等各帶二人。○又議准。繙譯考試之期。於轆門外設牌八面。分立八處。大書旗分。令各旗送考之參領章京。帶領應試士子。各按旗分。隨牌站立聽候。

點名。以次進轆門聽候。凡一切送考之人。概不許放入轆門。違者立即鎖拏治罪。先期行文各旗。將送考之參領章京姓名。並每翼派出之轆門參領章京姓名。開送外場巡查御史。如送考之參領章京。不按旗分。任憑士子混行。該御史即將送考之參領等查參議處。如轆門參領。一任送考之人。混入擁擠。除將混入之人。立即鎖拏治罪外。仍將該參領參處。並將送考之參領等。一併參處。○十三年奏准。繙譯鄉會試外簾各官。將六部理藩院滿洲蒙古主事額外主事。與內閣中書大理寺太常寺光祿寺國子監所屬官員。一體送部。開列具題。○又定。填榜筆帖式四員。內通曉蒙古文筆帖式二員。行理藩院咨取。○又定。繙譯會試卷。

特派大臣在

午門朝房閱看。所有飯食供應等項。劄行順天府轉飭外委官照例備辦。○又咨准。繙譯會試除對讀滿洲文字之筆帖式需用十名。對讀蒙古文字之筆帖式需用二名。行文吏部出派外。並移咨八旗滿洲漢軍都統。每旗揀選善寫滿洲

文字之領催各三名。蒙古都統揀選善寫蒙古文字之領催各一名。於二月十五日以前造冊送部。○又議准嗣後滿洲繙譯舉人額中三十名。蒙古繙譯舉人額中六名。如無佳文。任缺無濫。即將來人文日盛。取中之數。亦不得有逾定額。至繙譯進士。即照文進士例。禮部將繙譯舉子兩場實在數目。題請

欽定中額。交閱卷大臣遵

旨取中。○又奏准會試迴避官生。與繙譯舉人試卷。嗣後閱卷官。俱在

午門內東西朝房分閱。再請

欽點御史各二員。一體住宿。專司稽查。俟擬定進呈之後。方許散歸。○十四年奏准。凡應繙譯鄉試者。除生員已遵例錄科外。其文生員貢監天文生中書筆帖式等。均照文鄉試八旗貢監錄科之例。一體錄科。列在一二三等者。准其鄉試其餘概不准入場。於考試繙譯事宜。更為周密。至錄科題目。照考試繙譯童生之例。恭請

欽定。其試卷由閱卷大臣憑文選取。分等第名次。同科考生員名冊。並交禮部出榜曉諭。以昭畫一。

所有錄科應用供給食物紙張筆墨等項。於大興宛平兩縣經費項下覈銷。其餘一切事宜。悉照考試繙譯童生之例辦理。○十六年奏准繙譯鄉會試。遵照文鄉會試開科。

恩旨。

一體考試。除繙譯會試。照原議於壬申年八月內。同文會試合為一場考試外。至繙譯鄉試。因主考監臨各所等官。以及應試舉子人數衆多。號舍房間俱不敷用。未便合同考試。是以向例別立一場。於二月舉行。今文鄉試定於三月。其繙譯鄉試。即於二月舉行。○十七年奏准。嗣後繙譯會試閱卷大臣等。無論在闈在朝。俱停閱看本衙門稿案。○又奉

旨。迴避官生。不必考試。繙譯題目。著主考官出其通場四書題。仍照例請旨。○又奏准。本年八月繙譯會試恭遇

聖駕行圍。所有擬取繙譯試卷。免其進呈。交與內簾官出榜。○又奏准。繙譯會試考官。將各部院大臣及滿洲京堂職名。一併開列。○十九年定。繙譯會試舉人。於文會試二場點入。先期行文各該旗。轉傳各該舉子。於二場時齊集。認牌序立聽

點。以免擁擠。鑲黃旗正白旗鑲白旗正藍旗由東轆門點入。正黃旗正紅旗鑲紅旗鑲藍旗由西轆門點入。○二十二年奉

旨。八旗童生。生員。遇歲科考鄉試時。停其考試。騎射。由舉人考試。進士時。仍照舊兼試馬步箭。伊等若馬步箭不好。即將名扣除。不准會試。○又議准。停止繙譯鄉會試。○又奏准。繙譯進士出身之人。其升補翰詹官員之處。一併停止。○又議准。八旗另記檔案文武舉人生員貢生監生繙譯舉人生員。仍照從前舊例。原係另戶抱養民人為子者。歸入民籍。仍准考試。如本係家奴開戶另記檔案者。其本身係文武舉人生員貢生監生繙譯舉人生員。止准頂戴終身。不准再行考試。其子孫各照該籍民人例辦理。○四十年

諭。御史穆隆阿奏。請復考繙譯舉人進士一摺。所奏不可行。已於摺內批示矣。從前令旗人考試。繙譯舉人進士。原以清書為滿洲根本。考試繙譯。使不失滿洲本業也。後因應試人員。每以尋章摘句為事。轉失繙譯本義。殊屬無益。因諭令軍機大臣等詳加定議。除繙譯生員仍行考試。以為考試中書筆帖式之階。其

繙譯舉人進士。俱停考試。若謂考試繙譯舉人進士。旗人始能學習清書。稍通繙譯。則前此繙譯鄉會試未舉行時。通繙譯者又豈乏人。可見凡事惟在務實。滿洲人等果能不失根本。不尚虛文。於滿漢諸書勤加肄業。稍通繙譯。則生員筆帖式中書皆可考試。何必舉人進士。始得謂之出身乎。穆隆阿所奏。與朕教養旗人勤習滿洲本業之意。不相符合。不可行。著將此通諭知之。○四十一年

諭。繙譯鄉會試停止以來。已二十餘年。近日滿洲學習清文善繙譯者益少。著加恩以乾隆戊戌年八月考試繙譯舉人。己亥年三月考試繙譯進士。既與文武科場日期。兩不相礙。且予伊等一年之功。俾得從容究心。繙譯益臻精熟。○四十二年奏准。繙譯鄉會試所有副都統參領章京轆門御史及供給巡綽等官。俱毋庸迴避。○又覆准。考試繙譯舉人名冊。由各該旗徑送順天府覈辦。○四十三年奏准。向例考試滿洲繙譯約五六百人。額中三十名。考試蒙古繙譯約五六百人。額中六名。此次鄉試應考人數多寡。難以豫定。俟臨期將滿洲蒙古入場各實數具奏。應各中若干名。臨時

具奏。其會試中額。向係臨時題請。

欽定。仍照舊例遵行。○又

諭。今年繙譯鄉試。例應於八月考試。但今秋起鑿前往盛京。繙譯鄉試。應於起鑿之前辦理。著交該部將繙譯鄉試。改為七月初旬考試。○又奏准。現在考試繙譯生員等項。俱經議准。照文場之例迴避。所有繙譯鄉會試主考官同考官。知貢舉提調監試受卷。彌封。收掌等官。舉子內有應迴避者。皆令迴避。不得與試。如本官不自行開出。因而中式者。本官議處。該生斥革。○又奏准。繙譯填寫榜文。用滿洲筆帖式二員。蒙古筆帖式二員。照文場之例。於揭曉前一日黎明入場。○又奏准。繙譯科場。謄錄對讀人等。照文場之例。於士子入場前日點入。○又

諭。向來繙譯鄉會試墨卷。亦用謄錄對讀。再送內簾校閱。雖照科場條例辦理。但滿洲字與漢字不同。筆迹難於識認。本無弊之可防。原不必循文場易書之例。况謄錄之領催。於繙譯文義不能盡通。謄寫易於訛錯。且致多延時日。殊屬無謂。現屆繙譯鄉試。所有試卷。止須彌封送交內簾校閱。毋庸另行謄錄對讀。著

為令。○又奏准。同考人員。必須通曉繙譯。方能拔取

真才。如派出在場閱卷。有繙譯生疏。棄取不當者。聽主考官參奏議處。○又奏准。繙譯鄉會試監門巡綽等官。由兵部派出。○又奏准。繙譯鄉會試士子點名入場。照文場之例。屆期除由順天府及步軍統領衙門。各派撥兵役驅逐閒人外。於轎門設立蓆棚。由禮部派員。令其督率士子。隨牌聽點。依次入闈。○又奏准。繙譯鄉會試士子入場。照文場之例。行文各該旗派出參領佐領等官。令其黎明赴轎門外。逐名識認。其按檢員役。亦照文場之例。屆期由禮部咨取王公大臣銜名。開列奏請

欽點數員。督率嚴行按檢。○又奏准。繙譯鄉會試按檢捕役。照文鄉會試例。每名每日酌給大錢四十文。至添派按檢王大臣。亦照文鄉會試之例。毋庸豫備飯食。○又奏准。繙譯鄉試應用供給官內外委官。俱由順天府派出。○又奏准。向來文場鄉會試主考監臨。都統。日給一等供給。房考監試提調。內外收掌參領。章京總理供給等官。日給二等供給。受卷彌封謄錄對讀等所官。

以及筆帖式一切在場佐雜等委官。日給三等供給。嗣後繙譯鄉會試亦照此刊刻清單。按日分散。至於各所並在场辦事書手刻字匠以及一切夫役人等。每日應給食物口糧。與場中需用棚座器具什物紙張。並造冊收卷士子需用硃墨等項。飭令大興宛平兩縣。及承辦各官。悉照文鄉試現行定例辦理。臨期派委兩縣丞入場供給。鄉試派順天府通判會試派順天府治中總理其事。事竣按月按日覈實題銷。其貢院房舍牆垣門窗號板。應否修補添換打掃裱糊。先期由大興宛平兩縣查明詳報。順天府驗實。報部酌量修補添換。俱照鄉會試例行。又定鄉會試卷。照文場例。以官尺校定長一尺寬四寸為準。卷前空白九幅。以八幅印草稿起。餘一幅以便彌封。連謄真十六幅。共二十五幅。又奏准。繙譯鄉試照舊例止考一場。用四書清字論題一道。繙譯題一道。會試分為兩場。第一場用四書清文題一道。孝經清字論題一道。第二場用繙譯題一道。又奏准。繙譯鄉會試既停其別謄硃卷。即以原墨卷送內簾校閱。主考

官自不得仍用墨筆。嗣後同考官改用紫筆。主考官改用硃筆。內簾監試改用藍筆。庶防闕益。昭慎重。○四十四年

諭。近來凡有諭旨。兼蒙古文者。必經朕親加考正。方可頒發。而以理藩院所擬原稿。示蒙古王公等多不能解。緣繙譯人員。未能諳習蒙古語。就虛文實字敷衍成篇。遂致不相脗合。又如從前德通所繙清文。阿岱閱之。往往不能盡曉。夫阿岱素精國語。無不備知。其所以不曉德通之清文者。非阿岱不通清語。乃由德通拘泥漢字文義。牽綴為文。於國語神理全未體會。是歧清語與清文而二之。無怪其相背也。則蒙古王公等之不解理藩院之蒙古文。其義亦然。總由國朝定鼎。至今百有餘年。八旗滿洲蒙古子弟。自其祖父生長京城。不但蒙古語不能兼通。即滿洲語亦日漸遺忘。又復憚於學習。朕屢經訓飭。而率教者無幾。固由習俗所移。亦其人之不肯念本向上耳。繙譯清文。蒙古文。當實力講求。毋仍陋習。此旨著頒示貢院。暨各省學政。及繙書房理藩院各書一道。揭之堂楣。俾皆觸目儆心。欽承毋忽。○又定。本年繙譯會試卷。少由該提調自行採買紙張造辦。毋庸赴部領紙。

○又定會試置備零星物件。雇覓匠作刊刻號印等項銀兩。照文場例。由禮部行文戶部。出具印領。交提調官赴領。如有餘騰。場後繳回。○又奏准。繙譯會試中式滿洲蒙古進士。俱賜進士出身。停其

殿試。禮部將該進士等造具名冊。送吏部帶領引見。○又奏准。繙譯進士。停止建立碑記。○又奏准。繙譯會試。甄門巡查御史。於三月初一日起。前往貢院住宿稽查。○四十五年奏准。繙譯場內題目。於考試先一日領出。即應謄寫刊刻。嗣後由

禮部派滿洲筆帖式二員。隨主考入場。專司其事。事竣即留內簾。關防填寫榜文。毋庸別派填榜筆帖式。○又奏准。繙譯會試紅號。照鄉試一律分別滿字滿蒙字合字蒙字等號。令考官等憑各字號佳卷取中。若滿蒙字合字號文藝平常。考官等不得拘泥錄取。○又奏准。嗣後繙譯考試內簾主考各官。仍用墨筆。○又奏准。繙譯鄉會試士子違式試卷。向無貼例。其有不能完場及越幅曳白等項。違式顯然者。比照文場之例。將試卷扣除。毋庸送入內簾。○又奏准。停止

繙譯鄉會試筵燕。○四十六年奉

旨。繙譯鄉會試從前停止已久。嗣於乾隆四十三四年復舉行考試。原係特旨加恩。今該部因屆三年復又奏請。為期太近。恐開倖進之門。此次所請考試之處。不必舉行。嗣後每屆三年。該部仍照例具奏。其准考與否。候朕降旨定奪。○又奏准。考試蒙古繙譯。交軍機處別擬滿文題目。同漢字題目一併進呈。恭候

欽定頒發。○五十二年奉

旨。頃據喀爾喀等考試八旗各處滿洲教習人等進呈試卷內。風俗字樣俱繙安科哩。此雖係舊定成語。但初定時已失字意矣。久行不易者。始謂之科哩。隨時人之常習。謂之風俗。理宜繙作各楞尼塔親。所有進呈試卷已經改正。將此著交繙書房將清文鑑照依改正。宣示各處遵行外。從前德通在時所繙清語內。阿岱不曉者甚多。阿岱善於清語。何至於不曉。究係德通固執漢文。拘泥成語。不能取意。以至繙成漢文語氣。阿岱始不能明晰。是以彼時曾經降旨曉諭。衆人大凡繙清必順滿文取意。繙譯方可令人易曉。不然。棄舍滿文語氣。因循漢文繙譯。則易至失卻滿文



舊規者將此通行各處。嗣後一切繙清。必遵朕屢次訓旨。遵照滿文舊規。取意繙譯。斷不可拘泥漢文繙譯。○又

諭向來滿洲蒙古繙譯鄉會試。每屆三年。將應否舉行之處。請旨辦理。但旗人進身之路甚廣。並不專藉繙譯。且其中亦未見出真才也。三年奏請考試一次。為期太近。嗣後每屆五年舉行一次。亦不必請旨行與否矣。○又覆准。嗣後繙譯新進生員。咨取旗冊。送兵部考試。○又奏准。五十三年繙譯會試。止有三十

十八名。不足六十名之額。暫行停止入場。謹案乾隆

五十八年各旗冊送會試舉人三十七名。嘉慶三年各旗冊送會試舉人四十名。俱經禮部先期奏請停止會試。○五十六年奏准。繙譯鄉試已屆五

年之期。照例於五十七年八月舉行。惟適值文場鄉試。勢難同時入場。酌改於七月內先行考試。○五十七年奏准。繙譯鄉試人數無多。於初九日考試。即於次日交卷。散出稽查。較為簡易。所有棘牆外巡查科道。請

欽點滿漢各二員。於考試日在棘牆之外。無分晝夜輪流巡查。○又覆准。繙譯鄉試入場辦理分卷等事。書吏與文場事同一例。但人數減少。所有

入場書吏酌減咨取。○又覆准。繙譯鄉試錄科。應由順天府尹行文八旗都統。查取名冊。咨送兵部。奏派王大臣考試騎射。並將場中所需副都統參領章京及稽查點名御史等官。照例行文兵部都察院查辦。其閱卷大臣司員及按檢王大臣等官。由禮部題請

欽點。俟兵部劄發箭冊到日。該府尹定期咨呈禮部辦理。所有繙譯滿洲及蒙古文字題目各一道。先期奏請

欽命。由該府尹祇領送入貢院。○又奏准。入號巡查

御史。士子出場後。即令出闈。○又覆准。繙譯錄科時。閱卷大臣等官。照例毋庸迴避。○五十八年奏准。考試繙譯開列考官。所有各部院滿洲堂官內。由贊禮郎讀祝官出身。及兼太常寺等處行走者。俱行扣除。

欽定大清會典事例卷三百六十四

禮部

貢舉 繙譯鄉會試二 駐防繙譯鄉會試

繙譯鄉會試 ○嘉慶二年奏准繙譯鄉會試應派監臨官與順天文鄉試事同一例所有滿洲侍郎以下三品卿以上銜名通行開列

欽點一員會同順天府府丞總理場務 ○又議准嗣後凡遇繙譯考試年分令各該堂官於保送同考官時止將上科甫經

點派各員查明扣除再內閣中書等官原係可以閱

卷之人即多開數員以補部院之缺至各館纂

修協修係內閣及部院人員兼辦均可由該衙

門咨送毋庸別向各館咨取 ○五年議准乾隆

年間宗室曾經考試繙譯嗣後凡遇考試繙譯

鄉會試之年宗室亦照文場鄉會試之例辦理

○七年

諭宗室繙譯鄉試另行命題由順天府照例請領其試

卷不必進呈將來繙譯鄉會試俱照此辦理 ○又奏

准宗室繙譯鄉試中額照滿洲蒙古之例由至

公堂將入場人數咨部奏請

欽定 ○又奏繙譯會試舉人現據各旗造冊咨送到

部四十二名本年宗室繙譯鄉試取中舉人八名共五十名奉

旨明年係繙譯會試之期雖應試舉人不足六十名之數但自乾隆五十三年以後日久未經舉行著加恩於明年舉行繙譯會試 ○又奏准宗室繙譯會試照宗室文會試之例考試一場試以清字四書文題一道繙譯題一道 ○八年奏准繙譯科場歸併文闈考試其試卷由監臨知貢舉封固送交軍機處請

旨特派大臣鄉試在

文華殿校閱

欽派滿漢御史四員在彼左右駐宿稽察會試在

內廷校閱毋庸再加防範 ○又

諭嗣後遇有繙譯鄉會試是否可以歸併文闈春秋兩

試及應如何酌定章程之處一併妥議具奏欽此又

侍郎賡音奏繙譯鄉會試請照科場定例三年

一舉奉

旨著交禮部一併議奏欽此遵

旨議定繙譯鄉會試年分歸併文場鄉會試將五年一

舉之處。改為三年一舉。如遇

恩科。亦一體舉行。號舍宜量為區別。場中內龍門左右兩旁轉角之處。為兩翼。彈壓副都統住房。貼近住房。各有小號三四處。如於科場點名之日。先儘此六號坐繙譯舉子。俟點完時。各令彈壓副都統親身封號。以一員在至公堂管束八旗舉子。以一員在住房管束繙譯舉子。不使出號行走。考期定於會試二場。點進繙譯之頭場。會試三場。點進繙譯之二場。至順天鄉試二場。人數衆多。繙譯止考一場。所有應試士子。應於三

場點進。閱卷照乾隆七年之例。於每科繙譯完場後。與宗室試卷。由監臨知貢舉封固。送交軍機處請

旨特派大臣校閱。鄉試人數較多。照

殿試例在

文華殿閱看。會試人數較少。照

朝考例在

內廷閱看。凡

內廷閱卷。如

南書房。

正大光明殿東配殿

禁禦深嚴。俱可不必再加防範。惟

文華殿閱卷。則地在外廷。且須住宿二三日。關防不可不嚴請

欽點滿漢御史四員。以二員住宿

文華門內左側

文淵閣班房。其右側一間。向係茶房居住。不能移出。亦即令稽查管束。不得任意出入。所有

文華殿左側一角門。亦令兼管。以二員住宿

傳心殿南犧牲房。其東西二角門。及北通會典館

之夾道小角門。均令稽查。至

文華殿前後門。原有護軍掌管。即令直日護軍統領晝夜巡視。又奏准繙譯鄉會試。即歸併文

闈。其外簾受卷。彌封等官。嗣後另派部院旗員

二員。專辦繙譯受卷。彌封事務。彌封既畢。即將

紅號簿同試卷一併封固。鈐用監臨知貢舉關

防。委員送軍機處。至閱卷時。恐姓名紅號。此二

員業已全知。或有洩漏。照各外簾官之例。俟外

簾事畢同出。所有收掌試卷。於奏派閱卷大臣

時。並將部院所送旗員名單。一同呈請

欽點二員。令其屆期承領試卷。在閱卷處專司收發。俟試卷進呈揭曉後。將落卷點明數目。鄉試移送順天府。會試移送禮部。俟士子來領散給。至闈中書吏。於各部院所送掣籤經承內多掣四名入場。專辦繙譯試卷。場畢。亦照例留於場內。至鄉試錄科。向例奏派大臣。在貢院考試。如適值繙譯童試之年。則歸併一場辦理。嗣後於歲試年分。仍照舊考試繙譯童生外。其科考年分。應考繙譯童生。即歸併錄科一場辦理。所有繙譯錄科試卷。交考試繙譯童生之閱卷大臣。秉公選取其新進童生。仍照例一體入場。所有考試供應。仍照文場之例。交順天府一體置辦。其增添官員書吏。仍按在場日期。照例供給。事竣覈銷。至

欽派閱卷大臣。會試人數較少。一日即可竣事。且在內廷閱看。自毋庸豫備飯食。其鄉試在文華殿閱卷。必須住宿二三日。所有每日供應及官吏人等飯食。照乾隆十三年咨准之例。行令順天府轉飭委官備辦。○又奏准。本年八月繙譯鄉試恭遇

聖駕駐蹕熱河。軍機大臣。俱已隨往。所有場內送出之宗室及八旗士子繙譯試卷。交留京王大臣驗明印封。奏請

欽派大臣校閱。並將應行開列銜名。於十一日先行發報具奏。十四日報回宣

旨後。即令

欽派各員。在

文華殿住宿關防。以昭嚴密。其監試滿漢御史及收掌試卷官員。禮部同日附報具奏。○又議准繙譯鄉會試

欽派閱卷大臣外。仍照舊例添設滿洲同考官四員。蒙古同考官二員。協同校閱。嗣後繙譯鄉會試均俟文闈定有揭曉日期。禮部豫將繙譯主考同考提調。內外廉監試。暨外廉各官。題請

欽點。即於揭曉後一日。宣

旨入場。士子於揭曉之後二日點進。其宗室應繙譯試者。仍於頭場先行點進。另居東文場字號。其監臨知貢舉。即留文闈滿洲大臣一員。外場巡查科道等官。即於文闈滿漢各員內籤掣留半。號軍供應人役。照文場例酌留。至彈壓八旗副

都統按檢王大臣。責成文闈原派之王大臣副都統等一體辦理。毋庸另派。並知會文闈原派宗人。一體入場彈壓。○又

諭本年繙譯士子。文鄉試第三場併試。係屬新例。舉行。啟事歸簡易。轉致人數過多。坐號不敷。自應另為改期。因思考試宗室。在文闈頭場與各士子一體局試。亦未周妥。且止一文一詩。竟日即可交卷。嗣後宗室鄉會試。著改於各士子鄉會試三場完畢後。十七日點進。當日完場。其繙譯鄉會試。著於十八日進場考試。來年會試。即照此辦理。○十年

諭向來繙譯會試頭二場題目。均係欽命。因思順天鄉試及會試文場。每屆命題。惟頭場四書詩題。係由欽命。其二三場題目。由正副考官公同擬出。繙譯會試事同一律。其二場題目。何以概請欽命。况主司既能閱文。焉有不能出題之理。嗣後繙譯會試。除頭場文論欽命題目外。其二場題目。應否即交考官擬出之處。著禮部妥議奏定。欽此。遵

旨議定。嗣後繙譯會試二場。滿洲蒙古繙譯題目。由考官自行擬出。刊發各士子。仍照文場例。於二場士子出闈日。將題紙進呈。至繙譯鄉試與宗室

會試定例止考一場。除鄉試之四書清字文論題及宗室會試之清字文題。仍照舊例恭請

欽命外。其繙譯題亦令考官擬出。以歸畫一。並將清字應用書籍移送入場。以資覈對。隨經行文武英殿。移取清文鑑清漢合璧五經四書清字古文淵鑑。性理精義漢字古文淵鑑。性理精義資治通鑑。各一部。存儲禮部。屆期移送入場備用。○十三年

諭本年繙譯鄉試入場日期。既與武會試內場相值。著照明亮等所奏。改於武會試內場揭曉後。再行接考。嗣後繙譯鄉試。遇有似此相值年分。即照此次辦理。○又

諭禮部具題繙譯會試中額一本。朕已酌定批示矣。繙譯會試與文會試事同一例。自應將上三屆應試人數。及取中額數。分析開單呈覽。以便比較增減。乃該部具題本內。僅將上三屆取中額數開單進呈。而於應試人數若干。未經聲敘。辦理殊屬草率。禮部堂官著交部察議。嗣後著照文會試之例。分析開單請旨。以昭畫一。○又

諭前日據宜興托津奏。閱看宗室繙譯試卷計十三本。

擇其清文通順者三本進呈。恭候欽定。取中名數。照例發交。知貢舉折名揭榜等語。朕以摺內並無上屆應試人數。及取中數目。無從比較。是以特將原摺存留。令軍機大臣查明。歷屆人數中額。再行覈辦。止先將試卷發回。乃本日知貢舉德文奏稱。內廉擬取試卷。昨經禮部發交至公堂。業已折封填榜。將中式三人名單進呈等語。宜興等既經繕具奏摺。請欽定中額。自應俟奏摺發回後。有旨令其取中幾人。再行移咨至公堂。欽遵辦理。豈有不候奏摺發回。輒將試卷中式之理。雖現在查明。嘉慶八年宗室繙譯會試中額。係於四名內取中二名。十年係於九名內取中二名。本科應試者有十三人。原可中式三名。所取尚不為濫。但該考官不俟原摺發回。即行取中。究屬冒昧。宜興托津著交部議處。○又

諭前因宜興托津派閱宗室繙譯試卷。於奏請欽定中額之摺。未經發回。即行取中。是以交部議處。本日詢據宜興等奏稱。前日試卷發回時。折封揭榜。係由知貢舉辦理。並不會同內廉等語。復經詢之德文。據德文亦稱。前日禮部筆帖式齎回試卷。原經告知德文。以此摺尚在留中。查取比較數目。伊一時疏忽。即憑

試卷折封揭曉等語。此事既係外場辦理錯誤。與內廉無涉。自應將知貢舉交議。德文著交部察議。其宜興托津前此交議之處。著寬免。○又覆准

裕陵奉祀禮部讀祝官。由文生員出身者。比照筆帖式等小京官之例。一體應繙譯鄉試。○十四年

諭據禮部奏本年繙譯會試。應試蒙古文士子僅止三名。可見八旗蒙古人等。平日俱不用心習學。八旗蒙古人等。中式蒙古舉人者不少。今屆會試之期。應試者僅止三人。或由別途授職。或因挑取別項差使。遂心生怠惰。不加勤習。以致不能會試。此皆由該管大

臣官員等。不能善為訓導所致。均著申飭外。此次會試三人俱著扣除。所有派出閱看蒙古文試卷大臣。博興及同考官等。著即出闈。嗣後八旗蒙古人等。務須加意習學。下屆會試時。報考者若至七八人。方准考試。如人數不敷。即著停止。著為令。○十五年

諭向來鄉會試文闈。各有例設漢字書籍。以備考官檢查之用。其繙譯考試。亦應仿照辦理。著禮部酌議應用何書。奏明交武英殿備辦。每屆試期。照例咨取應用。欽此。○遵

旨議定現在除

武英殿發給禮部存儲清漢字書籍六種。毋庸再給外。其餘各種備辦二分。一頒發順天府。豫備繙譯鄉試。一頒發禮部。豫備繙譯會試。均令敬謹存儲。所有繙譯應用清漢字書籍書目開列於後。

聖諭廣訓清漢各一部。

日講易經清漢各一部。

日講書經清漢各一部。

日講春秋清漢各一部。

日講四書清漢各一部。清漢合璧五經各一部。清漢合璧四書一部。孝經清漢各一部。性理精義清漢各一部。小學清漢各一部。通鑑綱目清漢各一部。古文淵鑑清漢各一部。四體清文鑑一部。增訂清文鑑一部。蒙古清文鑑一部。又補發禮部

聖諭廣訓。

日講易經。

日講書經。

日講春秋。

日講四書性理精義通鑑綱目古文淵鑑清漢各一部。

增訂清文鑑一部。又覆准九品天文生與九

品筆帖式均不准應繙譯鄉試。十六年奉旨。嗣後內務府人中繙譯舉人。仍在內務府補用。中式繙譯進士人員。著與八旗繙譯進士一體掣籤分部行走。又奏准。嗣後繙譯會試。如恭遇

聖駕巡幸。所有宗室繙譯清字四書文題一道。八旗繙譯清字四書文題一道。清字孝經論題一道。先期奏請。屆期由宗人府禮部各堂官。赴留京辦事王大臣處。祇領送入貢院。二十年議准。嗣後繙譯鄉會試。咨取同考官時。各該衙門有科甲出身精通繙譯者。儘先開送。如繙譯科甲

一時不得其人。再將別項曾考清漢蒙古文出身精通繙譯之員。一體開送具題。二十四年諭。此次宗室繙譯會試。止有九人。為數太少。皆伊等平

時專務漢文。不以清文為先務所致。國語騎射。乃我滿洲要務。若竟置之不講。專事漢文。久之滿洲舊業必致廢弛。著交管理宗人府王公等。曉諭八旗宗室等務。將國語騎射。留心習學。毋得專事漢文。前次宗室繙譯會試。十九人內。曾取中三名。十一名內。曾取中二名。此次會試。僅止九人。朕仍加恩。取中二名。嗣後繙譯會試。若足九人。著仍取中二名。若不足九人。

著即停止入場。○又

諭嗣後宗室繙譯鄉試總俟足二十名之數方准奏請入闈不足二十名之數仍行停止。○又

諭諭士藩奏繙譯會試請照文闈之例一體覆試一摺所奏甚是。國家設立繙譯鄉會試原令旗人嫻習國書以圖上進。今該御史奏稱應試之人往往倩人槍替而通曉繙譯者因此牟利轉終身不願中式此事朕亦頗有風聞。近科繙譯取中之人竟有不能清語者實屬冒濫。既往姑免深究嗣後考試繙譯不但會試應照文闈例覆試即鄉試亦當一律覆試俱著禮部奏請於揭曉後定期傳齊中式之人在內廷覆試。○又

諭繙譯鄉會試覆試毋庸作一文一論著定為繙古今文一篇。○又奏准繙譯會試與文會試事同一律嗣後於文會試揭曉後一日舉行屆期將題本於前一日進呈一切事宜遵照文會試之例辦理。○道光元年議准旗員由繙譯舉人考取助教後緣事革職復經揀選廢員補授筆帖式者不得再應繙譯會試。○又

諭嗣後考試八旗繙譯著承辦場務衙門奏請簡派左

右翼副都統各一員屆期帶領所屬官兵在點名之處稽查彈壓令士子等魚貫入場如有喧鬧冒混者按律懲辦並著御史等據實參奏以肅場規而清積弊著為令。○二年議准繙譯生員如係抱養民人之子准改作文生員一體鄉試其不能由文途進取者止准頂戴榮身。○八年

諭敬徵奏請將繙譯科場同考官裁撤一摺繙譯科場專論清文清字易於辨認非若鄉會文場之有謄錄對讀關防嚴密向來同考官銜名先期由各衙門咨送而各部院精通繙譯之員為數無多半皆熟手易啟揣摩夤緣之弊不可不防且試卷至多不過一千餘本閱卷大臣無難全數閱看嗣後繙譯科場同考官著即裁撤屆期該部將應試人數奏明請旨候朕酌派大臣公同校閱以拔真才而杜弊端。○又

諭我朝掄才取士於定立制科之外復設繙譯科目既以廣八旗士子登進之階亦識不忘本業立法洵為至善無如近日旗人力學者少轉視科目為迂途不復勉圖進取即如從前乾隆年間繙譯鄉試滿洲約五六百人蒙古約五六十人本年應試人數計考滿洲繙譯者僅一百三十餘人蒙古繙譯者僅二十餘



人人數既較前多寡懸殊。而取中之卷。自係簡拔其尤。乃昨日覆試中式滿洲繙譯舉子八名內。即有文理欠通錯誤太甚者四名。罰令停科。其餘未經中式之卷。文義字畫。概可想見。清語騎射。為旗人根本。近日八旗生齒日繁。而勤學應舉者。轉日見其少。豈國家設立科目本意。特降旨申諭八旗人等。嗣後務當父教其子。兄誡其弟。勤加策勵。共效觀摩。期於精研本業。以備旁求。毋負朕諄諄誥誡至意。○十一年覆准。八旗武生考取謄錄官。議敘筆帖式候補者。不得再應繙譯鄉試。○十二年

諭禮部奏參繙譯錄科試卷。所有蒙古二等三等卷面。漏未填寫等第名次。當經咨查將原卷送部。均係黏貼浮籤。並未於卷面上填寫名次。殊屬遺漏。著交吏部。將場內遺漏填寫卷面名次之員。查取職名。照例議處。○又

諭李振祐奏參委員齋送試卷遲延。並自請議處一摺。本年繙譯錄科二三等試卷。經府丞派委教授興文等。齋送禮部填榜。乃該教授等轉將試卷交到順天府署。復令派員齋赴禮部。致稽填榜日期。該教授等既已漏送於前。又不趕送於後。遲延之咎。實無可辭。

順天府教授興文。訓導景和。著交部議處。李振祐未能先事查察。著一併交部議處。○十四年覆准。八旗候補中書。非貢監生員出身者。不得應繙譯鄉試。○十五年

諭此次繙譯鄉試內務府鑲黃旗漢軍士子玉麟。正白旗漢軍士子瑞廷。裕昌之識認章京。曠誤未到。著各該旗查取職名。交部照例議處。○又

諭此次繙譯鄉試中式舉子。著於本月二十八日。在乾清宮覆試。○又奏准。繙譯鄉會試中式各卷。封送軍機處。交覆試閱卷大臣。覈對筆迹。○二十年奉

旨。嗣後文闈鄉會試點派考官密本。著仍於初三日將題本送閣。初四日進呈。其繙譯鄉會試密本。送閣進呈。亦著改前一日。○又覆准。本年繙譯鄉試蒙古人數不足七八人。暫停考試

駐防繙譯鄉會試。○道光二十三年

諭嗣後各處駐防。俱著改應繙譯考試。俾有志上進者。咸知非熟習清文。不能倖邀拔擢。自必爭相磨勵。日益精通。其各該將軍副都統等。尤宜隨時訓練。董勸兼施。毋得視為具文。因循積習。以副朕崇實黜浮之意。其考試一切章程。及繙譯童試進額。鄉會試中額。

應如何酌定之處。著軍機大臣會同該部悉心詳議具奏。欽此。遵

旨議定。各省駐防繙譯鄉會試。三年舉行一次。鄉試一

場。會試兩場。如遇

恩科。亦一體

加恩。駐防繙譯生員。各歸本省應繙譯鄉試。其新進

文生員。貢監生等。願應繙譯鄉試者。准其改應

繙譯。不准再應文鄉試。均先期由該將軍等驗

看騎射合式者。再行錄科。錄科時滿洲用漢文

題一道。令繙清文。蒙古用清文題一道。令繙蒙

古文。鄉試之年。於三月前。先考繙譯錄科。由該

將軍等出題考試。黎明入場。日入出場。不准給

燭。錄科後。即將試卷題目紙一併解部。以備覈

對筆迹。並造具各該生年貌清冊。註明滿洲蒙

古漢軍旗分佐領字樣。徑送藩司造辦點名各

冊。其新進各生。無須錄科。由該將軍等驗看騎

射合式者。徑送鄉試會試。年分。由禮部於上年

五月行文各該駐防將軍等。於文到日。查明所

屬應試士子人數。詳細開註滿洲蒙古漢軍字

樣。並旗分佐領年貌三代。造具清漢名冊。備文

分送在京各該旗覈實送部。一體會試。該舉人

等水脚銀兩。照各省舊章辦理。駐防繙譯舉人

專應繙譯會試。不准應文會試。其駐防文舉人

亦不准應繙譯會試。試卷比照京旗式樣。由藩

司造辦。令該士子前期十日投卷。親身書寫卷

面。填明年歲及滿洲蒙古漢軍佐領。並註明應

滿洲繙譯試。或應蒙古繙譯試字樣。鈐用印信

關防。鄉試各歸本省。俟該省文闈士子三場完

竣後。於十七日點名入場。十八日發題考試。十

九日出場。所有試卷。無論已完未完。均由該省

監臨封固。鈐用關防。專差送部。題目照京旗例

論題一道。繙譯題一道。由禮部於題

派該省文鄉試考官本內。夾片聲明。均請

欽命。再由禮部知照該省考官。於起身前一日。親赴

軍機處恭領。帶至該省內。簾嚴密收存。屆期面

交該監臨拆封刊刻。其題紙隨同試卷解部。以

備查覈。蒙古繙譯。惟蒙古人方准考試。七八名

取中一名。如蒙古駐防。有願應蒙古繙譯之人

於奏請滿洲繙譯題目時聲明。將蒙古繙譯題

目。一併由該省考官恭領帶往。如報考蒙古繙

譯之人臨場或不足取中之數。題目毋庸拆封。與已拆封之滿洲繙譯題目。由該監臨委員一同齎回。恭繳。

奏事處鄉試由該將軍等錄科。豫將各該旗報考人數於三月內全行報部。於題請考官本時。應否請題夾片聲明。如逾期不到。由部查明參處。點名時派佐領二員。於十七日入場彈壓。如無佐領處所。酌派防禦一員彈壓。駐防繙譯鄉試。由該將軍等豫派隨印筆帖式一二員。俟文闈出場後。即行入場。以備繕寫題目。如該將軍等

衙門寫遠。即就近由督撫衙門酌派。俟繙譯出場後。方准該筆帖式出場。以慎關防。應試人數較少。闈中執事各官。由監臨於文闈入場官員內。酌留數員接辦繙譯。吏役人等及一切巡查事宜。亦由該監臨酌量辦理。場期由該將軍等派參佐領等官數員。臨場識認。如無參佐領等官。即派協領或防禦驍騎校等官識認。如應試各生僅止一二名。即交別處派出之員。代為識認。中額每十名取中一名。過半者增中一名。至多不得過三名。以示限制。各該生試卷交齊後。

即於次日由監臨將試卷封固。鈐用關防。派員起解。限五十日內通行送部。如逾限不到。由部指名參處。禮部俟各省試卷到齊後。奏派閱卷大臣。在

午門外朝房。同校閱。擬定名次。卷面黏貼黃籤。卷尾用墨筆填寫名次。進呈後。發交禮部拆封。填榜。鈐蓋堂印。轉交兵部。飛遞各該省旗營。張挂。其中式卷交禮部收存。至閱卷及執事人等供給。由光祿寺備辦。中式舉人牌坊銀兩。照旗生中文舉人例。由本省給發。其筵燕金花杯盤衣頂等項。毋庸備給。會試士子前一月來京。靜候覆試。其中式原卷。與覆試之卷。由閱卷大臣覈對文理筆迹相符。再由禮部咨送兵部。驗看騎射合式者。方准會試。如實有患病等項。事故不能覆試者。歸下三科補行覆試。儻三科內仍未覆試。顯係規避。永遠不准會試。亦不准赴吏部銓選。應繙譯會試舉人。另開駐防繙譯舉人。應試人數清單。恭請

欽定駐防中額。駐防滿洲繙譯會試人數足七八名。方准入場。試卷彌封處。另用駐防字樣戳記。擬

取中卷。由考官與京旗滿洲繙譯憑文高下。統論名次先後。卷面黏貼黃籤。卷尾用墨筆填寫名次進呈。其榜文

御錄。歸入京旗滿洲繙譯會試士子內一體填寫。惟註明駐防字樣。駐防繙譯中式進士。與京旗中式繙譯進士一體

殿試。○又覆准山西駐防改應繙譯事宜。一。本省繙譯鄉試由太原城守尉辦理。該城未設佐領酌派防禦一員入場彈壓。一。考試題目。派巡撫衙門筆帖式一員入場繕寫。一。駐防士子由綏

遠城將軍派防禦二員。太原右衛城守尉派驍騎校一員。來省送場識認。如該旗應試各生僅止一二名。即交別處派出之員代為識認。一。繙譯試卷。由部頒給式樣。照式委造。一。中式舉人後。由部發到榜文。已逾筵燕之期。其杯盤衣頂牌扁等項。毋庸備給。至花紅牌坊銀兩。仍照舊章辦理。一。繙譯應試人數無多。毋須於外點名處查點。餘照文闈例辦理。一。繙譯應試各生。由該將軍城守尉等先看騎射。並錄科後。即造具該生等年貌等冊。並註明滿蒙旗佐等字樣。徑

送藩司造辦點名各冊。一。繙譯鄉試受卷等所官。及吏役人等。均令文闈之員役兼辦。其內場巡綽官。於向例留場之外。再留一二員。並守舍軍丁數名。又場外查察監控檢官役。均於文闈內留為接辦。○二十四年議准。駐防舉人應繙譯會試者。另居西文場。照八旗宗室例。每號分坐三人。至辦理坐號之處。由順天府轉飭大宛兩縣。先期酌備。○又覆准各省駐防舉人。改應繙譯會試。另定中額。其紅號循照京旗編列之號。各添駐防二字。○又

諭前據裕誠等奏。駐防試卷多不合式。不敢率行取中。當降旨令將文理尚可者四卷進呈候旨。茲據該尚書等酌選呈覽。朕詳加校閱。實係不能合式。惟念該舉人等初次改試繙譯。誦習未久。體例尚疏。若概從擯斥。未免阻其登進之心。特於四卷中酌取一卷。令與京旗試卷一體取中。此係朕格外從寬。勉強節取。嗣後各該舉人必當勤加練習。以期日益精通。用副朕敦本崇實。諄諄誥誡之意。儻仍狃於積習。視若具文。下科會試時。仍復不能合式。必當一律擯棄。毋謂寬典可濫邀也。○又

諭李星沅奏陝甘駐防所取繙譯童生試卷送部後據禮部咨開應俟彙齊奏請磨勘是該生等照例不應鄉試等語本年各省駐防改應繙譯鄉試事屬創始所有西安甯夏駐防既據該將軍等各考取繙譯童生五名已合每十名取中一名之數毋庸俟磨勘後始行鄉試即著該撫於文闈事竣酌定繙譯試期照例考試儻應試各生因道路寫遠一時未能到齊試期並著稍從展緩如展限後應試人數仍不足十名著即具奏停止○又

諭李星沅奏陝甘駐防繙譯鄉試請再展期一摺西安甯夏繙譯各生現止九名應試其續經送部之涼州莊浪考取各生自應一律准其合考惟據稱歲晚路遙應試各生恐難剋期而至著照所議將試期展至來年二月十六日舉行以示體恤○又議准滿洲繙譯會試向不分滿蒙漢取中現在京旗蒙古士

子報考滿洲繙譯者二人漢軍報考滿洲繙譯者三人駐防蒙古士子報考滿洲繙譯者二人若俱分析另打字號卷數無多易於辨認恐滋弊端所有此次繙譯會試試卷卷尾毋庸刷滿洲蒙古漢軍字樣彌封處亦毋庸打滿蒙合字

號○二十六年覆准各省駐防改應繙譯其中式之牌坊會試之長夫各銀兩仍照旗生應文鄉試例由本省給發頂戴等項毋庸備給○二十八年覆准駐防旗人改試繙譯其從前取中文生及繙譯生員遇有丁憂起復事故如舉人遇會試之年。在正二三等月丁憂起復者隨時專咨報部其在四月以後者歸年底報部貢監生於鄉試之年。在七月以前丁憂起復者於七月內即行報部。在七月以後者歸於年底彙報○又覆准各省駐防繙譯鄉試

欽定題目均由監臨恭繳

奏事處以歸畫一○咸豐八年奏准湖北荊州駐防繙譯鄉試雖係乙卯戊午兩科併行惟試卷僅止二十二本仍按十名取中一名之例取中二名○九年

諭禮部奏駐防繙譯鄉試兩科歸併可否援照官卷加倍取中等語嗣後凡兩科並舉省分繙譯中額在其援照官卷加倍取中○十年

諭禮部題派繙譯會試提調官一本所有開列揀選司員二人著照文會試之例由該堂官帶領引見候旨

揀派。○十一年奏准。福建解送繙譯錄科試卷。遇匪遺失。即由該將軍等傳齊該生員。將從前錄科試卷。補寫一分解部。以備該生中式後覈對筆迹。○又

諭各省駐防八旗。向來本有考取文舉人生員之例。自道光年間改應繙譯。將舊例停止。現在繙譯考試。各省遵行已歷有年。其駐防八旗中通達漢文積學之士。不克觀光誠為可惜。嗣後著於駐防繙譯科甲外。仍復駐防考取文舉人生員之例。均准其鄉會試。與繙譯一體錄用。○又奏准。現在繙譯會試。宗室歸併

八旗一體同題考試。兩場合併取中。其彌封試卷。毋庸分析宗室與八旗字樣。以昭公允。○又覆准。一。繙譯應試人數無多。入場時於各項士子點名之前。由西甌門一門點進。其坐號統歸西文場。按照人數戳印字號。入號後由彈壓副都統親往封鎖。不准私自出入。一。題目比照殿廷考試章程。令各衙門通曉繙譯之堂官。屆期聽宣恭候

欽派擬題。進呈後由軍機處封固。鄉試由順天府會試。由禮部堂官恭領齋送入場。一。刊刻題目。擇

至公堂旁屋一間。於封門後。即責成至公堂監試。滿漢御史二員。嚴密監視。校對畢。即行刊刻分給。一場中應用繙譯提調一員。繕寫題目筆帖式二員。受卷官二員。彌封官一員。毋庸另派收掌。其執事各員。事畢後先行出闈。一。士子交卷後。除實係曳白違式各卷。照例扣除外。其餘各卷。由監臨知貢舉封固。鈐用關防。咨送軍機處。一。鄉會試點名後。至公堂將實到人數。先行開送過部。轉送軍機處奏請中額。得旨後。知照閱卷大臣照數取中。一。閱卷由軍機處咨

取各衙門堂官銜名。屆期聽宣。

派出後在

內廷公同校閱。試卷進呈後。鄉試發交順天府會試。發交禮部。拆封填榜。鈐印張挂。○同治元年覆准。嗣後取進之繙譯生員。令其專應繙譯。不必兼應文試。其新進之文生員。令其專應文鄉試。其中有熟習清文。願應繙譯者。即呈明改應繙譯。既改之後。不得再應文闈鄉試。至中式後。係文舉人專應文會試。繙譯舉人專應繙譯會試。概不得任意更張。○九年

諭桂清奏請嚴密繙譯鄉會試關防一摺。繙譯鄉會試係國家掄才大典。如該侍郎所奏。近日考試繙譯歸併文場。關防不能嚴密。士子專占一號。不免有代倩等弊。且士子十六日出場。十八日始行奏派閱卷。十七日竟無關防。難保無請託之事。著自明年會試起。繙譯鄉會試均改復舊制。永遠遵行。○又覆准筆帖式等項人員。除九品筆帖式。照例不准應繙譯鄉試外。所有七八品筆帖式。與未經補缺雲騎尉。均比照准改文生員之例。改作繙譯生員。以及廕監生等。均准一體鄉試。至騎都尉品秩甚崇。其不由生員兼襲者。不准改作生員應試。○十年覆准廣東同文館學成諸生。凡給予繙譯生監者。概准一體鄉試。○光緒元年覆准陝西甘肅分闈鄉試。所有甯夏駐防繙譯錄科。及新進各生。均與涼州駐防生員一體入甘肅省鄉試。○又覆准廣州駐防。由同文館學生獎勵。作為繙譯生員者。照在監肄業貢監生之例。就近在北闈鄉試錄科。○五年

諭禮部奏本年己卯科福建繙譯鄉試投卷僅止九名。未能足額。例應停止。該監臨提調等官。輒將題

目拆封考試。實屬疏忽。均著交部議處。至試卷業經送部。即著閱卷大臣一併校閱。如實有可中之卷。即行取中一名。以後不得援以為例。僅無可中之卷。仍照例任缺毋濫。嗣後各省駐防省分。如臨場人數不敷中額。照例具奏停止考試。其繙譯題目毋庸拆封。以符定制。

欽定大清會典事例卷三百六十五

禮部

貢舉 繙譯童試 駐防繙譯童試

繙譯童試。○順治八年定。滿洲蒙古考試。能通漢文者繙漢文一篇。未能漢文者作清字文一篇。○又定。考試繙譯。禮部會同學政在貢院考取。○十四年。停止繙譯考試。○雍正元年定。考取繙譯生員之年。吏部行文翰林院各部院衙門。將滿洲翰林侍讀郎中等官。由清漢字出身。精通繙譯者。咨送吏部開列具題。

欽點學政一員。○又定。繙譯童生於貢院內考試。將四書直解。限三百字內為題。繙譯文一篇。其繙譯精通者。聽考官選取。○又定。取中繙譯生員額數。臨期視人數之多寡。恭請

欽定。○又議定。八旗滿洲能繙譯者。三年之內。考取生員二次。○又定。考試繙譯生員事宜。及所用物件。由順天府辦理。○四年定。繙譯考試。增添漢軍。○九年議定。八旗蒙古人等。能繙譯滿洲蒙古文字者。照滿洲繙譯之例。三年之內。考取生員二次。○又定。考取蒙古繙譯生員。

欽派蒙古學院一員。○又定。蒙古繙譯考取生員題

目。於清字

日講四書內照漢文限三百字為題。令繙譯蒙古文一篇。○又定。蒙古繙譯考試。取中生員額數。令考官挑取中式之卷。並選備卷數本。一併進呈。恭請

欽定。○十二年議。准八旗繙譯生員。向在至公堂聚奎堂兩處考試。今人數增添。照考試進士舉人筆帖式編入號舍之例。分編號舍。每遇場期。於貢院內先將場中坐次編號。截印卷面。諸生於點名領卷時。各照卷面所印坐號。令歸入號舍。仍多派員役嚴加巡邏。並令諸生等遵守場規。不得任意往來越號。致滋弊竇。○乾隆元年議。准。考試繙譯生員。於性理小學內出題考試。其蒙古繙譯。於清文性理小學內出題。○二年

諭從前

世宗憲皇帝軫念八旗滿洲蒙古漢軍前鋒護軍另戶領催披甲間散內。有能繙譯及繕寫清書之人。例不准考。無有進身之階。曾

特降恩旨考試一次。著交吏部照從前將八旗前鋒護



軍另戶領催披甲閒散內有情願考試繙譯及繕寫清書之人。查明數目具奏。考試一次內有最優者。揀選具奏請旨。○又議准。繙譯童生坐號。照鄉試例。每

一字號分坐十人。如應試人多。臨場按數分派。

仍令監試官於士子進號時。察其非係本號者。

立時押入應坐之號。俟士子進畢。即行封號。○

又議准考試繙譯童生。照鄉試例。主考會同房

官。於性理小學每一題後。括其大義。總論數語。

令士子一同繙譯。主考房官於各卷內。擇其繙

譯精通者。選取。○十一年奏准。八旗繙譯童生。

照文生員例。於進場之前。由該旗考試一次。通

順者。方得入場考試。○十三年議准。嗣後滿洲

繙譯生員額取六十名。蒙古繙譯生員額取九

名。○十八年定。考試繙譯童生。仍照舊例。由順

天府考試。其八旗咨取翰詹赴旗考試之處。應

行停止。○十九年定。考試繙譯生員。作清字文

論二篇。○二十年

諭八旗除滿洲因到京年久。向有考試之例。故姑從而

留之。東三省新滿洲烏拉齊與在京滿洲等不同。正

宜熟習騎射為國家之用。嗣後東三省滿洲烏拉齊

等考試之處。著永行停止。○三十二年奏准。考試八

旗繙譯童生。由順天府丞豫期行文都察院。奏

派監試滿漢御史各一員。行文兵部。奏派左右

兩翼副都統各一員。參領章京各二員。後歸副都統自

行隨帶。入場彈壓稽查。於考試日。淨場後。俱各

散歸。其場外巡邏人役。亦照考試文章之例。責

成順天府委員嚴行查察。毋庸添設堆撥。再繙

譯試卷繁多。一二大員。勢難編覽。照從前繙譯

考試之例。令順天府丞豫期行文該部。轉行各

部院衙門。令各該堂官揀選素行謹慎精通繙

譯之司員。密送禮部。於請點閱卷大臣時。隨同

開列進呈。恭請

欽點四員。隨派出之大臣。即日進場。協同校閱。其蒙

古繙譯應試童生。每次不及百人。試卷無多。毋

庸添設。謹案校閱蒙古試卷。禮部將各部寺院

家古堂官。及通曉繙譯之司員。一體開

列具題。恭請。○三十八年奏准。繙譯生員考

試。點名時。請加派御史二員。於東西甬門分旗

點進。並派王大臣逐名按檢。圍牆外責成步軍

統領衙門。加意巡邏。○四十一年奏准。嗣後繙

譯生員。改於八月內考試。○四十二年

諭嗣後考試生員之人各該都統等務必嚴行查察善為教訓於未考之前揀選馬步箭可觀以及稍可者准其送名僅仍有平常之人被特派王大臣查出具奏不惟不准其人應試惟該都統等是問斷不寬恕也。又覆准考試繙譯生員名冊由各該旗徑送順天府覈辦。又奏准八旗新滿洲烏拉齊等除初移居者不准考試外其在京所生已過二三世如有能習繙譯者與舊滿洲一體考試。又奏准考試繙譯生員照文場之例迴避。四十年三年奏准今歲舉行鄉試所有繙譯童生改於五月考試庶與鄉試兩不相礙。謹案乾隆五十六年五月改於五月考試嘉慶二年改於閏六月考試均由順天府咨部辦理。四十五年奏准嗣後考試繙譯童生應派考官及撥檢王大臣照鄉會試之例改歸禮部辦理。四十六年奏准向來考試蒙古生童之題即係滿洲生童應繙之文雖場分東西各編號舍不令附近關通但考試領題俱在一日恐仍有不肖生童相見傳語給看題目則考繙譯滿文者照鈔謄寫轉致倖獲嗣後考取蒙古生童請敕交軍機處另擬滿文題目同漢字題目一併進呈。

欽定大清會典事例 卷三六五

恭候  
欽定頒發。四十九年奏准繙譯生員三年兩考為期太近嗣後改作三年考試滿洲蒙古童生一次。五十五年奉  
旨昨閱考試滿洲繙譯生員取中試卷內清字訛錯繙譯平常者甚多其落卷內外錯尤甚者更復不少此等士子俱係初學之人漢題較難繙譯平常尚可乃清字竟至訛錯主考大臣等並未詳細選擇惟拘定額取中殊屬疏忽非是除將此次試卷內字畫訛錯者俱著開除外其餘著於本月十一日再令入場考試其主考大臣等屆期另行出派所有應辦事宜著交該衙門照例辦理考試之日即著此次派出撥檢拔貢之王大臣侍衛等撥檢其蒙古繙譯尚屬較可即著照取中試卷出榜。又奏准舉場一切考試俱於前一日午後點名從容撥檢次日黎明出題俾盡一日之長不准繼燭。嘉慶四年奏准考試繙譯生員仍照舊例作為三年兩考。六年議准繙譯小考人數無多嗣後外廉御史將試卷檢查明白每旗作為一封一齊送進。又議准繙譯試卷取定之後除原卷照例進呈外其

六八七

覆試之卷。別令封送奏事處以備勘對。俟正卷發下後。一併發還。○七年議准。各項小試內。廉考官分卷等事。應添御史監察。士子出場以後。外監試別無要事。於封送試卷時。即在至公堂御史內籤掣一二員。入內簾稽查分卷。○又覆

准。嗣後如考試繙譯童生。即以辰戌丑未年為歲考。至子午卯酉鄉試年。分再將科試應考繙譯童生。歸併錄科一場辦理。其科考新進繙譯生員。遵照從前併考舊例。毋庸另行錄科。惟於鄉試時。先期速取各該旗箭冊。徑送兵部考試

騎射。准其入場鄉試。○十六年奏准。向來考試蒙古繙譯。由軍機處敬擬清文題。考試滿洲繙譯。由南書房敬擬漢文題。俱屆時恭候

欽定。此次恭遇聖駕巡幸。所有考試繙譯童生。由軍機處敬擬考試蒙古繙譯題清字

諭旨三道。伏候欽定。一道。與考試滿洲繙譯漢字題一道。一同發下。嚴密存儲。附報寄京。由內閣轉交順天府祇領齋

交內場考試。○道光二年覆准。考試繙譯童生。嗣後於例設御史四員內。以二員作為內簾監試。經理刊刻題紙。稽查內龍門出入一切事務。每屆場期。都察院於奏派時。分別至公堂二員。內簾二員。以專責成。○十五年

諭。阿林保奏請嚴密稽查八旗繙譯考試一摺。向來考取繙譯文童。先由順天府行文八旗都統。由八旗都統考取造冊咨送。再行考試。定例極為周密。若果認真遵行。何至有槍冒等弊。嗣後八旗都統考送繙譯生童時。著先令各該旗佐領領催出具並無槍冒圖

結。定期赴本旗都統衙門考試。至期即令該佐領領催帶同赴考。該都統副都統親自監試。錄取清漢文理精通者。再咨順天府考試。俟奏派考試時。仍飭令該佐領出具圖結。同派出參領領催當場識認。方准

入場。儻該佐領等知情通同舞弊。即奏請從嚴議處。至考試場內。應如何嚴密稽查。中式後。應如何覆試。覈對筆迹。著禮部順天府妥議章程具奏。欽此。遵

旨議准。嗣後考試繙譯童生。由禮部行文直年旗轉傳八旗臨場識認。欽遵辦理。至場內例有稽查大臣以防換卷。並有監臨知貢舉副都統等稽查

彈壓定例極嚴。毋庸再增科條。其士子取中後。覆試由閱卷大臣酌擬名次。將試卷恭呈。欽定。並將覆試卷另行封送。奏事處以備磨對。○十年

九年

論嗣後考試各項繙譯進呈各卷。均著照本年吏部奏定章程。卷面黏貼黃籤。再於卷尾用墨筆填寫名次。並著每屆考試時。承辦衙門行知該考官一律遵辦。

○二十一年覆准。向應蒙古繙譯童試之人數。較之文童應試者十分之一。其取進之額。亦照文童取進之額。每十名取進一名。現在報考人數僅止六名。雖與十名取進一名之例不符。惟各省駐防童生。覈計應試人數。約五六名取中一名。此次蒙古文童應試。仍准入闈。

駐防繙譯童試。○道光二十三年

論國家分設八旗兵丁。駐防各省。立意至為深遠。嗣因生齒日繁。披甲名糧。例有定額。勢不能概令食糧。當差而各弁兵子弟。亦有讀書向上。通曉文義者。聽其應試。以廣進取之階。所以造就人才。體恤旗僕者。無微不至。但思八旗根本。騎射為先。清語尤其本業。至兼習漢文。亦取其文義精通。便於繙譯。乃近年以來。

各駐防弁兵子弟。往往驚於虛名。浮華相尚。遂至輕視弓馬。怠荒武備。其於應習之清語。視為無足重輕。甚至不能曉解。朕恭閱嘉慶五年

皇考諭旨。各省駐防人等。准於該省考試文生。原係於伊等格外恩施。若專務此而廢棄清語騎射。即停止此例。不准考試。亦屬應該。俟清語騎射演習熟練時。方准考試等因。欽此。仰見我

皇考聖慮周詳。

訓誡諄諄之至意。因思清語騎射。全在該管大臣官員等。平日盡心訓飭操演。而弁兵子弟。亦必令藉此進身。方能益加奮勉。現在武關鄉試。各省駐防一體與考應試之人。弓馬如果熟嫻。不患無登進之路。其應文試者。必應改試繙譯。庶不至專習漢文。轉荒本業。除本科各省文鄉試。仍照例准其應考外。嗣後各處駐防。俱著改應繙譯考試。俾有志上進者。咸知非熟習清文。不能倖邀拔擢。自必爭相磨勵。日益精通。其各該將軍副都統等。尤宜隨時訓練。董勸兼施。毋得視為具文。因循積習。以副朕崇實黜浮之意。其考試一切章程。及繙譯童試進額。鄉會試中額。應如何酌定之處。著軍機大臣會同禮部悉心詳議具奏。欽此。

遵

旨議定各省駐防弁兵子弟。有願應繙譯童試者。俱由該將軍副都統等先看騎射合式者。方准與考。即由該將軍副都統等出題。局試憑文取進。如無將軍副都統處所。即由該城守尉辦理。俟取進後。仍將所取之卷送部。童試題目。滿洲用漢字繙譯題一道。蒙古用清字繙譯題一道。俟試竣後。將題目隨卷解部。以備查覈。考試之日。黎明點名入場。日入出場。不准繼燭。歲試年分於八月內考試。如遇

恩科。改於五月間考試。其科試之年。即於五月間舉行。俟各省取進之卷到齊後。再由禮部奏請磨勘。進額。滿洲蒙古童生五六名。取進一名。至多不得過五名。以示限制。各省駐防廩增額缺。悉行裁撤。○二十四年奏准。各省駐防繙譯錄科。繙譯童試。由該將軍等每屆鄉試前一年考試。並將應考之人數。是否敷中。於鄉試年三月內。全行報部。如逾期不報。查明參處。○又覆准。各省駐防文童。現已一體改試繙譯。所有山西駐防舊進文生。由該將軍等錄科送考。繙譯。毋庸

再行歲科文試。○又奏准。甘肅涼州莊浪繙譯童生。照例於五月內考試。取進後。即行送部磨勘。現遞至八月始行考試。以致不能與各省試卷一同磨勘。嗣後遵照定例。仍於鄉試前一年。考童錄科。至鄉試年三月。全行報部。此次送到試卷五本。仍交原勘大臣一同磨勘。不得援以為例。○二十五年覆准。熱河地方應繙譯童試者。照例送京旗報考。不得由該都統自行考試錄取。○二十七年覆准。江甯京口駐防取進繙譯各生。嗣後歸該處參佐領管轄。至取進原卷。即歸副都統衙門存案備查。○咸豐元年覆准。盛京錫伯間散旗人。與臺蠻子一體。隨同滿洲挑差。與新滿洲原屬兩項人氏。現在生齒日繁。無礙差操。准令臺蠻子一體。考取文童。至考試繙譯。係旗人本業。亦准其一體考試。○七年議准。廣東廣州駐防捐輸。加該省駐防繙譯學永遠定額一名。至多不得過六名。其加廣一次繙譯學額三名。即於取進正額外。分作三次遞廣。均自下屆舉行。○同治九年覆准。山東青州駐防願應考試之部。委前鋒校。部。委驍騎校。候補筆

帖式及世襲騎都尉雲騎尉廕監生等除九品筆帖式照例准應繙譯童試外所有七八品筆帖式與未經補缺雲騎尉比照准改文生員之例改作繙譯生員以及廕監生等均係准應鄉試人員毋庸復應童試至騎都尉品秩甚崇其不由生員兼襲者既不准改作生員鄉試自不得更應童試○十年

諭禮部奏巴爾虎蒙古旗人請援例准考一摺盛京駐防巴爾虎蒙古旗人既准其考試武童捐納職銜所有文童繙譯均著其一體考試○十一年奏准

盛京新滿洲人丁與在京八旗新滿洲系出一支在京者既准考試所有此項新滿洲旗人亦一體考試文童繙譯○又議准遣戍浙江杭州駐防披甲當差者其子孫向例不准應試惟犯罪在百數十年之前咸豐年間逆匪攻撲省城該兵丁等之子孫皆能殺賊立功嗣後予以自新之路准其應該省駐防繙譯考試○又奏准福建解送繙譯新進生員試卷路遇匪徒搶劫遺失即由該將軍等傳集新進士子另出題目局試俟試竣後將卷解部照例磨勘○光緒元年

奏准甘肅涼州繙譯童生十三名入場照例取進二名該副都統取進四名交部議處所有此次多取二名於將來補行從前展限歲科各試時仍照數扣抵以符定制○四年奏准繙譯文童試卷越幅該將軍等未能看出扣除由吏部查取閱卷職名議處○八年奏准奉天旗人散處各城通曉繙譯者無多俟三五年後再行舉辦○九年議准吉林添設繙譯童試俟光緒十二年歲考之期由該將軍等查看各城旗童如果繙譯明通足數取進即先期奏明開考○十年奏准添設山西歸化城七廳地面土默特繙譯學額照例每五六名取進一名以二名為限如報考人數不敷即行停止○十一年奏准吉林素乏精通繙譯之人准於

內繙譯書房行走人員內無論實缺候補筆帖式擇其繙譯優長者揀派二員來吉作為教習認真督課○十三年奏准湖北荊州駐防繙譯本屆歲考童生一百三十九名援照道光二十七年成都駐防加額成案取進七名○又覆准嗣後各省駐防繙譯童試除原定進額五名外如

應試人數在一百十名以上酌加進額一名。一百三十名以上酌加進額二名。一百五十名以上酌加進額三名。自此次酌加以後即為定章。無論應試人數再增不得過八名以示限制。

一  
子  
賣  
參  
田  
區  
三  
書  
寫  
4  
七  
八  
三  
日

欽定大清會典事例卷三百六十六

禮部

學校 學校設官

學校設官。○順治初。各省以次戡定。設提督順天學政一員。提督江南江甯等處學政一員。蘇松等處學政一員。河南山東山西浙江陝西江西湖南湖北福建四川廣東廣西貴州雲南。設按察司僉事提調學政各一員。又設宣大二鎮提調學政一員。改江甯國子監為江甯府學。設教授訓導各一員。○又定。遼東十五學。寄設直

隸永平府。於都司學設教官一員。兼管自在瀋陽鐵嶺開原四學。於甯遠學設教官一員。兼管前屯錦州義州右屯四學。於廣甯學設教官一員。兼管永甯海城蓋平定遠右衛五學。其復州金州二衛學。附入山東萊州府置教官二員。○五年。改設遼學於永平。留遼學教官一員。其餘永平二員及山東萊州二員俱裁。○七年。裁蘇松學政歸併江甯。裁湖南提學道歸併湖北。○八年。江南提督學政。仍分為江甯等處一員。蘇松等處一員。○十年。江南學政。分為江安等處

一員。淮揚等處一員。○十一年。設遼陽府學。其

永平府遼學生員。俱歸遼陽肄業。○又覆准商籍生員。長蘆鹽運司所屬在直隸者。附河間府學。在山東者。附濟南府學。兩淮所屬。附江南揚州府學。兩浙所屬。附浙江杭州府學。陝西所屬。附甯夏府學。河東運城別設運司學。○又定。江南江北提督學院。改為提學道。○十三年。設遼陽府遼海二縣儒學。○十四年。設甘肅甯夏等衛儒學。○又復設廣東雷連各徭崗社學一所。教讀一人。○十五年。裁宣大二鎮學政。歸併山

西提學道管理。○又歸併四川松潘衛學於茂州學。○十六年。題准。直隸山海宣府衛學。邊遠無可歸併。仍行照舊。其懷來永甯衛學。歸延慶州。保安衛學。歸保安州。龍門所學。歸開平州。昌平衛學。歸昌平州。○又題准。湖南辰州五寨照例設學。令辰州府訓導分攝。○康熙元年。裁江北提學道。歸併江南提學道考試。○二年。設廣西各屬儒學教授官。○四年。設奉天各府州縣等儒學。照順天例。為京府大學。遼陽甯遠海城。為中學。蓋平鐵嶺廣甯為小學。○五年。改雲南



廣西府學訓導為府學教授。平定、建水、雲龍、南安、四州學訓導為州學正。祿豐、羅次等十二縣學教諭俱為訓導。通省共設府衛學教授十八員。州學學正二十三員。縣學教諭九員。訓導十五員。○又設四川會川衛學教授一員。貴州桐梓、綏陽、仁懷三縣學訓導各一員。○又議准。湖廣黎平府學改隸貴州。其教職仍循其舊。○六年。改設雲南開化府教授。訓導各一員。○八年。改雲南尋甸府為州。府學教授改為州學正。其維摩、順州二州及歸化三泊、陽宗亦佐。碯嘉五縣教官俱行裁汰。○又改直隸大甯都司學為保定府左衛學。萬全都司學為宣化府前衛學。○十五年。順天遵化縣升為遵化州。設學正。訓導二員。○二十二年。復設直隸阜平縣學教諭一員。○二十三年。改江南浙江兩省提學道俱為提督學政。○二十四年。設福建臺灣府府學教授一員。臺灣、鳳山、諸羅、彰化四縣教諭各一員。○二十六年。改貴州大定府學為州學。改府學教授為學正。訓導仍循其舊。○又覆准。直隸懷來、永甯、保安三衛仍各設學。令保安州學延

慶州學兼攝。○二十八年議准。四川奉節縣為夔府首邑。又兼大甯歸併。裁撥府學訓導為奉節縣學訓導。○又覆准。貴州貴筑縣照例設學。令新貴縣學官兼攝。○三十一年。設雲南師宗、雲州學正。新平、定邊、元謀教諭各一員。訓導如舊。○三十二年覆准。湖廣五開衛學。令靖州學兼攝。○三十三年。雲南曲靖、澂江、廣西元江、開化、順甯、武定、景東八府。尋甸、建水、新興、趙州、劍川、五州、昆明、宜良、河陽、楚雄、定遠、保山六縣各增設訓導一員。○三十四年。貴州裁新貴縣學。○又改設雲南平彝縣教諭。訓導各一員。○三十七年。改雲南北勝州為永北府。改學正為教授。○三十八年。增設貴州清浪衛學教授一員。開州、廣順、永甯、獨山、麻哈五州學學正各一員。普安、餘慶、安化、普定、平越、都勻、鎮遠、銅仁、龍泉、永從十縣學訓導各一員。○四十二年。設雲南昆陽、彌勒、陸涼、馬龍、霑益、雲龍六州訓導。南甯、河陽、呈貢、雲南、江川五縣教諭各一員。○又議准。四川省五十七學。各增設訓導一員。○四十三年。貴州貴陽、安順、平越、都勻、鎮遠、思州、思南

石阡銅仁黎平威甯等十一府。定番廣順開州  
普安鎮甯黃平黔西平遠大定等九州。平溪清  
浪二衛學。各設訓導一員。貴筑龍里貴定修文  
普安安南安平清鎮甯安湄潭清平施秉印江  
婺川畢節永甯餘慶等十七縣學。各設教諭一  
員。○又設貴州永甯麻哈獨山三州學訓導各  
一員。普定平越都勻鎮遠安化龍泉銅仁永從  
八縣學教諭各一員。○四十四年。設雲南廣南  
麗江二府學教授訓導各一員。其滇省土人有  
願考者。准以民籍應試。○四十六年議准。廣西  
義甯等十三縣增設教諭十三員。永甯等七州  
平樂等三縣及思明土府。增設訓導十一員。○  
五十一年覆准。廣西隆州已建學宮。移武緣  
縣訓導駐紮。以專督課。○五十三年覆准。湖廣  
鎮溪所修建學宮。以瀘溪學訓導就近兼攝。○  
五十四年。設湖廣鍾祥縣教諭訓導各一員。○  
又覆准。貴州南籠廳修建學宮。分普安學訓導  
司學務。○五十五年定湖廣岳州府湖西六屬  
以洞庭湖間隔不便應試。別於澧州分考。移府  
學訓導駐澧州。為岳西府學專司其事。○五十

九年。裁貴州黃平衛歸入黃平州學。○六十年  
復設四川岳池縣訓導一員。○雍正元年覆准  
廣西太平土州設立學宮。移養利州訓導駐紮。  
專司督課。○又覆准。廣西西陵縣改土歸流。移  
思恩府學訓導駐紮。專司督課。○二年。增設湖  
南學政一員。○三年。改直隸天津衛學為州學。  
裁保定延慶等處衛所學。歸併府州學內。以天  
津教授為學正。裁保定左所教授。訓導各一員。  
○又增設安徽學政。分上下兩江考試。○又設  
廣西崇善荔浦二縣儒學。撥太平府訓導駐崇  
善。宜山縣訓導駐荔浦。○又議准。陝西甯夏西  
甯涼州甘州四府。設教授。訓導各一員。靈州設  
學正一員。甯夏甯朔中衛西甯武威永昌鎮番  
山陽張掖山丹十縣。設教諭各一員。平羅碾伯  
古浪平番四縣。設訓導各一員。高臺縣設教諭  
訓導各一員。○又議准。江南原設之太倉州。留  
學正一員。長洲吳縣常熟崑山嘉定華亭婁縣  
青浦上海武進無錫宜興十二縣。留教諭各一  
員。新分之元和震澤昭文新陽寶山鎮洋奉賢  
金山福泉<sub>今裁</sub>南匯陽湖金匱荆溪十三縣。撥

訓導各一員。○又設山西朔平甯武二府教授。訓導各一員。右玉。偏關。二縣教諭。訓導各一員。甯武縣教諭一員。左雲。平魯。神池。五寨。四縣。及大同府屬陽高。天鎮。二縣。訓導各一員。○四年。定各省學道一體改為學院。如部郎等官奉差提督學政者。均加以翰林院編修檢討職銜。○又覆准。山西威遠衛學廩增附生撥入朔平府學。老營所學廩增附生撥入武甯府學。其神池。利民。八角。三堡。先進甯武學者。改歸神池學。鎮西衛先進岢嵐州學者。改歸五寨學。其餘衛所。照改設新縣歸撥。均由各該教職督課。○又設順天府學滿洲教授。訓導各一員。禮部於滿洲進士舉人貢生內考取文理優者。擬定正陪。送吏部引見。進士舉人授為教授。恩拔副榜歲貢授為訓導。○又增設奉天府永吉州學正一員。長甯縣教諭一員。○五年。

諭臺灣遠隔重洋。向來督學官員難以按臨考試。是以將學政交與臺灣道兼管。朕思道員管理地方之事。又兼學政。未免稍繁。每年既派御史二員前往臺灣。

巡查。應將學政交與漢御史管理。甚為妥協。現今御史在彼。著即辦理臺灣學政。嗣後永著為例。○又改湖廣之五開。清浪。平溪。銅鼓。各衛為縣。俱隸貴州省。以五開為開泰縣。清浪為清溪縣。平溪為玉屏縣。均設教諭。訓導各一員。銅鼓為錦屏縣。改教授為教諭。訓導仍循其舊。○又陝西裁潼關衛學。文武生童歸併華陰縣學。○又山東裁萊州府復州。金州。二衛。歸併奉天府府丞考試。○又改貴州南籠廳為府。置教授。訓導。改普安州。訓導為學正。設永豐州學正。安南縣。訓導各一員。○又改設雲南宣威州學正。思樂縣教諭。各一員。○又復設四川華陽縣。羅江縣。教諭。訓導各一員。○六年。改設雲南東川。烏蒙。二府教授。鎮雄州學正。永善縣教諭各一員。○又改四川資縣為直隸州。教諭為學正。○又改設四川會理州學正。訓導。西昌。冕甯。鹽源。縣教諭。訓導各一員。○又改設四川越嶲廳教授。訓導。雷波。廳。訓導各一員。○又復設四川雙流。崇甯。彭縣。璧山。大足。定遠。彰明。威遠。青神。彭山。安岳。等縣。訓導各一員。○又增設山東魚臺縣學。訓導一

員。福山縣學教諭一員。○又設四川黎大所學。撥榮經縣學訓導一員。專司督課。○七年覆准。雲南普洱府學教職。於元江府學調訓導一人。以司啟迪。其從前附入元江府學各生。令撥入普洱。該學政別造清冊報部。○又

諭。廣東盜案繁多。民俗獷悍。應設觀風整俗使一員。化導訓飭。令人心漸歸醇厚。又該省督撫奏稱粵東士習未能端謹。請設學政二員。一司文衡。一飭士行。以為造就人才之地。朕思文行本屬相關。不可離而為二。况廣東地方遼闊。若司文司行。分屬兩員。仍各徧

歷通省。耳目聞見。恐有未周。著設學政兩員。按該省地方分管考試督學。廣東觀風整俗使。著通省士子。令其概行稽查。○又設廣東肇高學政。廣韶學政。各一員。○又議准。湖南九澗永定。二衛小學。裁併一縣為大學。改湖北施州衛學為恩施縣學。○又四川裁會川衛學。歸併會理州。定為中學。○又改甘肅徽州為縣。學正為教諭。○又改山西蒲州澤州直隸州為府。學正為教授。設永濟鳳臺二縣教諭。訓導各一員。移臨晉縣訓導駐紮虞鄉。○又復設四川大甯新甯二縣訓導各一

員。○又改設湖南永順府教授。永順龍山保靖桑植四縣訓導各一員。安福縣教諭。訓導各一員。○又改四川雅州直隸州為府。學正為教授。

設天全州清溪縣訓導各一員。○又改設四川松潘廳教授。訓導各一員。○又奉天裁秦甯縣教諭一員。○又設陝西榆林府教授。榆林懷遠二縣及延安府定邊靖邊二縣訓導各一員。○

又改設甘肅鞏昌府洮州廳教授。岷州學正。靖遠縣教諭。訓導各一員。○又設雲南宣威州學正一員。○又議准。湖北黃陂孝感二縣。改歸漢陽府管轄。其原撥黃州德安二府各生。改歸漢陽府學。○九年。改直隸天津州為府。並設天津靜海二縣。府學置教授。訓導各一員。天津縣學置教諭一員。靜海縣學置教諭。訓導各一員。○

又設廣東鶴山縣訓導一員。○又改貴州大定州為府。學正為教授。威甯府為州。教授為學正。訓導各循其舊。○又設順天府甯河縣教諭。訓導各一員。○又改湖南澧州為直隸州。裁岳西府學。該訓導仍歸岳州府駐紮。其岳東府學。仍改為岳州府學。○又九澗永定二衛軍戶屯田。

俱散在澧州等處。合二衛改為一縣。所有該衛文武各生。照依戶口田糧分隸。附近新縣者。撥歸新縣。遠在各屬者。撥歸各屬應試。○又改雲南烏蒙府為昭通府。於附郭置恩安縣。未設學。其學務仍隸府學教授兼攝。○十年奏定。順天府童生考試。除大興宛平二縣屬府丞專理外。其餘二十三州縣。於州縣考試後。俱由霸昌道錄取轉送。諸多不便。嗣後就近改歸四路同知。按所屬州縣錄取轉送。○又覆准。直隸天津州改為府。滄州亦歸天津府屬。其長蘆鹽運使司所屬商籍生員。向附河間府學者。嗣後改附天津府學考課。○又設湖南鳳凰廳教諭。乾州廳訓導各一員。○十一年。改江蘇徐州學為徐州府學。於附郭置銅山縣。以州學正為府教授。以徐州原設之訓導管新縣學事。鳳陽府屬之壽州分置鳳臺縣。即以壽州原設之訓導管縣學事。○又改廣東程鄉縣為直隸嘉應州。改教諭為學正。○又設廣西鎮安泗城兩府教授二員。東蘭歸順兩州學正二員。思明土府新改為土州。歸甯明州。照州學例設學正一員。梧州府

博白北流陸川興業四縣。改隸鬱林直隸州。其教職俱循其舊。○又設福建臺灣府學。及臺灣鳳山諸羅彰化四縣學訓導各一員。○又議准。江都新分甘泉縣學。山陽鹽城新分阜甯縣學。各以訓導分司督課。○又設福建福甯府學。教授一員。於附郭置霞浦縣。設訓導一員。其福州府所屬之古田縣雙溪溪地方。新置屏南縣。設訓導一員。又泉州所屬之永春縣。改為直隸永春州。漳州所屬之龍巖縣。改為直隸龍巖州。二學教諭俱改為學正。其訓導仍舊。○又設奉天府復州義州學正各一員。甯海縣設教諭一員。○又復設河南南召縣學。以南陽縣訓導管理學務。○又改河南陳州許州為府。各設教授一員。其陳州府新設附郭淮甯縣。許州府新設附郭石梁縣。並以二州舊設訓導管理縣學。○十二年。設山東博山縣訓導一員。○又改陝西同州直隸州為府。學正為教授。設大荔縣教諭。訓導各一員。○又設湖南永定縣訓導一員。○又改山東大嵩衛為海陽縣。成山衛為榮成縣。設教諭各一員。其靖海衛童生。附海陽縣考試。威海

衛童生。附榮成縣考試。○又裁山東鼇山衛及雄崖浮山二所。歸即墨縣管轄。靈山衛歸膠州管轄。其原設教授裁。○又改山東曹州為曹州府。泰安州為泰安府。各設教授一員。其原設州訓導。俱改為二府附郭新縣訓導。○又改山東武定。沂州。兩州為府。各設教授一員。其原設州訓導。俱改為二府附郭新縣訓導。○乾隆元年。議准。廣東惠州府屬之興甯長樂二縣學。潮州府屬之平遠鎮平二縣學。改歸嘉應直隸州管轄。○又改湖北彝陵州直隸州為宜昌府。學正為教授。設東湖縣教諭一員。○又改湖南沅州直隸州為府。學正為教授。設芷江縣訓導一員。○又改設四川西陽州州學。秀山縣縣學。訓導各一員。○二年。改安徽潁州直隸州為府。學正為教授。以訓導為阜陽縣訓導。○又奉天裁長甯縣學。歸併永吉州。○三年。覆准。移甘肅臨洮府並附府之狄道縣駐蘭州。改蘭州學為府學。擇地別建皋蘭縣學。改狄道縣學為州學。改臨洮府學教授。訓導。為蘭州府學教授。訓導。即以蘭州學正。訓導。改撥狄道州。皋蘭縣教諭。訓導。

仍循其舊。○四年。直隸設立臨榆縣學。○五年。設廣東豐順縣訓導一員。○六年。覆准。四川樂山縣學。改為嘉定府學。三臺縣學。改為潼川府學。樂山。三臺。二縣學。即各附府學之內。毋庸別建學宮。升樂山縣教諭。為嘉定府學教授。三臺縣學教諭。為潼川府學教授。其原設樂山。三臺。二縣學訓導。仍循其舊。○又改河南許州府為直隸州。改府學教授。訓導。為州學學正。訓導。○七年。貴州設立永豐州學。○八年。覆准。甘肅口外安西。沙州。靖逆。柳溝。赤金。五衛生員。向隸肅州學管轄。路程遼遠。嗣後於五衛適中之安西。衛設教授一員。五衛生員。均撥歸該教授管轄。○又設江西蓮花廳訓導一員。○十二年。奉天裁永吉州學正一員。○又陝西裁潼關縣。設潼關廳。改潼關縣訓導。為廳學訓導。○十六年。廣東裁肇高學政。歸併廣韶學政考試。○十七年。議准。福建巡臺御史。定為三年一次派往。事竣即回。其提督臺灣學政關防。仍令臺灣道兼管。○十九年。議准。安徽臨淮縣裁併鳳陽。其原隸臨邑住址生童。另編臨淮鄉學字樣考試。將鳳

陽縣訓導。分管臨淮鄉學。董率士子。○二十一年。湖南分設清泉縣。改衡陽縣訓導為清泉縣訓導。○二十二年。議准。直隸蔚縣裁歸蔚州。原隸蔚縣住址生童。另編鄉學字樣。所有蔚州學正。仍管本學事。其訓導令專管鄉學。以專責成。○二十三年。直隸裁大名府屬之魏縣。撥入元城縣。原隸魏縣居址之生童。另編鄉學字樣。並令大名縣訓導一員。專管鄉學事務。○又改江西甯都縣為直隸州。教諭為學正。○又設甘肅大通縣訓導一員。○二十五年。湖南裁辰溪縣訓導。改設永綏廳訓導一員。○二十六年。議准。直隸延慶衛歸併延慶州管轄。改延慶衛訓導一員。為延慶州鄉學訓導。文武生童。另編鄉學字樣。歸併宣化府考試。○又改甘肅華亭縣屬之瓦亭驛。何家大堡。隸固原州。其瓦亭驛。何家大堡等處文武生員。俱改歸固原州學。○二十七年。湖廣沔陽州分設文泉縣。改沔陽州訓導為文泉縣訓導。○二十九年。山西清源縣歸併徐溝。改縣學為清源鄉學。另編鄉學字樣。移徐溝縣訓導駐清源鄉學。董率士子。○又議准。山

西平順縣。歸併潞城。黎城。壺關三縣管理。其原隸平順住址之文武生員。另編平順鄉學字樣。已裁之平順縣訓導。仍留鄉學管理。即隸潞城縣管轄。○又改設甘肅安西府教授。暨淵泉。玉門。敦煌三縣訓導各一員。○又山西裁甯武府。偏關縣教諭。留訓導專司督課。○三十年。河南河陰縣歸併滎澤。改河陰縣教諭為河陰鄉學教諭。其生童試卷。另編鄉學字樣。○三十一年。議准。雲南普洱自政府之後。又設有甯洱一縣。府縣止有訓導一員。嗣後改為教諭。以專訓課。○三十二年。議准。湖北鶴峯州及長樂縣。自改土歸流後。人文頗有可觀。一體設學。改長陽縣訓導為鶴峯州訓導。興山縣訓導為長樂縣訓導。○三十三年。改江南東臺同知為東臺縣。設訓導一員。○三十六年。改雲南永北蒙化。景東三府均為直隸廳。教授訓導各仍其舊。元江。廣西。鎮沅。武定。四府為直隸州。鶴慶府為鶴慶州。教授各為學正。祿勸。彌勒。師宗。建水。四州為縣。學正各為教諭。其原設訓導各循其舊。裁姚安府教授。訓導。和曲州學正。訓導。設順甯縣教諭。

訓導各一員。麗江縣教諭。訓導各一員。○又議准。湖北施南府設立府學。宣恩來鳳咸豐利川四縣。分設學額。並改宜昌府學訓導為施南府學訓導。東湖縣學訓導為來鳳縣學訓導。巴東縣學訓導為咸豐縣學訓導。歸州學訓導為利川縣學訓導。恩施縣學訓導為宣恩縣學訓導。○三十八年。改甘肅安西府為直隸州。裁淵泉縣。改淵泉縣訓導為該州學正。○又議准。巴里坤新設鎮西府。設府學教授一員。即由安西府移設。附府置宜禾縣。添設訓導一員。○又烏魯木齊同知。改設迪化州。添設學正一員。○又改江西定南縣為定南廳。所屬訓導仍循其舊。○又改雲南元江直隸州新平縣訓導為普洱府甯洱縣訓導。駐紮他郎。專司訓課。○三十九年。升甘肅迪化州為直隸州。教職仍循其舊。改甯邊州同為昌吉縣。設縣學訓導一員。○又改浙江海甯縣為州。安吉州為縣。以安吉州學正為海甯州學正。以海甯縣教諭為安吉縣教諭。其海甯安吉原設訓導仍循其舊。○四十一年。諭。熱河各廳所屬編氓及僑居年久者。其子弟應不乏

秀良。誠能教育而振興之。未嘗不足以示造就。自宜創設義學。延師訓課。以勵文風。並當建立學宮。酌定庠額。俾得藉以上進。○又貴州裁改仁懷通判仁懷縣。為仁懷直隸同知。特立專學。仍設訓導一員。○四十二年。甘肅特納格爾等處。改設奇臺阜康二縣。並設儒學。○又甘肅裁莊浪縣併入隆德縣。移靜甯州訓導。駐莊浪鄉學。○四十三年。改直隸熱河道學教授為承德府學教授。○四十四年。四川石砭廳設立廳學。改夔州府訓導為石砭廳學訓導。○四十五年。四川馬邊廳設立專學。改甯遠府屬之越嵩廳學訓導為馬邊廳學訓導。○四十七年。改陝西興安州為府。學正為教授。訓導仍循其舊。○五十年。甘肅循化廳。專設學校。○五十五年。改陝西漢陰通判。為撫民通判。設立專學。裁撥興安府學訓導。為漢陰通判訓導。○五十六年。廣西天保縣。設立專學。以鎮安府學教官兼管。○五十七年。四川天全州設訓導一員。○五十八年。議定。順天現設學政一員。專司其事。所有順天府府丞。即刪除。兼提督學政銜字樣。○五十九年。四川秀山縣



設立專學。改松潘廳訓導為秀山縣訓導。○六十年。甘肅貴德廳設立專學。改西甯府訓導為貴德廳訓導。○嘉慶元年議准。山西樂平縣裁併平定州管理。改縣學教諭為樂平鄉學教諭。馬邑縣裁併朔州管理。改縣學訓導為馬邑鄉學訓導。均另編鄉學字樣。文武生員仍聽該訓導管束。○三年。改貴州平越府為直隸州。裁府學教授訓導。改平越縣為興義縣。將平越縣教諭訓導作為平越州學正訓導。移普安州訓導為興義縣訓導。○四年。貴州松桃廳設立專學。移銅仁府學訓導。駐松桃廳。○六年。四川裁茂州屬保縣教諭訓導。設綿州屬羅江縣教諭訓導各一員。○又定。奉天府丞。嗣後三年更換一次。○七年。升四川達州為綏定府。改州學學正為府學教授。添設訓導一員。以茂州訓導裁改。改太平縣為達縣。移太平縣訓導為達縣訓導。新設太平廳。添設訓導一員。以汶川縣訓導裁改。又理番廳添設教諭一員。○八年。浙江玉環廳設立專學。改温州府學訓導為玉環廳學訓導。其原附温州府學取進文武生員。撥回廳學

管轄。○九年。四川雷波廳設立專學。移甯縣學訓導駐雷波。作為雷波廳學訓導。其從前附考鄰邑取進文武生員。撥歸廳學管轄。○十一年。改廣東嘉應州為嘉應府。置程鄉縣。改南雄府為南雄州。裁保昌縣。移南雄府教授於嘉應府。移保昌縣教諭訓導於程鄉縣。移嘉應州學正於南雄州。嘉應南雄訓導各如舊。○十六年。四川裁興文縣訓導。改設江北廳訓導一員。○又改貴州普安州學正為普安廳教諭。○又江蘇裁崇明縣訓導。改設海門廳訓導一員。○十七年。改廣東嘉應府仍為嘉應州。添設學正一員。裁教授一員。○又議准。四川雅州府增設雅安縣學。○道光元年。四川城口廳設訓導一員。復太平廳為太平縣。設訓導一員。○四年。改湖北白河廳訓導為保康縣訓導。○又改河南儀封縣教諭為儀封鄉學教諭。○六年。設四川雅安縣訓導一員。○十二年。改貴州錦屏縣教諭為錦屏鄉學教諭。○二十年。移雲南師宗縣訓導為邱北縣訓導。改鎮沅州學正為鎮沅廳教授。恩樂縣教諭為鎮沅廳復設訓導。○咸豐二年。

改雲南甯洱縣復設教諭為普洱府復設訓導。○五年。改甘肅新疆鎮西府為直隸廳。裁府學教授。改設廳訓導一員。○同治六年。奉天昌圖廳設訓導一員。○九年。奉天岫巖廳設訓導一員。○又改設安徽渦陽縣訓導一員。○又改廣東陽江直隸州學正。訓導為陽江廳教諭。訓導。○十年。議准。黑龍江應試取進士子。歸吉林學就近管束。○十一年。甘肅安化縣董志鄉學。增復設訓導一員。○又改福建臺灣府淡水廳復設訓導為復設教諭。增噶瑪蘭廳復設訓導一員。○光緒元年。陝西甘肅鄉試分闈。另設甘肅學政一員。○二年。設廣西恩隆縣訓導一員。百色直隸廳學正一員。○三年。設奉天奉化縣訓導一員。改設昌圖府教授一員。○又設甘肅甯靈廳教授一員。○四年。廣西奉議州設學正一員。○又設福建臺灣臺北府教授一員。改噶瑪蘭廳復設訓導為宜蘭縣復設訓導。改淡水廳復設教諭為淡水縣復設教諭。○五年。黑龍江呼蘭廳學設學正一員。○六年。改甘肅鎮西府訓導為鎮西直隸廳訓導。○七年。設雲南安平

思茅他郎龍陵四廳復設訓導各一員。文山寶甯二縣復設訓導各一員。巧家威遠二廳會澤縣訓導各一員。○八年。改設吉林府教授一員。伊通州。雙城廳各設訓導一員。○又設甘肅甯夏府教授一員。○十年。設奉天康平縣訓導一員。○十一年。議准。山西省歸綏道屬之歸化。薩拉齊和林格爾。托克托。清水河。豐鎮。甯遠。七廳。於歸化廳設立總管七廳學校事務教諭一員。○十二年。改設甘肅新疆迪化府教授一員。○十三年。移廣東欽州訓導為防城縣訓導。○又設湖南南洲直隸廳教諭一員。

欽定大清會典事例卷三百六十七

禮部

學校 學政考覈

學政考覈。○順治八年定。學臣報滿。照例考覈。公明者優升。溺職者參處。歲科兩考完日。即報部銓補。新舊交代。以杜署事諸弊。學臣以到任日為始。歲考限十二月考完。每三月解卷一次。科考分四次解卷。以憑磨勘。所取生童文字。以純正典雅為主。詭謬者本生褫革。學臣分別卷數之多寡。議處生員不許聚眾結社。糾黨生事。

及濫刻選文窗稿。教官生員不遵條教者。學臣嚴行懲治。若與武職兵丁有爭。教官生員聽學臣處治。不許武職擅責。武職兵丁聽該衙門處治。不許生員結黨爭抗。學官不宜懸缺。致曠職業。撫臣按缺題請。下吏部銓補。其有不由科貢出身。濫冒教職者。一併題明。送部另用。若署事教官。止用本學及別學。不得濫委雜流。○又題准。學臣新舊相接。除御史報代自有臺規外。凡學道兩考完日。先期報禮部。即咨吏部銓補。新官依限赴任。面相交代。以杜署事諸弊。其舊官

聽候考覈升轉處分。○九年題准。學政歲科兩考。定以三年內報完。仍俟新任面代。不許擅離地方。○又題准。歲科試卷優等。以大學五名。小學三名。解部磨勘。其有詭僻幽險。割裂補綴者。照題定卷數。分別參處。解卷時。必用原本真卷。不許改騰。潛色。解題務照題定次數。不許遲延。違者參處。○十五年題准。各提學有能將上官。懇要封函。揭送者。於考覈時。並為敘錄。○康熙元年題准。學道任滿考覈。改隸吏部。○二年題准。提學每一次解卷內。磨勘出一卷者。罰俸六月。二卷罰俸九月。三卷罰俸一年。四卷降一級。五卷降二級。六卷革職。○又題准。直省現任提學。於鄉試前。接考小半及一半者。所屬未考地方。尚多。仍通行考試。以完下三年考試一周之數。其接考大半者。准其報滿。○七年題准。學政考完兩府。即將原卷解部。○八年題准。學政考後。每六箇月解卷一次。○十一年議准。新補學政。一經領

教。次日即行赴任。至各省舊任學臣考試已竣。俱於十一月內報滿到部。如違定限。即題參處。○十

二年

諭。近聞直隸各省學差。沿襲陋規。墮廢職業。營私作弊。考試不公。以致真才淪棄。文治不光。今應作何整飭。差違何官。及磨勘考覈之法。何以盡善。務期永革弊端。著九卿科道會同詳確議奏。欽此。遵

旨議定。直隸各省學臣所解之卷。不能無改謄潤色。嗣

後。停其解卷磨勘。俟三年期滿。督撫以稱職薦舉者。照例以參議道用。以公明尤著保舉者。照例內升京堂。若有徇情溺職等弊。聽督撫指名題參。若督撫徇情不參。被科道糾參。或有別官

首出。將督撫一併議處。○又題准。學政考試遲延。限內不能完結者。降一級調用。○十八年題准。學政考過學冊。一年二季解部。由部將新舊學冊。嚴加校對。如有額外濫取蒙報者。題參。○二十年議准。邊遠省分。地方遼闊。往往不能按時考試。有向例歲科聯考者。亦間有學政新舊交代試期稍迫。奏請歲科聯考者。其前列試卷。不能一概於歲科兩試後。即行分解部科磨勘。其餘省分。仍照例分解。毋得遲延。○二十二年議准。嗣後文武生員錄事。及審明收復。並

改歸原籍等項。該學院學道逐案開明報部。如

有遺漏。即行議處。○二十五年題准。學政歲考

畢。造簡明文冊解部科校對。科考畢亦如之。總

計三年二次。其違限不解者。照例參處。○二十

六年題准。學政於鄉試第二年接任。其未考地

方多者。展限五月。少者展限三月報滿。若鄉試

之年。於試前接任。俟下次三年歲科試完報滿。

○二十九年議准。學政考後造冊報部。有額外

濫取改名易姓頂補此學。改入彼學等弊。或被

督撫糾參。或被部科查出。將學臣照貪官例革

職提問。賄進諸生。照光棍例治罪。○三十三年

議准。各省學政造送學冊。其府學生員名下。查

明本州縣籍貫。詳細填註。毋致舛錯。以備查覈。

○又議准。學政於歲科兩試取進文武新生。發

學後。即飭地方官將名數履歷造冊。呈送督撫

備查。舊案文武生員。每逢歲科兩試。飭教官照

格眼冊另造一本。牒送地方官。呈督撫衙門存

案。○三十九年覆准。學臣歲考後。令解全冊一

次。科考後。止將錄取生員姓名。幫補日月。及各

項事故。分別開報。不必別造四柱全冊。○四十

年題准。學臣歲科解冊。均由驛遞。○四十五年覆准。學政報部歲科冊內有錯誤者。該部駁回改正。其名數不符。蒙混報部及頂冒等弊。並不應補廩增而越補。不應降青而竟降者。奏交該督撫察明題參。○五十年覆准。學臣遇有丁憂等事離任。將學政印務令該督撫或藩臬署理者。定例不許考試。其遇鄉試屆期。但照科考正案送場。署印不准錄送遺才。○五十三年議准。凡學臣更替。定於鄉試年之秋。列名恭候欽點。以武闈後十月底到任為限。舊學臣報滿。即行

起程。○又議准。嗣後鄉試年分。更換學院學道。禮部將更換之處。開送吏部開列具題。差定之後。新學臣速行赴任。舊學臣報滿交代。即行起程。○五十四年定。各省學道報滿後。該督撫於一月內考覈具題。如逾一月者。將督撫照違限例處分。○雍正元年覆准。定例歲科兩考。各限一年考完。即將簡明文冊送部查對。惟歲考事務稍繁。嗣後歲考解冊。再寬限六月。以免遲延之咎。其科考仍照舊例遵行。至所造冊內有字畫訛落之處。不過謄繕偶誤。無關弊竇。免其駁

參。行令學政自行改正。○又

諭。朕惟自古帝王。皆以興賢育才為務。我

世祖定鼎中夏。首隆學校。加意人才。

皇考聖祖仁皇帝御極六十一年。培養教育。恬冒涵濡。

深仁厚澤。有加無已。

御製訓飭士子文。頒布學宮。東西南朔。海澨山陬。戶習

詩書。家敦禮樂。文教之隆。莫過於此。朕續承大統。遵

守舊章。寤寐求賢。惟恐或失。念學校為士子進身之

階。督學一官。尤人倫風化所繫。遴選學臣。倍加鄭重。

爾等須廉潔持身。精勤集事。實行文風。兩者所當並

重。若徒事文華而不敦崇實行。猶未為盡職也。表揚

忠孝節義。崇祀先聖先賢。訪求山林隱逸。掇羅名蹟

藏書。而衡文一道。專以理明學正。典雅醇潔為主。古

人云。言乃心聲。氣由夙養。必士品端而後文風正。他

日為國家柱石。為朝廟羽儀。不基重歟。勿私納苞苴。

勿瞻徇情面。勿輕視武途。勿濫取祠廩。勿矯激沽名。

勿昏庸廢事。勿卑汙貶節。勿驕暴陵人。胥吏必謹關

防。幕客尤宜選擇。如此則內外交誼。本末兼修。上不

負朝廷。下不愧多士。朕耳目所及。必有見聞。若罔顧

聲名。廉隅不飭。國有常憲。罰必隨之。尚其勉旃。毋忽。

○二年奏准學政通計三年解冊兩次不必扣限。○三年

諭。從前學政主考。皆就其為人謹慎者派往。並未考試

文藝。其中竟有不能衡文者。或中式後荒疏年久故耳。著將應考之翰林。並進士出身之各部院官員查奏。俟朕試以文藝。再行差委。○六年奏准。嗣後福建

臺灣考試解部文冊。由兼理臺灣學政。將一應冊卷。別具印文。附於福建學政一併送部。○十二年議准。學臣報滿時。將歲科報部文武生員等第緣事開復游學隨任等項。並科冊報部後

之革項緣事開復補考補廩等項。逐一備細造冊鈐印。交與新任學臣。其或新任學臣未到。而舊學臣已經離任。向例將學臣印信交與巡撫代理。嗣後令學臣於交印之時。將文武生員各項冊籍。一併交與撫臣。俟新任學臣到日。轉行交明。○十三年議准。學政歲科造報各冊。並學政新舊交代底冊內。凡舊管新收開除實在四柱總數。並開復補廩及生員等第緣事黜革等項。所註廩增附青社緊要字樣。遇有它補添註之處。務令鈐蓋印信。以杜弊竇。仍將用印顆數

於冊尾開註。如有遺漏印信。以致書吏增減作

弊者。除將書吏重究外。仍將該學政交部議處。

○乾隆元年議准。學政案試其題報優劣。俱擇其尤者。次則悉於等第上下之。至於經學。凡應考生童。非熟本經者不錄。有能通習多經者。即拔前列以示獎異。其歲科前列十名試卷。俱著解送部科磨勘。分別議處議敘。○又議准。各部郎中員外郎主事。奉差學政者。照例加編修檢討職銜。將本任之缺。另行銓補。至升轉食俸之處。仍就該員原官與各部現任司員一體食俸。

遇應升時。吏部照例推升。具題請

旨。以升銜註冊。仍留學臣之任。俟三年任滿回京。各照缺補用。其郎中任滿。例應推升道府。如遇升選之時。准其以應升註冊。俟三年任滿考覈稱職。再行歸於月分。以應升之缺即用。○又議准。直省歲科兩考報部冊內。有緣事暫革生員。所犯在雍正十三年九月初三日及十一月十四日。

恩赦以前者。秉公確查。取問明白。造具詳細清冊。逐案報部覆覈。以定去留。督撫學臣並嚴飭該有司

官立限審結。送案報部。如應結不結。將承辦有司官題參。○四年議准。各該學政將欠考各生務令挨次補考。即於彙報歲科學冊內分別註明。以憑查覈。如有欠考數次。止補一次。及經附正考等第者。即移咨吏部。照徇情蒙混例議處。○十一年奏准。各學冊所開詳革生員。未經分別開復除名。仍列緣事項下。閱三年以上者。行令督撫學政嚴查遲延之由。或案已審結。未經錄報。或懸案年久。並未審結。分別情事重輕。據實參處。再各省州縣官。或於重案不能審出實情。事隔多年。案由外結。部內無可稽查。惟內有詳革生員。先經冊報在部者。下次學冊。每捏開病故完結。嗣後飭令各該學政。凡緣事生員。雖已病故。務將斥革年月。曾否審結。及審定犯案與開復除名之革生。一併摘敘簡明案由報部。不得混於病故項下開除。○二十四年議准。嗣後學政遇丁憂事故離任。督撫等署理印務。儻遇鄉試之年。場期已近。新任學臣不能抵任錄遺。准其錄送遺才。武生亦照文生一體辦理。○二十五年議准。各省歲科取進文章試卷。於造

冊送部時。通行解部磨勘。後移送禮科磨勘。其有命題怪僻。文體疵謬者。照例指參。○又議准。嗣後歲科兩試童生試卷。仍照舊例。停其解部磨勘。○三十年議准。嗣後各省學政報滿。必照例俟新任學政到任交印。再行起程。其有對調及丁憂事故者。仍交督撫署理。○三十三年議准。嗣後各該學政送學冊。務將府學生員名下。詳細填註本州縣籍貫。毋致舛錯。以備查覈。○三十八年

諭。昨據禮部題駁四川學政吳省欽奏請科考文生錄取二三等者。先將坐號一體榜示一本。已照部議駁。並將該學政吳省欽飭行矣。比詢及考試生員出案事宜。據大學士于敏中面奏。從前曾任浙江山東學政。俱按照舊時章程辦理。初案臨時先考生員。大府約考二棚。小府約考一棚。越二日即將一等諸生坐號招覆。迨覆試後數日。隨將閱定之二三等試卷。分別批評大概。交提調官拆卷填案。曉示發落。每試生員。大學不過十日。小學不過七八日。蓋緣優等諸生。例應面加獎勵。其劣等生員。亦應發落責懲。固未便令其先行散歸。亦未便令其久羈守候。且如學政案

臨所至。總不宜令生童聚集。久居滋事。即如臣所歷浙省之杭嘉湖。山東之濟東兗諸郡。均係殷庶之區。並非艱於旅食。亦從不肯令與考諸生。羣集久處。是以歷來生員閱卷出案。為期從不過週。各省情形。自應大略相等。初不係地方有無公事。以為權衡。至吳省欽以用兵措詞。尤屬毫無干涉。其所請將二三等卷同時榜示生號。更無此政體。但禮部議令。邛雅等屬。無難以招覆時。飭令不與錄取者聽其還歸。俟大兵凱旋。仍照章程辦理之處。亦未能切中肯綮。若如部議。恐各省先考。生員即行發落之舊規。因而更改。於事轉屬未便。蓋學臣不能早為閱卷發案者。皆緣見小惜費。不肯多延幕友所致。應請通飭各該學政。實力妥辦等語。國家所給學政養廉。本屬豐厚。原以資其辦公之用。若於延致幕友。尚思新惜廉金。不肯多延名幕。以致人少誤公。已昧人臣敬事之義。且任學政者。不思校士育才。而斤斤惟養廉是惜。其鄙陋尚可問乎。嗣後各省學政。務須通曉大體。多擇工於閱文之幕友。即極小省分。亦不得不及五六人。並著各督撫留心稽查。如有不肯多延幕友。辦理用章者。即隨時據實奏聞。毋得稍涉徇隱。○四十三年奏准。

欽定大清會典事例 卷三六七

各省學政由郎中等官補授者。照例推升。以其次應升人員擬備。將該員應否留任學政之處。先行具奏請旨。如留任者。以升銜註冊。其應升員缺。以擬備之員升用。○五十八年奏准。京官出差學政。如遇升京職。仍照舊例請旨。如推升外任。無論何項員缺。即將學政開缺。○嘉慶四年

諭。據王德岳奏。會審宜興甄輔廷等分別治罪一摺。軍機大臣擬將學政平恕交部嚴加議處。平恕於甄輔廷擅責生員之時。本在外郡考試。及馬照等在馬頭喧鬧。經巡撫委員查辦。詳請責革生員。若不照詳批革。則是平恕庇護劣生。心存偏袒矣。是其過止於平日不能教導。而於詳革時人數較多。未經查察。以致傳提訊問。波及無辜。然地方官具詳請革生員。該使學政駁斥不准。地方遇有與學政交涉事件。必致有袒護劣生。掣肘地方之弊。且此等革生。如審係無干。原可以開復。是平恕之罪亦不至罷斥。平恕著來京以翰林院侍讀學士降補。○六年

諭。御史王蘇奏。新放江蘇學政平恕。請另行簡放。或酌

七〇九



量改調一摺。內稱平恕前在江蘇斥革生員多名。人切齒。即商賈小民。無不痛恨。似平恕實有不公不法之處。因令軍機大臣傳到王蘇。詢以平恕有無別項劣蹟。令其據實直陳。旋據王蘇登覆。仍不過稱平恕辦理甄輔。廷擅責生員一案。衆心不服。又稱平恕考試生童。並無別項劣蹟等語。平恕前在江蘇學政任內。如果有賄賣生員去取不公等弊。該御史當指明據實參奏。朕必嚴為懲辦。至其因甄輔。廷案內斥革生員多名一事。先經照部議。鑄職。今該御史以業經議結之案。仍列彈章。並稱或另請簡放。或酌量更調。試思平恕如不勝學政之任。既不宜於江蘇。豈復宜於他省。若平日並無劣蹟。此次復經簡用。益當顧惜聲名。用息浮議。固不可苛刻以斂怨。亦不應寬縱以沽名。儻平恕約束士子。仍不得當。或另有案據。亦何難將平恕罷斥治罪。豈有國家簡任學臣。因籍隸本省之御史。撻拾前事。一經劾奏。即行更換。是舉錯之權。操之言路。勢必如明季科道紛紛訐奏惡習。成何政體乎。所有江蘇學政仍著平恕去。御史王蘇著交部議處。○七年

諭。給事中陳昌齊條奏各款俱不可行。據稱各省督撫

並無稽查之人。行止難免專擅。請加學政以稽察之銜。遇督撫遲壓蒙混等弊。隨時舉奏等語。各省督撫如果有貪劣實蹟。及地方事件辦理不公。學政有奏事之責。原准其據實奏聞。候朕覈辦。若竟以稽查督撫之事。委之學政。則學政之權。豈不重於督撫乎。國家設立學政。原令其校士衡文。若如該給事中所奏。儻各省學政有稽察督撫之名。因而於地方公事。動輒干預。遇有私意不合。任情毀譽。又豈不開挾制之漸。設該學政有營私舞弊之事。又令何人稽察乎。況督撫俱係一二品大員。至各省學政。往往有由編檢

主事等官簡放者。品秩較小。若以之稽察督撫。亦非朝廷體制。前明設立巡按。最為有名無實。該給事中奏請加銜。豈非於督撫之外。又設一巡按乎。陳昌齊所奏迂謬。原摺著擲還。○八年奏准。各省府廳州縣共一千七百餘學。以每大學前列十卷。及小學不滿十名者。儘數一體解送。計算約共一萬餘卷。以奉天。順天。山東。山西。河南。陝甘。六省作一次磨勘。以江蘇。安徽。浙江。江西。福建。湖北。六省作一次磨勘。以雲南。貴州。四川。廣東。廣西。湖南。六省作一次磨勘。又學政係現任翰林及京堂

部曹曾由翰林出身者。交都察院派科甲出身之科道磨勘。學政係現任科道及京堂之曾任科道與學政係六部司員者。俱交翰林院派員磨勘。以杜同官瞻徇之弊。其由翰林改用科道者。兩衙門俱應迴避。則部派司員辦理。所派之員。均令迴避本省。俟磨勘完竣。三衙門各自具奏。○九年奉

旨。各省學政解到生員歲科前列試卷。向例由禮部會同禮科磨勘。此項試卷。本無關得失。且每次解卷多至四五千本。若令各該衙門紛紛磨勘。徒滋煩擾。著

照舊例。由禮部會同禮科磨勘。以歸簡易。○十一年奏准。郎中等官補放學政。如推升外任。照例將其次應升人員擬備。其應否留任之處。具奏請旨。如奉

旨留任。擬升之缺。即以其次之員升補。其現任學政不必給予升銜。以符體制。○又議准。磨勘各省歲科前列試卷。有未知敬避

廟諱者。雖經缺筆。亦罰停鄉試一科。仍發學戒飭。其有書

廟諱並未缺筆者。加等罰停鄉試二科。仍發學戒飭。學

政雖經圈出。仍每卷各罰俸六月。又試卷有詩內少一聯者。罰停鄉試一科。廩生仍罰停廩餼一年。增附生由本案補廩者。罰停廩餼一年。學政未經抹出。罰俸六月。又試卷有鈔錄舊文者。革去廩增生。仍留附生。附生隨棚覆考。均發學戒飭。學政免議。又試卷有詩出韻及平仄不協者。有字句欠妥者。有對策失口氣者。如列三名以前。罰停鄉試一科。列四名以後。廩生罰停廩餼一年。增生。附生。由本案補廩者。罰停廩餼一年。學政未經抹出。大省每卷罰俸三月。小省每

卷罰俸兩月。已經抹出者免議。又試卷面有貼補姓名者。提調官即行蓋印為記。有遺漏者。照疏忽例罰俸三月。所有磨勘出應議各卷。除應行斥革廩增者。分別辦理外。其應罰科各生。如本科業經鄉試。即罰停下科鄉試。又歲科考前列試卷。為數繁多。解部磨勘。有需時日。嗣後歲科考分作兩次磨勘。每歲科磨勘完竣。即請欽派大臣覆勘。其科考各卷。即交歲考覆勘大臣辦理。○十三年議准。各省學政解送歲科考冊。均以試畢後兩月出咨為限。其廩增冊。歲科兩試

亦令解冊二次。均以截缺後兩月出咨為限。如遇地方情形不同。有酌量變通之處。另行咨部覆議。又覆准。江蘇向來於歲考之年。考試江甯。蘇州。松江。常州。鎮江。揚州。太倉。通州。八府州。次年春開考。淮安。徐州。海州。三屬。其餘海。二屬。係歲考之後。接連科考。再行科考。淮安。侯。淮安。試畢。距歲考周徧之期。已逾兩月。嗣後仍照向例。歲冊於次年十月出咨。再江蘇科考。向於第三年五月事竣。七月案臨江甯。辦理錄遺事務。所有科考冊籍。亦照向例於場後九月出咨。再廉增生員赴部投捐。有在各省藩庫投捐者。照例以上捐日出缺。若俟知照到院。計須半年以外。又游幕在外。遇有丁憂事故者。均照向例按年彙冊咨送查覈。其廉增冊按年彙報。仍將白歲案科案幫補之處。於各名下註明。以便查覈。又覆准。各省廉增冊。隨歲科兩考報冊二次。每年底加報一次。庶解部日期。不至遲延。十四年覆准。安徽學政除歲科廉增冊於截缺後咨報外。其歲科考冊。仍於錄送科舉後統行咨報。十七年議覆。已革湖南學政徐松。考試出

題割裂文義。並違例濫取僧生。不派教官監場。失察家人書役。騎夫勒索喜錢。散賣熟食。搶拾箭枝。並令優等生員出錢刊刻試卷各款。或各止降罰。或贓非入己。均屬輕罪。其將書籍分派教官。轉令童生購買。除去工本銀兩外。計得餘利銀四百七十六兩。依律罪止杖一百。流三千里。惟該學政賣書漁利。種種失察。又復派令家人查號。割裂出題。以致士論沸騰。實屬猥鄙不職。應請旨發往新疆效力贖罪。嗣後學政家人書吏。儻有藉稱喜錢名色。索要錢文者。令該督撫嚴切申禁。毋得視為具文。致滋弊竇。二十四年諭。御史程伯憲奏。請飭禁學政收受陋規一摺。貴州學政案試。向有紅案銀兩名目。前經飭禁。並酌增養廉貼補考費。茲該御史奏。四川省近日又有院費名目。並稱各直省所在有之。請旨飭禁。直省學政養廉優厚。足敷辦公。豈可復於新進士子收受陋規。致開教官等需索之漸。著再行通諭各學政。務當潔己奉公。如有前項陋規名目。概行裁革。並飭所屬教官。一體恪遵。以恤寒畯。而端學校。又議准。嗣後各省學政

開復已革生員。須候部覆准後。方准應歲科兩試。及鄉試錄遺。不得自行准其開復。致干叅辦。○二十五年覆准。嗣後學政造送歲科各冊。務將欠考各生註明次數。如有欠考三次者。即行斥革。不准列入留名項下。以符定例。○道光六年

諭。前據御史錢儀吉奏。浙江學政朱士彥任性錯謬。各款當經降旨交程合章詳細確查。茲據該撫奏稱。原參該學政終日沈湎。及教職小誤。輒加夏楚。二款查訊並無其事。惟該學政之父隨棚分閱試卷。出題割截太甚。不成句讀。取進童生寫字錯訛。令教官掌責。及嘉興試院於場試畢後演劇各款。原參有因等語。浙省士風輕薄。朕所夙知。該學政遇事整頓。原無不合。惟伊父朱彬迎養到浙。止宜在署居住。不應隨棚閱卷。若亦幫同校閱。豈不與干預公事無異。試院演劇。雖係場事全竣。亦不應漫無關防。至生童勒索舊文及字畫錯訛。原應豫行出示曉諭。誥誡有犯者。棄置不錄。究不宜出題割裂句讀。取進後輒予掌責。致滋物議。此數節。朱士彥不能辭咎。著交部議處。

十年

諭。朕聞安徽學政胡開益考試各屬。士論未能翕服。降旨令蔣攸銛密行察訪。茲據奏胡開益上年考試徽州甯國二府屬歙縣涇縣等處。取進文章。每有家資富足。文理平常之人。一時士論未能翕服。即無賄屬情弊。而雇倩槍替。懷挾鈔襲。在所不免。是胡開益局試場規不能嚴肅。已難辭咎。豈能勝學政之任。著來京以翰林院侍讀降補。○十二年

諭。前因山東學政盛思本任性乖張。致滋物議。當交部嚴加議處。並令鍾祥於山東途次。將盛思本考過各棚有無劣蹟。確切訪查。茲據奏稱。途次查訪該學政飲酒任意。取下太寬。甚至編造歌謠。紛紛傳說。聲名實屬平常。惟考過各棚。據該府縣連銜密稟。尚無賊私之處。盛思本著照部議降四級調用。向來各省督撫。每於年終密奏學政聲名。嗣後直省學政如有聲名平常劣蹟昭著者。該省督撫立即參奏。不必俟年終密陳。儻意存見好。扶同隱飾。經朕別有訪聞。惟該督撫是問。其籍隸本省之科道。如遇學政聲名狼籍。確有賊私實據。亦當隨時奏聞。毋稍緘默。○十二年議准。江西學政鄭瑞玉不能約束官親書吏。降三級調用。○二十年

諭。湯金釗等奏。覆勘上年各省歲考前列試卷。其中漏印應議者。至一百三十餘卷之多。似此相沿成習。易滋流弊。此後應如何妥立章程。明定處分之處。著禮部議奏。欽此。遵

旨議定。嗣後歲科考試卷。各貢卷。均責成本學教官。於接扣處鈐印申送提調。倘有遺漏。即由提調補印申送學政。將教官咨部議處。如提調未經察出。即由學政補印。將提調教官一併咨部議處。如學政未經察出補印。經部磨勘。將學政提調教官一併議處。嗣後教官漏印一卷。罰俸六月。

二卷。罰俸一年。三卷以上。罰俸二年。如前列試卷全漏者。降一級留任。提調失察漏印一卷者。罰俸三月。二卷。罰俸六月。三卷以上。罰俸九月。十卷。罰俸一年。如失察至十卷以上。罰俸二年。學政失察漏印一卷者。罰俸一月。二卷。罰俸兩月。三卷以上。罰俸六月。十卷。罰俸九月。如失察漏印至十卷以上。罰俸一年。雖係公罪。均不准其抵銷。○二十七年

諭。朕恭讀

皇祖高宗純皇帝諭旨。嚴飭各省督撫。於年終密考。將

該學政考試實在有無弊竇。及士子輿論是否翕然。據實詳細奏聞。原以嚴考成而肅功令。

聖諭煌煌。洵宜恪遵謹守。惟相沿日久。該督撫等於年終密考。率皆以場規整肅。士論悅服為詞。習成故套。毫無切實考語。殊非秉公覈實之道。現在學政內雖尚無被人指摘之員。而各省學政盡皆廉明公正。朕亦未能深信。嗣後各省督撫等務宜破除情面。認真訪察。如該學政等不公不勤。或徇私壞法。以及約束幕友家丁胥吏人等不能嚴肅。甚至精神疲敝。不能振作。有玷厥職。均著該督撫等秉公具奏。不得仍以空言塞責。儻意存見好。徇隱不舉。別經發覺。惟該督撫等是問。○二十八年

諭。前據琦善奏四川學政徐士穀嗜酒任氣。當因其尚無賊私款迹。僅予交部嚴加處分。茲據該部議奏。徐士穀身任學政。場規固應嚴肅。何得於酒後任性。將應名稍遲之文章。逐出四百餘名之多。復將具保之廩生責打。以致外間嘖有煩言。徐士穀著即照部議降四級調用。以為學目不自檢束者戒。○咸豐四年

諭。貴州學政黃統奏途次被匪毀失文卷。自請議處一摺。該學政由興義試竣回省。途次新城。猝被土匪闖

入衙署。肆行搶劫。該學政身受多傷。隨帶文卷冊籍。均被毀失。所有貴州安順興義兩府屬科試各卷。著免其解部磨勘。黃統未能先事保護。著交部照例議處。○五年

諭。本日貴州學政鮑源深。由五百里馳奏貴州勦辦苗匪並軍營需餉情形。均係巡撫蔣蔚遠節次奏聞。業經降旨飭辦之事。殊覺徒勞驛站。各省學政職司考校。地方公事本不與聞。其或該省大吏廢弛不職。措置乖方。原准學政彈劾。然非事機緊急。亦止專差齎摺。豈容輒由驛遞。又如編修張金鏞由山西考官。簡放湖南學政。具摺謝恩。亦由三百里馳遞。尤屬非是。嗣後各省學政除派辦防勦事務。及實有緊要事件。迫不及待者。准其發報外。其餘概不准擅用驛遞。以示限制。○又

諭。四川學政何紹基奏。縷陳管見一摺。學政無論官階。悉與督撫平行。惟年終有學政聲名之奏。原係互相糾察。並非遂為統屬。學政苟稍知自愛。何至卑汗要結。何紹基身任學政。而以此言入奏。尤屬非是。况欽差查辦事件。理應慎密。該學政以奏參各件。闕不使知。心懷不平。亦屬私見。此外各條。皆非學政分內之

事。亦非今日救時急務。均著毋庸置議。○七年

諭。前因河南學政俞樾出題割裂。及坐索棚規各款。疊經降旨交英桂督同藩司瑛榮秉公查辦。並調查卷冊據實具奏。茲據英桂奏稱。詳訪輿論。俞樾考政尚嚴。惟所出題目。確有數題割裂太甚。不成句讀。尚無坐索棚規及輕浮卑鄙各款。業經革職。著毋庸議。學政為士林表率。制義代聖賢立言。文理之醇疵。足覘人品之邪正。若命題既上下割裂。甚至不成句讀。又安能闡發聖賢義理耶。此於士習文風大有關係。嗣後各省學政考試出題。即防勦襲舊文。間用搭截。亦須句讀分明。斷不可如俞樾之文義難通。幾於戲侮聖言。自取咎戾。○同治四年定。嗣後各省選舉優生。由學政考試頭二場後。比照選拔之例。會同督撫覆試驗看。將頭二場並覆試卷。一併送部磨勘。毋致參差。○光緒二年議准。嗣後各省學政查出窩槍包攬招搖。飭令提調緝拏之案。不能獲一者。比照槍手脫逃不實力嚴緝例。加等議處。初參罰俸一年。再限一年緝拏。限滿不獲。罰俸二年。人犯照案緝拏。

欽定大清會典事例卷三百六十八

禮部

學校 學政關防

學政關防。順治初年定。提學經臨地方。巡捕官董率兵快於交界處防護。

敕印。其餘夫馬案臨伺候。不得別批迎接。官吏師生不許出郭迎送。吏書乘馬自行上下。貼轎近行。馬夫先送雨具。不得近前。兵快執肅靜牌於執事前。迴避牌於吏書前。如遇紆途曲巷。有潛行探聽乘機餽送吏書者。先行拏究。有容令跪道。

投書稟見者。巡捕員役重究。該巡捕官不許代替。如違提究。又定案臨下馬。執事卷損暫止大門外。俟輿夫出守門官吏暫開大門。學政先入。安置印匣。巡捕官入後堂。周視各房牆垣。封鎖書吏出堂。巡捕官同押損官驗交卷損。次早隸繳執事。次地方官送聽事員役及柴燭等項。驛官送廩給鋪陳總具一冊。巡捕官按檢畢。乃收入學政更衣升堂。守門吏啟門。各官吏師生序進。逐起稟見。遞一應文冊畢。各回不再見。巡捕官率兵快晝夜巡邏。但有沿牆窺竇拋擲。

瓦及行走蹤迹可疑者。即拏送究。新到星相醫卜面生之人。驅逐不容留住。如違。巡捕官責治。地方歇家鄰佑連坐。案臨次日。祇謁。

先師。官吏師生禮生止於廟一揖。不稟接。行禮畢。升明倫堂。官生以次揖見。應坐者照憲綱序坐。講書生員總出一班。一揖。西嚮立。講畢。以次下堂。東嚮立。俟行賞罰畢。官吏師生先出不赴謝。每日辰時投文。申時領文。守門吏領出印信號簿。二。一登記發行公文。一遇各衙門遞到公文。先檢無磨洗拆動夾帶私書等弊。方許登記。詳驗。

批文各幾角幾件。巡捕官印驗訖二字。付原役投入。解審補考批銷。各隨牌入。鋪遞公文亦照前登記。每日門吏各註姓名以備稽查。如員役刁難需索。許稟拏問。其考試閱卷之日。一應公文皆巡捕官驗送。駐紮州縣登簿收存。每一日總為一束。候發落完。彙冊送進。有批迴者。該衙門徑註收發批。候發落完。日彙送。一應書札徑自阻回。有緊急事務。傳鼓稟入。非緊急事不得傳鼓。九年題准。學政須正己潔操。矢公矢慎。務得真才。不許曲徇情面。生員有荒疏庸耄者。

即行黜退。有捏造流言。思逞報復者。訪實照例問遣。若鄉宦勢豪。干託不遂。暗中傷者。許徑自奏參處治。○又奏准。學政巡試各府州。務親臨編葢。不許於隔別府分調取生儒。以致跋涉為累。不許令師生匍匐迎送。考畢。即於本地方發落。明示賞罰。不許攜帶文卷於別處發案。致令吏書乘間作弊。士子無所勸懲。違者題參。○又題准。學政奉

敕專督學校。督撫布按兩司。不許侵其職掌。學政巡試所屬。除教官生員干犯行止。合行嚴懲外。不

許泛受民辭。侵官喜事。其生員犯罪。或事須對理者。聽該管衙門提問。不許徇庇。致令有所倚恃。抗拒公法。○十一年覆准。新授學政一經領敕。次日即行赴任。如有逗遛都中。赴席燕會者。許科道官指名參處。至於各省舊任學臣。考試已竣。均於十一月內報滿到部。如違定限。題參議處。○康熙十八年議准。向來歲科兩考。積弊有十。童生未經府考。冊內無名。鑽求學政。徑取入學。巧圖捷便。一弊也。考試各府州縣。衛所童生。額外溢取。撥發別學。明收冒籍。以占本學正額。二

弊也。彌封編號印簿。及場內坐號紅簿。不發該

府州縣封存。私留本署。暗對字號。賄賣。三弊也。

考完一府。不將紅案速行發學。任意遲延。徇私

通賄。更改等第。拔下作上。四弊也。每考一處。令

書辦承差快手人等出入過付。暗訪生員有家

資者。先開六等草單。嚇詐保等出銀。准入三等。

五弊也。文童額少。武童額多。將文童充為武童。

入學之後。夤緣改文。倡優奴隸。濫行收取。實能

騎射者。擯而不錄。六弊也。各府地方設立考場。

憚於親臨。將生童遠調考試。各州縣告病生員。

損擡驗病。困苦難堪。七弊也。縱容無賴教官。包

攬生童。私通綫索。效勞分潤。名曰作興。大壞風

教。八弊也。曲徇上司。同僚情面。並京官鄉宦私

書。及親戚朋友。隨住地方。討情抽豐。孤寒之士。

棄而不錄。九弊也。報部學冊。將額外溢取入學

童生。未經歲科兩考。豫附三等。其姓名不入新

案。造入衣頂下。以趙甲頂錢乙。作為實在之數。

蒙混禮部。十弊也。嗣後學道考覈。均註剔除十

弊。不能剔除十弊。該督撫即指參。內有貪贓之

弊。照例革職提問。如無貪贓等事。照才力不及



例降二級調用。其考覈疏內不註剔除十弊字樣及未曾剔除而註剔除者。或吏部查出或科道糾參。督撫照不報劣員例降三級調用。督撫有需索陋規者。亦照貪贓例處分。至上司同僚京官鄉宦私書及親戚朋友隨住地方討情抽豐。並州縣官傳遞私書。鄉紳投刺請席者。係官革職。係常人交刑部從重治罪。至順天學院任滿時。亦開明剔除十弊。具題考覈。方准回院。各省皆改學院。任滿皆自題十弊剔除。若不能剔除。或有貪贓等弊。亦照學道例處分。○二十一年覈准嗣後學政

凡到所考地方。量撥別縣書吏供事。其掌案長接名色。嚴行禁革。屬官一概不許迎接。執事員役不許退堂傳遞關節。如遇校閱之日。一概封筒不許傳入。間有公事。俟試竣之日。方許開函遞進。其生童試卷。府縣除正卷外。不許多備一卷。如有此等情弊。聽該督撫據實指名題參。交部從重議處。如該督撫徇情被科道官糾參。或旁人出首。將督撫一併議處。○二十二年覆准學政有將祠生贊禮濫行批設。考試生童徇私賄錄。至於劣衿學霸包攬武斷者。不行究斥。行誼修明者。不為表揚。統令該督撫題參。交部從重議處。如督撫徇私事發。一併議處。○三十九年議准。學政考試。督撫藩臬各道勒索陋規。及學政濫與者。皆革職提問。如有勢宦京官請託投札。及教官巡捕進士舉人說情。並書吏卑役等討賞等事。有官職者革職。無官職者從重治罪。若學臣徇情市恩者。亦革職一併提問。知府如有包攬入學童生要挾勒索。將文理不通之童生送考者。或學臣申報。或督撫糾參。將知府革職提問。學政與提調知府扶同作弊者。一併革職提問。督撫不糾參。學政不申報者。皆革職。○又覆准。督撫如有藉名開送童生者。照勒索棚規例治罪。州縣官賄薦案首。及各官效勞分肥。提鎮等官說情。並學臣扶同者。事發皆照例治罪。遇有挾制干請者。准徑實封奏聞。若祖父兄弟為子孫營謀者。除本童責革外。祖父兄弟有官者革職。無官者從重治罪。○雍正二年議准。考試文武童生。照定額取進。覆試之後。即行出案發落。不得於本地少取。俟發紅案時。復將別處添入。以滋弊端。○又議准。各省學臣

務恪遵定例。秉公考校。分別等第。以示鼓勵。毋得過寬徇私。其或有州縣人文果盛。確無荒謬不通之卷。亦不必苛刻推求。故列後等。以示無私。○五年議准。嗣後歲科兩試。學政務將未取之卷。批出不取緣由。交與教官。聽各該童自行領閱。○又覆准。嗣後學政所帶吏役。酌量足用。不許冗濫。至承差號吏。亦封在場內。不許容留一人。在外。所有一應收發公文。催買供應等項。悉委提調料理。如有吏役在外招搖撞騙。詐提調。即行鎖拏。從重治罪。○又

諭。學政一官。責任甚重。向來學政恣行貪劣。此固本人之不肖。而亦大半由於提調官員贊成之也。提調與學政相為表裏。嗣後學政聲名不好。應將提調官一併議處。其如何定例之處。著九卿會議具奏。欽此。遵旨議定。嗣後提調官如聽學臣會冒通同作弊。以及引誘為非者。一經發覺。將提調官照貪官例。同學政一併革職。提問。如學政暗收關節。私營名器。提調官雖無通同引誘情弊。而防範不嚴。即照溺職例。革職。再學政按郡考試。凡應用員役。皆由提調官送用。嗣後如有猾吏姦胥。招搖撞騙。

及受賄傳遞等弊。提調官不訪拏查究。別經發覺。將提調官照失察衙役犯贓例議處。儻學臣操守清廉。杜絕情弊。提調不得遂其引誘。反行挾制把持者。准學政指參。審實。將提調官照貪官例治罪。○十年覆准。嗣後順天學政考試。地方冊送之卑役。在堂上伺候者。不必點用。亦不必收地方供給。至於場外合用巡邏控檢等項。人役。仍照舊例。由地方官撥用。學政所帶隨行人役。既令場內辦事。務宜嚴加約束。不許擅自出入。與生童交通語言。仍令提調官查驗封鎖。

不時稽查。○又議。准舊例。學政案臨次日。祇謁先師畢。即詣明倫堂講書。嗣因官吏師生參謁。恐滋弊竇。改俟入場事竣。再行詣學講書。但考試既畢。人數無多。聽講者寥寥。嗣後仍照舊例。於案臨次日。詣學行香。即行講書。○十二年覆准。各直省學政職司文衡。試卷繁多。不能不延請宿學之士。寄以衡鑒。乃學政中每有希圖簡便。即以此府考居前列之生。帶至彼府閱卷者。其中瞻顧鄉曲。勢必暗通關節。廣徇情面。兼之書役勾連。傳遞消息。黃緣說合。招搖撞騙等弊。皆不

能免嗣後各直省學政考試於未入境之先即延請他省中學問優長操守廉潔之士同往閱卷如係兩省接壤之地亦必在五百里之外者方准延請兼令該督撫嚴飭地方官並儒學教官通行曉諭嚴禁士子鑽營隨任妄希衡文如該學政仍蹈前轍即行題參議處並將同往之生斥革。○又奉

旨。學政科場乃國家興賢育才之要政關係甚為重大十餘年來各省試官不聞有婪贓敗檢之劣員朕心頗喜以為試事漸次肅清今觀俞鴻圖納賄營私受賂累萬則各省之學政果否澄清朕皆不敢深信矣蓋學政與督撫同在一省學政之優劣督撫未有不深知者止因督撫有所請託分肥必致瞻顧情面而代為隱瞞朕復何從而知之俞鴻圖之貪婪藐法非遇秉公持正之王士俊未必即行參奏又如昔年張廷璐在河南學政時柔善沽名非遇田文鏡亦豈肯據實奏聞比時朕將張廷璐調回切加訓飭今復用往江蘇則非昔日之可比也向使天下督撫皆如高其倬之存心為人則不公不法之學臣無人檢束何所忌憚之有嗣後朕止得留心體察矣各省若有考

試不公徇情貪賄者經朕查訪除將學臣從重治罪外該督撫必以溺職罪嚴加處分不以尋常失於覺察論可諭直省督撫知之。○又議准嗣後斥革之貢監劣生不得冒給衣頂如有夤緣給衣頂者一經發覺除本生從重治罪外將該學政一併嚴加議處。○乾隆四年

諭各省學政考試生童為士子進身之始甚有關繫為學臣者固當各夫公慎嚴密關防而在外棍徒撞騙之弊地方官尤宜嚴密訪查以期肅清近江西巡撫陳宏謀奏稱江西積棍每年尾隨學臣按試各郡假冒學臣親戚内幕哄誘士民營求入學講定謝儀若干兩一同包封仍存士民之手俟案出有名方來取銀營求之人見其不先取銀以為有益無損遂將銀兩付伊包封畫押棍徒豫用錢文假作銀封臨時同夥設計掩飾調換攜銀潛逃名曰掉包迨至案出無名士民啟視銀封方知墮計而棍徒早已遠颺在被騙者既不敢鳴官以取累又不敢告人以貽羞遂致此風各處多有不能杜絕朕思一省若是他省亦相同著各督撫等於學臣按試之前將此等掉包串騙之弊詳明曉諭凡有指稱營求考取將銀封貯出案

收取者。無論真假。立即嚴拏究處。並許被騙之人。報官查拏。則應考生童識破機關。自不致墮其術中。而棍徒知有法紀。亦不敢公行無忌。亦肅清學政之一端。該部即遵諭行。○又議准。考試武童騎射。定例學臣會同武職校閱。武職奉委。若不迴避關防。不肖士子鑽營賄囑。亦未可定。嗣後武職奉委之日。封門迴避。提調官留心訪察。不得與本地人士私相往來。以及家人兵目。徑行出入。○六年奏。嗣後各省學政眷屬。概不准其隨帶。奉旨。如學臣差滿之後。復留原任。或調別省。欲攜帶家眷者。著本人自行具奏。○七年覆准。各省學政守一定之儀制。勵師表之風裁。不得自損名節。取悅督撫。於相見之禮。不遵會典儀節。諂屈過甚。或至投拜門下。卑同屬吏。不得因觀風所取之生童。府州縣錄送之首名。不問優劣。徇情拔取。至督撫於學政當以公正廉明相勸。不得以勢位意氣相陵。○又

諭學臣之廉潔貪汙。視乎其人之自主。初不在眷屬之有無。如謂攜眷即滋弊竇。則外省督撫藩臬以下。又何嘗不攜眷屬耶。即使不准攜眷。而隨任之家人幕

容。又豈能保其一一奉法惟謹耶。嗣後不必禁止。○

八年議准。監射武臣。毋庸一體關防。○十一年覆准。學政案臨之日。飭令提調官將掉包誑騙情弊。詳明晚諭。俾應試生童識破機關。不致墮其術中。並於庵觀寺院等處。嚴行訪緝。如遇面生可疑之人。即行驅逐。提調官不行查拏。別經發覺。照巡緝官失於查察例。罰俸一年。○十二年覆准。學政關防考試。如有暗通關節。弊生於內者。責之學政。招搖撞騙。弊生於外者。責之提調官。一經發覺。各照例處分。○又議准。嗣後學政按試各郡。考畢之後。將拜望鄉紳親故之習。概行禁止。○十五年

諭四川總督策楞查奏朱荃賣書漁利。勒索告病告頂生員銀兩。並自奏平時未能覺察。請交部嚴加議處等語。朱荃蔑倫匪喪。據報失足落水。朕知其必有營私舞弊之處。嚴諭究查。策楞始將前後婪取贓款。覆究。但未究明賄賣生員實蹟。據湖廣總督永興等。審據朱荃家人供賣生童九名。又收受李為棟銀兩。貂套等物。即將李姓童生二名。並取入學。贓私累累。策楞何以全無知覺於事先。並未究出於事後。從前學

政多簞簞不飭。後經責成督撫不時稽查。一經彈劾。審實。即按律正法。其風始戢。近來漸有顧惜情面之意。並不實在留心體訪。以致學政等無所忌憚。故習復萌。竟敢公行賄賣。不法已極。此風漸不可長。策楞身在地方。朱荃所為狼藉如此。本俟定案時。嚴治策楞失察之咎。今即自行檢舉。若因此即稍為寬宥。益無以為督撫查察不實之戒。除現今該部嚴察議奏外。所有朱荃之弟及伊家人。俱解交該督。並案內賄賣生童及經手說合各犯。逐一秉公嚴審。嗣後督撫於地方學政。如不時加確查。據實參奏。經朕訪聞。或

臣工奏劾。必將該督撫嚴行議處。斷不姑容。○十七年

諭。本日勾到情實官犯。內李為棟王瑞霖二犯。因賄囑朱荃為伊子營求入學。本按以財營求與受財人同科。問擬絞候。已屬該部輕為出脫。至策楞擬以緩決。更屬沽名曲庇。著交部嚴察議奏。蓋入學乃士子進身初步。原與科場一律。營求賄囑之風。斷不可不嚴為防範。在輩穀之下。糾察嚴密。易於敗露。至各省學政出京赴任。途次接見官員。乘便密行賄託。其事甚易。孰從稽查。似此情罪昭著。犯證確鑿之案。若不明

正典刑。將來玩法之徒。益無忌憚。且今歲科場控出關節。既伏厥辜。至殿試策名大典。復有豫擬策條。懷挾應試者。條對策問。若僅完卷塞責。較之三場。乃甚易之事。尚需宿構懷挾。則其鄉會中式之時。舞弊。不問可知。朕特未加深究耳。可見衣冠中不少敗類。實出尋常意計之表。敗類者如此。其儼幸入彀者。益難信其必無矣。比聞新進翰林輩。視交通關節。竟不以為惡習可恥。偷為一切。真才益淪。力挽頹風。朕不辭也。此而可寬。明刑弼教之意。安在。李為棟王瑞霖二犯。已於秋決。內予勾正法。並將此嚴切曉諭中外。知

之。○十九年議准。各省學政宜約束幕賓親友胥吏家人。懍遵法度。以絕藉口造言之端。至於頂冒槍手。招搖影射。妄傳綫索。顯造飛語。匿名揭帖等事。學政一有見聞。即嚴飭提調官訪拏。提調官容隱。據實參處。若提調藉無根之言。挾制學政。一經陳奏。督撫審實。從重治罪。儻學政苟且自全。別經發覺。除提調官治罪外。將學政一併嚴加議處。○二十五年議准。提調等官所司考務。如有胥役招搖傳遞諸弊。將失察之提調官及該管官。照失察衙役犯贓例。議處。其場外平

民生童人等有撞騙招搖不行查拏及徇隱姑容等弊提調免其議處失察之地方官照失於查察例分別罰俸降調至提調與地方官果能實力查拏將案犯全行拏獲量行議敘以示鼓勵○二十八年覆准嗣後各省學政案臨各府考試如遇與該府係屬戚族臨期改委該府之同知通判辦理提調事務其直隸州設有考棚即酌委州屬知縣一員提調凡知府直隸州知州均毋庸迴避○二十九年議准學政閱卷之時其童生從前筆迹一概不得寓目至府州縣考原卷定例止解提調不解學政止送取中之卷不解全卷具有深意若恐府州縣解送原卷或有臨期抽換之弊但須責成提調官嚴加查察自可剔除嗣後各府州縣於學政案臨之日即將原取真卷解送提調官如有遲誤指名叅處○三十二年議准學政衙門書吏按照定額八名召募充當應役五年役滿另募接充仍將現役姓名年貌籍貫三代及著役日期備造清冊取具該衙門並無違礙印結於每年歲底咨報吏部查覈○五十一年

諭朕恭閱

聖祖仁皇帝實錄其時學政往往有蕩檢踰閑賄賣生童之事俱經身罹重辟雍正年間俞鴻圖復效尤舞弊賊私累累我

皇考將伊立行正法以昭炯戒乾隆年間山西學政喀爾欽賄賣生童亦盡法懲治自此人知畏懼迄今數十年從無有此亂法之事學政簡任衡文果能砥礪廉隅天公天慎為國家鑒拔真才不致貪黷敗檢干犯憲典固屬甚善但恐日久因循其中或有見利忘義之徒故智復萌不自檢束亦未可定著通行飭諭

凡得膺衡文之責者當念為國樹人之義秉公取士同深儆懼時時觸目儆心不負任使以前事為鑒儻有仍蹈故轍以身試法者一經發覺憲典具在斷不肯姑為寬貸毋謂朕言之不豫也○五十三年

諭各省學政俱有衡文取士之責近日風氣波靡皆因應生童試時不能端本所致著通行嚴飭各學政俾各加猛省如有營私舞弊賄賣生童者一經敗露朕惟執法從事刑茲無赦並交各該督撫嚴行查訪如有前項情弊立即據實嚴叅究辦○又

諭據大學士九卿等議覆御史施朝幹條奏申嚴學政

考取拔貢事宜一摺。已依議行矣。至摺內稱各該督撫隨時稽查。如陽奉陰違。即將該學政參處等語。學政按考各屬地方。俱係督撫所轄。如果該學政有考試不公。賄賣生童等事。各督撫耳目甚近。自無難訪查得實。前經降旨通諭各督撫。令將學政中之貪汙者據實指參。但外省習氣。往往有官官相護之見。督撫等即明知學政聲名狼藉。仍不肯據實參奏。若非瞻顧情面。扶同徇隱。必係各督撫等在任有貪劣款蹟。恐被學政訐發其私。遂爾意存顧忌。不敢列入彈章。二者必居一於此。方今綱紀肅清。督撫等俱受朕厚恩。簡畀封圻重任。自應潔己奉公。以為通省官員表率。何至尚有敗檢營私之處。慮人指摘。惟是督撫中公正自持者。固不乏人。或竟有操守平常。轉被學政挾持其短。遂不得不聯為一氣。互相彌縫。或惟知瞻徇私情。罔顧公義。於各省吏治學校。甚有關繫。嗣後各督撫惟當益勵廉隅。正己率屬。設遇學政有貪汙實蹟。即應指名糾參。若仍事徇隱。緘默不言。或別經發覺。除將該學政照例治罪外。必將該督撫一例從重問擬。決不姑貸。並令督撫於年終將學政等有無劣蹟。陳奏一次。若至別處發覺。則此不舉之督撫。

當得何罪。著自審。非朕不教也。○又

諭本年三四月間。因諸生條奏科場弊竇。曾令大學士九卿議奏。並降旨通行飭諭矣。彼時據阿桂奏外間傳有謝墉抽身便討吳玉綸倒口即吞之語。朕即以阿桂若僅奏謝墉聲譽不好。伊二人前在吏部時。原有齟齬。而吳玉綸則並無芥蒂。則其言似非無據。即他臣雖未明言其輿論平常。而伊二人之在學差任內。不孚衆情之處。聞知者亦復不少。學政為掄才所關。既聞有舞弊營私情事。安可置之不辨。隨降旨令李侍堯閱鶚元各將謝墉吳玉綸在任聲名究竟如何之處。就近訪查據實具奏。旋據閱鶚元奏。謝墉初任江蘇學政。聲名實屬平常。其復任時尚知悔過。頗為謹飭。而李侍堯則稱吳玉綸在學政任內。聲名狼藉。至今閩省士子。猶懷忿恨。上年因吳玉綸條奏科場。該省之人。無不傳為笑柄。以吳玉綸即係作弊之人。如何亦說防弊。但事隔年久。實無憑據等語。適吳玉綸在熱河扈從。隨面加詢問。據稱伊曾條奏西監應行補捐一事。是以為衆所怨。昨謝墉帶領引見。來至熱河。亦面加詢問。據奏伊因考試過嚴。未免取怨於人。及詰以因何有抽身倒口之語。伊二人則皆奏

係寄園寄所寄小說所載陳言。想係怨之者因而附會等語。辨理科場本當嚴密。如果恪遵成法。自矢潔清。士心正當翕服。即或有被遺之人。為之散播謠言。亦何至憎茲多口。至吳王綸條奏捐監。係四十六年之事。而其簡放福建學政已在四十八年以後。相隔甚久。尤為兩不相涉。若云出自寄園寄所寄。則古今書籍所載陳言甚多。何以不取而附會他人。獨於謝墉吳玉綸二人曲加附會。不謀而合。但此事既經閔鶚元李侍堯就近查奏。並非無因。即將伊二人革職。交刑部審訊治罪。亦不為過。姑念阿桂所奏。究係傳聞。且無人不知。而李侍堯等亦因事隔年久。查無確據。朕從來不為己甚。何必遽興大獄。但伊二人俱係大員。經朕特簡學政。乃聲名至此。平常朕甚愧焉。謝墉吳玉綸何以得勝卿貳之任。均著降調為內閣學士。其職不過專司批本。並無應辦緊要之件。伊二人學問尚可。是以特予從寬降補。此皆朕格外矜全。伊二人務當痛自愧悔。勉為前濯。如再不知悔改。必加倍重治其罪。各直省學政。如有關節賄賣等情。督撫近在同省。斷無不知之理。雖前已有旨。交該督撫等嚴行查訪具奏。或有學政舞弊營私。本省督撫知而

不舉。必係督撫自己廉隅不謹。恐為所訐。若該督撫等竟敢與學政通同一氣。作姦犯科。尚復何事。不可為。然督撫等俱受朕厚恩。特加委任。或不肖如王賈望。陳輝祖。郝碩國。秦者。賊私蒙累。於學政弊竇。自不敢舉發。而王賈望等俱已先後敗露。立置重典。亦不藉學政之參奏也。但外省官官相護。惡習牢不可破。今屢經降旨通飭。各該督撫等務宜實力查察。如學政等有仍前情弊。立即嚴參究辦。倘有心徇隱。必將該督撫一併從重治罪。決不姑貸。至士子等應試時。原不能無所去取。其中者自必感激無言。而被遺者不免心存缺望。悠悠之口。固不足憑。但考官學政等。果能秉公錄取。毫無弊竇。公論具在。斷不致如謝墉等之眾口一詞。貽譏誇牘。嗣後各該學政亦當益天冰兢。公平校閱。毋滋物議。務拔真才。以副朕訓誨成全之至意。又議准。嗣後提調教官。如有應稟學政事宜。俱令公同當堂面議。不准一人私謁。違者聽該學政參處。仍令各該督撫隨時稽查。如陽奉陰違者。將該學政參處。○五十四年

諭。前因甯光霽前來行在謝恩。召見。詢及各省學政居官如何。據稱。上江學政徐立綱。人品聲名。俱甚平常。



隨降旨密詢書麟陳用敷令其將徐立綱兩任在安徽考試情形有無貪劣實蹟據實查奏。茲據該督撫先後覆奏。徐立綱前任安徽學政聲名實屬平常。但無確實劣迹。自復任以來。考選尚知謹慎等語。各省學政。如果冰兢自矢。校閱公平。何至眾口一詞。不孚物議。上年因謝墉吳玉綸在學政任內聲名不好。曾將伊二人降調。以示懲儆。徐立綱以編修微員。經朕簡用學政。更當如何感激。益勵潔清。乃竟不知自愛。致有廉隅不謹之處。現在雖無確據。但似此聲名狼藉。其何以勝校士掄才之任。徐立綱著來京以司務

博士等官降補。在武英殿修書處效力行走。○又

諭前聞廣西學政御史潘曾起聲名平常。降旨詢問孫永清。令將潘曾起在廣西考試情形。有無劣迹據實查奏。茲據孫永清覆奏。潘曾起輕喜易怒。性情不好。未能滿愜士心。曾飭各府提調官密行訪查。雖無舞弊營私實蹟。而其聲名實屬平常等語。潘曾起屢經簡用學政。如果潔清自矢。訓迪有方。何至士心不服。乃竟不知自檢。士論紛然。現在雖查無確據。但聲名物議如此。豈可復勝臺諫之任。潘曾起著交部嚴加議處。○嘉慶四年

諭據宋澍奏。拏獲圖謀作弊之劣生。並參任意疏縱之知縣一摺。此案山東沂州府報劣生員潘朝齡。既經宋澍拘禁押送回籍。該犯仍敢潛回三原。圖謀作弊。復經宋澍拏獲。交三原縣知縣任天桂審辦。該縣並未迅速嚴究實情。轉致潘朝齡脫逃。學政考試各處。理宜嚴肅。提調於稽查防弊。尤其專責。乃劣生潘朝齡。於宋澍未到之先。已在三原潛住。該縣並未覺察。及經拏獲發審。又復任意耽延疏玩。致令逃逸。該縣亦係籍隸山東。或竟不免有與潘朝齡通同舞弊。並受賄故縱之事。三原縣知縣任天桂。即著革職。交與馬慧裕會同學政宋澍先行嚴訊。其在逃之劣生潘朝齡。並著馬慧裕飭屬嚴拏務獲。一併嚴審定擬具奏。○又

諭吳省蘭奏。考試寶慶府時。接蘇州府總捕同知李焜稟帖一封。內有夾單開列伊胞姪李馥元童生李德元李體元之名。託其教誨等語。學政考試時。例應關防。以杜囑託夤緣之事。李焜身係職官。罔知例禁。竟敢將伊姪李馥元等之名。具稟學政。託其教誨。顯有請囑情弊。不可不嚴行懲辦。且李焜前在蘇州總捕任內。審理生員馬照等一案。任情妄拏多人。看管馬

房。無辜諸生俱被控累。以致眾怨沸騰。經王德等審明。將李焜擬發軍臺效力贖罪。彼時因其掌責生員係在已經詳革之後。且訊無受賄情事。其各止於粗暴孟浪。故加恩免其發往軍臺。降補知縣。是李焜本以陵辱斯文獲咎。而今又欲使子姪濫廁士林。以致敗露可見天理昭彰。絲毫不爽。不知懼者非人類矣。此事若李焜用賄向學政營求。必當嚴審定罪。今雖空言請託。亦難輕貸。著兵起傳旨將李焜革職解京。照前案原擬罪名。發往軍臺效力贖罪。用昭炯戒。至伊姪生員李馥元童生李德元李體元遠在原籍。均不知情。著免其斥革扣考。吳省蘭於按臨醴陵時。仍當憑文去取。不必稍存成見。吳省蘭接到李焜稟函。即行據實具奏。甚屬公正。著交部議敘。○二十四年諭。府縣試考取案首。原不應一概取進。其捐資辦公之士子。尤不應以考試為獎勵之途。著通諭各省學政。考試童生。惟當憑文藝之優劣。以定去取。其府州縣所錄案首。一律公平校閱。不得瞻徇情面。濫行拔取。至士子等捐資修葺儒學書院。其姓名概不准報知學政。如有府縣官違例干求者。該學政即指名參奏。以杜倖進而勵士風。○道光四年

諭。毛式郇奏。選拔屆期。請飭禁積弊一摺。各學選拔貢生。為掄才鉅典。前經通諭各直省學政。務選經明行修之士。以副旁求。然遠拔真才。必先剔除積弊。茲據毛式郇奏稱。訪聞直隸省每遇選拔之年。各學學書門斗。各府州縣書吏。及學政衙門書吏門丁。均有卷費冊費各項陋規名目。似此藉端需索。殊干例禁。且選拔試卷。例不糊名。當該學政局門校閱之時。尤難保無不肖之徒。在外招搖撞騙。不可不嚴行申禁。著直隸總督即通飭各府州縣。及充當提調各員。於科試選拔時。認真嚴密查訪。如有匪徒在該地方招搖撞騙。立即嚴拏按律懲辦。其卷冊考費及一切陋規。著概行禁革。並著該督出示曉諭各屬。應試拔貢生員。僅仍有書斗門丁等需索抑勒情事。准該生赴提調官衙門稟訴。從重懲治。以肅闕防。而慎登進。毋得視為具文。○八年諭。江西學政福申。於家人蕭三種。恣橫藐玩。漫無覺察。以致物議沸騰。被人參劾。昨據陳若霖等查辦奏到。業經降旨將福申交部嚴加議處。直省學政聲名。該督撫向於年終出具考語。密行陳奏。遇有不公不法。及輿論未協者。即應據實直陳。豈容稍有隱飾。乃

琦善韓文綺具奏學政福申聲名摺內均稱其場規嚴肅。關防慎密。並無弊竇。可見該督撫。蹈官官相護之陋習。視為具文。徒以一奏塞責。韓文綺近在同城。見聞自確。乃並不留心查察。其各較重。著交部議處。琦善駐紮江南。相隔稍遠。著交部察議。嗣後各該督撫於該學政務。當隨時留心查覈。於年終出具考語。秉公據實。不可稍有含混。經此次訓諭之後。儻仍相率緘默。不肯直陳。或別經發覺。或被人糾參。必將該督撫重懲不貸。○又

諭吏部議將福申照縱容家人長隨招搖詐騙例革職。福申到任兩季有餘。屢經出棚考試。於蕭三到處詐索。肆行無忌。斷不能諉為不知。豈失察可比。福申著即照部議革職。○十二年

諭朕聞江西學政鄭瑞玉不協輿情。降旨令周之琦認真訪查。覈實奏。茲據奏稱該學政將亂號生員鎖發提調訊究。係屬照例辦理。惟場規不能嚴肅。致書吏將不應進署之人混行帶入。並令官親查號。及覆試點名遲至巳午。均屬違例等語。該學政職司考校。自宜整肅場規。嚴防弊竇。乃不能約束官親書吏。覆試士子。任意遲延。致滋物議。豈能勝學政之任。鄭瑞

玉著交部議處。即來京聽候部議。○十五年

諭御史陳功奏請飭各直省學政嚴肅關防。以除積習。一摺。學政有振興文教之責。考試嚴肅。則眾論允孚。去取公平。則人心翕服。必須詰弊肅清。真才乃出不特家丁幕友防範宜嚴。且士習文風。關繫甚重。稍有不慎。則倖進者遂其夤緣。而實學因之淪棄。各直省設立學政。經朕特加簡用。每遇歲科考試。為士子進身之階。宜如何矢慎天公。以期無忝厥職。若如該御史所奏。學政所到之省。世交舊好。求情請託。其府州縣所錄案首。及考取前列。該學政周全情面。遷就取進等語。積習相沿。此等弊竇。不能保其必無。不可不力加剔除。著通諭各直省學政。嗣後於案臨考試。務須滌慮洗心。嚴密關防。破除情面。即有世交舊好。與試膠庠。俱宜覈實秉公。不得徇私以圖見好。儻有廣通聲援。託故私謁。斷不准附會取進。以杜干請而絕夤緣。其府州縣所錄案首及前列各卷。一例公平。校閱不得瞻徇情面。濫行拔取。如有府州縣各官違例干求者。該學政即指飭嚴參。儻該學政不能正己律人。有意徇情。經朕訪聞。或別經發覺。必將執法嚴懲。決不寬貸。懍之慎之。○又

諭學政延請本籍幕友原屬例所不禁。本日據鄂山將四川學政王篤閱文幕友姓名籍貫照例開單呈覽。朕詳加披閱。該學政幕友六人均係陝西籍貫。而籍隸韓城者居其五。實向來所未有。學政有教育人材之責。校閱自當公明。而防弊尤須周密。若幕友盡係同鄉。不但易滋物議。設遇有通同舞弊情事。稽查更恐難周。不可不防其漸。著王篤即將現在幕友酌量更易數人。並隨時嚴加查察。以肅關防。嗣後各直省學政務擇品學兼優之士。襄校文字。不得專用本籍之人。致滋流弊。○十六年

諭上年因四川學政王篤閱文幕友六人均係陝西籍貫。曾經降旨令該學政酌量更易數人。以肅關防。並通諭各直省學政嗣後不得專用本籍之人。致滋流弊。該督撫學政等自當共見共聞。恪加遵守。本日據梁章鉅將廣西學政丁善慶幕友姓名籍貫照例開單呈覽。該學政幕友五人均係湖南籍貫。前降諭旨甚明。該學政豈未之見耶。丁善慶著交部議處。仍著更易數人。以肅關防。○又

諭湖南學政龔維琳於門丁顧四到處批斥需索毫無覺察。並將自作詩賦刊刻板片。存留書鋪。任其刷印

售賣。實屬溺職卑鄙。著照部議革職。○又

諭吳文鎔奏選拔屆期請嚴禁弊端一摺。直隸省每遇選拔之年。各學學書門斗。各府州縣書吏及學政衙門書吏門丁。均有卷費冊費各項陋規名目。且當學政局門校閱之時。更有不肖之徒。在外招搖撞騙。不可不嚴行飭禁。現屆丁酉科選拔之期。所有學政衙門書吏家丁。著責成該學政嚴為稽查。加意約束。並先期剴切出示申明例禁。至局門校閱時。著直隸總督通飭所屬各府州縣及充當提調各員。認真嚴密查訪。如有匪徒在外招搖撞騙。立即嚴拏按律懲辦。其卷冊考費一切陋規。著概行禁革。並著該督出示曉諭各屬。應試選拔生員。儻仍有書斗門丁等需索抑勒情事。准該生赴提調官衙門稟訴。從重懲治。各直省考試拔貢。俱著照此辦理。經此諄諭之後。各該學政衙門書吏人等。如仍有需索陋規情弊。惟該學政是問。至局門校閱時。該提調官不能隨時查察。杜絕弊源。致不肖匪徒。仍敢在外招搖撞騙。一經發覺。定將該提調官懲處不貸。○又覆准。考試坐號底簿。照例封交提調。不准學政自收。致啟查閱營私之弊。○咸豐十一年覆准。嗣後各生童情殷助

餉報捐各項官階俱呈明地方官轉詳督撫覈辦不得在學政衙門呈報以肅關防

欽定大清會典事例卷三百六十九

禮部

學校 學政供給 教職考覈

學政供給。順治初年定。提學經臨地方。程途非六十里。不得備辦中火。有驛州縣及非宿站。不得別送下程。又定。案臨初到日。照常送米麪一次。以後發簿照數辦送。各該調考州縣不許別送下程。如久住之所。柴炭油燭及門早柴米。均酌定數目。五日一送。筆墨紙張。候票取方送。送進物件。巡捕官接檢。如遇考校日期。生儒供給。先一日送進。每名大餅六枚。水果四枚。夏月加西瓜。即置考案上。教官仍給飯一餐。務精潔堪用。有以惡濫冒費官錢。該吏坐贓問罪。各員役供給。亦先日豫備。各州縣同日考者。先期扣算。合用銀若干。會同總辦。以免偏累。事畢。通前公費及一應修理衙門置辦器皿。給賞花紅紙筆之費。一併造冊。各具總散數目若干。候起馬日呈報。以憑查覈。康熙二十一年。覆准。向來考試地方。各州縣官指稱供給名色。私派甚多。或按丁徵收。或逐戶科斂。每考一府。費民間

數千餘金。嗣後應嚴行禁革。如有私派照舊累民者。許督撫指參。交部從重議處。○雍正十一年。覆准。從前府州縣院考書吏人等辦事。需一月有餘。雜費不入正項奏銷之內。皆取給於卷價。而該管官遂招立卷戶。平居衙署之糊飾。臨時所送識認之試卷。皆索之卷戶。於是明索高價。苦累生童。嗣後府州縣以及院試。無論大中小學。每本試卷定價三分。令該提調官自行置辦。不許再招卷戶。其紙價公費之外。即為辦事書吏人等飯食之費。若再立卷戶。照例參處。

乾隆元年

諭各省學政有衡文育才之責。關繫綦重。從前各賞養廉。資其用度。俾得堅持操守。砥礪廉隅。衡鑒公明。共襄國家作人之鉅典。天下人文繁盛。應試衆多者。莫如江南。而江南學政養廉。江蘇二千兩。安徽一千五百兩。較他省為少。以致養贍家口。延致幕客。未免不敷。所當加恩體恤。著從今秋為始。上下兩江學政。養廉各賞銀四千兩。使伊等用度從容。益得盡心於職業。以副朕任官課士之至意。○二年

諭安徽應試童生。有完納卷價之陋例。其費彙交知府

直隸州知州。除修葺考場外。其餘則補學政養廉之不足。雖每童所出不過錢數十文。而在貧寒書生。亦不免拮据之苦。且學政養廉。朕已特頒諭旨加增。更不必取資於卷價。至於修葺考場。乃地方公事。應動存公銀兩。著將生童交納卷價。永行禁止。毋使不肖官員及吏胥人等。藉名苛索。致滋擾累。○十一年覆准。湖南童生應試。悉令自行買卷投交。其提調官所收價三分。照安徽之例。永行禁革。如遇修理考棚。亦照安徽之例。於存公銀內動給。至各省學政案臨初到之日。豫計考期遠近。日用薪

蔬數目。酌發價銀。交提調官委人辦送。不得收取供應。沿途護送人夫住宿處所。以及考棚應用什物。勢難自備。仍令地方官遵照向例辦理。其從前所定卷價三分。除紙張工價外。所餘原屬無多。惟是官辦卷價已經革除。應嚴加禁約。毋得令吏胥人等借報名收卷造冊等名色。仍行需索。令各該學政不時查察。以防弊端。○又諭學政考試卷價。自雍正十一年經部議定。每本價值三分。令提調官自行置辦。不許卷戶仍前增價重戕等弊。自應遵照定例辦理。今江蘇等屬卷價浮多。有

貴至一錢及二三錢不等。寒士未免拮据。此皆由書役舞弊。仍係該管官不行查察之所致。著該督撫學政等通行各屬。嗣後童生府州縣以及院試卷價。令依部定之例。毋得違例多取。如有仍蹈前轍者。著該督撫查出。分別究治。○二十二年定。向例各省學政俱頒發學政全書各一部。嗣後各學政一體於交代冊內轉相交代。如果年久損壞。不堪應用。報部補行頒給。○二十三年議准。學政歲科二試。律詩選用詩韻。照鄉會試刊刻韻紙之例。豫行刊刻小板。俟案臨時發提調官印刷。先期繳署。出題時每人給以片紙。其板仍留為考試別屬之用。刊刻印刷之費。即於辦公卷價內支除。○三十一年議准。學政赴任回京。及調他省。仍照舊例辦理外。如有升調別省他職。一概停給夫馬船隻。先將勘合繳部。然後起程。仍令各督撫嚴行查察。儻學政有例外多索等弊。即指名參奏。毋得瞻徇情面。稍為容隱。○三十二年議准。學政事宜。禮部隨時遵行。其續增學政全書。統以十年為期。刊刻分發各學政。實力奉行。○三十三年

諭鄂寶查奏梅立本按試各屬。較前任學政通計多用夫七百名。又粵西各屬。每棚另有捐項銀六十兩。為書役飯食。現在籌酌間款。另行妥議等語。學政按試衡文。應輕騎減從。不可絲毫擾累地方。即例有案臨夫馬之說。止為護送敕印及必應隨帶之文卷官物。而設。為數亦屬無多。且各省學政。原與養廉。其隨帶之行李及幕友家人所用夫馬。理應自備。豈可借卷箱之名。濫行需索。若一切應用夫馬。仍取給有司。則各省督撫等養廉甚厚。豈遇有公事巡行各屬。亦皆令屬員供應夫馬耶。各督撫未免存官官相護之見。不肯查辦。縱容日久。遂至積習相沿。著通諭各督撫。查明各該學政按試時。有無擅動驛馬多少若何。及似梅立本之多用人夫者。或間有自行雇覓之處。並各學政養廉若干。現在情形若何。即行據實具奏。到日再降諭旨。至於學政書役。各有例給工食。其飯食豈可令地方官捐備。亦屬非體。並令該督撫一併查明覆奏。欽此。遵旨議定。向例學政赴任。兵部按照品級給予勘合。沿途地方官照數供應夫馬。至學政在任案臨各棚考試。有護送

敕印兵丁馬匹。損擡文冊卷箱人夫。其餘隨帶鋪陳。及家人幕友一應夫馬船隻。例應自行發價雇覓。並無地方官供應之條。今據各督撫覆奏直隸等十四省。向係學政照例自備。惟廣西湖南雲南貴州四省。官為供應。實屬積習相沿。應嚴行禁止。一體責令自行發價雇用。至各省護送敕印損擡文冊官物夫馬船隻。向無一定數目。易啟濫索。濫應之弊。嗣後學政考竣一府。即將無關緊要文卷封交提調。徑送學政衙門。其必應隨帶文卷冊箱。用夫十二名。護送。

敕印用馬四匹。水路備船一隻。如路徑崎嶇。應加夫四名。水路或遇險灘之處。加小船二隻。以為定制。俱在驛站夫馬船隻內撥給報銷。此外有濫索濫應。並短發價值。及給價之後。州縣繳回學政收受者。該督撫查出。據實參奏。如督撫徇情不舉。別經發覺。一併嚴加議處。至各省考棚一切應用官備之物。及學政衙門額設書役例給工食。原應酌動公項。不得令地方官再行捐備。至學政養廉。各省酌定原額多寡不等。除直隸江蘇安徽陝西山東山西福建雲南原定四千

兩。湖南原定三千六百兩。均毋庸另議增減外。其河南省原定六千六百六十六兩零。為數過多。廣東原定四千五百兩。浙江原定二千五百兩。加以學租餘贖銀一千七百餘兩不等。共計銀四千二百餘兩。亦屬較多。均以四千兩為額。三省共酌減銀三千三百六十六兩零。其江西原定二千四百兩。四川原定三千兩。貴州原定二千七百兩。湖北原定三千兩。俱著增至三千二百兩。尚餘銀一百六十餘兩。至奉天府丞兼管學政。原定養廉四百兩。即以此項餘贖銀兩

給奉天府丞以資辦公。嘉慶四年

諭。昨有人條奏。貴州學政向來取進童生。例繳紅案銀兩。三兩八兩不等。後則愈加愈多。廩保書役藉端需索。送至五六十兩等語。因令軍機大臣傳詢。差滿貴州學政談祖綬。據稱各省學政俱有棚規。一切書役飯食及硃價卷價棚廠等費。皆取於此。惟貴州並無棚規。向於童生取進後。令出紅案銀兩。每名自一二兩至五六兩。作為出考費用。談祖綬按試各府時。亦相沿辦理。但止令量力繳進。從無多至三四十兩之事。此等棚規紅案銀兩。原係相沿陋規。貴州學政養



廉本少。距京較遠。學政攜其家屬。延請幕友。前赴任所。需費自不免稍多。而該省並無棚規。出考一切費用。令新進生童量為致送。其事亦尚在情理之中。即各省學政亦係陋習相循。貼補考費。非私賣秀才可比。若將棚規紅案銀兩概行裁革。則學政辦公竭蹶。豈轉令其錄取不公。營私納賄。况各省地方官所得各項陋規。不一而足。尚難一一禁止。乃獨於讀書寒賤出身膺衡文之任者。過事按求刻覈。亦殊屬無謂。惟此項紅案銀兩。止應令取進童生量力交送。總不得過五六兩之數。其實在無力者。亦當量為減免。不得強令交納。在學政既可從容辦公。而新進寒微。亦可共邀體恤。儻該學政等於陋規外復加多索。甚或於校士時有亂法婪贓之事。則必重治其罪。不稍寬貸也。○又

諭前因學政得有棚規紅案銀兩。相沿已久。業經降旨明白曉諭。並學政等不得於規外多索矣。今又有人條陳。恐有創立新條。致滋科斂一摺。既有此奏。著再通諭各省學政。務須潔清自天。秉公校閱。不得藉有應得分例。任意加增。儻有賄賣生童及亂法婪贓之事。定當從重治罪。不稍寬貸。○五年

諭上年因貴州學政養廉本少。該省距京較遠。學政延請幕友。需費稍多。該省舊有紅案陋規銀兩。以資用度。曾降諭旨予以限制。不得過五六兩之數。其實在無力者。即當減免。不得強令交納。今思此項紅案銀兩。究係陋規。學政本不應得受。雖今予以限制。但既有此名目。難保日久不又逐漸加增。上年所降諭旨。係朕一時思慮未能周備。該省學政養廉本係三百兩。著該撫於貴州省藩庫開款內加恩酌增五百兩。俾資辦公。此後該省紅案陋規銀兩。著永行禁止。不得收受分文。至其餘各省學政例給養廉。本屬敷用。其向無紅案陋規者。自不得違例索取。若向有此項陋規。俱著一體飭禁。儻有仍前私受者。一經查出。或被糾察。必將該學政按律治罪。○光緒四年議准。嗣後奉天學政。歲科兩試。案臨吉林。所有應用人夫尖宿處所。暨採買食物草料等項。仍令吉林廳照章代辦。以肅關防。至吉林紳捐生息銀二千五百兩。系奏明作為辦考費用。仍照向章統發提調官吉林廳掣節辦理。○六年

諭嗣後奉天學政。前往吉林考試。所有動用之項。務當力求撙節。不得逾奏定數目。其所餘紳捐生息

銀二千二百兩。即作為書院經費。

教職考覈。順治九年題准。儒學教官。士子觀法所繫。提學案臨之日。考其學行兼優。教有成效者。除禮待獎勵外。仍據實列薦。其行履無過。但學問疏淺者。姑行戒飭。責令勉進。有老病不堪者。准令以禮致仕。若鑽營委署。橫索束脩。卑汙無恥。素行不謹者。即行參奏。分別究革。其有學霸生員。書役門斗。行私惑誘者。一併究擬重治。○十三年題准。提學嚴考教官。除文行兼優。及文平而行無虧者。分別應薦。應留外。其文行俱劣者。開送撫按題參罷黜。○康熙十八年題准。學政於官員賢否。遵照

敕諭。例應考覈。文到各府州縣。掌印官。照舊式備造僚屬履歷。及以前薦獎戒飭緣由。填註考語事實。教官更分年力志行學識教規四款。內有賢不肖之尤者。別具揭帖。限一月內送閱。案臨。再造新任及改節改過者。季冬續報。並將任內作興學校事蹟。備申報奪。儒學掌印官。若遇有升選及會試等事故。提調即以年深訓導委署。一學皆缺。即將別學附近者詳委。凡經手書籍器

物學糧文卷交盤明白。申報批允方許離任。如應聘及丁憂等項。查無違礙。即日申報。各州縣署印。毋得轉委教官。即承乏委用。亦須申詳學政批允方行。止守倉庫。毋干別事。各府州縣禮房吏及學史轉考。候詳允方准起用。違者究革。○二十七年定。武生無武學處。照例屬文學教官管理。其降黜劣行等事。悉照文生例行。○三十九年議准。學臣有考試教官之例。責令學臣實力奉行。如全無文理者。即行題參。○四十三年

諭。教官必文學明通。方稱厥職。近見直省教職官內。不諳文學者甚多。如此何以訓士。著行文直省巡撫。將各屬教官通行考試。分別具題。欽此。遵

旨議定。嗣後教職由部選後。赴撫臣考試。其考居一二三四等。令其赴任。五等令歸學習。六等革職。○五十年覆准。教官計典。分別優劣。必由學政。嗣後直省如係學道。令會同藩臬考覈。送督撫具題。如係學院。藩臬二司造送督撫學院。會同考覈具題。○雍正元年

諭。直隸各省教官。乃專教士子之人。今准捐納。以致不

通文理少年。反為學問優長年高齒長之師可乎。應照其品級別任補用。該部議奏。欽此。遵

旨議定。嗣後直隸各省教職。除正途照舊選用外。其捐

納教諭訓導。即用先用之人。不由舉人恩拔副榜廩生揆貢出身。由生員捐納貢生者。教諭以縣丞改用。訓導以主簿改用。照捐納日期。入於各項捐納班內銓用。○二年覆准。現任教職內。由捐納出身者。既令改補別任。嗣後專令正途出身之教授教諭學正訓導。設立課程。實心教習。如有抑勒孤寒等弊。該學政題參處分。其教習著有成效者。即行題薦。○又覆准。教職由廩生捐納出身者。仍許留任。○又定。禁止各學教官。率領文武生員迎送官司。○三年

諭。凡遇地方賑貸之時。著該督撫學政。飭令教官將貧生名籍開送。地方官覈實詳報。視人數多寡。即於存公項內量撥銀米。移交教官均勻散給。資其體粥。如教官開報不實。給散不均。及為吏胥中飽者。交督撫學政稽察。即以不職參治。○四年

諭。凡縣令改授教職者。因其不勝牧民之任。例當罷黜。念其讀書攻苦。選授一官。不忍遽令廢棄。是以改為

教職。俾居師儒之席。以展其所學。此朕格外之恩也。况教官有化導士子之責。較理民之任。關係尤重。伊等自當殫心竭力。以盡職守。僅因改授教職之故。志氣墮頹。諸凡怠忽。著各學政查參。從重議處。○又覆

准。嗣後撫臣考校教官。居三等者。仍照例給憑赴任。四五等者。悉令解任學習。三年再行考試。六等者革職。至錢糧詞訟二項。係州縣專責。教官未定考成。但該教官果能訓誨約束。則士習漸端。自無抗糧興訟等弊。嗣後各學教官所屬文武生員。除受誣被告及實有冤抑切已不得已之事。申訴控理外。其有倚恃衣頂抗欠錢糧。並捏詞生事。唆訟陷人等事。該教官即申詳督撫學臣。免其參處。如縱容徇庇不行申報者。事發將該教官題參。照溺職例革職。如該教官果能盡心訓導。六年之內。所屬士子無前項過犯。該督撫學政據實保題。以應升之官即用。其現任之員。以雍正五年為始。扣滿六年者。有成效者。一例保題。○又覆准。順天府學設立滿洲教授訓導。令其每月將八旗生員考試一次。並以時教令騎射。如有文理不通行止不端者。該教

官申詳學政。即行革退。如該教官怠惰廢弛。有玷厥職。許順天學政指名題參。○又覆准。外省府州縣衛。以儒學教官兼理武學。京衛大興宛平二縣武生。亦令儒學教官訓誨約束。裁汰原設武學官役。其現任武學教授訓導。令離任照原品別用。○又覆准。凡計典教官賢否。皆由知府具報。嗣後各省督撫轉飭各府。從公考覈。如有姑息容隱。將各該知府照徇庇例題參議處。○七年

諭。嗣後教官沽名邀譽。縱容劣生不舉報者。經學臣指

參。將教官照溺職例革職。若學臣瞻徇情面不行糾參者。將學臣照徇庇例降調。永著為例。○又議准。教官之職。專司訓迪士子。除錢糧折封。比較生員。拖欠錢糧。並州縣會審案件有關戒飭生員之處。仍令赴州縣衙門公同辦理外。其一切地方事務。均不得干預。儻州縣不遵定例。仍傳教官同辦地方事務。教官違例前往干預者。州縣官照將事務交與不應交之人例議處。教官照不應得為之例分別議處。○又定。各學教官所屬文武生員貢監。有窩匪抗糧。捏詞生事。唆訟陷

人滅倫悖理者。該教官即行通詳。免其議處。若被府州縣訪出及他人首告。審實不准補揭。正副教官並革職。如府州縣於劣生事發之後。令教官補開詳揭者。降三級調用。若教官有受賄徇隱及藉端勒索諸弊。仍革職究擬。府州縣不行申報者。亦照徇庇例議處。○十三年議定。京府教授。四氏學教授。各府衛儒學教授。為正七品官。各州學正。各縣教諭。為正八品官。各府州縣衛訓導。為從八品官。○乾隆元年

諭。教職乃師儒之官。有督課士子之責。素蒙

皇考世宗憲皇帝加恩優待。屢次訓勉。且與有司一體賞給封典。朕即位以來。念其官職卑微。恐以冗散自居。不思殫心盡職。特加品級以鼓勵之。按舊例。教職兩官同食一俸。未免不敷養廉。著從乾隆元年春季為始。各照品級給予全俸。永著為例。○三年覆准。教官為多士之楷模。宜潔清自愛。不得因循舊習。令吏胥門斗索取生員贄見節儀。至舉報優劣。乃甄別大典。如有冤濫。於士習關係匪輕。嗣後各省教官。有仍前勒索贄見規禮。以致舉報優劣不公者。令督撫學政覈實嚴參。照藉師生名

色私相餽送例革職。僕別經發覺。將督撫學政照例議處。書役鬥家人有索詐等事。究明本官是否知情。分別照例議處。書役鬥家人按律以枉法論。計贓分別治罪。○六年

諭古者黨有庠。術有序。民生八歲入小學。十五入大學。不獨秀而為士者。羣生樂業。天下實無不教之民。是以教化興而風俗厚。後世設立教官。專以課士。已非先王有教無類之意。而近來教職。多係衰老庸劣之輩。不但不能以道德禮義化導齊民。並其課士之職。亦不克舉。則安用此官為也。朕御極之初。念其薄俸

不足自贍。特命增給。乃望其修舉職業。助興教化。非以廩餼為養老之具。各教職亦不當以司鐸為養老之官也。著該督撫會同學政。嚴飭所屬教官。務以實心實力。勸學興文。恪盡課士之責。其有年力衰頹及庸劣不稱師儒之席者。秉公甄別。咨部罷斥。庶訓迪得人。而於造士育才之道。實有裨益。各督撫學政。仍當時刻留心。永久奉行。不可苟且塞責。○又議准。嗣後凡各學正副教官離任時。俱照州縣官例。將曾奉頒發存儲書籍器物一切。經手學田租穀之項。造冊出結。交與接任之員。查明接受。造冊

出結。由該府縣數明加結詳司。轉送督撫學臣存案。仍將文明緣由報部。僕離任之員。有心隱匿者。查明題參。缺失者。責令賠補。若接任之員不行查明。混出冊結接受。即由接受之員暨加結之府州縣賠還。逾限交代不清。亦照州縣官例咨參議處。○又覆准。報官交代之例。原指新舊接卸而言。至本學正副署攝者。該員原係經管之人。毋庸造冊交代。○七年議准。各省學臣考試教官時。與尋常考試一體封門。不許攜卷歸寓。以杜代倩。並分別等次。移明督撫。以為大計考覈之實據。○十年

諭教職為司鐸之官。訓課士子。長養人才。是其專責。乃向來循例銓授。未加別擇。以致衰老龍鍾庸劣荒疏之人。濫居師儒之席者。不可勝數。此中外所共知共見。是以去年朕命廷議。古人原有七十致仕之義。現任教職。年至七十以上者。令其休致之處。曾經通行。上年湖北巡撫晏斯盛。以歲貢年已七十。應否扣選一事。摺奏請旨時。朕復思古來申公伏生。老而傳經。人之可用與否。未可專以年齒論。譬如年逾七十而強健者。亦不可銓選乎。未至七十而病憊龍鍾者。亦

可姑容乎。惟當看其人之可用與否。以為去取。不當以七十為限。總在該督撫學政秉公實心辦理。庶有裨益。已將此意明白批諭。今伊又復具奏。內稱每科鄉試後既行淘汰。至奉文截取之時。是否再加考驗。又稱拔貢副榜似應一體考驗等語。是晏斯盛尚未領會朕務在得人之旨。但於細微之處沾沾奏請。且此旨未曾頒布各省。恐不知者尚多。今應通行宣諭一體遵奉。查上年有每次鄉試後令督撫學政驗看大加淘汰一條。昨甲子鄉試後已舉行一次。其實在老邁龍鍾者業已去其大半。嗣後此例不必每科舉行。

候朕因時制宜酌量降旨。其恩拔歲副及挨貢應用教職者。驗看之處仍照舊例行。至該員臨選時給發文憑到日。仍加考驗。必精力文藝足勝司教之職。方准領憑到任。○十四年議准。嗣後教職六年俸滿。該督撫學政嚴加甄別。如果才具出眾。應行舉薦者。即行具題。其尋常供職之員。分別去留。俱出具切實考語具題請

旨。如有不應保留之員。濫行保留者。該督撫學政嚴加議處。○十五年議准。教職交代。不過書籍祭器學田等項。原非州縣可比。嗣後限一月完結。

○十六年議准。嗣後各學訓導新舊接卸。尚有專管之正教官在任。毋庸造冊交代。若止有訓導而無正教官之處。仍造冊交代。○又議准。嗣後教職一官。除俸滿保題仍照六年舊例外。其題留供職之員。定為三年澄汰。將實在年力就衰者即行汰退。咨部彙題。如遇計典之年。仍照例嚴加甄別。不得止將一二昏耄者附疏塞責。再各省學政與教職最為親切。務於歲試後留心甄別。有年耄學荒不職者。即會同督撫勒令休致。○十八年

諭。向例各省教職六年俸滿。該督撫學政公同甄別。堪膺薦舉者。保題送部引見。年力衰邁者。咨部休致。但督撫陋習。既不肯輕薦舉。亦不肯多咨退。是以保題者固屬寥寥。而休致者亦不多見。蓋視教職為無足重輕。初不計其為造士之根本也。前以選拔貢生為教職之階。曾諭督撫學政令其加意慎重。嗣後教職除有劣蹟者。隨時參劾外。至六年俸滿。堪膺民社者。保題。其年力未衰。可以留任者。出具考語送部引見。如准留任。俟後六年再滿。仍如是甄別。年老之員。即咨部休致。有願來京引見者。照大計之例。該督撫聲

明給咨引見。至訓導例止得升縣佐。該上司尤多忽略。嗣後甄別之例。與各教職同。著為令。○十九年議准。凡在百里以外之府學生員。令州縣學嚴加約束。其有不法重情。勢難緩待者。訪查的實。即行牒明州縣。仍移知府學辦理。不得謂非本學專責。因循推諉。儻有前項情弊。察出照例題參議處。○二十年題准。嗣後教官交代清楚。改為按季造報。其中或有交代遲延。以及缺少樂器等項。仍令單咨報部辦理。○二十二年定。雲貴川廣福建湖南甘肅等省教職。改為八年一次甄別保題。至來京亦不必專檄獨行。聽其從便。結侶請咨送部引見。餘近省分照舊例行。○二十三年議准。嗣後各省學臣考試教職時。兼用律詩一首。總權其學行事蹟文章。以定黜陟。○二十六年議准。教官所轄。止係文武生員。如生員遇有事犯。未經查出詳報者。照例參處。至教官無約束貢監之責。嗣後捐納貢監。有窩竊唆訟貪玩不法等情。將不查出申報之州縣議處。毋庸將教官查參。○二十八年議准。直省府學生員在百里以外者。照

諭。吏部甄別教職佐雜。兵部之千總。定以六年俸滿分別保薦留任勒休。並令各督撫於年終彙奏。原恐督撫等或曲意姑容。致有衰庸戀棧。是以批令該部知道。以便比較查覈。若一概存而不論。則亦毋庸批交該部矣。蓋此等甄別年滿員升。其列入保薦者。合例與否。俱由部覈議請旨。惟例應留任之員。該部止照督撫等所議存案。向未復加察覈。但各員升分別留任。初次定以六年。迨下次再行甄別。前後已逾十餘年之久。其中豈無衰庸龍鍾年歲已逾定例之人。若該督撫等或因循姑息。不行裁汰。該部又以向無查覈之責。聽其蒙混濫竽。殊非覈實官方之道。嗣後著各該部遇有此等照例彙奏事件。及一切督撫等題奏。經朕批交該部知道者。將應否駁准之處。俱於年終詳查覈議具奏。○三十三年

諭前據布政司張逢堯條奏請將各省歲貢生應用教

職人員無論已未截取每逢鄉試之後即行驗看淘

汰經該部議駁以貢生選授發憑自有考驗之例毋

庸每科豫為甄別降旨允行第念督撫等臨期考驗

積習因循既不免徒成具文而該員等年齒就衰憚

於赴驗或部選已久尚未蒞任致諸生督課廢弛於

學校殊有關係嗣後督撫考驗務須詳慎甄別不得

稍事姑容其新選之員有遲逾定限久不到任者即

照例嚴參開缺另選至教職遇有懸缺向來率委別

學教官代理此等司鐸微員兩任豈能兼顧現在各

省有挑選二等舉人在籍候選教職之員伊等得缺

尚遲如有情願及時自效者即赴本省督撫處報明

遇有缺出需人聽候該督撫會同學政挨次派委暫

署則員缺既不至久懸而需次者亦不令閒曠自為

一舉兩得該部即遵諭行○又

諭各省甄別教職佐雜及千總等員六年俸滿各摺前

經諭令吏兵二部於年終覈較彙奏一次但各省地

方大小不等額設員弁多寡不同其在地狹員少之

省每年酌量甄別一二員即不得謂之姑息若大省

員數衆多而其甄別褫退者不過略舉數人塞責即

較之小省為數稍多而統計該省員額所去尚不及

百之二三且並有全行留任者勢必致衰頹庸劣之

員姑容戀棧而年壯應用者反阻升進之路豈覈實

澄敘之道嗣後吏兵二部於彙奏時各按省分大小

屬員多少覈其去留之數列單呈覽並統覈三年內

該督撫有無全未甄別及甄別過少之處一併奏聞

則各督撫之是否實力察覈抑或寬徇沽名底裏皆

可立見著為令○三十八年議准嗣後各省教職凡

病痊終養以及丁憂起服人員有情願自效者

皆可赴省呈明聽候該督撫委用遇有缺出先

委二等舉人再委候補教職○五十二年奉

旨吏部奏上年福建省甄別教職覈之額缺數目不及

百之二三請將該督撫學政照例議處但念該督撫

均有承辦兵差及料理軍餉等事此次無暇甄別教

職未能照例覈辦尚屬有因李侍堯徐嗣曾著從寬

免其交部至該學政陸錫熊考覈教職是其專責軍

務又非其承辦乃甄別不及百之二三咎實難辭陸

錫熊著交部議處○五十七年

諭據吳省蘭奏准督臣梁肯堂咨送年滿保薦甄別鈔

疏令學政衙門備案內有保薦教職二員李德輿止



見過一次。吳士升並未見過。因業經具題。咨商無及。已咨會梁肯堂行司調送補驗等語。各省教職。係學政專管。其保薦堪膺民社之員。升任知縣後。如才具平常不能勝任。原保之學政。定例處分。暴嚴。各省保薦教職時。自應與學臣會商。擇其才具優長者會銜保題。今梁肯堂所保教職二員。並未先與學政酌商。於會銜具題後。始行鈔疏知照備案。殊非慎重保薦之道。竟係梁肯堂不以學政為事。率臆徑行。國家簡任學政。豈不竟同虛設乎。梁肯堂著嚴飭行。此後遇有甄別保薦教職等事。均應照例會同學政先行酌商。秉公辦理。聯銜具題。毋庸仍前徑行專辦。以符體制。至各省督撫。若於保薦甄別地方官員。亦有似此並不彼此會商。輒以一人專主。即會銜具題者。一經發覺。朕必重治其罪。○嘉慶十九年議准。學政考覈教職。原有專條。嗣後各省學政。務須隨時察勘。鑒別賢否。嚴行稽覈。不得視為具文。至應去應留人員。咨明督撫隨時察劾。其三年舉劾。照例彙題。○二十二年

諭 御史周鳴鑾奏請整飭學校一摺。直省各府州縣。建置學校。官以教諭訓導為名。原令其訓誨士子。宣揚

教化。如該御史所奏。各省教官。廢棄職業。懶於月課。殊失慎選師資之義。著該督撫學政等。於所屬教官。時加考覈。令各勤修職事。以明倫講學為士子倡率。如有學品庸陋之人。濫竽充數者。立即斥退。以勵師儒而端教術。○道光二年

諭 御史趙柄奏請慎覈改教以重學校一摺。所奏是國家教化之興。由於勸學。各省教職。得品端學裕之員。盡心化導。於士習民風均有裨益。近日各省甄別州縣。凡才具平庸不諳吏治。年力就衰各員。率請改教。此等衰庸之員。即令其司鐸。安望實心化導。克稱厥職乎。嗣後各直省督撫。如才不勝任之知縣。如未經得缺。將該員品學尚堪秉鐸之處。切實聲明。仍酌量奏請改教。其實缺人員。如履任在半年外者。才不勝任。即概予休致。不得因其正途出身。率請改教。該督撫務各秉公甄別。尤不得因有此旨。將闕冗各員。一味姑容。轉致貽誤地方也。○三年

諭 禮部議覆河南學政吳慈鶴奏酌改管束撥府生員章程。著照所議。嗣後各直省撥入府學生員。除由附郭州縣撥入者。仍歸府學管束外。其餘無論里數遠近。即令本州縣學嚴加管束。該府學教官。仍一體查

察。不得藉詞推諉。儻有徇縱情弊。將該教官等一體查叅。其歲科考試幫補出貢等項。仍歸府學辦理。

六年

諭御史何輝綬奏教官不准干預地方公事一摺。據稱上年安徽巡撫張師誠奏代理巢縣知縣萬年瀆一案。稱係密札教官查稟。與體制未協。各省州縣。責成督撫兩司道府。層層稽察。若待教職等官查稟。始行覈辦。該管上司。所司何事。且恐不肖屬員。藉端扶制。尤非政體。著通諭各督撫。一秉大公。隨時自行查訪。毋使教職干預公事。固不可意存姑息。博寬大之

虛名。尤不得假手末僚。啟傾陷之流弊也。十七年

諭御史巫宜禊奏振興學校一摺。直省儒學之設。所以教學造士。培植人材。立法極為周備。若如該御史所奏。近來教官。大率不能振作。竟干預地方公事。劣生莠士。因之效尤。以致包抗錢糧。起滅詞訟。士風人才。日益汙下。尚復成何政體。著直省督撫學政。嚴加整頓。通飭教官。務當敬教勸學。毋負乃職。其不能砥礪士節。扶持名教者。即行嚴叅懲辦。十九年

諭鄧廷楨等奏議覆御史焦友麟廣敷文教一摺。著仍循照舊章。實力奉行。至該督等奏請查禁生員教官

吸食鴉片等語。現當查辦鴉片喫緊之時。若教官身自吸食。何以模範諸生。士子未盡肅清。編氓何由觀感。著該督等嚴飭所屬認真查禁。遇有教官生員吸食之案。按照現行新例。嚴行懲辦。通飭各省督撫。一體遵行。三十年

諭學校為教化之原。士子訓課。責在教官。教官賢否。責在學政。近日教官一途。半皆年老衰庸。及末學淺見之士。著各省學政。嚴行考校。文行兼優者。方准列薦。庸劣不職者。即行甄別。至於月課歲考。尤須認真舉行。所課試卷。按季申送學政。諸生優劣學冊。三歲咨部備查。總期實力奉行。毋得日久生懈。咸豐十年

諭江蘇學政孫葆元奏請責成教官提調襄理考試一摺。各省設立教官。原以整飭學規。訓迪諸生。俾安分敦品。以圖上進。若如該學政所奏。江蘇生監。多有不安本分。包漕抗糧。種種惡習。教官並不能稽查約束。此等庸懦之員。何以整頓學校。嗣後各屬生監滋事。教官不能認真約束。即著該學政指名嚴叅懲辦。

同治元年

諭自來儲才養士。必視學校為盛衰。我朝列聖相承。庠序修明。敦崇實學。

皇考文宗顯皇帝御極之初。即命生童就試者。兼習性理等書。原冀其趨嚮一端。則學術自正。乃近來各省教職等官。並不實力奉行。認真訓課。惟知索取贄禮。脩儀。貪得無厭。又其甚者。往往干預地方公事。並或遇事魚肉士子。諂諛紳富。又安望其經明行修。足為士林表率耶。嗣後各省學政。務當整躬率屬。督飭各教官。讀書立品。毋為士子所輕。平時訓導諸生。總以躬行實踐為歸。毋崇尚浮華。毋虛應故事。其稱職者。准各學政會同督撫保奏。給予獎勵。如聞冗充數。及少年浮動不克舉職者。並著隨時甄劾。不必待至大計年分。庶人知自愛。爭自濯磨。正學昌明。人才蔚起。實有厚望焉。○七年奏准。嗣後增生附生。無論著有何項勞績。止准保佐雜。概不准保舉教職。各省學政。於案臨考試時。將各學現任教官。留心察看。認真考試。並諄諭勤加訓課。常與士子講求義理。其學業淺薄衰老戀棧者。會同督撫隨時嚴加甄別。不許姑容。仍於任滿時。將合省教官。是否均堪司鐸之處。專摺奏明。並咨部存記。以憑查覈。○光緒三年

諭廣東學政吳寶恕奏廣東考試槍冒甚多。各屬廩

保。並不遵例挨派。不肖廩保。朋比為姦。槍手遂肆行無忌。請嚴定教官處分等語。所陳考試情弊。恐不獨廣東為然。著各省學政嚴密稽察。認真整飭。至該教官。或不能約束。或甘受欺蒙。甚至有扶同作弊情事。著該部嚴定處分。欽此。遵

旨議准。嗣後各處童生考試。廩保不遵定例挨派。該教官不能約束者。照科場諸生不遵約束紊亂場規。該教官降一級調用。公罪例降一級調用。如因廩保不遵例挨派。以致槍冒肆行。該教官甘受欺蒙者。降二級調用。扶同作弊者。革職。俱私罪。該學政不行揭參。係失察者。罰俸一年。公罪。知情故縱者。照徇庇例降三級調用。○六年議定。嗣後生員報捐選缺。學冊中即以捐納開除。不得將該生斥革。○八年

諭御史謝謙亨奏閩省教官。於歲科兩試新進童生。勒索威嚇陵辱。各生補廩充貢。選拔舉優。均須議明規費。並於諸生戶婚詞訟。執行羈押需索。請飭查禁等語。教官勒索規禮。干預詞訟。例禁甚嚴。若如所奏。殊屬不成事體。著該督撫會同學政嚴行禁止。此等積弊。他省恐亦不免。並著各直省督撫

學政申明例禁。加意訪查。如有前項弊端。即將該  
教官嚴行叅辦。以肅功令。

欽定大清會典事例卷三百七十

禮部

學校學額通例  
額八旗水廣學額 奉天學額 八旗學額 奉天學額  
天永廣學額

學額通例。○順治四年定。各省儒學。視人文多寡。分大中小學。取進童生。大學四十名。中學三十名。小學二十名。○又定。直省各學廩膳生員。府學四十名。州學三十名。縣學三十名。衛學十名。增廣生員名數同。○十五年題准。直省取進童生。大府二十名。大州縣十五名。小學或四名。或五名。○康熙九年題准。各直省取進童生。大府州縣仍舊。中學十二名。小學或八名。或七名。○雍正二年

諭我

聖祖仁皇帝壽考作人六十年來。山陬海澨。莫不家絃戶誦。直省應試童子人多額少。有垂老不獲一衿者。其令督撫學政。會覈人文最盛之州縣。題請小學改為中學。中學改為大學。大學照府學額取錄。督撫務宜秉公詳查。不得徇私冒濫。○三年議准。各省新設直隸州及該州所轄之縣。取進童生。毋庸撥入

府學其從前撥入者不必令其改歸。

永廣學額通例。咸豐三年

諭現在大江南北軍營。援勦之兵不下二十餘萬。朕不惜帑金。為民除害。統計所撥已及二千七百餘萬兩。際茲大兵雲集。需餉尤殷。仍不能不借資民力。以濟軍儲。著照大學士等所請。由各省督撫妥為勸導。無論已捐未捐省分。凡紳士商民捐資備餉。一省至十萬兩者。准廣該省文武鄉試中額各一名。一廳州縣捐至二千兩者。准廣該處文武試學額各一名。如應廣之額。浮於原額。即遞行推展。僅捐數較多。展至數

次猶有贏餘者。准其於奏請時聲明。分別酌加。永遠定額。八年奏准各省捐輸軍餉。前經議准。一廳州縣捐銀一萬兩者。加永遠文武學額各一名。均以十名為限。惟原額不及十名者。各學所加永遠定額。概不得浮於原額之數。其原額僅止十名。並原額不止十名。各學所加定額。已至十名者。續有捐輸。不准再加定額。同治七年議准。嗣後各省。如有地方紳富捐輸鉅款。暨官弁兵勇報效欠餉。不請獎敘。專請加學額者。其銀數照舊章酌加一倍。其一廳一州一縣。捐銀至二

萬兩者。酌加文武學定額各一名。凡未經報部者。概不計算。令各該督撫查明實用實銷之款。切實覈減。方准奏請加額。不得任聽籠統開報。致滋流弊。十年議准。嗣後外省捐輸。止准請加一次文武學額。概不准請加永遠學額。至從前已加定額者。由各學政於歲科兩試。嚴加考察。如有文理荒謬。及素行不端各生。仍查照定例辦理。

八旗學額。八旗滿洲蒙古額進六十名。廩生六十名。增生六十名。一年二貢。漢軍額進三十名。廩生三十名。增生三十名。一年一貢。

盛京滿洲蒙古額進十一名。廩生六名。增生六名。三年一貢。漢軍額進八名。廩生三名。增生三名。五年一貢。順治八年題准。滿洲蒙古漢軍子弟。歸順天府考試。取進童生。滿洲一百二十名。蒙古六十名。漢軍一百二十名。九年題准。漢軍廩增各設二十名。不拘旗分。聽學院考取。歸併順天府學。每歲出貢二名。其廩生均有圈撥地畝。不給廩餼。十三年題准。減定童生入學名數。滿洲八十名。蒙古四十名。漢軍一百名。

康熙九年題准八旗滿洲蒙古取進童生四十名。漢軍四十名。十年議准滿洲蒙古作漢文一體考試。照漢軍例設廩增各二十名。每年出貢二名。又議准八旗新舊生員。通行選拔。滿洲蒙古二名。漢軍二名。入監肄業。十二年題准。

盛京八旗子弟通習漢文者。與民童同試漢文。滿洲蒙古編滿字號。取進三名。漢軍編合字號。取進二名。二十六年議准滿洲蒙古照舊例。取進童生四十名。漢軍減二十名。

盛京八旗滿洲蒙古照舊例。取進三名。漢軍減去一名。取進一名。二十八年議准滿洲蒙古設廩生增生各二十名。每年出貢二名。漢軍設廩增各十名。每年出貢一名。三十年議准奉天滿洲蒙古考取童生增三名。共六名。漢軍增二名。共三名。三十三年題准八旗滿洲蒙古原取進童生四十名。今將上三旗內務府滿洲佐領內管領及五旗王公府屬滿洲佐領子弟歸併八旗滿洲蒙古考試。量增二十名。共取進六十名。漢軍原取二十名。今將上三旗內務府旗

鼓佐領及五旗王公府屬旗鼓佐領子弟歸併八旗漢軍考試。量增十名。共取進三十名。三十三年題准。

盛京考試人數。今增八旗內務府佐領子弟。所有滿洲蒙古原取童生六名。再增四名。共十名。漢軍原取三名。再增二名。共五名。三十六年題准。

盛京內務府佐領子弟。嗣後停其考取生員。其三十四年所增滿洲蒙古生員四名。漢軍生員二名。額數悉行裁去。四十九年議准奉天文風

日盛。各學廩增俱著加廣。除府學廩增十名。不必加外。滿洲原設廩增一名。各加三名。漢軍原設廩增一名。各加一名。五十五年議准奉天合字號童生。額進三名。今漢軍人數漸多。又

福陵

昭陵千丁子弟。與漢軍一體考試。嗣後漢軍取進之額。量增一名。雍正元年題准。

盛京內務府佐領下子弟。仍准同滿洲蒙古漢軍考試。照康熙三十四年加額例。滿洲蒙古共取十名。漢軍共取五名。合康熙五十五年所增千

丁子第一名。共取六名。二年議准。

盛京八旗考試舊例。滿字號入學六名。其廩增額

各四名。合字號入學四名。其廩增額各二名。今

添入內務府佐領下子弟考試。滿合二號童生

既經加額取進。其廩增額亦照二名取一之例。

將滿字號各加二名。共六名。合字號各加一名。

共三名。又議准奉天府學滿字號額設廩生

六名。五年一貢。嗣後改令三年一貢。又議准

八旗童生入學額數。倍於外府州縣。而廩增額

數獨少。嗣後滿洲蒙古廩增於原額各二十名

外。加四十名。定為六十名。漢軍廩增於原額各

十名外。加二十名。定為三十名。又議准奉天

人文日盛。滿字號於額取十名外。再加一名。共

取十一名。合字號於額取六名外。再加二名。共

取八名。

八旗水廣學額。京旗滿洲蒙古學水廣十名。

奉天滿洲蒙古學水廣十名。奉天漢軍學水廣

八名。吉林滿洲蒙古學水廣三名。黑龍江滿洲

蒙古學水廣二名。咸豐五年。以奉天八旗捐

輸。加奉天府所屬滿洲蒙古永遠學額二名。漢

軍永遠學額四名。九年。以續行捐輸。加奉天

滿洲蒙古永遠學額三名。奉天漢軍永遠學額

四名。同治六年。以西安將軍多隆阿攻克回

巢得銀充餉。加京旗滿洲蒙古永遠學額十名。

又加東三省滿洲蒙古永遠學額十名。即按奉

天吉林黑龍江三處劃分。以昭平允。除分撥吉

林三名。黑龍江二名外。所有此次加額。撥給奉

天滿洲蒙古五名。自戊辰歲試為始。分別取進。

連前所加五名。適符大學十名之限。嗣後東三

省再有捐輸。均不准再加滿洲蒙古永遠學額。

以示限制。

奉天學額。奉天府學。承德縣學。共額進十二

名。內承德縣額進六名。其餘六名。統於府屬各州縣從公取撥。廩生十名。增生

十名。二年一貢。遼陽州學。海城縣學。各額進五

名。廩生七名。增生七名。二年一貢。蓋平縣學額

進三名。廩生二名。增生二名。五年一貢。鐵嶺縣

學。開原縣學。各額進二名。廩生二名。增生二名。

五年一貢。復州學額進五名。廩生五名。增生五

名。三年一貢。金州廳學額進四名。廩生二名。增

生二名。五年一貢。新民廳學額進五名。廩生五

名。增生五名。三年一貢。海龍廳學額進二名。昌圖府學額進四名。公額二名。廩生二名。增生二名。五年一貢。懷德奉化。二縣學各額進二名。廩生二名。增生二名。五年一貢。康平縣學額進二名。興京廳學額進三名。廩生三名。增生三名。五年一貢。通化懷仁。二縣學各額進二名。廩生二名。增生二名。五年一貢。鳳凰廳學額進三名。廩生三名。增生三名。五年一貢。岫巖州學額進六名。廩生四名。增生四名。五年一貢。寬甸安東。二縣學各額進二名。廩生二名。增生二名。五年一貢。錦州府學額進九名。廩生七名。增生七名。二年一貢。錦縣學額進七名。廩生十名。增生十名。二年一貢。甯遠州學額進五名。廩生七名。增生七名。二年一貢。廣甯縣學額進三名。廩生三名。增生三名。五年一貢。義州學額進四名。廩生二名。增生二名。五年一貢。吉林府學額進四名。廩生四名。增生四名。五年一貢。伊通州學敦化縣學各額進二名。伯都訥廳學額進四名。廩生三名。增生三名。五年一貢。長春府學額進三名。廩生四

名。增生四名。五年一貢。農安縣學額進二名。賓州。五常雙城。三廳學各額進二名。呼蘭綏化。二廳學各額進三名。○順治初。遼東十五學。寄設永平府。置三教官統之。於都司學設教官一員。兼管自在。瀋陽缺嶺。開原。四學。於甯遠學設教官一員。兼管前屯。錦州。義州。右屯。四學。於廣甯學設教官一員。兼管永甯。蓋州。海城。定遠。右衛。四學。其都司。廣甯。照府學例。設廩生各四十名。自在州。照州學例。設廩生三十名。其餘十二學。照縣學例。設廩生二十名。諸生俱就順天府考試。○五年改設遼學。置教官一員。設廩額八十八名。每年出貢三名。其十五學名色俱裁。諸生均就順天府考試。○十年題准。各處生童願赴遼東入籍應試者。由本地方官起文赴部。送至遼東。墾田附籍。○十一年題准。遼陽設立儒學。其永平府遼生。俱歸遼學肄學。○十三年題准。遼陽府照外府大學例。取進童生四十名。遼海二縣。各取十二名。○又題准。諸生現在遼陽者。在遼陽府學肄業。其願寄直隸永平府學者。仍留永學。願還遼地者聽。令學臣查取諸生互結。係



真遼籍。方准寄永學。其永平寄學廩額八十名內。分四十名。歸遼陽府學。至永平寄學。每案仍許進四十名。亦取遼生保結。真遼籍者方許與考。遼海二縣。每學先設廩生五名。俟人才漸充。仍照縣學例。每縣設廩額二十名。永平寄學。遼陽府學。每年各貢一名。遼海二縣學。二年各貢一名。○十四年題准。直省俊秀願充遼生者。許全家移住。令遼陽府知府收入版籍。一體考試。○康熙四年題准。奉天府取進童生。承德。錦縣。各七名。遼陽。甯遠。海城。各五名。蓋平。錢嶺。廣甯。各二名。錦州府學四名。俟人文漸充。照直省大中小學定數再議。○五年題准。遼生寄籍山東者。歸併山東各學考試。寄籍永平者。歸併永平府學考試。其山東永平寄籍遼生。並夾字號名色。俱行除去。○九年題准。奉天府府州縣學。各設廩生一名。五年一貢。○二十四年議准。錦州府。錦縣。甯遠州。三學。每學增設廩生五名。二年一貢。廣甯縣增設廩生二名。五年一貢。增生各照廩生名數。○四十年議准。錦縣學。向設廩增各五名。照承德縣例。各加五名。廣甯縣學。向設

二名。加一名。錦州府甯遠州。遼陽海城。二縣各學。向各設五名。均加二名。蓋平。鐵嶺。開陽。三縣學。向設一名。各加一名。○雍正二年議准。錦州府學。原額四名。除照大學額取七名。應加三名外。再加二名。共額取九名。奉天府學。除將承德縣額取七名。照例撥入外。再加五名。共額取十二名。均於府屬縣內。從公取撥。○三年議准。奉天府學。民籍生員。額設廩生十名。嗣後照錦州府。錦縣。甯遠。遼陽等縣之例。二年一貢。○十二年議准。復州設立學正一員。其從前取入蓋平縣生員。俱改歸本州。以便該學正就近訓迪。進學額數。照小學例。取進童生八名。額設廩增各五名。三年一貢。錦州新設縣治。添設教諭一員。取進童生四名。額設廩增各二名。五年一貢。又永吉州添設學正一員。將永吉州從前撥入府學生員。撥回州學。就近考課。長甯縣生員。不過數名。毋庸另設教職。即歸永吉州學正帶管。廩增額數。俟人文漸盛之日再議。其永吉。長甯。兩學童生。仍照原撥入府學之額數取進。又新設四州縣學。從前撥入奉天府學。及蓋平。錦縣。廣

甯各縣學之生員。俱令改歸本州縣學。其已補之廩增。亦令一併改歸。○十三年議准。永吉州學額設廩增各一名。五年一貢。於設學之年起算。○乾隆二年議准。長甯縣裁歸永吉州。將長甯縣原取進童生二名。入於永吉州額內。共取進四名。○十二年。裁永吉州。改為吉林理事同知。其童生歸理事同知管轄。入學及廩增額數。並出貢年分。均照舊例。○三十六年議准。復州原額八名。照遼陽甯遠二州之例。改為五名。即以復州所減三名。撥增蓋平廣甯各一名。仍餘一名。歸入奉天府學。令該府丞於府屬州縣內。秉公撥取。再復州原設額廩增各五名。較之遼陽甯遠二州。尚少二名。應仍其舊。○道光六年。奏准。吉林伯都訥。長春二廳。分額取進。定為長春廳取進三名。伯都訥取進一名。合之吉林舊額四名。共八名。○二十一年議准。吉林伯都訥廳。人文日盛。於向設學額一名之外。再加三名。作為四名定額。至廩增一項。吉林三廳。向惟廩增各二缺。亦於廩增原額外。各加二名。作為三廳廩增定額。統歸吉林廳學管理。其考試及幫

補各事宜。悉照向例辦理。廩糧等項。令該紳耆等自行捐辦。○二十四年

論李純奏請酌增奉天學額一摺。各省例定學額。為士子登進之階。奉天設學二百年來。應考士子。自必較前日衆。然歷任府丞回京後。朕屢加詢問。均稱僅敷進額。且近科會試覆試及殿試朝考。該省士子。並無考取前列者。今李純獨稱其文風日盛。足與別省相抗。請增學額。竟至過半。顯係市譽。於目前。留名於日後。所奏著不推行。李純著交部議處。○同治六年議准。昌圖廳文風漸盛。比照鏡嶺開原兩縣學額

之數。額進二名。該廳初次考試。並無廩保認識。令該童生等。取具族鄰甘結。同考互結。赴廳投考。院試令該地方官造冊。加具印結。保送入場。其餘一切考試事宜。均照定例辦理。○七年議准。昌圖廳於前議額進二名外。再增二名。定為每次取進學額四名。並添設該廳廩增額各二名。五年一貢。○九年議准。岫巖鳳凰城文風日盛。設立學額四名。廩增額各二名。五年一貢。○十一年議准。吉林伯都訥。長春兩廳。文章向附。吉林廳學考試。今各設專學。將該兩廳原定學

額撥歸該學取進均另設廩增各二名五年一貢歲科童試亦照吉林同知錄送之例由各該廳徑行錄送○十三年議准岫巖廳人文日盛於該廳原設學額四名外再加三名定為學額七名廩增生額再添設二名共定為廩增額各四名五年一貢○光緒三年升昌圖廳為府添設府縣於原額四名外再加二名定為昌圖府學額六名其新設之懷德縣學額額進二名原撥奉天府學額一名嗣後專歸奉天所屬取進○又議准改設之奉化縣學額照懷德縣學額之數定為額進二名○四年議准興京廳學設立學額三名所轄之懷仁通化二縣暨鳳凰廳所轄之安東寬甸二縣均各設立學額二名其四縣取進生員即分隸興京鳳凰兩廳學管束院試由該管同知考試後送學政錄取○又改岫巖廳為州於原定學額七名內劃撥一名歸入鳳凰廳並添設學額二名定為鳳凰廳進額三名其岫巖州學嗣後定為進額六名所有由岫巖撥歸鳳凰管轄地段內居住生童此後不准跨考岫巖以杜混冒○

又奏准昌圖府新設懷德奉化二縣定為學額各二名昌圖學添設府學定額二名即作為昌圖奉化懷德三學公額嗣後無論何學佳卷多者酌撥府學不為何學專額此三學亦同月考試以杜重名跨考之弊○又議准黑龍江呼蘭廳屬人文漸盛定為學額四名歸黑龍江所屬民籍統同取進初設學校尚無廩生飭取地鄰保結令該廳查明送考其寄居江省年例未詳之童不得濫行冊送仍令五童互結俟取進有人再由取進之附生認保以昭慎重○七年議准吉林新設賓州五常二廳敦化一縣各額進文童二名由奉天府丞考試文藝酌量取進如文理並無可觀任缺毋濫○八年議准吉林雙城廳設立學額二名伊通州設立學額二名○又議准圍場人文漸盛設立學額二名由撫民通判考試後送至省垣歸軍糧同知府試就近送府丞錄取○九年議准新民廳文風漸盛添設學額四名再於承德廣甯兩學內酌撥一名共定為新民廳學額五名並添設廩增額各五名三年一貢新設廩增即以改歸本籍之廩增

生。先行挨次充補。俟充補完竣。所出廩增額缺。再以改歸附生。及該廳新進各生。照考案先後幫補。十年奏准。嗣後新民廳學額。於承德縣學額內。撥出一名。歸入新民廳學額。五名內取進。以昭平允。又議准。昌圖府屬新設康平縣。設立學額二名。其籍隸康平之童生。概歸康平縣考試。不准再附府學考試。廩增額數。出貢年分。俟考試五屆後。再行奏請。其府學公額。即將康平學。併入各學。一律較量。東公酌撥。十二年議准。黑龍江新設綏化廳。前定為額進四名。歸黑龍江所屬統同取進。惟該廳屬下居民。係由呼蘭廳劃撥。所有學額。分屬考取。毋庸再加學額。又議准。吉林長春廳。添設廩增額各二名。連前共設廩增額各四名。仍五年一貢。新補廩生。俟食餼十年出貢。十四年議准。吉林伯都訥廳。添設廩增額各一名。連前共設廩增額各三名。仍五年一貢。又議准。黑龍江綏化廳。應試人多。將呼蘭廳學額四名內。劃出一名。撥歸綏化。並添設二名。定為呼蘭廳學額三名。綏化廳學額三名。又議准。奉天鳳凰。

興京兩廳。添設廩增額各三名。奉化。懷德。通化。懷仁。寬甸。安東。六縣。添設廩增額各二名。均五年一貢。十五年議准。改長春廳為長春府。建農安縣。設該縣學額二名。其長春府學額。廩增。仍照長春廳之例取進。其籍隸農安縣。從前取進長春廳學者。改歸農安縣應試。以免混淆。奉天永廣學額。奉天府承德縣學。永廣七名。遼陽州學。永廣一名。海城縣學。永廣四名。蓋平縣學。永廣二名。錢嶺縣學。永廣一名。開原縣學。永廣二名。錦州府錦縣學。永廣二名。甯遠州學。永廣一名。廣甯縣學。永廣一名。義州學。永廣一名。吉林府學。永廣四名。長春府學。永廣三名。咸豐三年。以紳民捐輸。加承德縣永遠學額六名。海城縣永遠學額二名。蓋平縣永遠學額一名。開原縣永遠學額二名。錦縣永遠學額二名。甯遠州永遠學額一名。又以紳商捐輸。加吉林廳永遠學額一名。七年。以紳民捐輸。加吉林廳永遠學額一名。九年。以紳民捐輸。加承德縣永遠學額一名。海城縣永遠學額二名。蓋平縣永遠學額一名。遼陽州永遠學額一名。鐵。

嶺縣永遠學額一名。廣甯縣永遠學額一名。義州永遠學額一名。○同治七年。以紳商捐輸。加吉林廳永遠學額二名。長春廳永遠學額三名。該二廳加廣永遠學額。已符原額之數。嗣後捐輸不得再加定額。

欽定大清會典事例卷三百七十一

禮部

學校 直隸學額 直隸永廣學額 江蘇學額 江蘇永廣學額

直隸學額。○順天府學額進二十五名。合大興

縣額進二十五名。宛平縣額進二十五名。二縣

歸府共額進七十五名。廩生八十名。增生八十

名。一年二貢。良鄉縣學。水清縣學。東安縣學。香

河縣學。順義縣學。密雲縣學。三河縣學。各額進

十五名。廩生二十名。增生二十名。二年一貢。固

安縣學。大城縣學。武清縣學。各額進十八名。廩

生二十名。增生二十名。二年一貢。涿州學。霸州

學。薊州學。各額進十八名。廩生三十名。增生三

十名。三年兩貢。文安縣學額進二十三名。廩生

二十名。增生二十名。二年一貢。房山縣學。保定

縣學。密雲衛學。懷柔縣學。平谷縣學。各額進十

名。廩生二十名。增生二十名。二年一貢。昌平州

學額進十五名。廩生三十名。增生三十名。三年

兩貢。通州學額進二十三名。廩生四十名。內裁

縣廩生增生三十名。三年兩貢。寶坻縣學額進

十二名。廩生二十名。增生二十名。二年一貢。甯

河縣學額進十一名。廩生二十名。增生二十名。二年一貢。永平府學額進二十三名。廩生四十名。增生四十名。一年一貢。盧龍縣學遷安縣學。昌黎縣學。樂亭縣學。撫甯縣學。各額進十八名。廩生二十名。增生二十名。二年一貢。灤州學額進十八名。廩生三十名。增生三十名。三年兩貢。臨榆縣學額進十五名。廩生二十名。增生二十名。二年一貢。保定府學額進二十三名。廩生四十名。增生四十名。一年一貢。清苑縣學。高陽縣學。各額進二十三名。廩生二十名。增生二十名。二年一貢。滿城縣學。定興縣學。唐縣學。完縣學。容城縣學。各額進十五名。廩生二十名。增生二十名。二年一貢。安肅縣學額進十九名。廩生二十名。增生二十名。二年一貢。新城縣學。博野縣學。雄縣學。各額進十八名。廩生二十名。增生二十名。二年一貢。蠡縣學額進二十六名。廩生二十名。增生二十名。二年一貢。祁州學額進二十一名。廩生三十名。增生三十名。三年兩貢。東鹿縣學額進二十一名。廩生二十名。增生二十名。二年一貢。安州學額進十八名。廩生三十名。增生三十名。

生三十名。三年兩貢。安州鄉學額進十八名。廩生二十名。增生二十名。二年一貢。望都縣學額進十名。廩生二十名。增生二十名。二年一貢。河間府學額進二十名。廩生四十名。增生四十名。一年一貢。河間縣學額進二十三名。廩生二十名。增生二十名。二年一貢。獻縣學。阜城縣學。交河縣學。甯津縣學。吳橋縣學。東光縣學。故城縣學。各額進十八名。廩生二十名。增生二十名。二年一貢。任邱縣學額進二十五名。廩生二十名。增生二十名。二年一貢。肅甯縣學額進十五名。廩生二十名。增生二十名。二年一貢。景州學額進二十三名。廩生三十名。增生三十名。三年兩貢。天津府學額進二十名。廩生四十名。增生四十名。一年一貢。天津縣學。靜海縣學。鹽山縣學。各額進十八名。廩生二十名。增生二十名。二年一貢。青縣學額進十五名。廩生三十名。增生三十名。二年一貢。內載併興濟縣。廩增各十名。二年一貢。滄州學額進十八名。廩生三十名。增生三十名。三年兩貢。南皮縣學。慶雲縣學。各額進十五名。廩生二十名。增生二十名。二年一貢。正定府學額進二十一名。

廩生四十名。增生四十名。一年一貢。正定縣學。獲鹿縣學。各額進十八名。廩生二十名。增生二十名。二年一貢。井陘縣學。欒城縣學。行唐縣學。靈壽縣學。平山縣學。元氏縣學。贊皇縣學。無極縣學。藁城縣學。新樂縣學。各額進十五名。廩生二十名。增生二十名。二年一貢。晉州學。額進十八名。廩生三十名。增生三十名。三年兩貢。阜平縣學。額進十名。廩生二十名。增生二十名。二年一貢。順德府學。額進二十五名。廩生四十名。增生四十名。一年一貢。邢臺縣學。南和縣學。各額進十八名。廩生二十名。增生二十名。二年一貢。沙河縣學。平鄉縣學。鉅鹿縣學。廣宗縣學。唐山縣學。內邱縣學。任縣學。各額進十五名。廩生二十名。增生二十名。二年一貢。廣平府學。額進二十三名。廩生四十名。增生四十名。一年一貢。永年縣學。曲周縣學。肥鄉縣學。雞澤縣學。成安縣學。清河縣學。各額進十八名。廩生二十名。增生二十名。二年一貢。廣平縣學。邯鄲縣學。威縣學。各額進十五名。廩生二十名。增生二十名。二年一貢。磁州學。額進十八名。廩生三十名。增生三十名。

十名。三年兩貢。大名府學。額進二十三名。廩生四十名。增生四十名。一年一貢。大名縣學。額進十七名。廩生二十名。增生二十名。二年一貢。元城縣學。額進二十一名。廩生二十名。增生二十名。二年一貢。大名縣鄉學。額進十六名。廩生二十名。增生二十名。二年一貢。南樂縣學。額進十八名。廩生二十名。增生二十名。二年一貢。清豐縣學。東明縣學。長垣縣學。各額進二十三名。廩生二十名。增生二十名。二年一貢。開州學。額進二十三名。廩生三十名。增生三十名。三年兩貢。宣化府學。額進二十三名。廩生四十名。增生四十名。一年一貢。宣化縣學。萬全縣學。懷安縣學。各額進十八名。廩生二十名。增生二十名。二年一貢。赤城縣學。龍門縣學。各額進十名。廩生二十名。增生二十名。二年一貢。懷來縣學。西甯縣學。各額進十五名。廩生二十名。增生二十名。二年一貢。蔚州學。延慶州學。保安州學。各額進十八名。廩生三十名。增生三十名。三年兩貢。蔚州鄉學。額進十八名。廩生二十名。增生二十名。二年一貢。延慶州鄉學。額進十名。廩生二十名。增生二十名。

生二十名。二年一貢。多倫諾爾廳。獨石口廳。均附赤城縣學。張家口廳。附萬全縣學。各酌量取進。每廳不得過二名。承德府學。額進六名。公額四名。廩生四名。增生四名。平泉州。豐甯縣。各額進四名。廩生四名。增生四名。灤平縣。建昌縣。赤峯縣。朝陽縣。各額進四名。廩生三名。增生三名。熱河圍場。額進二名。廩生二名。增生二名。俱二年一貢。隸承德府教授管轄。冀州學。額進二十六名。廩生三十名。增生三十名。三年兩貢。南宮縣學。棗強縣學。各額進二十三名。廩生二十名。增生二十名。二年一貢。新河縣學。額進十五名。廩生二十名。增生二十名。二年一貢。武邑縣學。衡水縣學。各額進十八名。廩生二十名。增生二十名。二年一貢。趙州學。額進二十一名。廩生三十名。增生三十名。三年兩貢。柏鄉縣學。高邑縣學。各額進十五名。廩生二十名。增生二十名。二年一貢。隆平縣學。甯晉縣學。各額進十八名。廩生二十名。增生二十名。二年一貢。臨城縣學。額進十名。廩生二十名。增生二十名。二年一貢。深州學。額進二十名。廩生三十名。增生三十名。三

年兩貢。武強縣學。額進十五名。廩生二十名。增生二十名。二年一貢。饒陽縣學。安平縣學。各額進十八名。廩生二十名。增生二十名。二年一貢。定州學。額進二十五名。廩生三十名。增生三十名。三年兩貢。曲陽縣學。深澤縣學。各額進十五名。廩生二十名。增生二十名。二年一貢。易州學。額進十八名。廩生三十名。增生三十名。三年兩貢。涑水縣學。廣昌縣學。各額進十名。廩生二十名。增生二十名。二年一貢。遵化州學。額進十八名。廩生三十名。增生三十名。三年兩貢。玉田縣學。額進十八名。廩生二十名。增生二十名。二年一貢。豐潤縣學。額進二十三名。廩生二十名。增生二十名。二年一貢。順治十六年題准。順天府取進童生二十五名。大興。宛平。二縣各二十名。又題准。山海宣府各衛學。邊遠無可歸併。仍准照舊。其懷來。水甯。二衛學。歸延慶州。保安衛學。歸保安州。龍門所學。歸開平州。昌平衛學。歸昌平州。嗣後童生應試。取州縣官印結。廩生保結。不必另立衛冊。凡各衛學。歸併府州縣者。俱照此例。○康熙二十六年議准。懷來。水甯。保



安三衛仍各取進童生八名。其廩增及出貢亦照各縣例。至三衛學務仍令保安州學延慶州學兼攝。○三十三年議准。宣化府學取進童生酌增二名。宣化懷安二縣照大學取十五名。懷來萬全蔚三縣照中學取十二名。西甯龍門赤城三縣照小學取八名。其補廩出貢俱照例行。○五十四年議准。直隸入學額數除順天府學大興宛平縣學名數與江浙同。毋庸加增外。其餘府學原額二十名。今增三名。共二十三名。州縣衛大學原十五名。今增三名。共十八名。中學原十二名。今增三名。共十五名。小學原八名。今增二名。共十名。○雍正二年題准。順天府大興宛平二縣照三大學例。各取進二十五名。通景冀定開五州。文安寶坻豐潤蠡高陽河間任邱南宮棗強清豐滑東明長垣十三縣。向係大學。今照府學額。各取進二十三名。薊祁安三州。盧龍遼安昌黎樂亭博野新安獻阜城靜海甯津萬全蔚衡水安平雞澤成安清河魏南樂內黃二十縣。及天津衛改為大學。各取進十八名。香河順義深澤青西甯靈壽行唐贊皇新河高邑

無極新樂曲陽廣宗唐山內邱十六縣改為中學。各取進十五名。○十年議准。新升之天津府照府學例。取進童生二十名。於所屬州縣內考取撥入。設廩增各四十名。俟十二年後一年一貢。○又議准。河間府學商寬二籍改歸天津。其取進文童照各府學例。定為二十名。又寶坻縣原取進文生二十三名。今分設甯河縣寶坻取文童十二名。甯河十一名。寶坻廩增仍照舊額。增設甯河學廩增各二十名。俟十二年後兩年一貢。其現在二縣生員查明居址。按籍分撥。又天津縣童生仍照舊額。取進文生十八名。廩增額數照縣學例。各二十名。兩年一貢。將原設州學廩增各三十名。酌留二十名於縣學。餘撥入天津府學。○十二年

諭。畿輔為天下首善之地。是以各府州縣童生入學之數。曾加恩增廣。惟宣化府屬之蔚州。從前原隸山西。廣平府屬之磁州。從前原隸河南。及改歸直隸。其入學仍照晉豫原額。又新從山西改歸易州之廣昌縣。雖係山邑。而入學之數尚不及直隸之小縣。此兩州一縣。均當酌議加增。著禮部定議具奏。欽此。遵

旨。議准。蔚州。磁州。照直隸大縣學額。取進童生十八名。廣昌縣。照直隸小縣學額。取進童生十名。○又議覆。保定。正定。二府。分設。易。定。冀。趙。深。五州。其童生入學額數。保定府學量減三名。以二歸易。一歸定。正定府學量減九名。以三歸冀。三歸趙。二歸深。一歸定。均於各州及所屬縣內取撥。奉旨。升改直隸各州入學額數。照例增設。其保定。正定。府學。仍照原額取進。不必裁減。○乾隆三年。議准。熱河地方。於雍正十一年。設立承德州。現在人文日盛。照奉天新設州學例。歲科考各取進文章六名。廩增額設各十名。俟考試後。遇歲考之年。為始。將優等生員。挨次幫補。廩增生各三名。俟十二年後。廩額補足時。三年一貢。至八溝同知四旗。通判所轄之漢人。居址相鄰。亦准其一體與考。其寄居流寓之人。令該州嚴行查禁。不得混冒。○四年。改山海衛為臨榆縣。以深河為界。河西地土村莊。歸撫甯縣管轄。河東地土村莊。即隸新設之臨榆縣管轄。其生童考試。照改隸村莊。定為籍貫。現係割歸新縣者。令赴臨榆考試。其分隸各縣者。赴所轄之縣考試。生監亦照所

居之地。撥歸各縣管轄。至取進童生。亦照改隸之籍。於各該學原額數內酌量分撥。以歸均平。從前深河以西童生。在山海衛學額內取進。今改隸撫甯。所有山海衛入學童生十八名額內。撥三名歸於撫甯縣學。共取進童生十八名。新設臨榆縣。照中學例。取進童生十五名。再昌黎。樂亭。盧龍。遵化。灤州等五州縣。各有地畝村莊。改隸臨榆。其應試童生仍未減少。如臨榆佳卷果多。酌量寬取二三名。撥入永平府學。毋庸另議加額。臨榆縣學設廩增各二十名。照縣學例。二年一貢。○七年。裁汰承德州。該學生員歸入密雲縣學考試。○九年。升遵化州為直隸州。照大學例。取進文章十八名。內定文生額三名。於所屬之玉田。豐潤。二縣酌撥州學。再玉田。豐潤。向隸永平府。今二縣改隸遵化。即將永平府學額數裁減文生三名。○十年。諭。大宛。兩縣考取生員。額多人少。實有冒濫情弊。或照勵宗萬所奏。變通辦理。或裁減額數。以收真才。著大學士等妥議具奏。欽此。遵旨。議准。向例順天府學。大興。宛平。二縣學。各取進二十

五名。原以學校首崇京邑。從優錄取。嗣因外籍之人。假託進身。遂致冒濫。自應嚴行禁止。至考取生員。府屬各州縣。俱照外府之例。一體酌撥。其地方遠近不一。考期先後不同。均由該學政通盤籌酌辦理。至大興宛平兩縣。各取二十五名。人數尚不致過多。未便遽行議減。嗣後令該學政於考試時。憑文拔取。不得濫行收錄。○十一年議准。嗣後順天府學二十五名。令該學政遵照原議。將順天閩屬州縣。一體憑文撥入府學。其大興宛平兩縣生童。仍赴通州併考。以便通同校閱酌撥。不得偏枯。○十八年議准。永平府學。仍加還原額。取進文童二十三名。○二十二年。裁汰蔚縣。歸併蔚州管轄。照江南臨淮縣歸併鳳陽之例。將原隸蔚縣住址生童。另編鄉學字樣。其取進額數。及考補廩增出貢之處。悉照舊例辦理。註明學冊。報部查覈。至蔚縣學舊存書籍等項。令專管鄉學訓導收管。並令督率鄉學士子。以專責成。○二十三年。裁汰大名府屬之魏縣。將村莊三十一處。撥入元城縣。又於大名縣界內。劃出十三村莊。亦歸入元城管轄。

其童生學額。即於魏縣原額十八名內。撥出二名。大名縣學額。文童十八名內。撥出一名。均歸入元城縣。取進。將元城縣學額。定為二十一名。大名縣學額。定為十七名。其撥贖之魏縣原額。文童十六名。照蔚縣裁併蔚州之例。查明原隸魏縣居址之生童。另編鄉學字樣。考試取進。至考補廩增出貢之處。悉照舊例辦理。註明學冊。報部查覈。○二十六年。裁汰延慶衛。歸併延慶州管轄。其延慶衛訓導一員。照蔚縣歸併蔚州之例。改為延慶州鄉學訓導。取進入學額數。及考補廩貢。悉照舊例辦理。另編鄉學字樣。歸併宣化府考試。○四十一年。

諭。朕每歲木蘭秋獮。先期駐蹕熱河。數十年來。見該處戶口日增。民生富庶。且農耕蕃殖。市肆殷闐。儼然成一都會。惟絃誦之風未盛。由於口外人多樸魯。無所師承。且未立學額。更無以示鼓舞。因思熱河各廳所屬編氓。及僑居年久者。其子弟應不乏秀良。誠能教育而振興之。未嘗不足以示造就。自宜創設義學。延師訓課。以勵文風。並當建立學宮。酌定庠額。俾得藉以上進。其如何興建籌辦各事宜。著該督周元理悉

心勘議具奏。至學校章程。並著會同學政羅源漢酌議奏聞。副朕嘉惠塞民廣學毓材至意。欽此。遵

旨議准。嗣後歲科二考。熱河一廳。每試取進文章四名。

其餘六廳。各取進文章二名。如佳卷不敷。任缺毋濫。其應試童生分額取進。統歸道學。額定廩增各十六名。每逢歲科二考。將優等生員挨次幫補廩增一二名。俟廩額補足。仍以開考之年計算。俟十二年後。始行出貢。照例三年挨貢一名。遇拔貢之年。拔取一名。○四十三年議准。承德府原定學額四名。加增二名。共取進六名。其

新設灤平。平泉。豐甯。建昌。赤峯。朝陽。六州縣原額二名。加增二名。每處取進四名。俱隸承德府學教授管轄。○嘉慶二年奏准。承德府平泉。豐甯。向各設廩生三四五名不等。灤平。建昌。赤峯。朝陽四屬。各僅一名。均於體制未合。嗣後將文風較盛之承德。平泉。豐甯三處。定為各四名。如現有五名者。扣出一名。作為虛廩。俟本籍出有廩缺。再行收復。其灤平。建昌。赤峯。朝陽四處。定為各三名。共額設廩生二十四名。於試卷內分截籍貫。按照各處考取先後充補。所有增生亦

加額八名。與廩生一例挨補。該府廩生二年一貢。於合府廩生內。通較食餼先後。按次考送。○

道光八年議准。承德府學額進六名之外。添設公額四名。於該府及所屬一州五縣內。酌量文風高下。人數多寡。公同撥取。以昭平允。○十二年。裁汰新安縣。歸併安州。其訓導衙署。改作安州鄉學衙署。移安州訓導一員駐紮。原設文章十八名額數。列入安州鄉學。仍照舊額取進。至考補廩增出貢。亦照舊辦理。○光緒四年議准。熱河圍場。設立專學。定為該處額進文章二名。

自本屆科試為始。其廩增額缺。定為各二名。出貢年分。仍於合府廩生內。通較食餼先後。按次考送。○八年議准。張家口。獨石口。多倫諾爾三廳。照各廳縣初設學校額進二名成案。分別酌量取進。至多不得過二名。以示限制。如應試人少。或文理平常。任缺無濫。即將張家口廳歸附近之萬全縣。教官兼管。獨石口。多倫諾爾兩廳。歸附近之赤城縣。教官兼管。暫取地鄰保結。五童互結收考。俟應試有人。再令該生出結認保。其廩增名數。俟人文日盛。再行設立。至文章考

試戶籍攸關。必須寄居在二十年以上者。取結造入戶冊。方准應試。仍移知各原籍。不得復回跨考。

直隸永廣學額。○大興縣學。永廣一名。臨榆縣學。永廣二名。天津府學。永廣五名。天津縣學。永廣十三名。藁城縣學。永廣二名。平鄉縣學。永廣一名。廣宗縣學。永廣一名。任縣學。永廣一名。曲周縣學。永廣一名。成安縣學。永廣一名。邯鄲縣學。永廣三名。赤峯縣學。永廣二名。南宮縣學。永廣二名。棗強縣學。永廣二名。定州學。永廣三名。

○咸豐四年

諭上年秋間賊匪竄擾天津。該處紳士捐餉集團。力捍兇鋒。義勇可嘉。允宜破格施恩。用昭激勸。所有天津府縣學額。著該部查明酌擬。加增額數具奏。欽此。遵旨議准。將天津府加永遠學額五名。附郭之天津縣加永遠學額三名。○九年。以紳富捐餉。加天津縣永遠學額四名。定州永遠學額三名。○同治四年。以紳民捐餉。加南宮縣永遠學額二名。○五年。以商民捐餉。加天津縣永遠學額六名。○又以紳民捐修城工。加棗強縣永遠學額二名。○

又以紳民捐輸。加臨榆縣永遠學額二名。○六年。以紳民捐資辦團。加赤峯縣永遠學額二名。○又以紳民捐修城工。加邯鄲縣永遠學額三名。藁城縣永遠學額二名。平鄉廣宗。任曲周。四縣。各永遠學額一名。○八年。以營員墊辦軍需。加大興縣永遠學額一名。○又以紳民捐修城垣。加成安縣永遠學額一名。

江蘇學額。○江甯府學。額進二十五名。廩生四十名。增生四十名。一年一貢。上元縣學。江甯縣學。句容縣學。各額進二十五名。廩生二十名。增生二十名。二年一貢。溧水縣學。高淳縣學。各額進二十名。廩生二十名。增生二十名。二年一貢。蘇州府學。額進二十名。廩生四十名。增生四十名。一年一貢。吳縣學。額進二十五名。廩生二十名。增生二十名。二年一貢。長洲縣學。震澤縣學。常熟縣學。新陽縣學。各額進十三名。廩生十名。增生十名。四年一貢。元和縣學。吳江縣學。昭文縣學。崑山縣學。各額進十二名。廩生十名。增生十名。四年一貢。松江

府學額進二十五名。廩生四十名。增生四十名。一年一貢。華亭縣學。婁縣學。各額進十六名。廩生十四名。增生十四名。四年一貢。上海縣學。額進十四名。廩生十二名。增生十二名。四年一貢。奉賢縣學。金山縣學。各額進十三名。廩生十一名。增生十一名。四年一貢。南匯縣學。額進十五名。廩生十四名。增生十四名。四年一貢。青浦縣學。額進二十五名。廩生二十名。增生二十名。二年一貢。常州府學。額進二十五名。廩生四十名。增生四十名。一年一貢。武進縣學。無錫縣學。荆溪縣學。各額進十二名。廩生十名。增生十名。四年一貢。陽湖縣學。金匱縣學。宜興縣學。各額進十三名。廩生十名。增生十名。四年一貢。江陰縣學。額進二十五名。廩生二十名。增生二十名。二年一貢。靖江縣學。額進二十名。廩生二十名。增生二十名。二年一貢。鎮江府學。額進二十五名。廩生四十名。增生四十名。一年一貢。丹徒縣學。丹陽縣學。金壇縣學。溧陽縣學。各額進二十五名。廩生二十名。增生二十名。二年一貢。淮安府學。額進二十三名。廩生四十名。增生四十名。一

年一貢。山陽縣學。鹽城縣學。各額進二十三名。廩生二十名。增生二十名。二年半一貢。阜甯縣學。額進十二名。廩生八名。增生八名。四年一貢。清河縣學。安東縣學。桃源縣學。各額進二十名。廩生二十名。增生二十名。二年一貢。揚州府學。額進二十名。廩生四十名。增生四十名。一年一貢。江都縣學。額進十三名。廩生十名。增生十名。四年一貢。甘泉縣學。額進十二名。廩生十名。增生十名。四年一貢。儀徵縣學。興化縣學。各額進二十五名。廩生二十名。增生二十名。二年一貢。高郵州學。額進二十五名。廩生三十名。增生三十名。三年兩貢。泰州學。額進十五名。廩生二十名。增生二十名。二年一貢。東臺縣學。額進十名。廩生十名。增生十名。三年一貢。寶應縣學。額進二十名。廩生二十名。增生二十名。二年一貢。徐州府學。額進二十名。廩生四十名。增生四十名。一年一貢。銅山縣學。額進十五名。廩生二十名。增生二十名。二年一貢。蕭縣學。沛縣學。豐縣學。碭山縣學。各額進十六名。廩生二十名。增生二十名。二年一貢。邳州學。額進二十五名。廩生三

十名。增生三十名。三年兩貢。宿遷縣學。睢甯縣學。各額進二十名。廩生二十名。增生二十名。二年一貢。太倉州學。額進十三名。廩生十五名。增生十五名。三年一貢。鎮洋縣學。額進十二名。廩生十五名。增生十五名。三年一貢。嘉定縣學。額進十三名。廩生十名。增生十名。四年一貢。寶山縣學。額進十二名。廩生十名。增生十名。四年一貢。崇明縣學。額進二十名。廩生二十名。增生二十名。二年一貢。又撥蘇州府學舊額內入學五名。在太倉州屬各學憑文取進。海州學。額進二十名。廩生三十名。增生三十名。三年兩貢。沭陽縣學。額進二十名。廩生二十名。增生二十名。二年一貢。贛榆縣學。額進十六名。廩生二十名。增生二十名。二年一貢。又撥淮安府學舊額二名。在海州屬各學憑文取進。通州學。額進二十三名。廩生三十名。增生三十名。三年兩貢。泰興縣學。額進二十五名。廩生二十名。增生二十名。二年一貢。如皋縣學。額進二十名。廩生二十名。增生二十名。二年一貢。靜海鄉學。額進十名。廩生十名。增生十名。二年一貢。又撥揚州府學舊額

五名。在通州屬各學取進。海門廳沙學。額進四名。廩生二名。增生二名。六年一貢。仍俟食餼十年後出貢。○康熙二十八年議准。江浙人文繁盛。增廣入學額數。小學十二名。中學十六名。大學二十名。府學二十五名。○雍正二年題准。太倉高郵。通泰。邳。五州。上元。江甯。句容。溧陽。長洲。吳。吳江。常熟。崑山。嘉定。華亭。婁。上海。青浦。武進。無錫。江陰。宜興。丹徒。丹陽。金壇。山陽。鹽城。江都。儀徵。泰興。興化。二十七縣。照府學額各取進二十五名。海州及溧水。高淳。崇明。清河。桃源。安東。宿遷。睢甯。沭陽。寶應。如皋。十一縣。並金山一衛。改為大學。各二十名。江浦。六合。贛榆。三縣。改為中學。各十六名。其通州所屬之海門。鄉。向另取六名。今加四名。○四年議准。長洲。震澤。常熟。新陽。各取進文生十三名。元和。吳江。昭文。崑山。各取進文生十二名。華亭。婁。上海。福泉。各取進文生十三名。奉賢。金山。南匯。青浦。各取進文生十二名。陽湖。金匱。宜興。各取進文生十三名。武進。無錫。荆溪。各取進文生十二名。太倉州及嘉定縣。各取進文生十三名。鎮洋。寶山。各取進文生

十二名。其廩增生額數。俱各半分隸。○十三年議准。江都縣原額取進文生二十五名。廩增各二十名。今分設甘泉縣。照長洲分隸元和縣之例。分取一半。江都取進文生十三名。甘泉取進文生十二名。其原額廩增各半分隸。兩縣廩增缺出。於新舊兩縣各歸挨補。現在文生。令地方官清查居址。就近分撥兩縣肄業。其原編廩糧各半分支。至出貢年分。統計二縣廩生食餼先後。照縣學二年一貢之例。挨次輪貢。俟所撥舊廩出貢完後。兩縣新補廩生各四年一貢。又山陽鹽城二縣。原額各取進文生二十五名。廩生各二十名。今新設阜甯一縣。係山陽鹽城二縣劃分。即於該二縣取進童生額內。撥歸阜甯文生各六名。計山陽鹽城各額進文童十九名。阜甯額進文童十二名。其應撥入府學者。該學政憑文撥取。山陽縣學原設廩增各撥六名。鹽城縣學廩增各撥四名。歸分設之阜甯縣學。山陽仍留廩增各十四名。鹽城各十六名。阜甯撥入廩增各十名。廩增缺出。諸生考取前列者。在各本學幫補。至出貢年分。現在山陽鹽城分撥阜

甯之廩生。各於所撥之縣挨次二年一貢。俟分撥舊廩出貢完後。新補廩生。山陽鹽城各五年二貢。阜甯四年一貢。○又議准。蘇州淮安揚州三府。分設太倉通海三直隸州。將蘇州府學童生入學額數。酌撥文生五名。歸太倉州學。揚州府學酌撥文生五名。歸通州學。淮安府學酌撥文生二名。歸海州學。○又升徐州為府。照各府學例。取進童生二十名。於所屬各州縣內取撥。設廩增各四十名。新設之學。廩額未能一時補足。俟十二年後。照府學例。一年一貢。其新設附府之銅山縣學。取進童生十五名。設廩增各二十名。於現在徐州學之廩增各三十名內。酌留二十名。餘十名。改入徐州府學。其廩生照縣學例。二年一貢。○乾隆八年。裁汰福泉縣。所有入學及廩增額數。均歸併青浦縣。照舊二年一貢。○二十一年議准。金山衛學。酌減四名。歲科兩考。各取進文生十六名。仍歸華亭縣收考。生員歸松江府學兼管。其考試時。該學政仍責成地方收考官。並廩保嚴行稽查。毋致軍民混冒。○二十二年議准。阜甯縣原由山陽鹽城二縣劃



分其學額及廩增額亦於山鹽二縣撥入廩生四年一貢。今山鹽生童改歸土著無幾將阜甯原進額內撥還山陽鹽城文生各二名額進文生八名廩增亦撥還山陽二名作為實額鹽城原撥數少毋庸撥還所遺阜甯廩增各缺於歲考後照例幫補其改歸本籍各廩增作為虛廩虛增照考案挨次頂補至出貢年分俟廩缺補足後扣算辦理。又議准通州崇明昭文之薛家永興等一十六沙毗連海濱界址交錯自改隸通州管轄後居住外沙之戶即令入通考試

惟通童與沙童斷難合一已另編沙籍生號各建棚圍考試於通州學額內撥進沙童文生二名嗣後仍照舊編明沙籍各棚考試。二十四年議准山陽縣廩生暫改為二年一貢俟將原撥阜甯改回廩生貢完日仍照例五年二貢。二十五年議准金山衛學生員改歸民籍者逾半現在廩增學額宜行酌減所有該衛學原額取進十六名減去四名定為十二名額設廩增各二十名分撥華亭婁縣上海南匯四學各一名外再酌減四名存留廩增各十二名三年一

貢其改歸各生內有原係廩增者按其年分照額補足其餘仍作為虛廩虛增該衛現存廩生內如不足十二名之數令該學政俟廩增補足後再行照例起貢。三十三年議准泰州現分設東臺縣所有泰州額進文生二十五名內分撥東臺縣十二名廩增各三十名內分撥十名三年一貢。三十四年議准東臺縣廩生改為二年一貢。三十五年議准東臺縣應考人數不及泰州三分之一嗣後歲科兩試將泰州改取文章十五名東臺改取十名。三十八年裁

汰金山衛學所有取進童生原額十二名分撥華亭婁南匯三縣各三名廩增生缺亦各三名奉賢上海金山三縣各一名廩增生缺亦各一名作為定額歲科兩考照蘇太等衛之例於冊卷填明衛籍字樣其已進之廩增附生俱撥歸住居之縣學教官就近管束廩增均先儘實缺補足餘俱作為候廩候增照例新舊間補。三十九年覆准通州沙籍生員向係分額取進其考列前茅應行幫補廩增者嗣後與通州學一例幫補。嘉慶十七年改川沙同知為撫民同

知。其生童考試仍附上南二縣冊卷填註川沙廳籍上海南匯縣人字樣以示區別而杜跨冒。○又覆准海門廳沙籍童生統計人數不過二百名。照循化廳之例。定為歲科兩試。取進文生四名。除撥通州原額文生二名外。新設文生二名。原劃及新聞沙童。悉由海門廳錄送。嗣後以四名作為定額。雖人數倍徙不得加增。至沙籍廩增各新設二名。六年一貢。新補廩生仍俟食餼十年後出貢。所有從前在通州崇明取進生員。均撥該廳學管轄。新設廩生未補之前。沙童初次考試。即令該生員等認保。俟有廩生照例辦理。嗣後沙籍童生。永不准在通州崇明冒考。通州崇明之人。亦不得轉冒沙籍。違者按律懲辦。○道光十三年覆准。通州海門鄉考試報捐。向附州學。與通崇沙地設立之海門廳本係兩籍。嗣後將海門鄉地名改為靜海鄉。以免捐考清混。○同治十一年議准。阜甯縣地廣人多。所有該縣原撥學額八名之外。再添設八名。定為學額十六名。取進。嗣後不得再請增額。以示限制。如佳卷不敷。任缺毋濫。其廩增各額亦於原

設八名之外。添設八名。統計廩增生各十六名。從前四年一貢。今改為二年半一貢。○光緒十三年議准。山陽鹽城二縣。應試人多。於阜甯縣原撥山陽鹽城二縣學額各四名內。撥還該二縣學額各二名。定為山陽鹽城學各二十三名。阜甯縣學仍符原額十二名之數。其山陽鹽城二縣廩生增生。各增為二十名。毋庸由阜甯縣撥還。以昭公允。

江蘇永廣學額。○上元縣學。永廣五名。江甯縣學。永廣五名。六合縣學。永廣八名。蘇州府學。永廣十名。吳縣學。永廣十名。長洲縣學。永廣十名。常熟縣學。永廣十名。新陽縣學。永廣四名。元和縣學。永廣十名。吳江縣學。永廣七名。昭文縣學。永廣八名。崑山縣學。永廣四名。松江府學。南匯縣學。各永廣十名。華亭縣學。奉賢縣學。各永廣一名。婁縣學。永廣四名。上海縣學。永廣十四名。金山縣學。永廣五名。青浦縣學。永廣二名。武進縣學。永廣十名。無錫縣學。永廣五名。陽湖縣學。永廣九名。金匱縣學。永廣六名。江陰縣學。永廣三名。宜興縣學。靖江縣學。各永廣二名。鎮江府

學。永廣八名。丹徒縣學。丹陽縣學。各永廣十名。  
 金壇縣學。永廣九名。溧陽縣學。永廣二名。山陽  
 縣學。永廣四名。鹽城縣學。永廣七名。清河縣學。  
 永廣三名。江都縣學。永廣十名。甘泉縣學。永廣  
 八名。儀徵縣學。永廣七名。興化縣學。永廣五名。  
 高郵州學。永廣八名。泰州學。永廣十名。東臺縣  
 學。永廣十名。寶應縣學。永廣七名。銅山縣學。永  
 廣二名。宿遷縣學。永廣一名。太倉州學。永廣六  
 名。鎮洋縣學。寶山縣學。各永廣二名。嘉定縣學。  
 永廣四名。崇明縣學。永廣十名。海州學。永廣六  
 名。沭陽縣學。永廣一名。通州學。如皋縣學。各永  
 廣十名。泰興縣學。永廣九名。海門廳。沙學。永廣  
 四名。○咸豐四年

諭。怡良許乃釗奏。署六合縣知縣溫紹原團練壯勇。製  
 備器械。於逆匪竄擾縣境。督勇堵剿。力保危城。一措  
 該縣紳董深明大義。隨同堵剿。甚為出力。應如何酌  
 量增廣學額。著該部覈議具奏。欽此。遵

旨議准。加六合縣永遠學額二名。○七年。以紳民捐輸。  
 加山陽縣永遠學額四名。東臺縣永遠學額四  
 名。興化縣永遠學額一名。○八年。以紳富捐輸。

加松江府永遠學額十名。上海縣永遠學額十  
 名。高郵州永遠學額五名。寶應縣永遠學額二  
 名。銅山縣永遠學額二名。宿遷縣永遠學額一  
 名。○九年。以紳民捐餉。加長洲縣永遠學額十  
 名。元和縣永遠學額十名。吳縣永遠學額十名。  
 如皋縣永遠學額五名。金山縣永遠學額五名。  
 青浦縣永遠學額二名。溧陽縣永遠學額二名。  
 沭陽縣永遠學額一名。奉賢縣永遠學額一名。  
 泰興縣永遠學額三名。○十年。以紳民捐餉。加  
 蘇州府永遠學額十名。華亭縣永遠學額一名。

婁縣永遠學額二名。江陰縣永遠學額三名。○  
 同治元年。以紳民捐餉。加通州永遠學額五名。  
 泰州永遠學額六名。○二年。以紳民捐餉。加甘  
 泉縣永遠學額六名。江都縣永遠學額六名。○  
 三年。以紳民捐餉。加興化縣永遠學額四名。清  
 河縣永遠學額三名。高郵州永遠學額三名。鹽  
 城縣永遠學額七名。海門廳永遠學額二名。丹  
 徒縣永遠學額十名。鎮江府永遠學額四名。靖  
 江縣永遠學額二名。海州永遠學額六名。○四  
 年。以紳民捐餉。加崇明縣永遠學額十名。撥入

太倉州永遠學額一名。撥州之額。於該州各屬	內憑文撥取。又加江都縣永遠學額四名。甘泉	縣永遠學額二名。泰州永遠學額四名。寶應縣	永遠學額五名。○又以紳民集團守城。加上海	縣永遠學額四名。寶山縣永遠學額二名。○五	年。以紳民捐餉。加太倉州永遠學額五名。鎮洋	縣永遠學額二名。通州永遠學額五名。無錫縣	永遠學額五名。金匱縣永遠學額六名。婁縣永	遠學額一名。南匯縣永遠學額十名。鎮江府永	遠學額四名。丹陽縣永遠學額十名。常熟縣永	遠學額十名。昭文縣永遠學額八名。東臺縣永	遠學額六名。○六年。以紳民捐餉。加武進縣永	遠學額十名。陽湖縣永遠學額九名。如皋縣永	遠學額五名。儀徵縣永遠學額七名。崑山新陽	二縣永遠學額各四名。嘉定縣永遠學額四名。	○七年。以紳民捐餉。加泰興縣永遠學額六名。	全壇縣永遠學額九名。吳江縣永遠學額六名。	海門廳永遠學額二名。○又以營員報效欠餉。	加吳江縣永遠學額一名。六合縣永遠學額六	名。江甯上元二縣各永遠學額五名。○八年。以
----------------------	----------------------	----------------------	----------------------	----------------------	-----------------------	----------------------	----------------------	----------------------	----------------------	----------------------	-----------------------	----------------------	----------------------	----------------------	-----------------------	----------------------	----------------------	---------------------	-----------------------

營員墊辦軍需。加婁縣永遠學額一名。○九年。	以官員捐輸墊款。加宜興縣永遠學額二名。
-----------------------	---------------------

欽定大清會典事例卷三百七十二

禮部

學校 安徽學額 安徽永廣學額 浙江學額 浙江永廣學額

安徽學額 ○安慶府學額進二十五名。廩生四十名。增生四十名。一年一貢。懷甯縣學。桐城縣學。各額進二十五名。廩生二十名。增生二十名。二年一貢。潛山縣學。太湖縣學。宿松縣學。各額進二十名。廩生二十名。增生二十名。二年一貢。望江縣學。額進十六名。廩生二十名。增生二十名。二年一貢。徽州府學。額進二十五名。廩生四十名。增生四十名。一年一貢。歙縣學。休甯縣學。婺源縣學。黟縣學。各額進二十名。廩生二十名。增生二十名。二年一貢。祁門縣學。績溪縣學。各額進十六名。廩生二十名。增生二十名。二年一貢。甯國府學。額進二十五名。廩生四十名。增生四十名。一年一貢。宣城縣學。涇縣學。各額進二十五名。廩生二十名。增生二十名。二年一貢。南陵縣學。甯國縣學。旌德縣學。太平縣學。各額進二十名。廩生二十名。增生二十名。二年一貢。池州府學。額進二十五名。廩生四十名。增生四十

名。一年一貢。貴池縣學。青陽縣學。建德縣學。各額進二十名。廩生二十名。增生二十名。二年一貢。銅陵縣學。石埭縣學。東流縣學。各額進十六名。廩生二十名。增生二十名。二年一貢。太平府學。額進二十五名。廩生四十名。增生四十名。一年一貢。當塗縣學。蕪湖縣學。各額進二十名。廩生二十名。增生二十名。二年一貢。繁昌縣學。額進十六名。廩生二十名。增生二十名。二年一貢。廬州府學。額進二十二名。廩生四十名。增生四十名。一年一貢。合肥縣學。額進二十名。廩生二十名。增生二十名。二年一貢。舒城縣學。廬江縣學。各額進十六名。廩生二十名。增生二十名。二年一貢。無為州學。額進二十名。廩生三十名。增生三十名。三年兩貢。鳳陽府學。額進二十三名。廩生四十名。增生四十名。一年一貢。鳳陽縣學。額進二十五名。廩生二十名。增生二十名。二年一貢。臨淮鄉學。懷遠縣學。定遠縣學。各額進十六名。廩生二十名。增生二十名。二年一貢。靈璧縣學。額進十二名。廩生二十名。增生二十名。二年一貢。壽州學。額進十二名。廩生十八

名。增生十八名。二年一貢。鳳臺縣學額進八名。  
 廩生十二名。增生十二名。三年一貢。宿州學額  
 進十八名。廩生二十六名。增生二十六名。三年  
 兩貢。潁州府學額進二十名。廩生四十名。增生  
 四十名。一年一貢。阜陽縣學額進十四名。廩生  
 十九名。增生十九名。二年一貢。潁上縣學。霍邱  
 縣學。太和縣學各額進十二名。廩生二十名。增  
 生二十名。二年一貢。亳州學額進十六名。廩生  
 二十四名。增生二十四名。三年兩貢。蒙城縣學。  
 額進十三名。廩生十七名。增生十七名。二年一

貢。渦陽縣學額進十名。廩生十四名。增生十四  
 名。二年一貢。滁州學額進二十名。廩生三十名。  
 增生三十名。三年兩貢。全椒縣學額進二十名。  
 廩生二十名。增生二十名。二年一貢。來安縣學  
 額進十二名。廩生二十名。增生二十名。二年一  
 貢。和州學額進二十名。廩生三十名。增生三十  
 名。三年兩貢。含山縣學額進二十名。廩生二十  
 名。增生二十名。二年一貢。廣德州學額進二十  
 五名。廩生三十名。增生三十名。三年兩貢。建平  
 縣學額進二十名。廩生二十名。增生二十名。二

年一貢。六安州學額進二十名。廩生三十名。增  
 生三十名。三年兩貢。英山縣學。霍山縣學各額  
 進十二名。廩生二十名。增生二十名。二年一貢。  
 又分撥廬州府學額三名。歸於六安州及所屬  
 憑文取進。泗州學額進二十名。廩生三十名。增  
 生三十名。三年兩貢。虹鄉學額進十二名。廩生  
 二十名。增生二十名。二年一貢。盱眙縣學。天長  
 縣學各額進十六名。廩生二十名。增生二十名。  
 二年一貢。五河縣學額進十二名。廩生二十名。  
 增生二十名。二年一貢。又分撥鳳陽府學額二

名。歸於泗州及所屬憑文取進。謹案康熙二十  
 八年增廣江浙  
 入學額數詳載。康熙五十七年議准。南陵縣  
 改為大學。取進童生二十名。○六十年議准。銅  
 陵縣改為中學。照例考取。○雍正二年議准。廣  
 德州。懷甯。桐城。宣城。涇陽。五縣。照府學額。各  
 取進童生二十五名。無為。六安。泗。宿。亳。五州。潛  
 山。太湖。宿松。黟。甯國。旌德。太平。貴池。青陽。建德。  
 當塗。蕪湖。合肥。含山。建平。十五縣。改為大學。各  
 二十名。望江。東流。繁昌。舒城。廬江。臨淮。定遠。蒙  
 城。懷遠。九縣。改為中學。各十六名。○十三年議

准。壽州分設鳳臺縣。該縣赴考生童不及壽州十分之六。入學額數應四六分取。補廩出貢亦當區別。將壽州原取進文童二十名。酌分八名。撥入鳳臺縣學。州學原設廩增各三十名。酌分十二名入縣學。州學二年一貢。縣學三年一貢。至現在生員亦應四六分隸。○又定。廬州鳳陽二府分設直隸六安。泗毫。潁四州。酌減廬州府學文童三名。撥歸六安州。酌減鳳陽府學額五名。以二歸泗。二歸潁。一歸毫。令該學政於按試時。於該州及所屬縣內憑文取撥。○乾隆二年

議准。潁州既升為府。又新設阜陽一縣。潁州府學取進童生二十名。於所屬州縣內取撥。新設附府之阜陽縣。於原設州學二十名額內減去五名。取進童生十五名。潁州府學設廩增各四十名。阜陽縣學設廩增各二十名。於原設州學廩增各三十名內。酌留二十名於阜陽縣學。餘十名。撥入潁州府學。其府學不敷之廩額。將鳳陽府撥歸潁州。並各縣學之廩生十四名。撥入府學。新設四十名額內。其餘缺額一十六名。照例於潁州府學考取優等生員。挨次幫補。增生

額亦照此取足。俟廩額補足時。先將鳳陽府撥歸之廩生。較其食餼先後。照例一年一貢。其餘年分淺者。亦陸續挨貢。阜陽縣學照例二年一貢。再潁州升府設學。亳州又改歸潁州府管轄。從前鳳陽府撥入潁州學二名。亳州學一名。仍撥還鳳陽府學。○十九年議准。臨淮縣既裁併鳳陽。其學額十六名。援照江蘇海門縣裁歸通州縣學。改為海門鄉學之例。將原隸臨邑住址生童。另編臨淮鄉字樣考試。其入學額數及廩增出貢。悉仍其舊。註明學冊。報部查覈。○四十

二年議准。泗州歲科兩考。額進文童二十名。設廩增各三十名。虹縣歲科兩考。額進文童十二名。設廩增各二十名。今虹縣裁併泗州。即照從前臨淮歸併鳳陽之例。將入學及廩增考貢名數。各照舊存留。其考試時。於泗州考案內另編鄉學字樣。照額分進考補。註明學冊。報部查覈。○同治九年議准。新設渦陽縣。係就宿州阜陽蒙城亳州地方割置。其學額照田賦勻撥。於宿州撥出二名。阜陽撥出一名。蒙城撥出三名。亳州撥出四名。定為渦陽縣學。額進十名。毋庸撥

府。仍俟該四州縣捐輸廣額定案後。再行派撥  
渦陽縣廣額。其康增各缺。亦於宿州額內。各撥  
四名。阜陽額內。各撥一名。蒙城額內。各撥三名。  
亳州額內。各撥六名。定為康增額各十四名。二  
年一貢。

安徽永廣學額。懷甯縣學。永廣九名。桐城縣  
學。永廣十名。潛山縣學。永廣十名。太湖縣學。永  
廣十一名。宿松縣學。永廣七名。望江縣學。永廣  
四名。徽州府學。永廣十名。歙縣學。永廣十二名。  
休甯縣學。永廣十三名。婺源縣學。永廣十名。祁

門縣學。永廣十二名。黟縣學。永廣十二名。績溪  
縣學。永廣八名。宣城縣學。永廣三名。南陵縣學。  
永廣五名。涇縣學。永廣十名。旌德縣學。永廣二  
名。太平縣學。永廣十一名。青陽縣學。永廣四名。  
銅陵縣學。永廣三名。石埭縣學。永廣二名。建德  
縣學。永廣二名。合肥縣學。永廣十三名。舒城縣  
學。永廣五名。廬江縣學。永廣十二名。無為州學。  
永廣十名。巢縣學。永廣三名。鳳陽縣學。永廣十  
二名。臨淮鄉學。永廣二名。懷遠縣學。永廣六名。  
定遠縣學。永廣四名。壽州學。永廣十名。鳳臺縣

學。永廣一名。阜陽縣學。永廣十名。潁上縣學。永  
廣三名。霍邱縣學。永廣三名。亳州學。永廣二名。  
太和縣學。永廣四名。滁州學。永廣二名。全椒縣  
學。永廣二名。來安縣學。永廣一名。和州學。永廣  
二名。含山縣學。永廣二名。廣德州學。永廣一名。  
六安州學。永廣十名。英山縣學。永廣五名。霍山  
縣學。永廣十名。泗州學。永廣四名。盱眙縣學。永  
廣十名。天長縣學。永廣四名。五河縣學。永廣二  
名。○咸豐四年。以士民捐資團練。殺賊克城。加  
六安州。永遠學額一名。英山縣。永遠學額一名。

○五年。以紳民團練。殺賊克城。加合肥。涇。二縣。  
永遠學額各三名。太平。歙。黟。三縣。永遠學額各  
二名。○六年。以鄉團出力。加無為。廬江。潛山。三  
州縣。永遠學額各三名。○七年。以紳民集團助  
戰。加休甯縣。永遠學額三名。祁門縣。永遠學額  
二名。○又以犒師助勦。加太湖縣。永遠學額三  
名。○又以官紳力保危城。加潁上縣。永遠學額  
三名。○九年。以捐輸軍餉。加歙。休甯。黟。三縣。永  
遠學額各十名。婺源。績溪。太平。三縣。永遠學額  
各五名。祁門縣。永遠學額三名。青陽縣。永遠學



額二名。石埭縣永遠學額一名。○又以紳民團練克復城池。加宣城南陵三縣永遠學額各三名。○十年。以營員捐餉。加滁州來安霍邱三州縣。永遠學額各一名。○又以紳民克復城池。加懷遠五河二縣。及臨淮鄉。永遠學額各二名。鳳陽縣永遠學額三名。○同治元年。以捐輸軍餉。加祁門縣永遠學額七名。婺源縣永遠學額五名。績溪太平二縣。永遠學額各三名。青陽建德二縣。永遠學額各二名。石埭縣永遠學額一名。○二年。以捐助軍餉。加盱眙縣永遠學額一名。○三年。以辦團擊賊。力保危城。加太和縣永遠學額四名。○又以歷次捐輸。加合肥縣永遠學額十名。盱眙縣永遠學額六名。桐城六安二州縣。永遠學額各五名。定遠壽州阜陽天長四州縣。永遠學額各四名。無為巢縣懷遠三州縣。永遠學額各三名。霍邱全椒和州含山泗州五州縣。永遠學額各二名。太湖宿松涇縣旌德廬江舒城鳳陽鳳臺廣德滁州十州縣。永遠學額各一名。○四年。以捐輸軍餉。加阜陽縣永遠學額二名。宿松縣永遠學額六名。望江縣永遠學額

二名。○五年。以捐輸軍餉。加潛江縣永遠學額七名。舒城六安英山三州縣。永遠學額各四名。霍山縣永遠學額三名。○六年。以捐輸軍餉。加盱眙縣永遠學額三名。桐城望江涇縣南陵泗州五州縣。各永遠學額二名。懷甯太湖太平旌德懷遠五縣。永遠學額各一名。○七年。以捐助軍餉。加桐城縣永遠學額三名。廬江縣永遠學額二名。○八年。以捐助軍餉。加鳳陽縣永遠學額八名。涇縣永遠學額四名。○九年。以紳民捐辦團練。加壽州永遠學額六名。亳州永遠學額二名。○浙江學額。○杭州府學額進二十五名。廩生四十名。增生四十名。一年一貢。仁和縣學錢塘縣學各額進二十五名。廩生二十名。增生二十名。二年一貢。海甯州學額進二十五名。廩生三十名。增生三十名。三年兩貢。富陽縣學餘杭縣學臨安縣學各額進二十名。廩生二十名。增生二十名。二年一貢。新城縣學於潛縣學昌化縣學各額進十六名。廩生二十名。增生二十名。二年一貢。嘉興府學額進二十五名。廩生四十名。增

生四十名。一年一貢。嘉興縣學秀水縣學嘉善  
 縣學海鹽縣學平湖縣學各額進二十五名。廩  
 生二十名。增生二十名。二年一貢。石門縣學桐  
 鄉縣學各額進二十名。廩生二十名。增生二十  
 名。二年一貢。湖州府學額進二十五名。廩生四  
 十名。增生四十名。一年一貢。烏程縣學歸安縣  
 學長興縣學德清縣學各額進二十五名。廩生  
 二十名。增生二十名。二年一貢。安吉縣學武康  
 縣學各額進十六名。廩生二十名。增生二十名。  
 二年一貢。孝豐縣學額進十二名。廩生二十名。  
 增生二十名。二年一貢。甯波府學額進二十二  
 名。廩生四十名。增生四十名。一年一貢。鄞縣學  
 慈谿縣學各額進二十五名。廩生二十名。增生  
 二十名。二年一貢。奉化縣學鎮海縣學各額進  
 二十名。廩生二十名。增生二十名。二年一貢。象  
 山縣學額進十二名。廩生二十名。增生二十名。  
 二年一貢。定海廳學額進十八名。廩生二十名。  
 增生二十名。二年一貢。紹興府學額進二十五  
 名。廩生四十名。增生四十名。一年一貢。山陰縣  
 學會稽縣學蕭山縣學諸暨縣學餘姚縣學各

額進二十五名。廩生二十名。增生二十名。二年  
 一貢。上虞縣學新昌縣學嵊縣學各額進二十  
 名。廩生二十名。增生二十名。二年一貢。金華府  
 學額進二十五名。廩生四十名。增生四十名。一  
 年一貢。金華縣學蘭谿縣學各額進二十五名。  
 廩生二十名。增生二十名。二年一貢。東陽縣學  
 義烏縣學永康縣學各額進二十名。廩生二十  
 名。增生二十名。二年一貢。武義縣學浦江縣學  
 湯溪縣學各額進十六名。廩生二十名。增生二  
 十名。二年一貢。衢州府學額進二十五名。廩生  
 四十名。增生四十名。一年一貢。西安縣學額進  
 二十五名。又孔氏額進二名。共二十七名。廩生  
 二十名。增生二十名。二年一貢。龍游縣學常山  
 縣學各額進二十名。廩生二十名。增生二十名。  
 二年一貢。江山縣學開化縣學各額進十六名。  
 廩生二十名。增生二十名。二年一貢。嚴州府學  
 額進二十五名。廩生四十名。增生四十名。一年  
 一貢。建德縣學淳安縣學各額進二十五名。廩  
 生二十名。增生二十名。二年一貢。遂安縣學額  
 進二十名。廩生二十名。增生二十名。二年一貢。

壽昌縣學桐廬縣學各額進十六名。廩生二十名。增生二十名。二年一貢。分水縣學額進十二名。廩生二十名。增生二十名。二年一貢。温州府學額進二十五名。廩生四十名。增生四十名。一年一貢。永嘉縣學額進二十五名。廩生二十名。增生二十名。二年一貢。樂清縣學額進十六名。廩生二十名。增生二十名。二年一貢。瑞安縣學平陽縣學各額進二十名。廩生二十名。增生二十名。二年一貢。泰順縣學額進十二名。廩生二十名。增生二十名。二年一貢。玉環廳學額進八名。廩生八名。增生八名。三年一貢。台州府學額進二十五名。廩生四十名。增生四十名。一年一貢。臨海縣學額進二十五名。廩生二十名。增生二十名。二年一貢。黃巖縣學天台縣學各額進二十名。廩生二十名。增生二十名。二年一貢。太平縣學甯海縣學各額進十六名。廩生二十名。增生二十名。二年一貢。仙居縣學額進十二名。廩生二十名。增生二十名。二年一貢。處州府學額進二十五名。廩生四十名。增生四十名。一年一貢。麗水縣學額進二十五名。廩生二十名。增生二十名。

生二十名。二年一貢。縉雲縣學額進二十名。廩生二十名。增生二十名。二年一貢。青田縣學松陽縣學龍泉縣學各額進十六名。廩生二十名。增生二十名。二年一貢。遂昌縣學慶元縣學雲和縣學宣平縣學景甯縣學各額進十二名。廩生二十名。增生二十名。二年一貢。謹案康熙二十八年議准。武義縣改為中學。照例考取。五十九年題准。西安縣孔氏本至聖嫡裔。自宋南渡遷浙。今讀書人眾。嗣後於歲科正額外取進二名。○雍正二年題准。仁和錢塘海甯嘉興秀水嘉善海鹽平湖烏程歸安德清鄭慈谿山陰會稽諸暨餘姚臨海金華蘭谿西安建德淳安永嘉麗水二十五縣。均照府學額各取童生二十五名。奉化新昌嵊天台永康常山瑞安平陽八縣。改為大學。各二十名。於潛昌化湯溪江山四縣。改為中學。各十六名。定海縣定為小學。取進十二名。○乾隆五年議准。長興蕭山二縣學。照府學例。取進文章二十五名。○二十年議准。新聞之玉環。文風漸盛。應令該撫

轉飭該同知遇收考時照直隸州例查明實在入籍王環童生。考送學臣考試。取進文章四名。如文理不稱。任缺毋濫。其取進生員。附入温州府學。一體幫補。原增應試各童。取共五人。連名互結。飭令樂清、太平二縣。原生分別認保。毋使混冒。○三十九年。改海甯縣為海甯州。安吉州為安吉縣。入學額數。仍循其舊。至原生額缺。海甯改為三十名。三年兩貢。安吉改為二十名。兩年一貢。以符州縣體制。現在安吉多補廩生十名。俟陸續缺出。改歸海甯補數。○嘉慶八年議

准。王環廳設立專學。除將原附温州府學進額之文生四名。撥回王環廳學管轄外。仍加進文生四名。共合為文生八名。以下屆歲試之年。為始。仍令該省學政察其文風。照例任缺毋濫。所有原增名數。未便抽撥。温州府學之額。量設廩增生各八名。定為三年一貢。○道光二十三年。改定海縣為直隸廳。該學取進文章原額十二名。應於甯波府學撥分三名。再加三名。定為學額十八名。原增各缺。亦照各縣學之額。增為廩生二十名。增生二十名。二年一貢。至甯波府學

原額二十五名。撥歸定海廳三名。尚存二十二名。作為該府學定額。原增額缺。均各照舊。

浙江永廣學額。○杭州府學永廣十名。仁和縣學永廣十名。錢塘縣學永廣十名。海甯州學永廣十名。富陽縣學永廣一名。餘杭縣學永廣二名。嘉興府學永廣十名。嘉興縣學永廣九名。秀水縣學永廣十名。嘉善縣學永廣七名。海鹽縣學永廣五名。平湖縣學永廣十名。石門縣學永廣四名。桐鄉縣學永廣五名。湖州府學永廣八名。烏程縣學歸安縣學永廣各十名。長興縣學

永廣四名。德清縣學永廣七名。甯波府學永廣十名。鄞縣學慈谿縣學永廣各十名。鎮海縣學永廣十名。象山縣學永廣二名。定海廳學永廣四名。紹興府學永廣十名。山陰縣學會稽縣學蕭山縣學餘姚縣學永廣各十名。諸暨縣學永廣十一名。上虞縣學永廣十名。嵊縣學永廣四名。蘭溪縣學永廣一名。東陽縣學永廣六名。義烏縣學永廣四名。永康縣學永廣五名。浦江縣學永廣四名。西安縣學永廣五名。常山縣學永廣一名。江山縣學永廣四名。開化縣學永廣一

名。高安縣學永廣一名。遂安縣學永廣一名。桐廬縣學永廣一名。永嘉縣學永廣十二名。樂清縣學永廣五名。瑞安縣學永廣五名。平陽縣學永廣七名。泰順縣學永廣一名。台州府學永廣三名。臨海縣學永廣六名。黃巖縣學永廣四名。天台縣學永廣五名。太平縣學永廣九名。甯海縣學永廣三名。仙居縣學永廣三名。麗水縣學永廣一名。縉雲縣學永廣三名。青田縣學永廣三名。龍泉縣學永廣四名。遂昌縣學永廣三名。○咸豐六年。以捐輸軍餉。加慈谿縣永遠學額十名。仁和錢塘歸安烏程四縣。永遠學額各六名。餘姚平湖二縣。永遠學額各五名。山陰會稽二縣。永遠學額各四名。秀水鄞縣二縣。永遠學額各三名。上虞鎮海二縣。永遠學額各二名。諸暨西安嵊縣海甯嘉興嘉善石門長興德清永嘉十州縣。永遠學額各一名。○七年。以捐輸軍餉。加蕭山縣永遠學額三名。烏程縣永遠學額二名。仁和海甯海鹽歸安長興鄞縣鎮海餘姚八州縣。永遠學額各一名。○九年。以捐輸軍餉。加海甯歸安鎮海三州縣。永遠學額各三名。烏

程縣永遠學額二名。鄞縣山陰蕭山諸暨上虞五縣。永遠學額各一名。○十年。以續捐軍餉。仁和錢塘二縣。連前共加永遠學額各十名。加德清縣永遠學額二名。海甯嘉興秀水嘉善平湖鄞縣鎮海山陰會稽蕭山諸暨餘姚上虞嵊縣天台義烏十六州縣。永遠學額各一名。○同治元年。以咸豐八年暨十一年紳民同仇敵愾。加西安縣永遠學額三名。○三年。以紳民辦團克復城池。加台州府學暨臨海黃巖太平甯海天台仙居等六縣。永遠學額各三名。○四年。以紳民辦團克復城池。加縉雲永康二縣。永遠學額各三名。○五年。以紳民同仇敵愾。加瑞安縣永遠學額四名。浦江縣永遠學額三名。○又以紳士捐建文廟。加永康縣永遠學額一名。○又以捐輸軍餉。加杭州府永遠學額十名。湖州府永遠學額八名。甯波府永遠學額四名。會稽蕭山二縣。永遠學額各五名。鄞縣山陰二縣。永遠學額各四名。鎮海上虞二縣。永遠學額各三名。嘉興秀水平湖長興餘姚嵊縣江山永嘉八縣。永遠學額各二

名。海甯富陽嘉善海鹽石門桐鄉定海諸暨臨  
 海蘭溪東陽義烏永康浦江西安常山開化淳  
 安桐廬遂安樂清龍泉二十二州縣。永遠學額  
 各一名。○又以紳民集團助勦。加東陽縣永遠  
 學額五名。永嘉平陽三縣。永遠學額各四名。樂  
 清遂昌龍泉青田四縣。永遠學額各三名。○七  
 年。以紳民集團助勦。克復縣城。加諸暨縣永遠  
 學額四名。○又以捐輸軍餉。加嘉興紹興兩府。  
 永遠學額各十名。甯波府永遠學額六名。太平  
 縣永遠學額六名。嘉興永嘉三縣。永遠學額各  
 五名。秀水嘉善桐鄉德清四縣。永遠學額各四  
 名。海甯海鹽定海諸暨上虞平陽六州縣。永遠  
 學額各三名。餘杭平湖石門象山臨海義烏六  
 縣。永遠學額各二名。餘姚黃巖天台樂清瑞安。  
 泰順麗水七縣。永遠學額各一名。○十年。以捐  
 輸軍餉。加江山縣永遠學額二名。

欽定大清會典事例卷三百七十三

禮部

學校 江西學額 福建永廣學額 江西永廣學額 福建學額

江西學額。○南昌府學額進二十名。廩生四十  
 名。增生四十名。一年一貢。南昌縣學新建縣學  
 豐城縣學各額進二十名。廩生二十名。增生二  
 十名。二年一貢。進賢縣學奉新縣學各額進十  
 五名。廩生二十名。增生二十名。二年一貢。義甯  
 州學額進十二名。廩生三十名。增生三十名。三  
 年兩貢。武甯縣學靖安縣學各額進八名。廩生  
 二十名。增生二十名。二年一貢。瑞州府學額進  
 二十名。廩生四十名。增生四十名。一年一貢。高  
 安縣學額進二十名。廩生二十名。增生二十名。  
 二年一貢。上高縣學額進十二名。廩生二十名。  
 增生二十名。二年一貢。新昌縣學額進十五名。  
 廩生二十名。增生二十名。二年一貢。袁州府學  
 額進二十名。廩生四十名。增生四十名。一年一  
 貢。宜春縣學額進二十名。廩生二十名。增生二  
 十名。二年一貢。分宜縣學額進十五名。廩生二  
 十名。增生二十名。二年一貢。萍鄉縣學額進十

二名。廩生二十名。增生二十名。二年一貢。萬載縣學額進十二名。外額進棚童四名。廩生二十名。增生二十名。二年一貢。臨江府學額進二十名。廩生四十名。增生四十名。一年一貢。清江縣學額進二十名。廩生二十名。增生二十名。二年一貢。新淦縣學新喻縣學峽江縣學各額進十二名。廩生二十名。增生二十名。二年一貢。吉安府學額進二十名。廩生四十名。增生四十名。一年一貢。廬陵縣學吉水縣學各額進二十名。廩生二十名。增生二十名。二年一貢。永豐縣學萬

安縣學各額進十二名。廩生二十名。增生二十名。二年一貢。泰和縣學額進十五名。廩生二十名。增生二十名。二年一貢。安福縣學額進十五名。廩生十七名。增生十七名。二年一貢。永新縣學額進十二名。廩生十七名。增生十七名。二年一貢。龍泉縣學永甯縣學各額進八名。廩生二十名。增生二十名。二年一貢。蓮花廳學額進八名。廩生六名。增生六名。二年一貢。撫州府學額進二十名。廩生四十名。增生四十名。一年一貢。臨川縣學金谿縣學各額進二十名。廩生二十

名。增生二十名。二年一貢。崇仁縣學樂安縣學各額進十二名。廩生二十名。增生二十名。二年一貢。宜黃縣學東鄉縣學各額進十五名。廩生二十名。增生二十名。二年一貢。建昌府學額進二十名。廩生四十名。增生四十名。一年一貢。南城縣學新城縣學各額進二十名。廩生二十名。增生二十名。二年一貢。南豐縣學廣昌縣學各額進十五名。廩生二十名。增生二十名。二年一貢。滋溪縣學額進八名。廩生二十名。增生二十名。二年一貢。廣信府學額進二十名。廩生四十名。增生四十名。一年一貢。上饒縣學額進二十名。廩生二十名。增生二十名。二年一貢。玉山縣學廣豐縣學鉛山縣學弋陽縣學各額進十二名。廩生二十名。增生二十名。二年一貢。貴溪縣學額進十五名。廩生二十名。增生二十名。二年一貢。興安縣學額進八名。廩生二十名。增生二十名。二年一貢。饒州府學額進二十名。廩生四十名。增生四十名。一年一貢。鄱陽縣學額進二十名。廩生二十名。增生二十名。二年一貢。餘干縣學額進十五名。廩生二十名。增生二十名。二

年一貢。樂平縣學。浮梁縣學。安仁縣學。德興縣學。萬年縣學。各額進十二名。廩生二十名。增生二十名。二年一貢。南康府學。額進二十名。廩生四十名。增生四十名。一年一貢。星子縣學。都昌縣學。建昌縣學。各額進十五名。廩生二十名。增生二十名。二年一貢。安義縣學。額進十二名。廩生二十名。增生二十名。二年一貢。九江府學。額進二十名。廩生四十名。增生四十名。一年一貢。德化縣學。湖口縣學。各額進十五名。廩生二十名。增生二十名。二年一貢。德安縣學。瑞昌縣學。彭澤縣學。各額進十二名。廩生二十名。增生二十名。二年一貢。南安府學。額進二十名。廩生四十名。增生四十名。一年一貢。大庾縣學。額進十五名。廩生二十名。增生二十名。二年一貢。南康縣學。額進十二名。廩生二十名。增生二十名。二年一貢。上猶縣學。崇義縣學。各額進八名。廩生二十名。增生二十名。二年一貢。贛州府學。額進二十名。廩生四十名。增生四十名。一年一貢。贛縣學。額進二十名。廩生二十名。增生二十名。二年一貢。雩都縣學。信豐縣學。興國縣學。會昌縣
---

學。安遠縣學。龍南縣學。長甯縣學。各額進十二名。廩生二十名。增生二十名。二年一貢。定南縣學。額進八名。廩生二十名。增生二十名。二年一貢。甯都州學。額進二十二名。廩生三十名。增生三十名。三年兩貢。瑞金縣學。石城縣學。各額進十四名。廩生二十名。增生二十名。二年一貢。康熙五十八年。改興國縣為中學。取進童生十名。雍正二年。題准。南昌新建。豐城。高安。宜春。清江。廬陵。吉水。安福。臨川。金谿。南城。新城。上饒。鄱陽。贛甯。都十七縣。照府學額。各取進童生二十名。奉新。水新。宜黃。東鄉。南豐。廣昌。貴溪。餘干。星子。都昌。建昌。德化。湖口。大庾。十四縣。改為大學。各十五名。萍鄉。峽江。玉山。安仁。安義。瑞昌。南康。石城。八縣。改為中學。各十二名。九年。議准。江西棚民。近年讀書愈眾。令地方官按入籍二十年以上。有田糧廬墓者。即在各居住之州縣考試。童生滿五十人以上。額外取進一名。百人以上。二名。二百人以上。三名。最多以四名為率。如不足五十人。令與本籍童生憑文考取。如年例不符者。不許濫行收試。至棚民取進入學以
--



後歲科兩考幫補廩增及選拔挨貢科舉均照本籍生員之例。乾隆八年議准。蓮花廳將水新安福之礮西上西二鄉統歸管轄其入學額數於水新縣撥出文章進額三名。安福縣撥出文章進額五名。文章共取進八名。廩增生各撥出六名。共廩增生十二名。歸入廳學所有生童由廳學考試。其二鄉現在生員歸廳學管理。廩生俟十年後照縣學例兩年一貢。二十年議准。信豐龍南二縣各減進額三名。歸入瑞金石城二縣。各進十五名。歲科試時。令該學政將信豐龍南多撥府學三四名。補償原額。至甯都縣升州學額不必增減。廩增額數照州學例各設三十名。三年兩貢。所有從前甯瑞石三州縣原隸贛州府學生員。查明各生籍貫州籍者改為州學。縣籍者改為縣學。至廩增各生均改為候補候增。與甯瑞石三學生員照考案先後挨次開補。二十三年。升甯都縣為直隸州。分轄瑞金石城二縣。原議將贛屬信豐龍南二縣進額十五名內各量減三名。歸入瑞金石城二縣。至甯都原額二十名。不必增減。今該州人文日盛。

向為贛郡屬邑。歲科兩試原得酌撥府學二三名。自升州以後轉無府學可撥而進額仍舊不足以昭平允。應於瑞金石城所增學額內各減一名。撥給甯都州學。俾一州兩縣均與向來府撥之數相符。二十八年議准。江西棚童向來應試數百名及百餘名者。今或僅五十名或止二三十名十餘名不等。為數既屬無多。又係年久合例。自應歸入土籍考試。萬載一縣雖有二百四十名。而通省既議歸併土籍不便獨存一縣。以致兩歧。嗣後江西省棚民均歸土籍一體考試。毋庸另立棚籍。以杜冒占。嘉慶九年議准。萬載縣棚民仍復雍正九年定例。另額取進卷面分註棚童字樣。令棚民自相互保。五十名取進一名。最多以四名為率。十年議准。萬載縣原額十二名外。加額四名。不分土籍棚籍。憑文取進。十三年議准。萬載縣土棚童試事宜。即以嘉慶十年議增之文章四名作為棚童定額。毋庸於土籍十二名合取。亦毋庸再撥府學。江西水廣學額。南昌府學水廣十五名。南昌縣學新建縣學水廣各十三名。豐城縣學水廣

十名。進賢縣學奉新縣學水廣各十名。義甯州學水廣十名。武甯縣學水廣八名。靖安縣學水廣七名。瑞州府學水廣十名。高安縣學水廣十名。上高縣學水廣十名。新昌縣學水廣十名。宜春縣學水廣十名。分宜縣學水廣六名。萍鄉縣學水廣十名。萬載縣學水廣十名。容籍二名。臨江府學水廣十名。清江縣學水廣十名。新淦縣學新喻縣學。峽江縣學水廣各十名。吉安府學水廣十名。廬陵縣學吉水縣學水廣各十名。永豐縣學萬安縣學水廣各十名。泰和縣學

安福縣學水廣各十名。永新縣學水廣九名。龍泉縣學水廣八名。永甯縣學水廣四名。蓮花廳學水廣六名。撫州府學水廣九名。臨川縣學水廣七名。金谿縣學水廣九名。崇仁縣學樂安縣學水廣各十名。宜黃縣學水廣十名。建昌府學水廣四名。南城縣學水廣十名。新城縣學水廣五名。南豐縣學水廣二名。廣昌縣學水廣十名。廣信府學水廣五名。上饒縣學水廣六名。玉山縣學鉛山縣學水廣各二名。廣豐縣學水廣三名。弋陽縣學水廣十名。貴溪縣學水廣十名。饒

州府學水廣五名。都陽縣學水廣十名。餘干縣學水廣十名。樂平縣學浮梁縣學安仁縣學德興縣學萬年縣學水廣各十名。南康府學水廣五名。星子縣學水廣七名。都昌縣學建昌縣學水廣各十名。安義縣學水廣十名。九江府學水廣十名。德化縣學湖口縣學水廣各十名。德安縣學水廣九名。瑞昌縣學水廣八名。彭澤縣學水廣十名。南安府學水廣十名。大庾縣學水廣十名。南康縣學水廣十名。上猶縣學崇義縣學水廣各八名。贛州府學水廣三名。贛縣學水廣

十名。雩都縣學信豐縣學興國縣學龍南縣學長甯縣學水廣各十名。會昌縣學水廣八名。安遠縣學水廣一名。定南廳學水廣七名。甯都州學水廣十名。瑞金縣學水廣六名。石城縣學水廣十名。咸豐四年。以守城出力。加南昌府水遠學額五名。南昌新建二縣。水遠學額各三名。○七年。以捐輸軍餉。加清江縣水遠學額五名。廬陵吉水臨川三縣。水遠學額各三名。高安安福金谿南城南豐鉛山六縣。水遠學額各二名。南昌豐城奉新新淦泰和宜黃新城廣昌上饒

南康贛安遠甯都石城十四州縣。永遠學額各一名。○九年。以捐輸軍餉。加新城縣永遠學額一名。○十年。以捐輸軍餉。加新建縣永遠學額十名。高安縣永遠學額八名。南昌新昌二縣。永遠學額各六名。豐城廬陵二縣。永遠學額各四名。清江吉水二縣。永遠學額各三名。奉新縣永遠學額二名。都昌德化金谿南城新城泰和贛七縣。永遠學額各一名。樂安縣永遠學額九名。建昌縣永遠學額十名。○十一年。以捐輸軍餉。加南昌府永遠學額五名。武甯縣永遠學額八名。湖口縣永遠學額七名。義甯州永遠學額斗名。樂平縣永遠學額十名。九江府永遠學額五名。彭澤縣永遠學額十名。新淦縣永遠學額八名。○同治元年。以捐輸軍餉。加撫州府永遠學額五名。宜黃縣永遠學額九名。廬陵縣永遠學額三名。金谿縣永遠學額二名。泰和吉水清江三縣。永遠學額各一名。甯都州永遠學額九名。南城縣永遠學額七名。上饒縣永遠學額二名。二年。以捐輸軍餉。加廣豐縣永遠學額三名。弋陽縣永遠學額三名。萬載縣永遠學額八名。

容籍永遠學額二名。○三年。以捐輸軍餉。加萍鄉縣永遠學額三名。南昌府永遠學額五名。豐城縣永遠學額五名。撫州府永遠學額四名。崇仁縣永遠學額十名。泰和縣永遠學額七名。奉新臨川二縣。永遠學額各四名。南昌縣永遠學額三名。進賢靖安新昌清江金谿樂安新城貴溪餘干安義德安贛十二縣。永遠學額各一名。南康府永遠學額四名。都昌縣永遠學額九名。建昌府永遠學額三名。廣昌縣永遠學額九名。德安縣永遠學額八名。南安府永遠學額五名。南康縣永遠學額九名。都陽縣永遠學額十名。○又以江西流寓湖南紳商捐餉。加萍鄉安福金谿三縣。永遠學額各三名。萬載玉山二縣。永遠學額各二名。○又以捐輸軍餉。加浮梁縣永遠學額十名。瑞金縣永遠學額六名。星子縣永遠學額七名。上高縣永遠學額四名。瑞州府永遠學額六名。新昌縣永遠學額三名。吉安府永遠學額二名。龍泉縣永遠學額八名。九江府永遠學額三名。德化縣永遠學額九名。○四年。以捐輸軍餉。加靖安縣永遠學額六名。蓮花廳水

遠學額六名。臨江府永遠學額五名。新喻縣永
遠學額十名。永新縣永遠學額八名。奉新縣永
遠學額三名。瑞州府永遠學額四名。零都縣永
遠學額十名。上饒縣永遠學額三名。安福縣永
遠學額五名。永甯縣永遠學額四名。萬安縣永
遠學額六名。分宜縣永遠學額八名。○五年。以
捐輸軍餉。加石城縣永遠學額九名。吉安府永
遠學額二名。永豐縣永遠學額十名。臨江府永
遠學額二名。新淦縣永遠學額一名。定南廳永
遠學額七名。九江府永遠學額二名。湖口縣永
遠學額三名。瑞昌縣永遠學額八名。贛州府永
遠學額三名。贛縣永遠學額七名。安仁縣永遠
學額十名。上高縣永遠學額六名。南安府永遠
學額五名。崇義縣永遠學額八名。○六年。以捐
輸軍餉。加興國縣永遠學額十名。萬年縣永遠
學額十名。宜春縣永遠學額十名。饒州府永遠
學額二名。德興縣永遠學額十名。萍鄉縣永遠
學額四名。峽江縣永遠學額六名。吉安府永遠
學額六名。長甯縣永遠學額十名。○七年。以捐
輸軍餉。加建昌府永遠學額一名。大庾縣永遠

學額十名。饒州府永遠學額三名。餘干縣永遠
學額九名。信豐縣永遠學額十名。吉水縣永遠
學額三名。弋陽縣永遠學額七名。○八年。以捐
輸軍餉。加永新縣永遠學額一名。○九年。以捐
辦團練。加新城縣永遠學額一名。廣信府永遠
學額五名。臨江府永遠學額三名。南康府永遠
學額一名。龍南縣永遠學額十名。貴溪。安義。進
賢三縣。永遠學額各九名。上猶縣永遠學額八
名。峽江。萬安二縣。永遠學額各四名。
福建學額。○福州府學額進二十名。廩生四十
名。增生四十名。一年一貢。閩縣學侯官縣學長
樂縣學福清縣學各額進二十名。廩生二十名。
增生二十名。二年一貢。連江縣學額進十五名。
廩生二十名。增生二十名。二年一貢。羅源縣學
閩清縣學。水福縣學各額進八名。廩生二十名。
增生二十名。二年一貢。古田縣學額進十二名。
廩生十五名。增生十五名。三年一貢。屏南縣學
額進四名。廩生五名。增生五名。四年一貢。興化
府學額進二十名。 <small>莆田縣學仙遊縣學各</small>
增生四十名。一年一貢。 <small>莆田縣學仙遊縣學各</small>

額進二十名。廩生二十名。增生二十名。二年一貢。泉州府學額進二十名。 <small>晉江撥十二名。南安等四縣撥八名。</small> 廩生四十名。增生四十名。一年一貢。晉江縣學南安縣學惠安縣學同安縣學安溪縣學各額進二十名。廩生二十名。增生二十名。二年一貢。漳州府學額進二十名。 <small>南澳同知錄送雲青二名。澳童生撥入府學一名。</small> 廩生四十名。增生四十名。一年一貢。龍溪縣學漳浦縣學海澄縣學南靖縣學平和縣學各額進二十名。廩生二十名。增生二十名。二年一貢。長泰縣學詔安縣學各額進十五名。廩生二十名。增生二十名。二年一貢。延平府學額進二十名。廩生四十名。增生四十名。一年一貢。南平縣學額進二十名。廩生二十名。增生二十名。二年一貢。順昌縣學將樂縣學沙縣學永安縣學各額進十五名。廩生二十名。增生二十名。二年一貢。尤溪縣學額進十二名。廩生二十名。增生二十名。二年一貢。建甯府學額進二十名。廩生四十名。增生四十名。一年一貢。建安縣學甌甯縣學建陽縣學崇安縣學各額進二十名。廩生二十名。增生二十名。二年一貢。浦城縣學額進十五
---

名。廩生二十名。增生二十名。二年一貢。松溪縣學額進十二名。廩生二十名。增生二十名。二年一貢。政和縣學額進八名。廩生二十名。增生二十名。二年一貢。邵武府學額進二十名。廩生四十名。增生四十名。一年一貢。邵武縣學額進二十名。廩生二十名。增生二十名。二年一貢。建甯縣學額進十五名。廩生二十名。增生二十名。二年一貢。光澤縣學泰甯縣學各額進八名。廩生二十名。增生二十名。二年一貢。汀州府學額進二十名。廩生四十名。增生四十名。一年一貢。長汀縣學上杭縣學永定縣學各額進二十名。廩生二十名。增生二十名。二年一貢。甯化縣學清流縣學歸化縣學連城縣學武平縣學各額進十五名。廩生二十名。增生二十名。二年一貢。甯甯府學額進二十名。廩生四十名。增生四十名。一年一貢。霞浦縣學額進八名。廩生十名。增生十名。福鼎縣學額進七名。廩生十名。增生十名。二縣輪流。二年一貢。福安縣學額進十五名。廩生二十名。增生二十名。二年一貢。甯德縣學額進十二名。廩生二十名。增生二十名。二年一貢。
--

壽甯縣學額進八名。廩生二十名。增生二十名。二年一貢。永春州學額進十八名。廩生三十名。增生三十名。三年兩貢。德化縣學。大田縣學。各額進十二名。廩生二十名。增生二十名。二年一貢。龍巖州學額進十八名。廩生三十名。增生三十名。三年兩貢。漳平縣學額進十五名。廩生二十名。增生二十名。二年一貢。甯洋縣學額進八名。廩生十六名。增生十六名。二年一貢。○康熙四十八年議准。直省各府學。於各州縣童生內量撥。惟福建興化府學。但撥取莆田童生。不撥仙遊。與例不符。嗣後將莆田仙遊二縣童生。同酌量撥取。○雍正二年題准。福甯州及閩侯官長樂福清莆田仙遊晉江南安惠安同安安溪龍溪漳浦海澄南靖平和南平建安甌甯建陽崇安邵武長汀上杭永定二十五縣。照府學額各取進童生二十名。連江福安二縣。改為大學。各十五名。永春德化尤溪三縣。改為中學。各十二名。○十三年。升福甯州為府。照例取進童生二十名。設廩增各四十名。一年一貢。新設附府之霞浦縣學。取進童生十五名。設廩增各二十

名。俟廩額補足之日。二年一貢。古田縣分設屏南縣。原取進童生十二名。應加四名。照小學例與屏南中分。每縣各八名。原額廩增各二十名。亦照數分撥。每縣廩增各十名。仍照縣學二年一貢之例。論年分深淺。兩縣輪流出貢。升永春縣為州。原取進童生十二名。應加文章三名。以符州學之數。廩增額數。照州學例各設三十名。三年兩貢。大田縣向係小學。邇來人文日盛。改為中學。取進童生十二名。其廩增額數仍各照舊。又龍巖州原取童生十五名。已與州學額數相符。毋庸加增。其廩增亦應照州學例各設三十名。三年兩貢。○乾隆三年議准。龍巖州人文日盛。歲科兩試文章。於原額之外。加增三名。共取進十八名。○四年議准。霞浦縣分設福鼎縣。霞浦縣原取進童生十五名。除兩縣平分外。其餘一名。仍撥歸應試人多之霞浦縣學。嗣後霞浦縣取進童生八名。福鼎縣取進童生七名。原設廩增各二十名。亦兩縣平分各十名。仍照例二年一貢。兩縣將年久廩生。照考案名次輪流出貢。如上屆霞浦貢一人。下屆福鼎貢一人。

五年議准。永春州人文加盛。應試童生多至七千名。照龍巖州之例。酌增三名。共取進童生十八名。○十一年議准。興化泉州二府入學額數。悉照定例。憑文撥入。其興化府所議三七分撥之案。泉州府所立晉江多撥之碑。均與成例不符。令該學政會同該撫。轉行各該府查明銷毀存案。○十七年

諭。據閩浙總督喀爾吉善福建巡撫陳宏謀奏稱。興化府屬莆田仙遊二縣童生。取入府學額數。向係三七分撥。前任學政吳嗣爵奏准憑文撥取。而歷次撥取。仍係三七之數。本年科試。學政馮鈞將莆田少撥二名。有童生黃天錫等羣相喧擁。懇求添撥。現在嚴飭查辦。以懲惡習等語。莆田仙遊二縣童生。取進府學。三七分撥。相沿已久。吳嗣爵之奏。未必不明知三七分撥。本無所偏枯。而姑藉此為陳奏塞責之地。部議以憑文錄士言之。似屬有理。遂照所奏覆准。逮既經定例之後。接任學政即當遵照辦理。若以吳嗣爵所奏原未允協。亦宜奏明更正。乃葛德潤任內。歷次考試。仍係三七分撥。若果專就文藝酌取。豈有悉能暗合之理。其中顯有遷就情節。該學政馮鈞此次考試。少撥

莆童二名。遂致刁童喧擁滋事。此等惡習。固應嚴加懲儆。而始事之籌畫未周。接任之因循姑息。則吳嗣爵葛德潤二人之咎。著令伊二人明白回奏。吳嗣爵已簡任道員。交與江蘇巡撫莊有恭據詞代表。○十八年議准。興化之莆田仙遊。向係三七分撥。泉州之晉江。應試童生。比各邑尤多。文風比各邑最盛。向係四六分撥。均無偏枯。自仍照舊分撥。嗣後興化府學額進童生。遵照舊例。莆田分撥十四名。仙遊分撥六名。泉州府學額進童生。亦照舊例。晉江分撥十二名。南惠同安等四縣。共分撥八名。令該學政永遠遵行。○二十九年議准。屏南一縣。本係古田所分。將該縣入學原額。以八名留於古田。八名歸於屏南。其廩增額。缺各二十名。亦均分兩學。嗣以屏南童生稀少。又令古田童生報名寄考。謂之寄屏。額取四名。其屏南本籍童生。謂之正屏。亦額取四名。又恐正屏廩保乏人。定為每逢廩增缺出。正屏寄屏輪流開補。今該縣廩生十缺。寄屏已占六缺。增生十缺。全屬寄屏。正屏並無一人。將來日久相沿。寄屏必多於正屏。於幫補未免偏枯。恐正屏各

生無由鼓勵。應將廩增十缺各分為五。兩不相占。嗣後缺出。按照正屏寄屏的籍充補。其現在多餘寄屏廩生一名。增生五名。俟事故開缺。遂漸以正屏補數。○三十一年議准。屏南縣學正屏文風遜於寄屏。憑文錄取。一等多係寄屏。其正屏列一等者。非係實廩。即名次居後。一有廩增缺出。既不能准寄屏額外多補。必至空缺久懸。漸至正屏廩保乏人。多所未便。嗣後卷面註明正寄字樣。俾衡文者可以酌取。將來廩增額缺。得以漸次補足。○三十九年議准。屏南縣原

係古田所分。嗣後將寄屏進額四名。撥歸古田縣。歲科兩試各取進十二名。廩增各十五名。屏南縣取進四名。廩增各五名。俱作為定額。刪去正寄字樣。再古屏二縣廩生從前照分學之例。兩縣輪流二年一貢。今既分隸各學。所有古田縣廩缺較多。改為三年一貢。其屏南廩生五缺。照該省小學例。定為四年一貢。

福建永廣學額。○福州府學。水廣十名。閩縣學。水廣十名。侯官縣學。水廣十名。長樂縣學。水廣十名。福清縣學。水廣十名。連江縣學。水廣五名。

羅源縣學。水廣一名。古田縣學。水廣十名。屏南縣學。水廣三名。閩清縣學。水廣八名。永福縣學。水廣八名。莆田縣學。水廣七名。仙遊縣學。水廣七名。晉江縣學。水廣十名。南安縣學。水廣三名。惠安縣學。水廣二名。同安縣學。水廣十名。安溪縣學。水廣二名。龍溪縣學。水廣十名。海澄縣學。水廣三名。詔安縣學。水廣一名。南平縣學。水廣十名。順昌縣學。水廣一名。將樂縣學。水廣二名。沙縣學。水廣六名。尤溪縣學。水廣五名。永安縣學。水廣十名。建安縣學。水廣十二名。甌甯縣學。

水廣十一名。建陽縣學。水廣四名。崇安縣學。水廣五名。浦城縣學。水廣四名。松溪縣學。水廣四名。政和縣學。水廣四名。邵武縣學。水廣三名。光澤縣學。水廣四名。建甯縣學。水廣四名。長汀縣學。水廣四名。甯化縣學。水廣五名。清流縣學。水廣一名。歸化縣學。水廣三名。連城縣學。水廣三名。上杭縣學。水廣十三名。武平縣學。水廣十名。霞浦縣學。水廣二名。福鼎縣學。水廣四名。福安縣學。水廣四名。甯德縣學。水廣九名。壽甯縣學。水廣三名。永春州學。水廣七名。德化縣學。水廣



十名。大田縣學。永廣一名。龍巖州學。永廣二名。漳平縣學。永廣四名。甯洋縣學。永廣一名。咸豐五年。以捐輸軍餉。加龍溪縣。永遠學額四名。閩侯官二縣。永遠學額各二名。同安。詔安。永安。三縣。永遠學額各一名。○七年。

福建自咸豐五年後。各屬紳民捐輸兵餉。及運津米石防勦經費。均屬踴躍急公。自應查照成案。考試廣額。以示鼓勵。著學政吳保泰。就案試府州縣確查捐數。先將應廣學額如數加取。並將銀數額數。隨時咨部查覈。○九年。以士民同仇敵愾。力保危城。加建安甌甯二縣。永遠學額各三名。○同治二年。奏准。

從前閩省辦理加廣學額。由該督撫數明捐數。造冊咨送學政先行取進。奏明在案。惟相承日久。錯誤必多。其中捐數是否相符。加額是否合例。均須確覈。方無流弊。嗣後該省加廣學額。令遵照舊章。將捐數及加廣額數。專摺奏明。俟部議覈准後。行知該省再行取進。○三年。以紳民辦團出力。加上杭縣。永遠學額三名。○九年。以捐輸軍餉。加福州府學。暨長樂。福清。古田。晉江。南平。上杭。武平。德化。八縣。永遠學額各十名。同

安。永安。建安。甯德。四縣。永遠學額各九名。閩侯。官。閩。清。水。福。甌。甯。五縣。永遠學額各七名。龍溪。沙。二縣。永遠學額各六名。連江。尤溪。崇安。甯化。四縣。永遠學額各五名。建陽。浦城。松溪。政和。光澤。建甯。長汀。福鼎。福安。漳平。十縣。永遠學額各四名。屏南。南安。海澄。邵武。歸化。連城。壽甯。七縣。永遠學額各三名。惠安。安溪。將樂。霞浦。龍巖。五州縣。永遠學額各二名。羅源。順昌。清流。大田。甯洋。五縣。永遠學額各一名。

欽定大清會典事例卷三百七十四

禮部

學校 福建臺灣學額 河南學額 福建臺灣學額 永廣學額

福建臺灣學額。臺灣府學閩籍額進十名。廩生二十名。增生二十名。三年兩貢。粵籍額進三名。廩生四名。增生四名。四年一貢。臺灣縣學彰化縣學各額進十名。廩生十名。增生十名。三年一貢。雲林縣學額進六名。廩生四名。增生四名。四年一貢。苗栗縣學額進二名。廩生二名。增生二名。六年一貢。臺南府學閩籍額進十一名。廩生二十名。增生二十名。三年兩貢。粵籍額進三名。廩生四名。增生四名。四年一貢。澎湖廳額進二名。附入府學取進安平縣學鳳山縣學各額進十五名。廩生十五名。增生十五名。二年一貢。嘉義縣學額進十二名。廩生十二名。增生十二名。五年兩貢。臺北府學閩籍額進十三名。廩生二十名。增生二十名。三年兩貢。粵籍額進五名。廩生四名。增生四名。四年一貢。番童額進一名。附入府學取進淡水縣學宜蘭縣學各額進五名。廩生四名。增生四名。四年一貢。新竹縣學額進四名。廩生四

名。增生四名。四年一貢。雍正十三年議准。彰化縣文風日盛。設廩增各十名。十年之後。四年一貢。俟人文加盛之日。再照縣學之例。題增廩額。並二年出貢一次。乾隆六年議准。粵民流寓臺灣府年久入籍者。臺屬四邑。均有戶冊可稽。應童試者七百餘人。另編為新字號於四邑內。通較粵童文字。共取進八名。附入府學。再有續出應試者。總以八名為額。俟歲科數次之後。取進人數漸多。再將應設廩增。題請定議。五十六年議准。彰化縣自雍正元年增設。並設淡水廳。其淡水廳所屬童生。即附彰化縣考試。彼時緣新設之縣。照小學額取八名。閱今六十餘載。文風日盛。於額取八名之外。加增四名。每逢歲科兩試。各取進文童十二名。其廩生出貢。即以下次歲試為始。按照食餼年分。二年一貢。以昭畫一。嘉慶十二年議准。臺灣府學額進閩籍文童二十名。粵籍文童八名。額設廩增各二十名。係粵籍與閩籍生員。一體揆補。應以原定廩增各二十名。專歸閩籍生員充補。粵籍另設廩增各八名。除將現在實廩實增撥歸新額外。

餘缺俟下屆歲科考為始。專將粵籍生員。挨次幫補。仍與閩籍生員統較。補廩日期先後出貢。並於該府學內閩籍加進文章一名。粵籍加進文章一名。四縣學內各加進文章一名。各學生員報優者。由臺灣道造冊送交福建學政。與內地各府優生一體會考。○十五年議准。臺灣府學額進文章二十一。與閩省內地各府學額進名數相同。而閩省府學廩增均各四十名。獨臺灣府學廩增僅各二十名。又臺灣鳳山嘉義彰化四縣學額進文章十三名。與閩省內地各縣中學額進名數。大略相同。而閩省縣學廩增均各二十名。惟臺屬四縣學廩增僅各十名。各省府學。如山西之甯武朔平。湖南之沅州雲南之廣南順甯等府。均設廩增各三十名。今臺灣府學除原設粵籍廩增各八名。專歸粵籍生員幫補外。其閩籍生員酌量比照。增設廩增各十名。合原設廩增各二十名。作為廩增各三十名。又福建之古田縣學。現設廩增各十五名。今臺灣鳳山嘉義彰化四縣學。酌量比照。增設廩增各五名。合原設廩增各十名。均作為廩增各十

五名。其府學一年一貢。縣學二年一貢。仍照舊例辦理。○道光八年議准。臺灣鳳山嘉義彰化四縣。應試人多。比照福建中學之額。於臺灣等四縣原額十三名外。各加進額二名。作為十五名定額。又議准。澎湖廳孤懸大海。應試文章。向附入臺灣縣學。並未明著進額。現在該廳應試文章。已及百人。與淡水廳設學之初。人數相等。另設進額二名。照粵籍例。附入府學取進。以昭畫一。○十七年題准。嘉義縣等裏溪地南各莊。劃歸臺灣縣管轄。考試人數較多。縣學學額有定。所有取進文章。責成臺灣道於撥進府學內。通融酌取。務須妥為辦理。俾免爭端。○二十二年議准。噶瑪蘭廳。向附淡水廳學取進。道路寫遠。跋涉維艱。現在人文漸盛。應試文章至三百餘名。於淡水廳額六名之外。酌加二名。以五名為淡水額。編炎字號。以三名為噶瑪蘭額。編東字號。各由該廳考取。徑送道試。至噶瑪蘭廳學額既增二名。其廩增亦各加二名。於蘭淡二廳附生內分別考補。○同治十一年議准。淡水廳噶瑪蘭廳。人文日盛。所有淡水廳學額八名。

除噶瑪蘭分進三名實止五名。今以八名專為淡水廳學額。毋庸分給噶瑪蘭廳取進。至噶瑪蘭廳另立專學。以五名為該廳學額。其廩增各缺。淡水廳仍照舊額定為廩增各六名。噶瑪蘭廳定為廩增各四名。均四年一貢。○光緒三年議准。臺灣所屬熟番。援照湖南郴州猺童取進成案。嗣後歲科考試。另編字號。於正額外量取一名。不必作為定額。如應試人少。文理平常。任缺毋濫。○四年議准。裁併淡水噶瑪蘭二廳。設臺北府。分其地為淡水新竹宜蘭三縣。創建學校。所有府學閩粵兩籍。應設定額。臺北本二廳舊地。即照二廳原額。由臺灣府學分撥三名外。再加十名。定為閩籍額進文童十三名。粵籍由臺灣府學分撥四名。再加一名。定為粵籍額進文童五名。淡水廳原額八名。分歸淡水新竹兩縣。再各加一名。定為淡水縣學額進文童五名。新竹縣學額進文童五名。噶瑪蘭廳原額五名。即作為宜蘭縣學額。毋庸再加。臺北府既設進額。廩增亦一律加增。定為閩籍廩增生各二十名。三年兩貢。粵籍由臺灣府學撥分廩增生各

四名。定為四年一貢。其淡水新竹宜蘭三縣。照粵籍例。均定為廩增生各四名。四年一貢。至臺灣府學閩籍原額二十一名。裁撥三名。定為額進文童十八名。粵籍原額九名。裁撥四名。定為額進文童五名。該府學閩籍廩增額缺。仍各照舊。粵籍廩增生原各八名。今裁撥四名。改為廩增生各四名。四年一貢。○十三年議准。臺灣建立行省。改原設之臺灣府為臺南府。臺灣縣為安平縣。復於彰化橋孜圖地方設臺灣府。劃彰化嘉義新竹縣界。設臺灣雲林苗栗三縣。建立學校。增置學額。所有臺灣府學額。於臺南府學閩籍內抽撥七名。粵籍內抽撥二名。外再加閩籍三名。粵籍一名。定為臺灣府學閩籍額進十名。粵籍額進三名。臺灣縣學額。於彰化縣學抽撥五名。再加五名。定為臺灣縣學額進十名。雲林縣學額。於嘉義縣學抽撥三名。再加三名。定為雲林縣學額進六名。苗栗縣學額。於新竹縣學抽撥一名。再加一名。定為苗栗縣學額進二名。其廩增各額。臺灣府學於臺南府學抽撥閩籍廩增各十名。再加閩籍廩增各十名。粵籍廩

增各四名。定為臺灣府學閩籍廩增額各二十名。三年兩貢。粵籍廩增額各四名。四年一貢。臺灣縣學抽撥彰化縣學廩增各五名。再加廩增各五名。定為臺灣縣學廩增額各十名。三年一貢。雲林縣學抽撥嘉義縣學廩增各三名。再加廩增各一名。定為雲林縣學廩增額各四名。四年一貢。苗栗縣學設廩增額各二名。六年一貢。臺南府學額除撥歸臺灣府學閩籍七名。粵籍二名外。尚存閩籍十一名。粵籍三名。廩增額撥歸臺灣府學各十名。尚存閩籍廩增各二十名。均作為定額。改為三年兩貢。嘉義縣學額撥歸雲林縣學三名。尚存十二名。廩增額撥歸雲林縣學各三名。尚存廩增各十二名。均作為定額。改為五年兩貢。彰化縣學額撥歸臺灣縣學五名。尚存十名。廩增額撥歸臺灣縣學各五名。尚存廩增各十名。均作為定額。改為三年一貢。新竹縣學額撥歸苗栗縣學一名。尚存四名。即作為該學定額。

福建臺灣永廣學額。○臺灣府學閩籍永廣四名。臺灣縣學永廣二名。彰化縣學永廣一名。臺

南府學閩籍永廣五名。粵籍永廣一名。安平縣學永廣二名。鳳山縣學永廣二名。嘉義縣學永廣二名。臺北府學粵籍永廣一名。淡水縣學永廣一名。新竹縣學永廣一名。宜蘭縣學永廣一名。○咸豐四年議准。臺灣遠隔重洋。所有捐輸軍餉。請廣學額。若造冊詳報。彙同內地覈辦。文報往來。動輒數月。未免稽遲。所有文章學額。即於本年科試查照取進。另摺奏報清單。以備查覈。○八年。以紳商捐助軍餉。加臺灣府閩籍永遠學額九名。粵籍永遠學額二名。彰化縣永遠學額三名。淡水臺灣鳳山嘉義四廳縣。永遠學額各二名。噶瑪蘭廳永遠學額一名。○光緒四年。以新設臺北府。裁淡水噶瑪蘭二廳。分為淡水新竹宜蘭三縣。撥咸豐八年捐助軍餉。加臺灣府學粵籍額內永遠學額一名。歸臺北府。淡水廳永遠學額二名。歸淡水新竹二縣。噶瑪蘭廳永遠學額一名。歸宜蘭縣。○十三年。以臺灣建立行省。改原設之臺灣府為臺南府。臺灣縣為安平縣。復設臺灣府暨臺灣等縣。撥咸豐八年捐助軍餉。加臺南府學閩籍額內永遠學額

四名。歸臺灣府。彰化縣永遠學額二名。歸臺灣縣。  
河南學額。開封府學額進二十名。廩生四十名。增生四十名。一年一貢。祥符縣學。杞縣學各額進二十名。廩生二十名。增生二十名。二年一貢。陳留縣學額進十二名。廩生二十名。增生二十名。二年一貢。通許縣學。鄆陵縣學中牟縣學各額進十五名。廩生二十名。增生二十名。二年一貢。尉氏縣學。洧川縣學。蘭儀縣學。滎澤縣學。滎陽縣學。密縣學。新鄭縣學各額進十二名。廩生二十名。增生二十名。二年一貢。鄭州學。禹州學各額進十五名。廩生三十名。增生三十名。三年兩貢。河陰鄉學。汜水縣學。儀封鄉學各額進八名。廩生二十名。增生二十名。二年一貢。歸德府學額進二十名。廩生四十名。增生四十名。一年一貢。高邱縣學。永城縣學。虞邑縣學各額進二十名。廩生二十名。增生二十名。二年一貢。甯陵縣學。虞城縣學。柘城縣學各額進十二名。廩生二十名。增生二十名。二年一貢。夏邑縣學額進十五名。廩生二十名。增生二十名。二年一貢。

睢州學額進二十二名。廩生三十名。增生三十名。三年兩貢。彰德府學額進二十名。廩生四十名。增生四十名。一年一貢。安陽縣學額進二十名。廩生二十名。增生二十名。二年一貢。林縣學。武安縣學各額進十二名。廩生二十名。增生二十名。二年一貢。臨漳縣學額進十五名。廩生二十名。增生二十名。二年一貢。涉縣學額進八名。廩生二十名。增生二十名。二年一貢。湯陰縣學。內黃縣學各額進十五名。廩生二十名。增生二十名。二年一貢。衛輝府學額進二十名。廩生四十名。增生四十名。一年一貢。汲縣學。新鄉縣學。延津縣學各額進十五名。廩生二十名。增生二十名。二年一貢。輝縣學。獲嘉縣學。封邱縣學各額進十二名。廩生二十名。增生二十名。二年一貢。淇縣學額進八名。廩生二十名。增生二十名。二年一貢。滑縣學額進二十三名。廩生二十名。增生二十名。二年一貢。濬縣學額進十八名。廩生二十名。增生二十名。二年一貢。考城縣學額進十二名。廩生二十名。增生二十名。二年一貢。懷慶府學額進二十名。廩生四十名。增生四十名。

名。一年一貢。河內縣學額進二十名。廩生二十  
 名。增生二十名。二年一貢。濟源縣學武陟縣學  
 孟縣學溫縣學各額進十五名。廩生二十名。增  
 生二十名。二年一貢。陽武縣學修武縣學原武  
 縣學各額進十二名。廩生二十名。增生二十名。  
 二年一貢。河南府學額進十七名。廩生四十名。  
 增生四十名。一年一貢。洛陽縣學額進二十名。  
 廩生二十名。增生二十名。二年一貢。偃師縣學  
 額進十五名。廩生二十名。增生二十名。二年一  
 貢。孟津縣學宜陽縣學登封縣學永甯縣學新

安縣學高縣學各額進十二名。廩生二十名。增  
 生二十名。二年一貢。鞏縣學澠池縣學各額進  
 八名。廩生二十名。增生二十名。二年一貢。南陽  
 府學額進二十名。廩生四十名。增生四十名。一  
 年一貢。南陽縣學唐縣學內鄉縣學新野縣學  
 舞陽縣學葉縣學各額進十五名。廩生二十名。  
 增生二十名。二年一貢。南召縣學泌陽縣學鎮  
 平縣學各額進十二名。廩生二十名。增生二十  
 名。二年一貢。鄧州學裕州學各額進十五名。廩  
 生三十名。增生三十名。三年兩貢。桐柏縣學浙

川廳學各額進八名。廩生二十名。增生二十名。  
 二年一貢。汝甯府學額進十六名。廩生四十名。  
 增生四十名。一年一貢。汝陽縣學上蔡縣學各  
 額進十五名。廩生二十名。增生二十名。二年一  
 貢。新蔡縣學西平縣學遂平縣學羅山縣學各  
 額進十二名。廩生二十名。增生二十名。二年一  
 貢。信陽州學額進十五名。廩生三十名。增生三  
 十名。三年兩貢。確山縣學正陽縣學各額進八  
 名。廩生二十名。增生二十名。二年一貢。陳州府  
 學額進二十名。廩生四十名。增生四十名。一年

一貢。淮甯縣學西華縣學各額進十五名。廩生  
 二十名。增生二十名。二年一貢。商水縣學項城  
 縣學沈邱縣學扶溝縣學各額進十二名。廩生  
 二十名。增生二十名。二年一貢。太康縣學額進  
 二十名。廩生二十名。增生二十名。二年一貢。許  
 州學額進二十名。廩生三十名。增生三十名。三  
 年兩貢。臨潁縣學長葛縣學各額進十二名。廩  
 生二十名。增生二十名。二年一貢。襄城縣學鄆  
 城縣學各額進十五名。廩生二十名。增生二十  
 名。二年一貢。汝州學額進十五名。廩生三十名。

增生三十名。三年兩貢。魯山縣學。郟縣學各額  
 進十二名。廩生二十名。增生二十名。二年一貢。  
 寶豐縣學。伊陽縣學各額進八名。廩生二十名。  
 增生二十名。二年一貢。陝州學額進十五名。廩  
 生三十名。增生三十名。三年兩貢。靈寶縣學額  
 進十五名。廩生二十名。增生二十名。二年一貢。  
 閿鄉縣學額進十二名。廩生二十名。增生二十  
 名。二年一貢。盧氏縣學額進八名。廩生二十名。  
 增生二十名。二年一貢。又撥河南府舊額內入  
 學三名。歸陝州及所屬取進。光州學額進十七  
 名。廩生三十名。增生三十名。三年兩貢。固始縣  
 學。光山縣學。商城縣學各額進十七名。廩生二  
 十名。增生二十名。二年一貢。息縣學額進十五  
 名。廩生二十名。增生二十名。二年一貢。又撥汝  
 甯府舊額內入學四名。歸光州及所屬取進。  
 康熙四十二年。改考城。柘城。溫。登封。四縣小學  
 為中學。各取進童生十二名。四十八年。改陝  
 州。葉縣為大學。各取進童生十五名。五十九  
 年。改襄城縣為大學。取進童生十五名。雍正  
 二年。題准。陳。睢。一州。祥符。杞。太康。商。邱。永。城。鹿

邑。安陽。河內。洛陽。九縣。照府學額各取進童生二  
 十名。陳留。通許。中牟。西華。臨。漳。濟。源。武。陟。孟。溫。偃  
 師。靈。寶。十一縣。改為大學。各取進童生十五名。蒙  
 陽。原。武。長。葛。臨。潁。四縣。改為中學。各取進童生十  
 二名。五年議准。昨城。延津。二縣。向均係小學。各  
 取進童生八名。今昨城。裁歸延津。將延津縣改為  
 大學。照例取十五名。至縣學廩額各二十名。二年  
 一貢。今兩縣歸併現廩四十名。若仍照常二年一  
 貢。未免壅滯。嗣後於出貢之年。出貢二名。其廩  
 缺。停其頂補。俟扣去二十名後。仍照縣學例。二  
 年一貢。廩生缺出。即行頂補。十三年議准。河  
 南府分設直隸陝州。汝甯府分設直隸光州。河  
 南府學量減三名。撥歸陝州。汝甯府學量減四  
 名。撥歸光州。又升陳州許州為府。各取進童  
 生二十名。於所屬縣內取撥。均設廩增各四十  
 名。自乾隆元年歲考為始。將優等生員挨次幫  
 補。俟十二年後。廩額補足時。照府學例。二年一  
 貢。新設附府之淮甯。石梁。二縣。各取進童生十  
 五名。將原設州縣廩增各三十名。酌留縣學各  
 二十名。以符縣學額設之數。其廩生出貢。均照



縣學例二年一貢。其餘廩增各十名。撥入各府學額設四十名內。○乾隆元年議准。新設南召縣。照中學例取進童生十二名。設廩增各二十名。候廩額補足之日。照例二年一貢。○二年議准。南陽縣分設南召縣。既另立學。取進童生十二名。設廩增各二十名。其南陽縣原取進童生二十一。即減去六名。仍存十五名。原設廩增各三十名。減去十名。以符縣學之數。如減去十名內有應撥南召者。即補入新設二十名額內。若籍隸南陽。將年分淺者。作為南陽縣學候廩候增。再經考試。照例新舊開補。○七年議准。許州府仍改為直隸州。但應試童生三倍於前。仍照府學例取進二十名。○三十年議准。河陰縣歸併滎澤縣。照江南臨淮直隸魏縣之例。將河陰縣教諭。改為河陰鄉學教諭。其歲科兩試取進名數。及幫補廩增出貢選拔。均循其舊。生童試卷。另編為鄉學字樣。○三十七年議准。內黃縣應試童生。僅二百餘人。湯陰縣應試童生。六百餘人。文風較勝。將內黃進額裁減三名。增入湯陰縣。兩學額數。均各取進十五名。○四十九

年。改儀封縣為撫民通判。額進文章十二名。減去四名。定為八名。其空額四名。撥入睢州二名。考城縣二名。○又覆准。歸德府屬之考城縣。開封府屬之封邱縣。改隸衛輝府管轄。陽武縣改隸懷慶府管轄。其封邱縣舊撥府學生員。應歸懷慶府學考試。陽武縣舊撥府學生員。應歸懷慶府學考試。考城縣舊撥府學生員。住居隄南村莊者。已歸睢州管轄。仍在歸德府學考試。至現隸考城各生。應歸衛輝府學考試。其舊撥府學廩增。查照所改之學。作為虛廩虛增。與各本學生員。照考案新舊開補。仍較食餼年分。一體出貢。○道光四年議准。儀封廳裁併蘭儀。該學歲科仍額進文章八名。設廩增各二十名。二年一貢。生童試卷。另編鄉學字樣。○十二年奏准。浙川縣原設學額八名。廩增各二十名。二年一貢。今改為浙川廳。學額悉仍其舊。○十七年議准。考城縣學原額十四名。撥歸光州州屬二名。○又議准。陽武縣學原額十五名。撥歸光州州屬三名。○又議准。陳留縣學原額十五名。撥歸光州州屬三名。

河南永廣學額。開封府學水廣十二名。祥符	縣學水廣十二名。杞縣學水廣二名。通許縣學	永廣一名。尉氏縣學水廣五名。鄆陵縣學水廣	四名。中牟縣學水廣三名。蘭儀縣學水廣一名。	鄭州學水廣二名。汜水縣學水廣二名。禹州學	永廣二名。密縣學水廣二名。商邱縣學水廣四	名。甯陵縣學水廣一名。鹿邑縣學水廣一名。睢	州學水廣二名。汲縣學水廣一名。新鄉縣學水	廣一名。輝縣學水廣一名。延津縣學水廣一名。	滑縣學水廣三名。封邱縣學水廣一名。懷慶府	學水廣五名。河內縣學水廣八名。濟源縣學水	廣一名。修武縣學水廣六名。武陟縣學水廣四	名。孟縣學水廣三名。溫縣學水廣八名。陽武縣	學水廣二名。洛陽縣學水廣二名。偃師縣學水	廣一名。鞏縣學水廣二名。宜陽縣學水廣三名。	登封縣學水廣四名。永甯縣學水廣一名。新安	縣學水廣三名。嵩縣學水廣一名。南陽縣學水	廣一名。桐柏縣學水廣一名。鄧州學水廣八名。	內鄉縣學水廣四名。舞陽縣學水廣一名。葉縣	學水廣三名。汝陽縣學水廣六名。上蔡縣學水
---------------------	----------------------	----------------------	-----------------------	----------------------	----------------------	-----------------------	----------------------	-----------------------	----------------------	----------------------	----------------------	-----------------------	----------------------	-----------------------	----------------------	----------------------	-----------------------	----------------------	----------------------

廣一名。正陽縣學水廣二名。新蔡縣學水廣三	名。遂平縣學水廣一名。信陽州學水廣二名。羅	山縣學水廣二名。淮甯縣學水廣八名。西華縣	學水廣二名。商水縣學水廣二名。項城縣學水	廣二名。沈邱縣學水廣三名。太康縣學水廣五	名。扶溝縣學水廣三名。許州學水廣五名。襄城	縣學水廣三名。郟城縣學水廣一名。汝州學水	廣四名。魯山縣學水廣一名。郟縣學水廣四名。	寶豐縣學水廣二名。陝州學水廣一名。盧氏縣	學水廣一名。光州學水廣六名。光山縣學水廣	八名。固始縣學水廣十名。息縣學水廣五名。商	城縣學水廣六名。○咸豐三年。以士民嬰城固	守。尤為出力。加懷慶府永遠學額五名。河內縣	永遠學額三名。開封府永遠學額三名。祥符縣	永遠學額二名。許州永遠學額三名。○七年。以	捐輸軍餉。加祥符縣永遠學額九名。淮甯。溫。二	縣。永遠學額各四名。固始縣。永遠學額二名。尉	氏。蘭儀。甯陵。睢。河內。濟源。武陟。孟。洛陽。宜陽。新	安。西華。項城。太康。扶溝。許。商。城。十七州縣。永遠	學額各一名。○八年。以紳民捐資團練。加沈邱
----------------------	-----------------------	----------------------	----------------------	----------------------	-----------------------	----------------------	-----------------------	----------------------	----------------------	-----------------------	----------------------	-----------------------	----------------------	-----------------------	------------------------	------------------------	------------------------------	-----------------------------	-----------------------

縣永遠學額三名。○十年。以捐輸軍餉。加光州  
永遠學額一名。固始縣永遠學額三名。鄧州永  
遠學額六名。汝陽縣永遠學額六名。葉縣永遠  
學額三名。中牟商邱河內淮甯襄城光山六縣。  
永遠學額各二名。祥符祀通許。鄆陵尉氏。睢孟。  
新安鞏南陽內鄉舞陽上蔡新蔡羅山正陽西  
華商水項城太康扶溝鄆城汝。邲寶豐盧氏。二  
十六州縣。永遠學額各一名。○又

諭。江南提督李世忠以餉抵捐。實屬好義急公。所有光  
州及固始縣學。著各加廣定額四名。○同治元年。以  
捐輸軍餉。加鄆陵宜陽登封信陽淮甯汝州邲。  
光山八州縣。永遠學額各二名。禹州商邱鹿邑  
河內武陟溫陽武洛陽新安嵩。鄧遂平羅山。正  
陽魯山寶豐光。固始息。十九州縣。永遠學額各  
一名。○又

諭。安徽五河縣城。經江南提督李世忠捐修。數逾十萬  
餘兩。既據聲明不敢仰邀獎敘。所有河南光山息縣  
商城三縣。著各加廣學額四名。另捐輸京餉銀米。合  
銀五萬五千餘兩。著照所請。河南開封府學。著加廣  
學額五名。○二年。以捐墊勇糧。加太康縣永遠學額

三名。○又以捐輸軍餉。加開封府學永遠學額  
四名。鄧州永遠學額一名。○又以捐修城垣。加  
修武縣永遠學額六名。內鄉縣永遠學額三名。  
○六年。以紳民捐輸軍餉。加新蔡縣永遠學額  
二名。○七年。以捐輸軍餉。加尉氏滑溫二縣。永  
遠學額各三名。密。汜水武陟。登封四縣。永遠學  
額各二名。杞鄆陵。鄆。商邱。汲。新鄉。延津。輝。封。  
邱。河內。孟。陽武。偃師。永甯。鞏。商水。扶溝。許。襄城。  
汝。邲。陝。商城。二十四州縣。永遠學額各一名。○八  
年。以捐修城工。加中牟縣永遠學額一名。○八  
年。以捐修城工。加桐柏縣永遠學額一名。○九  
年。以捐修城工。加鄭州永遠學額一名。

